


# গিরিশ-গ্রন্থাবলী

দশম ভাগ



গিরিশচন্দ্র ঘোষ-বিরচিত



কলিকাতা, বাগবাজার, ১৩ নং বসুপাড়া লেন,  
‘গিরিশ-ভবন’ হইতে  
শ্রীসুরেন্দ্রনাথ ঘোষ কর্তৃক প্রকাশিত।

ফাল্গুন,—১৩৩৭ সাল

প্রকাশক—**শ্রী সুরেন্দ্রনাথ ঘোষ,**  
“গিরিশ-ভবন”

১৩নং বহুপাড়া লেন—কলিকাতা।

---

**N.S.S.**

Acc. No. 5620

Date 15.2.72

Item No. B/B 3397

Don by

### প্রাপ্তি-স্থান—

‘গিরিশ-ভবন’—১৩নং বহুপাড়া লেন, বাগবাজার, কলিকাতা।

গুরুদাস চট্টোপাধ্যায় এণ্ড সন্স, ২০৩।১।২ নং কর্ণওয়ালিস স্ট্রীট, কলিকাতা,  
ও অগ্রাণ্ড প্রধান প্রধান পুস্তকালয়।

---

প্রিণ্টার—**শ্রীশশিভূষণ পাল**

মেট্রিকাল্ প্রেস

১৫ নং নয়ানটাদ দস্ত স্ট্রীট, কলিকাতা।



# সূচীপত্র

বিষয়		পৃষ্ঠা-
১। বলিদান	( সামাজিক নাটক )	১
২। নসীরাম	( ভগবদাক্যমূলক নাটক )	৭৪
৩। মনের মতন	( মিলনাস্ত নাটক )	১২১
৪। পারস্য-প্রসূন বা পারিসানা	( গীতি-নাট্য )	১৮৪
৫। মণিহরণ	( পৌরাণিক গীতি-নাট্য )	২১৬
৬। সপ্তমীতে বিসর্জন	( পূজার পঞ্চরং )	২৩১
৭। রাণা প্রতাপ	( অসম্পূর্ণ ঐতিহাসিক নাটক )	২৪৪
৮। সাধের বউ	( অসমাপ্ত সামাজিক নাটক )	২৬০
৯। ধর্ম		২৭৩
১০। বিশ্বাস		২৭৮
১১। গুরু শ্রী শ্রীরামকৃষ্ণ পরমহংস		
( ১ ) গুরুর প্রয়োজন	...	২৮০
( ২ ) “তাও বটে--তাও বটে”	...	২৮২
( ৩ ) নিশ্চেষ্ট অবস্থা	...	২৮৩
১২। বৈষ্ণবী	( ঐতিহাসিক নাটক )...	২৮৬



# অহাৰুি গিৰিশচন্দ্ৰ ঘোষ-প্ৰণীত

নিয়লিখিত গ্ৰন্থগুলি স্বতন্ত্ৰাধাৰে পাওয়া যায়।

১। অশোক (ঐতিহাসিক নাটক। বিশ্ববিদ্যালয়ের বি.এ. ও এম.এ. শ্ৰেণীৰ পাঠ্য) ১২	১৩। প্ৰতিধ্বনি (গিৰিশচন্দ্ৰৰচিত ষাবতীয় কবিতা-সংগ্ৰহ) সুন্দৰ বাঁধাই ৫০ অবাঁধাই ১০০
২। প্ৰহ্লাদ (সামাজিক নাটক। বিশ্ববিদ্যালয়ের বি.এ. ও এম.এ. শ্ৰেণীৰ পাঠ্য) ১২	১৪। নিলম্বল ঠাকুৰ (প্ৰেম ও বৈরাগ্য- মূলক নাটক) ১২
৩। নলিদান (সামাজিক নাটক) ১২	১৫। মনের মতন (মিলনান্ত নাটক) ৫০
৪। প্ৰহলাদী (ঐ) ১২	১৬। দাসৰ (ঐ) ১০
৫। শাস্তি কি শাস্তি? (ঐ) ১২	১৭। আবুহোসেন (গীতি-নাট্য) ১০০
৬। জনা (পৌৰাণিক নাটক) ১২	১৮। মণিহৰণ (ঐ) ১০
৭। শঙ্কৰাচাৰ্য (ঐ) ১২	১৯। দেলদাৰ (ঐ) ১০
৮। বুদ্ধদেব-চৰিত (ঐ) ১২	২০। আলাদিন (ঐ) ১০
৯। তপোবল (ঐ) ১২	২১। বেল্লিক-বাজাৰ (প্ৰহসন) ১০০
১০। পাণ্ডব-গৌৰব (ঐ) ১২	২২। আননা (ঐ) ১০
১১। পাণ্ডবের অজ্ঞাতনামা (ঐ) ১২	২৩। মাদাম-কা-ত্যাৰমা (ঐ) ১০০
১২। ভাস্তি (আলৌকিক নাটক) ১২	২৪। ছটাকা (নূতন প্ৰকাশিত প্ৰহসন) ১০০

## শ্ৰী অৰিনাশচন্দ্ৰ গঙ্গোপাধ্যায়-প্ৰণীত ও সম্পাদিত

১। মেঘনাদ বধ (নটপুৰা গিৰিশচন্দ্ৰ কঙ্ক নাটকগাৰে প্ৰতিত মাহকালের মহাকাব্য) ৫০	৪। চাঁদে-চাঁদে (গীতিনাট্য) ১০
২। নান্ মানী (সামাজিক প্ৰহসন) ১০০	৫। শিন-চতুৰ্দশী (ঐ) ১০০
৩। ওলোট-পালোট (ঐ) ১০০	নাতিশতক বা চাণকা-শ্লোক (বেঙ্গল প্ৰভুমেটের অনুবাদিত খুলপাঠ্য) ১০০

## ৰঙ্গালয়ের রঙ্গ-কথা

নাট্যাচাৰ্য্য অমৃতলাল বসু-লিখিত ভূমিকা সহ

## শ্ৰী অৰিনাশচন্দ্ৰ গঙ্গোপাধ্যায় প্ৰণীত

এই গ্ৰন্থখনে ১৩৩৩ ৰঙ্গাল গল্পের বহিঃ—সুন্দৰ সিন্ধের বাঁধাই,—মূল্য ১১০ দেড় টাকা।

"পুস্তকখানি পঢ়া কৰিতে অৰুস্ত কৰিলে নিঃশেষ না কৰিয়া উঠিঃ পাবিবেন না, এ কথা আমরা নিঃসন্দেহে বলিতে পারি; পুস্তকখানির  
ছাপা, কপাৰ ও বাঁধাই ভাল এবং ভাষার উপর বহু অভিনেতা ও অভিনেত্ৰীৰ চৰিত্ৰ ও হাতে সন্নিবেশিত হইয়াছে।" বহুমতী (৬ই পৌষ, ১৩৩০)

"Being the only mentionable biographer of our late great actor-dramatist Girish Chandra Ghosh the  
author needs no introduction to our readers. In the present volume he has brought in existence a long-felt  
desideratum of the Bengali literature in as much as the treatise supplies us with so many touches of light wit  
and rippling humour our social life is badly wanting in."

Forward (6th March, 1924.)

"ৰঙ্গ-গল্প এখন এককল্প উলিয়া যাইতে বসিয়াছে; এ সময় অৰিনাশবাবু এই বইখানি ছাপাইয়া পাঠক-পাঠিকাগণকে দুই দণ্ড আমোদ  
উপভোগ কৰিবায় সুযোগ ওদান কৰিয়া ধন্যবাদাই হইয়াছেন। তিনিৰ হিসাবে দেড় টাকা মূল্য খুব কমই হইয়াছে।" ৰায় শ্ৰীজলধৰ সেন বাহাদুৰ

(ভাৰতবৰ্ষ, পৌষ, ১৩৩০)

গুৰুদাস চট্টোপাধ্যায় এণ্ড সন্স,

২০৩, ২১২ বৰ্ণভয়ালিঙ্গ ষ্ট্ৰীট—কলিকাতা।

# বলিদান

( সামাজিক নাটক )

[ ১৩১১ সাল, ২৬শে চৈত্র, মিনার্ভা থিয়েটারে প্রথম অভিনীত ]

উৎসর্গ



পণ্ডিত প্রবর মাননীয়

শ্রীযুক্ত সারদাচরণ মিত্র

সহদয়েষু—

মহোদয়,

এই নাটকখানি মহাশয়ের আদেশে রচিত। পরীক্ষার্থে সর্বিনয়ে মহাশয়কে অর্পণ করিলাম। কঠিন পরীক্ষা। পঠনশায়, উচ্চ প্রতিভায়, সহযোগিগণের প্রতিদ্বন্দ্বিতা নিরাশ করিয়াছিলেন। সংসার-পরীক্ষায়, উত্তরোত্তর নিজ গৌরব বর্ধন পূর্বক বিচারপতির আসন গ্রহণ করিয়াছেন। তবে নট ও নাট্যকারের উৎসাহবর্ধন মহাশয়ের স্বভাবসিদ্ধ। যৌবনাবস্থায়, রক্তমঞ্চ হইতে “নিমটাদ” রূপে দর্শকমণ্ডলীর মধ্যে, মহাশয়ের প্রথম দর্শন পাই। তদবধি আমি মহাশয়ের অনুকম্পাভাজন। সেই অনুকম্পাই, এস্থলে আমার উকীল। বিচারপ্রার্থীর অবস্থায়, মহাশয়ের সমীপে উপস্থিত—

অমুগত

শ্রী গিরিশচন্দ্র ঘোষ

# চরিত্র

পুরুষ

করুণাময় বড়	... গৃহস্থ ভদ্রলোক।
রূপচাঁদ মিত্র	... জনৈক ধনাঢ্য ব্যক্তি।
তুলাচাঁদ	... এই চরিত্রের আত্মদে পুত্র।
মোহিত হমোহন মিত্র	... করুণাময়ের বড় জামাতা।
ঘনশ্যাম মিত্র	... করুণাময়ের ধনাঢ্য প্রতিবেশী।
কিশোর	... ঘনশ্যামের পুত্র।
কামাধনিক	... ঘটক।
রমানাথ	... মোহিতের দূরসম্পর্কীয় মাতুল।
নানিন	... করুণাময়ের পুত্র।
মুকুন্দলাল সরকার	... করুণাময়ের মধ্যম জামাতা।
মৃগাক ও শশাক	... মুকুন্দলালের প্রথমপক্ষের পুত্রদ্বয়।
রাধাকান্ত	... ঘনশ্যামের জামাতা।

( ভাবিনীর স্বামী )

বান্ধবসমিতির সভাপতি, উকীল, ইন্স্পেক্টর, জমাদার, পুরো-  
হিত, মুদা, গোয়ালী, মনেশওয়ালী, শালওয়ালী, বেলিফ,  
পানওয়ালী, হীরে, ছদ্মবেশী অক্ষ ও খঞ্জ, পরমাণিক, পাহারা-  
ওয়ালী, বসায়ী ও কন্যাবাহিনী, উড়ে বেহারাপণ  
হত্যাদি।

স্ত্রী

সরস্বতী	... করুণাময়ের স্ত্রী।
যশোমতী	... রূপচাঁদ মিত্রের স্ত্রী।
রাজেশ্বরী	... ঘনশ্যামের স্ত্রী।
জ্যোতিষ্মতী	... রমানাথের অপর চিত্রিতা স্ত্রী।
মাতঙ্গিনী	... মোহিত হমোহনের মাতা।
কিরণময়ী	... করুণাময়ের প্রথম কন্যা।
হিরণময়ী	... এই দ্বিতীয় কন্যা।
জ্যোতিষ্ময়ী	... এই তৃতীয় কন্যা।
ভাবিনী	... ঘনশ্যামের কন্যা।

প্রতিবেশিনীগণ, রামা ঘটক, কিরণ, কলুবউ, গোয়ালিনী,  
নীচজাতীয় স্ত্রীগণ, ছদ্মবেশিনী বিধবা ইত্যাদি।

সংযোগস্থল—কলিকাতা।

## প্রথম অঙ্ক



### প্রথম গর্ভাঙ্ক

করুণাময়ের অন্তঃপুর-সংলগ্ন বহির্কাটির ঘর

করুণাময় ও সরস্বতী।

সরস্বতী। এখন কেমন আছ ?

করুণাময়। ভাল, কিরণ কোথা ?

সর। কাল সমস্ত রাত তোমায় বাতাস ক'রেছিল, এই  
ভোরের বেলায় আমি তারে একটু শুতে ব'লেছি ; যাবে না,  
আমি তারে জোর ক'রে পাঠিয়েছি।

করুণা। কিরণ আমায় বাতাস ক'চ্ছিল, আমি কি  
ক'রেছি জান ?

সর। কাল তোমার বড্ড অস্থখ গিয়েছে, সমস্ত রাত  
ছট্‌ফট্‌ ক'রেছ।

করুণা। আমি বাপ হ'য়ে তার মৃত্যু-কামনা ক'রেছি।

সর। ছিঃ ছিঃ—ও কথা মুখে এনো না। কিরণকে  
তুমি যা ভালবাস, আমি তা বাসি না।

করুণা। তুমি বুঝতে পাচ্ছ না, সত্যই মৃত্যু-কামনা  
ক'রেছি। কিরণ আমাদের শত্রু, কিরণ হ'তে সর্বনাশ  
হবে। ওঃ, কন্যাদায়—কন্যাদায় ! গৃহস্থ-ঘরে কি সর্বনাশ !

সর। তুমি কেন আর অত ভাবছ, বর কি আর জুটবে  
না ?

করুণা। ওঃ, কি চমৎকার ! যে কিরণকে আফিসে  
কাজ ক'রতে ক'রতে মনে হ'তো, ছুটে গিয়ে একবার দেখে  
আসি, যে কাছে না ব'সলে আমার খাওয়া হ'তো না, যার  
প্রফুল্ল মুখ দেখে আমার সাধ মিটতো না, সেই কিরণ সামনে  
এলে আমার বুকের রক্ত শুকিয়ে যায়।

সর। হ্যাঁগা, তোমার সব বাওচালি ! তুমি অত ভাব  
কেন ? মেয়ে কি কারো হয় না ? বর কি আর জুটবে না ?

করুণা। মেয়ে হয়, কিন্তু এমন স্নেহ-পুত্রলি মেয়ে

আর কার আছে? আহা! কিরণ আমা ভিন্ন জানে না। এই বালিকা, আমার একটু অসুখ দেখে সমস্ত রাত বাতাস ক'রেছে, আমার মুখ ভার দেখলে কিরণের চোখে জল আসে, সেই কিরণকে আমি কার ঘরে বিলিয়ে দেব! ওঃ, দুনিয়ায় টাকাই সর্বস্ব! হায় হায়, যদি বঙ্গজ প্রভৃতি কায়স্থের সঙ্গে বিবাহ-প্রথা চলন হয়, তা হ'লে বোধ হয় অনেকটা সুবিধা হয়। কিন্তু সমাজ তা কি দেবেন? ধর্মভীতু সমাজ বলেন, জাত যাবে, কথা উত্থাপন হ'লে নাক সেটকান, এদিকে যে ঘরে ঘরে সর্বনাশ, তা দেখেন না! ওঃ, কিরণ আমার কণ্টক হ'লো!

সর। অত ভাবছ কেন? আমাদের যেমন অবস্থা, তেমনি ঘর-বর দেখে সম্বন্ধ করো। গেরস্থ ঘর হয়, আনে নেয় খায়, ছেলেটি পড়া-শুনা করে, কাণা খোঁড়া না হয়, তা হ'লেই হ'ল।

করণা। গেরস্থ ঘর, আনে নেয় খায়, ছেলেটি পড়া-শুনা করে, কাণা খোঁড়া নয়, তার দর জানো? পাঁচ হাজার টাকা! আমায় বেচলেও হবে না।

সর। হ্যাঁ, পাঁচ হাজার টাকা! মেয়ের বিয়ে কেউ আর দিচ্ছে না—নয়?

করণা। তুমি ও বিয়ে দিতে চাও—দাও। ঘটক তিন চারিটি সম্বন্ধ এনেছে।

সর। তা বেশ, ওরই মধ্যে দেখে শুনে একটা দাওনা।

করণা। আগে সম্বন্ধটাই শোন। প্রথমটির বাপের আড়াই কাঠা জমীর উপর একখানি বাড়ী। শুনতে পাই, সেই বাড়ী বাধা দিয়ে দু'খানি ঘর তুলেছে। আঠার বছরের ছেলে, স্কুল ছেড়ে দিয়েছে, বাপের অন্ন ধ্বংসান আর মথের থিয়েটার করেন। তাঁর দর হাজার টাকা নগদ, হাজার টাকার গহনা, খাট-বিছানা, ঘড়ি-ঘড়ীর চেন,— তিন হাজার টাকার ধাক্কা। আর একটা ছেলের বাড়ী-ঘর-দোর নেই, কলকাতায় বোনের বাড়ী এসে পড়া-শুনা ক'রছে, এখনও একটা পাশ করে নাই, তাঁরও খাঁই দু'হাজার টাকার কন নয়। আর একজনের বাপ চীনেবাজারের মছরী, শুনতে পাই, দেশে বাড়ী-ঘর-দোর আছে, কলকাতায় দু'খানি ঘর ভাড়া ক'রে বাপ-বেটায় থাকেন। ছেলেও নাকি দিনকতক বাদে বাপের সঙ্গে চীনেবাজারে বেরোবেন। ছেলেবেলায় ব্যামো হ'য়ে স্কুল ছেড়ে দিয়েছেন, ইংরিজি পড়া-শুনো হয় নাই। এও

ওজন-দরে সোণা চাই, ঘড়ি-ঘড়ীর চেন চাই।" আর এক-জনের বাপ কোন্ হোসে চাকরি ক'রতেন, চোর বদনাম নিয়ে বাড়ীতে ব'সে আছেন। ছেলে দু'বার পুলিশে জরিমানা দিয়েছেন, হাওনোটের দালালি করেন, মাসের মধ্যে পনের দিন বাড়ী থাকেন না। তাঁর বে ক'রতে বড় ইচ্ছা নাই, তবে এক রাজকন্যা আর অর্ধেক রাজস্ব হ'লে, ঘটক ঠাকুরের প্রতি কৃপা ক'রে আর ক'নের বাপের মাথা কিনে বে ক'রতে রাজী হ'তে পারেন। এখন দেখ,—কোন্ পাত্র পছন্দ ক'রবে?

সর। হ্যাঁ গা, তা ঘরে ঘরে তো এই বিপদ, কেউ কোন উপায় করে না? এই যে কত সভা করে কত কি করে, যাতে লোকের জাত-কুল রক্ষা হয়, এমন কিছু কেউ করে না?

করণা। যার ছেলে আছে, সে দাঁও ক'সে ব'সে আছে; আর যার নেয়ে আছে, সে আমার মত ক্যা ফ্যা করে, আর তার ঘরের গিন্নী, তোমার মত বলে, “হ্যাঁ গা, এর উপায় কেউ করে না গা?” যারা যারা বক্তৃতা দেন, যারা যারা মেয়ের বেঁতে খরচ কমাবার সভা করেন, তাঁদের ছেলেটির সঙ্গে মেয়ের বে দিতে চাইলে বলেন,— “আমার ছেলের এখন বে দেবার সময় নয়।” ঘটক পাঠিয়ে খুঁজছেন, কে দশ বিশ হাজার টাকা ছাড়বে। যিনি সভায় হাত-মুখ নেড়ে বক্তৃতা ক'রেছিলেন, তাঁর ছেলের সঙ্গে বিবাহ দিতে চেয়েছিলুম, তাতে তিনি আমার সঙ্গে তিন দিন দেখা করেন নাই।

সর। দেখ, দোত্রপক্ষের বর দেখ, এমন তো সব দিচ্ছে।

করণা। সেও বরের একটু কম বয়স হ'লে ছোট খাঁই নয়। তবে দুটি তিনটি ছেলে থাকে, বয়স চলুকে থাকে, মাইনে হাতে মাথতে না কুলোয়, এমন বরকে দিতে চাও তো শ পাঁচেক টাকাতে হয়।

সর। না, ঘটকগুলো কোন কণ্ঠের নয়; আমি বিন্দী ধটুকীকে ডাকাচ্ছি। এই যে সরকারদের মেয়ের বে দিলে; কি ন'শো পক্ষাশ লাগলো?

করণা। বের ছ'নাম পেরোয় ন'ই, বর ক্যাস ভেঙ্গে ছেলে গিয়েছেন, তা তো জান? মেয়েটি এখন গলায় প'ড়েছে।

সর। ও অদৃষ্টের কথা।



করণা। অদৃষ্টের কথাই বটে, যখন মেয়ে বিইয়েছ, তখন আমাদের সকলেরই পোড়া অদৃষ্ট। উমানাথের সম্বন্ধ শুনে রাগ করেছিলেন, কিন্তু আমাদের অবস্থার উপযুক্ত সম্বন্ধই সে এনেছিল।

সর। কি সম্বন্ধ শুনি?

করণা। শুনবে আর কি, তোমাদের পাড়ার হরবিলাস মিত্রের সঙ্গে সে কিরণের বে দিতে বলে।

সর। ও মা, সেই তেজপঙ্কের ঘাটের মড়া! বলে কি গো! আজ মেয়ের বে দিয়ে আনবো, কাল মেয়ের হবিষ্যার মালা চড়াব!

করণা। গিন্নি, অমন নাক সিটুকো না। সে যা বলে গেছে, খুব ন্যায্যই বলে গেছে। এই বাড়ীখানা আর তোমার গায়ের দু'খানা গয়না, এই না বর মনে ধ'চ্ছে না, পাঁচটা খোজাখুঁজি ক'চ্ছ!

সর। হ্যাগা, তুমি ও কথা মুখে আন'চো কি করে?

করণা। গিন্নি, বড় ছুঃখেই মুখে আনছি। কিরণ যখন পেটে, আমি বন্ধু-বান্ধবদের বলতুম, যদি মেয়ে হয় তো খাওয়াব, ছেলে হ'লে খাওয়াব না। গলাবাজি ক'রে তর্ক ক'রেছি, ছেলে-মেয়ের প্রভেদ কি? কি প্রভেদ—তা হাড়ে হাড়ে বুঝছি!

নেপথ্যে কালীঘটক। বোস্‌জা ম'শায় বাড়ী আছেন?

করণা। এসো, উপরেই এসো।

সর। কালী ঘটক বুঝি?

করণা। হ্যা, দোরের পাশ থেকে শোনো না, বরের বাজার কেন্দন।

[ সরস্বতীর প্রস্থান।

( কালীঘটকের প্রবেশ )

কালী। বোস্‌জা ম'শায়, তোমার আজ সুপ্রভাত! আপনি যেমন চান, তেমনটি ঠিক ক'রে এসেছি। এখন আমার বিদায় কি ক'রবেন বহুন?

করণা। কি সম্বন্ধই শুনি।

কালী। ছেলে কামড়ে পড়ছে, এন্টসে জলপানি পেয়েছে। দোরের বরের বাস নাই। দেখতে কাটিক, ছুটি ভাই। মিসেস চান্দা ডিন, বিষয়-আসয় ক'রে গেছে, তাতে তিন পুরুষ চাকর না ক'রলে চ'লবে। বাড়ী, ঘর,

ভাড়াটে বাড়ী, জায়গা-জমী, কোম্পানীর কাগজ। আর মাগীর তিন স্টুট জড়োয়া গয়না, একখানি বেচে নি, বলে, 'দু'বউ সাজিয়ে ঘরে তুলবো।'

করণা। এখন কামড় কি রকম বল?

কালী। না, সে আপনাকে ভাবতে হবে না। আমার মুখে মেয়েটির কথা শুনেই মাগী চ'লে প'ড়েছে। বলে, 'তঁার ঝি-জামাই, তিনি যা দিয়ে সন্তুষ্ট হন।' আমি তিন হাজার টাকার ভেতর সেরে দেব।

করণা। কালী ঠাকুর, তিন হাজার টাকা যে আমায় বেচলেও হবে না।

কালী। বোস্‌জা ম'শায়, বলেন কি? বর বাঁধা রোস্‌নাই ক'রে আসবে, সে মজলিসে এক রকম সাজিয়ে-গুজিয়ে তো আপনাকে মেয়ে বার ক'রতে হবে। আমি বলছি, এ সম্বন্ধ ছাড়বেন না। যেমন ক'রে হয়, ধার-ধোর ক'রে মেয়েটিকে দেন। ঈশ্বর-ইচ্ছায় আপনার ঝি-জামাই বেঁচে থাকলে আর দুটীর জন্তু আপনাকে ভাবতে হবে না। ( নেপথ্যে হইতে- সরস্বতী দোর নাড়িল ) ঐ দেখুন, বাসুকীর মাথা নড়েছে। মা, সব শুনলেন তো? বোস্‌জা ম'শায়ের মত করুন। আমি ঘনশ্যামবাবুর বাড়ী থেকে ঘুরে আসি, তিনি আবার পূজোয় বোস্‌বেন, দেখা হবে না। যদি মত হয়, কাল গায়ে হলুদ, পরশু বে। মাগী বলে, 'কালীশৌচ গিয়েছে, আর কুলকর্ম্ম বাকী রাখবো না। এ লগ্ন ছাড়লে অকাল পড়বে, তিন মাস আর কোন শুভকার্য্য হবে না।'

করণা। মত হ'লেও এত শীগ্গির কি ক'রে জোগাড় করি? আর অত কি ক'রে পারবো? তবে আমার যেমন আওহাল, তার উপরেও মরে বেঁচে দেখতে পারি; সবই তো জানো। ( দোরের পার্শ্ব হইতে সঙ্কেত হওয়ায়, করুণাময়ের দোরের নিকট গিয়া অন্তরাল হইতে সরস্বতীর সহিত পরামর্শ করণ )

কালী। ক'লকাতা সহর—জোগাড়ের ভাবনা কি ম'শায়! গয়না না তোয়ের হয়, টাকা ধ'রে দেবেন। গিন্নীর গয়না দিয়ে মেয়ে সাজিয়ে বার ক'রবেন।

করণা। ওহে, সকল যোগাড়ের মূল জোগাড় হ'চ্ছে— টাকা। আর তারা মেয়ে দেখলে না, আমি ছেলে দেখলুম না, মত কি ক'রে করি বল?

কালী। তাদের ক'নে দেখবার আবশ্যক নাই, তারা

সব খবর নিয়েছে, তারা কেবল একবার এসে মেয়েকে আশীর্বাদ করে যাবে, আর সেই সঙ্গে পত্র। তার আগে আপনি ছেলে দেখে আসুন। আর খবর নেন, পাড়ার সকলেই জানে। পাত্র ঘনশ্যামবাবুর ছেলের সঙ্গে এক কালেজেই পড়ে, তাঁর ঠেঙে খবর নিতে পারবেন।

করণা। আচ্ছা, তুমি এখন এসো। আমি তোমায় খবর দেব।

কালী। যে আজ্ঞে। (নেপথ্যে সরস্বতীর প্রতি) মা, আমি ব্রাহ্মণ, খবরদার, এ সম্বন্ধ হাতছাড়া ক'রবেন না— ক'রবেন না; যেমন ক'রে হোক, বোসজা ম'শায়ের মত করুন। নইলে ধুনী ঘটকীর হাতে পরমাহুন্দরী মেয়ে আছে, সেই মেয়ে ঘরে আনুন। আমি দম্‌সম্ দিয়ে এই মেয়েতে মত করিয়েছি।

[ কালী ঘটকের প্রস্থান।

সর। (বাহির হইয়া) হ্যাঁ গা, তুমি এখনো দু'মত ক'রছ? এ সম্বন্ধ ছাড়ে? বাঁধা-সাঁধা দিয়ে যেমন ক'রে হোক, বিয়ে দাও। আর কি ভাবছ?

করণা। গিন্নি, ভাবছি অনেক। হাতে তিনশো খানি টাকা আছে, বাকী সব ধার। ভরসার মধ্যে তালপাতার ছাউনী চাকরীটুকু। কথার ভাব বুঝেছ, দু'হাজার টাকার কম হবে না। আমি কোথেকে কি করি? দেখ, ঐ রানীর পায়েই ঠিক করা যাক।

সর। কি বলছ? স্বচক্ষে যে কুঁজো, খোঁড়া, হাড়বয়্যাটে বর দেখে এলে!

করণা। আচ্ছা, দোজপঙ্কের পাত্রটির কি বল?

সর। হ্যাঁ, চাল নেই, চুলো নেই, দু'হুটো সতীনপো! এ সম্বন্ধ ছেড়ে, তুমি জন্মদাতা হ'য়ে এ কথা মুখে আনলে কেমন করে? নেয়েটা আজন্ম দুঃখ পাবে, এই কি তোমায় ইচ্ছে?

করণা। আনার আবার ইচ্ছা-অনিচ্ছা কি? কান্ডালের আবার ইচ্ছা-অনিচ্ছা কি? বাড়ী বাঁধা দিয়ে দু'হাজার টাকা কর্ত্ত্ব ক'রলে, মনে ক'রছ কি এ টাকা জন্মে শোধ যাবে? এক মেয়ে নিয়ে কি সপ্তষ্টি ম'জতে বলা? তারপর ছেলেটি হ'য়েছে, তারে মানুষ করা চাই, লেখা-পড়া শেখান চাই; আজ-কালকার লেখাপড়া শেখান বড় সোঁজা নয়।

সর। তুমি বিদ্বান, বুদ্ধিমান, তোমায় কি বোঝাব! মেয়ে হ'লে দায়ে প'ড়তে হয়, এ তো সকলেই বরাবর জানে। তা হ'লে আমাদের সংসার-ধর্ম করা ভাল হয় নাই। পেটের মেয়ে, তাকে তুমি দুঃখের সাগরে ভাসিয়ে দিতে চাও? এখনো বাড়ী আছে, আমার গায়ে গহনা আছে। ছেলে-মেয়ের জন্য সংসার-ধর্ম, ছেলে-মেয়ের জন্যই সব।

করণা। তুমি কি মেয়ের বিয়ে দিয়ে পথে ব'সতে চাও?

সর। বরাতে থাকে, পথে ব'সবো। কাল পথে ব'সবো ব'লে, আজ মেয়েকে জলে ফেলে দেব কেন? তোমায় যতদূর সাধ্য করো।

করণা। তারপর আর ছুটীর? মেজোটির তো এই সঙ্গে বে দিলেই হয়। দু'বছরের ছোটবড়, তবে তেমন বাড়ন্ত গড়ন নয় ব'লেই যা বলা।

সর। আর দুটি মেয়ের বরাতে যা আছে—হবে। হিরণকে এখন দু' বছর রাখলে চলবে। কালকের ঘরে অন্ন নেই বলে আজকের বাড়ি ভাঙে ছাই দেব কেন? বাবা ব'লতেন, “ভাল পাত্রে কন্যা দান ক'রতে পারলে, এক মেয়ে হ'তে সাত বেটার কাজ হয়।” আর এমন দিন যে চিরকাল যাবে, তা নয়; এর চেয়ে ভালও হ'তে পারে, মন্দও হ'তে পারে। তুমি ব্যাটা ছেলে, বুক-ভাঙ্গা হ'ও কেন?

করণা। গিন্নি, আমিও ও সব কথা মনে ক'রতুম, আমিও ওসব লোককে উপদেশ দিয়েছি। ভাল আর ছাই হবে, এই দশ বছরে দেড় শো টাকাও মাইনে হয় নাই। গিন্নি, সংসার বড় কঠিন! এ বন্ধু-বান্ধবহীন অরণ্য! আগে বুঝে না চললে, পরে নিশ্চয় পস'তাতে হবে।

সর। দেখ, পরে কি হবে, কেউ জানে না। সংসারে সুখ-দুঃখের হাত কেউ ছাড়ায় না। ভালই হোক, মন্দই হোক, ধর্মের মুখ চেয়ে চলতে হয়; আপনার সম্মানের শত্রু হ'য়ে না। যদি বাড়ীখানিই যায়, বদখেয়ালি ক'রে যাবে না, মেয়ের বে দিয়ে। তুমি ভেবো না, অদৃষ্টে যা আছে হবে।

করণা। অদৃষ্টে যা আছে, তা দিব্যচক্ষে দেখতে পাচ্ছি— গাছতলা, গাছতলা! টাকা ধার ক'রে বে দিয়েই পার পাবে না, একবৎসর তত্ত্ব-তাবাস ক'রতে হবে, সেও জেনো, কম ক'রে পাঁচশো টাকার ধাক্কা।

সর। দৈশ, টেনেটনে সংসার খরচ করা যাবে। এখন মেয়ে তো পার করে, তারপর তখন দেখা যাবে। তবু-স্তাবাস না করতে পারো, নেই ক'রবে।

করণ। ভাল, যা বোঝো, আমি বাড়ী বাধার জোগাড় করিগে।

[ উভয়ের উভয় দিকে প্রস্থান।

---

## দ্বিতীয় গর্ভাঙ্ক

মোহিতমোহনের বরিকাঁটার উঠান

মোহিতমোহন ও কালী ঘটক।

কালী। আপনি নিজের চক্ষে দেখে আসুন। একটি গউন কিনে এনে পাঠিয়ে দেন, সেইটি পরিয়ে নেয়েটিকে ব'ল ক'রবো; যদি আপনি হৃদয় মেয়ে না ঠাওরান, তখন আমায় ব'লবেন।

মোহিত। লেখাপড়া জানে?

কালী। আদরের মেয়ে, বিবি রেখে লেখাপড়া শিখিয়েছে; আর যে আদর করে, তা যদি শোনেন, তা হ'লে আপনি থায়েটারে যাওয়া ছেড়ে দেবেন। বোডি গায়ে দিয়ে, বিড়ান কুনিয়ে, হারমোনাম বাজিয়ে যে গান করে, তুলে মনে ক'রবেন, যেন গংরগান বায়নায় এসেছে।

মোহিত। রসিকা তো?

কালী। লাটক পড়ে, নভেল পড়ে, মুচ্কি মুচ্কি একটি হাস্যমুখে পাউডার দিচ্ছে, বুরুস দিয়ে সিঁথে বাগাচ্ছে, আর সিঁকের কুমলে এসেন্দী ঢেলে খালি নাকের গোড়ায় লাড়ুতে। যদি হাঁড়ি-ইসেলের নাম ক'রেছ, অমনি মুছো যাবে। আপনি দেখেই আসুন না। বলে—

'কাকিপুর বক্রমান হ'মাসের পথ।

এয় দিনে উত্তরিল অশ্ব মনোরথ ॥'

তবে গিন্নী ঠাকুর বড় একটা কামড় করেন, সেইটে আপনাকে বুঝিয়ে ব'লতে হবে।

(মাতঙ্গিনীর প্রবেশ)

মাতঙ্গিনী। কি ঘটক ঠাকুর, আমার মোহিতের সম্বন্ধ করা তোমার ক'র নয়।

মোহিত। কার ক'র নয়? দিগ্‌মি ঘটকীর ক'নের সঙ্গে আমার বে দেবে মনে ক'রেছ? তা হ'ছে না। এই মেয়ের সঙ্গে হয়, বে ক'রবো, নইলে আমি বে ক'রবো না, এই তোমায় এক কথায় ব'লে দিচ্ছি।

কালী। গিন্নী ঠাকুর, কি সম্বন্ধটা এনেছি, একবার কাণ পেতে শুনুন। করুণাময় বোসের বড় মেয়ে, তোমায় কুল ক'রতে হবে, নৈকুশি কুলীন, যারে তোমরা মুখ্য ব'লো, এই এক দফা গেল; দু'সুট গহনা—একসুট জড়োয়া, এক সুট সোণা, এক একখানা গহনা যেন শীল; ঘড়ি-ঘড়ীর চেন, হীরের আংটি, খাট-বিছানা, দানসামগ্রী তো আছেই।

মাতঙ্গিনী। নগদ?

কালী। ওইট আটকাচ্ছে, ওই একটা তার গাঁ। বলে, 'আমার বাড়ী কুল ক'রবেন, আমি টাকা দেব?' তবে যৌতুক একখানা হাজার টাকার কোম্পানীর কাগজ দেবে বটে।

মাতঙ্গিনী। পোড়া কপাল হাজার টাকার! মোহিতের মন হ'য়েছে, তাই কম-জমে রাজী হ'চ্ছি, দু'হাজার টাকা দিতে ব'লগে। আর সোণার গয়না আমি দু'শো :ভরি ওজন ক'রে নেব; আর এখন সোণার দান-সামগ্রী হ'য়েছে, রূপোর চলবে না। আমার পাশ-করা ছেলে, একখানা বাড়ী দিলে তবে ঠিক হয়।

মোহিত। মা, তুমি পেড়াপীড়ি ক'রতে চাও, করো, আমি মানা ক'চ্ছি নে; কিন্তু যদি এ সম্বন্ধ ভেঙ্গে দাও, মোহিতমোহন Bachelor থাকুচেন, আর কলেজ ছেড়ে বিলেত চ'লে যাচ্চেন। মনে ক'রেছিলুম, F. A. Examine আর একবার দেব, তা হ'ছে না।

মাতঙ্গিনী। নে নে চুপ কর। তোর আমি বড় মন্দকারী কি না? এই যে দু'বার ফেল হ'য়ে প্রথম পাশ দিতে চাস নি, পাশ দিয়ে কত দর বেড়েছে বল দেখি? তা ঘটক ঠাকুর, শোনো বলি, দু'হাজার টাকা দিতে বল গে যাও। মোহিত যে ফেল হ'লো, নইলে আমি বাড়ী না নিয়ে ছাড়তুম না। মোহিতের পছন্দ হ'য়েছে, তাই আমি কম-জমে রাজী হ'চ্ছি।

কালী। তা কি ক'রবো গিন্নী ঠাকুর, আমার বরাত! সে ইং'রিজি ধরণের মালুষ, এক কথা যা মুখ থেকে বার ক'রেছে, তা নড়বে না। এ বউটি ঘরে আনলে সুখী হ'তে। বলি, দিন দিন বয়স বাড়'চে, না ক'ম'চে? আর ক'দিন হাঁড়ি ঠেলবে?

মোহিত । তুমি যে ব'লে, রান্নার নাম শুনে ফিট্ হয় ?  
কালী । ( জনান্তিকে ) হয়ই তো, গিন্নীকে বোঝাচ্ছি,  
আপনি চুপ করুন না ।

মাতঙ্গিনী । যা ব'লেছ বাছা, আর হাঁড়ী ঠেলেতে  
পারি না । একলা মানুষ, ঝি মাগী আজ দু'দিন আসে নি ।  
গতর ভেঙ্গে গেল ।

কালী । আর দেখুন, মেয়েটি যে গা টেপে, পা টেপে,  
পাকা চুল তোলে—চমৎকার ! বউটিকে ঘরে আনো, বাড়ী  
ভাত খাও আর নাক ডাকিয়ে ঘুমোও । ও হাজার টাকার  
জন্তে পেড়াপীড়ি ক'রো না । ( জনান্তিকে ) বাবু, মনটা  
ভিজে আসচে, আপনি একটু চাপ দেন ।

মাতঙ্গিনী । দেখ, তোমার কথাতে আমি রাজী ; ঐ  
দেড় হাজার টাকা কর'গে যাও ।

মোহিত । আর দেড় পয়সা নয় । আমি চল্লুম ।  
ক'র বে দাও, আমি দেখবো । [ মোহিতের প্রশ্নান ।

কালী । তা গিন্নী ঠাকুরগ, আর হয় না । কেন অত  
টানাটানি ক'চ্ছ গো ? দেখ, তোমার ছেলে দু'বার এন্টেসে  
ফেল হ'য়েছে, একবার এল-এ, ফেল হ'য়েছে । তিনটে পাশ  
দেওয়া ছেলের বাপ, মিসেকে সাধাসাধি ক'ছে । তবে আমি  
নাকি দম দিয়ে এসেছি, তোমার কাছে বাক্যদত্ত আছি,  
তোমার মোহিতের বে দেবোই দেবো ; তাই দুটো উন্টো-  
পান্টা ক'রে বুঝিয়েছি, এতেই মিসে রাজী হ'য়েছে ।

মাতঙ্গিনী । তা দেখ, তোমার কথাতেই রাজী, আর  
কিছু বাড়িয়ে সাড়িয়ে দাও গে যাও ।

কালী । না গো না—আর বাড়বে না ।

মাতঙ্গিনী । তা দেখ, আমি কিন্তু সোণা ওজন  
ক'রে নেব ।

কালী । আমি দাঁড়িপাল্লা নিয়ে যাবো, ভাব্চো কেন ?

মাতঙ্গিনী । তা যাও, আর কি ক'র'ব, মোহিত ঝুঁকে  
প'ড়েছে, বড্ড সস্তায় ছাড়লুম ।

কালী । তবে দেখ গা, কাল লগ্ন আছে, কালই  
বে দাও ।

মাতঙ্গিনী । ওমা, এত শীগ'গির বে দোবো কি ক'রে ?

কালী । তা না দিলে নয় । সামনে অকাল পড়বে,  
আর তিন মাস দিন নাই । তিন মাস বে ফেলে রাখলে,  
হাতে হাঁড়ী ভেঙ্গে যাবে । আমি ব'লেছি, ছেলে পাশ দিয়ে

জলপানি নিয়েছে, তোমার হাতে কোম্পানার কাগজ বাস্ত  
ভরা আছে, ক'লকাতায় চার পাঁচখানা ভাড়াটে বাড়ী,  
জায়গা-জমী আছে । দেরি ক'বলে কোন্ ব্যাটা ভাংচি  
দেবে, আর এই সোণার স্বপ্নটা ভেঙ্গে যাবে । আমি তো  
জানি, কি ক'রে দুঃখে-সুখে মঃসার চালাচ্ছো, দেনা ক'রে  
ছেলে দুটিকে স্কুলে পড়াচ্ছ । গহনা-গাঁটি যা ছিল, তা  
আমিই তো খদ্দের ক'রে বেচেছি । ও আর দু'মত ক'রো  
না । বিকলে তারা আজ এসে আশীর্বাদ ক'রে যাক,  
সম্ভার পর তোমরা গিয়ে পত্র ক'রে এসো । কালই গায়ে  
হলুদ দিয়ে বিয়ে দিয়ে দাও । তোমার চাবুদিকে শত্রু, কে  
কোথা থেকে ভাংচি দেবে ।

মাতঙ্গিনী । আচ্ছা—তুমি ব'লছো । বড় তাড়াতাড়ি  
হ'লো—বড় তাড়াতাড়ি হ'লো ।

কালী । বেশ তো, তোমার খরচপাতি হবে না ।  
লোককে ব'লবে, তাড়াতাড়ি বিয়ে দিলুম, ক'নের গয়না দিতে  
পারলুম না, জমকাল ক'রে ছেলের আইবুড়ো ভাত দিতে  
পারলুম না ; আমি চল্লুম ।

মাতঙ্গিনী । আচ্ছা, এসো ।

[ মাতঙ্গিনীর প্রশ্নান ।

( মোহিতমোহনের পুনঃ প্রবেশ )

মোহিত । ঘটক ঠাকুর, তোমার কথা আমি কিছু  
বুঝতে পাচ্ছি নে ।

কালী । আর বুঝবেন কি, তা বলুন ? দু'কথা না  
ব'লে গিন্নী-মা রাজী হন কই ? আপনাকে যা ব'লেছি, আপনি  
দেখতে যাবেন ? যান তো দু'টি এয়ারিং, দু'গাছি ব্রেসলেট,  
একটা গউন কিনে নিয়ে চলুন ;—যদি আলমারীর বিবি না  
হয়, আমার দু'গালে চার চ'ড় দেবেন । আর দেখুন, ও  
গয়নাগাঁটি এখনকার ফেসিয়ান নয় । আমি নগদ টাকার  
ব্যবস্থা ক'রেছি । সে টাকা গিন্নীর হাতে দেবেন না  
সে টাকা আপনি হাতে নিয়ে চেয়ার কোচ দিয়ে ঘর  
সাজান, একটা হারমোনাম কিনুন, আর বিবিয়ানা  
পোষাক আনুন । নিতী নূতন রকম ক'রে সাজান, আপনার  
ইয়ারেরা দেখে চমকে যাক । একটা কথা ব'ল্ছিলাম, গোটা  
দশ টাকা কর্জ দিতে পারেন ? বাড়ীতে মেয়েটির অসুখ,  
টাকার অভাবে চিকিৎসা হ'চ্ছে না । আমি ঘটক-বিদের  
পেলেই টাকায় আনা আনা স্কুদ দিয়ে শোধ দেবো ।

মোহিত। আমার হাতে তো কিছুই নাই।

কালা। তা বিকালে হ'লেই চ'লবে। আশীর্বাদী মোহরটা পাবেন কি না! যে বে দিচ্ছি, আপনার শশুরবাড়ী থেকেই হাত-খরচটা চ'লে যাবে। তার ইংরিজি ধরণের মেজাজ, বলেন, “কতকগুলো নেবু-সন্দেশ পাঠিয়ে কি ক'রবে, আমাইকে মাসোথারা দেবো।”

মোহিত। দেখ, আমি মোহরটা তোমাকে দেবো, তুমি পাচটা টাকা আনায় ফিরিয়ে দিয়ে।

কালা। তা দেবো বই কি। আপনি ফিটকাট হ'য়ে থাকুন, বৈকালেই দেখতে আসবে। (স্বগত) মাগী ঘটক-বিদেয় যা ক'রবে—তা গঙ্গাই জানেন! মুড়ি রেখে কোপ করি, মোহরটা বাগিয়ে নিই। বলে, ‘লাখ কথা না হ'লে বিয়ে হয় না,’—তা লাখ মিছে কথা তো আমি একাই সকাল থেকে ঝাড়লুম, এখন দেখ বরাত! বোসজা যদি সন্ধান পায়, তা হ'লে তো সে পাড়ায় চ'লে আনায় তাড়া ক'রবে।

[প্রস্থান।

মোহিত। যেমন চাই, তেমনি জুটেছে! এমন নইলে wife! টাকটা যা পাবো, তাতে একটা টমটম কিনতেই হবে; তাতে রোজ ইডেন পার্কে হাওয়া খেতে যাবো। এমন wife পাচ জনকে দেখাব না? বে তো হোক, beautiful wife-এর সঙ্গে কেমন ব্যবহার ক'রতে হয়, তা friendদের শেখাব।

[প্রস্থান।

## তৃতীয় গর্ভাঙ্ক

রূপচাঁদ মিত্রের অস্তঃপুরস্থ দালান

হুলালচাঁদ ও যশোমতী।

হুলালচাঁদ। মা, আমার বুকে ছুরি মেরেছে—ছুরি মেরেছে।

যশোমতী। ও মা, কি হবে গো—কি হবে গো! ও গো, দেখ গো, আমার হুলালচাঁদ কি ক'চ্ছে গো!

(রূপচাঁদ মিত্রের প্রবেশ)

রূপচাঁদ। কিরে—কি?

হুলাল। বাবা, ছুরি মেরেছে—ছুরি মেরেছে!

রূপ। আরে কি হ'য়েছে ছাই বল না।

হুলাল। মুণ্ডপাত হ'য়েছে, গিছি—মরেছি! ককণাময় বোস!

যশো। ও গো, কি হ'লো গো—কি হ'লো গো! হুলো আমার এমন হ'লো কেন গো!

হুলাল। বাবা, দেখছো—দেখছো, এই রক্ত মাথা চিঠি দেখছো? এ চিঠি নয়,—এ চিঠি নয়, এ ছোরা; এ রং নয়—এ রং নয়, আমার বুকের রক্ত! এ চিঠি ককণাময় বোসের আফিসের ছাপাখানায় তোয়ের হ'য়েছে, আমার বুকের ভেতর প্রবেশ ক'রেছে। তাদেরই পাড়ার রেম্মে মামা আমার হাতে দিয়েছে।

রূপ। আরে কি মাথা মুণ্ড ব'ক্‌ছিস?

হুলাল। বাবা, বাবা, তুমি এখনও বুঝতে পারলে না? তবে শোনো, আজ ককণাময় বোসের মেয়ের বিয়ে, তারই নিমন্ত্রণের চিঠি।

রূপ। তা তোর কি?

হুলাল। বাবা, বাবা, বিরহ-যন্ত্রণা—বিরহ যন্ত্রণা! আমি অনেক জোগাড় ক'রেছিলুম, ঠিকঠাক সব ক'রেছিলুম, ফস্কে গেল, ফস্কে গেল,—হাতছাড়া হ'লো!

রূপ। কি জোগাড় ক'রেছিলি?

হুলাল। বাবা, আমার কুঁজ দেখে আর চলন দেখে তোমার এত টাকার জোরেও কোন সম্বন্ধ টেঁকছে না, সব ভাগছে। তাই মনের দুঃখে আমি বিয়ে ক'রতে রাজী হই নি, এ সব তো তুমি জানো? বাবা, মা! এ সব মনের ব্যথা তো তোমরা জানো?

যশো। তুই আগে কি বিয়ে ক'রতে রাজী হ'য়েছিলি? তা হ'লে তোর বিয়ে কি এতদিন প'ড়ে থাকে?

হুলাল। হাঁ, হাঁ, সব জানি। এই রাজী হ'য়েছি, কি ক'চ্চ? চাল-চুলো নাই, কুঁচটে কালপ্যাচা বে ক'রতে পারি, তা হ'লে বাবা বে দিতে পারে। ওঃ! বুক যায়—বুক যায়!

রূপ। কি হ'য়েচে শুনি না?

হুলাল। আমি ঠিকঠাক জোগাড় ক'রেছিলুম। ছ'এক দিনের ভেতরেই জোর ক'রে জুড়িতে তুলে চন্দননগরের বাগানে হাজির ক'রতুম। ফস্কে গেল—ফস্কে গেল! বুক

ছুরি লাগলো—বুকে ছুরি লাগলো ! এই গোধূলিতেই তার বিয়ে হ'য়ে যাবে ।

রূপ । অ্যা, তুই কি বলছিস ! তুই করুণাময়ের মেয়েকে জোর ক'রে বাগানে নিয়ে যাবার জোগাড় ক'রেছিলি ?

দুলাল । কেন বাবা, দোষ কি বাবা,—'বাপ্কে বেটা, সেপাইকো ঘোড়া !'—বিন্দু বামনীর কথা তো শুনেছি বাবা, তুমি রাতারাতি নোপাট ক'রেছিলে বাবা ! আমি তো তত দূর যাইনি বাবা ! আমি বাগানে মালা বদল ক'রে বিয়ে ক'রতুম বাবা ; তবে পাঁচ বেটাকে দেখাতুম বাবা, দেখাতুম যে, তোমরা বেলো, 'খোঁড়া-কুঁজো, ওর সঙ্গে কে বিয়ে দেবে ?' তেমনি মুখের মত হতো ! যদি করুণাময়ের মেয়েকে মালা বদল ক'রে বিয়ে ক'রতে পারতুম, যদি তার মেয়েকে বায়ে নিয়ে তার বাড়ীতে আসতে পারতুম, তবে আমার প্রাণ ঠাণ্ডা হ'তো । আমি ঝালু আছি বাবা, পুলিশ কেসে প'ড়তুম না বাবা ! তবে কি জানো, বড় দাগা পেয়েছি, তাই বাগান হেঁড়ে, তাদের পাড়ায়, আমাদের ভাড়াটে বাড়ীতে গিয়ে আড্ডা গেড়েছিলুম । বড় দাগা পেয়েছি—বড় দাগা পেয়েছি !

যশো । নে নে, তুই চুপ কর, কি দাগা পেয়েছিস ? আমি তোরে পরার মত মেয়ে এনে বে দেব । দশ হাজারের জায়গায় বিশ হাজার খরচ ক'রব ।

দুলাল । মা, তুমি পরী কি দেখাচ্ছ ! দুশো পরার বাচ্ছা মেয়েমানুষ আমি রোজ বাগানে নিয়ে যাই । কিন্তু প্রাণের দাগা তো উঠবে না—দাগা তো উঠবে না ।

যশো । নে, কিসের দাগা, তুই চুপ কর ।

দুলাল । কিসের দাগা ! তুমি মা হ'য়ে এমন কথা বললে, আমি প্রাণত্যাগ ক'রবো । হয় না হয়, এই বাবা সাক্ষী আছে, জিজ্ঞাসা করো । বাবা, সায় দাও । বৈঠকখানার কাটা দেওয়ালে কুঁজটি সাঁধ ক'রে শালখানি গায়ে দিয়ে চুপ ক'রে ভালমানুষটির মত বাসে আছি, কেমন বাবা, বল ? করুণাময় বোস এলো, এনেই বললে, "বাবা, উঠে দাঁড়াও তো !" মা, তখন কি করি বল দেখি ! এই বাবার আক্কেলকে আমি বলিহারি যাই ! আমার কুঁজের কথা সহরে গেজেট হ'য়ে গেছে, উনি কি না বুদ্ধি কল্লেন, কুঁজটি জোড়া ছাল কেটে, ছাল ঠেসিয়ে বসিয়ে, লোককে ধাপ্পা মারবেন ! কই, পাল্লেন না ? বাবা, ষিক তোমায় ! কি

অপমানটা সেদিন করুণাময় ক'রে গেল ! এখনো যদি তোমার হায়া থাকে, করুণাময়ের আর দুটো মেয়ে আছে, একটার সঙ্গে আমার বিয়ে দাও । মা, আমি যদি বাবার বাবা হ'ম, আর বাবা যদি আমার কুঁজো ছলো হ'ত, আমি যথাসর্ব্ব্ব খুইয়ে করুণাময়ের মেয়ে ঘরে আন'ম । মা, বাবা, দু'জনে আছ, স্পষ্ট কথা বলছি, করুণাময়ের আর দুটো মেয়ে আছে, একটার সঙ্গে আমার বে দাও, না পারো, আজ থেকে আমি নোপাট । ব্যাটার এত বড় আস্পদ্ধা, আমি কি চেহারা বাজ নই ? কত বেটা আমার জন্তে মরা, আমি এক গলা জলে কান্তিক পুরুষ ! বাবা, এই ব'লে গেলুম, করুণাময়ের একটা মেয়ের যোগাড় করো, নইলে আজ থেকে তুমি নিঃসন্তান ।

[ প্রস্থান ।

রূপ । দেখ গিন্নি, ছোড়া বলে মিথ্যা নয়, করুণা ব্যাটার ভারি দেনাক ! আমি এত ক'রে বুঝিয়ে ঘটক পাঠানুম, তা কথাটা গ্রাহ হ'লো না—তর সহ'লো না, তাড়াতাড় মেয়ের বিয়ে দিচ্ছেন । আচ্ছা দেখি, আমারও নাম রূপচাঁদ মিত্তির !

যশো । তা দেখ' এখন, এখন দুলাল কোথায় গেল দেখ । ও দুলাল—ও দুলাল !

নেপথ্যে দুলাল । প্রাণ যাবার নয় মা—প্রাণ যাবার নয় ! মরমে ম'রে বাগানে চ'লুম ।

যশো । শোন্—শোন্—

রূপ । আচ্ছা, দেখা যাক ।

[ উভয়ের প্রস্থান ।

## চতুর্থ গর্ভাঙ্ক

করুণাময়ের অন্তঃপুরস্থ উঠানের রক

করুণাময় ও সরস্বতী ।

করুণা । যতদূর কেলেঙ্কারী হ'তে হয়, তা হ'লো ; এমন অপমান আমার জন্মে হয় নাই । যা দেবার কথা, তা দিলেম, এ সওয়ায় তুমি লুকিয়ে হার দিয়েছ, ক'নে গয়নার মত দিই নাই, দু'বছর প'রতে পারবে, এমন ক'রে দিলুম ; দান-সামগ্রী সব ব্যাভারে ; এত ক'রেও অপমান—অপমানের একশেষ ! রমা দালাল সভার মাঝে হাত নেড়ে জোচ্চর ব'লে । আমি

মনিবের একদিন একটা কথা সই নাই, পাচদোরের কুকুর, সে আমায় ছোঁচর বলে! নেয়ের ভগ্নে আরও অদৃষ্টে কি আছে—কে জানে!

সর। ইয়াগা, তা ও নিলে কে? ও এমন হাত মুখ নাড়লে কেন?

করুণা। কে ওকে জানে বল? শুন্ডি, হাওনাটের দাগালি বলে, সেখানে নাকি সন্দেহে কি রকম ভাই হা। লক্ষ্মী হলে, বরষার কণ্ঠায়া খেতে পেলো না। ভাগিন্দ দশজন ভদ্রলোক ছিল, তা না হলে বর নিয়ে বাড়ী থেকে উঠে যেতে চায়, এত বড় অস্পষ্ট!

সর। তা সে যা হবার হয়ে গেছে, এখন বে'নের পাওনা মনে ধ'রলে হয়।

করুণা। কি জানি, যেখানে মেয়ে কত, সেখানে বে দেওয়া ভাল হয় নাহ। কোনো ঘটকের দশে পাঁড়ে আর তোমার তায় এই ঘটলো।

সর। ইয়াগা, তা আমি মেয়েমাছুষ, আমি কি জানি বল? তুমি অ প'নি বেখে শুনে এলে।

করুণা। বরষার দোষ, আর কিছু নয়। যাই আবার দেখি, কোথায় ধার ধোর পাই। ফুলশয্যের যে টাকা রেখে ছিলুম, তা তো খুস গেল, নইলে বর উঠে যায়। আমার সে টাকা দেবার ইচ্ছা ছিল না, পাচজন ভদ্রলোক ধ'রে মিটিয়ে দিলে, এক ক'রবো। আর ভাল্লুম, এত দিয়েছি, আর যাব, মেয়েটার খোটার ঘর হবে! নইলে কে বর ওঠাতো দেখ তুমি, আমি জোর ক'বে বে দিতুম।

সর। দেখ, তোমায় আর বলতে পারি না, তুমি যতদূর ক'রবার তা ক'রেছ; এই ফুলশয্যাটা একটু ভাল ক'রে দাও, কি জানি, পাচজনে লাগবে। বেয়ান মাগী যদি পাচজনের কথায় মেয়ে আট্কায়, তা হ'লে কিরণ আমার বাঁচবে না। একেলে মেয়েরা খুশরবাড়া যেতে কানে না, কিন্তু কিরণের আমার হু'চকে দশ ধারা, আমার আঁচল ছাড়ে না, আমি ধম্কে পাঠিয়ে দিতুম। পাষণে বুক বেঁধে বলুম, 'যদি কানো, তা হ'লে আমি আর আন্থো না।'

করুণা। তোমার জামাইও ভাল হবে না। আমি হাতে হাতে স'পে দেবার সময় বলুম, "বাবা, তোমার উপর এখন সব ভার!" তা ছোড়া গজ্জ ক'রে কি বলে, কে জানে,—আমার বোধ হ'লো, যেন ড্যাম ড্যাম

ক'বলে। বাসরঘরেও না কি খুব চ্যাটাপনা ক'রেছে শুন্লুম।

সর। ও ছেলেমাছুষ!

(জোবির প্রবেশ)

জোবি। আমায় দুটি ভাত দেবে?

সর। কে রে—জোবি?

করুণা। জোবি কে?

সর। ও আমার বাপের বাড়ীর পাড়ার সরকারদের মেয়ে। ছেলেবেলায় ডবুগবু ছিল বলে 'জোবি' বলে। তোর এমন দশা হ'য়েছে কেন? এখানে কোথেকে এলি?

জোবি। পালিয়ে এয়েছি।

সর। কেথেকে পালিয়ে এলি?

জোবি। তাদের বাড়ী থেকে। তারা বড্ড মারে, ছাঁকা দেয়, চুল কেটে দেয়! (অঙ্গের আঘাত-চিহ্ন দেখা-ইয়া) এই দেখ না—এই দেখ না—সেই মাগী বড্ড বজ্জাত, খেতে দেয় না।

সর। কে, তোর শাশুড়ী নাকি?

জোবি। ইয়া।

সর। তা তুই বাপের বাড়ী যাস্নি?

জোবি। না, মা ম'রে গেছে, বাবা ধ'রে পাঠিয়ে দেয়।

করুণা। তোমায় মারে কেন?

জোবি। মারে। আমায় পাঁকা ক'রে নিয়ে গেল, মুখ খুলে দেখে ঠোনালে; বাবা গয়না দিয়েছিল, মনে ধ'রলো না, বরণডালাখানা কপালে ঠুকে দিলে, রক্ত বেরুলো, দাগ র'য়েছে—দেখ না।

করুণা। তোমার কত দিন বে হ'য়েছে?

জোবি। যে বছর মা ম'রে। আমায় নিয়ে গিয়ে আসতে দেয় নি। আমি পালিয়ে এসেছি। মা ম'রে গেল, বাবা পাঠিয়ে দিলে। খুব মারলে, আবার পালিয়ে এলুম, আবার পাঠিয়ে দিলে।

সর। আহা, তোর বাপ তোকে চাড্ডি খেতে দেয় না?

জোবি। না—আমায় গালাগালি দেয়, মা বিইয়েছিল বলে, মাকে গালাগালি দেয়। বলে, আমার চাকরি নেই, তোদের বে দিয়ে সর্বনাশ হ'য়েছে। বাড়ী খেয়েছ, সব খেয়েছ, আবার কুঁড়েপাথর গিলতে এসেছ, দূর হ—দূর হ!—আবার ধ'রে পাঠিয়ে দিচ্ছিল, আমি দৌড়ে পালানুম।

করুণা। তোমার চুল কেটে দিয়েছিল কেন ?

জোবি। কর্ম ক'রতে পারতুম না। অনেক কর্ম—হাত ব্যথা ক'রতো, মাথা ঘ'রতো। বেড়ির ছাঁকা দিত।

করুণা। তোমার স্বামী কিছু বলতো না ?

জোবি। সে মদ খেয়ে লাথি মেরেছিল।

করুণা। গিন্নি, শুন্ছো ? আহা, কিরণের আমার কি দশা হ'চ্ছে কে জানে ! হ্যাঁ মা, তুমি কোথায় থাক ?

জোবি। ঘুরে বেড়াই, গান করি, কেউ ভাত দিলে খাই।

করুণা। তুমি গান কোথায় শিখলে ?

জোবি। যাত্রাওয়ালাদের বাসন মাজ'তুম, তারা গাইতো, শুন্তুম। তাদের কাছ থেকে পালিয়ে এলুম—তাদের কাছ থেকে পালিয়ে এলুম, তারা বড় নষ্ট।

সর। তুই কদিন পালিয়ে এসেছিস ?

জোবি। অনেক দিন—পূজোর সময়। ভাসান দেখতে সব ছাদে উঠলো, খিড়কি-দোর দিয়ে পালিয়ে এলুম।

সর। মাগো, কথা শুনে বুকটো ধড়ফড় করে ! এদের কি মালুমের চামড়া গায় নাই ! এই কচি মেয়েকে এত যন্ত্রণা দিয়েছে, আহা, কথা শুনে বুক ফেটে যায় !

করুণা। এ তো শুন্লে—এখন কিরণকে নিয়ে তোমার বেয়ান কি করেন দেখ !

জোবি। কিরণ কে ? তোর মেয়ে নাকি ! বে দিয়েছিস ? কই, কঁদুছিস নি—কঁদুছিস নি ? কঁদবি—কঁদবি—তোদের বাড়ী খাব না, আমি চলুম। তুই তো মা, তোর বুক ধড়ফড় ক'রবে। আমার মা আছাড় খেয়ে প'ড়েছিল, তাইতে তো ম'রে গেল ! তোদের বাড়ী খাব না, তোরা কঁদবি—কঁদবি !

( জোবির গীত )

বিলিয়ে দিছিস পেটের মেয়ে বাজ বুক নিয়ে সাথে।

মবে মদি ঘোচে জ্বালা, পাখী কঁদে ব্যাবের ফাঁদে ॥

রেতেদিনে খেটে খেটে, অন্ন-জল পাবে না পেটে,

মুনের ছিটে কেটে কেটে, হাতনাড়া দেয় কত ছাঁদে ॥

নিতি কথা উঠবে কাণে, বাজ জেঁতে তোর ব'সবে প্রাণে,

মায়ের ব্যথা মা-ই জানে, ভাসিয়ে দিয়ে সোণার চাঁদে ॥

সর। ঠিক কথা। জোবি, যাস্ কেন—যাস্ কেন ? আমি খেতে দেব।

জোবি। না—না, আমার মাকে মনে প'ড়'চে, আমার কান্না আসছে।

“মায়ের ব্যথা মা-ই জানে, ভাসিয়ে দিয়ে সোণার চাঁদে”

[ জোবির গীত গাহিতে গাহিতে প্রস্থান।

করুণা। গিন্নি, বালিকার প্রতি এমন অত্যাচার হয়, যদি অগ্র কোন জাত শোনে, বিশ্বাস ক'রবে না। কিন্তু প্রত্যক্ষ, ঘরে ঘরে বালি দারা এক প যন্ত্রণা পাব। মেয়ে আই-বুড়ো রাখতে দোষ কি ? জাত যাবে, কু চরিত্রা হবে ?—হ'লেই বা ! আহা ! অনাহারে যন-যন্ত্রণা কত নিন্দোষা বালিকা সহ্য করে। যাই, আর ভাবলে কি হবে, এখনি ফুলশয্যার যোগাড় তো ক'রতে হবে—দেখি, কোথা টাকা পাই।

সর। দেখ, এমন ক'রে ফুলশয্যাটি পাঠিও, যেন তাদের মনে ধরে।

করুণা। আমার যথাসাধ্য ক'রবো, তারপর মনে ধ'রবে কি না, কে জানে।

[ করুণাময়ের প্রস্থান।

সর। ঐ দেখ, ঝি মাগী আসছে।

( ঝিয়ের প্রবেশ )

হ্যাঁ রে, তোরে এত ক'রে মানা ক'ল্লুম, মেয়ে ফেলে আনিস্ নি, মেয়ে আমার একা রইলো, আর তুই চলে এলি ?

ঝি। হাঁ ! ( পা ছড়াইয়া উপবেশন )

সর। হুঁ কি বল ? কিরণ ভাল আছে তো ? বেয়ানের বউ পছন্দ হ'য়েছে তো ? কি ব'লে ? কিরে, কি বল না ? দেখ'—মাগীর মুখে কথা নাই !

ঝি। রমো, সবুর দাও—একটু হুঁ জিরুই, এক চোক জল খাই, মুখে রা সরুক।

সর। কি হ'য়েছে ? তুই চলে এলি কেন ? দেখানে কৌদল ক'রেছিস্ নাকি ?

ঝি। চলে এমু ক্যানে ? তোমার মেয়ের নেগে গর্দানা খেতে বল নাকি ? কৌদল ক'রবো ? কৌদলে তোমার বিয়ান্কে আঁট'বো ? সে দেই দেই লাচ্'তেছে।

সর। কি হ'য়েছে আমার মাথানুও বল না ?

ঝি। হবে কি গো ? লাচ্'তেছে—লাচ্'তেছে ! গাঙ্গে মুয়ে চড়াচ্ছে—মড়াকান্না কঁদতেছে।



সর। ও বাচ্চা—বাগ্ৰতা করি, সব বল, ক'নে কি পছন্দ হয় নি ?

ঝি। বলবে—তবে শুনে পাকা খুলে, বউয়ের মুখ দেখে, মাগী ওমনি ডুকুর কদে উঠো! বলে, “ও না, কোথাও কাকুড়ুনা গেলো গো—কোথাও হা'ঘরের মেয়ে আনুয়ে গো—আমার মোহিতের বরাতে এই ছিল গো—কতী কোথা গেলো—ক'নে এসে দেখ গো—তোমার সাধের মোহিত ক'নে ক'নে উঠে গো—তোমার মোহিতকে ডোমু ডুকুর ক'নে উঠে গো!”

সর। বর ক'নে বরন ক'রবে না ?

ঝি। শোন গিয়ে—বাটা মীলে যেমন চিকুণী ঝাড়ে—শেউন বাচ্চাও বাচ্চাও। পড়ুসাতে বোঝায়, আর অমনি কীমার ভাষা শুনে তারপর পাড়ার মেজো গিন্না না কে, দুনে ক'রে মাগী, সেহ ক'নে হিঁচুতে বার ক'রলে। বর-ক'নে ঘাড়ে উঠবে, মাগীর সব দেখতে এলো। এক একবার বউয়ের মুখ খোলে, আর চিকুটি মেয়ে ওঠে। গয়নাগুলো খিচ দিয়ে উঠে মার করে, আর পড়ুসাদের দেখিয়ে বলে, ‘দেখ গো—দেখ, কোথথেকে মিন্সে গয়না দিয়েছে দেখ!’ ‘গয়না’ মুয়ের কাছে নিয়ে ফুঁ পাড়তে থাকে! বলে—‘ফুঁয়ে গয়না উড়বে!’

সর। ফুঁয়ে গয়না উড়বে! অমন ভারি ভারি ক'নে গয়না কেউ দিয়েছে! আর এতগুলি যে টাকা ঢাল্লুম, সে কথা বাক হুঁয় আনবে না!

ঝি। টাকা ঢালো! আর অতটি ঢাললেও মন উঠতো নি! টাকাটা তোমার মায়াগায়ে বসমা হচ্ছে। জামাই পাড়ুতে বারী জামা—টাকা দে! সে টাকা মাগী দেই! এ কাঁকারে কাঁকারে—ও কাঁকারে তো এ কাঁকারে! নাকি মন হা'ঘর জামে, মুখ ফুরোয়, তোমার জামাইও তত হাত-পা কাঁকাক!

সর। তারপর—তাপব ?

ঝি। তাপব—তোমার কি-জামাই ছেড়ে মাগী আমার বিয়ে হুঁয়তো বসে। এই যে রাজকথাকে পাথরা দিতে কি এসেছে! খাম পুঁড়িয়ে খেতে র কাড়ু নি মা!—কলে গিয়ে পাড়ুয়ে হুঁট হুঁট মেয়ে ভাঙ্গা রকে বসে বইছে। ভোর রাত কাঁকানো! ক'নে বরনি হুঁ, হুঁ ভাত খেয়ে যা গো!

সর। ক'নে থেকে তোরে খেতে দেয় নি না কি ?

ঝি। আজ দুটো দিয়েছিল। হুঁমুটো ব্যাতে দিয়ে, আঁচল পেতে মেজয় গড়ুচ্চি, তোমার কি পাশ ব'সে ঘোমটা দিয়ে কাঁদতেছে, অমনি হৈহৈ ক'রে জমাদারনী মাগী এলো, চোখ দুটো করমুচা ক'রে বলে, “হ্যাঁ রে কি! তোদের দেশে কি কারো হায়া নাই? এখনো রাজরাণীর মত আমার বাড়ী গড়ুচ্চিস?—ওঠ, চলে যা, আমার বাড়ী থেকে বেরো; কাঁকুড়ুণীর মেয়ের আর অ'রমে কাজ নেই!” থবুথরিয়ে কাঁপতে কাঁপতে উঠে ব'সলু মা! মাগী খটাই বুলি ধরলে, বলে, “নিকালো হারামজাদী, আমার বাড়ী থেকে নিকালো।” আমি তাড়াতাড়ি উঠলু। তোমার মেয়ে আমার আঁচলটা ধরলে। মাগী অমনি তোমার মেয়ের হাত বিন্‌কুটি দিয়ে ছাড়িয়ে নিলে, হাতে বাহলো কি না, আর দেখলু নি, পড়ু-পড়ুয়ে চ'লে গেল।

সর। (স্বগত) ভগবতি, কি ক'রলে মা! (প্রকাশ্যে) হ্যাঁ রে, কিরূপে জামা'য়ের পছন্দ হ'য়েছে ?

ঝি। পছন্দ হবে নি? তোমার ওমনি জামা'য়ের জামাই কিনা? ও না, যেন মানোয়ারি গোরা! খুদে খুদে চুরট টানে আর “ড্যাম্” করে! খিস্টান হবে, ম্যান বিয়ে ক'রবে, তবে তার প্রাণ জুড়াবে! বাপান্তি দিব্যি গেলেছে, মাগের মুখ দেখবে নি!

সর। ওঃ,—এমন সর্কনাশ কি মানুষের হয়!

[করণাময়ের প্রবেশ ও ঝিয়ের অল্প দিক্ দিয়া প্রশ্নান।

করণা। গিন্নি, বেশী লোক পাঠাবো না, হুঁজনের বোঝা একজনের ঘাড়ে দিয়ে ফুলশয্যা পাঠাচ্ছি। আর স'শো টাকা তো নগদ পাঠাতে হবে, হাতে তো একটা পয়সাও নাই, কারও কাছে ধারও পেলুন না, একখানা গয়না রেখে কোথা থেকে নিয়ে এসো। যথাসাধ্য তো করি, এতেও যদি তোমার বে'নের মন না ওঠে, কি ক'রবো। টাকাটার জোগাড় দেখ।

সর। সে আনু'ছি, এদিকে সর্কনাশ! এই ঝির কাছে শোনো।

করণা। শুনেছি, শুভ-সংবাদ দরত জানিয়ে রাণী ঘটকী দিয়ে গেল। বা হবার হ'য়েছে—আর শোনান্তনি কি বল? গিন্নি, কেদো না—এ সর্কনাশ ঘরে ঘরে! ওঃ, অবলা বালিকার নিঃখাসে বাঙ্গালা দেশ জলে যায় না—দিগ্‌দাহ হয় না—মেয়ের বাপ বিষ খেয়ে মরে না—মেয়েকে মুন দিয়ে

মারে না? ঝিক! ঝিক! সংসার-ধর্ম্মে ঝিক! দেখি, শেষ পর্যন্ত কি হয়। যাও, টাকাটা কোথেকে নিয়ে এসো।  
নেপথ্যে কিশোর। বোস্‌জা ম'শায়—বোস্‌জা ম'শায়!  
করণা। কে ও, কিশোর? এসো বাবা।

( কিশোরের প্রবেশ )

কিশোর। ম'শায়, আমি ষ্টুডেন্টসিপ্ পাশ হ'য়েছি, তা শুনেছেন?

করণা। হ্যাঁ বাবা শুনেছি, বড় সুখের বিষয়!

কিশোর। দেখুন, আমি তাস খেলে বেড়াতেম, আপনি আমায় ধ'ম্কে ব'লেছিলেন, 'বড় মানুষের ছেলে হ'লে কি পড়াশুনো ক'রতে নাই?' আমি সেই ইস্তক পড়াশুনো ক'রে বরাবর ফাষ্ট হ'য়েছি; এখন আমি বিখয়কর্ম্ম শিখ'বো, আপনি শেখান, এই তিন শো টাকা আমার স্বদে খাটিয়ে দিন।

করণা। বাবা—বাবা কিশোর, আমি বুঝেছি, তোমাদের বাড়ী আমি টাকা ধার ক'রতে গিয়েছিলেম, তুমি শুনেছ, তাই এই টাকা এনেছ। তোমার টাকা তুমি নিয়ে যাও, গিন্নী গয়না বাঁধা দিয়ে ধার ক'রবে এখন।

কিশোর। সেই যদি ধার ক'রবেন, আমার কাছে করুন। আপনি আমার পিতার তুলা, ( পদদ্বয় ধরিয়্যা ) উনি যদি গহনা বাঁধা দিয়ে টাকা আনেন, আমার বড় কষ্ট হবে। আপনি এ টাকা নিন।

করণা। ( অর্থ গ্রহণ করিয়্যা ) বাবা, আমার এত টাকার তো দরকার নাই।

কিশোর। বাকী আপনার কাছে জমা রইল।

[ কিশোরের প্রস্থান। ]

করণা। গিন্নি, পৃথিবীতে দেবতাও আছে। আমি ওরে একদিন প'ড়তে ব'লেছিলুম, সেদিন হ'তে আমায় গুরুর মত দেখে। যদি এই পাত্রে আমার কিরণ প'ড়তো, তা হ'লে যথার্থই মেয়ের বে'তে আনন্দ বটে। এ টাকা তুলে রাখ, ফিরিয়ে দিতে হবে। যাও, তুমি কোথা থেকে টাকাটা নিয়ে এসো।

[ উভয়ের প্রস্থান। ]

## পঞ্চম গর্ভাঙ্ক

মোহিতমোহনের অন্তঃপুরে কক্ষ

মাতঙ্গিনী, মোহিতমোহন, রমানাথ, কিরণময়ী

ও প্রতিবেশিনীদ্বয়।

মাত। রমা, তুই এমন মেনিমুখো—তুই এমন মেনিমুখো! ছাদ্নাতলা থেকে বর তুলে আনতে পারলি নি? আমি যদি ব্যাটা ছেলে হ'তুম—দেখতিস্! আমি ক'নের বাপের নাক কেটে আনতুম।

মা-প্র। আনতেই তো বাছা—আনতেই তো!

মাত। বল তো মা—বল তো! এই বউ আমি পাচ-জনের সামনে বা'র ক'রবো কেমন ক'রে? আর গয়নার ছিরি দেখ মা—গয়নার ছিরি দেখ!

মা-প্র। তাই তো মা—তাই তো!

মা-প্র। তা ক'নে গয়না কিছু মন্দ হয় নাই।

মাত। অত্যাঁয় আমার সয় না। বে না দিয়ে থাকো, বে কি কখন দেখ নি?

মা-প্র। তুমি ফিরিয়ে দাও—তুমি ফিরিয়ে দাও।

মাত। না মা, আমি তেমন বাপের মেয়ে নই। মিসেস ছোটলোকপনা ক'রেছে ব'লে কি আমি ছোটলোক হবো? রমা, এই মেয়ে দেখে এলি? ক'নে দেখতে যাবার সময় রাস্তার বালি তোর চোখে উড়ে এসে প'ড়েছিল নাকি?

রমা। কি ক'রবো দিদি—কি ক'রবো? আমি তো ব'লেছিলুম, ওখানে বিয়েয় কাজ নাই, তোমার মোহিত জেদ ক'রে ব'সলো।

মোহিত। Damn it! আমি কি এই Black bitch জানি!

মা-প্র। তা দেখ গা মোহিতের মা, বয়সকালে তোমার বউ মন্দ হবে না।

মাত। অবাক ক'রেছে মা—অবাক ক'রেছে! আর মন্দ করে বলে, তা তো জানি নে বাছা! ( প্রথম প্রতিবেশিনীর প্রতি ) দেখ তো বামুন-ঠাকরুণ—দেখ তো বামুন-ঠাকরুণ! চোখ দুটো যেন কোটরে গিয়েছে—নাকটা যেন কিলিয়ে ভেঙ্গেছে, দাড়িতে যেন খুর দিয়ে পু'ছিয়ে নিয়েছে, আর পোড়া চুলগুলো দেখ, যেন কাঁটা গাছটা!

১মা-প্র। তা মোহিতের মা, তুমি যেমন ক'নে এসেছিলে, তেমনটি কি আর হবে? আমরা দেখিনি, শুনেছি, তুমি বাড়ীতে পা দিলে, আরবাড়া যেন জ্বলতে লাগলো!

মাত। না—না, আমরা কি সুন্দরী? সুন্দরী না; তা ব'লে কি এমন কালপাঁচা এসেছিলুম? (কিরণের প্রতি) কেদো না বাছা, কেদো না, আমার জ্বালাতনের শরীর, কান্না নয় না! নাইতে কান্না, খেতে কান্না, উঠতে কান্না, বসতে কান্না, অমন কেদো না—মোহিতের অকল্যাণ ক'রো না!

১মা-প্র। তা মা, তোমার মতন হাস্যবদন কি সবার হয় গা?

মাত। বলি হাস্যবদন হোগ না হোগ, অমনি ক'রে কি পোড়ার মুখ পুড়িয়ে দিন-রাত্রির কাঁদতে হয়! মাগী, এই মেয়ে যখন বিয়ুনি, ছুঁতে পারুলি নি! এই—আমার সধন্য ক'রতে মেয়ে মানুষ ক'রেছি!

মোহিত। Damn it—Damn it! —বিলেত যাবো।

মাত। (সবেগে কিরণের হস্ত ধরিয়া) তা বামুন ঠাকুরণ, গয়নাগুলো দেখ, গয়নাগুলো দেখ!

২মা-প্র। তা ক'নের বাপ তো টাকা দিয়েছে, ভেঙ্গে গড়িয়ে দিও।

মাত। ই্যা গা, কে তোমাদের খবর দিয়েছে গা? পোড়া কপাল টাকার, বাজন্দরে বিদায় দিয়েছে! দেড়টি হাজার টাকা!

১মা-প্র। ও মা, এমন জামাই পেলি, এমন ঘরে মেয়ে দিলি, হাজার পাঁচেক দে! তা নয়; মোট দু'টি হাজার!

মাত। ও মা, দু'টি হাজার কোথা গো, দু'টি হাজার কোথা? দেড় হাজার!

মোহিত। Damn it! মা, টাকা বা'র করো, আমি বিলেত যাবো!

মাত। এই রমা—এই রমা যত নষ্টের কু!

রমা। দিদি, ভাব্‌চ কেন—মেয়ে আটকাও। দেনা-পাওনা যখন ঠিক ক'রলে, তখন তো আনায় ব'লে না। মেয়ে আটকাও, আধপেটা খেতে দাও।

২মা-প্র। রমানাথ, বাটাছেলে হয়ে কি ব'ল'ছ? মেয়ের

অপরাধ কি? মেয়েকে কেন যন্ত্রণা দেবে? দেখ'দিকি—কেঁদে কেঁদে সারা হ'চ্ছে! কাল থেকে এক গরাস ভাত মুখে দিতে পারে নি।

মাত। বাছা, অত রস ক'রতে তোমাদের ডাকি নি, আমার সর্কশরীর জ্বল'ছে।

১মা-প্র। আহা, জ্বলবে না, মাগীকে বিছের কামড় ধ'রেছে!

রমা। দিদি, এইবার হ'তে তুমি আমার পরামর্শে চলো, তোমার সব জ্বালা মিটিয়ে দিচ্ছি। মেয়ে আটকাও, তা হ'লেই গিলে সোজা হ'য়ে আসবে। আর দেড় হাজার আদায় ক'রবো, তবে আমার নাম রমানাথ।

মোহিত। Damn it! ঐ dirty wife আমি বাড়ীতে থাকতে দেব!

মাত। (রমানাথের প্রতি) তোর মুরোদ বড়—তোর মুরোদ বড়।

রমা। দিদি, আমার কি দোষ বল? দশচক্রে ভগবান ভূত ক'রল! আমি কি কসুর ক'রেছি? আমি বর নিয়ে তো চলে আস'ছিলুম। যখন বা'র শো টাকা বা'র ক'রলে, আমি তো উঠে আসি। গোধূলি লগ্নের বে, আমি রাত তিনটে বাজিয়ে তবে ক'নে উৎসর্গ ক'রতে দিলুম। কি ক'রবো বলো, তুমি সখের বরযাত্র পাঠিয়েছিলে, তাই তো ধ'রে রাখলে,—আমায় বর নিয়ে আসতে দিলে না। তবু দেখ, আর তিনশো টাকা বা'র ক'রেছি।

১মা-প্র। ও মা—তিনশো খানি!

মাত। ওটা যে মেয়েমুখো গো—মেয়েমুখো!

রমা। মেয়েমুখো কি পুরুষমুখো, ফুলশয্যা আসুক, তখন আমার ছকার শুন্বে।

২মা-প্র। ই্যা গা, ফুলশয্যা আসবে, তা তাদের খাওয়াবার উত্তোগ ক'চ্চ না?

১মা-প্র। ই্যা গা, বল কি গা? মাগীকে ভিটে বেচ'তে বল না কি? গাঁটের কড়ি খরচ ক'রে ঘি-ময়দা কিনে লুচি ভেজে রাখুগ, তাঁরা ফুলশয্যা মাথায় ক'রে এসে বাবুর মতন থাকেন। এই তো দেনা-পাওনার ছিরি, তাতে আবার ফুলশয্যা খাওয়ান!

মাত। দেখ বামুন-ঠাকুরণ, ন্যায়-অন্যায়ের দু'একটা কথা তোমার মুখেই শুন্তে পাই।

২য়া-প্র। না গো—দশজনের বাড়ী থেকে লোক ফুলশয্যা নিয়ে তোমার বাড়ীতে আসবে, না খাওয়ালে তোমার নিন্দে হবে।

১মা-প্র। কেন, কিসের নিন্দে ? ক'নের বাপ মিসে এমন ঘর-বর পেয়ে বাড়ীর পাটাটা লিখে দিতে পারলে না—তাতে নিন্দা হয় না ! আর গাঁটের পয়সা খরচ ক'রে ফুলশয্যা ওয়ালাদের না খাওয়ালে মাগীর নিন্দে হবে !

রমা। ( নেপথ্যে কলরব শুনিয়া ) ঐ বুঝি ফুলশয্যা নিয়ে আসছে। গলাবাজী এইবার শুনবে।

[ রমানাথের প্রস্থান।

মোহিত। Damn it—Damn it !

[ মোহিতের প্রস্থান।

মাত। :বামুনঠাকুরণ, দেখ্বে চল—দেখ্বে চল, কি ছাই-পিণ্ডি পাঠিয়েছে, দেখ্বে চল। এতে খাওয়ালে বলা, আমি মাথা হেঁট ক'রে, নিজে ময়দা ড'লে তোমাকে দিয়ে লুচি ভাজিয়ে দেব।

[ মাতঙ্গিনীর প্রস্থান।

১মা-প্র। বলি হ্যা না, তুই এই মাগীকে বোঝাচ্ছিলি ? ঐ যে আমার ভাস্করের নামে উকীলের মেয়ের বে'তে মাগী শুনেছে, উকীল পঁচিশ হাজার টাকা দিয়েছে, ওর এই দিক্শূল ছেলের বিয়েতে সেই টাকা চান।

২য়া-প্র। আহা, শুনছি, এই দুধের বাছাকে সমস্ত দিন খেতে দেয় নি। আর যাকে তাকে মুখ দেখাচ্ছে, আর এমনি ক'রে ঠোনা মাছে। এমন সুন্দর মুখখানি, কার্তিক পুরুষেরও পছন্দ হ'চ্ছে না ; আর হাড়িঝি চণ্ডী মায়েরও পছন্দ হ'চ্ছে না।

১মা-প্র। চ'না—চ'না, দেখি গে—মাগী কি করে।

২য়া-প্র। বোধ হয়, জিনিষপত্র ফিরিয়ে দেবে !

১মা-প্র। হাঁ ! একখানিও না। জিনিষপত্র সব তুলবে, আর লোকজনকে তাড়াবে ; আর শেষটা এই মেয়েটার উপর ঝাঁজ ঝাড়বে।

[ উভয়ের প্রস্থান।

( জোবির প্রবেশ )

জোবি। তুই একলা ব'সে কাঁদছিস কেন ? কাঁদিস নি,

কাঁদিস নি ! শাশুড়ীর পাথর বাঁধা বুক। কাঁদলে মারবে, হাঁসলে মারবে !

কিরণ। তুমি কে ? আমায় মেয়ে ফেলবে ! সমস্ত দিন ঠোনা মারছে, খেতে ব'সেছিলুম—টেনে তুলেছে। বিষম লেগেছিল—মাথায় চড় মেয়েছে, মাথা টাটিয়ে র'য়েছে। ঘুরে প'ড়েছিলুম। আমার মাকে বল গে—আমার বাবাকে বল গে !

জোবি। ব'লে কি হবে ? তুই পালিয়ে যা, তোর এখনো মা আছে, তুই পালিয়ে বাড়ী যা, পালিয়ে বাড়ী যা ! পথ না চিন্তে পারিস, আমি পথ চিনিয়ে বাড়ী নে যাবো। তোর মার মুখ দেখে আমার দুঃখ হ'য়েছে, তাই তোকে দেখতে এসেছি। আমি যেন ভিথিরী, গান গাইতে এসেছি। ওই তোর শাশুড়ী আসছে, আমি গান গাই। তুই বলিস নি—আমি দেখতে এসেছি, কাঁদিস নি—কাঁদিস নি।

নেপথ্যে মাতঙ্গিনী। ( ফুলশয্যা ওয়ালাদের উদ্দেশ্যে ) নিকালো—নিকালো ! মোহিত, চাবুক মেয়ে সব তাড়িয়ে দে

জোবি।—

( গীত )

খা লো ক'নে আকিং কিনে,

বাগিয়ে না হয় রাখ দড়ি।

কলিতে অহর ক'নের শাশুড়ী ॥

ইটে ভিটে বেচে ক'নের বাপের নাইকো পার,

হাত নাড়া দে ক'র বে কত মায়ের তোর খোয়ার,

শাশুড়ীর মুখের তোড়ে, দৌড় মারে ডোমহাড়ি ॥

ম'রে জুড়ো, চোখের জলে হবি লো নাকাল,

উঠতে খোটা, বসতে খোটা, শুন্বি সঁজ-সকাল,

তোর শাশুড়ীর সোণার ছেলে,

তুই যে রাজের খুবড়ি ॥

( মাতঙ্গিনীর পুনঃ প্রবেশ )

মাত। কেরে ছুঁড়ি—কেরে ছুঁড়ি ?

জোবি। কেন গো, ভিথিরী, ভিক্ষে দেবে তো দাও, নইলে গান গাব। এই গান ধ'বলুম—

মাত। বেরো ছুঁড়ি বেরো,—ক'নের বাপ এই ছুঁড়িকে পাঠিয়েছে।

জোবি।— (গাত )

মাথা খুঁটে পা টিপে তার মন পাবি নাহি,  
কি-রাপুনি রাখবে বুঝি, শোন, গভরখাগী,  
জন্মেছিল তুই সবার বালাই,—  
স'রে পড় হতচ্ছাড়া।

মাত। দেখ্‌সে গো—দেখ্‌সে, বাড়ী ব'য়ে গালাগাল  
দিতে পারিয়েছে!

জোবি। হিঃ হিঃ হিঃ!

জোবির দ্রুত বেগে প্রস্থান।

( প্রতিবেশিনীদ্বয়ের পুনঃ প্রবেশ )

১মা-প্র। তাই তো গো মোহিতের মা, এমন কুটুম  
ক'রেছ গো?

মাত। আমার অনায়ে হয়, আমার মুখে চূণকালি দাও।  
জিনিষপত্র তো দেখ্‌লে, এখন ক'নের মুখ দেখ। ( মুখ  
খুলিয়া ) ও মা, কি গো—এ ছেঁয়ে পেজীর ছানা গো! ও মা,  
এমন মুখভঙ্গি কখন দেখিনি গো—এমন কান্না কখন  
তিনি গো!

২য়া-প্র। তা আর কি ক'বে মা! এখন ক্ষীর-মুড়কি  
খাওয়াও, ফুলশয্যা করো, ছেলের কল্যাণ করো।

মাত। ইচ্ছা হ'চ্ছে, মুখখানা থেঁতো ক'রে দিই!  
( চিবুকে আঘাত করণ )

কিরণ। ও মা গো! আমায় মেরো না গো!

মাত। দেখ বাছা, নরকে মিন্দের নরকে মেয়ে দেখ!  
আমি মারলুম! বুড়ো বয়সে কলক নিতে বউ ঘরে আনলুম!  
ও মুয়ে আঙন—মুয়ে আঙন! ( ঠোনা মারিয়া ) আমি  
তোমায় মারলুম—আমি তোমায় মারলুম!

কিরণ। ( সভয়ে কান্না চাপিতে চাপিতে ) না গো না  
—না গো না!

( মোহিতমোহন ও রমানাথের পুনঃ প্রবেশ )

মোহিত। Damn it—Damn it! আমি মরিয়া  
হ'য়েছি! হয় Christian হ'য়ে মেম বিয়ে ক'রবো, নয়  
Japan warএ যাবো। রেমো মামা, এই মেলেই যাবো।

রমা। তা যাবে বই কি বাবা—তা যাবে বই কি।

( মাতঙ্গিনীর প্রতি ) দিদি, বউ আট্‌কাও—বউ আট্-  
কাও! দেখ, দু'হাজার টাকা আমি গুণে আদায় করি কি

না! বউ আট্‌কাও—বউ আট্‌কাও—কারো কথায় বউ  
পাঠিও না।

মোহিত। কি রেমো মামা, তুমি এমন কথা বলো? এই  
dirty nigger আমার বাড়ী থাকবে, আমি wife  
ব'লবো? Damn it—Damn it! মা, ভাল চাও তো,  
এরে বিদেয় করো। আমায় ডেকেছ কেন? শীগ্‌গির  
বলো, আমি চ'লে যাবো, বাড়ীতে এসে যেন দেখতে না  
পাই; আমাদের party আছে।

মাত। রমা, ফুলশয্যা না ক'রলে যে অকল্যাণ হবে।  
মোহিতকে বোঝাও ভাই—মোহিতকে বোঝাও। ও মা,  
আলক্ষ্মী ঘরে এনে যে ছেলে পর হয় গো!

রমা। বাবাজি, সবুর—সবুর—আমি সবুরে মেওয়া  
ফলাচ্ছি, আর দু'হাজার তোমায় আদায় ক'রে দিচ্ছি।

মোহিত। কি ক'রে?

রমা। দেখ না—দেখ না। দিদি, আমি সামগ্রীগুলো  
ফিরিয়ে দিই গে।

মাত। আর ভাই, ফিরিয়ে কি হবে—ফিরিয়ে কি  
হবে?

রমা। তবে থাক। বাবাজি, ফুলশয্যাটা করো।  
এই এতক্ষণ তোমার খসুরবাড়ীর লোক তাড়াতে আমার  
ক্ষিদে পেয়ে গিয়েছে। দিদি, ফুলশয্যা করাও, রাত হ'লো।  
তুমি ক'নে আট্‌কাও, দু' হাজার টাকা আমি আদায় ক'চ্ছি।  
আগে ব'লতে হয়—আগে ব'লতে হয়, আপ্‌শোশে আমার  
হাত কামড়াতে ইচ্ছে যাচ্ছে। সত্‌ দিদি, ফুলশয্যার সব  
উজোগ ক'চ্ছ?—করো। ক্ষীর-মুড়কী এনেছ?—রাখো।  
নাও, বাবাজি, বসো; নাও—ঠাণ্ডা হও, আমি বিলেত যাবার  
টাকা আদায় ক'চ্ছি। ব'স, আসনে ব'স, নাও—ক'নেকে  
বসাও।

( মাতঙ্গিনীর সবলে কিরণীর হস্ত ধরিয়া উত্তোলন )

কিরণ। ( সভয়ে ) না গো না, আর মেরো না!

মাত। শুন্‌লি, রমা, শুন্‌লি,—হতচ্ছাড়ীর কথা শুন্‌লি!  
আমি মারলুম? দূর হ! এ বালাই কোথেকে এল গো।

( ধাক্কা দেওন )

কিরণ। ও মাগো, মলুম গো—( পতন )

মোহিত। রেমো মামা, কি Cadaverous! ( ক্ষীর-

মুড়কীর বাণী কিরণায়ী উপর নিক্ষেপ করিয়া) Damn it—  
Damn it !

[ মোহিতের প্রশ্নান ।

মাত । ও রমা—ও রমা, ছাখ্, এ যে নড়ে চড়ে না !  
ও মা, কি হ'লো গো, ভিট্‌কিলেমি ক'রে ম'লো না কি  
গো !

রমা । তাই তো, তাই তো, মুখে জলের ঝাপটা দাও—  
জলের ঝাপটা দাও ! ( প্রশ্নানোছোগ )

মাত । ওরে, বাস্ কোথায়—বাস্ কোথায় ? ছাখ্ দেখি,  
ম'লো নাকি ? ছাখ্—ছাখ্ !

রমা । এই আলো এনে দেখছি । ( স্বগত ) 'যঃ পলা-  
য়তি, স জীবতি !' আমার হাতে দড়ি না পড়ে, ফুলশয্যা  
মাথায় থাক্ ।

[ রমানাথের প্রশ্নান ।

• কিরণ । ( সত্যে উখিত হইয়া ) না গো, মেরো না—  
না গো মেরো না, ও মা গো ! ( পুনরায় পতন )

মাত । ও রমা, ও রমা ! উঠে আবার মরে যে রে !

২য়া-প্র । বামুন দিদি—বামুন-দিদি, মুখে একটু জল  
দাও ! ভয় কি মা—ভয় কি মা, জল খাও—জল খাও ।  
তোমার বাপ এখনি নিয়ে যাবে । ( কিরণায়ীকে কোলে  
লইয়া উপবেশন )

১মা-প্র ( মুখে জল দিয়া ) ভয় নাই—ভয় নাই !

২য়া-প্র । মোহিতের মা, তুমি কি মেয়েমানুষ ? এই  
ছুধের বাছাকে আজ দু'দিন ধ'রে যন্ত্রণা দিচ্ছ ? তোমার  
ভিটেয় কখনো এমন মেয়ে এসেছে ? কখনও এমন সোণার  
গয়না দেখেছ ? বাপের ভয়ে দেড় হাজার টাকা একত্রে  
গুণেছ ? তোমার ঐ দাগা ষাঁড় ছেলে—তার বিয়ে দিয়ে  
রাজরাণী হবে ভেবেছ ? তোমার ঘটে একটু আক্কেল নাই ?  
এই ছুধের মেয়ে যদি তোমার তাড়নায় মারা যায়, তখন যে  
হাতে দড়ি প'ড়বে, তা ভাবো না ? রূপের ধুচনি !—অন্ধ-  
কারে কথা কইলে ছেলেপুলে ডরিয়ে ওঠে, এই সোণার চাঁদ  
বউ পছন্দ হ'চ্ছে না ?

১মা-প্র । ( কম্পিতা কিরণায়ীর প্রতি ) ভয় নাই মা,  
ভয় নাই ।

২য়া-প্র । দেখ দেখি, গলায় জল গ'লছে না ! হাত  
ধ'রেছে, পাঁচ আঙ্গুলের দাগ প'ড়েছে । ভাব্‌চো, বউকে যাতনা

দিয়ে আবার টাকা গুণবে ? মায়ে-পোয়ে থানায় গিয়ে কড়ি  
গুণতে হবে, তা জানো ?

কিরণ । ও মা, কোথায় তুমি—কোথায় তুমি ! মলুম  
গো !

মাত । ( উচ্চঃস্বরে ) কর্তা গো, তুমি কোথায় গেলে  
গো, একবার দেখে যাও গো, ব'উ এনে কি খোয়ার দেখ  
গো ! রমা, রমা, পোড়ারমুখো কোথায় গেল ? হা' ঘরের  
ঘরের জলার পেত্নীকে এখনি বিদেয় করুক ! রমা—রমা !—

[ প্রশ্নান ।

## দ্বিতীয় অঙ্ক



### প্রথম গর্ভাঙ্ক

রূপচাঁদ মিত্রের অন্তঃপুরস্থ দালান

রূপচাঁদ, ছুলালচাঁদ ও যশোমতী ।

ছুলাল । বাবা—বাবা, তোমার হাতেই আমার প্রাণটি ।  
তুমিই আমার মরণ-কাটি, জীবন-কাটি !

রূপ । কিরে কি বল্‌ছিস ?

ছুলাল । এইবারে বাবা, করুণাময়ের মেয়ে বাগিয়ে  
দাও বাবা ! মরণ-কাটি, জীবন-কাটি তোমার হাতে বাবা !  
নারাজ হ'য়ে না, বড় ব্যথা পাবে বাবা !

রূপ । আরে আবাগের ব্যাটা, কি বল্‌ছিস্, ভাল ক'রে  
বল না ?

ছুলাল । করুণাময়ের মেয়ে মেয়ে মজুত বাবা !  
দেখতেও খুব জম্‌কালো রকম ! তার সঙ্গে আমার বে  
লাগিয়ে দাও ।

যশো । ই্যাগা, ছুলাল যদি বারণা নিয়েছে, তবে ওই-  
খানেই বে দাও না, আর পাঁচটা সম্বন্ধ কেন ?

রূপ । আরে তুমিও খেপ্‌লে নাকি ? ঘটক পাঠালুম,  
টাকা ক'লালুম, করুণাময় রান্দা হয় কই ?

হুলাল। এই বারে বাবা ছিঁপে গেঁথেছ, কেবল খেলিয়ে তুলেই হয়। রেমো মামা চার-টার ফেলে সব ঠিক করেছে।

রূপ। রমানাথ কি রাজী করেছে ?

হুলাল। মুচড়ে রাজী করতে হবে বাবা ! রেমো মামা দালালি করে তোমার শীকার ঠিক জোগাড় করে দিয়েছে ! মোহিত ঘোষ, যে তোমার কাছে বাড়ী বাঁধা রেখেছে, তারা দু'ভাই। সে একলা মার এক ছেলে বলে তোমায় বাড়ী রেজেষ্টরী করে দিয়েছে। এখন তুমি মোচড় দাও বাবা !

রূপ। তারে মোচড় দিয়ে কি হবে ?

হুলাল। তুমি থেকে থেকে ঝাকা হও বাবা, এতেই আমার গা জালা করে। মোহিত ঘোষ—করুণাময়ের বড় মেয়েকে বে করেছে জান না বাবা ? এখন তুমি পুলিশ থেকে ওয়ারিণ বা'র করো। করুণাময় বোস বাপ্ বাপ্ করে মেয়ে দিতে পথ পাবে না বাবা !

রূপ। অ্যা, সত্যি নাকি, সেই বয়সে ছোঁড়াটা তার জামাই ?

হুলাল। তা নয় তো কি বাবা ! আমার সে চোদ্দ পুরুষের কে যে, রেমো মামার খোসামোদ করে তারে বাগানে নিয়ে যাই, স্লাম্পন খাওয়াই, মতিয়ার সঙ্গে জুটিয়ে দিই—মতিয়ার প্রেমে মজ্জুল করে দিই ! নইলে কি জাল করে তোমার কাছে টাকা ধার করে ? পিরীতের দায়ে ধার করেছে বাবা ! কেঁদে বেড়াতে—মতিয়া বেটা ঘরে চুপতে দিতো না, তাই ধার করেছে বাবা !

রূপ। বটে—বটে, তবে তো করুণাময় ব্যাটাকে বাগে ফেলিছি।

হুলাল। তবে আর তোমাকে বলি কি ? মা, দেখ, 'কাণা খোড়ার একগুণ বেশী,' কি না দেখ ! বাবা ফন্দী করে লোকের বিষয় গেঁড়া করতে পারে। বাবা, বল, ধর্মকথা বল, এ বুদ্ধি তোমার মাথায় আসতো না, মার কাছে স্বীকার পাও, তোমার হুলাল কেমন দাঁওবাজ ! তুমি ম'লে তোমার বিষয় রাখতে পারবে কি না, বোঝ বাবা !

রূপ। আচ্ছা আচ্ছা, তুই যা, আমি ওয়ারিণ বা'র কচ্ছি।

হুলাল। মা, এইবার বাবার মতন বাবা ! আর কথা ঝেড়ে ফেলো না বাবা !

রূপ। যাক্, ছেলেটা ধ'রেছে—বুঝলে গিন্নি ! মনে ক'রেছিলুম, ভয় দেখিয়ে বাড়ীখানা বাগিয়ে নেব, তা যাক্—

হুলাল। ও যেতে দাও বাবা ! তুমি বেঁচে থাকো, অমন হুশো বাড়ী বাগিয়ে নেবে। বিশ্বামিত্র গোত্র, মিত্রির গুপ্তির জেদ বজায় রাখো বাবা।

যশো। হুলো আমার খুব—হুলো আমার খুব ! খুব বুদ্ধি বা'র করেছে, খুব বুদ্ধি বা'র করেছে।

হুলাল। মা, কেমন তোমার হুলালচাঁদ বলো ?

যশো। আমার হুলালচাঁদ—আমার হুলালচাঁদ !

( চিবুক ধরিয়া আদর করণ )

হুলাল। চাঁদের উপর চাঁদ তোমার বউ ঘরে আনছি না ! বাবা, তাড়াতাড়ি যোগাড় করো, নইলে গুন্ডি—সম্বন্ধ হ'চ্ছে, বেহাত হ'য়ে যাবে।

[ সকলের প্রশ্নান।

## দ্বিতীয় গর্ভাঙ্ক

করুণাময়ের অন্তঃপুরস্থ কক্ষ

করুণাময় ও সরস্বতী।

করুণা। দেখ গিন্নি, চারা নাই। অনেক খুঁজে পেতে তো প্রথম পক্ষের বরে দিয়েছিলুম, লাভ এই হ'লো যে, বিধবার মত মেয়ে গলায় প'ড়লো।

( হিরণ্যীর প্রবেশ )

হিরণ। মা, বাবার ঠাই ক'রবো ?

সর। ও মা অবাক ! তুই খেতে খেতে উঠে এলি না কি ?

হিরণ। না মা, আমি খেয়েছি।

সর। সে কিরে, তুই ডেকে একটু মিষ্টি নিতে পারুলিনি ? একটু ক্ষীর নিতে পারুলিনি ? কর্তা ডাকলে,—চ'লে এলুম ! তুই, যা দিলুম, তাই খেয়ে চ'লে এলি ? আজ যা হোক বাড়ীতে পাঁচ রকম হ'য়েছে, তাও তোর বরাতে নেই !

হিরণ। আমার পেট ভরেছে। আমি ঠাই করিগে।

সর। কে জানে বাছা !

[ হিরণ্যীর প্রশ্নান।

দেখেছ—অলুভডে মেয়ে, কচিবেলা থেকে ও খাবো ব'লতে জানে না।

করণা। সে ভাল, পরের বাড়ী যাবে, কে জানে বরাত্তে কি আছে।

সর। ই্যাগা, এবার সব ঠিকঠাক খবর নিয়েছ তো ?

করণা। এবার তো আর ঘটকের মুখে নয়। তোমার তো সব ব'লেছি—পাত্রটী আমার জানা, সরকারি আফিসে কাজ করে। দেড়শো টাকা মাইনে পায়, বছর বছর মাইনে বা'ড়বে। তবে দোষের মধ্যে প্রথম পক্ষের গুটি দুই ছেলে আছে। তা আর কি ক'রবো! কিছু দিতে খুতে হবে না, তাতেই পাঁচশো টাকা প'ড়বে। সেও ভাবছি, সেকেণ্ড মট'গেজ না ক'রলে নয়। প্রথম মট'গেজের স্ক্রুদ এক পয়সাও দিতে পারি নি। এক বছর ধ'রে কিরণের ব্যামো; ওরা খবর নেন আর না নেন, আমরা তো সত্বসর ধ'রে তত্ত্ব ক'রে এলুম; তোমার অস্থখ গেল। ক'টি টাকা ঘরে আনি বল ? যাই হোক, না ধার ক'রলে তো নয়।

সর। বরটির বয়স কত ? আমার বোধ হ'চ্ছে, বয়স একটু ভারি হ'য়েছে।

করণা। দোজপক্ষের যেমন হয়—চল্লিশের ভেতর। শুন্তে পাই, খুব ভদ্র। যা ব'লছি, তাতেই রাজী।

সর। তা এত তাড়াতাড়ি কেন ?

করণা। বে ক'রে বড়লাটের সঙ্গে সিমুলে যাবে।

সর। তুমি কি জামাই-বাড়ী নিমন্ত্রণ করো নি ?

করণা। কেন নিমন্ত্রণ ক'রবো না ? হরার সঙ্গে নলিনকে দিয়ে নিমন্ত্রণ ক'রতে পাঠিয়েছিলুম। মোহিতের সঙ্গে দেখা হয় নাই, শুন্লুম—মাগী ছেলেটাকে জল খেতেও বলে নি।

সর। কে পত্র ক'রতে এসেছিল ?

করণা। জ্ঞাত-সম্পর্কে জ্যাঠা হয়, সেটিও খুব ভদ্রলোক। আমরা বা কি খাওয়ান-দাওয়ানের উছোগ ক'রতে পেরেছি—মিলের একমুখে শত সুখ্যাতি, বলে 'রাজারাজড়ার বাড়ীতে এমন উছোগ হয় না।' আর তোমার মেয়ে দেখেও খুব খুসী—বলে, 'রাজরাণী—রাজরাণী!' আমি একটা মোহর দিয়ে দেখে এসেছিলুম, মেয়ের দু'ই হাতে দু'টি মোহর দিয়ে আশীর্বাদ ক'রলে।

সর। বড্ড তাড়াতাড়ি হ'লো, কালই গায়ে হলুদ দেবে।

করণা। আমাদের তো কিছু উছোগ ক'রতে হবে না। গয়নার হিসাবে পাঁচশো টাকা ধ'রে দেব।

সর। বড্ড যে তাড়া প'ড়লো।

করণা। ফুলশয্যার পরদিনই বরকে সিমুলে যেতে হবে।

( ঝিয়ের প্রবেশ )

ঝি। ও গো, বাইরে জামাইবাবু এসেছে।

সর। সত্যি নাকি ?

ঝি। ই্যা গো! আমি কি মিছে ব'লছি, তোমার জামাইকে কি আমি চিনি নাই? সেই খুদে চুরোট মুয়ে লাগিয়ে ফুঁকচে !

করণা। এত রাত্রে কি মনে ক'রে ?

সর। হাজার হোক, জ্ঞান হ'য়েছে কি না। মাগীই বজ্জাত, আর এদানি আমরা তো জামাই আনতে পাঠাই নি, তাই বোধ হয় পত্রের অছিলেতে এসেছে।

করণা। ঠিক সময়ে এলে পাঁচজনে'দেখতো, যাক্, এসেছেন—আমার মাথা কিনেছেন। আমি বাড়ীর ভেতর পাঠিয়ে দিই গে। ঝি, একটা আলো নিয়ে আয়, সঙ্গে ক'রে নিয়ে আসবি।

সর। তুমিও শিগ'গীর ক'রে এসো, রাত হ'য়েছে, খাবে দাবে না।

[ করণাময় ও তৎপশ্চাৎ ঝিয়ের প্রস্থান।

মেয়েটা তো মনের দুঃখে একরকম হ'য়ে থাকে, একটু সাজিয়ে-গুজিয়ে দিই।

[ প্রস্থান।

( আলোহস্তে অগ্রে ঝি, পশ্চাৎ মোহিতমোহনের প্রবেশ )

ঝি। এইখানে বোস্ করুন। তা ই্যাগা, এতদিনে কি দিদিমণিকে মনে প'ড়লো গা ?

মোহিত। Damn it—তাকে পাঠিয়ে দাও।

ঝি। আর যে ঘর চলে নি গো! বোস্ করো—খাবার আসছেন, খাও! রাত তো আর পোয়াই নি গো। এসবে বই কি, এসবে নি ?

মোহিত। না, খাবার আনতে হবে না, পাঠিয়ে দাও।

ঝি। ও দিদি-নি, এস গো—তর ক'রে এসো, জামাই-বাবুর আর তর সচ্চি নি।

[ ঝিয়ের প্রস্থান।



মোহিত। মতিয়া—মতিয়া! সবুর করো, গয়না খুলে নিঃসই গোলাম হাজির হচ্ছে। মতিয়া—মতিয়া—জানের জান মতিয়া, তোনার health পান করি মতিয়া! ( পকেটস্থ শিশি লইয়া মদ্যপান )

( অগ্রে ঝি ও তৎপশ্চাৎ খাবার হস্তে কিরণময়ী ও সরস্বতীর প্রবেশ )

ঝি। এই নাও, দিদিমণিকে এনেছি—ভোর রাত সোহাগ করো।

সর। যা, জলখাবার দিগে, লজ্জা করিস্ নে, কাছে বসে খাওয়া। আমি চ'ল্লুম, কর্তাকে খাবার দিই গে।

[ সরস্বতীর প্রস্থান।

( অবগুষ্ঠনবতী কিরণময়ীর মোহিতের সম্মুখে জলখাবার স্থাপন )

মোহিত। Damn it—তোমার গয়না কি হ'লো? খাবার নিয়ে যাও, গয়না পরে এসো। ঝি, স'রে যাও।

ঝি। ও মা, বড় সোহাগ! কানাচ পেতে শুনি।

[ ঝিয়ের প্রস্থান।

মোহিত। দাঁড়িয়ে রইলে যে? যাও, গয়না পরে সেজে এসো, আমি অমন ভালবাসি নি।

কিরণ। আমার তো গয়না কিছুই নাই। ঠাকুরপা পাঠিয়ে দেবার সময় সব খুলে নিয়েছেন। মা তাঁর হাতের ছ'গাছি বালা পরিয়ে দিয়েছেন।

মোহিত। শুধু ছ'গাছি বালা, আর তাঁর কিছু গয়না নেই? যাও, পরে এসো।

কিরণ। মা'রও তো গয়না নাই, সব বাঁধা প'ড়েছে।

মোহিত। Damn it—তবে কি হ'লো! মতিয়া—মতিয়া, তুমি এত নির্দয়!—ওঃ! আমার যে প্রাণ যায়!

কিরণ। তুমি অমন ক'চ্চ কেন?

মোহিত। হঁ—কি ক'চ্ছি? সব জুচ্চুরি জুচ্চুরি, গয়না নাই—গয়না নাই? তবে আমি চ'ল্লুম—তবে আমি চ'ল্লুম! উঃ, মতিয়া—মতিয়া! এ যন্ত্রণা বে আর সহ হয় না! মতিয়া—মতিয়া, আমার বনবান দিগেছ মতিয়া! তোমার পালঙ্ক ছেড়ে আমি কোথায় এলেম! আমি চ'ল্লুম—চ'ল্লুম। দাও—দাও—বালা ছ'গাছা দাও। দেখি—দেখি—আমি অমনি বালা গড়িয়ে দেবো। দাও—দাও—( উত্থান ও পতন )

কিরণ। ও মা—মা, শীগ'গির এসো।

( বেগে সরস্বতী ও পশ্চাতে ঝিয়ের প্রবেশ )

সর। কি রে—কি রে?

কিরণ। ও মা, কি ক'চ্চে দেখ!

মোহিত। ( হস্ত প্রসারণ করিয়া ) দাও—দাও, নইলে হাত মুচড়ে কেড়ে নেবো। মতিয়া, কোথায় তুমি!

সর। ও মা, কি হ'লো! কে কি খাইয়ে দিয়েছে না কি গো! ও মা, এমন ক'চ্চে কেন গো! ও ঝি—ও ঝি, কর্তাকে ডাক—কর্তাকে ডাক।

ঝি। ও গো, সন্দি-গর্ষি নেগেছে, তুমি মুয়ে ছল দাও, বাসাত করো।

[ ঝিয়ের প্রস্থান।

সর। বাবা মোহিত—মোহিত:

মোহিত। Damn it—গয়না পরিয়ে দাও—এখন পরিয়ে দাও! মা, টাকা বা'র ক'র্বে তো করো, নইলে এই সিন্দুক ভাঙ'লুম—ভাঙ'লুম। টাকা নিকালো। গয়না পরিয়ে দাও—গয়না পরিয়ে দাও, কই, বালা দেখি—বালা দেখি, আমি গড়িয়ে দেবো—গড়িয়ে দেবো! দাও, দাও, আমায় দাও, মতিয়া—মতিয়া!—

( করুণাময়ের প্রবেশ )

সর। ও গো—দেখ গো, জামাই কেমন ক'চ্চে দেখ!

করুণা। ( মদের ছ'গাছে মুখ ফিরাইয়া লইয়া ) উঃ!—গিন্নি, আর দেখ'ছ কি? কিরণের বিকার হ'য়েছিল, বড্ডই ভেবে ছিলে, বড্ডই দেবতার কাছে মাথা খুঁড়েছিলে, কালীঘাটে বুক চিরে রক্ত দিয়েছিলে;—আবার দেবতার কাছে মাথা খোঁড়ো, আবার কালীঘাটে বুক চিরে রক্ত দাও, প্রার্থনা করো—কিরণ মরুক—তিনটে মেয়ে একত্রে মরুক! আমার উচিত কি জানো, যখন মেয়ে জন্ম দিয়েছি, তুষানল ক'রে প্রায়শ্চিত্ত করা, আর অগ্ন প্রায়শ্চিত্ত নাই। কি ক'র্লুম, কি সর্কনাশ ক'র্লুম! বাড়ী বাঁধা দিয়ে, অপমান সহ ক'রে মাতালের হাতে কিরণকে দিলুম। কিরণের শাশুড়ী বউকাটকি, বউকালেই না হয় যন্ত্রণা দিত, এ কি—হাত-পা বেঁধে বাছাকে যন্ত্রণা-মাগরে ফেলে দিলুম—মাতালের হাঁটু ছুঁয়ে কণা সম্প্রদান ক'রেছি! বিধাতা আরো অদৃষ্টে কি লিখেছে—জানি না!

সর। ও গো না—না, দেখ—দেখ, বাছাকে কে কি খাইয়েছে, ওই দেখ—কেমন ক'চ্ছে! তুমি শীগ্গির ডাক্তার ডাকতে পাঠাও। ও মা, পরের বাছা এতদিন পরে কেন এলো গো! তুমি দাঁড়িয়ে র'য়েছ? দেখছো না—দেখছো না, দম আটকে যাচ্ছে!

মোহিত। মতিয়া—মতিয়া! (হস্ত প্রসারণ)

করণা। গিম্মি, দেখছ কি—দুর্দান্ত মাতাল! কোন্ বেষ্টার বাড়ী মদ খেয়ে এসেছে, নেসার ঝাঁকে তাকে খুঁজছে! দেখছ না, মুদ্র হ'য়ে পড়লো! মাথায় জল দাও, বাতাস করো, কাল ভোর হ'লেই গাড়ী ক'রে বাড়ী পাঠিয়ে দিও। গিম্মি, মনে করো, কিরণ তোমার বিধবা, বিধবারও অধম—নচ্ছার মাতালের স্ত্রী। গিম্মি, আমাদের উচিত কি জানো? কিরণকে নিয়ে গঙ্গায় গিয়ে ডোবা, নইলে দিন দিন যন্ত্রণা—দিন দিন যন্ত্রণা! ওঃ! আমি আর দাঁড়াতে পাচ্ছি নে—আমার নাথা ঘুচে—আমি চ'লুন। ভয় নাই, ম'রবে না, তোমার কিরণের তেমন কপাল নয়।

[ করণাময়ের প্রস্থান।

সর। ও ঝি—ঝি, মাথায় একটু জল দে বাছা। কর্তা রাগ ক'রে গেল, তুই যা বাছা—মধু ডাক্তারকে ডেকে নিয়ে আয়। বাছার কি অসুখ হ'য়েছে।

ঝি। ওগো, না গো—মদ খেয়েছে বো ছাড়ছে দেখছো নি! আমাদের বাড়ীউলীর মাল্লুষটো ওম্নি খেয়ে এসে তোলাতে থাকে।

সর। তবে সত্যি কি আমার কিরণের এই সর্কনাশ! সত্যি কি আমার কিরণকে মাতালের হাতে দিলুম! সত্যি কি আমার কিরণ স্বামী থাকতে বিধবা হ'লো! মা কালী, কি ক'রলে! আমি যে বড় সাধ ক'রে কিরণের ভাত তোমার বাড়ীতে দিয়ে এসেছি,—আমি যে বড় সাধ ক'রে কিরণের বে' দিয়েছি। আমি যে তোমায় বুকের রক্ত দিয়ে কিরণকে ফিরে পেয়েছি। মা গো, ভেবেছিলুম, জামাই হবে, মেয়ের বদলে ছেলে পাবো! কি সর্কনাশ হ'লো! আমার গর্ভপাত হয় নি কেন? আমার মরণ হয় নি কেন? এই যন্ত্রণা দেখতে হ'লো!

মোহিত। কুচ, পরায়না নেই। গয়না লে আও—গয়না লে আও।

[ দ্রুতবেগে উত্থান এবং “মতিয়া মতিয়া” বলিয়া টলিতে টলিতে প্রস্থান।

[ সরস্বতী ও ঝিয়ের তৎপশ্চাত্ত দ্রুত প্রস্থান।

( নেপথ্যে পতন-শব্দ )

নেপথ্যে সর। ও ঝি, ডাক ডাক—কর্তাকে ডাক।

## তৃতীয় গর্তাঙ্ক

করণাময়ের বহির্কীর্টা

( ঝাঁটা-হস্তে ঝিয়ের প্রবেশ )

ঝি। ও মা গো, সমস্ত রাত কি তোলালে গো! গন্ধে গাটা আড়পাড়িয়ে উঠছে। থাক এখন বাসনমাজা, বাবুর ঘরটা ঝাঁট দিয়ে নেয়ে আসি। মা গো, বড় দিদিমণি কি নিঘিলে, দু'হাতে তোলানিগুলো ধ'রলে! কি চিকুরী গো, কাণে তালা ধ'রে যায়। চলে গেল—বালাই গেল। আমাদের ঘরকে অমন জামাই হ'লে মুয়ে তুড়ো জ্বলে দিই।

[ ঝিয়ের প্রস্থান।

( করণাময়ের প্রবেশ )

করণা। ছিঃ ছিঃ, দেখে শুনে কি পায়েই মেয়ে দিয়েছি, মেয়ের বৈধব্যকামনা হ'চ্ছে!

( সরস্বতীর প্রবেশ )

সর। বেয়ান ঠাকুরণ এসেছেন।

করণা। কি—কেন? জামাই বাড়ী যায় নি না কি?

( মাতঙ্গিনীর প্রবেশ )

মাত। আর বেয়াই, আমার লজ্জাও নাই, সরমও নাই! আমার সর্কনাশ হ'য়েছে—সর্কনাশ হ'য়েছে—মোহিত আমায় পথে বসিয়েছে! রূপটাক মিত্তিরকে দু'হাজার টাকায় বাড়ী বেচেছে।

করণা। সে কি?

মাত। আর সে কি! রমা! আমায় খবর দিলে। সত্যি বেয়াই, সত্যি সর্কনাশ হ'য়েছে। তুমি বাঁচাও তো বাঁচি, নইলে আমি পথে দাঁড়ালুম।

করুণা । আমি কি ক'রবো ?

মাত । তুমি সব পারো, তোমার হাতেই মরণ-বাঁচন । কায়েতের ঘরের গন্ধ, রূপচাঁদ মিত্তিরকে বাড়ী পেচেছে, আবার কোটে ব'লেছে, আমি এক ছেলে, আমি বিষয়ের ওয়ারি-সান । এখন রূপচাঁদ মিত্তিরকে টাকা দিলেও কিরবে না ।

করুণা । টাকার যোগাড় আছে ?

মাত । সবই ভাই তোমায় ক'রতে হবে । তুমি বা দিয়েছিলে, প্রায় তা দেনা শুধুতেই গেছে । যে ক'রে সংসার ক'চ্ছি, তা ওপরে ধর্মই জানে, আর আমি জানি । দেনা ক'রে দু'টি ছেলে মানুষ ক'চ্ছি ।

করুণা । ( স্বগত ) মানুষ আর কই ক'রেছ, ভূত ক'রেছ ! ( প্রকাশে ) আনায় আর কাটলেও রক্ত নাই, কুটলেও মাংস নাই ।

মাত । রমা ব'লেছে, তুমি রক্ষ ক'রতে পারো । তোমার টাকা লাগবে না, কড়ি লাগবে না, কিছু না ।

করুণা । সে কি, রমানাথ কি ব'লেছে ?

[ সরস্বতীর প্রস্থান ।

( রমানাথের প্রবেশ )

রমা । ম'শায়, যা বলে, তা মুখে আনবার যো নাই । সে কথা আপনাকে আর কি শোনাবো !

করুণা । তবু কি শুনি ?

( ছুলালচাঁদের প্রবেশ )

ছুলাল । শুনবে বাবা, শুনবে ? আমায় তুমি তোমার নেজো মেয়েটি দাও । বাড়ী ছেড়ে দিচ্ছি, দু'সুট জড়োয়া গয়না ছাড়ছি । তোমার মেয়েটির গায়ে হাতও দিতে চাচ্ছি নি, শুধু নালাটি গলায় দিয়ে, আমি বাগানের ছেলে বাগানে চ'লে যাবি ।

করুণা । ইনিই রূপচাঁদ বাবুর পুণ্য—না ?

ছুলাল । হা বাবা, আমি একলা মার এক ছেলে । করুণাময়, করুণা ক'রে চেয়ে দেখ ! কুঁজ টাকা দিয়ে ব'সলে, আমার চেয়ে তোমার বড় জামাই কিছু বেশী চেহারা বাজ হবে না ।

মাত । ও বেয়াই—কি হবে বেয়াই ! তুমি রাজী হও বেয়াই, নইলে মজি বেয়াই ।

করুণা । বে'ন, হুন খাইয়ে ছেলে মা'বুতে পার নি আমার বরাতে ছেলে জিইয়ে রেখেছ ! আমার জামাই চাইনি মেয়ের ঘর চাইনি, দোর চাই নি । আমি কাল পত্র ক'রেছি, সে পত্র ভেঙ্গে এই অকালকুখাণ্ডকে মেয়ে দেব ! ভদ্রসমাজে আর মুখ দেখাবো না ! আবার একটীর গলায় পাথর বেঁধে জলে ফেলে দেব !

ছুলাল । বাবা, হাতের লক্ষ্মী পায়ে ঠেলো না বাবা ! নগদও কিছু ছাড়'চি, বাবাকে ব'লে তোমারও মাসোহারা বন্দোবস্ত ক'রে দিচ্ছি ।

করুণা । চ'লে যাও আমার বাড়ী থেকে ।

ছুলাল । যাব কেন বাবা ? তোমার জামাই হ'তে এসেছি ; যাবো কেন বাবা ? তোমার বড় মেয়ে কোন্ সুপাত্রে দিয়েছ বাবা ? আমার কুঁজ একদিকে আর তোমার বড় জামাইয়ের বুদ্ধি এক দিকে, ওজন করো বাবা ! তার চালচুলো যা ছিলো, তা তো আমার হাতে এসেছে বাবা, তাকে তো পথে বনিয়েছি বাবা ! তোমার সব দিক বজায় হ'চ্ছে, এ সম্বন্ধ তোমার কি মন্দ হ'চ্ছে বাবা !

মাত । বেয়াই, রক্ষ কর—বেয়াই, রক্ষ কর ।

ছুলাল । চূপ কর না বাবা ! আমি টাকার সুরে গাওনা ধ'রেছি, তোমার ও বেয়াড়া সুর লাগবে কেন বাবা !

করুণা । রমানাথ বাবু এই সম্বন্ধ নিয়ে এসেছ, না ?

রমা । আজে না, তা নয়, তবে কি জানেন, সব দিক বজায় থাকতো—সব দিক বজায় থাকতো ।

করুণা । বটে ! বেরোও, আমার বাড়ী থেকে বেরোও ।

ছুলাল । বাড়াবাড়ি ক'চ্ছ কেন বাবা, শেষ ঘাড় মুইয়ে আসতেই হবে বাবা ! আমি নাছোড়বান্দা !

করুণা । যাও, বাড়ীতে এসে বেল্লিকপনা ক'রো না ।

ছুলাল । বেল্লিকপনা কি ক'চ্ছি বাবা ? আমি তোমার মেয়েটি চাচ্ছি বই তো নয় ! রাজী হ'লে সূড়্ সূড়্ ক'রে চ'লে গিয়ে বাবাকে পাঠিয়ে দিই, পত্র ক'রে য় ।

করুণা । ( নিকটবর্তী পতিত বংশ উত্তোলন করিয়া ) যাও—নিকালো ।

ছুলাল । যাচ্ছি বাবা, নাদনা ঝেড়ো না বাবা !

করুণা । বেরোও—বেরোও সব ।

রমা । আচ্ছা বাবা, তোমার হাত-পা নাড়া বুঝে নিচ্ছি ।

হুলাল। না বাবা, এখন বোঝাবুঝি কাজ নেই বাবা, যখন বুঝবো, তখন বুঝবো বাবা, এখন নেংচে চ'লে যাচ্ছি বাবা। রেমো মামা, নিয়ে যাও বাবা—এখনি নাদনা ঝাড়বে, নিয়ে যাও বাবা!

[ রমানাথ ও হুলালচাঁদের প্রস্থান।

মাত। বেয়াই, সর্বনাশ হবে বেয়াই! শুন্ছি পুলিশে দেবে, তোমার বড় মেয়ে গাছতলায় ব'সবে!

করণা। সে তো যে দিন বিয়ে দিয়েছি, সে দিনই গাছতলায় ব'সেছে! কাল তোমার পুত্র এসেছিলেন—মেয়ের গায়ের গয়না চুরি ক'রতে, বড় নৈরাশ হ'য়ে চ'লে গিয়েছেন। আজ তুমি এসেছ পত্র ভাঙতে। আমার বড় মেয়ে বিধবা হ'য়েছে, তুমি বাড়ী যাও।

মাত। ও বেয়াই, বেয়াই, আমার বড় সাধের মোহিত বেয়াই! শুন্ছি, থানায় দেবে বেয়াই! তা হ'লে আর আমার মোহিতকে পাব না। উপায় থাকতে মেয়েকে বিধবা ক'রো না।

করণা। বে'ন ঠাকরণ, আমি পত্র ক'রেছি; এই গায়ে হ'লুদের সামগ্রী এলো ব'লে, সন্ধ্যার সময় বর আসবে। অর্ধেক বাড়ী ছেড়ে দাও গে। রূপচাঁদ মিত্তিরের পায়ে হাতে ধ'রে যতদূর পারি, চেষ্টা পাবো। না শোনে—আর কি ক'রবো—পত্র ভেঙে দিতে পারবো না, আমায় মাপ করো।

মাত। ও ম', ঠোথাকার নরুকে মিসে গো! ঝি-আমাইয়ের মুখ চায় না! ও মা, কি চামার মিসে গো—ও মা, কি হবে গো! কেন এই ছোটলোকের ঘরে ছেলের বিয়ে দিয়েছিলুম গো!

করণা। বে'ন, ভালয় ভালয় বাড়ী যাও। তুমি মেয়েমানুষ, তোমায় আর কি ব'লবো! আমার জামাই কই? জামাই কি আমার আছে? যে দিন তোমার ছেলের সঙ্গে বিয়ে দিয়েছি, সেই দিনই মেয়ে আমার বিধবা হ'য়েছে!

[ করুণাময়ের প্রস্থান।

মাত। এত অহঙ্কার—এত অহঙ্কার! ধর্মে সহিবে না—ধর্মে সহিবে না—ধর্মে সহিবে না!

[ প্রস্থান।

## চতুর্থ গর্ভাঙ্ক

করুণাময়ের অন্তঃপুরস্থ কক্ষ

কিরণময়ী ও জোবি।

জোবি। কাঁদছি, কাঁদ, আমিও কেঁদেছি—খুব কেঁদেছি! এখন বুঝছি, কেঁদে কি ক'রবো? আমিই কাঁদবো, আর তো' কেউ কাঁদবে না! তাই আর কাঁদি না, গান গেয়ে বেড়াই।

কিরণ। ভাই, আমার মতন দুঃখিনী আর কেউ আছে? এমন স্বামী থাকতে বিধবা আর কেউ আছে? আমার সব থেকে কিছুই নাই। কাল স্বামী এলেন, শুনে স্বর্গ হাত বাড়িয়ে পেলেন। বড় আশায় কাছে গেলেম, মনে হ'লো বুঝি, এত দিনের পর দাসীকে মনে প'ড়েছে, বুঝি পায়ের স্থান পাবো। স্বামীর ব্যবহারে বুকে শেল বা'জ'লো! তবু মনকে প্রবোধ দিলুম, চক্ষে তো দেখলুম, কথা তো শুনলুম; তিনি আমায় পায়ের ঠেললেন, কিন্তু আমি তো তাঁর দাসী; কখনো না কখনো আবার দেখা পাব, আবার কথা কবো; একদিনও সেবা ক'রতে পাবো। না পাই, একদিনও তো দেখা পেয়েছি, তাই মনে মনে ভাববো, সেই ধ্যানে থাকবো। কিন্তু সকালে উঠে কি শুনলুম!—থানায় আমার স্বামীকে ধ'রে নিয়ে যাবে, তাঁকে চোর-ডাকাতের সঙ্গে রাখবে। চিরদিন তিনি মায়ে'র আদরে কাটিয়েছেন, থানায় নিয়ে গেলে তিনি আর বাঁচবেন না। আমার সকল আশা ফুটলো, আর তাঁর দেখা পাব না।

জোবি। তোর মাকে ব'লেছি? স?

কিরণ। মা জানেন, বাবা জানেন, কিন্তু কি উপায় হবে! বাবা বলেন, আমার মেয়ে বিধবা হ'য়েছে। তিনি আমার বোনের বে নিয়ে ব্যস্ত, আমার দুঃখের কথা একবারও মনে জায়গা দেন না। আমার দুঃখে দুঃখী বোধ হয় পৃথিবীতে আর কেউ নাই! আমি কাঁদবো না তো কাঁদবে কে?

জোবি। কাঁদ—কাঁদ, তোর স্বামীকে ধ'রে নিয়ে যাবে? আহা, তুই আমার চেয়েও দুঃখী। আমি তবু আমার স্বামীকে দেখতে পাই, তবু তার সঙ্গে কথা কইতে পাই, ভিক্ষে ক'রে পয়সা পেলে পয়সা দিই! আহা, তোর

স্বামীকে ধরে নিয়ে যাবে! তুই কাঁদ—তুই কাঁদ!

কিরণ। তোমার স্বামী আছে? তোমার স্বামীর দেখা পাও? তবে তো তুমি রাজরাণী! তোমায় কাঙ্গালিনী মনে করতুম, তুমি কাঙ্গালিনী নও, আমিই কাঙ্গালিনী।

জোবি। তুই সত্যিই কাঙ্গালিনী। তুই আমার মত যেখানে সেখানে যেতে পাস্ নে, তোর স্বামীর দেখা পাস্নে, মনের দুঃখ চেঁচিয়ে বলতে পাস্নে, মনে মনে গুম্বরে থাকতে হয়। তোর স্বামী কোথায় আছে জানিস্, তবু তুই এক জায়গায়, সে এক জায়গায়। তুই কাঁদ—কাঁদ! তোকে কাঁদতে বারণ করবো না, আমিও তোর সঙ্গে কেঁদে বাবো। আমি তোর স্বামীকে রোজ দেখে আস্বে, দেখে এসে তোরে বল্বে। তুই কাঁদ—কাঁদ—তুই সত্যিই বলেছিস্, তোর কাঁদতে জন্ম।

কিরণ। আহা, তোমার স্বামী আছে। তোমার সঙ্গে কথা কয়! তবে তুমি অমন করে বেড়াও কেন? তুমি কেন তোমার স্বামীর কাছে থাকো না?

জোবি। আমার স্বামী কি আমায় চেনে? আমায় ছাঁদলাতলায় দেখেছিল, একদিন মদ খেয়ে লাগি মেরেছিল।

কিরণ। তুমি তোমার শশুরবাড়ী থাকো না কেন?

জোবি। কোথায় শশুরবাড়ী? বাড়ী মদ খেয়ে বেচেছে! আমার শাশুড়ী ম'রে গিয়েছে—সে পরের বাড়ী থাকে, আর ঘুরে ঘুরে বেড়ায়।

কিরণ। তুমি কেমন করে তাকে চিন্লে?

জোবি। কেমন করে চিন্লাম! তুমি এমন কথা বল্ছো? তুমি কেমন করে চিন্লে? তোমার বে'র দিন মনে করো, রান্কা বর হবে—কত আমোদ মনে করো! স্বামীর পাশে ব'স্লে, স্বামীর মুখ দেখ্লে, এখন বুঝতে পেরেছ, কেমন করে চিন্লাম? সে কথা মনে করে সুখ—ভেবে সুখ—স্বামীর বাড়ী দুঃখ পেয়েছিলুম, তাতে সুখ, স্বামী লাগি মেরেছিল, তাতে সুখ, স্বামী নিয়ে সবই সুখ। সে সুখ কে ভুল্বে বলো?

কিরণ। সত্য বলেছ। এখন মনে হয়, বাবা কেন আমায় নিয়ে এলেন! শশুরবাড়ী ম'রতুম, সেও আমার ভাল ছিল, তবু আমি আমার স্বামীকে দেখতে পেতুম। তবু তাঁর সেবা করতে পেতুম। শাশুড়ী যন্ত্রণা দিত,

দিতই বা—এ যন্ত্রণা হ'তে কি বেশী যন্ত্রণা হ'তো! হয় তো আমি সেখা থাক্লে একদিন না একদিন আমার পানে ফিরে চাইতেন, একদিন না এ'দিন দয়া হ'তো, হয় তো দাসী বলে পারে রাখতেন। আমি ঘরে থাক্লে হয় তো এতটা ব'য়ে যেতেন না। ভাব্ছি, বাবা আমায় কেন নিয়ে এলেন! কি সুখে রেখেছেন, কি সুখে রাখবেন! আমার স্বামী যদি কয়েদ হয়, কি সুখে আমি অন্ন মুখে দেব, কি হ'লো,—কি হবে!

জোবি। ছাখ্ ভাই, আমার মা একটা কথা বলেছিল, সেই কথাটি তোকে আমি বলি, শোন,—মা বলেছিল, “বড় দুঃখ পেলে মধুসূদনকে ডাকিস্।” আমি ডাকতুম, এখনো ডাকি। মধুসূদন আমায় গান শেখায়, গান গেয়ে মনের আনন্দে থাকি। আমার স্বামাকে খুঁজে বেড়াতুম মধুসূদন এক দিন দেখিয়ে দিলে। তুইও মধুসূদনকে ডাক, আর তো তোর, কেউ নাই। যার স্বামী দেখতেপারে না, তার কেউ নাই, কেবল মধুসূদন আছে। তাঁকে ডাক, তাঁর কাছে কাঁদ। ছাখ্, আমার মনে মনে আশা হয়, একদিন আমার স্বামী আমাকে চিন্বে, আমাদের ঘর-ঘরকন্না হবে। তুইও ডাক, তোর মনেও আশা হবে। মধুসূদন দেখা দেয় না, কিন্তু মনে মনে কথা কয়, মনে মনে আশা দেয়; আমায় তো ভাই দেয়। তাঁর নামে আমি গান তৈরি করি;—মনে বড় দুঃখ হ'লে একলা ব'সে সেই গান তাঁরে শোনাই।

কিরণ। জোবি, এততেও তুমি সুখী। তোমার মনে আশা আছে, কিন্তু আমি নৈরাশ সাগর ভাস্ছি। যে দিকে দেখি সেই দিক্ অন্ধকার! আমায় দেখে আমার বাপের মুখ বিষন্ন, মার মুখ বিষন্ন! চারিদিকে কলঙ্ক—চারিদিকে স্বামীর নিন্দা! লোকে হাসে, ‘আধা’র সঙ্গে ঘৃণা করে। ঘর আমার অরণ্য মনে হয়। (নেপথ্যে শঙ্খ ও ছলুধ্বনি ওই শাঁক বাজ্ছে, আমার বে'র শাঁক বাজ্জা মনে প'ড়্চে। আজও সেই শাঁক বাজ্ছে; কিন্তু আমার স্বামী কোথায়? স্বামী আমার বিপদ-সাগরে ভাস্ছে! জোবি, আর আমি আমার দুঃখে কাতর নই। এই বিপদ সাগর হ'তে যদি কেউ আমার স্বামীকে উদ্ধার করে, আমি চিরদিন তার বাদী হ'য়ে থাকি। কিন্তু কোন দিকে আমার কুল দেখি না, মিছে জন্ম জন্মেছিলুম, যে দিন ম'রবো, সে দিন জুড়োবো কি না জানি নি।

জোবি। আমি যাই, আমি তোর স্বামীকে দেখতে যাই। আমি তোরে এসে খবর দেব, রোজ খবর দেব, আমি তোর কথা মধুসূদনকে বলবো, বলবো,—“মধুসূদন, আমার মতনই দুঃখী, তার উপায় করো, তার মনে আশা দাও।” রোজ তোর কাছে আসবো। আর কি করবো ভাই? হোর দুঃখের কথা শুনবো, দু’জনে বসে কাঁদবো। তুই যা, তোর বোনের বে, তোরইত বোন, আহা, তার কপালে কি আছে কে জানে! তুই দেখগে যা, তার আনোদে আনোদ কর। তোর আনোদ ফুরিয়েছে, আর কি করবি বল! তুই যা, নইলে তোকে নিন্দে করবে, তোর বাপ রাগ করবে, তোর মা রাগ করবে, বেটা চুকে যাক, কেঁদে কেটে তোর মাকে ধরিস, যদি উপায় থাকে, তোর বাপ করবে। বাপ-মার উপর মনোহুঃখ করিস নে। তারা তো গরীব, তোর বাপ তো দিন আনে, দিন খায়। কি করবি বল? চ’খের জল মুছে কে দেখগে যা। আমি আবার কিরে আসবো।

[ কিরণীর প্রস্থান।

জোবি।—

( গীত )

উলু নয় বোদন-ধনি, প্রাণ কাঁপে শাঁকের ডাকে।  
বাপ-মা যেচে, পেটের মেয়ে বলি দিতে দেয় কাকে ॥  
বাপে-মায়ে বালাই ভাবে, বালিকার আর মুখ কে চাবে :  
তারই ঘরে দিন কাটাবে, টাকা দিয়ে বেচবে থাকে ॥  
অবলার দীর্ঘখানে, কমলা পলান ত্রাসে,  
নয়ন-জলে নারী ভাসে, সে দেশে কি অন্ন থাকে ॥

[ জোবির প্রস্থান।

## পঞ্চম গর্ভাঙ্ক

রাস্তা

( ইন্স্পেক্টর ও জোবির প্রবেশ )

ইন্। আচ্ছা পাগলি, তুই কি করে জানলি?

জোবি। আমি যে মোহিতের খবর রাখি, সে যে কিরণের ভাতার।

ইন্। কিরণ তোর কে?

জোবি। সে বড় দুঃখী! আমার মতন পাগলী তো ভাল; তার ভাতারকে ধ’রে নে যাবে, সে দেখবে, আর অমনি ম’রে যাবে।

ইন্। তার স্বামী তো তার কাছে যায় না, বেশা নিয়েই থাকে।

জোবি। থাকলেই বা? হিন্দুর ঘরের মেয়ে, ভাতার নেই ভালবাসলো, তা বলে কি ভাতারকে ভালবাসবে না? তুমি এও জানো না, তবে তুমি কি পুলিশে কাজ করো? তুমি তবে কেমন বাঙ্গালী? তুমি কি জান না, বাঙ্গালীর মেয়ের স্বামী ছাড়া আর কি আছে? স্বামীকে দেখে সুখ, ভেবে সুখ, তার সঙ্গে কথা ক’য়ে সুখ, সে গালাগাল দিলে সুখ, সে মারলে সুখ! স্বামীই কেবল সুখ, বাঙ্গালীর মেয়ের আর কি আছে? যার স্বামী নাই, তার মরা ভাল। হলোই বা মন্দ স্বামী, তবু তো স্বামী।

ইন্। পাগলি, তুই এত জানলি কি করে?

জোবি। কেন, আমি কি মেয়েমানুষ নই? আমার কি বে হয় নাই? আমি কি স্বামী দেখি নাই? আমি কি তার সঙ্গে কথা কই নাই? স্বামী খারাপ হলে কি স্বামী পর হয়? না, না বাবু, তুমি কিরণকে বাঁচাও, সে বড় দুঃখী, সে ম’রে যাবে।

ইন্। আচ্ছা, তুই যা। তুই আজ খেয়েছিস?

জোবি। না।

ইন্। যা, আমাদের বাড়ী খেগে যা, সমস্ত দিন খাসনি কেন?

জোবি। আমি ঘুরে বেড়াচ্ছি। তুমি মোহিতকে ছাড়িয়ে দেবে, কিরণকে গিয়ে খবর দেবো, তার মুখে একটু হাসি দেখবো, তবে খাবো; নইলে আমি খেতে পারবো না।

ইন্। তুই ভাবিস নে, আমি সব বজ্জাত ব্যাটারদের ধ’রে থানায় নিয়ে যাবো। মোহিতকে ছেড়ে দিতে পথ পাবে না।

জোবি। না—না, তুমি রমানাথকে ধ’রো না।

ইন্। কেন রে, সে আবার তোর কে? তারও মাগ কাঁদবে না কি?

জোবি। ই্যা—ই্যা, সেও ম’রে যাবে।

ইন্। আচ্ছা না—ধ’রবো না—যা।

জোবি। এট ব'ল্লে—এট ব'ল্লে ?

ইন্। মশায়, তুমি পাগ্গার এত গুণ, তা আমি জান্‌কন না। তাহতে মরোক এরে এত ভালবাসে।

( প্রকাশে ) আচ্ছা পাগ্গা, তুমি মরোককে ভালবাসিস্ ?

জোবি। তোমার মাগ্গকে ? খুব ভালবাসি। তার চেয়ে তোমার ছেলেকে ভালবাসি। আমি তোমার ছেলে কোলে ক'রে মনে করি যেন আমার ছেলে।

ইন্। আচ্ছা যা, তোমার ভয় নাই, আমি যাচ্ছি।

[ একদিকে ইন্স্পেক্টরের ও অর্থাৎ জোবির প্রস্থান।

## চতুর্থ গর্ভাঙ্ক

করণাময়ের বাটার উঠান

করণাময়, মুকুন্দলাল ( বর ), বরযাত্রী ও কন্যাযাত্রীগণ,  
পরামাণিক, পুরোহিত ইত্যাদি।

করণা। অন্তমতি হয়, কন্যা সম্প্রদান করি।

সভাস্থ সকলে। উত্তম উত্তম।

পরামাণিক। গা তুলুন বাবু, গা তুলুন।

( বরের উঠান, নেপথ্যে শঙ্খ ও ছল্লুকনি )

( রমানাথ ও ছল্লালচাঁদের প্রবেশ )

ছল্লাল। চেপে যাও বাবা—চেপে যাও, আগে বর সাবাস্ত হোক। এ আসরে তুমি বর নও বাবা, আমি বর।

সকলে। কি সর্কনাশ, এ কি !

ছল্লাল। বোস্‌জা—বোস্‌জা, বড় নাদনা বা'র ক'রেছিলে ? এখন স্‌ড্‌ স্‌ড্‌ ক'রে বৃষকাঠ বরখাস্ত ক'রে মেয়েটি আমায় দাও। নইলে দেখ, তোমার বড় জামাইয়ের হাতে বালা খসবে না। জমাদার সাহেব, এগিয়ে নিয়ে এসো।

( মোহিতমোহনকে হাতকড়ি দিয়া জমাদার ও পাহারাওয়ালার প্রবেশ )

জমা। বাবু, আমি থানায় লিয়ে যাবে, রাত্রে জামিন হোবে না। আপনি এখানে আন্তে কেন ব'ল্লেন ?

মোহিত। শশুর ম'শায়, আমায় রক্ষা করুন, আমায়

বাঁচান, আমায় গ্রেপ্তার ক'রেছে, আমায় থানায় নে যাবে জমাদারের পায়ে হাতে ধ'রে আমি এদিকে এনেছি।

করণা। কি সর্কনাশ ! জমাদার সাহেব, যদি গ্রেপ্তার ক'রে থাকেন, তবে এখানে কেন আন্লেন ?

জমা। বাবু বড় কাঁদাকাটি ক'রলে ; আমি ভদ্রলোকের উপর বড় পীড়াপীড়ি করি না ; বলে, 'আমার জীর সঙ্গে দেখা ক'রে যানো,' তাই আনিয়াছে।

করণা। আচ্ছা, বেশ ক'রেছ, এখন নিয়ে যাও।

মোহিত। মশায় রক্ষা করুন—রক্ষা করুন।

করণা। বুঝেছি জমাদার সাহেব, নিয়ে যাও। আনি মেয়ের বে দিচ্ছি—কেন ব্যাঘাত করো ?

ছল্লাল। কি বাবা, জামাইকে ফাঁসাবে ? সোজায় কাজ হামিল করো না কেন ? এ ঘুণ-ধরা বৃষকাঠ বিদেয় দাও না বাবা ! আমি গিয়ে পিঁড়ের ব'স্‌ছি, তা হ'লেই সব মিটে যায়।

করণা। মশায়, আপনারা আমার ইজ্জত রক্ষা করুন, এদের বিদায় করুন। আনি দাঁড়াতে পাচ্ছি নে, আমার মাথা ঘুরচে, ভগবান্ !

( পতনোন্মুখ ও কিশোরের ধৃত করণ )

কিশোর। ম'শায়, স্থির হে'ন।

করণা। বাবা কিশোর, এদের বিদায় করো, যন্ত্রণা হ'তে আমায় জ্ঞান করো।

ছল্লাল। বোস্‌জা, তুমি কি বেল্লিক বাবা ! এই শুকনো বৃষকাঠে ফুলের মালা ঝোলাচ্ছ ? আমায় কেন গরপছন্দ ক'রুচ বাবা ? কুঁজ্ তো কাপড়-ঢাকা আছে ! ওইটে বাদ দিয়ে সব দিক্ বজায় ক'রো না বাবা !

মোহিত। শশুর ম'শায়, রক্ষা করুন ম'শায়, আপনার মেয়েকে বিধবা ক'রবেন না মশায়, পুলিশে গেলে মারা যাবো মশায় ! ছল্লালবাবুর সঙ্গে বিয়ে দিলেই আমায় ছেড়ে দেবে, আপনাকে পাঁচ হাজার টাকা দেবে ম'শায়।

ছল্লাল। দেখ বাবা, নগদ পাঁচ কেতা নোট। তোমার মেয়েকে জড়োয়ায় মুড়ে রাখ'বো।

করণা। কিশোর, জল !

কিশোর। ওরে জল আন্—জল আন্।

( মাথায় হাত দিয়া করণাময়ের উপবেশন। জল আনয়ন ও মুখে দেওন )

রমা। বোস্জা মশায়, ঠাণ্ডা হ'য়ে বুকুন, কেন সব দিক্ মাটা করেন? (বরের প্রতি) বাবাজি, বোঝো, একটা ভদ্রলোক ছমছাড়া হ'তে ব'সেছে, তোমার তো ছেলেপুলে আছে, এ বিয়েটা ছাড়ান দাও—আর এ বয়সে নাই বে ক'ল্লে। না বুকুতে পেরে বোস্জা মজুতে ব'সেছে, দেখছি—তুমি স্বেবোধ, ঘরের ছেলে ঘরে ফিরে যাও।

বর। আমি চ'লে গেলে যদি রক্ষা হয়, আমি চ'লে যেতে প্রস্তুত।

হুলাল। বাবা বৃষকাঠ, তোমার ঘটে বুদ্ধি আছে দেখছি; তুমি স্বেবোধ বাবা! মাথায় শুকুনা উড়ছে, আনায় বঞ্চিত ক'রে কেন বিয়ে ক'রতে এসেছ বাবা? আমার জুড়ি ক'রে চট্ট বাড়ী গিয়ে ঘুমোয় গে।

রমা। বাবাজি, তোমার উচিত—তোমার উচিত। বোস্জা চক্ষু-লজ্জায় কিছু ব'লতে পাচ্ছেন না, দেখছো তো, ওঁর ঘোর বি দ।

বর। আমার আপত্তি নাই, বোস্জা মশায় যদি কণ্ডা অপরকে সম্প্রদান করেন, আমার কোন বাধা নাই।

করণা। (উখিত হইয়া) বাবাজি, তুমি কি ব'লছ? তুমি বাগ্দত্তা কণ্ডা পরিত্যাগ ক'রে যেতে চাচ্ছ? আমি সম্প্রদান করি আর না করি, আমার কণ্ডা তোমার পত্নী।

(হুলালচাঁদের গালে হাত দিয়া উপবেশন।)

আরে চণ্ডাল, আরে নরাদম, জামাইকে জেলে দিবি, এই ভয় দেখাচ্ছিস? আমায় টাকার প্রলোভন দেখাচ্ছিস? আমি বাগ্দত্তা কন্যা অপরকে দেব, আমায় সেই নরাদম মনে ক'রেছিস? জামাই কি দেখাচ্ছিস,—যদি আমার মৃত্যু হয়, সপরিবার চক্ষুর উপর দণ্ড হয়, আমার সর্বনাশ হয়, নরাদম, তবু কি ভেবেছিস, শোর মত পাপাত্মাকে কন্যা সম্প্রদান ক'রবো? দূর হ—দূর হ!

হুলাল। রেমো মামা, ব'লেছি তো, বেজায় বেয়াড়া লোক।

করণা। জমাদার, তোমার আসামী নিয়ে যাও।

জমা। চলো বাবু, আমি আর থাকতে পারবো না, বাবু তো জামিন হোবে না।

মোহিত। রক্ষা করো বাবা—রক্ষা করো।

জমা। চলো। (মোহিতকে লইয়া প্রস্থানোদ্যোগ)

(কিরণীয়র বেগে প্রবেশ)

কিরণ। জমাদার সাহেব—জমাদার সাহেব, আমার স্বামীকে ছেড়ে দাও। হুলালবাবু—হুলালবাবু, অবলাকে রক্ষা করো, দুখিনীকে দয়া করো, আমি আজীবন তোমার বাড়ী বাদী হ'য়ে থাকবো; আমি দোরে দোরে ভিক্ষা ক'রে আমার স্বামীর দেনা শুধবো; হুলালবাবু, রূপা করো।

হুলাল। আমার কাছে বুলি ঝাড়ছো কেন সোণার চাঁদ, এ বুলি তোমার বাবাকে ঝাড়ো না? চেয়ে দেখ—ধর্ম কথা বলো—এই বৃষকাঠের কাছে আমি কার্তিক পুরুষ নই? তোমার বাবাকে ছু'কথা ব'লে গোল মিটিয়ে ফেল চাঁদ! আমি এক পরস্যা চাই নে; তোমায়ও একসুট গয়না ছাড়'চি, তোমার মাকেও একসুট গয়না ছাড়'চি, আর তোমার বাবাকে এই করুকরে নোট ঝাড়'চি।

করণা। হা পরমেশ্বর! এ কি হ'লো!

কিরণ। জমাদার সাহেব—জমাদার সাহেব—আমার স্বামীকে ছেড়ে দাও! আমি জন্মদুখিনী, আমার প্রতি দয়া করো! জমাদার সাহেব, নিষ্ঠুর হ'ও না—দাও, আমার স্বামীকে ছেড়ে দাও; তুমি আমার জীবনদাতা!

জমা। না মায়ি, আমি কেনন ক'রে ছাড়'বে? আমি সরকারের চাকরী করি, আসামী ছাড়'তে পারবো না। মায়ি, যানে দেও, চলো বাবু, চলো।

[মোহিতমোহনকে লইয়া জমাদার ও পাহারাওয়ালার প্রস্থান।]

কিরণ। হুলালবাবু—হুলালবাবু, দয়া করো, আমার স্বামীকে ছেড়ে দিতে বলো। ঐ যে—ঐ যে, নিয়ে চ'ল্লো যে! (মুচ্ছা)

সকলে। কি বিভ্রাট!

কিশোর। ঝি, ঝি, এঁকে বাড়ার ভেতর নিয়ে যেতে বলো। (বরের প্রতি) মশায়, এ বিভ্রাট তো দেখছেন! পরামণিক, এঁকে দালানে নিয়ে গিয়ে বসাও। বোস্জা মশায়—বোস্জা মশায়, স্থির হোন।

পুরোহিত। (করণাময়ের প্রতি) চলুন—চলুন, কন্যা সম্প্রদান ক'রবেন চলুন, লগ্নপ্রস্তুত হবে।

[করণাময়কে লইয়া কয়েকজন বরযাত্রীর প্রস্থান।]

(সরস্বতী, গোবিন্দ ও বিয়ের প্রবেশ)

সর। ওঠ মা ওঠ, আর কি ক'রবে!



জোবি । ওঠ না—পড়ে থেকে কি ক'রবি ?

কিরণ । ও মা—ও মা, নিয়ে গেল যে—নিয়ে গেল যে !

সর । এসো না এসো, এমন বরাত ক'রেছিলুম !

[ সরস্বতী প্রভৃতির কিরণকে লইয়া প্রস্থান ।

তুলসী । রেমো মামা, সব মাটা !

( ইন্স্পেক্টরের সহিত মোহিতমোহনকে লইয়া জমাদার ও পাহারাওয়ালার পুনঃ প্রবেশ এবং তুলসীচাঁদ ও রমানাথের গমনোচ্ছোগ )

ইন্ । তুলসীবাবু, যাবেন না। আপনার সঙ্গে যদি বোম্বা বে দেন, তা হলে কি ছেড়ে দেন ?

তুলসী । হ্যাঁ বাবা, ছেড়ে দিই বাবা !

ইন্ । কি মশায়, আমরা ছাড়বো কেন ? ওয়ারেন্ট ম'রেছি, কাল ম্যাজিস্ট্রেটের কাছে না নিয়ে গিয়ে তো ছেড়ে বো না, তার উপায় কি ক'রলেন ?

তুলসী । কেন বাবা, তোমরা সব পারো ; তেলা হাত ক'রে দিচ্ছি বাবা !

ইন্ । কি রকম ?

তুলসী । এই হাজার টাকার নোট কাড়ছি, বাবা !

ইন্ । হাজার টাকার নোট দেবেন ?

তুলসী । এই নগদ নাও বাবা, বে দিইয়ে দাও ।

ইন্ । দেখুন মশায়, আপনারা সকলে সাফী, ইনি আমায় ধুষ দিচ্ছেন ; জমাদার, এসকো পাক্‌ড়ো ।

জোবি । ( রমানাথকে টানিয়া ) তুমি পালাও, তুমি পালাও ।

ইন্ । ও কে যায় ? ( রমানাথের পলায়ন )  
যাক—ধ'রো না ।

১ম বরযাত্রী । রমানাথবাবু—রমানাথবাবু, যান কোথায় ? আপনি বরকত, আপনি গেলে চ'লবে কেন ?

তুলসী । দোহাই বাবা, আমায় ধ'রো না বাবা, আমি চোর নই বাবা !

১ম বরযাত্রী । আহা চোর কেন, তুমি বর ।

তুলসী । বর কোন্ শালা বাবা ! ক'রমারি ক'রেছি বাবা, নাকে খং দিচ্ছি, বর ক'রেছি, ক'রমারি ক'রেছি ! চোর ক'রো না বাবা !

ইন্ । আপনি চোরের বাড়া, আপনি পুলিশকে ঘুষ

দিয়ে আসামী খালাস্ ক'রতে এসেছেন । জমাদার, নিয়ে চলো ।

তুলসী । ও বাবা, বড় ফ'াসাদ হ'লো ! ও রেমো মামা—  
রেমো মামা ! বড় ফ'াসাদ হ'লো, বড় ফ'াসাদ হ'লো !  
দোহাই বাবা, বে ক'রতে চাইনে বাবা ! আমার বাবার কাছে নিয়ে চলো বাবা । আমি আফিংখোর, প্রাণে মারা যাবো বাবা ।

ইন্ । আচ্ছা, ওর বাপের কাছে লে যাও, আমি যাচ্ছি ।

[ তুলসীচাঁদ ও মোহিতমোহনকে লইয়া জমাদার ও পাহারাওয়ালার প্রস্থান ।

কিশোর । ওশে, উপায় কিছু হবে নাকি ?

ইন্ । ম্যাজিস্ট্রেটের কাছে হাজির হ'তে হবে । জোগাড় ক'রে ওর বাপকে ভয় দেখিয়ে Criminal ছাড়িয়ে দেওয়া যাবে ।

কিশোর । সব শুনেছ না কি ?

ইন্ । হ্যাঁ, ঐ জোবি পাগ্‌লী আমায় খবর দিয়েছে । ওরি জন্তে আমি রমা ব্যাটাকে ছেড়ে দিলুম । তা না হলে ও ব্যাটাকেও আমি ফ'াসাতুম, ও ব্যাটা ভারি পাজী ! ও পাগ্‌লী বেটীর রমার উপর ভারি টান । আমায় promise করিয়ে নিয়েছিল, রমাকে কিছু না বলি ।

( বর-ক'নে, করণায় ও পুরোহিতের প্রবেশ )

পুরো । পরমাণিক, বর-ক'নে বাড়ীর ভেতর নিয়ে যাও ।

কিশোর । ( করণায়ের প্রতি ) ম'শায়, একটু মুখে জল দেন গে । আমরা বরযাত্র-কন্যাযাত্র খাওয়াবার উচ্ছোগ ক'চ্ছি ।

করণা । আর বাবা মুখে জল !

( নেপথ্যে রোদন-ধ্বনি ও বেগে বিয়ের প্রবেশ )

কি । কর্তা বাবু—কর্তা বাবু, শীগ্‌গির এসো, দিদিমণি কেমন হয়েছে !

করণা । ওঃ ভগ'বান্ ! আর যে সয় না ! ( মুচ্ছা )

বরযাত্রীগণ । কি সর্বনাশ !

## তৃতীয় অঙ্ক

### প্রথম গর্ভাঙ্ক

পথ

(মোহিত ও রমানাথের প্রবেশ)

রমা। বাবা, তুমি যদি আমার পরামর্শ নাও, সব বেটাকে জঙ্গ ক'রে দিচ্ছি।

মোহিত। আবার বুঝি আনাকে পুলিশে দেবার চেষ্টায় আছ? তোমার মতলবে বাড়ী বাঁধা দিয়ে, জেলে যেতে যেতে র'য়ে গিছি। তোমাতে আর কেলে ঘটকে তো মতলব দিয়ে Affidavit করিয়েছিলে—আনার ভাই নাই, কেউ নাই, আমিই বাড়ীর মালিক। মনে হ'লে এখনো আমার বুক কাঁপে।

রমা। বাবাজি, কালের ধর্ম, তোমার দোষ কি বল! তোমার মতিয়ার জন্ত প্রাণ যায়, টাকা চাই। তুমি বলে, যেমন ক'রে হোক টাকা জোগাড় করে, তা আমি কি কম জোগাড় ক'রেছিলুম বাবা! তা তোমার শ্বশুর বেটা যে অমন চামার, তা কি আমি জানি! সে দিন যদি ছেলের সঙ্গে তোমার শালীর বে' দেয়, তা হ'লে তো সব দিক মিটে যায়। বাড়ীকে বাড়ী থাকে, আরও কিছু টাকা পাও, তা ও বেটা এমন চামার-বৃত্তি ক'রবে কে জানে! জামাইকে জেলে নিয়ে যাবে দেখবে, এ স্বপ্নের অগোচর! তা দেখ বাবাজি, উপরে ধর্ম আছেন, যেমন সেই ভাগাড়ে মড়ার সঙ্গে বে' দিয়েছেন, তেমনি মেয়েটা বিধবা হয় ব'লে! জামাই বেটা মরমর! বেটার ডাইবিটিজ হ'য়েছিল, এক বছর তো আধা-মাইনেয় ছুটি নিয়ে বাড়ীতে ব'সেছিল, তার উপর উরুস্তস্ত হ'য়েছে, কবে পটল তোলে।

মোহিত। বেশ হ'য়েছে—বেশ হ'য়েছে! শ্বশুর বেটা কি পাজী! বাবা বলুন, পায়ে ধ'বলুন, তবু বেটা শুনলেনা,—মাফ্ জমাদারকে ব'ললে, 'লে যাও!'

রমা। তা যেমন বেটা পাজী, তুমি যদি আমার মতলব

শোনো, তেমনি বেটাকে জঙ্গ ক'রে দিই। সব বেটাকে জঙ্গ ক'রে দিচ্ছি। ছেলো বেটাকে জঙ্গ ক'ছি, তোমার ভাইয়ের বে ভুল ক'রে তোমার মাকে জঙ্গ ক'ছি, আর করুণাময়কে তো ছুঁচোর অধম ক'ছি!

মোহিত। আচ্ছা, মতলবটা শুনি? আমি না বুঝে আর কাঁদে পা দিচ্ছি নি।

রমা। আগে শোনো, বোবো; ভাল হয়, আমার বুদ্ধি নিও। তুমি তো আর বোকা নও, লেখা-পড়া জানো, সব বোঝো, দেখ দেখি, কি ফন্সীটে ক'রেছি।

মোহিত। কি ক'রতে হবে?

রমা। তোমার মাগ বা'র করো।

মোহিত। মাগ বা'র ক'রবো কি!

রমা। এই তো বাবা, বুঝলে না! বুঝিয়ে বলি শোনো, তোমার মাগকে, এক মৃতন মেয়েমানুষ বেরিয়ে এসেছে ব'লে, ছেলো ব্যাটার বাগানে নিয়ে চলো, কিছু আদায় হোক।

মোহিত। কেন, গৃহস্থের মেয়ে ব'ললে তো বেশী আদায় হবে?

রমা। না, ওতে কেঁচুড়ি যাবে। ব্যাটা কাঁদে পা দেবে না, ওতে ব্যাটার বড় ভয়। ধনা মল্লিক ব্যাটা গৃহস্থের মেয়ে বা'র ক'রে ফাঁসাদে প'ড়েছিল, তাই পেটা শুনেছে, ওতে এগোবে না। মৃতন বেরিয়ে এসেছে ব'লে নিয়ে যেতে হবে।

মোহিত। জঙ্গ হবে কি ক'রে?

রমা। তুমি বা'র ক'রে নিয়ে এসো, আমি বাগানে নিয়ে যাবো। তুমি পুলিশে জানাবে যে, জোর ক'রে তোমার মাগ নিয়ে গেছে; এই ব্যাটা টাকা ছাড়তে পথ পাবে না। তোমার শ্বশুর ব্যাটার গালে চূণকালি প'ড়বে, বউ বেরিয়েছে শুনে তোমাদের একঘরে ক'রবে, তোমার ছোট ভাইয়েরও মদক ভেঙ্গে যাবে।

মোহিত। রেনো নামা—রেনো নামা, বেশ মতলব বা'র ক'রেছ। দশ হাজার টাকার ঘাড় ভাঙতে হবে। তারপর মতিয়া বেটার বাড়ীর সামনে ভূঁদার মেঘে জহরকে রাখবো, মতিয়া বেটা রিষে ম'রবে। রেনো নামা, ঠিক হ'য়েছে!

রমা। দশ হাজার?—পঞ্চাশ হাজার নিয়ে তবে ছাড়বো, কিন্তু বাবা, তুমি শেষ না পেছোয়।

মোহিত। আমি মরদ বাচ্ছা, আমার যে কথা—সেই কাজ! বাচ্ছা রেনো মামা, মাগ বেটী আমার সঙ্গে বেরিয়ে আসবে কেন? সবাই তো জানে, আমার চালচুলো নাই, ছুপো বাটার বাগানে থাকি, আর মোমাহেবা করি।

রমা। তুমি সে জগে ভাবে না, তুমি যমের বাড়ী নিয়ে বেতে চাও, যমের বাড়ী যাবে।

মোহিত। তুমি কি করে জানলে?

রমা। আতা, তোমার মেছো শাখার বের দিন বেটা মুচ্ছা হইবে না? বেটা এক বছর ভোগে। জোবি পাগ্গো বলে এক বেটা আছে, ব্যামোর সময় তার কাছে যেতো। আমি তার সঙ্গে শুনেছি, সে তোমায় একবার দেখবার জগে মরে।

মোহিত। সত্যি না কি, সত্যি?

রমা। বাবা, তুমি কি কম সোনার চাঁদ ছেলে! পাঁচ-ছনে তোমার চিনে না, এই বা বলো! তুমি তুড়ি দিয়ে ডাকলেই লেগিয়ে আসবে। কেন—রাজী তো?

মোহিত। খুব রাজী। ব'র ক'রে কোথায় আন্বা?

রমা। রায়ে দু'জনে বেরিয়ে পড়বে। আমি ছুপো ব্যাটাকে ঠিক করে, পাঙ্কা নিয়ে একটু তফাতে থাকবো। আমি পাঙ্কা তাকে নিয়ে বাগানে উঠবো, আর তুমি একে খানায় বার দেবে, বাস, দেও মেরে দেব! কিন্তু বাবা শেষ রমা ম'রাকে ছুপো না!

মোহিত। আমি এমন পাঙ্কা নই! দু'হাজার টাকা ধার করে দিয়েছিলে, আমি পাঁচশো টাকা দালাল দিয়েছি।

রমা। বাবা, সে একবার পেটেই খসে গেল।

মোহিত। কেন, তুমি সত্যিয়ার কাছেও ছুশো টাকা মেরেছ, আমি খবর রাখি না?

রমা। হুঁ—মা'র বেটা সে বান্দা কি না! যাক বাবা, ঠিক থেকে, আমি জানি।

[প্রস্থান।

মোহিত। মেমো ব্যাটাকে জব্দ ক'রবো, পুলিশে ও বাণীকে ও ধরয়ে দেব। খন্ডর বাটার মুদের কাছে হাত নেড়ে ব'লবো, 'কেনন বাবা, মেয়ে ঘরে আটকে রাখো!' টাকাটা একবার হাতে লাগলে হয়, সত্যি ব্যাটাকে দেখতে হবে!

[প্রস্থান।

## দ্বিতীয় গর্ভাঙ্ক

মুকুন্দলালের বাটার কক্ষ

কৃষ্ণশ্যাম মুকুন্দলাল, পার্শ্বে হিরণ্ময়ী ও প্রতিবেশিনী।

হিরণ। খেতে যে চাচ্ছে না মা!

প্রতি। না, জোর ক'রে খাওয়াও। একে প্রশ্রাবের ব্যামো, তাতে উরুস্তম্ব কাটিয়েছে, ঘণ্টায় ঘণ্টায় খেতে দিতে হয়।

হিরণ। এই দুধটুকু খাও।

মুকুন্দ। (জড়িতকণ্ঠে) না, দুধ খাবো না। গা গুলিয়ে উঠছে, ক'দিন ব'লছি, একটু বেদানা আনো।

প্রতি। আতা, একটু বেদানা আনতে পারো নি?

হিরণ। মা, আমায় কে এনে দেবে? সমস্ত রাত ছট্-ফট্ ক'রেছে; সতীন-পোদের একবার ডাক্তারকে খবর দিতে ব'ললুম, তা ছম্কে এলো। সকাল বেলায় সেই যে দু'জনে বেরিয়েছে, এখনো দেখা নাই। আমি কলু বউয়ের হাতে-গায়ে ধ'রে, ডাক্তারের কাছে পাঠিয়েছি। ডাক্তার কাল বৈকালে এসেছিল, তার টাকা দিতে পারি নি, ব'লে গেছে, টাকা না পেলে আর আসবে না। যে কম্পাউণ্ডার ঘা ধুইয়ে দেবে, তার এখনও দেখা নাই। বলে, 'উরুস্তম্ব ধোয়াতে রোজ এক টাকা নেব।' আমি তো কাকুতি-মিনতি ক'রে আটানা ক'রেছিলুম। তা আবার ভাব্চি, কাল গাড়ী ক'রে এসেছিল, গাড়ীভাড়া দিতে পারি নি, তাই কি আসছে না?

প্রতি। ও মা! কম্পাউণ্ডারের আবার গাড়ীভাড়া কি?

হিরণ। ব'লে, মাথা ধ'রেছিল, আসতুম না—শক্ত রোগ ব'লেই এলুম।

প্রতি। অনাছিষ্টি মা!

মুকুন্দ। খুলে দাও—খুলে দাও, কট্ কট্ ক'চ্ছে! ওরা সব গোল ক'চ্ছে কেন? স'রে যেতে বলো!—

হিরণ। মা, সমস্ত রাত খেদাল দেখছে। বলে, 'ঐ কে এলো! অস্ত্র ক'রবো না—অস্ত্র ক'রবো না'—ব'লে চৌচিয়ে ওঠে।

( কলু-বউয়ের প্রবেশ )

কলু-বউ । ও গো, ডাক্তার তো এলো না । বলে, 'টাকা না পেলে যাবো না ।'

হিরণ । কি হবে মা, কি ক'রবো ? হাতে তো একটীও পয়সা নাই । অন্ন ক'রতে বালা বাধা দিয়ে দেড়শো টাকা দিয়েছি । বাবার কাছেও যেতে পাচ্চিনে, এ নিদেন রোগী কার কাছে ফেলে যাবো ?

প্রতি । আচ্ছা, আমি পাকী ডেকে দিয়ে এখানে ব'সছি, তুমি তোমার বাপের কাছ থেকে ঘুরে এসো ।

হিরণ । না মা, আমি এই আড়াতে পাকী ক'রে যাচ্ছি, আমার আর মান-অপমান কি মা ! ও যদি ওঠে—তবেই, মইলে তো আমায় পথে দাঁড়াতে হবে !

প্রতি । বালাই, উঠবে বই কি ! তুমি ঘুরে এসো ।

( মৃগাক ও শশাকের প্রবেশ )

ডাক্তার আসছে ?

মৃগাক । ডাক্তার কি হবে ? ও কি বাঁচবে ? রাফসী বেটা এসে বাড়ী খেয়েছে, ওকেও খাবে । নাও—ভাত বাড়ে ।

হিরণ । কখন ভাত রাঁধতে যাবো ? এই রোগী নিয়ে প'ড়ে র'য়েছি ।

শশাক । বটে, আচ্ছা, আজ হাঁড়ি-কুঁড়ি ভেঙ্গে দে হোটেলের খাচ্ছি । দেখি, তোমার কুঁড়ে পাথরের জোগাড় কি ক'রে করো । ( মৃগাকের প্রতি ) চল, চাল ডাল সব রাস্তায় ফেলে দিয়ে যাবো ।

[ শশাকের প্রস্থান ।

প্রতি । ই্যাগা, তোমরা কেমন কায়েতের ছেলে ? এই বাপ সসেমিরে হ'য়ে র'য়েছে, আর এই তপ্তি ক'চ্ছ ?

মৃগাক । নাও—নাও, তোমার রসে কাজ নাই । ও বেটা বাবাকে খাবে, আমি জানি ।

মুকুন্দ । ওরে, চাঁচায় কে রে—চাঁচায় কে রে ? কাণে তাল ধ'রছে, ও মা, গেলুম !

( শশাকের পুনঃ প্রবেশ )

শশাক । দাদা, চালগুলো সব ভিজিয়ে খেয়েছে । চলো, হোটেলের যাই, বেটাকে দেখছি ।

[ উভয়ের প্রস্থান ।

মুকুন্দ । মলুম, খুলে দাও—খুলে দাও ! (হিকা তোলন)  
—জল ।

প্রতি । মা, তুমি শীগ্গির তোমার বাপের বাড়ী থেকে ঘুরে এসো! টাকা নিয়ে এসো, ডাক্তারকে এখনই আনতে হবে ।

হিরণ । মা, তবে ব'সো, আমি আসি ।

[ প্রস্থান ।

প্রতি । ( হিকা তুলিতে দেখিয়া ) ইস্ ! অস্তের রোগী যখন হিকে তুলছে, তখন তো আর টেকে না !

মুকুন্দ । দোর বন্ধ করো—দোর বন্ধ করো—ঐ সব আসছে—ঐ সব আসছে ! দোর বন্ধ করো—দোর বন্ধ করো—

প্রতি । কই, কেউ তো নয় ! এই আমি দোর বন্ধ ক'চ্ছি ।

মুকুন্দ । জানালা গ'লে আসছে—জানালা গ'লে আসছে—

প্রতি । এই দোর বন্ধ ক'রে আমি তাড়িয়ে দিলুম । ( স্বগত ) বেশী দেরী নাই দেখছি !

## তৃতীয় গর্ভাঙ্ক

করণাময়ের বহির্কাটা

করণাময়, মুদী, গোয়লা ও সন্দেশ গোয়লা ।

মুদী । বাবু, যারা যারা না'লিস্ ক'রুলে, তারা গাস গাস কিস্তি পাচ্ছে, আর আমরা না'কি, ভালমানুষি ক'রে কিছু ব'ল্ছি নি, আমাদের টাকা দেবার আর না'মটি করেন না ।

করণা । বাবা, বড্ড জড়িয়ে প'ড়েছি ; আমি বরাবর তোমার দোকানে চাল ডাল নগদ নিয়ে এয়েছি, দুটি মেয়ে পার ক'রেই বিপদে প'ড়েছি । তোমরা একটু র'য়ে ব'সে নাও ।

গোয়লা । আর কতদিন রইবো ? এই প্রথম বে'র ক্ষীর-দ'য়ের দাম প'ড়ে র'য়েচে । ম'শায় ছান—দেন, আর তাগাদা ক'রতে পারিনি, হেঁটে হেঁটে পায়ের সূতো ছিড়ে গেল । না ছান, আমায় ছুষ'বেন না—ব'ল'বেন না, 'ছোট লোক বেটা না'লিস্ ক'রেছে ।'

করুণা । বাবা, আমি কাপড়ের সকলকেই দেবো । ভেবো না, একটু সবুর করো, আমি বাড়ী বেচে সব শুধুবো ।

সন্দেশ ওয়ালা । ম'শায়, ভালমানুষের কাল নেই, আনাদেরও কিস্তি হ'তো, ত' আমরা যে বোকা, বলি ভাল মানুষের নামে আদালত ক'রুবো, তাহ আনাদের বেলায়—'সবুর করো ।'

মুদা । ম'শায়, টাকা আর ফেলে রাখতে পারুবো না । কাজকর্ম ফেলে রেজ রোজ আনাগোনা আর পোষায় না । বাড়ী বেচেন, তালুক বেচেন—আনাদের তো আর বখরা দেবেন না ।

করুণা । বাবা, আর দিনকতক সবুর করো । কি ক'রুবো, বড় নাতোয়ান হ'য়ে প'ড়েছি ।

গোয়ালা । বুকে ছ ম'শাই, বুকেছি,—চল হে, আমরা পথ দেখি । আর তাগাদায় আসবো না, এই ব'লে চলুম ।

( করুণাময় ব্যতীত সকলের প্রস্থান ।

করুণা । হ'চ্ছে হ'চ্ছে, কাপড় ফেলে পালাই, সন্ন্যাসী হ'য়ে চ'লে যাই ! ছোটলোকের চোখ-রাঙ্গানি তো আর নয় না ! মাইনে তো হাতে রাখতে কুলোয় না, আফিসের দরওয়ানের পর্যন্ত দেনা ক'রেছি, হুদ দিতেই সব ফুরিয়ে যায়, এক পয়সা বাড়ী আসে না । এদিকে পেট চালানো চাই । আজ ছোট আদালতের শমন, কাল ছোট আদালতের শমন,—সাহেব বেটা জানতে পারলে চাকরীটুকু তো থাকে । ছাই বাড়ী থানা তো বেচেতে পারবুম না । আর দু'মাস না বেচেতে পারলে, মটগোজরা তো নিগেম ক'রে নেবে । বাড়ীখানা বিক্রী ক'রতে পারলে তো এ জ্বালাদ কতক নিশ্চিন্ত হতুম,—বেখানে হ'ক, মাথা গুজে থাকতুম । ছেলেটার স্কুলের মাইনে না দিলে আজ নাম কেটে দেবে । কিস্তি খেলাপ হ'লেই তো শান ওয়ালা কালই বডি-ওয়ারিং বার ক'রবে ।

( হিরণ্যমীর প্রবেশ )

হিরণ্য । ( প্রণাম করিয়া ) বাবা, আমি এসেছি ।

করুণা । বেশ ক'রেছ, কি হকুম বল ?

হিরণ্য । বাবা, তুমি এমন ক'রলে কোথায় দাঁড়াবো ? আমি যে চার্দিক অঙ্ককার দেখছি বাবা ! কাল ও'র উরু-স্তম্ভ অস্ত্র হ'য়েছে, অজ্ঞান হ'য়ে প'ড়ে র'য়েছে । আজ ডাক্তার আনবার টাকা নাই, গয়লায় দুখ বন্ধ ক'রেছে, নগদ দুখ

কিনে খাওয়াচ্ছি । এক বছর ছুটি নিয়ে আছে, প্রথম আধা মাইনেই ছিল, তারপর তাও বন্ধ ক'রেছে । বাড়ী বেচ তো চিকিৎসা হ'লো, হাওয়া খাইয়ে নিয়ে এলেম । সতীনের নামে বাড়ী, সতীন-পোরা আপত্তি ক'রলে, বাড়ী আধাদরে বিকুলো । গয়না বাঁধা নিয়ে চালিয়েছি, কাল হাতের বালা খুলে ডাক্তার বিদেয় ক'রেছি ।

করুণা । কেন, ডাক্তার ডাকা কেন ? হাঁসপাতালে দিতে পার নি ! আমায় কি ক'রতে বলো ? আমার ইটে গিয়েছে, ভিটে গিয়েছে, দেনায় চুল বিকিয়ে র'য়েছে । রোজ ছু'খানা ক'রে শমন, কবে চাকরী যায় ! সাহেব ব'লেছে, এবার শমন হ'লে চাকরীতে জবাব দেবে । বড়মেয়ে তো এক বছর ধ'রে বাল্মালেন । আজ গিন্নী বাল্মাচ্ছেন, কাল ছেলে বাল্মাচ্ছেন, আজ জামাই অজ্ঞান হ'য়ে প'ড়েছেন ! কেন, তোমার ধাড়ি ধাড়ি সতীন-পোরা র'য়েছে, তাদের বল গে না ?

হিরণ্য । বাবা, তারা কি আমাদের মুখ দেখে ? একবার জিজ্ঞেস করে যে, কেমন আছে ? কথায় কথায় হুম্কে আসে । বাবা, সে পথ থাকলে, তোমার কাছে আসতুম না ।

করুণা । বাছা, আমা হ'তে কিছু হবে না । কাল কিস্তির পঁচিশ টাকা দিতে হবে, না দিলে আমায় জেলে নিয়ে যাবে । এখন তোমার কোথেকে কি করি বল ? নাও, এই ছ'টা টাকা নাও, ছেলেটার তিন মাসের স্কুলের মাইনে প'ড়ে গেছে, দিক্ নাম কেটে ; নিয়ে যাও—নিয়ে যাও ।

হিরণ্য । বাবা, তুমি বিকেলে একবার যেও । তুমি গেলে একটু ভরসা পাবে । আমি চল্লুম, বামুনঠাকরুণকে বসিয়ে চ'লে এসেছি ।

প্রণাম করিয়া প্রস্থান ।

করুণা । বাস, চার্দিকে জ্বল্জ্বলাট ! এখনো মেয়ে বজায়, তার বে না দিলে জাত যাবে । কি জাত্রে ! লোকে তো ম'চ্ছে, আমার মৃত্যু হ'লো না !

( নলিনের প্রবেশ )

নলিন । বাবা, স্কুলের মাইনে দাও ।

করুণা । নে নে,—আর স্কুলে যেতে হবে না ।

নলিন । তুমি যে ব'লেছ, আজ স্কুলের মাইনে দেবে । দাও বাবা, নইলে ছুটি হ'লে আপিস-ঘরে বন্ধ ক'রে রাখে,

মার্বতে আসে। আগে ব'লতো, ফাইন ক'র্বো, আজ না দিলে নাম কেটে দেবে।

করণা। বাঃ বাঃ, কি দেশ রে! কি যিছাদান! দেশ-হিতৈষীরা স্কুল ক'রে দেশের মুখোজ্জ্বল ক'চ্ছেন,—ছেলে কয়েদ ক'রে টাকা আদায় করেন। রাস্তার গলিতে গলিতে দোকান ফেঁদেছেন। এ দেশ স্বাধীন হবে! চারুদিকে হাহাকার—চারুদিকে হাহাকার! গৃহস্থলোক কেন বেঁচে থাকে! আমি ভদ্রলোক ব'লে কেন ভদ্রমানা জাহির করে! আমাদের চেয়ে যে মুটেমজুর ভাল। তারা স্ত্রী-পুরুষে রোজ-গার করে, ব্যামো হ'লে হাঁসপাতালে যায়, ভিক্ষে করে। আমরা ভদ্রলোক, তা পারবো না, জাত যাবে—নিন্দে হবে! উপোস ক'রে বাড়ীতে প'ড়ে থাকবো, পরিবার উপোসী যাবে, চৌকাঠ পেরুলেই নিন্দে হবে। ঘরে ঘরে বংশরক্ষা হ'চ্ছে! ছেলে না চোন্দয় পেরুতে বে'র ধুম প'ড়ছে; কুড়িতে পা দিয়েই পালে পালে বংশবৃদ্ধি! হাঁ আছে—আহার নাই, দেহ আছে—বস্ত্র নাই, ঘরে ঘরে কান্ধালীর পল্টন! কি সূখের সমাজ!

নলিন। ও বাবা, মাইনে দাও না বাবা!

করণা। বাবা, স্কুল বন্ধ করো। এই বয়েস থেকে বোঝো, কান্ধালের ছেলের আবার পড়াশুনো কি! আমি কান্ধাল, তুমি কান্ধাল, তোমার গর্ভধারিণী কান্ধাল, তোমার বোন কান্ধাল। যঃ দিন অন্ন জোটাতে পারি, দু'টি দু'টি খাও আর চ্যাকুড়ায় শুয়ে ঘুমোও। খুব বাপ হ'য়েছিলুম, বাপের মতন বাপ হ'য়েছি। বাড়ীখানা পর্যন্ত থাকবে না, যে, মাথা গুঁজে থাকবে। বাবা, বোঝো, আমার উপায় নাই! আর তোমায় স্কুল যেতে হবে না।

নলিন। ও মা, বাবা স্কুল ছাড়িয়ে দিলে।

[ কাঁদিতে কাঁদিতে প্রস্থান।

করণা। ওঃ, বিবাহ না ক'রলে ব'য়ে যায়, ঘর-সংসার হয় না, বাপ-পিতামহের নাম থাকে না। কন্যার বিবাহ না দিলে ধর্মভ্রষ্ট হ'তে হয়। সুন্দর প্রথা—সুন্দর ব্যবস্থা! কন্যার বিবাহ না দিলে চোন্দপুরুষ নরকস্থ হবে, বিবাহ দিতেই হবে! বাড়ী বেচে দিতে হবে, কজ্জ ক'রে দিতে হবে, ভিক্ষে ক'রে দিতে হবে, চুরি ক'রে দিতে হবে,—তারপর সপরিবার অন্নভাবে মারা যেতে হবে। না দিলে নয়!

পুণ্যাত্মা সমাজ জাতে ঠেলবেন, ঘণা ক'রবেন, ধম্মামুরাগ দেখাবেন। বাঃ বাঃ, সমাজের উপযুক্ত কার্যই বটে!

( কিরণীর প্রবেশ )

কিরণ। বাবা, নলিন কাঁদছে। মা ব'লেন, তারে স্কুল যেতে দিলে না কেন?

করণা। ভুল হ'য়েছে, ভ্রম হ'য়েছে, তাঁর মত বুদ্ধি নাই, বিবেচনা নাই। কেন স্কুল বন্ধ ক'রেছি জানো? তোমরা জ'ন্মেছ ব'লে, কালসর্পিনী জ'ন্মেছ ব'লে, হ'য়ে মরো নি ব'লে, কাঁড়ি কাঁড়ি অন্ন জোটাতে হবে ব'লে, শশুর-ঘর থেকে এসে ছ'বেলা হাঁ ক'রবে ব'লে! আর কেন? তাঁর কি এখনো বুঝতে বাকী আছে, কেন? এখনো কি সাধ ক'রেছেন, ছেলে মামুষ ক'রবেন, বউ ঘরে আনবেন, ব্যাটাকে সংসার পেতে দেবেন, নাতি-নাতকুড় চারপাশে ঘুরবে? সাথে জলাঞ্জলি দিতে বলো—সখে জলাঞ্জলি দিতে বলো! বুঝতে বলো, এখন যে দিন আঁচাই, সেই দিন ভাল। মেয়ে বিইয়েছেন—মেয়ে বিইয়েছেন, জানেন না, কেন স্কুল ছাড়ালুম—বটে!

[ প্রস্থান।

কিরণ। ছিঃ ছিঃ, কোথাও কি আশ্রয় নাই? দু'টি ভাতের জন্ম এত লাঞ্ছনা! আমার স্বামী দেখা ক'রতে চেয়েছেন। যদি সত্যি দেখা করেন, আমি তাঁর পায়ে ধ'রে কেঁদে ব'লবো, 'আমায় নিয়ে চলো; তোমার বাড়ী-ঘর-দোর গিয়ে থাকে, আমি বিদেশে গিয়ে তোমায় ভিক্ষে ক'রে খাওয়াব; গাছতলায় থাকবো।' ছিঃ ছিঃ, বাপের ভাত খাওয়া বড় গঞ্জনা! বাবা কেন বে দিলেন? কারো বাড়ী কেন দাসী রেখে এলেন না! ফুলশয্যার দিন শাস্ত্রীর মার খেয়ে যদি মৃত্যু হ'তো, তা হ'লে সব ফুরতো, তা হ'লে আর এ যন্ত্রণা সহ ক'রতে হ'তো না। দু'টি ভাতের জন্ম এত লাঞ্ছনা!

[ প্রস্থান।

## চতুর্থ দর্ভাক্ষ

করুণানদের বাতীর খিড়কী

সরংহরী ও নলিন।

সর। নলিন, কোথায় যাচ্ছিস ?

নলিন। কেন, খেলতে যাচ্ছি। নিদিরাম ঠিক বলে, আমি খেলা করে বেড়াবো, যা মন যায়—ক'রবো।

সর। না না, বেরুস নি।

নলিন। কেন, বেরুবো না কেন ? প'ড়বো না, লিখবো না, স্কুলে যাবো না, বাড়ী থেকে বেরুবো না, কেন ? আমার মাথুমা, তাই ক'রবো !

সর। গুরে, যাসনি, আমি কাল তোর স্কুলের প'ড়তে দেব।

নলিন। আমি স্কুলে যাবো না। বাবাও যেমন সত্যবাদী, তুমিও তেমনি সত্যবাদী। রোজই বলে,—এই কাল মাইনে দেব। আমার স্কুলে আটকে রাখলে, ধম্কালা, মারতে এলো।

সর। বই নিয়ে কোথায় যাচ্ছিস ? খেলতে যাচ্ছিস, বই কি ক'রবি ?

নলিন। এ কি বাবা কিনে দিয়েছে ? আমি প্রাইজ পেয়েছি। আমি বেচ'বো—ব্যাট'বল কিনবো।

[ প্রস্থান।

সর। কি পোড়া অদৃষ্ট—কি পোড়া অদৃষ্ট ! আহা, বাছার আমার লেখাপড়ায় কত মন ;—লেখাপড়া ক'রতে পেলো না। খেলা কাকে বলে, কখনো জানে না, বইয়ে মুখ দিয়েই থাকে। বছর বছর প্রাইজ আনে, ব্যামো হ'লে স্কুল কামাই করতে পারি নি ; সেই ছেলেকে স্কুল ছাড়িয়ে দিতে হ'লো। এমন পোড়া কপাল কি কারো পোড়ে !

[ প্রস্থান।

( কিরণী ও জোবির প্রবেশ )

কিরণ। কি জোবি, আবার ফিরে এলি কেন ?

জোবি। আজ রাত্রে নয়, কাল দিনের বেলায় দেখা করিস।

কিরণ। কেন—কেন ?

জোবি। আমি যখন তোমার স্বামীর কাছ থেকে পত্র এনে দিয়েছিলুম, আমার মনে খুব অহ্লাদ হ'য়েছিল। পত্রে কি লেখা, জানতুম না ; তুমি যখন ব'ললে, তোমার সঙ্গে দেখা ক'রতে চায়, তখন আমার আরও অহ্লাদ হ'য়েছিল। এখন আমার মন কেমন ক'চ্ছে, তোমার স্বামী কেন বাড়ীতে এসে তোমার সঙ্গে দেখা করুন না ?

কিরণ। জোবি, তাঁর মনে বড় দুঃখ হ'য়েছে। তিনি এ বাড়ীতে আমার বোনের বে'র দিন অপমান হ'য়েছেন, জান তো ?

জোবি। তা দিনের বেলায় কেন দেখা করুন না ? রাত্রে বেলায় আমার ভয় করে।

কিরণ। না, না, তিনি এ পাড়ার কাকেও দেখা দিতে চান না। আর স্বামীর সঙ্গে দেখা ক'রবো, তাতে রাতই বা কি, দিনই বা কি ? তিনি যে কাতর হ'য়ে পত্র লিখেছেন, তাতে কি আমি স্থির হ'তে পারি ? তোমায় প'ড়ে শোনাতে চাইলুম, তুমি যে শুনলে না। পত্র শুনলে তুমিও ব্যাকুল হ'তে, আমায় মানা ক'রতে না।

জোবি। আচ্ছা, পড়ো—আমি শুনি।

কিরণ। ( পত্র পাঠ )

“প্রাণেশ্বর !

তুমি যে অমূল্য রত্ন, তাহা আমি বর্কর, পূর্বে চিনিতে পারি নাই। তোমার ভগ্নীর বিবাহের দিন, আমি বুঝিতে পারিলাম যে, তোমার গ্রায় পতিপরায়ণা নারীকূলে বিয়ল। আমি মনের দুঃখে এতদিন তোমার সংবাদ লই নাই। ভাবিয়াছিলাম, যদি দিন পাই, তবে দেখা করিব। আমার সে সূদিন উদয় হইয়াছে, তাই তোমার সহিত সাক্ষাৎ করিতে ব্যাকুল হইয়াছি। তোমার পিতার বাতীতে আমি পদার্পণ করিব না, বড়ই অপমানিত হইয়াছিলাম। দিন-নানে দেখা করিতে আসিলে তোমার পাড়ার লোকের সহিত সাক্ষাৎ হইবে, কি জানি, যদি কেহ পরিহাস করে। এই নিমিত্ত আমার মিনতি, তোমার বাড়ীর বাহিরে একবার আমার সহিত দেখা ক'রো। সাক্ষাৎ হইলে মনের কথা ব'লিব, পায়ে ধরিয়া মাপ চাহিব, গলা ধরিয়া কাঁদিব। ভরসা করি, তুমি আমার অনুরোধ রক্ষা করিয়া তোমাদের খিড়কীর বাহিরে আসিয়া দর্শন দিবে। তোমারই—

মোহিত।

পুনশ্চ—কেহ যেন তোমার সঙ্গে না থাকে।’

( গীত )

এখন বলো দেখি ভাই, আমি কি—না দেখা করে থাকতে পারি ?

কলঙ্ক যার মাথার মণি, কোমল প্রাণে সকল সময়।

লুকোন-প্রেম তারই সাজে, ভয় থাকে যার, তার তো নয়।

জোবি। না না, এ কি হ'লো ! তোমার বাবাকে পত্র লিখে নিয়ে গেলেই তো হয় ?

অযতনে যতন ক'রে, রাখতে পারে হৃদে ধরে,

ভাবের ঘোরে সদাই ঘোরে, আপন ভাবে মগন রয় ॥

কিরণ। তুমি বুঝতে পাচ্ছ না, তিনি অভিমান ক'রেছেন। তিনি আমার বাবাকে পত্র লিখবেন না।

প্রেমে যে হয় দেওয়ানা, তার তো কিছু নাইকো মানা,

ভেসে গেছে যার বাসনা, সমান ভাবে বয় সময় ॥

জোবি। আমি তোমার সঙ্গে থাকবো।

( নেপথ্যে রোদন ধ্বনি )

কিরণ। সে কি হয় ? তিনি মানা ক'রেছেন। তাঁর মানা না শুনলে তিনি রাগ ক'রবেন, অভিমান করে চলে যাবেন। আমার প্রাণ যে কি ক'ছে, তা তুমি জান না !

কিরণ। এ কি, মা কেঁদে উঠলেন কেন ? আমার ভগ্নিপতিটি কি মারা গেল ? যাই ভাই যাই, আমি দেখিগে।

[ কিরণময়ীর প্রস্থান।

মনে হ'চ্ছে, সূর্য্য কেন অস্ত যাচ্ছে না, কেন রাত্রি হ'চ্ছে না ? কতক্ষণে তাঁর দেখা পাবো ! জোবি, তুমি আমার দেখা ক'রতে মানা ক'চ্ছ ? তুমি ভিখারিণী হ'য়ে স্বামীর সঙ্গে দেখা ক'রতে ঘুরে বেড়াও, ভিক্ষা ক'রে এনে স্বামীকে দাও, স্বামীর সঙ্গে কথা ক'য়ে স্বর্গ হাতে পাও ; তুমি তোমার মন দিয়ে আমার মন বুঝছো না ? মানা ক'রো না, আমি তো মানা শুনব না। তোমার মত যদি পথে পথে বেড়াতে হয়, যদি ভিক্ষা ক'রে স্বামীর সেবা ক'রতে হয়, যদি স্বামী ফিরে চান, তা হ'লে আমি রাজরাণী। তুমি আমার জন্তু ভাবছো ? কি ভাবছ ? তুমি ভেবো না, যাও। আমার স্বামীকে বল গে, আমি আশাপথ চেয়ে খিড়কী-দোরের বাইরে দাঁড়িয়ে থাকবো। এই মাত্র মিনতি তাঁরে জানিও, যেন আমি নিরাশ না হই, যেন তিনি আসেন, দেখা দেন। ব'লো, আমি তাঁর দাসী—জীবনে-মরণে দাসী। তিনি আমার সর্কস্ব, ইষ্টদেবতা, তিনি পায়ে না ঠেলেন।

জোবি। বুঝেছি—বুঝেছি। যে দিন ছুঁড়ীর বের শাঁক বাজা শুনেছিলুম, আমার বুক কেঁপে উঠেছিল ; আমার মনে হ'য়েছিল, বুঝি আর এক অবলার কপাল ভাঙলো। সত্যিই তাই ! দেখেছি তো—দেখেছি তো, স্বামী বিছানায় প'ড়ে, সতীন-পোর গঞ্জনা, ঘরে অন্ন নাই, সবই তো দেখেছি। আজ বুঝি তার সিঁদূর ঘুচলো ! আহা, অবলার কপালে কি কোথাও সুখ নাই ! ঘরে ঘরে দুঃখ, ঘরে ঘরে হাহাকার, ঘরে ঘরে পেটের ছেলেকে অন্ন দিতে পারে না। পোড়া বে কি বাঙলা দেশ থেকে উঠবে না ! আমার প্রাণে বাজে কেন ?—কে জানে কেন ! মধুসূদন ! দুঃখের ভার ব'বার তোমার কি আর কেউ নাই ? তাই বাঙ্গালীর মেয়ের মাথায় সব দুঃখ চাপিয়েছ ? আহা, এত দুঃখেও স্বামী থাকলে সুখ, কিন্তু পোড়া যম তা শোনে না।

[ জোবির প্রস্থান।

—\*—

জোবি। ঠাখ্ ভাই, যদি তুই আমার মত হ'তে পারিস্, যদি সকল ত্যাগ ক'রতে পারিস্, যদি ঘৃণা-লজ্জা-ভয় ভাসিয়ে দিতে পারিস্, যদি রাস্তায় রাস্তায় ঘুরতে পারিস্, তা হ'লে রাত্রে লুকিয়ে দেখা করিস্। কিন্তু যদি ঘরে থাকতে চাস্, লোকের ঘৃণায় যদি ভয় থাকে, যদি কলঙ্ক মাথায় নিতে কাতর হোস্, তা হ'লে রাত্রে দেখা করিস্নে। লুকোন কাজ ভাল নয়। আমি ঘুরে ঘুরে বেড়াই, অনেক রকম দেখতে পাই, আমি দেখেছি, লুকোন কাজ একটাও ভাল নয়। দেখিস্, যদি আমার মত হ'তে তোর ভয় না থাকে, তবে দেখা করিস্।

পঞ্চম গর্ভাঙ্ক

মুকুন্দলালের বাটার কক্ষ

হিরণ্যময়ী ও প্রতিবেশিনী।

প্রতি। মা, কি ক'রবে ? তোমার বরাত ! কেঁদে তো আর ফিরবে না।

হিরণ্য। মা, এ তো আমার বরাতে যা ছিগ, তা হ'য়েছে। এখন কোথায় যাবো, কোথায় দাঁড়াবো ? মাথা গুঁজে



ধাক্কার বাড়ী নাই, ঘর নাই, অঙ্গে একখানা গয়না নাই, বাকসোয় রূপের সম্পর্ক নাই, সবই তো জানো। চিকিৎসাতেই সব গিয়েছে। আমি দশদিক্ শূত্র দেখছি। কি ক'র্বো ?

প্রতি। কেন গো অত ভাবছো ? তোমার সতীন-পোরা র'য়েছে, তারা কি তোমায় ফেলতে পারবে ? বাপ ছিল, চাকরি বাকরি করে নাই, এদিক্ ওদিক্ ক'রে বেড়াতো ; এখন চার চালের ভার মাথায় প'ড়লো — সব ঠিক হবে।

হিরণ। মা, তুমি তো চক্ষের উপর কাল দেখলে, কথায় কথায় আমায় শুধুকে এসে বলে, “আমাদের সব খেলি, সব নিলি।” মনে করে বুঝি, আমার সিন্দুক-ভরা টাকা র'য়েছে। ছ'বেলা বাড়ী থেকে বিদেয় ক'রতে আসে।

প্রতি। তুমি ভেবো না। তোমার হিন্দিরের মত বাপ র'য়েছে, মা র'য়েছে—পেটে জায়গা দিয়েছে, হাড়িতে জায়গা দেবে।

হিরণ। আমার বাপের অবস্থা জান না। তাঁর চারু-দিকে দেনায় চুল বিকিয়ে র'য়েছে। বড় মেয়ে গলায় প'ড়েছে, ছোটটির বে দিতে পাচ্ছেন না। সেখানে আমি গিয়ে কোন্ মুখে দাঁড়াবো, তাই ভাবছি।

প্রতি। (খপত) এমন পোড়া কপালও পোড়ে ! (প্রকাশে) তা বেদে কি ক'র্বো বাছা ! তোমার বাপকে খবর দিয়েছ ?

হিরণ। কলুবউ খবর দিতে গিয়েছে।

প্রতি। তা আমি এখন আমি বাছা, দিন কি আর যাবে না ? নাও, অমন ক'রে থোকা না ; কাল থেকে প'ড়ে র'য়েছে, একটু মুখে জল দাও নি। চান ক'রে সতীন পো ছুটি আসছে, হাকাসি চড়িয়ে দাও, যত্ন ক'রে আপনার ক'রে নাও ; কি ক'র্বো ! (খপত) আহা, বাছার না জানি আরও কি কপালে আছে ! (প্রকাশে) তবে আসি মা !

[ প্রতিবেশিনার প্রস্থান। ]

হিরণ। আহা, এই খবর অনাথা—এ খবর নিতে এসেছে, কিন্তু পোড়ার কেউ উঁকি মারলেন না। পাড়ায় যাদের বন্ধাটে মনে, তারা কাল ক'রে সংকার ক'রতে নিয়ে গেল, কিন্তু পোড়ার ভদ্রলোক কেউ উঁকি মারলেন না ! কি ক'র্বো, কি হবে ! ছ'মাসের আগাম বাড়ী ভাড়া দেওয়া

আছে, তিন মাস হ'য়ে গিয়েছে, আর তিন মাস তো থাকতে পাব। এমনি পোড়ার দশা—আগাম ভাড়া না নিয়ে কেউ বাড়ী ভাড়া দিলে না। এখনো কি সতীন-পোরা বুঝবে না ? দেখি, কোন রকমে যদি বনিয়ে থাকতে পারি। আমি এদের রাঁধুনী-বৃত্তি ক'র্বো, দাসী-বৃত্তি ক'র্বো, এতেও কি ছুটি খেতে দেবে না ? যাই করুক, দুটো গালাগাল দেয়—দেবে, আমি বনিয়ে থাকবো, ওই আসছে, মিনতি-সিনতি ক'রে দেখি !

( মৃগাক ও শশাকের প্রবেশ )

মৃগাক। নে বেটি, আমার বাবার কি আছে, বা'র কর।

হিরণ। কিছুই তো নাই বাবা !

মৃগাক। নে শশাক, সিন্দুক ভাঙ।

শশাক। তুমিও যেমন দাদা, বেটী সব বাপের বাড়ী চালান দিয়েছে। আমি পরচাবি দিয়ে সিন্দুক খুলে দেখেছি। খানকতক ছেঁড়া কাপড় আছে, আর সেই পুরোণো শালখান।

হিরণ। বাবা, কেন অমন ক'চ্ছ ? কোথায় কি পাব ?

মৃগাক। বেটি, ঝাকামো ; বল বেটি, বাসন-কোমল কোথায় গেল, বল ?

হিরণ। সেগুলি বাঁধা দিয়ে সংকারের টাকা জোগাড় ক'রেছি।

মৃগাক। বাক্স খোল দেখি।

হিরণ। বাবার ঠেঙে ছ'টাকা এনেছিলুম, সব খরচ হ'য়ে গেছে, তিন আনা পয়সা আছে, এই দেখ।

( হিরণমুখীর বাক্স খুলিয়া দেখান ও মৃগাকের পয়সা তুলিয়া লওন )

শশাক। দাদা, শোনো, এর মধ্যে বাপের বাড়ী থেকে টাকা আন্তে গিয়েছিলেন। তোমায় ব'লছি কি, বাবাকে তো আগা গোড়াই ভেড়া ক'রেছিলো। সব চালান দিয়েছে—সব চালান দিয়েছে।

মৃগাক। চোর বেটী, পাজী বেটী, নচ্ছার বেটী, ডাকাত বেটী ! আমাদের পথে ব'সিয়েছ বেটী ! বেটীকে পুলিশে দেব।

শশাক। দেখ, বেটী, ভাল চাস্তো তো আমার বাপের যা গ্যাড়া ক'রেছিস, বা'র কর, নইলে ভাল হবে না ব'লছি।

হিরণ। সে কি বাছা, তোমরা কি ব'লছ ? এ মড়ার

উপর কেন খাঁড়ার ঘা দিচ্ছ ? আমি যে গয়নাপাতি বেচে চিকিৎসা চালিয়েছি, আমি যে পথে ব'সেছি !

মৃগাঙ্ক : তবে রে বেটী, রাফসী, পথে ব'সেছ ? বাবাকে খেয়েছ, বাড়ীখানি খেয়েছ, টাকাকড়ি সব বাপের উদরে পুরেছ, আর নাকিস্বরে ব'লছো—'পথে ব'সেছি !' তা যাও—বেরোও ।

হিরণ । কোথায় যাবো ?

শশাঙ্ক । আমরা কি জানি ?

মৃগাঙ্ক । যার পেট ভরিয়েছ, তার কাছে যাও । বেরোও—বেরোও—এখনি বেরোও !

হিরণ । ও মা—মা গো, কেন এ অভাগিনীকে পেটে স্থান দিখেছিলে ? দেখে যাও মা—রাস্তায় দাঁড়াচ্ছি ! হা পরমেশ্বর, কি হবে !

উভয়ে । বেরো—বেটী বেরো !

হিরণ । একটু সবুর করো, আমি বাবাকে খবর পাঠিয়েছি । তিনি আসুন, আমি যাচ্ছি ।

মৃগাঙ্ক । শশাঙ্ক, তবে খোঁজ, কোথায় কি লুকিয়েছে, বাপ এলে বা'র ক'রবে । খোঁজ—খোঁজ !

শশাঙ্ক । আরে দাঁড়াও না, আগে বিদেয় করোনা । বেরো বেটী বেরো, নইলে গলাধাক্কা দিয়ে বিদেয় ক'রবো ।

মৃগাঙ্ক । হুঁ হুঁ—বাপকে খবর দিয়েছো বটে ! বেরোও বেটী বেরোও, নইলে খেলি মার ।

হিরণ । আচ্ছা বাছা, যাচ্ছি ।

( আলুনা হইতে পরিধেয় বস্ত্র লইতে উত্তত )

মৃগাঙ্ক । কাপড় নিচ্ছি যে ? কাপড় রাখ ।

হিরণ । মা গো, একবস্ত্রে রাস্তায় দাঁড়াতে হ'লো !

উভয়ে । বেরোও—বেরোও—( প্রহারোদ্যোগ )

হিরণ । আর কেন বাবা—আর কেন—বেরোচ্ছি তো !

[ প্রস্থান ।

—\*—

## ষষ্ঠ গর্ভাঙ্ক

বেলঘোরের পথ

( তাড়ি খাইয়া নীচজাতীয়া স্ত্রীগণের প্রবেশ )

( গীত )

তাড়ি পিয়ে ছয়া বদন ভারি ।

আঁচোরা কেইসে সাম্হারি ॥

দোলে হিলে, পায়ের টলে,

চল্‌নে চাহিয়ে ছঁসিয়ারী ।

ধীরে চল না, কুছ না বোল্‌না—

না হেল্‌না, না খেল্‌না,

একা সেইয়া রহে, কহো কেংনি সহে,

ঘর মে ও রোয়ে ফুকরি ॥

[ প্রস্থান ।

( ছুলালচাঁদ, রমানাথ ও কালীঘটকের প্রবেশ )

ছুলাল । রেমো মামা, বল কি বাবা ?

রমা । বাবাজি, তোমার বিরাজী এর দাসীর যুগিয়া নয় । যেমন চেহারা, তেমনি ইয়ার । তবে সম্প্রতি বেরিয়ে এসেছে কি না, তাই একটু লাজুক ।

কালী । তাতে বাবু খুব মজবুত আছেন, সে লজ্জা ভেঙ্গে নিতে পারবেন ।

ছুলাল । বাবা, নেহাৎ প্যান্‌পেনে, ঘ্যান্‌ঘ্যান্‌নে তো নয় ? নেহাৎ কলাবউয়ের মতন যে ব'সে থাকবে, তাতে আমি নারাজ ।

রমা । আরে বাবাজি, আড়ঘোমটা টেনে মুচ্‌কি হাসবে । রূপোগাছির প্যারির বাড়ীতে আছে, তার ঢাংয়েই মাত ক'রে দেবে । আপনাকে যে ব'লছি, সেথা চলুন ।

কালী । তোমার কি রকম কথা রমানাথবাবু ? বাবু প্যারির বাড়ী উঠবেন ! যে ব্যাটা বার ক'রেছে, সে একটা বিষম গোঁয়ার, একটা দাঙ্গা-ফ্যাসাদ বাধাগ্‌ ।

ছুলাল । না না রেমো মামা, ও ফ্যাসাদে কাজ নাই । বৈঠকখানা-বাড়ীতেও কাজ নাই, কিশোর ব্যাটা বড় হ্যাঙ্গানা করে । তুমি আমার বেলঘোরের বাগানে নিয়ে এসো ।

যদি পচন্দসহ হয়, আমি বিরাজা বেটীকে আজই জবাব দেব। বেটীর ভারি নাকনাড়া।

রমা। বাবা, যদি খুশী ক'রতে পারি, ছ'শো টাকা বখশিস্ দেব।

দুলাল। কেন বাবা, আমি কি বখশিস্ দিতে নারাজ? যত বেটী কালিন্দা এনে হাজির ক'রবে, এতে বখশিস্ দিতে ইচ্ছে করে?

কালী। ম'শায়, এবারে কালা ঘটক হাত দিয়েছে, মাল দেখে নেবেন!

দুলাল। আচ্ছা বাবা কেলে ঘটক, তোনার এই ঘটকালি দেখি। করুণাময়র ছুটো মেয়ে তোমার উপর ভার দিয়ে তো বহাত হ'লো।

কালী। আরে ম'শায়, হাসির কথা বলতে ভুলে গিয়েছিলুম—বলতে ভুলে গিয়েছিলুম—আজ সে জামাই ব্যাটা অকল।

দুলাল। কে, সেই বুধকাঠি? ম'রেছে?

কালী। আজ্ঞে ইয়া, তবে আর বলছি কি।

দুলাল। রেমে' মামা, দেখ দেখি, ব্যাটার কি হারাম-জাদুকি! সেই ব্যাটা ম'রবি, তবে কেন ব্যাটা আমার মুখের গরাস্ কেড়ে নিলি?

রমা। বাবাজি, পাজীলোক—পাজীলোক!

কালী। পাজীর পা ঝাড়া।

দুলাল। বলো রেমে' মামা, বে'র দিন বেটীকে বোঝাই নি? ব্যাটাকে বললুম যে, বাবা, তোমার শু'নী মাথায় উড়ছে ভোগে হবে না, কেন বাবা মাল আটকে রাখছো, আমায় আসন্ন ডেড়ে দিয়ে সাক্ স'রে পড়ো।

কালী। অ্যা! আপনি এমন ক'রে বোঝালেন, ব্যাটা শু'নে না?

দুলাল। করুণাময়কেও বোঝালুম যে, বাবা, বুধকাঠি কেন ম'রকে ফুলের মতো কে লাচ্ছ, আমার ক'জটা আর ঠাংটা বান দিয়ে বরণ ক'রে নাও, কন্যা সূপাত্রে প'ড়বে। তা ব্যাটা আমার কথা ক'লে না।

কালী। তেমনি জুদ—তেমনি জুদ! আর একটা মেয়ে গলায় প'ড়লো।

দুলাল। কিসে? তার তো সতীন-সেবার' রয়েছে।

কালী। সে তো আরও মজা হ'য়েছে। তারা তো

বিনের মধ্যে ছ'শো বার গলাধাক্কা দিয়ে বাড়ী থেকে বিদেয় ক'রে দিতে আসে।

দুলাল। ওঃ—পাজা দেখেছ—পাজী দেখেছ! ব্যাটা ম'রবি যদি মনে ছিলো, তবে কেন এমন সূপাত্রে কন্যাদান ক'রতে দিলি নি? তুই ব্যাটা বজ্জাতি ক'রে যদি টোপর মাথায় দিয়ে বিয়ে ক'রতে সেদিন হাজির না হোস্, তা হ'লে কি সেদিন মাল হাত ছাড়া হয়? ব্যাটাকে টাকা কব্লে-ছিলেম, বুঝলে কেলে ঘটক?

কালী। বেইমানি—বেইমানি—আজকের কালই বেইমানি!

দুলাল। ইচ্ছে হ'চ্ছে, ব্যাটাকে ছ'কথা শু'নিয়ে দে আসি;—বলি, 'কেমন ব্যাটা—ব'লেছিলুম? সেই তো ব্যাটা ম'লি, আনাকেও ফাঁকে ফেল'লি, তো ব্যাটারও ভোগে হ'লো না।'

কালী। ম'শায়, কয়লা ধুলে কি তার ময়লা যায়?

দুলাল। যা পাজী ব্যাটা ম'রবে যা! এখন কেলে ঘটক, তোমার বে'র ঘটকালি বুঝে নিয়েছি, এখন তোমার মেয়ে-মালুঘের দালালিটা দেখি।

কালী। ম'শায়, মাল যাচিয়ে নেবেন।

দুলাল। আচ্ছা, দেখা যাক্। পাজা, বেয়ারা সঙ্গে নিয়ে হারে এখনি আসবে। আজ যদি ফস্কায়, দেখবে মজা, আশায় আশায় ক'দিন ঘোরাচ্ছ।

কালী। ম'শায়, যে ব্যাটা বা'র ক'রেছে, সে ব্যাটা অষ্ট-প্রহর আগলে আছে। আজ প্যারি বেটী, ব্যাটাকে ঘরে বসিয়ে ঠিক বা'র ক'রে দেবে;—ঠিক সঙ্গে ক'রে নিয়ে আসবে।

দুলাল। আচ্ছা বাবা, তোমাদের কারদানি দেখা যাবে।

[দুলালচাদের প্রস্থান।

কালী। ওহ, আমরা তো ফ'্যাসাদে প'ড়'বো না?

রমা। আমাদের কিসের ফ'্যাসাদ? বাগানে তুলে দিয়ে সরে প'ড়'বো। তারপর মোহিত পুলিশ নিয়ে হাজির হবে।

কালী। দেখো ভাই, বখ'রায় না ফাঁকি পড়ি।

রমা। মহাভারত! আমি সে মালুঘ নই। উপরে ধর্ম আছে, তুমি ব্রাহ্মণ, তোমায় বঞ্চিত ক'রতে পারি? আচ্ছা, মোহিত এত দেরা ক'ছে কেন? আমি এগিয়ে দেখি।

[বমানাণের প্রস্থান।

কালী । ( স্বগত ) ব্যাটা মোহিতের বাড়ী-বাঁধার দালালি আমায় ফাঁকি দিয়েছে, এ টাকাও ফাঁকি দেবে । যদি পুলিশকেস হয়, রফা হ'লে মোহিতের হাতে টাকা প'ড়বে, টাকাটা রমা ব্যাটা গ্যাঁড়া মারবে । আমি ব্যাটাকে জঙ্গ ক'রে দিচ্ছি । ব্যাটা পাক্কা সঙ্গে ক'রে বাগানে নিয়ে যাবে, আর আমি রূপচাঁদ মিত্তিরকে গিয়ে খবর দেব । ব'ল'বো, 'এই বিপদ, তোমার ছেলেকে ফৌজদারীতে ফেল'বার ফিকির ক'রেছে ।' হাজার রূপণ হোক, এ খবর দিলে কিছু আদায় হবে, না হয়, রমা ব্যাটা তো জঙ্গ হবে ।

[ প্রস্থান ।

( রমানাথ ও পাঙ্কীর সহিত হীরের প্রবেশ )

রমা । ( হীরের প্রতি ) তোরা সব এ পাশ ও পাশ থাক । বেয়ারা বেটাদের সঙ্গে নিয়ে যা, বেটারা না ক্যাচ-ম্যাচ ক'রে গোল করে ।

১ম বেহারা । বাবু, সোয়াড়ি কৌটি ?

হীরে । দাঁড়া না ব্যাটা, সেজেগুজে আসবে না ? আয়, তোদের তোফা চুরুট দেব, ব'সে খাবি আয়, ততক্ষণ সোয়ারি তোয়ের হোক ।

১ম বেহারা । বেলাতি চুরুটো ? জাতি যাবে !

৩য় বেহারা । আরে ধুঁয়াপতুর মুড়িকিড়ি খাইবো ।

হীরে । হ্যা—এ ব্যাটা ওস্তাদ আছে । আজ তোদের খুব বরাত—খুব বখশিস পাবি ।

[ হীরে ও বেহারাগণের প্রস্থান ।

( কালী ঘটকের পুনঃ প্রবেশ )

কালী । কিহে, এখনো দেবী ক'চ্ছে যে ?

রমা । এলো ব'লে—ওই আসছে । আমরা একটু স'রে দাঁড়াই ।

[ উভয়ের প্রস্থান ।

( কিরণ ও মোহিতের প্রবেশ )

কিরণ । আমার এই মিনতি, আমি কাল তোমার সঙ্গে যাবো । আমার ভগ্নিপতি ম'রেছে শুনে মা আছাড় খেয়ে প'ড়েছেন, সমস্ত দিন মুখে জল দেন নাই । আমায় আজ বাড়ী রেখে এসো, আমি কাল তোমার সঙ্গে যাবো ।

মোহিত । তুমি বিশ্বার এই ঘ্যান্ ঘ্যান্ ক'চ্ছ, আমি বিশ্বার ব'লছি না—না—না । আজ যাবে তো চলো—নইলে তুমি সাক্ বাড়ী চ'লে যাও, আমিও ঘরের ছেলে ঘরে চ'লে যাই ।

কিরণ । তুমি রাগ ক'রো না—রাগ ক'রো না । তুমি যেথায় নিয়ে যাবে, আমি সেইখানেই যাবো ।

মোহিত । যেথায় নিয়ে যাবো কি ? তোফা বাগান বাড়ী । তোমার বাবার চোদ্দপুরুষে এমন বাগান দেখে নাই । আর জড়োয়া গয়নায় তোমায় মুড়ে রাখ'বো ।

কিরণ । তুমি গাছতলায় নিয়ে গেলে, আমি গাছতলায় থাক'বো । আমি পিতলের গয়না খুলে জড়োয়া গয়না প'রতে চাই না ;—আমি তোমায় চাই, তোমার সেবা ক'র'বো—এই আমার জীবনে ধ্যান-জ্ঞান ! তুমি পায়ে জায়গা দিলে আমি রাজরাণী হ'তে চাই না ।

মোহিত । বেশ কথা, তবে চট্ চ'লে এসো ।

কিরণ । আচ্ছা, তবে তুমি আমার বাবাকে খবর পাঠিয়ে দাও ।

মোহিত । আচ্ছা, তা দেব—চলো ।

কিরণ । আর কতদূর যাবো ?

মোহিত । ঐ যে পাঙ্কী র'য়েছে—( অগ্রসর হইয়া ) এই ওঠো ।

কিরণ । পাঙ্কীতে দু'জনকে নেবে ?

মোহিত । আমি হেঁটে যাচ্ছি, তোমার তাতে ভাব'না কি ?

কিরণ । আমি তবে কার সঙ্গে যাবো ? গাড়ী করো, দু'জনে একত্রে যাই ।

মোহিত । কেন, পাঙ্কীতে তোমার ভয় কি ? বেয়ারারা আমার বাড়ী চেনে ।

কিরণ । আমি একলা কোথায় গিয়ে উঠ'বো ?

মোহিত । আরে, আমি সঙ্গে যাচ্ছি ।

কিরণ । না, না, তুমি গাড়ী করো—দু'জনে যাবো ।

মোহিত । পাঙ্কীতে বসো না, চেনা বেয়ারা, তোমার ভয় কি ?

কিরণ । তুমি কোথা যাচ্ছ ?

মোহিত । কোথায় যাবো—এইখানেই আছি । নাও—

নাও, পাঙ্কীতে ব'সো। (কিরণের পাঙ্কীমধ্যে উপবেশন)  
রেমো মামা—

( রমানাপের প্রবেশ )

রমা। ( জনান্তিকে ) কি বাবা ?—এইখানেই আছি।

মোহিত। ( জনান্তিকে ) পাঙ্কী এনে বড় বুদ্ধির কাজ  
ক'রেছ। গাড়ী ক'বলে ফ্যাসাদ হ'তো, আমি সঙ্গে না গেলে  
যেত না। নাও—নাও, বেয়ারাদের ডাকো,—পাঙ্কী বাগানে  
তোলো। আমি থানায় যাই।

[ মোহিতের প্রস্থান। ]

কিরণ। ( পাঙ্কী হইতে বাহির হইয়া ) ও কি ! তুমি  
কোথায় যাচ্ছ ?

( কালী ঘটক, শীরে ও বেহারাগণের প্রবেশ )

রমা। ভয় কি মা ! আমি যে তোমার স্বশুর। লক্ষ্মী  
মা, পাঙ্কীতে ওঠ।

কিরণ। কে তুমি ? আমার স্বামী কোথা যাচ্ছে ?

কালী। ওই যে র'য়েছে। আমায় তুমি চেননা মা ?  
আমি কালী ঘটক, তোমার বের সম্বন্ধ ক'রেছিলুম।

কিরণ। এ কি, তোমরা হেথায় কেন ?

রমা। আজ তুমি ঘরের বউ ঘরে যাবে, আমরা সব  
খাওয়া-দাওয়া ক'রবো, তোমার শাশুড়ী পথ চেয়ে র'য়েছেন।

কিরণ। আমার স্বামাকে ডাকো, নইলে আমি যাবো  
না।

রমা। ছিঃ মা, রাস্তায় পাড়িয়ে গোল করে ? উঠে  
ব'সো, ও ছেলে মানুষ, পাঙ্কীর সঙ্গে দৌড়ুতে পারবে কেন ?

কিরণ। না, আমি কখনই উঠ'বো না, আমার স্বামীর  
সঙ্গে নইলে আমি কখনো যাবো না,—আমি বাড়ী চ'ল্লুম।

( মোহিতের পুনঃ প্রবেশ )

মোহিত। তবে রে বেটী ! আমি তোমার পাঙ্কীর  
সঙ্গে দৌড়ুই, আর আমাদের মতলব মাটী হোক। উঠ'বি  
তো ওঠ, রেমো মামার সঙ্গে চ'লে যা।

কিরণ। তুমি না সঙ্গে গেলে আমি যাবো না।

মোহিত। বটে—ক্যাকামো ! ভাল চাস্ তো চুপি  
চুপি পাঙ্কীতে ওঠ,—নইলে তোমার মুখ দেখ'বো না।

কিরণ। না—না, তোমার পায়ে পড়ি, তুমি সঙ্গে এসো।

মোহিত। ওঃ, রস দেখ না ! তোমার সঙ্গে গিয়ে

কপোত-কপোতীর মত মুখে মুখ দিয়ে থাক'বো,—তাই  
তোমায় বা'র ক'রে এনেছি, নয় ? নাও—পাঙ্কীতে ওঠো।

কিরণ। না—না, তুমি না গেলে যাব না।

মোহিত। ওঃ, অত ইয়ারকিতে আর কাজ নেই প্রাণ !  
মনে ক'রেছ বৃষ্টি, ঘর-ঘরকন্না ক'রবে, আমার গিন্নী হবে ?  
তা মনের কোণেও ঠাই দিয়ো না।

রমা। ( জনান্তিকে ) আঃ, চুপ করো—চুপ করো।

মোহিত। চুপ কি ?—আমার স্পষ্ট কথা। বেটী  
ফাঁদে প'ড়েছে, আর যাবে কোথায় ? পাঙ্কীতে উঠ'বি তো  
ওঠ'।

কিরণ। কি—কি, তুমি কি ব'ল'ছো ? বল—বল—  
আমায় কেন এনেছ ? আমায় কোথায় পাঠিয়ে দিচ্ছ ?

রমা। মা, চেষ্টামেচি ক'রো না, লোকে শুন্লে কি  
ব'ল'বে ? মোহিতটে পাগল—তুমি কথা না রাখলে, ও  
লোক ডেকে স্বচ্ছন্দে ব'ল'বে, যে, তুমি বেরিয়ে যাচ্ছ,—  
তোমার দেশে দেশে কলঙ্ক হবে। চুপি চুপি পাঙ্কীতে ওঠ,  
আমি সঙ্গে আছি, ভয় কি ?

কিরণ। বলো—বলো, কি ব'ল'ছিলে বলো ? আমায়  
নিয়ে ঘর ক'রবে না তো, তবে আমায় কেন নিয়ে এলে ?

মোহিত। কেন নিয়ে এলুম—শুন্বে ?

রমা। ( জনান্তিকে ) আরে, চুপ করো—চুপ করো।

মোহিত। চুপ করো কি, কিসের ভয় ? একটা মেয়ে  
মানুষকে ভয় ক'রতে হবে ? Damn it ! তবে শোন,  
টাকার দরকার। ছলো ব্যাটার কাছ থেকে টাকা আদায়  
ক'রতে হবে। তুমি বেশা—নুতন বেরিয়ে এসেছ, এই ব'লে  
হুলাল বাবুকে রেমো মামা আর কালী ঘটক বুঝিয়েছে।  
এদিকে এরা তোমায় বাগানে তুল'বে, আমি থানায় খবর দেব  
যে, আমার মাগ জোর করে বাগানে নিয়ে তুলেছে। তা  
হ'লেই টাকা ছাড়তে পথ পাবে না। বুঝলে ? সাত চাল  
চেলে তবে বোড়ে টিপেছি।

কিরণ। কি, কি ব'লে ? বল—মিথ্যা কথা ব'লেছ !  
যদি সত্য হয়, তবু বলো—মিথ্যা কথা ব'লেছ ! আমার হৃদয়ে-  
শ্বর—ইষ্টদেবতা—পদাঘাতে ভেঙ্গে দিয়ো না। বলো—  
মিথ্যা কথা ব'লেছ—তোমার প্রতি আমার ঘৃণা না হয়,  
যেমন তোমার ধ্যানে ছিলুম, সেই ধ্যানে যেন থাকতে পারি।  
বলো—বলো—মিথ্যাকথা ব'লেছ।

মোহিত। বাহবা—বাহবা! বেড়ে লেকচার ঝাড়্‌চো  
বিধুমুখি!

কিরণ। বলো—বলো, তোমার পায়ে পড়ি বলো—  
তোমার প্রতি আমার ঘৃণা হচ্ছে। তুমি মিছে ক'রে বলো,  
—তুমি মিথ্যা বল্‌ছ।

হীরে। রমা বাবু, তোমরা মেয়ে বার ক'রতে জান নি,  
আমাদের গাঁয়ের জমিদার হ'তো তো এতক্ষণ মুখে কাপড়  
বেঁধে তুলে নিয়ে যেতো। নাও, মুখে কাপড় বেঁধে পাঙ্কীতে  
তোলো। বেয়ারাদের যে জনাজুতি দশ দশ টাকা দিয়েছ,  
কি ক'তে? জোরজরাবতি না ক'রলে এ কাজ হয়?

মোহিত। সাবাস্‌ বেটা হীরে! নাও রেমো মামা,  
তোলো, কালী ঘটক ধরো!

[ সভয়ে বেয়ারাগণের একে একে প্রশ্নান।

কালী। এসো রমানাথ! ( জনান্তিকে ) ভয় কি, ওর  
স্বামী জোর ক'রে নিয়ে যাচ্ছে, আমাদের ভয় কি? ( প্রকাশে )  
নাও, ধরো; হীরে, মুখে কাপড় বাঁধ।

কিরণ। খবরদার, আমার অঙ্গ স্পর্শ ক'রো না।

হীরে। দাঁড়াও, আমি কাপড় বাঁধ্‌ছি।

( কিরণের মুখে কাপড় বাঁধিতে অগ্রসর হওন )

কিরণ। ( ইতস্ততঃ দৌড়াইয়া ) কে আছ, রক্ষা করো—  
রক্ষা করো!

( হীরে কত্‌ক কিরণের মুখে কাপড় বন্ধন ও সকলের আকর্ষণ )

রমা। কই, বেয়ারারা কোথায় গেল? বেয়ারা—বেয়ারা—

কিরণ ( বলপূর্বক মুখ হঠতে বন্ধন-বস্ত্র উন্মোচন  
করিয়া ) রক্ষা করো—রক্ষা করো—

( কিশোর ও বন্ধুগণের সহিত বেহারাগণের বেগে  
পুনঃ প্রবেশ )

সকলে। ভয় নাই—ভয় নাই।

কিশোর। ধরো—ধরো—সব বেটাকে বেঁধে ফেলো।

( বন্ধুগণের সকলকে বন্ধন করণ )

মোহিত। কি কিশোরবাবু, আমার স্ত্রী—আমি নিয়ে  
যাচ্ছি, তোমার তাতে কি?

কিশোর। এ কি, মোহিতবাবু?

মোহিত। দেখতে পাচ্ছ না, তবে কে? চ'লে যাও,  
পথ দেখ।

কিশোর। এ কি ব্যাপার?

কিরণ। কিশোরবাবু—কিশোরবাবু, আমায় রক্ষা করুন!  
আমার স্বামী, ঘর ক'রবো ব'লে আমায় বাড়ী থেকে নিয়ে  
এসেছেন। এঁরা জোর ক'রে আমায় দুলালবাবুর বাগানে  
নিয়ে যাচ্ছেন।

মোহিত। কি, মিথ্যাকথা।

কিশোর। কি মিথ্যাকথা—মোহিত বাবু?

মোহিত। আমি আমার স্ত্রী বাড়ী নিয়ে যাচ্ছি।

কিশোর। বুঝেছি, বেলঘোরের দিকে! মোহিতবাবু,  
আপনাকে যে জানোয়ার ব'লে, জানোয়ারকে গালাগাল দেওয়া  
হয়। আপনার স্ত্রীকে অপরকে দেবার জন্তে ভুলিয়ে নিয়ে  
এসেছেন? অপরকে দেবার জন্তে জোর ক'রে পাঙ্কীতে  
তুলছেন? এ কথা লোককে ব'লতে গেলে লোকের কাছে  
মিথ্যাবাদী হ'তে হয়! কায়স্থ-ঘরে জন্মগ্রহণ ক'রে আপনার  
এই আচার! অভিধানে আপনার বিশেষণ নাই!

মোহিত। কি—কি হ'য়েছে? আমার পরিবার নিয়ে  
যাচ্ছি। আমিও তোমাদের নামে নালিস ক'রবো।

কিশোর। নালিস দেখাতুম, যদি তুমি এই সাদস্যর  
স্বামী না হ'তে। এই নরাধম ব্যাটারেরও বুঝে  
নিতুম। কি ব'লবো, তোমায় দণ্ড দিলে, তোমার স্বামী  
স্ত্রী ব্যথা পাবে।

কালী। বাবা, আমি এর ভেতর নেই বাবা!

১ম বন্ধু। তবে রে পাজী ব্যাটা ঘট্‌কা! ( প্রহার )

কালী। দোহাই বাবা—দোহাই! কিলের চোটে কাপড়  
থারাপ হবে বাবা! আমি কিছু জানি নে, এই রমানাথ  
এ সব ক'রেছে।

রমা। না বাবা, তোমায় সব কথা ভেঙ্গে ব'ল্‌ছি  
বাবা! আমায় মেরো না বাবা! কিশোরবাবু, তোমায় সব  
কথা ভেঙ্গে ব'ল্‌ছি বাবা! তারপর যা ক'রতে হয়, করো।

কিশোর। কি ব'ল্‌ছো?

রমা। বাবা, তোমাদের কিলের বহর দেখে আমার  
আত্মাপুরুষ গুঁকিয়ে গেছে বাবা, হুঁড়ে হুঁড়ে দিতে ব'লো বাবা,  
আমি সব কথা ভেঙ্গে ব'ল্‌ছি।

কিশোর। আচ্ছা বলো, ছাড় তো হে!

রমা। এই মোহিত—এই মোহিত—( বেগে পলায়ন )

( ২য় বন্ধুর পশ্চাদ্‌ঘন )

কিশোর। যত্ন, ফেরো ফেরো—ও পালাগ্। আমার বৈঠকখানা থেকে কাল ঘড়ি নিয়ে বাধা দিয়েছে। ঘড়ির জন্তে একটা লোককে মেয়াদ খাটাবো, এই জন্তে আমি কিছু বলি নাই। আমি সেই Charge দিয়ে ব্যাটাকে পুলিশে দেব। মোহিত, তোমার দ্বার পুণ্যে বেঁচে গেলে। বাও, আর তিলমাত্র যদি ছাড়িয়ে থাকো, চাব্কে তোমাকে লাগ ক'রে দেব।

মোহিত। Damn it! বেটা সব মাটা ক'রলে।

[ মোহিতের প্রস্থান।

কালী। আমার ছেড়ে দাও বাবা—আমায় ছেড়ে দাও!

কিশোর। তুমি ঘটক, কুলাচায়া! তুমি হিতাহিত জানরহিত! সামান্য বেয়ারারা যেটা প্রতিভা কাজ বুঝেছে, তুমি সেটা কাজে প্রয়োগ করোছ। তুমি কলকাতায় আর হান পাবে না, এ কথা নিশ্চয় জেনো। আজ এই সাম্প্রদায়িক কল্যাণে বেঁচে গেলে।

৪র্থ বন্ধু। দর হ বেটা পাঙ্গী! (চপটাঘাত)

কালী। বাপ!

[ কালী ঘটকের বেগে প্রস্থান।

হীরে। আমি মুনিবের চাকর, মুনিবের হুকুমে পাঙ্গী এনেছি।

কিশোর। দাও হে ব্যাটাকে ছেড়ে দাও। তোমার মুনিবকে বাঁধো দে, এ সব কাজ ভাল নয়।

হীরে। তার অপরাধ নাই ম'শায়! তিনি ভদ্রলোকের মেয়ের উপর নজর করেন না মশায়। ওই রমানাথবাবু আর ঘটক মশায় তাকে বলেছেন, সোণাগাছির মেয়েমানুষ মূতন বোঝে এসেছে, তার বাধা মানুষের কাছ থেকে ছাড়িয়ে নে যাবে।

কিশোর। যা, দর হ।

[ হীরের প্রস্থান।


(কিশোরের প্রতি) কিশোর দিদি, তুমি পাঙ্গীতে ওঠ। ভয় নাই, আমরা সঙ্গে থাকছি। যত্ন, আমাদের সমিতির আজ picnic না থাকলে তো সঙ্গনাশ ক'রেছিল। (বেহারাগণের প্রতি) বেয়ারা, নে, তোরা পাঙ্গী গোল। তোরা যে কাজ আজ ক'রেছিস, তাতে ভগবান্ তোদের উপর প্রসন্ন। পৌছে দে, আমায় তোদের সবলকে খুসী ক'রবে। (বন্ধুগণের প্রতি) চলো, আমরা পৌছে দিয়ে বাড়ী যাবো।

ভগবান্ আজ আমাদের দ্বারায় একটা কার্য সাধন ক'লেন। বোধ করি, আমরা যে সব কার্যে ব্রতী, তাতে তিনি সম্পূর্ণ সাহায্য ক'রবেন।

২য় বন্ধু। অবশ্য ক'রবেন। আমার খুব ভরসা, আমাদের এই ক্ষুদ্র সমিতিকে তিনি উচ্চ কার্যের ভার দেবেন। আমাদের প্রার্থনা বিফল হবে না।

[ সকলের প্রস্থান।

## চতুর্থ অঙ্ক



### প্রথম গর্তাঙ্ক

দুলালচাঁদের বৈঠকখানা-বাটীর সম্মুখস্থ পথ।

রূপচাঁদমিত্র, গোয়ালী, শালওয়ালী,

মুদী ও সন্দেশওয়ালী।

রূপ। বাপু, তোমরা সব করুণাময়ের বাড়ীখানি দেখেছো, তাই সব চুপ ক'রে আছ, না? তা থাকো, আর মাসখানেক চুপ ক'রে। আমার কাছে দু'বার বাধা আছে;—সেকেণ্ড নটগেজ হ'য়ে গেছে। আমি বয়বাদ জারি ক'রেছি। ছ'মাস সময় আদালত দিয়েছিল, তার পাঁচমাস হ'য়ে গেছে, এক মাস বাকী। একমাস বাদে বাড়ী দখল ক'রবো। তারপর ও insolvent নিগ, আর তোমরা সব হাতচিঠি ধুয়ে খাও।

গোয়ালী। তাই তো বাবু ম'শায়, সেই প্রথম বে'র ক্ষার-দইয়ের টাকা আজও চুকিয়ে পাইনি।

রূপ। সব হিসাবই তো দেখলুম, কে চুকিয়ে পেয়েছে? তোমার সন্দেশের টাকা বাকী, তোমার ঘি-ময়দার টাকা বাকী, তোমার তব্বের কাপড়ের টাকা বাকী,—সবারই তো বাকী দেখেছ। ডাক্তারখানার বিল তো গুণতে পাই, পোড়ায় কাটছে। (শালওয়ালীর প্রতি) তবে তুমি তোমার শালের টাকাটা খুব বাগিয়ে কিস্তিবন্দী ক'রে নিয়েছ।

শাল। আর বাবু, কিস্তী কিছু পাই না।

সকলে। বাবু ম'শায়, তবে উপায় কি করি ?

রূপ। খরচা জমা দাও, দিয়ে ডিগ্রি ক'রে রাখো, যদি কিছু আদায় ক'রতে পারো।

মুদী। আর বাবু, দোকান ক'রে অবধি কখনো কারো নামে নালিশ করি নি,—আদালত কোন্মুখো, জানি নি। আদালত-ঘর ক'রবো,—না কারবার দেখবো ?

সকলে। আজ্ঞে কর্তামশায়, আমরা কি আদালত ঘর ক'রতে পারি ?

রূপ। আহা, তোরা গরীব লোক, বড় ফ্যাসাদেই প'ড়েছিস্। তা যা, কাল সব খেয়ে দেয়ে আদালতে বাস্ ; আমার মোক্তারকে বলে দেব, সে তোদের সব ক'রে-কশ্মে দেবে।

সকলে। আজ্ঞে হুজুর, কাল সব আপনার বাড়ী গিয়ে হাজির হবো।

রূপ। নানা, গরীব লোক, কেন কাজ ক্ষতি ক'রে অতদূর ধাবি ? আমি ছুলালবাবুর বৈঠকখানা মেরামত ক'রতে তো এ পাড়ায় হামেসা আস্ছি। এখন যা, কাল সব ছোট আদালতে বাস্। আমি মোক্তারকে ব'লে সব ঠিক ক'রে রাখবো। সব হাতচিঠি নিয়ে যাস্।

মুদী। আমরা তো মোক্তার বাবুকে চিনি নি।

রূপ। তোরা আদালতে গেলেই হবে। ওর হাণ্ড-নোটের চার পাঁচ খানা ডিগ্রা সে ক'রে দিয়েছ। আমার নিধিরাম সরকার আদালতেই থাকবে, তোরা গেলেই সে সব ঠিক ক'রে দেবে। নিধিরামকে চিনিস তো ?

গোয়লা। আজ্ঞে হাঁ, তা চিনি। তিনি রাজমজুর খাটাতে রোজই এ পাড়ায় আসেন।

রূপ। তবে আর কি, কাল সব বাস্।

সকলে। যে আজ্ঞে হুজুর, আপনি গরীবের মা-বাপ !

[ শালগোয়লা ব্যতীত সকলের প্রস্থান। ]

রূপ। কিহে, তুমি ওয়ারিগ বা'র ক'রেছ ?

শাল। আজ্ঞে, হাঁ হুজুর ! বেলিক ঐ মুদির দোকানে বৈঠে আছে।

রূপ। আচ্ছা, তুমি হুঁসিয়ার থাকো। আমায় যেন তুমি চেনো না—খবরদার।

শাল। হুজুর, ক'বার হুকুম ক'রবেন ! আমি এক কথায় বকিয়ে নিয়েছে।

[ রূপচাঁদের প্রস্থান। ]

( বেলিকের প্রবেশ )

বেলিক। আমি কেতক্ষণ বসিয়ে থাকবে ? আদালত যাইবে না ?

শাল। সাব, থোড়া সবুর, আবি আতা।

বেলিক। কাহে তোম্ ওম্‌কো আফিসমে পাক্‌ড়া দেতা নাই ?

শাল। সাব, কুছ মতলব হয়। আর হুঁঠো রোপেয়া দেতা হয়, লিজিয়ে। ( মুদ্রা প্রদান ) ঐ আতা হয়—ঐ আতা হয়। আপ থোড়া উদার যাইয়ে—আপ থোড়া উপার যাইয়ে।

[ বেলিকের অন্তরালে গমন। ]

( আফিসের বেশে করুণাময়ের প্রবেশ )

করুণা। উঃ বেলা হ'য়ে গেল। সাহেব ব্যাটা ফের আজ্ঞে আমার মা'নে কাট'তে চাবে, না কি ক'রবে, কে জানে। পাওনাদার শুববে কেন ? হাতে-পায়ে ধ'রে, ক'দিন চলে ? বাক্, হাতে-পায়ে ধ'রে তো এ মাসটা থানিয়েছি, দেখি বাড়ী-খানা ছেড়ে দিয়ে, যদি কিছু টাকা পাই, যতদূর হয় কিস্তি-গুলো সাম্‌লাবো : নাতোয়ানের ছনো মালগুজরি। আমায় নাতোয়ান দেখে সবাই আধা দরে বাড়ী কিন্তে চায়। দর না হ'লে তো মট'গেজের টাকাই শোধ যাবে না ফিরে মাসে না দিতে পারি, জেলে যাবো, আর কি ক'রবো ?

শাল। বাবু, আমার কিস্তি তো পেলেম না। হামরা গরীব লোক, কেমন ক'রে চলে ?

করুণা। জিহি সিং, দিন কতক সবুর করো। আমি বাড়ী বেছি, সব ঠিক হ'য়েছে, আমি সকলের দেনা শোধ দেবো।

শাল। হ্যাঁ হ্যাঁ, বাড়ী বেচ বাবু ইন্সলভেন্ট যাবে। সাব—সাব ! এই করুণাময় বাবু। ( হস্ত ধারণ )

( বেলিকের প্রবেশ )

করুণা। ধরো না—আমি পালাবো কোথায় ?

বেলিক। না—না, ভদ্র আদমি। বাবু, আপনার নামে এই Attachment দেখো। আমি গভর্ণমেন্টের নকর, কি ক'রবে—আপনাকে আদালতে যাইতে হইবে।

করুণা। চাকরাটুকু ছিল, এবার বুঝি তাও গেল। ওঃ



ভগবান্ ! কত দুঃখ দেবে—কত সয় ! পরমেশ্বর—পরমেশ্বর !  
অনাচারে সপরিবারে ম'রবে ? নূতন সাহেবের যে বিষদৃষ্টিতে  
প'ড়েছি, একথা শুন্লে খাটই জবাব ! কি হ'লো—কি  
হ'লো !

শাল। সাহেব, নিয়ে চলো।

বেলিক। একটা বাঁড়া আনো। বাবু কি হাঁটিয়া  
যাইবে ?

( রূপচাঁদ নিজের প্রবেশ )

করুণা। ভগবান্—ভগবান্ ! কি ক'রলে—কি হ'লো !

রূপ। কি,—কি ব্যাপার কি ?

শাল। বাবু, হামি গরীব লোক। আমার টাকা তিন  
কিন্দী প'ড়েছে। গরম কাপড়, শাল সব নিয়েছেন ; হামি  
গরীব মানুষ, টাকা পেলুম না। দশ টাকা কিস্তী, তাও দেন  
না, হামি কি ক'রবো !

রূপ। তোমার কত টাকা পাওনা ?

শাল। খরচাসমত দেড় শো রোপেয়া।

রূপ। আচ্ছা, এই নাও, বাবুকে ছেড়ে দাও। ( নোট  
প্রদান )

শাল। বাবু, হামি গরীব লোক—হামার টাকা পেলেই  
হ'লো—হামার টাকা পেলেই হ'লো।

রূপ। এখন টাকা পেয়েছ তো, স'রে যাও।

শাল। সেলাম বাবু—সেলাম !

বেলিক। বাবু, কিছু মনে ক'রবেন না, Duty  
bound.

[ বেলিক ও শালওয়ালার প্রস্থান।

( নলিনের গম্বুজে পানওয়ালার বেগে প্রবেশ )

পানওয়াল। ( নলিনকে ধরিয়। ) তবে রে শালা, রোজ  
সিগারেট চুরি করে পালাও ? পাহারওলা—পাহারওলা !  
( প্রহার )

নলিন। ও বাবা—ওগলুম গো—ওগলুম গো !

( করুণাময়কে ছড়াইয়া ধরণ )

রূপ। খাম—খাম, কি হ'য়েছে—কি হ'য়েছে ?

পান। বাবু, রোজ রোজ কোকেন নিয়ে, সিগারেটের  
বাক্স লিয়ে এই ছোড়া পালায়।

করুণা। নলিন, এতদূর শিখেছ ? তা তোমার অপরাধ  
নাই ! তুমি স্থল যেতে, স্থল না যেতে পেলে কাঁদতে ;  
স্থলের মাইনের জন্তে পায়ে ধ'রে কেঁদেছ। আমি বাপ,  
মাইনে না দিতে পেরে স্থল ছাড়িয়ে তোমায় বাড়ী ব'সিয়ে  
রেখেছি। তোমার কোন অপরাধ নাই।

রূপ। এই নে, একটা টাকা নে, যা—চ'লে যা। ( টাকা  
প্রদান )

পান। বাবু, গরীব মানুষ—গরীব মানুষ।

রূপ। নে নে—যা !

[ পানওয়ালার প্রস্থান।

( নলিনের প্রতি ) ছিঃ ! তুমি সিগারেট চুরি ক'রে খাও !

করুণা। ম'শায়, ওকে কিছু ব'লবেন না, ওর কোন  
অপরাধ নাই। ভাত না তোয়ের হ'লে ও না খেয়ে স্থল  
যেতো, রাত্রে ব'সে প'ড়তো, জোর ক'রে গুণ্ড পাঠাতুম।  
ফি বার ফাষ্ট প্রাইজ পেয়েছে ! আমি ওকে স্থল ছাড়িয়ে বাড়ী  
ব'সিয়ে রেখেছি। বংশরক্ষা ক'রতে বিবাহ ক'রেছিলেম,  
বংশরক্ষা হ'য়েছে, সব রক্ষা হ'য়েছে, এখন মৃত্যু ভিন্ন আমার  
আর উপায় নাই। ম'শায়, বোধ হয়, আপনার নামই রূপচাঁদ  
বাবু। লোকে আপনার কুৎসা করে, আপনাকে রূপণ বলে—  
লোকের সর্বনাশ করেন ব'লে ;—শুনেছিলুম—আমার বড়  
জামায়ের বাড়ী ফাঁকি দিয়ে নিয়েছেন, কিন্তু আ .নার ব্যব-  
হার তো সম্পূর্ণ বিপরীত দেখছি।

রূপ। যাক্—যাক্, লোকের কথা ছেড়ে দেন। এখন  
আপনি আফিস যান।

করুণা। ম'শায়, আজ আর আফিস কোথায় যাবো ?  
যেতে আমার পা উঠছে না, মাথা ঘুরচে। আমার আর  
কোনো দিকে নিস্তার নাই।

রূপ। ( ক্রন্দনরত নলিনকে ) যাও ছোকরা, বাড়ী যাও।

( নলিনের প্রস্থান।

করুণাময় বাবু, আপনার বিষয় আমি কতক শুনেছি।  
আপনি বাড়ী বেচ'বেন—দালালের মুখে শুন্লুম। সে-ই  
কতক কতক আপনার কথা আমায় ব'লে। তাই ভেবে-  
ছিলুম, আপনি আফিস হ'তে এলে, আপনার সঙ্গে সাক্ষাৎ  
ক'রে একটা সংযুক্তি ক'রবো। শুন্ছি নাকি, আপনার  
বাড়ীর দর হ'চ্ছে না।

করুণা। আজ্ঞে ম'শায়, নাতোয়ান দেখে সকলে মনে ক'চ্ছে, দু'দিন পরে নিজেমে চড়বে—আধা দরে বাড়ীখানা ডেকে নেবে।

রূপ। হুঁ! আমি থাকতে তাঁদের সে বাসনা পূর্ণ হবে না। যার কাছে বাড়ী মট'গেজ আছে, আমার ঠেঙে টাকা নিয়ে, তার টাকা ফেলে দেন; আমি সামান্য সুদেই রাখবো। আর আপনার পাওনাদারদের লিপি করুন, আমি সকলকে ডাকিয়ে কিস্তিবন্দী ক'রে দিচ্ছি। কিছু কিছু ক'রে মাইনে থেকে শোধ দেবেন; —অনাটন হয়, আমি দিয়ে দেব। তারপর আপনার ইচ্ছে হয়, বাড়ী ছেড়ে দেবেন। যা গায়া দর হবে, তার উপর পাঁচ শো টাকা আমি আপনাকে দেবো, স্বীকার পেলেম। আপনি ছাপোষা লোক, বড় জড়িয়ে প'ড়েছেন দেখছি।

করুণা। ম'শায়, আপনি কি দেবতা? এ অকূলে কি ভগবান্ কুল দেবার জন্মে আপনাকে পাঠিয়েছেন? আমি কি ব'ল'বো?—কি ব'লে কৃতজ্ঞতা প্রকাশ ক'রবো? আপনি কাজালের বন্ধু, জগদীশ্বর আপনার মঙ্গল করুন।

রূপ। যান—যান, আফিসে যান। আফিসের ফেরত আমার সঙ্গে দেখা ক'রবেন।

করুণা। নমস্কার ম'শায়!

রূপ। নমস্কার।

[ করুণাময়ের প্রস্থান।

( ছল্লালচাঁদের প্রবেশ )

ছল্লাল। বাবা, কি হ'লো বাবা? বাগিয়েছ তো বাবা?

রূপ। নে—নে, চুপ কর, রাস্তাতে চেঁচাতে লাগলো!

ছল্লাল। বাবা, আশা দাও বাবা! নইলে জ'লে মরি! এই ছোট মেয়েটা যদি বাগাতে পারো, তুমি বাপের মত বাপ বটে বাবা! বড় মেয়েটা বেহাত হ'য়েছে—বেশ হ'য়েছে। মেজো মেয়েটা বেহাত হ'য়েছে—বেশ হ'য়েছে! আমি খুব খুসী আছি বাবা! ছোটটা পরীজ্ঞান বাবা! মেমেদের স্কুলের গাড়ী থেকে নাব'তে দেখেছি বাবা,—ওমনি তবু হ'য়ে গিচ্ছি! ব'ল'বো কি বাবা, রঙের জেল্লায় মেমের রংকে ঝক্ দিয়েছে! বাবা, চেহারা যেন ছবি, ছবি কি বাবা, ছবির বাসার বাবা! চাউনিতে ম'রে আছি বাবা—চাউনিতে ম'রে আছি! বাবা, আশা দাও বাবা—দম ফেটে যাই!

রূপ। আরে, তবু রাস্তায় চেঁচামেচি ক'রতে লাগলো? ছল্লাল। দম ফেটে যাই বাবা, প্রাণের দায়ে চেঁচাচ্ছি বাবা! এদিকে করুণা ব্যাটা খেতে পায় না, কিন্তু মেয়েগুলো এমন ফিট কি ক'রে হয়? বাগাতে পেরেছ তো বাবা?

রূপ। আরে হ্যাঁ, আজ রাত্রে বাড়ী ঘর দোর সব লিখে নেব।

ছল্লাল। বাবা, ও বেখাপ্পা লোক, ওকে মোচড় দিয়ে বাগাতে পারবে না বাবা! আমি ওকে চিনে নিয়েছি, যত মোচড় দেবে, তত বেঁকবে। জামা'য়ের হাতে হাতকড়ি দিয়ে পুলিশে নিয়ে হাজির ক'রলুম, নগদ টাকা ঝাড়তে চাইলুম, তাতে আরও বেঁকলো বাবা! তোমায় যা ব'লেছি, গায়ে হাত বুলিয়ে কাজ নিতে পার তো হবে, নইলে বাবা মেয়েটাকে হাত-পা বেঁধে জলে ফেলে দেবে, তবু বাবা আমায় দেবে না।

রূপ। আরে হ্যাঁ—হ্যাঁ, তোর চেয়ে আমি মানুষ চিনি, বুঝলি?

ছল্লাল। চেন আর না চেন, বাগানো চাই বাবা! নইলে তোমার কুঁজো ছেলে—বংশের ছল্লাল—হারালে! এদিকে তুমি এত মজবুত, তবে পেপ্যাটেন ছেলে হ'লো কেন বাবা? কোম্বাতে যে নাক সেট'ক'য় বাবা!

রূপ। নে চল - চল, বাড়ী চল।

[ উভয়ের প্রস্থান।

## দ্বিতীয় গর্ভাঙ্ক

বান্ধব সমিতির গৃহ

সভাগণ।

১ম সভ্য। ওহে, আজ কিশোর এখনো এলো না কেন?

২য় সভ্য। হয় তো কোথায় কোন গরীবের শক্ত ব্যায়-রাম হ'য়েছে, তারে nurse ক'চ্ছে, নয় কোন বেকার familyর খোরাকির ব্যবস্থা ক'রে দিচ্ছে, নয় তো কে বিপদে প'ড়েছে, তার উদ্ধারের চেষ্টা পাচ্ছে,—এমনি কোন একটা কাজে আছে নিশ্চয়।

১ম সভ্য। বোধ হয়, হঠাৎ কোন কাজে পড়ে গিয়েছে, নইলে সে খবর পাঠাতো।

৩য় সভ্য। ভাই, বড় বাবুয়ের ছেলে যে এমন হয়, তা আমি স্বপ্নেও জানতুম না। মৃষ্টির লোকের উপকার করে বেড়াচ্ছে, রাতে অনাথ-স্কুলে পড়াচ্ছে, যেখানে অসহকার—সেইখানে কিশোর, অন্য নাই—সেইখানে কিশোর, ওষুধ নাই—সেইখানে কিশোর!

২য় সভ্য। এবারে যে Education এর বইখানা লিখছে, বেখেছ ৭ চমৎকার!—এমন practical suggestion আমি কারো দেখি নাই। রায়চাঁদ প্রেমচাঁদ স্কলার-শিপ পাওয়া ওরই সার্থক।

১ম সভ্য। বোধ হয়, ও বিষয় পেলে, সব সন্ধ্যায় ক'রবে! Sacrifice আর কিশোর—এক কথা।

৩য় সভ্য। কখনো রাগতে দেখলুম না।

২য় সভ্য। কিছু রমা ব্যাটার উপর ভারি চটেছে।

১ম সভ্য। বল কি, ব্যাটার নাম ক'রলে আমার পা থেকে মাথা পর্যন্ত জ্বলে ওঠে। সেদিন অনাথ ছেলেদের picnic ক'রতে নে গিয়ে, তাদের গাড়ীতে পাঠিয়ে দিয়ে আমরা যদি না হেঁটে আসতাম, রমা ব্যাটা কি সর্কনাশ ক'রতো বল দেখি?

২য় সভ্য। শুন্চি নাকি, ব্যাটার নামে দু'খানা criminal warrent বা'র ক'রেছে।

১ম সভ্য। আমি মণি মূর্দিনাকে দিয়ে একখানা বা'র ক'রেছি। ক'রেছে কি জানো?—পেতলের গয়না রেখে টাকা নিয়ে গেছে।

( কিশোরের প্রবেশ )

২য় সভ্য। বাঃ, বেশ! তাঁথের কাকের মত তোনার পথ চেয়ে বসে আছি।

কিশোর। ভাই, বড় বিপদে পড়েছিলুম, ভগবান রক্ষা ক'রেছেন।

২য় সভ্য। কিহে কি, ব্যাপারটা কি?

কিশোর। আমার কোনটি আফিং খেয়েছিল।

১ম সভ্য। কি—কি—কেন?

কিশোর। সে কথা কি বলবো বল! বাবা তো যত দূর দিতে হয়, দিয়ে বিবাহ দিলেন। তার শশুর-শাশুড়ীর কিছুতেই

মন উঠলো না। আটকে রেখেছিল, পাঠায় নাই, তারপর আবার তাদের মনোমত করে গহনাপাতি দিয়ে, পায়ে হাতে ধরে, ভগ্নাকে বাড়ী নিয়ে এলুম, জানো। তত্ত্বতাবাস যেমন ক'রে করো, কিছুতেই মন ওঠে না। বাবা সেদিন একটা হাজার টাকার দানের পিথোনো, পাঁচশো টাকার একটা বাইসাইকেল তত্ত্বর সঙ্গে পাঠালেন কিছু কিছুতেই তাদের মন পাওয়া গেল না। কাল শীতের তত্ত্ব গিয়েছিল। বাবা শাল কাশ্মীর থেকে আনিয়েছিলেন; রয়ালসিনের ওখান থেকে ভাল চারসুট পোষাক, ক' ডজন সার্ট, আর সামগ্রীপত্র উনকুটী-চৌষটি দিয়ে পাঠান গেল, সব ফিরিয়ে দিলে—মনে ধ'রলো না।

১ম সভ্য। কি ক্রটি হ'লো, শুনি?

কিশোর। একখানা মটরকার পাঠান হয় নাই। ভগ্নাকে তো উঠতে বসতে খোঁটা, চক্ষের জল ফেলে তো তার দিন যায়। কাল তত্ত্ব ফিরিয়ে দিয়ে কিছু বাড়াবাড়ি; পাড়ার লোক ডেকে বাবাকে যৎপরনাস্তি তিরস্কার। সে নিরীক্ষা—এই অভিমানে সে আফিং খেয়েছে।

২য় সভ্য। তা বেঁচেছে তো?

কিশোর। ই্যা ভাই, ঈশ্বরের কৃপা! বাড়ী এনে মাকে যে দেখাতে পেরেছি, এইতে আমি ঈশ্বরকে শত সহস্র ধন্যবাদ দিই।

১ম সভ্য। কি দেশের অবস্থা হ'ল! এ এমন একটা নয়, গঞ্জনায়ে অনেক বালিকা আফিং খেয়ে মরে!

কিশোর। এর উপায় কি? আমি ভাই সঙ্কল্প ক'রে-ছিলুম, বিবাহ ক'রবো না,—বিবাহ ক'রে সংসারী হ'লে পাঁচজনের উপকার করা যায় না। এখন আমি দেখছি, আমাদের সমিতির সকলেরই duty—বিবাহ করা। যার কণ্ঠাদায় হয়, উপযুক্ত পাত্র কোন রকমে জোটান, নয় আমাদের ভিতর যার বিবাহ হয় নাই, তার সেই কণ্ঠা বিবাহ করা উচিত—কুরুপা হোক, সুরূপা হোক। আমি বাবাকে বলবো, বিবাহ ক'রবো।

২য় সভ্য। আচ্ছা ভাই, ঘরে ঘরে তো এই বিপদ। এ বিপদ শুধু কায়স্থের ঘরে নয়, বামুনদেরও এই চেউ লেগেছে। বামুনদেরও এখন শুধু পণ নয়, কুলমর্ষ্যাদা নয়, সোণা ওজন করা শুরু হ'য়েছে। ধরো তো এ একরকম সংক্রামক রোগ হ'য়ে দাঁড়িয়েছে! সকল জাতেই সর্ধিয়েছে।

১ম সভ্য। কিন্তু মহারাজ মণীন্দ্রচন্দ্র নন্দী, তাঁদের জাতের মধ্যে বেশ একটা ব্যবস্থা ক'রে নিয়েছেন। আমাদের মধ্যে কেন হয় না, কে জানে ?

২য় সভ্য। তাই তো ব'লছি—ঘরে ঘরে মেয়ে নিয়ে এই বিপদ, কিন্তু ছেলের বে'র বেলায় তো কেউ বোঝে না ?

কিশোর। ভাই, যদি সমাজের উপকারে আমার উপকার—এ কথা আমরা বুঝতেম—তাহ'লে আমাদের জাতের এত অধঃপতন হ'তো না। আমরা অল্পদৃষ্টি—স্বার্থপর—এইতে আমরা জগতে এত ঘৃণিত।

১ম সভ্য। আর মস্ত এক কুসংস্কার যে, দক্ষিণরাঢ়ী কায়স্থকে, দক্ষিণরাঢ়ী কায়স্থের বাড়ীতেই বিবাহ দিতে হবে। এতেও পাত্রের অনেকটা অভাব হ'য়েছে। আমাদের ভিতরে উত্তররাঢ়ী, দক্ষিণরাঢ়ী, বঙ্গজ, বারেন্দ্র,—যে চারিটি কায়স্থ সমাজ আছে, তাদের ভিতর যদি আদান-প্রদান করা হয়, তাহ'লে বোধ হয় অনেকটা স্খবিধা হ'তে পারে।

২য় সভ্য। ই্যা—physically ও সন্তান ভাল হয়, fresh blood infused হয়। কিন্তু আমাদের দেশের wise acre রা কি তা ক'রবেন ? কেবল মুড়ুলি ক'রবেন,—ধর্ম নষ্ট হবে, মর্যাদা নষ্ট হবে, জাত যাবে ;—যে এ কাজ ক'রবে, তারে একঘরে ক'রবেন। কিন্তু যে শত শত অবলা বালিকা হত্যা হ'চ্ছে, তা একবার লক্ষ্য করেন না। কি ধর্ম অল্পরাগ !

৩য় সভ্য। বিবাহ দিয়ে আত্মীয়তা হওয়া দূরে থাকুক, বিবাহের পর মুখ দেখাদেখি রহিত,—এমন কি, আদালত পর্যন্ত গড়ায় ! ছিঃ ছিঃ ! আমরা বাঙ্গালী ব'লে পরিচয় দিতে লজ্জা হয়।

কিশোর। আমি ভাই বুঝতে পারি নি যে, কন্টার বাপ মেয়ে বে দিতে এত ব্যাকুল হয় কেন ? পাত্র না জোটে, অবিবাহিতা থাকলেই বা,—তাতে কি এলো গেলো ? এই যে কুলীন বামুনদের মেয়ের বিবাহ হয় না, তাতে কি তাদের ধর্ম নষ্ট হয় ?

২য় সভ্য। একটা evil হ'তে পারে,—গরম দেশ, age of puberty শীঘ্র গির আসে। এতে কুমারীর ব্যভিচার জন্মাতে পারে।

কিশোর। কেন জন্মাবে ? যদি পিতা মাতা কন্যাকে সুশিক্ষা দেন, সংকার্যে নিযুক্ত রাখেন, যদি আপনাদের দৃষ্টান্তে

দেখান যে, দৈহিক-স্পৃহা অনায়াসে বর্জন করা যায়, যদি ছেলেবেলা থেকে রাজা বর হবে, হেন হবে, তেন হবে, এ সব না শোনান, যদি কন্যা বুঝতে পারে যে, তার পিতা মাতা তার জন্তে দৈহিক ভাব পরিত্যাগ ক'রে বন্ধুভাবে কালযাপন ক'রবেন, যদি আগে পুত্রের বিবাহ দিয়ে বংশরক্ষার তাড়া না করেন, তা হ'লে কি মনে করো, দুর্ঘটনা ঘটে ? আর যদিও দু'একটা হয়, এমন তো বিধবা কন্যা নিয়ে ঘ'ট্ছে, সে দুর্ঘটনা কন্যা বধ হওয়া অপেক্ষা সহস্রগুণে শ্রেয়।

১ম সভ্য। ভাই, দেখ আমাদের সমিতির সর্বাগ্রে এই বিষয়ে লক্ষ্য রাখা উচিত। আমাদের মধ্যে কেউ ডাক্তার, কেউ উকীল। আমরা যেরূপ দরিদ্রকে আশ্রয় দিচ্ছি সেরূপ তো ক'রবোই, কিন্তু আজ হ'তে আমাদের প্রধান লক্ষ্য—কন্যাভারগ্রস্ত ব্যক্তিকে উদ্ধার করা।

সকলে। নিশ্চয়।

কিশোর। ভাই, আজ আমি চ'ল্লেম, কেমন আছে, দেখি গে।

১ম সভ্য। চল না—আমিও সেই বড়ী patient টাকে দেখে তোমাদের বাড়ী বাচ্ছি। যদি দরকার হয়, watch ক'রবো এখন। আজ ঘুমুতে দেওয়া হবে না, opium poison case গুলো বড় খারাপ।

২য় সভ্য। ই্যা হে—রূপচাঁদ মিত্তির যে গোয়ালার against a false charge দিয়েছিল—শুনলুম, তুমি defend ক'রতে গিয়েছিলে—কি হ'লো ?

৩য় সভ্য। Not guilty হ'য়েছে। চল ভাই, আজ আমাদের সমিতির কাজ postpone থাক্।

[ সকলের প্রশ্নান।

## তৃতীয় গর্ভাঙ্ক

বন মধ্যস্থ কুটীর

( খাবার ও দুগ্ধ লইয়া জোবির প্রবেশ )

( গীত )

তুই ভিখারী কি রাজার নারী—জানিস কি না বল্ দেখি মন !  
মিলেছে আপন রতন, পারিস যদি করিস যতন।

কি এলো গেলো অমতনে, তোরই তো ধন জানিস মনে,  
তবে কেন খারা নয়নে। তুই তো তারে বাসিস ভালো,  
শালবাসিস সেই তো ভালো, অন্নিমানে কাজ কি মেনে,  
পেয়েছে মন মনের মতন।

রমা। (কুটীর হইতে বাহির হইয়া) মর বেটী, চ্যাচাস্  
কেন ?

জোবি। এই খাবার এনেছি, খাও।

রমা। মর বেটী, আফিং খাই, এইটুকু ছুপ ? টাকা  
পেয়েছিস ?—টাকা এনেছিস ?

জোবি। যা পেয়েছিলুম, তোমার খাবার এনেছি, এই  
ক'টা পয়সা আছে।

রমা। মর বেটী, কোন কশের নয়। বেটীকে রোজ  
ব'লছি, আজও টাকার যোগাড় ক'রতে পারলি নে ? গোটা  
কুড়ি প'চিশ টাকার আর যোগাড় হ'লো না ? এই ব'নের  
ভেতর ভাঙ্গা কুঁড়েতে ক'দিন থাকবো ? আমার দিন-রাত  
বুক কাপছে, রপন কে সন্ধান পাবে।

জোবি। এখানে বুড়া ম'রেছিল, সবাই বলে, পেট্টী  
হ'য়েছে, এদিকে কেউ আসে না, তোমার ভয়  
নাই।

রমা। না, ভয় নাই—পেটী ছকুম ক'ছে ! চারদিকে  
সন্ধান ক'ছে। খড়ির দাবি দিয়ে নালিস ক'রেছে, গিল-  
টির গয়না বেচার নালিস ক'রেছে, ঐ খানসানা বেটাকে  
ঠকিয়েছিলেম, তার নালিস হ'য়েছে ;—কিশোর বেটা খুঁজে  
খুঁজে সব খার ক'রেছে। তুই বেটী আমায় ব'নের ভেতর  
কয়েদ ক'রে রাখলি। টাকা হাতে প'ড়লে ম'রে পড়ি।  
কাল যদি না টাকার যোগাড় ক'রতে পারিস, আমি জুতো  
মারবো।

জোবি। টাকা কোথা পাব ?

রমা। কেন, এত লোকের বাড়ীর ভেতর যাস, চুরি  
ক'রতে পারিস নে ?

জোবি। আমি চুরি ক'রবো না।

রমা। তবে দূর হ, আমার কাছে আসিস নে। তোর  
মুখ দেখতে চাই নে। উঃ বেটী পোটা প'চিশ টাকা কোথা  
থেকে বাগাতে পারেন না !

জোবি। আমি চুরি ক'রতে পারবো না। আমি  
রোজ রোজ দোরে খাবার রেখে যাবো।

(নেপথ্যে পদ ধ্বনি)

রমা। ও জোবি—ও জোবি, কি শব্দ হ'ছে ছাখ্,—কে  
আসছে বোধ হ'ছে, যেন পাহারাওয়ালার জুতোর শব্দ।  
আমি সে দিন যে ব্যাটা পাহারাওয়ালার হাত ছাড়িয়ে  
পালিয়েছিলুম, সে ব্যাটা আমায় চেনে। ছাখ্, ছাখ্,—সে  
ব্যাটা নয় তো ?

জোবি। তুমি ভেতরে যাও।

রমা। কেউ আসছে নাকি ? অ্যা,—তুই কি আমায়  
ধরিয়ে দিবি ? তোর পায়ে পড়ি—দোহাই জোবি—  
দোহাই !—মারা যাবো ! পুলিশের গুঁতো খেলে আর বাঁচ'বো  
না ! অ'ফিং খেতে দেয় না, পেট ফুলে মারা যাবো !

জোবি। যাও—যাও, সঁদোও।

রমা। দোহাই জোবি—দোহাই, ধরিয়ে দিসনে  
জোবি !

(রমানাথের কুটীরমধ্যে প্রবেশ—জোবির কুলুপ দেওন)

(ভিতরে হইতে) কুলুপ দিচ্ছিস কেন—কুলুপ দিচ্ছিস  
কেন ? তোর পায়ে পড়ি জোবি, খুলে দে—খুলে দে, আমি  
পালাই। আমি আর কখনো তোরে কিছু ব'লবো না।

জোবি। চুপ করো। [জোবির অন্তরালে গমন।

(বান্ধবসমিতির সভাগণ সহ কিশোর ও  
কালী ঘটকের প্রবেশ)

কালী। বাবু, ঐ কুঁড়েতে লুকিয়ে আছে। আমি ঠিক  
সন্ধান ক'রেছি। জোবি বেটা এই দিকে রোজ আসে।  
বেটা দেখতে পাগল, কিন্তু রমা ওর আসনায়ের মাহুষ

কিশোর। তুমি যে বড় ধরিয়ে দিচ্ছ ?

কালী। বাবু, বেটা বড় পাজী, আমার দালালি ঠকি-  
য়েছে বাবু ! হুঁজনে মোহিতের টাকার দালালি ক'রলুম,  
বেটা ফাঁকী দিলে বাবু !

কিশোর। আচ্ছা, তুমি কুলাচার্য্য, তোমরা লোকের  
কুলরক্ষা ক'রবে, তা নয়—তোমার এই সব গর্হিত কাজ ?

কালী। আর কি এখন কেউ কুল খোঁজে বাবু ! মেয়ে  
ঘটকী অন্দরে আনাগোনা ক'বে বে দেওয়াচ্ছে ;—এখন  
গিন্নীরাই ক'র। কুলের কে খোঁজ রাখে বাবু, যে কুলাচার্য্য-  
গিরি ক'রবো ? পেটের দায়ে ছ'টো এদিক্ ওদিক্ ক'রে  
ফেলিছি বাবু ! আমি রমাকে ধরিয়ে দিচ্ছি, আমার মাপ  
ক'রতে হবে বাবু' এই কুঁড়েতে রমা আছে !

কিশোর। এ দেখছি তো কোন্ গরাবের কুটীর।  
ঘরে চাবি দিয়ে কোথায় ঢুখ ধাক্কা ক'রতে বেরিয়েছে।

কালী। না বাবু, দেখছেন না, নতন তালা, জোবি  
বেটা বন্ধ ক'রে গেছে। এরই ভেতর আছে বাবু! আমিই  
কুলুপ ভাঙছি!

( কুলুপ ধরিয়া টানাটানি )

( জোবির পুনঃ প্রবেশ )

জোবি। ভেঙ্গো না—ভেঙ্গো না—আমার ঘর; আমার  
সর্কস্ব ওখানে আছে।

কালী। দেখুন বাবু, ব'লেছিলুম কিনা?

কিশোর। জোবি, তুমি যে ব'লতে, তোমার ঘর নাই,  
তোমার কিছু নাই, ভিক্ষে ক'রে খাও, তুমি এমন মিথ্যাবাদী?  
তুমি ভদ্রলোকের বাড়ীর ভেতর যাতায়াত করো, তোমায়  
পাগল মনে ক'রে কেউ কিছু বলে না, এখন দেখছি, তুমি  
কুচরিয়া, তুমি চোর লুকিয়ে রাখো, চোরের সঙ্গে আলাপ  
করো?

জোবি। আমি মিথ্যাবাদী নই, আমি কুচরিয়া নই,  
কেলোর মিথ্যা কথা!

কিশোর। কালীর মিথ্যা কথা? এই তুমি ব'লে—  
এই তোমার ঘর, ঘরে তোমার সর্কস্ব আছে।

জোবি। না, আমার মিথ্যা কথা নয়। আমি দোর  
খুলে আমার সর্কস্ব দেখাচ্ছি।

( দোর খোলন )

কালী। ঐ দেখুন, বেটা কোণে ব'সে আছে।

জোবি। এই আমার সর্কস্ব, এই আমার হৃদয়-রত্ন!  
ওকে মেরো না, ওকে পীড়ন ক'রো না, আমায় ধ'রে নিয়ে  
যাও, আমায় সাজা দাও।

কালী। বাইরে এসো, আর ঘাপ্টা মেরে থাকতে হবে  
না।

( সমিতির সভ্যগণ ও কালীঘটকের রমানাথকে ধরিয়া  
বাহিরে আনয়ন )

জোবি। বাবু—বাবু, ওকে মেরো না—ওকে মেরো না!  
অন্যে আমায় বধ করো, তারপর ওকে মেরো!

কিশোর। জোবি, এ কি! তুমি চোর লুকিয়ে রাখ?  
চোরের সঙ্গে কুৎসিত আলাপ কর?

জোবি। চোর কে? কুৎসিত আলাপ কি? চোর  
নয়—আমার হৃদয়-সর্কস্ব! চোর হোক, ডাকাত হোক,  
পিশাচ হোক, রাক্ষস হোক,—নারীর জীবন-সর্কস্ব, নারীর  
খাসবায়ু, নারীর প্রাণেশ্বর, নারীর হৃষ্টদেবতা! বাবু, আমি  
কুচরিয়া নই!

কিশোর। এ তোমার কে?

জোবি। আমার স্বামী! যার জন্ত আমি উন্মাদিনী,  
যার জন্ত আমি পাগলিনী, যার জন্ত আমি ভিখারিণী, যার  
চরণ-সেবা ক'রতে আমি ব্যাকুলা, যার মূর্তি আমর হৃদয়-  
আসনে, যার মূর্তি দিবা-নিশি ধ্যান করি, যার দর্শন-আশায়  
পথে পথে ঘুরি, যার দেখা পেলে আমি ইন্দ্রের ইন্দ্রাণী,—  
আমার সেই পরম-নিধি! মেরো না—পীড়ন ক'রো না, সতীর  
প্রাণবধ ক'রো না!

কিশোর। তুমি কে?

জোবি। আমার বাপ এখনো জীবিত। আমাদের  
দু'জনকে তাঁর কাছে নিয়ে চলো। তাঁকে জিজ্ঞাসা করো,  
তিনি এর পায়ে অর্পণ ক'রেছেন কি না? আনায় খাণ্ডী  
ত্যাগ ক'রেছেন, বাপ ত্যাগ ক'রেছেন। আমি অম্মের জন্তে  
দোরে দোরে কাক, বক, কুকুরের গায় ফিরি, তাতে আমি  
তিলমাত্র দুঃখিত নই। আমার স্বামীকে দেখতে পাই এই  
আনন্দেই আমি দিবা-নিশি উন্মত্ত! এই আনন্দে আমি স্বর্গস্থ  
ভোগ করি! আমি ভিক্ষা ক'রে যেথায় যা কিছু পাই, এই  
পাদপদ্মে অর্পণ করি। উনি আমায় চেনেন না, উনি আমায়  
স্পর্শ করেন না, উনি আমায় ঘৃণা করেন, কিন্তু তাতে সতীর  
কি এলো গেলো? সতী তার হৃদয়েশ্বরকে পূজা ক'রতে পায়,  
এই তার যথেষ্ট! সতীর এ হ'তে আর কামনা কি? তুমি  
দয়াময়, কীট-পতঙ্গকেও দয়া করো, আমার প্রতি নিদ্রয়  
হ'য়ো না; আমায় পতিভিক্ষা দাও, প্রাণ ভিক্ষা দাও।

কিশোর। রমানাথ—রমানাথ! তোমায় কি ব'লবো,  
তুমি অভাগা,—তুমি এ রত্ন পায়ে ঠেলে রেখেছ? তুমি এসো,  
তোমার ভয় নাই। মা, ভয় করো না। আমি তোমার  
মুখ চেয়ে তোমার স্বামীকে মার্জনা ক'রলুম, আমি ওরে  
স্থিত ক'র'বাব চেষ্টা পাবো। হায়, হায়, অভাগা  
দেশের এই পবিত্র পতি-পত্নী মিলন! ঘরে ঘরে এই দুর্ভ

নারীরত্নের পীড়ন ! এশে রমানাথ ! মা, আমি মুক্তকণ্ঠে  
ব'লছি, তুমি দেবা !

সকলে ! সত্যই দেবা !

কালী ! বেটী সব কাঁদালে !

[ সকলের প্রস্থান ]

### চতুর্থ গর্ভাঙ্ক

করুণাময়ের বাটীর কক্ষ

করুণাময় ও সরস্বতী ।

করুণা । গিন্নি, নিশ্চয় হ'য়ে এলুম,—চাকরী জবাব  
দিখে এসম ।

সর । অ্যা—অ্যা, এমন কাজ কেন ক'রুলে ! চ'লবে  
কি ক'রে ?

করুণা । চ'লনা চ'লনা কি সাহেব বোঝেন ? আমি না  
জবাব দিলে তিনি জবাব দিতেন। এ তবু কোথাও চাকরী  
হ'বার সম্ভাবনা রইলো, সাহেব জবাব দিলে আর গর্ভমেন্ট-  
সার্ভিস হ'বে না।

সর । তবে কি হ'বে ?

করুণা । এক উপায় আছে । তোমার তো রোজ  
রোজ ব্যাগো,—আজ না হয় কাল শুষ্ক-পথোর অভাবে—নয়  
তো কেদে কেদে অন্নাবে ম'রবে ; আর আমার সম্ভ্রান  
গঙ্গাঘাটা—আর অ'র উপায় নাই । কতদিন আমরা বলা-  
বলি ক'রে ছি, 'ছঃ ছিঃ ! লোকে আত্মহত্যা কেন করে ?  
তুমি না বোঝো, আজ আমি বুঝছি, কেন আত্মহত্যা  
করে।—জনপূর্ণ সংসার অরণ্য দেখে ! স্ত্রী, সন্তান-সন্ততি—  
বাঘ-ভালুক দেখে ! চারিদিক অন্ধকার দেখে, সে অন্ধকারে  
নৈরাজ্য মুখবাদান ক'রে আছে দেখে ! মান যায়, মহাদা  
যায়, মহুঘাত্ত যায়, কুকুর অপেক্ষা হীন হয়, আপাদমস্তক  
আত্মগনিত্তে পরিপূর্ণ হয়,—তাই মৃত্যুকে বন্ধু ব'লে আলিঙ্গন  
করে !—আমার সেই এক বন্ধু আছে, আর কেউ নাই ।

সর । কেন কেন, তুমি এত অস্থির হ'চ্ছ কেন ? অনেকের  
তো চাকরী যায়, আবার হয় ! দেখ, তুমি অমন ক'রো না,  
স্থির হও, আমাদের মুখ চেখে স্থির হও তোমার মেয়েটা  
কোথায় প'ড়াবে ? তারা নিরাশ্রয় ! একটা সম্বল হ'য়েও

বিধবা, একটা নিরাশ্রয় হ'য়ে চ'লে এয়েছে, একটা বালিকা—  
সংসারের ভালমন্দ কিছুই জানে না। তোমার ছেলের উপায়  
কি হ'বে ?

করুণা । আমি উপায় ভেবেছি । ছেলে চুরী শিখেছে,  
গর্ভমেন্টের অতিথিশালায় থাকে। মেয়েরা রাধুনী-বৃত্তি  
ক'রতে পারেন, দু'টি পেটে দেবেন, না পারেন, আমি কি  
ক'রবো ?—আমার হয় শ্মশান, নয় জেল, আর তৃতীয় স্থান  
নাই ! আর ছোট মেয়েটি—একটু আফিং কিনে দিও না,  
সব চুকে যাবে। গিন্নি, কি শুভক্ষণে সংসার ক'রেছিলুম, কি  
শুভক্ষণে কন্যা প্রসব ক'রেছিলে, কি শুভক্ষণে জাতরক্ষা ক'রে  
কন্যার বিবাহ দিয়েছিলুম !—এখন পরম শুভদিনের কত  
বাকী, তাই ভাবছি !

সর । তুমি অমন ক'রো না, সকলের দিন যায়,  
আমাদেরও যাবে।

( হিরণ্ময়ীর প্রবেশ )

করুণা । এই যে স্বামী খেয়ে, সর্বস্ব খেয়ে, বাপের বাড়ী  
এসেছ ! পেট পূরে থাকে ! উতুন থেকে পাশ বেড়ে আনো,  
একত্রে ব'সে থাই ! যাও—যাও, দাঁড়িয়ে কেন ? পাশ বেড়ে  
আনো, খুব একথালা বেড়ে আনো—ক'জনে ব'সে থাক কি  
না ! শুভক্ষণে সব জ'ন্মেছিলে,—সকল দিক শুভ ক'রে  
এসেছ !

[ হিরণ্ময়ীর কাঁদিয়া প্রস্থান ।

সর । ই্যাগা, তুমি তো এমন ছিলে না—কি হ'য়েছ ?  
পেটের সন্তানকে কি ব'লে ? এই শোকাতাপা হ'য়ে এসেছে,  
দু'দিন মুখে ভল দেয় নি, আজ নাইয়ে একটু চিনির পানি  
খাইয়েছি, এখনো পেটে অন্ন পড়েনি। আহা, বাছার  
অপরাধ কি ? আমরাই তো বে দিয়েছিলুম। সতীন-পোরা  
তাড়িয়ে দিয়েছে, আমরা না জায়গা দিলে কোথায় দাঁড়াবে ?  
সন্তানকে এমন কথা ব'লে কি ক'রে ?

( জ্যোতিষ্ময়ীর প্রবেশ ও একপার্শ্বে অবস্থান )

করুণা । বুঝতে পারিনি ! তোমারই সন্তান, আমার  
তো সন্তান নয় ! তোমার দরদ আছে—আমার তো দরদ  
নাই ! ব'লে না, সকলের দিন যায়, আমাদেরও যাবে ?  
সত্যি—সত্যি দিন যায়, থাকে না ! কিন্তু এমন দিন কি  
কারো হয়, গিন্নি ? আজ আমার ওয়ারিশ্ ক'রেছিল, ওনেছ ?

ছেলে সিগারেট চুরি ক'রেছিল, শুনেছ ? তোমার বড় মেয়ে নিয়ে পাড়ায় ঘোঁটা হ'য়েছে, শুনেছ ? তোমার জামা'য়ের সঙ্গে গিয়েছিলেন, তা কেউ বলে না, তা জানো ? হাঃ হাঃ, আগায় একঘরে ক'রবেন, আমার বাড়ী কেউ থাকেন না ! অন্ন-ব্যঞ্জনের গাদা নষ্ট হবে !

সর । কি ভাব্ছ ?

করুণা । ভাব্ছি—মানুষ কতদূর হীন হ'তে পারে । আমি চল্লুম ।

সর । কোথা যাও,—কোথা যাও ?

করুণা । ভয় নাই, ম'রতে যাচ্ছি নে । কোথায় যাচ্ছি জানো ?—বাড়ীখানি বেচ্তে । কাকে জানো ? ক্রমে জানবে—ক্রমে জানবে ! ছুঁটি কত্মা দান ক'রেছিলেম, এবার বেচ্বো ।

[ প্রস্থান ।

( কিরণীর প্রবেশ )

কিরণ । মা, তোমার কাছে বিদায় নিতে এসেছি । তোমাদের সর্বনাশ ক'রতে জ'ন্মেছিলুম, সর্বনাশ ক'রেছি—আর কেন ?

সর । কি বল্ছিস্ ? অমন ক'চ্ছিস্ কেন ?

কিরণ । মা, কোথায় গিয়েছিলুম জানো ? খিড়কি দিয়ে ঘনশ্রাম বাবুর বাড়ী গিয়েছিলুম । তাদের যে নিরামিষ হেঁসেলের রাঁধুনী-বাম্নী আছে, তাকে বল্তে গিয়েছিলুম,—যদি কেউ কায়েতের মেয়ে রাঁধুনী রাখতে চায়, খবর পেলে আমি রাঁধুনী-বৃত্তি করি । মা, সে বল্লে কি জানো ?—'বাছা, তোমার হাতে কেউ থাকে কেন ? তোমায় নিয়ে পাড়া শুদ্ধ একটা গোল উঠেছে, কেউ তো তোমার হাতে থাকে না । অমন বদনাম হ'লে ভদ্রলোকের বাড়ী দাসী রাখে না ।' তবে মা, আমার আর স্থান কোথায় ? আমায় দেখলে বাবা মুখ ফেরান, তুমি তিরস্কার করো ! মা, আমি সহস্র অপরাধে অপরাধী ! তাই তোমার কাছে মার্জ্জনা চেয়ে বিদায় নিতে এসেছি ।

সর । বাছা, আনাকে কি আর ঘরে থাকতে দিবি নি ? আমার এই জ্বালার উপর তুই আবার জ্বালা দিতে এলি ? ভালমানুষের মেয়ে—কোথায় যাবি ?

কিরণ । মা, আমি ঘরে থাকলে, বোধ হয়, তোমার ছোট মেয়ের বে হবে না । আমার জন্ম তোমার বাড়ী বাঁধা

প'ড়েছে, আমার জন্ম দেনা, আমার জন্ম উঁচু মাথা হেঁট হ'লো ! আমার মৃত্যু ভিন্ন উপায় কি আছে মা ?

সর । কিরণ, কান্দিস্ নে—ধির হ । আমি রোগে প'ড়ে, মিন্লে পাগল হ'য়ে বেড়াচ্ছে,—এ সময়ে তুই অমন করিস্নে । হায় হায়, যদি ভদ্রলোকের মেয়ে না হ'য়ে ছোটলোকের ঘরে জন্মাতেন, তাহ'লে বোধ হয় এত দুদ্দশা হ'তো না, তাহ'লে বোধ হয় খেটে খেতে পারতেন,—মাথায় ক'রে নাছ বেচ্তেম, আনাজ বেচ্তেম, স্বামীর সহায় হ'তেন, আপনি ছেলে মানুষ ক'রতে পারতেন । কিন্তু কায়েতের ঘরে জন্মে কি দুদ্দশা ! সৌকাঠ পার হবার যো নাই, গর খাটাবার যো নাই, ভিক্ষে ক'রবার যো নাই ! একজনের উপর—স্বামীর উপর—ভরসা ! স্বামীর সংয না হ'য়ে স্বামীর ভার ! কি বিড়ম্বনা, কি বিড়ম্বনা ! বাঙ্গালীর ঘরে গৃহস্থের মেয়ের এত দুঃখ ! সংসারে কি আমাদের মত দুঃখ আর কেউ আছে ? কিরণ, তুই সতী, তুই সতীর অমর্যাদা করিস্ নি । ভাবছিস্—কোথাও চ'লে যাবি, না হয় প্রাণত্যাগ করবি ? তা হ'লে কি হবে জানিস্ ? যে কলঙ্কের জন্ম কাতর হ'য়েছিস্, সে কলঙ্ক শতগুণে বাড়বে । তুই সতী, সতীর অমর্যাদা করিস্ নে ।

কিরণ । মা, কি ক'রবো ? এ তোমার দুঃখের সংসার কি ক'রে চ'লবে ?

সর । সেই তো ম'রতে চাচ্ছিস্, সপরিবার উপোস ক'রে ম'রবো ! ( জ্যোতিষ্ময়ীর প্রতি ) কিরে, তুই দাঁড়িয়ে দাঁড়িয়ে কি শুন্চিস্ ?—যা ।

জ্যোতি । কেন মা, যাণে কেন মা ! আমি যে তোমার মেয়, আমি যে তোমার দুঃখের দুঃখী ! বাবা যা বল্লে গেলেন, দিদি যা বল্লে, আমি সব শুনেছি ।—কেন দিদি, তুমি কান্দছো ? আমি সংসার চালাবো । আমি মোজা বনুতে শিখেছি । মেন সাহেব জাপান হ'তে কম কিনে দিয়েছেন, তিন আনা ক'রে মোজার জোড়া, আমি দিনে রেতে আট জোড়া ক'রে মোজা বনুতে পারি । দিদি, তে মার ভয় কি ? মেন তোমায় কাজ শেখাবেন । তুমি কান্দছো কেন ? আমরা ক'বোনে মেহনত ক'রে সংসার চালাতে পারবো না ? কেন পারবো না ? মা, মেন মোজা বেচে দিয়েছেন, এই টাকা নাও । দিদিকে বল্লে দাও, কি আনুতে হবে ।



কিরণ । জ্যোতি—জ্যোতি, তোর সার্থক জন্ম ! আমি শুধু বাপ মার কণ্টক হ'য়ে চলেছিলাম !

সর । ( ব্যগ্ৰভাবে ) হিরণ—হিরণ কোথায় গেল ?

জ্যোতি । আমি ধুলে দিয়েছিলাম, আমি তো জানি নি ।

সর । অ'মা অ'মা—সে কি ! ও ঘরে নাই ? ছাথ্—ছাথ্, হিরণ কোথায় গেল ?

কিরণ । মা, তুমি মাপ ধরে পা'ড়ে গিয়েছিলে, একটু শোও, উঠো না । ডাক্তার বাবু উঠতে মানা ক'রেছেন—উঠো না ।

সর । ম'রবো না, ভয় নাই, আমার মরণ নাই, অলক্ষণার ম'র নাহি ! আমি ম'রে আমার কণ্টক কে হরে—কে মেয়ে বিয়েবে—কে বাড়ী বেচাবে—কে মেয়েকে রাধুণী ক'রবে—জাকরাণী ক'রবে ? কে ছেলে চোর দেখবে—কে স্বামীর জেন দেখবে ? আমি ম'রবো না—ম'রবো না ! কঠা মুখ-ঝাম্টা দিয়েছিল,—তার শোকা শরীর, সে কি ক'রছে ছাথ্ ।

জ্যোতি । দেখছি মা—তুমি ব'সো ।

[জ্যোতিষ্মীয় প্রস্থান ।

কিরণ । ব'সো মা, ব'সো ।

সর । ( উচ্চঃস্বরে ) হিরণ—হিরণ ! কই রে—উত্তর দেয় না যে ? কোথায় গেল ?

কিরণ । তুমি ব'সো মা—ব'সো, তোমার গা কাপছে ।

সর । হিরণ—হিরণ ! ( বেগে প্রস্থান, পশ্চাতে কিরণের গমন, নেপথ্যে সরস্বতার পতন শব্দ )

নেপথ্যে কিরণ । ও মা, কি হ'লো ! জ্যোতি—জ্যোতি, শীগ্গির জল নিয়ে আয়, মা ভির্ক'ম গেছে ।

## পঞ্চম গর্ভাঙ্ক

বিহারের প্রকুর

হিরণমা

হিরণ । মা বহুমতি, শুনেছি, তুমি সকলের মা ! তুমি বিদীর্ণ হ'য়ে তোমার কোলে আমার স্থান দাও, আর তো

আমার স্থান নাই,—আমি অবলা, কোথায় যাবো ! নিশানাথ, তুমি সাক্ষী, তারামালা, তোমরা রজনীর প্রহরী—তোমরা সাক্ষী ! নিশানাথ, লোকে তোমায় হিমধাম বলে, তোমার শীতল করে তো অন্তরের জ্বালা শীতল হয় না ;—এ দারুণ তাপ—দিনদেবের মধ্যাহ্ন কিরণেও এত তাপ নাই ! নিশাকর, এ লাঞ্ছনা আর সহ হয় না । স্বামিহীনা, পিতার ভার, মাতার কণ্টক, নিরাশ্রয় অবলা ! তারানাথ, মার্জ্জনা করো !—কত সয়—কত সব—মার্জ্জনা করো ! সকলে বলে, 'জল নারায়ণ !' আমি অভাগিনী, নারায়ণের আশ্রয় গ্রহণ করি । অতি শীতল জল—অনেকবার শীতল হ'য়েছি, আজ জন্মের মত শীতল হই । পোড়া প্রাণ, এখনো তোর দেহের মমতা ! কতদিন তুমানেলে জলবি ? ছিদ্র কলস, তুমি আমার সাহায্য করো,—তুমি পরিত্যক্তা, আমিও পরিত্যক্তা, এ বিপদে তুমি আমার সখা । কি জানি, পোড়া প্রাণ যদি শেষ দেহের মমতা করে, তুমি মলিলগর্ভে ধরে রেখো, জলগর্ভে নীরবে দু'জনে থাকবো, চক্ষের জল জলে মেশাবে, আর কেউ দেখবে না !

( কলসী গলায় বাঁধিয়া জলে অবতরণ )

ছিদ্রঘট, পূর্ণ হ'য়ে অভাগীর মঙ্গল করো ! নিশানাথ, অপরাধ নিও না ।

( জলে-নির্মজ্জিত হ'ল )

## ষষ্ঠ গর্ভাঙ্ক

ঘনশ্যামবাবুর বাটার কক্ষ

ঘনশ্যাম ও রাজলক্ষী ।

ঘনশ্যাম । বড়বউ, এতদিনে আমাদের মনোবাঞ্ছা পূর্ণ হ'লো । মেয়ের বে'তে যা খরচ ক'রেছি, তার দু'নো আদায় ক'রবো । তোমার কিশোর বে' ক'রতে রাজী হ'য়েছে ।

রাজলক্ষী । হ্যা, ভাবিনী ব'ল'ছিল বটে । তা আমি মনে ক'রেছি, বুঝি, তামাসা ক'রে ব'লেছে । তা যখন মনে ক'রেছে, এই বেলা তুমি তাড়াতাড়ি একটা সম্বন্ধ ক'রে ফেলো ।

ঘনশ্যাম ! তুমি বলবে, তবে আমি সম্বন্ধ ক'রবো ? আমি তখনই ঘটক ডাকিয়ে দুই সম্বন্ধ ক'রেছি, আজ দেখতে গেলেই হয়। কোন্টি তোমার মত বল ? দু'টিই সম্বন্ধের মত সম্বন্ধ, তবে পাওনা-খোঁওয়ার একটু উনিশ বিশ আছে। দু'জনেই মস্ত জমাদার—ইংরেজ-টোলায় আট দশখানা বাড়ী।

রাজলক্ষ্মী। মেয়েটি কার ভাল ?

ঘনশ্যাম। রাজেশ্বর মিত্রের মেয়েটি একটু নিরেশ, কিন্তু দিতে চাচ্ছে বেশ। আর হীরালাল বোসের মেয়েটি যেন পরী। রাজেশ্বর মিত্রের পঞ্চাশ হাজার নগদ দিতে রাজী। আমি একখানি ইংরেজটোলায় বাড়ী কামড় ক'রেছি ; তা ঘটক নিমরাজী হয়ে গিয়েছে। আর হীরালালের কিছু পাওনা কম ; কম বলে কি তোমার বিশ হাজার না পঁচিশ হাজার,—নগদ দুই সমান। তবে এ,—মেয়ের দু'সুট গহনা দিতে চাচ্ছে, এক সুট ফরান্সী মূল্যের গহনা, সে পঁচিশ হাজারের কম নয়, শোন নি, সেই উকীলের নাত্নীর বেঁতে দিয়েছিল ? আর এ,—এক সুটের উপর দিয়েই সার্তে চায়, এখন তোমার কি মত বল ?

রাজলক্ষ্মী। কিশোরের বউটি ভাল দেখে আন্তে হবে।

ঘনশ্যাম। তা যাই হোক, একটা ঠিক করো, আজ-কালের মধ্যে পাকা দেখে আসবো। কিশোরের একজন বন্ধুকে সঙ্গে করে নে যেতে হবে। সে মেয়ে পছন্দ করুক।

রাজলক্ষ্মী। আমিও খবর নেব। হীরালাল বোসের সঙ্গে আমাদের একটু কুটুম্বিতা আছে, আমি মেজো-গিন্নীর ঠেঙে খবর নিচ্ছি।

ঘনশ্যাম। মেজো-গিন্নী কে ?

রাজলক্ষ্মী। আমাদের ও বাড়ীর মেজো-গিন্নী গো !

ঘনশ্যাম। খবর নাও বেশীর ভাগ। মেয়েটি পরমা হৃন্দরী, ছেলেবেলায় গাড়ী করে বাপের সঙ্গে বেড়াতে যেতো, আমি দেখেছি।

( ভাবিনী ও কিশোরের প্রবেশ )

ভাবিনী। মা, বল'ছিলে—'মিছে কথা ?' এই দাদার ঠেঙে শোনো। কেমন দাদা, তুমি বে ক'রবে বলো নি ?

রাজলক্ষ্মী। কেমন রে—আজ কর্তা মেয়ে দেখে আশুক ?

কিশোর। বাবাকে দেখতে যেতে হবে না, আমি ঠিক ক'রেছি।

রাজলক্ষ্মী। তুই তোর মামার বাড়ী হীরালালের মেয়েটিকে দেখেছিস্ নুঝি ?

কিশোর। আমি হীরালাল বাবুকে জানি নি, আমি করুণাবাবুর মেয়ে বে ক'রবো।

রাজলক্ষ্মী। করুণাবাবু কে ?

কিশোর। কেন, আমাদের পাড়ার করুণাময় বোস।

রাজলক্ষ্মী। ওই শোনো—তোমার ছেলের মত হ'য়েছে নয় ? তুই কি সত্যিই বে ক'রবি নে মনে ক'রেছিস্ ?

কিশোর। কেন মা, আমি তো বে ক'রতে রাজী ?—আমি রাবার কাছে কি মিথ্যা কথা বলেছি ?

ঘনশ্যাম। তুই করুণার মেয়ে বে ক'রবি কি রে ? নগদ পঞ্চাশ হাজার টাকা, পরার মতন মেয়ে আমি সম্বন্ধ ক'রেছি, সব ঠিকঠাক—আমি পাকা দেখে আসবো, তুই কি বল'ছিস্ ?

কিশোর। বাবা, আমাদের যে বংশ—আমাদের যে বংশের গৌরব—আমি যে বংশের সন্তান—আমি সেই বংশ-মর্যাদা মত কথা ক'য়েছি, —আপনি অমত ক'রবেন না।

ঘনশ্যাম। অ্যা !

কিশোর। বাবা, আপনি জগৎপূজ্য মকরন্দ ঘোষের সন্তান। আপনার এক পুত্র,—সেই পুত্র আপনি বিক্রয় ক'রবেন ? আমাদের বংশে কবে এ কাজ হ'য়েছে দেখান, কবে আমাদের বংশে হীন কাজ হ'য়েছে যে—আমাকে হীনপ্রবৃত্তি হ'য়ে টাকা নিয়ে বে ক'রতে বল'ছেন ? এই জগুই কি যত্ন করে আমাকে মাশুষ ক'রেছেন ? এই জগুই কি আমাকে উচ্চ শিক্ষা দিয়েছেন ? এই জগুই কি আমাকে আদর্শ পুত্র বলে পরিচয় দেন ? আমাকে কি এই হীন-কার্য ক'রতে বলেন ? আমার বিবাহ দিয়ে কুলকর্ম ক'রবেন। কুলকর্ম করে কুল-লক্ষ্মী খানে, আপনি পুত্রকে বেচবেন ? না বাবা—না, আপনি দেশের কুসংস্কার বশতঃ এ কথা বল'ছেন।

রাজলক্ষ্মী। তা বলে কি ত্রী লক্ষ্মীছাড়া ঘরে বে ক'রবি ? কাল তার বড় মেয়ে কোথায় রাঁপুনী হবে বলে আমাদের বামুন ঠাকুরগকে বল'তে এসেছিল, তুই তার মেয়ে বে ক'রবি ? তুই লেখা-পড়া শিখে কি হ'য়েছিস্ ?

কিশোর । মা, লেখাপড়া শিখে যা হওয়া উচিত, তাই হবার চেষ্টা করছি, তোমার গাউনের যা হওয়া উচিত, তাই হবার চেষ্টা করছি । মা, তুমি অমত ক'চ্ছ ? তুমি ভাবিনার দশা মনে ক'চ্ছ না ? ভাবিনার দশা দেখে তে মার মনে হ'চ্ছে না যে, তোমার বউ, তুমি হাতে দু'গাছি চূড়া দে নিয়ে এসে, রাত্রিরাগী ক'রে রাখবে ? তোমার ভাবিনার কষ্ট মনে ক'রে, অণ্ড মেয়ের মার মনঃকষ্ট মনে করো । একজনেরও যাবে সেই দারুণ কষ্ট নিবারণ ক'রতে পারবে, সেও ছোটো ভগবানের কাছে প্রার্থনা করো ; তোমার পুণ্য একজনও মেয়ের বে দায় না মনে করে ; ছেলের বে'তে যেমন আনন্দ, যেমন উৎসব—মেয়ের বে'তে তেমনি আনন্দ, তেমনি উৎসব করুক । মা, তুমি পুণ্যবতী, তুমি চণ্ডী পূজা না ক'রে জগৎ গ্রহণ করো না—পুণ্যকাণ্ডে তোমার পেটের সম্মানকে বাধা দিও না । বাবা যদি অমত করেন, তুমি বাবাকে বোকাও ।

ঘনশ্যাম । ভাবিনার খশুররা চানার,—তাদের কথা তুলিস্ নি ।

কিশোর । ভাবিনার খশুরের দোষ তো এট, যা তুমি দিয়েছ, তা মনে ধ'রছে না,—পাওনার কামড় ক'চ্ছে—এই তো দোষ ? এই দোষ থেকেই তো বউকে বক্ষণা দিয়েছে । সে দোষ যেখানে আছে, সেখানেই সেই ফল হবে,—এক বাঁধে দু'ফল ফলে না । আপনি ছেলের বে'তে টাকার কামড় ক'রবেন না ।

ঘনশ্যাম । ভাবিনীর বিয়েতে কতগুলি গিয়েছে জানো ?—সেগুলি তুল'বো না ?

কিশোর । বাবা, কি কথা বলছেন ? ভাবিনীর খশুররা পৌড়ন ক'রেছে ব'লে আপনি আর একজনকে পৌড়ন ক'রবেন ? এই দায়ে সমাজ উৎসন্ন যাচ্ছে, বড় ঘর দেন্দার হ'চ্ছে, গৃহস্থ ফকর হ'চ্ছে, বালিকা-হত্যা হ'চ্ছে, কন্যার জন্ম ঘোর অমঙ্গল ব'লে গণ্য হ'চ্ছে—এই কন্যাদায়ে দেশের সর্বনাশ হ'চ্ছে । বাবা, আপনি অদর্শ দেখিয়ে লোককে শিক্ষা দিন যে, পুত্রের বিবাহ, আত্মিক সন্তান বিক্রয় নয় । পুত্রের পুত্র, বংশের স্তম্ভ—পিও-অধিকারী ! সেই পুত্রের মাতা তার মাতামহের সর্বনাশের হেতু হবে ?—এ কি সমাজের পরিত্যক্ত বিষয় ! এই কু-প্রথাতে ধর্ম-কর্ম, আচার-ব্যবহার—সকলই নষ্ট হ'চ্ছে । আপনি স্বার্থ

ত্যাগ ক'রে সমাজকে শিক্ষা দিন ; জগতে কীর্তি স্থাপন করুন, বংশের গৌরব উজ্জল করুন, পবিত্র বিবাহ রীতি পুনঃ সংস্থাপন করুন,—সমাজ আপনাকে ধন্য ধন্য করুক ;—আপনার রূপায় আমিও ধন্য হই ।

ঘনশ্যাম । করুণাময়ের বড় মেয়ের কথা শুনেছিস্ ?

কিশোর । শুন'বো কি ? আমি সেই অবলার উপর যখন অত্যাচার হয়, সে সময় উপস্থিত ছিলাম । সেই অত্যাচারের মূলও এই আত্মিক বিবাহ,—এই পৈশাচিক অর্থলোভ—এই প্রেমহীন ব্যবসায়ী মিলন ! অর্থলোভে প্রেমহীন স্বামী, পত্নীকে বিক্রয় ক'রতে গিয়েছিল, এ অণ্ডের মুখে নয়, আমি তার স্বামীর মুখে শুনেছি । বাবা—বাবা, এই পৈশাচিক বিবাহ হ'তে আমায় পরিত্রাণ করুন, হিন্দুর যোগ্য কাজ করুন, আনার শাস্ত্র-মত বিবাহ দিন ।

রাজলক্ষ্মী । হ্যাঁরে, বে'ই আসবে—যেন সরকারটা ! কি বল্ছিস্ ?

কিশোর । মা, আনাদের বংশে কুলানের কথা এনেই কুলধর্ম হ'য়েছে—সদ্বংশের কথা এনেই কুলকর্ম হ'য়েছে—কুলীনস্থাপনই বংশের প্রথা । যদি করুণাবাবু কন্যাদায়ে দরিদ্র হ'য়ে থাকেন, আপনি তাঁরে পুনঃ স্থাপন করুন । আপনি জানেন, আপনার পুত্র তাঁর কাছে কত ঋণী । তাঁর উপদেশেই আমি পড়াশুনার মন দিই, নইলে এতদিন একটা ভূত হ'তাম ।

( ভাবিনীর খশুরবাড়ীর ঝিয়ের প্রবেশ )

ঝি । ( রাজলক্ষ্মীর প্রতি ) ওগো, তোমার বে'ন ব'লে পাঠালেন, আদর ক'রে মেয়ে নিয়ে এসেছেন—বেশ ক'রেছেন । কাঙ্গালের ঘর না পছন্দ হয়, মেয়েকে যদি ঘর না করান, তাঁরা ছেলের বে' দেবেন ব'লেছেন । চঃ ক'রে আফিং মুখে দিয়ে, মেয়ে চিং হ'য়ে প'ড়লেন, সাতগুটি গিয়ে উপুড় হ'য়ে প'ড়ে—দেশ শুদ্ধ কলঙ্ক দিয়ে, মেয়ে নিয়ে চলে এলেন । কেন, সত্যিই যদি আফিং খেতো, তারা কি চিকিচ্ছে কত্তে পারতো না ? টাকা দেখাতে এলেন ! কিন্তু জামাইকে দেবার বেলায় বুক কর, কর, করে !—তা যা ক'রেছেন, তা বেশ করেছেন, মেয়ে নিয়ে রাখুন ।

রাজলক্ষ্মী । সে কি—সেকি, সেই ঘর ক'রবে বই কি—

সেই ঘর ক'বুবে বই কি ! এসেছে, ছ'দিন বাদে পাঠিয়ে দেব ।

ঝি । পাঠিয়ে দেন—পাকী ক'রে পাঠিয়ে দেবেন ।  
আমরা নিতে আসবো না, আমরা ব'লে খালাস ।

( প্রস্থানোচ্চোগ )

রাজলক্ষ্মী । ও ঝি, দাঁড়াও, দাঁড়াও—একটু জল খেয়ে যাও ।

ঝি । আমি এ বাড়ীতে জল খেতে আসি নি, যা ব'লতে এসেছি, ব'লে গেছি, এখন যা ভাল হয়—ক'রো ।

[ প্রস্থান ।

ভাবিনী । মা, আমি যাবো না, তোমাদের গাল আমার আর সহ হয় না । দাদার অকল্যাণ ক'রে আমি স্বামীর ভাত খেতে চাই নে ।

কিশোর । বাবা, মা—এই পৈশাচিক বিবাহের ফল ।

ভাবিনী । মা, আমি তোমার পায়ে ধ'র'চি, দাদার মন হ'য়েছে, তুমি এই বিয়েই দাও । ভিটেয় বউয়ের চোখের জল প'ড়বে না, দাদার কল্যাণ হবে ।

ঘনশ্যাম । বাবা কিশোর, আমি তোমার বাপ নই, তুমি আমার শিক্ষাদাতা বাপ । তুমি যা ভাল বোঝ—করো, যা ব্যয় ক'রতে বলো, ক'বুবে,—তোমার কথায় আমি কুলপ্রথা রক্ষা ক'বুবে । গিন্নি, অমত করো না ।

রাজলক্ষ্মী । বউট চমৎকার হবে ।

ঘনশ্যাম । আমি আজই ঠিক ক'চ্ছি । ভাবিনীর যখন অমত, ওকে পাঠিও না ; দিক্ ছেলের বে ।

কিশোর । ( পিতামাতাকে প্রণাম করিয়া ) ভাবি, আয়, আমি স্তন ছবি এনেছি, দেখ'বি আয় ।

[ সকলের প্রস্থান ।

## সপ্তম গর্ভাঙ্ক

খিড়'কির পুকুর

গোয়ালিনী ও সমিতির সভাগণ ।

১ম সভ্য । তুই কিসে মনে ক'চ্চিস্—জলে ডুবেছে ?

গোয়ালিনী । যখন দুধের যোগান দিয়ে, রাত হ'য়েছে, স্ফুঁড়ি পথ দিয়ে ফির'চি, তফাৎ থেকে নজর হ'লো, কে একজন কলসী নিয়ে রাণায় নাম্চে । একবার মনে ক'বুচ্ছ—এখন ঘাট'কে ক'ানে ?—তা কলসী ঠাওর হ'তে ভাব'চ্ছ, জল'কে এসেছে ; ঘরে চলে গেছি, ঘরে গিয়ে শুচ্ছ । সকালে উঠে চারুদিকে শুচ্ছ, বোসেদের মেজো মেয়ে হারিয়েছে, খোজ ক'রে পাচ্ছে নি, রাস্তায়ও কেউ যেতে দেখে নি । তখন ওই যে রাত'কে দেখেছি—মনে হ'লো ।

২য় সভ্য । যাই হোক—জল খুঁজি এসো ।

( সকলের জলে ঝাম্পপ্রদান )

( দ্রুতবেগে কিশোর ও অত্যাণ্ড লোকের প্রবেশ )

কিশোর । কি হে, পেলে ?

১ম সভ্য । কই—না ।

গোয়ালিনী । ও বাবু—ও বাবু, দেখ, ও দিকে কি ভাস্ছে ?

কিশোর । তাই তো ! ( জলে ঝাম্প প্রদান )

( হিরণ্যয়ীকে সকলের জল হইতে উত্তোলন )

১ম সভ্য । এ কি, কলসী গলায় কেন ?

গোয়ালিনী । আহা ! ফুটো কলসী পুকুর ধারে প'ড়েছিল, সেইটেকে গলায় বেঁধে ডুবেছে ! প্রাণের দায়ে ছটোপাটি ক'রে কলসীটে ভেঙ্গে গেছে ।

সকলে । কি সর্বনাশ !

২য় সভ্য । ডাক্তার, দেখ—দেখ, উপায় আছে ?

ডাক্তার । ( পরীক্ষা করিয়া ) না—অনেকক্ষণ ম'রেছে ।

কিশোর । দেখ ভাই, দেখ—চেষ্টা ক'রে দেখ !

ডাক্তার । আর মিছে চেষ্টা, mortification ধ'রেছে—দেখ'ছ না, নইলে কি ভাসতো ?

( বেগে সরস্বতীর প্রবেশ )

সর । হিরণ—হিরণ ! ( মূর্ছা )

কিশোর। ডাক্তার, দেখ—দেখ!

গোয়ালিনী। অঃ, মাঃ আর বাঃবে নি।

( ডাক্তারের শুশ্রুষায় নিযুক্ত হওন )

সর। ( উদ্ভিত হইয়া ) হিরণ রে—মা আমার, ও মা, তিন দিন যে তুমি মুখে অন্ন দাও নি! ও মা, পাপ-অন্ন মুখে দেবে না বলে তাই কি ছেড়ে চলে গেলে! ওঠ মা ওঠো, আর অভিমান করো না মা! কার উপর অভিমান করেছ? আমি যে তোমার রাক্ষসী মা! তু'টি অন্নের জন্য জলে বাঁপ দেছ মা! হিরণ রে—

( মূচ্ছা )

( করুণাময়ের প্রবেশ )

করুণা। এই যে, খুঁজে পাওয়া গিয়েছে। তাই তো বলি, আমার শাস্ত মেয়ে—রাস্তায় যাবে না—লজ্জাশীলা রাস্তায় যাবে না। মা—মা, অন্ন দিতে পারি নেই, এই যে আকর্ষণ জল খেয়েছ! আহা, জল খেয়ে কি শীতল হ'য়েছ? ও মা, বড় জ্বালা পেয়েছ—বড় জ্বালা পেয়েছ! এখন কি জুড়িয়েছ? ও মা!

( বসিয়া পড়ন )

কিশোর। ম'শায়, স্থির হোন।

করুণা। বাবা, কিছু ভয় করো না, স্থির হব বই কি। বাচ্চা জলে ডুবেছে কেন জান? ঘুণায় ডুবেছে। পতি-হীনা তু'টি অন্নের জন্য আমার কাছে এসেছিল, আমি ছাই খেতে ব'লেছি আমি বাপ—অন্ন দিতে পারি নি—ছাই খেতে ব'লেছি! আমিই দেখে শুনে বে' দিয়েছিলুম, আমিই জ্বর-জীর্ণ রোগার হাতে দিয়েছিলুম, বিধবা হবে জেনে দিয়েছিলুম, বিধবা হ'য়ে বাড়ী এলো ছাই দিতে গেলুম,—সন্তানকে ছাই দিতে গেলুম। সন্তান হত্যা ক'রলুম!—শুভক্ষণে আমার জন্ম!

সর। ( উঠিয়া ) হিরণ—হিরণ, কথা কও, আর অভিমান করো না মা! জান তো, আমি বড় দুঃখী, বড় অভাগিনী!

জামায়ের শোকে কেঁদেছিলুম, তুমি আপনার চোখের জল মুছে, আমায় সাহসনা ক'রেছ; এখন একবার সাহসনা ক'রে যাও না! আর অভিমান করো না, একটা কথা কও! মা—মা, কি হ'লো!

১ম সভ্য। ম'শায়, ওই পুলিশ আসছে, আপনার কণ্ঠাদের বলুন, ওঁকে বাড়ীর ভিতর নিয়ে যান! এখানে রেখে আর ফল কি?

কিরণ। মা—মা, ঘরে চলো।

সর। না—আমি যাবো না, আমি হিরণের সঙ্গে যাবো; আমার হিরণকে কার কাছে রেখে যাবো?—আমার অনাগিনী অভাগিনী মেয়েকে কার কাছে রেখে যাবো?

করুণা। গিন্নি, কেন ভাবছ? এবার আমরা হিরণের দায়ে নিশ্চিত হ'য়েছি। চলো—চলো, আর হিরণের ভাবনা নাই—আর হিরণের ভাবনা নাই!

( সরস্বতীকে লইয়া করুণাময়ের প্রস্থানোত্তোগ )

( ইন্স্পেক্টর ও পাহারাওয়ালার প্রবেশ )

কিশোর। ভাই, private postmortem যাতে হয়, তাই করো,—Dead houseএ আর নিয়ে যেও না।

ইন্। টাকা ছাড়লে আর হবে না কেন?

কিশোর। তবে চল হে—আমাদের সমিতি-বাড়ীতে নিয়ে যাই।

( সমিতির সভ্যগণের হিরণায়ীর মুখাচ্ছাদন করিয়া তুলিবার চেষ্টা )

সর। ( ছুটিয়া আসিয়া ) মুখে চাপা দিও না—মুখে চাপা দিও না! ওই যে ন'ড়্চে—ওই যে ন'ড়্চে!

## পঞ্চম অঙ্ক

## প্রথম গর্ভাঙ্ক

খিড়কির পুকুর

সরস্বতী, কিরণী ও জ্যোতিষ্ময়ী।

কিরণ। মা, তুমি অমন ক'রো না, আমাদের মুখ চেয়ে বুক বাঁধো! সে গেছে, তাকে আর ফিরে পাবে না। আমরাও তোমার অনাথা কণ্ঠা, আমাদের দেখ! বাবা কেমন কেমন হ'য়েছেন, তুমি না দেখলে আমরা কার মুখ চেয়ে দাঁড়াবো? দেখ মা, জ্যোতি বড় কাতর হয়, তুমি অমন করো, আর ও কেঁদে কেঁদে বেড়ায়। মা, তুমি স্থির হও!

সর। কিরণ, প্রাণ তো খুব কঠিন! কই, এততেও তো প্রাণ বেরায় না! তবে হিরণ আমার চ'লে গেল কি ক'রে? আহা, বড় জ্বালায় গিয়েছে—বড় জ্বালায় গিয়েছে।—বাছা আমার জ'লে জ'লে তুষ হ'য়েছিল, তাই চ'লে গিয়েছে! এইখানে এলে একটু ঠাণ্ডা হই। এই জল দেখে আমার মনে হয় যে, জ'লে জ'লে হিরণ আমার এই জলে শীতল হ'য়েছে, তাই জলের পানে চেয়ে দেখি।

কিরণ। মা, তুমি কি বোঝ না? বাবা কেমন হ'য়েছেন, তা কি দেখছ না? তোমার এই দশা দেখে তিনি আরও কেমন হন। তুমি বোঝ মা, নইলে বাবাকে স্থির রাখতে পারবো না।

সর। ছাথ, হিরণ বড় আবদেরে ছিলো। বায়না নিলে ভোলাতেম, রাজা বর হবে; পুতুল দিয়ে ভোলাতেম—তোর ছেলে হবে, বে দিবি, বউ আনবি। হিরণ পুতুল সাজাতো-গোছাতো, পুতুলের বউ বেটাকে শোয়াতো! ঘর-ঘরকন্না হবে—বড় সাধ! সম্বন্ধ হ'লো, হেঁসে সরকারদের ছোটগিন্নী বলে, 'এইবার হিরণ খাওয়া—তোর রাজা বর হ'চ্ছে।' হিরণ একগাল হেঁসে মুখ ফেরালে। আহা, বাছা

জানে না যে, মা হ'য়ে তারে জলে ফেলে দিচ্ছি, ঘাটের মড়া এনে গাঁটছড়া বেঁধে দিচ্ছি! হিরণ ছুঃখ জানেনা—ধম্কা তুমি, মুখঝাম্টা দিতুম, বাছা মুখ হেঁট ক'রে থাকতো, যেন কত অপরাধী! আমি কি ক'রে স্থির হব মা, দিন দিন যে আমার সব মনে প'ড়ছে। ও রে, পেটের জ্বালায় যে জল খেয়ে ম'রেছে! আহা, বাছা রে!

( নলিনের প্রবেশ )

নলিন। দিদি, একটা সিকি দে।

জ্যোতি। ভাই, রোজ রোজ সিকি কোথা পাব? আমাদের ছুঃখের সংসার, তুমি কি বোঝো না?

নলিন। ভালমানুষীতে না দাও, আবার বাবামোর কল গড়াতে হবে, তখন কিছু ব'লতে পাবে না। আমার বাড়সাই ফুরিয়েছে।

কিরণ। ইয়ারে নলিন, এত বড় হ'লি, কিছু বুঝিস্‌নি? যদি ছুঁদণ্ড মার কাছে বসিস্‌, তবু মা একটু ঠাণ্ডা থাকে।

নলিন। ই্যা, ও রোজ রোজ ঘ্যান্ ঘ্যান্ করুক, আর ওর কাছে চুপ্‌টি মেরে ব'সে থাকো; মজা দেখ না!

কিরণ। তুই তো দিন দিন ভারি ষেয়াড়া হ'চ্ছিস্‌, মা বাপকে দরদ নাই?

নলিন। দাও—দাও, সিকি দাও। দেবী হ'য়ে যাচ্ছে, ফুটবল দেখতে যেতে হবে। মা, দিতে বল ব'ল্‌চি।

কিরণ। ও কোথায় পাবে?

নলিন। আমি কি জানি? মা, ব'ল্বে তো বল! ব'ল্বে না—ব'ল্বে না?—আচ্ছা, মজা দেখবে? আমি উল পুড়িয়ে দেবো, নোজা-বোনা কল পুকুরে ফেলে দেবো।

কিরণ। ই্যা—তা হ'লেই বড় বড় ভাতের গরাদ তুলবি!

নলিন। আমি সে ভয় করি নে—সে ভয় করি নে, আমি দুলালবাবুর বাগানে থাকবো।

জ্যোতি। আচ্ছা, আমি তোকে সিকি দিচ্ছি, তুই কিশোর বাবুর স্কুলে প'ড়তে যাবি বল?

নলিন। ওঃ—মজার কথা দেখো, তুমি আমার হ'য়ে ক্রিকেট খেলবে, নয়? আমরা ন্যাচের খেলা খেলি—তা জানিস্‌!

সর। আচ্ছা, হিরণ আমার কখনো খাবো ব'লতে জানতো না! পুতুল না পেলে বায়না ক'রতো, কিন্তু খাবার বায়না একদিনও করে নাই। সেই হিরণকে উপোসী বনকে ধরে দিলুম। ওঃ—আমি আবারও এখনো তো পেটে অন্ন দিচ্ছি! আজও মরণ হ'লো না।

নলিন। মরে না, মেজ্‌দিদির মত জলে ডোবো না।  
জ্যোতি। ছাখ্‌ নাথ, বাবা এলে আমি ব'লে দেব।  
যা, আমি তোরে সিকি দেব না।

নলিন। কি, বাবা মারে? তা পারবে না, হাত কামড়ে দিয়ে পানি ছেঁড়ব—হান শো?

নেপথ্যে নলিনের হয়ার। Nolin, here come,  
Tram-hire have

নলিন। কে শেনো, piee got?

নেপথ্যে। Oh yes.

নলিন। সিকি নিবে না? আচ্ছা, প'কো—আস্ছি।

[ নলিনের প্রস্থান। ]

কিরণ। মা, বাবার গলা পাচ্ছি। তার এখনো খাওয়া হয় নাথ, তুমি ব'সে খাওয়াবে চলো। চলো—চলো, তুমি না দেখলে কে দেখবে?

সর। মা, তুঃ আমার কারে দেখতে ব'লুছিস? আমি যে দিকে চাই, হিরণকে দেখি। দিবানিশি হিরণ নিখা ফেলুচে শান! ওহো, বাড়া রে—কি হ'লো!

( করুণাময়ের প্রবেশ )

করুণা। গিন্নি, হেথায়? এখানে ব'সে আছ কেন? হিরণের জন্তে? তাকে পাবে না—তাকে পাবে না! এখন দেখো, তোমার আর কেউ না যায়। এই যে—এই যে জ্যোতি, তুমি কান্দতে শিবেছ? শেখো—শেখো, খুব কান্দতে হবে, দিন রাত কান্দতে হবে—আমার মেয়ে হ'য়েছ, না কেদে ক'রবে? হিরণ কেদে গিয়েছে,—কিরণ কান্দছে,—তোমায়ও কান্দতে হবে।

কিরণ। তুমি অমন ক'রো না বাব! মাকে বাড়ার ভিতর নিয়ে যাও। সকাল থেকে চুপ ক'রে এইখানে ব'সে আছে।

করুণা। বেশ তো—থাকুক না! ব'লুচো খায়-দায়

নাই, ব'সে আছে? পেটে অন্ন দিতেই হবে! আমি দেখো, পেটে অন্ন দিতেই হয়! কেমন গিন্নি, নয়? তুমি না খাও, না খাবে, আমি না খেলে থাকতে পারি নি—আমি না খেলে থাকতে পারি নি! গিন্নি, খেয়ো, হিরণকে মনে ক'রুচো তো? খাবার সময় আরও মনে প'ড়বে—আরও মনে প'ড়বে, খুব মনে প'ড়বে—আমার তো মনে পড়ে, তোমার মনে পড়ে কি না জানি না!

সর। এই শোন্ কিরণ, কর্তী ঠিক ব'লেছে, কেন ভাবুছিস? খাবো এখন—খাবো এখন! খাবো না—রাফনী গ্নেছি, খাব না! কর্তীকে নিয়ে যা, আমি আপনি যাবো এখন। দেখ—দেখ, হিরণ এই খান্টিতে শুয়েছিল—এই খান্টিতে বাছা আমার মুখ তুলে সূর্যের পানে চেয়েছিলো; চেয়ে কি ব'লুছিল জানো?—'সূর্যদেব, তুমি দেখ, আমার রাফসা মা!' আর আমার কথা শোনে নি, আর কথা কয় নি—আর আমার মুখ দেখে নি;—আমার মুখ দেখতে হবে ব'লে সূর্যের পানে চেয়েছিলো। দেখেছিলে—দেখেছিলে?

করুণা। দেখেছি, ঐ দেখেই কি শেষ হবে? আর কিছু দেখতে হবে না? কে জানে! আমি আস্ছি। তোমরা আমার জন্তে ব'সে থেকো না, আমার জন্ত ভেবো না। গিন্নি, খেয়ো—খেয়ো, খেতে হবে। তুমি না খাও, আমি এসে খাবো। যাই—যাই, জ্যোতির হিলে করি গে। কিরণের হিলে ক'রোছি, হিরণ তো আপনার হিলে আপনি ব'রেছে, এখন জ্যোতির হিলে করা চাই নি? চাই বই কি! আমি বাপ, হিলে ক'রবো না?

[ করুণাময়ের প্রস্থান। ]

( কিশোর ও ভাবিনার প্রবেশ )

( করুণা ও জ্যোতির্ময়ীর প্রস্থানোদ্বোগ )

ভাবিনা। কিরণ-দিদি, যেও না। মা আমায় পাঠিয়ে দিলেন।

কিরণ। মা, ভাবিনা এসেছে।

সর। এসো মা!

ভাবিনা। আপনার কাছে মা আমায় পাঠিয়ে দিলেন; ব'লেন, তিনি দাদার কুল ক'রবেন, তা জ্যোতিকে দাদার সঙ্গে বে' দেন।

[ জ্যোতির্ময়ীর প্রস্থান। ]

তিনি পূজা ক'রতে গেলেন, নইলে তিলি আপনিই আসতেন।  
তিনি ব'লেন, 'যা, তুই ব'লে আয়। আমি যাচ্ছি,—  
বোস-গিন্নী মেয়েটি না দিলে আমি ছাড়বো না;—তার  
মেয়ে থাকতে আমার কিশোরের কি কুল হবে না?'

কিশোর। বাবা আমায় পাঠিয়ে দিয়েছেন, বোসজা  
ম'শাহকে জিজ্ঞাসা ক'রতে, তিনি যদি বাড়ীতে থাকেন, বাবা  
এসে বিকেলে দেখা ক'রবেন।

ভাবিনী। মাকে গিয়ে কি ব'লবো?

সর। মা, তুমি স্ববচনী। গিন্নীকে ব'লো, যে, আমি  
তো সংসারে বুথা জন্মেছিলুম! জ্যোতি তো তাঁরই, তাঁর  
গিনিস তিনি নেবেন, তা আর আমায় জিজ্ঞাসা করা কেন?  
আমি এতদিন জানাই নি, আমার ছেলে-মেয়ে সকলেরই  
ভার তাঁকে নিতে হবে।

কিশোর। কিরণ-দিদি, বাবা কি বোসজা ম'শাহের  
সঙ্গ দেখা ক'রতে আসবেন?

কিরণ। হ্যাঁ মা, বাবা তো বিকেলে বাড়ীতে থাকবেন?  
কিশোরবাবু জিজ্ঞাসা ক'রছেন।

সর। থাকবেন বই কি, আমিই তাঁকে যেতে  
ব'লবো।

কিশোর। না না, বাবা ব'লেছেন, তিনিই আসবেন,  
আমি তবে বাবাকে বলিগে।

ভাবিনী। তবে আসি দিদি, মাকে বলিগে।

[ উভয়ের প্রস্থান।

সর। হ্যাঁ রে, সত্যি কি জ্যোতির সঙ্গে বে' দেবে?  
এ যে আমার স্বপ্ন মনে হ'চ্ছে, বিশ্বাস হ'চ্ছে না!

কিরণ। মা, তুমি কি ব'ল'ছ? ওরা ভাই-বোনে এসে-  
ছিল কি শুধু শুধু! বিশ্বাস ক'রবে না ব'লে কিশোরবাবু সঙ্গ  
এসেছিল। মা তুমি ওঠো, এ দিনে চোখের জল মোছো।  
এখন তুমি কাঁদলে কিন্তু আমি মাথা খুঁড়ে ম'রবো। ওঠো,  
ঘরে চলো।

[ উভয়ের প্রস্থান।

—\*—

## দ্বিতীয় গর্ভাঙ্ক

রূপচাঁদ মিত্রের বৈঠকখানার বারান্দা

রূপচাঁদ, হুলালচাঁদ ও উকীল।

হুলাল। বাবা, পাকাপাকি ক'রে নিও। মিঠেনের  
উপর—মিঠেনের উপর। বাবা, শাসিও না,—তোমার  
শাসানো রোগ—তা হ'লেই সব কেঁচুড়ে যাবে।

রূপ। আরে, চূপ কর না। উকীলের সঙ্গে কথা কইও  
দেবে না।

হুলাল। বাবা, মুখ ঘুরিও না,—আমার প্রাণ আন্  
চান ক'চ্ছে। এবার আমি ভালবেসেছি বাবা,—সত্যি বাবা  
সে চ'লে গেলে বুক পেতে দিতে ইচ্ছে হয় বাবা। সে বউ  
ঘরে আনো, আমি সোণার চাঁদ ছেলে হবো। আমি দিন-  
রাত সেই ছবি দেখছি, সেই কক্ষ কক্ষ চুলগুলি মুখে এসে  
প'ড়ছে, চাপার কলি আঙ্গুল দিয়ে সরিয়ে দিচ্ছে; কালো  
ছুটি চোপ—এদিক ওদিক চায় না বাবা,—মাথাটি নিচু ক'রে  
গাড়ীতে গিয়ে উঠছে,—চাদরখানি সামলাতে পারছে না;  
কাঁধ থেকে গড়িয়ে প'ড়ে স্নগোল হাতটি বেরিয়ে প'ড়ছে।  
গলা দেখলে মনে হয়, যেন জল খেলে জল দেখা যায়;  
গাল দু'টিতে বসরাই গোলাপ ফুটেছে! বাবা, দিনরাত্তির মনে  
মনে তাই দেখছি!

রূপ। তবে তুই বক—আমি চলুম।

হুলাল। চ'টো না বাবা, এই আপু—আমি চূপ  
ক'রলুম। ( মুখে হস্ত প্রদান )

রূপ। উকীলবাবু, এমনি ক'রে লেখাপড়াটা ক'রে  
দেবেন, যেন contract ভাঙ্গলে criminal হয়।

উকীল। Criminal হবে বৈ কি! তা হ'লে cheating  
charge এ প'ড়বে।

রূপ। সেইটি পাকা ক'রে লিখে নিও।

হুলাল। বাবা, বাড়ী-ঘর-দোর তো ফিরিয়ে দেবেই,  
নগদ ছাড়তে করণ-কশি করো না। ওর বাপকে খুসা  
রাখলে ও আমায় একটু একটু ভালবাসবে। খুসা না হ'লে  
এই ব'দরছানার পানে ফিরেও চাবে না।

রূপ। আরে নে নে,—ব'লেছি তো পাঁচ হাজার  
টাকা দেব।



হুলাল। তাই ব'লছি বাবা, এই দুঃসময় চেহারা দেখে যন ঘাবড়ে না যান, খুসী হ'য়ে যেন হেসে কথা কয়। লাল ঠোঁট হুঁথানির মাঝখানে, আধা আধা মুক্তোর মতন দাঁত-গুলি দেখলে মুণ্ড ঘুরে যান বাবা! আমি হী ক'রে মুখের পানে চেয়ে থাকবো বাবা!

রূপ। চুপ করু'কি আসছে। বেলাল্লাগিরি করিস্ নি। উকালবাবু, আপন ওকে সঙ্গে ক'রে দপ্তরখানায় নিয়ে আসুন।

[ এক দিকে উকাল ও অগ্রদিকে রূপচাঁদ ও হুলালচাঁদের

প্রস্থান।

—\*—

## তৃতীয় গর্ভাঙ্ক

রূপচাঁদের দপ্তরখানা

( একদিক দিয়া রূপচাঁদ ও হুলালচাঁদ এবং অগ্র দিক দিয়া উকীল ও করুণাময়ের প্রবেশ )

হুলাল। নমস্কার করি, শ্বশুর মশায়! ( স্বগত ) আগার ল্যাং আর কুঁজকে সেলাম দিই। বাবা কি বেয়াড়া ছেলেই কেটেছে!

রূপ। আসতে আজ্ঞা হয়, বেই ম'শায়—আসতে আজ্ঞা হয়।

করুণা। হুঁ—এই এলুম—ও দিকে কে?—না—কেউ নয়!

রূপ। বসুন,—ওদিকে কি দেখছেন,—কেউ সঙ্গে আছে না কি?

করুণা। না,—তবে—হুঁ—ব'স্ছি।

( উপবেশন )

রূপ। ( দলিল ও হাতচিঠি দেখাইয়া ) বেই ম'শায়, এই দেখুন, এই বাড়ীর দলিল, এই পাওনাদারের হাতচিঠি। কেমন, আর তো আপনার দেনার ভয় নাই? দেখুন—দেখুন, হাতচিঠিগুলো দেখুন।

করুণা। হুঁ,—আর ওয়ারিণ বেরোবে না তো?  
রূপ। কি ব'লছেন,—আর এই সব হাওনোটগুলো দেখুন। আর তো আপনার দেনা নাই?

করুণা। হুঁ, কে জানে, সব লিষ্টি করি নি।  
রূপ। এক আধখানা থাকে তো ভাবনা কি? আমি সব চুকিয়ে দেব, লিখে দিচ্ছি তো।

করুণা। হুঁ,—অনেক দেনা—অনেক দেনা!  
উকীল। ( স্বগত ) মানুষটার মাথা খারাপ হ'য়েছে দেখছি।

করুণা। হুঁ,—কেউ নয় তো? উঃ! ছাই খেয়ে ম'রেছে—ছাই খেয়ে ম'রেছে! কে ও?

হুলাল। শ্বশুর ম'শায়, কিছু ভেবো না, বেপরোয়া বৃকের ছাতি ফুলিয়ে বেড়াও। ( জনান্তিকে ) বাবা, টাকা বাড়ো।

রূপ। ( জনান্তিকে ) আরে থাম্ না।  
উকীল। এই পাঁচ হাজার টাকার পাঁচ কেতা নোট, দেখে নিন।

করুণা। হুঁ,—দেখেছি!  
উকীল। এই কাগজ খানায় সই ক'রে দেন।  
করুণা। কি, হাওনোট? আচ্ছা, দাও।

উকীল। না—না, হাওনোট নয়;—এতে আপনি অঙ্গীকার ক'রছেন যে, এই সমস্ত পেয়ে আপনি আপনার কনিষ্ঠা কন্যার সহিত হুলালবাবুর বিবাহ দেবেন।

হুলাল। শ্বশুর ম'শায়, কিছু ভেবো না। তোমার মেয়েটি পেলে আমি চিট্ট ব'নে যাবো, অন্তর থেকে বেরবো না; কোনও ব্যাটা বেটার মুখ দেখবো না, মাষ্টার রেখে প'ড়বো। সই করো শ্বশুর ম'শায়—সই করো, আমি খুব চিট্ট জামাই হবো।

করুণা। হুঁ,—সই ক'রবো? কত সূদ?  
রূপ। সূদ কিসের বেই ম'শায়? আপনি বড় কুলীন, আপনার মেয়ে ঘরে আন্বো, কুল-বাঁদা দিচ্ছি। ও টাকা কি ধার দিচ্ছি, যে সূদ দেবেন?

উকীল। এ তো দেনা-পাওনা হ'চ্ছে না, তবে contract, মেয়েটি আপনি দেবেন—তারই contract। কেমন, আপনি তো স্বীকার পাচ্ছেন?

করুণা। হ্যাঁ—হ্যাঁ। যদি ম'রে যায়?—তাহলে কি

হবে? একটা ম'রেছে, ছাই খেয়ে ম'রেছে. এটা যদি ছাই খেয়ে মরে, তাহ'লে কি হবে? ওগুলো মরে—ম'রতে চায়,—শুধু আমি মরি নি—গিন্নী মরে না। যদি মরে—কি হবে?

হুলাল। দোহাই শশুর ম'শায়, ও কথা বলো না শশুর ম'শায়! তা হ'লে আমি মারা যাব শশুর ম'শায়!

করণা। না, মরে! ম'রে ভেসে উঠেছিল। পেটের জ্বালায় ম'রেছে—পেটের জ্বালায় ম'রেছে!

রূপ। বালাহ, ও কথা মুখে আনতে আছে?

উকীল। আহা, মানুষটা বড় শোক পেয়েছে!

করণা। না, শোক কিসের?

রূপ। বে'ই ম'শায়, আর সে সব ভেবো না। এবার মৃতন জামাই নিয়ে আমোদ-আহ্লাদ করো।

উকীল। নেন ম'শায়, সই করুন—সই করুন। এতে লেখা—বুঝেছেন তো? এতে লেখা, আপনি আপনার কণ্ঠের শুভ বিবাহ দেবেন।

করণা। হ্যাঁ বুঝেছি। দাও, সই করি। মরে—জল থেকে তুল'ব! দাও, সই করি।

উকীল। ওহে দীহু, তোমরা সব এসো।

করণা। হুঁ, কাকে ডাকছেন?

উকীল। ও আমার serving, clerk, আর এক জন কেরাণী—ও ঘরে বাসে আছে, সাক্ষী হবে। সই করুন।

( দীহু ও কেরাণীর প্রবেশ )

বাবু সই ক'রছেন—হুলালবাবুর সঙ্গে ওঁর কণ্ঠের বিবাহ দেবেন, সাক্ষী হও।

করণা। হ্যাঁ, বে' দেবো, চড়া দর পেয়েছি। ম লেও সূদ লাগবে না?

উকীল। না, সই করুন। ( স্বগত ) ভাল পাগলের পাল্ল য প'ড়েছি—বেলা হ'লো।

করণা। ( সই করিয়া ) এই তো সই ক'রলুম। আর কি, বাড়ী যাই?

রূপ। বসুন—বাস্ত কি?

হুলাল। ( জনাস্তিকে ) বাবা, বে'র দিন ঠিক ক'রে নাও। যত শীগ'গির হয়, দেবী ক'রো না, না কেঁচ'ড়ায়!

রূপ। তবে আমি পুরোহিত ডাকিয়ে, দিন স্থির ক'রে

আপনাকে খবর পাঠাবো। সেই দিন আগে আমরা আশীর্বাদ ক'রে আসবো, তার পর আপনারা পত্র ক'রতে এসে, অমনি আশীর্বাদ ক'রে যাবেন। আত্ম-কুটুম্ব সকলকে বলবেন। কিছু ভাববেন না, ঘট ক'রে মেয়ের বে' দেন, আমি সব খরচ দেবো। যত লোক পত্রে আনতে পারেন, আনবেন, আমি সকলের সম্মান রক্ষা ক'রবো। আত্ম কুটুম্ব কেউ না ফাঁক থাকে, সফলকে বলবেন। য'খানা গাড়ী পাঠাতে বলেন, পাঠাবো!

করণা। আত্ম-কুটুম্ব—আত্ম কুটুম্ব—হুঁ! বলবো—বলবো, কে কোথায় আছে—খুঁজে দেখবো! কই—কেউ তো নেই—কেউ তো নেই? হ'য়েছে? চল্লুম।

রূপ। তবে কথা ঠিক রইলো?

করণা। হ্যাঁ, দর দাম চুকে গিয়েছে, আর কি, চল্লুম।

উকীল। টাকাগুলো পকেটে নেন, দলিলগুলো বেঁধে নেন, আমিই বেঁধে দিচ্ছি। আত্মন, আপনার গাড়ীতে দিয়ে আসি।

করণা। হুঁ—নিই।

হুলাল। আমি মাথায় ক'রে দিয়ে আসছি বাবা!

রূপ। বে'ই ম'শায়, ফুঁড়ি করুন, আর মনের ব্যথা রাখবেন না, আপনার হৃদয় কেটে গেছে।

করণা। ব্যথা—ব্যথা কিসের? মেয়েটা ম'রেছে? গিন্নী জবুথবু হ'য়েছে—হ'লোই বা—হ'লোই বা—ব্যথা কিসের?

[ প্রশ্নান।

উকীল। ( দীহু ও কেরাণীর প্রতি ) তোমরা যাও।

[ উভয়ের প্রশ্নান।

মানুষটা এক রকম হ'য়ে গিয়েছে।

রূপ। কিছু কাঁচা হ'লো নাকি? বেটা ম'রবে ম'রবে বললে কি? ধরুন, যদি মেয়েটা ম'রায় যায়, তাহ'লে টাকা ফেরত পাওয়া যাবে না, কেমন? ওই clause টা রাখলেই হ'তো।

উকীল। ( স্বগত ) বেটা কে গো!

হুলাল। অলক্ষণে কথা মুখে এনো না বাবা, আমার বুক কাঁপে বাবা!

রূপ। লোকটা বিগড়ে গেছে। দলিল তো কাঁচা হ'লো না?

উকীল। বলেন কি ম'শায়, টাকা কি কখন কাঁচা হয় ?

রূপ। ভাব্‌ছি, মাথা খারাপ হয়ে গেছে !

হুলাল। কিছু ভেবো না বাবা, শু ঠিক আছে, সুপাত্রে দেখে একটু গুলিয়েছিল। ও কথা কেড়ে ফেলবে না। দেখেছ তো,—নগদ টাকা বাড়তে গেলুম, তবু মুইলো না ;—খাটের মড়াকে বে' দিলে, তবু আমার সঙ্গে বে' দিলে না।

উকীল। না—কথার মাহুষ বটে। শালওয়ালার মকদ্দমায়, একটা মিথ্যা কথা কইলে, বেটার টাকা উড়ে যেতো, তা কহতে চাইলে না, consent decree দিয়ে কিস্তিবন্দী ক'রণে। আর ম'শায়ের কতগুলি প'ড়লো, হিসেব ক'রলেন কি ?

রূপ। কি ক'র্বো ভাই—কি ক'র্বো, ছেলেটা বোঝে না, গিন্নী একেবারে ধ'রে ব'সলো। আমি ধমকে সারতুম, ছেলেটা বেয়াড়া!—বুক ক'রকর ক'ছে, এক একটা টাকা দিয়েছি—যেন বুকের নাংস কেটে দিয়েছি !

হুলাল। বাবা, আর বুক ক'রকরানিতে কাজ নাই বাবা ! বউ দেখে ঠাণ্ডা হয়ে যাবে ! যে বউ দিচ্ছ, তে'মার চৌদ্দ পুরুষ এমন বে' করে নি ;—বুকের ধন—বুকের ধন !

উকীল। তবে আসি। ( স্বগত ) লাখ টাকা একদিকে, আর এই সোণার চাঁদ ছেলে এক দিকে !

[ হুলাল ব্যতীত সকলের প্রস্থান। ]

হুলাল। ( গীত )

বাহবা বাবে আমি বাপের ব্যাটা বাহাহর।

বাজীমাং কেয়াবাং কেয়াবাং,

রূপটাদেব কি রূপোর সুর।

ঘুচনো বুকের ওলোট-পালট,

চোটপাট লেগেছে চোট,

জিতের পালা, মতিব মালা বাগিয়েছে মকট ;

হ'য়েছে কেলা ফতে, লুটোপুটি প্রেমের পপে,

কেয়া ফ্রি, দেল মজ্‌গুল ভরপুর ॥

[ প্রস্থান। ]

## চতুর্থ গর্ভাঙ্ক

করুণাময়ের বাটার অন্তঃপুরস্থ কক্ষ

করুণাময় ও জ্যোতির্ময়ী।

করুণা। জ্যোতি, তোমারও বে' দেবো। বে' না দিলে জাত যাবে যে ? দুটি মেয়েকে সুপাত্রে দিয়েছিলাম, তোমাকেও সুপাত্রে দেবো।

( সরস্বতী ও কিরণীর প্রবেশ )

গিন্নি, তোমার এ মেয়েটিকেও সুপাত্রে দেবো। আমি বাগ, দেখে শুনে দেবো না ? দেবো বই কি। বেশ সুপাত্র।

[ জ্যোতির্ময়ীর প্রস্থান। ]

কিরণ। বাবা, তোমার কি ঘনশ্যাম বাবুর সঙ্গে দেখা হ'য়েছে ?

করুণা। কেন ? না, মেয়ের বে' নিয়ে ব্যস্ত আছি, কখন দেখা ক'রবো।

সর। তুমি জ্যোতির জন্তু ভেবো না। ঘনশ্যামবাবু তোমার সঙ্গে দেখা ক'রে কিশোরের সঙ্গে জ্যোতির বে' স্থির ক'রে যাবেন। চূপ ক'রে রইলে কেন ? সত্যি। কিশোর আর ভাবিনা এসে বাঁলে গেল। তারপর ঘট'কী এসেছিল।

করুণা। তা বেশ—তা বেশ !

সর। কালই গায়ে হলুদ দিতে চায়। যা হয় তুমি ঘনশ্যামবাবুর সঙ্গে ঠিক করো।

করুণা। আর ঠিক কি ? বেশ তো—বেশ তো ! তাড়াতাড়ি বে—তাড়াতাড়ি বে ! ও ছটিরও তাড়াতাড়ি বে' হ'য়েছে, নাইয়েই উৎসর্গ ক'রে বলিদান দিয়েছি। একটা বলি চাই—একটা বলি চাই।

সর। না না, আর তুমি অমঙ্গলে কথা ক'য়ো না।

করুণা। অমঙ্গলের কথা কি ? যে বাড়ীর যে প্রথা,—যে হোক বলি হবেই। জ্যোতি দিব্যি মেয়ে—দিব্যি মেয়ে ! দেখ, আগে মেয়েগুলোকে দেখ'তুম, আর মনে ক'রতুম কি জানো, এরা রাজার ঘরে জন্মালে তবে শোভা পেতো ! এখন মনে হয়, কেন ডোমের বাড়ী জন্মায় নি ; তা হ'লে খেটে খেতো,—বাছা অন্নভাবে ম'রতো না।

কিরণ। বাবা, যা হবার হ'য়ে গেছে, এখন স্থির হও। জ্যোতির বে' দাও, জ্যোতি খুব সুখে থাকবে।

করুণা। হ্যাঁ—হ্যাঁ, বটে—বটে ! তোমরা যাও—তোমরা যাও !

কিরণ। তা, তুমি খাও দাও।

করুণা। হ্যাঁ—যাও, উত্তোগ করো গে, খাব বই কি, খাবো না ! যাও—যাও।

[ কিরণীর প্রস্থান।

করুণা। গিন্নি, খুব সুখের কথা না ?

সর। দেখ, এখন ভবিতব্যি!—হ'হাত এক হ'লে বুঝবো !

করুণা। কিশোর ভাল ছেলে—চমৎকার ছেলে ! জ্যোতি সুখে থাকবে। সেই তো বেশ—সেই তো বেশ। তুমি কথা দিয়েছ, কেমন ? একটা বলি চাই—একটা বলি চাই ! গিন্নি, জ্যোতির বে' দিলেই নিশ্চিত, আর কি ? আর তো মেয়ে নেই, আর পাত্র খুঁজতে হবে না ? আমি নিশ্চিত, তুমিও নিশ্চিত।

সর। তুমি ঠাণ্ডা হও, খাও দাও,—ঘনশ্রামবাবু বৈকালেই আসবেন। ঠিকঠাক ক'রে ফেল। আমাদের শুধু রুলি হাতে দিয়ে মেয়েটিকে দেওয়া। যা ক'রবার কর্ণাবার—তারাই সব ক'রবে।

করুণা। গিন্নি, অদৃষ্ট মানো ? মানতেই হবে ! কেউ ফেরাতে পারে না—রাজায় ফেরাতে পারে না,—অদৃষ্টের দাগ কে মুছবে ! কর্ণ-শ্রোত চলে আসছে ! কোন্ দিকে চ'লবে, কেউ জানে না ! কিন্তু শেষশেষি কতক বোঝা যায়। আমি বুঝতে পাচ্ছি, আমি দেখতে পাচ্ছি। তুমি দেখতে পাচ্ছ না, আছ ভাল। দাও, জ্যোতির বে' দাও। কি হবে তুমি জান না—আমি জানি না। জ্যোতির বে' দিতেই হবে, চারা নেই ; কি বল—বে' দিতেই হবে !

সর। তুমি ভেবো না, অদৃষ্টে যা ছিল, হ'য়ে গিয়েছে। শুনেছি, দুর্দিনের পর সুদিন আসে। হয় তো সুদিন এসেছে। কিশোর বেঁচে থাক, জ্যোতি বেঁচে থাক, আমরা দেখেও সুখী হবো।

করুণা। হ' ! কিশোর বেঁচে থাক, জ্যোতি বেঁচে থাক, দেখেও সুখী হবো। আমার দশা যা হয় হবে, কি বল ? তা হোক। ভাবনার শেষ হ'য়েছে ! দেখেছ, মজা দেখেছ ?

আমার মতন দরিদ্রেরও বাড়ী চাই, স্ত্রীর ভরণপোষণ চাই, কণ্ঠাপুলের ভরণপোষণ চাই—সব চাই, কিছু ছাড়বার যো নাই ; যেমন ক'রে পারো, চাই-ই চাই, সব চাই—সব চাই ! চুরি ক'রে পারো, জুচ্চুরী ক'রে পারো, ভিক্ষা ক'রে পারো, নীচ হ'য়ে পারো, ছেলে বেচে পারো, মেয়ে বেচে পারো, মিথ্যা বলে পারো, নরকে গিয়ে পারো, যেমন ক'রে পারো, চাই-ই চাই, সব চাই—সব চাই ! জ্যোতি ভাল থাকবে, কেমন ? কিশোর বড় ভাল ছেলে, তোমায় ফেলতে পারবে না, কিরণকে ফেলতে পারবে না, নলিনকে ফেলতে পারবে না। চ'লছে তো, এক রকমে চলে যাবে, আমি আর ভাববো না—আমার ভাবনা ফুরিয়েছে !

সর। তুমি অমন ক'চ্ছ কেন বল দেখি ? তোমার মনে হ'চ্ছে কি ঘনশ্রামবাবু বে' দেবেন না ?

করুণা। অনেক মনে হ'চ্ছে। তোমার কেন মনে হ'চ্ছে না, জানি নে। কিরণের বে'র সম্বন্ধ ক'রে আমোদ ক'রেছিলে, মনে আছে ? বাড়ী বাধা প'ড়বে ভেবেছিলুম,—ভাবতে মানা ক'রেছিলে ; বে'র রাত্রে বুঝেছিলে—ভাবনার সাগর ! কিরণের সম্বন্ধেও আমোদ ক'রেছিলুম, বে'র রাত্রেই বিভ্রাট দেখেছিলে ? তারপর দিন দিন বিভ্রাট ! জামায়ের ব্যামো নিয়ে বিভ্রাট, জামায়ের আর পক্ষের ছেলে নিয়ে বিভ্রাট, জামাই মরা নিয়ে বিভ্রাট !—তবে নাকি কিরণ সব বিভ্রাট মিটিয়ে গিয়েছে, সে ভাবনায় না কি নিশ্চিত হ'য়েছ, তাই আর মনে ক'চ্ছ না, জ্যোতির সম্বন্ধে আমোদ ক'রতে ব'ল'ছ। বে'র রাত্রি আসুক, কি হয় দেখ, তার পর আমোদ ক'রো।

( কিরণীর প্রবেশ )

কিরণ। মা এসো, বাবাকে নিয়ে এসো।

করুণা। যাচ্ছি, তুমি যাও।

সর। যা ব'ল'ছো সব ঠিক। তা এসো, যা অদৃষ্টে আছে—হবে, ভেবে আর কি ক'রবে !

[ কিরণী ও সরস্বতীর প্রস্থান।

করুণা। সত্যই তো, আর কেন ভাবছি। সহজ উপায়—অতি সহজ উপায়, ভাবনা'র তো আর কিছু নাই ! বাড়ী পেয়েছি, টাকা পেয়েছি, দেনা শোধ হ'য়েছে, তবে আর

ভাবনা কি! বলিদান দিতেই হবে—বলিদান দিতেই হবে;

—একটা বলি, যে বাড়ীর যে প্রপা

(নেপথ্যে সর) এসো না গো!

ককণা: হ্যা, যাচ্ছি।

[প্রস্থান।

—

### পঞ্চম গর্ভাঙ্ক

সমিতি-গৃহ

সমিতির সভ্যগণ আসীন।

(কালী ঘটকের প্রবেশ)

কালী। বাবু, সারা সন্ধ্যায় পুরে পুরে দিন রাত বেড়াচ্ছি, গাঁটের পয়সা ক'ব লাচ্ছি। কে খায় কে খোঁড়া, কোথায় কে কাণা বেকার হয়ে পড়ে আছে; কোথায় কে অধীরে, ঠাড়ি চড়ে না, এই খুঁজছি। আজ এই দেখুন, এই ক'জন এনেছি।

১ম সভ্য। সব এইখানে আনো।

কালী। যে আছে।

[কালী ঘটকের প্রস্থান।

(ইন্স্পেক্টরের প্রবেশ)

ইন্। (নেপথ্যাভিমুখে চাহিয়া) ব্যাটা কাদের সব এনেছে দেখ না? বেটার তারিফ আছে। দশ বছর পুলিশে কাজ করে তো আমি এমন পাঞ্জী দেখি নি।

(ইন্স্পেক্টরের লুক্কারিত হওন)

(ছদ্মবেশী অক্ষ, ঝঞ্জ ও বিধবা প্রভৃতিকে লইয়া

কালী ঘটকের পুনঃপ্রবেশ)

কালী। (অক্ষের প্রতি) আস্তে আস্তে এসো—আস্তে আস্তে এসো, ভয় কি? উঁচু নীচু নাই, পড়বে না। (বিধবার প্রতি) এসো গো এসো। কি ক'বে বাছা, এ বাবুরা খুব ভাল, তোমার ইচ্ছিত যাবে না। (দ্বিতীয়

রমণীর প্রতি) এসো না গো, এসো না, বাবুরা কি সমস্ত দিন তোমাদের জন্তে থাকবে গা? (ঝঞ্জের প্রতি) এসো ভাই এসো লাঠির উপর ভর দাও। (সমিতির সভ্যগণের প্রতি) বাবু, এই ভদ্রলোক কালেজে গিয়ে চোক কাটালে। কাটানই সার, চক্ষু দুটি হ'লো না। আর এ বাবুনের ঘরের মেয়ে। তিনটি ছেলে রেখে ত্যাগ ম'রেছে, আজ কি খায়, তার উপায় নাই। আর এ বেচারী বাতে পশু, এক বছর বেকার—মেয়েছেলে কাছাবাছা নিয়ে জড়িয়ে প'ড়েছে—ভিক্ষে ক'বে, তাও পায় বল নাই।

(ইন্স্পেক্টরের পুনঃ প্রবেশ)

(স্বগত) ও বাবা, ইন্স্পেক্টর বেটা কেন?

ইন্। কি কালী, কি দেখছো, আমি হেতায় এসেছি কেন? আমি মস্ত শিখেছি, অক্ষ ভাল ক'রে দেব, তাই বাবুরা এনেছেন। কিহে আদ্রিরাম, চোক ভাল হ'য়েছে, না দুটো গুঁতো দোব?

অক্ষ (আদ্রিরাম)। দোহাই হুজুর! এই কালী আমায় ব'লে—এই কালী আমায় ব'লে!

ইন্। (পশুকে পলায়নোত্তর দেখিয়া) ওহে, তোমার যে অম্নি বাত সেরে গেল দেখছি? দৌড়ে কোথা যাবে? ঐ যে সব পাহারাওয়ালারা র'য়েছে। কালী, মস্ত দেখলে!

কালী। অ্যা, বেটারা এমন ছল? মিছিমিছি ঢং ক'রেছে! দোহাই ইন্স্পেক্টর বাবু, আমি কিছুই জানিনে!

ইন্। বটে, এই অধীরে বাবুন ঠাকুরগকেও চেন না? কথা ক'চ্ছ না যে? বাবুন ঠাকুরগ, মুখের কাপড় খোলো, চল, সব থানায় যাই। কেন সিঁদুর মুছেছ বাছা, তোমার কালী এমন জলজ্যান্তো র'য়েছে।

বিধবা। দোহাই বাবা, আমায় থানায় নিয়ে যেও না বাবা! আমি ধোপার মেয়ে, গুথোরব্যাটা কুলের বাঁর ক'রেছে। আমায় সঙ্গে ক'রে নিয়ে এলো, ব'লে, শুধু ঘোমটা দিয়ে ব'সে থাকবি।

ইন্। তা ঘোমটা দিয়ে থানায় ব'সবে চলো। (সভ্যগণের প্রতি) ওহে, তোমরা এই সবকে সমিতির কাজ দিয়ে শোধরাবে? তা যদি পারতে, তোমরা মাহুষ নও। (ছদ্মবেশী অক্ষাদির প্রতি) নাও, সব চলো।

বিধবা। ও গুথোরব্যাটা, আমায় এমন ক'রে মজালি গুথোরব্যাটা!

(কালীর কেশাকর্ষণ)

কালী। যাই—যাই, টিকি ছাড়্ বেটি—টিকি ছাড়্ !  
ইন্স্পেক্টার বাবু, থানায় নিয়ে চলো, টিকি ছাড়্তে বলো।

বিধবা। ও মা, কি হ'লো গো! জাত-কুল খেয়ে শেষে  
মেয়াদ খাটাবে। ও পোড়ারমুখে!

( প্রহার )

কালী। ইন্স্পেক্টার বাবু—ইন্স্পেক্টার বাবু! বেটীকে  
ধরো—বেটীকে ধরো!

( ইন্স্পেক্টারের পশ্চাতে গমন )

( পশুরেশ-নিবারণী সভার ছদ্ম ইন্স্পেক্টার বেশধারী  
রমানাথকে লইয়া জমাদারের প্রবেশ )

জমা। খোদাবন্দ, এ Cruelty Inspector হোকে  
গাড়োয়ানসে পয়সা লিয়া। হাম পাকড়া।

১ম সভ্য। এ কে?

ইন্। দেখ্ছো না, তোমার সমিতির কাজ পেয়ে  
reformed হ'য়েছে, রমানাথবাবু, রকমখানা কি?

( জোবির প্রবেশ )

১ম সভ্য। ( স্বগত ) আহা, ছুঁড়ী এখনি কাঁদাকাঁটি  
ক'রবে! বারবার ছাড়্লে চ'লবে না। ( প্রকাশে ) জোবি,  
এবার তো ইন্স্পেক্টার বাবু ছাড়্বে না।

জোবি। বাবু, আমি ছাড়াতে আসি নি। দেখ্ছো  
না, আবার আমি পাগল হ'য়েছি। তোমরা যে কাপড়  
দিয়েছ, তা ছেড়ে ফেলে ছেঁড়া কাপড় পরেছি। এবার  
ছেড়ে দিতে ব'লবো না, মধুসূদন রাগ ক'রবে!

১ম সভ্য। কি ব'ল্ছো?

জোবি। সেদিন তোমাদের পায়ে-হাতে ধ'রে ছেড়ে  
দিতে ব'লেছিলুম, ও শোধ'রালো না। আমি মধুসূদনকে  
জিজ্ঞাসা ক'রলুম, এবার ধ'রলে কি ক'রবো? মধুসূদন ব'লে,  
“এবার ছাড়ান্ নি, আর পাপ ক'রতে দিস্ নি, তা হ'লে  
ম'রে গেলে আরও যন্ত্রণা পাবে। সাজা হ'লে কতক পাপ  
কাট'বে, কয়েক হ'লে আর পাপ ক'রতে পারবে না। তোর  
স্বামীকে আর পাপ ক'রতে দিলে তোর পাপ হবে, আমি  
রাগ'বো।”

রমা। ও জোবি, তোর পায়ে পড়ি, ছেড়ে দিতে  
বল।—তোর পায়ে পড়ি, ছেড়ে দিতে বল। এবার ছেড়ে

দিলে আমি শোধ'রবো। তোর পায়ে পড়ি—ছেড়ে  
দিতে বল?

জোবি। না, আমি কাঁদ'বো—খুব কাঁদ'বো, তোমায়  
ছেড়ে দিতে ব'ল'বো না, আর তোমায় পাপ ক'রতে দেবো  
না। মধুসূদন বড্ড সাজা দেবেন। আমি মধুসূদনকে ব'ল্লুম,  
‘আমায় সাজা দাও, ওকে সাজা দিও না!’ মধুসূদন ব'লে,  
‘না—তা হবে না।’ তোমার পাপ তোমায় ভুগতে হবে।  
তোমার সাজা হ'লে তোমার পাপ কাট'বে। সেইখানে মধু-  
সূদনকে ডেকো, তোমার সব পাপ কাট'বে। সাজা হ'লে  
তুমি মধুসূদনকে ডাকবে। মধুসূদনের নাম ক'রলে হাসো,  
মধুসূদন মানো না, কিন্তু সাজা হ'লে মান'বে। আমায়  
তোমার সঙ্গে থাকতে দেবে না, নইলে আমি থাকতুম।

রমা। ও জোবি—ও জোবি, আর আমি পাপ ক'রবো  
না, আমি মধুসূদনকে খুব মান'বো।

জোবি। তুমি এখনো মিথ্যা কথা ব'ল্ছো,—মধুসূদনের  
নাম ক'রে মিথ্যাকথা ব'ল্ছো? আমি তো তোমায় ব'লেছি,  
আমি কাঁদ'বো, ছেড়ে দিতে ব'ল'বো না,—মধুসূদন মানা  
ক'রেছে। বাবু—বাবু, ওকে মেরো না। আমি চ'ল্লুম,  
আমি কাঁদিগে। আমি তোমায় এই শেষ দেখে গেলুম,  
এই শেষ দেখা! জোবি আর বাঁচ'বে না—জোবি আর  
বাঁচ'বে না!

[ প্রস্থান। ]

রমা। বাবু—বাবু, আর একবার ছেড়ে দেন।

ইন্। লে চলো।

১ম সভ্য। ইন্স্পেক্টার; এর পাথর ভাঙ্গা মোকুব  
হবে না?

ইন্। শুন্লে তো, তোমারও উপর মধুসূদন রাগ'বে,  
জানো!

২য় সভ্য। আমি এমন আশ্চর্য স্ত্রীলোক কখনো  
দেখি নি।

সকলে। অদ্ভুত!

১ম সভ্য। জগদীশ্বর! তোমার কাণে—তুমিই  
জানো।

[ সবলের প্রস্থান। ]

( রামলালের সহিত কিশোরের প্রবেশ )

রামলাল। কিশোর, ভাই, আমি এতদিন মনে ক'রতুম যে, তোমরা বুঝি ঢং করে বেড়াও। ইদানিং যেমন এক সভা করা ফ্যাসান হ'য়েছে, তাই করো। কিন্তু ভাই, আমার চক্ষু ফুটেছে। আমায় তুমি মাপ করো। আমি কর্তার কাছে মাপ চেয়ে এসেছি, শাস্ত্রী ঠাকরণের কাছে মাপ চেয়ে এসেছি, ভাবিনার কাছে মাপ চাইবো। আমায়ও তুমি সমিতির মেসার ক'রে নাও। আমি মনে ক'রতুম, মার কথা শুনে, হোমোদের সঙ্গে অসম্ভাব ক'রে বুঝি ম তু-ভক্তি দেখাচ্ছি। আমি বুঝতে পারি নি যে, অধর্ম ক'চ্ছি ; —তুমি মাপ ক'রলে ?

কিশোর। একশো বার কি বলছো ?

রামলাল। আচ্ছা ভাই, আমায় মেসার করো। আমি তোমাদের বাড়ি যাচ্ছি, নিমন্ত্রণে লোকজন সব আসবে, আমি অভ্যর্থনা ক'রবো। তুমি রিপোর্ট লিখেই এসো। আজকের দিনও কাজ নিয়েছ।

কিশোর। না, হে, আইবুড়ো ভাতের হ্যাঙ্গামে আর তো বাড়ী থেকে বেরুতে পারবো না, রিপোর্টটা দরকার।

রামলাল। আচ্ছা, আমি তবে চ'ল্লুম, তুমি রিপোর্ট লিখে এসো।

[ রামলালের প্রস্থান।

( কাগজ-কলম লইয়া ভূতের প্রবেশ )

ভূত। বাবু, একটা লোক আপনার সঙ্গে দেখা ক'রতে চাচ্ছে। নাম জিজ্ঞেস করলুম, বললে না। যেন এক রকম !

কিশোর। ডাক।

[ ভূতের প্রস্থান।

কোন দরিদ্র লোক হবে,—দরিদ্রের তো বাঙ্গালায় অভাব নেই।

( মোহিতমোহনের প্রবেশ )

কে তুমি ?

মোহিত। আমায় চেনেন, আমার নাম মোহিত —আমি করুণাময় বাবুর বড় জামাই,—যার পরিচয় রাস্তায় আপনারা পেয়েছিলেন।

কিশোর। কে—মোহিতবাবু ! আপনার এ দশা কেন ?

মোহিত। আমার মতন লোকের আর কি দশা হয় ? বোধ হয়, সে দিন রাস্তার কথা ভুলে গেছেন, তাইতে জিজ্ঞাসা ক'রছেন, এ দশা কেন ? সমস্ত পরিচয় শুনুন,— অকর্মণ্য জীবনের ঘটনা আপনাকে বলতেই এসেছি। এন্ট্রেন্স পাশ হ'য়ে ধরা সরা দেখলেম,—

কিশোর। থাক—সে সব কথা থাক। বোধ হয়, আপনার আহার হয় নাই, স্নানটান করুন, আহার করুন, তারপর সব কথা শুনবো।

মোহিত। না কিশোরবাবু, ব্যাঘাত দেবেন না,— মনের আগুন বার ক'রতে দেন,—আপনাকে বলে যদি কিছু শীতল হয়। শুনুন—এন্ট্রেন্স পাশ হ'য়ে ভাবলুম, আমি একজন ক্ষণজন্মা,—মা-ও তাই বলতেন ; বিবাহের সম্বন্ধ আসতে লাগলো। মনে মনে ধারণা—সুন্দরী, রসিকা, বিদ্যাবতা, অতুল সম্পত্তির অধিকারিণী কোন ভাগ্যবতী যদি আমার গলায় মালা দেয়, তা হ'লে আপনাকে ধন্য জ্ঞান ক'রবে। করুণাময় বাবুর কন্যার সঙ্গে বিবাহ হ'লো। বড় গরপছন্দ। ঘৃণা হ'লো, ভাবলেম, পরিবার ত্যাগ ক'রবো। মা-ই আমার মনোবাঞ্ছা পূর্ণ ক'রলেন।

কিশোর। মা মনোবাঞ্ছা পূর্ণ ক'রলেন কি ?

মোহিত। তাড়নায় আমার স্ত্রী মুর্ছিতা হ'য়ে পড়ে, আমার শশুর এসে নিয়ে যান। মা ভাবলেন, উপযুক্ত পুত্রের আবার বে' দেবেন। তা আমার তো হেঁজিবেজি পছন্দ হবে না। সেই জন্তু সে কার্য রহিত হ'লো।

কিশোর। পড়াশুনা ছাড়লেন কেন ?

মোহিত। আমি genius, আপনাদের মত কি গাধা ? বিলেত যাবো, কত কি ক'রবো,—যাক, কলেজ ভাল হ'য়ে গেল।

কিশোর। কলেজ ভাল হ'য়ে গেল কি ?

মোহিত। নির্দোষ শরীরে কলেজ একটা রোগ ছিল কি না ! রমানাথ নানা, আমার একজন মার সম্পর্কে ভাই হয়, তিনিও সর্বস্ব খুইয়ে আমাদের একজন ভেতুড়ে হ'য়ে-ছিলেন। মাতুল মহাশয় ছুলালবাবুর বাগানে নিয়ে যেতে আরম্ভ ক'লেন। সেখানে সর্বগুণসম্পন্ন আমার উপযুক্ত মতিয়া বিবির সঙ্গে আমার আলাপ হ'লো।

কিশোর। সে তো বেশী, আপনার খরচ চ'লতো কি ক'রে ?

মোহিত । শশুর যৎকিঞ্চিৎ দিয়েছিলেন ; মা'র দেনাতেই অধিকাংশ গিয়েছিল । বলি নি বুঝি, মা কৰ্জ্জ ক'রে চালিয়ে আসছিলেন । ক্ষণজন্মা ছেলের ভাল কামিজ, এসেন্স, সাবান প্রভৃতি জোগাতে জোগাতেই দেনাম প'ড়েছিলেন । যা বাকী ছিল, তা তো হাতালেম । তার-পর মতিয়ার খরচ জোটে না ! মাতুলের পরামর্শে, রূপচাঁদ মিত্রের কাছে জুচুরী ক'রে বাড়ী বাঁধা দিই ।

কিশোর । হ্যাঁ—হ্যাঁ, সে কতক শুনেছি ।

মোহিত । তবে শুনে থাকবেন । ইন্স্পেক্টরবাবু আমার স্ত্রীর প্রতি দয়া ক'রে কোন রকমে রেহাই দেন । আমার তো পরিশোধ দেওয়া উচিত,—স্ত্রীর ঋণ রাখবো কেন ? রাস্তায় পরিশোধ দেবার চেষ্টা ক'রেছিলেম ।

কিশোর । যাক্, ও সব কথা ছেড়ে দেন ।

মোহিত । না—না, সংক্ষেপে বল্ছি, শুনুন । মতিয়ার গয়না চুরি করি ; জেল হয় । খাটা অভ্যাস ছিল না, জেলে সাজঘাতিক ব্যায়রামে পড়ি । জেলের ডাক্তারবাবু—তাঁরই মুখে পরিচয় পাই, তিনি আপনার একজন বন্ধু—আমায় অনেক বোঝাতেন । আমার স্ত্রীর খাতিরে আমার প্রতি বিশেষ দয়াও ক'রতেন । আমার স্ত্রীর গুণের কথাও অনেক শুনতাম । ভাব্ছেন, তাতে আমার মন নরম হ'য়েছে ?—না । জেল থেকে বেরিয়েই প্রথম ভাব্লেম যে, কোন রকমে স্ত্রীর সঙ্গে আবার আলাপ ক'রে যদি বাগিয়ে কিছু আদায় ক'রতে পারি ।

কিশোর । জেল থেকে বেরিয়ে বাড়ী গেলেন না ?

মোহিত । বাড়ী কোথায় ? আমার অংশ রূপচাঁদ বাবুর গর্ভে, আর অর্ধেক অংশ মায়ের দেনায় বিক্রী হ'য়ে গেছে । এর আগেই মা আমায় বাড়ী যেতে দিতেন না । মার চুরী ক'রেই চোর-বিদ্যা শিক্ষা হ'লো কি না !

কিশোর । তারপর—তারপর ?

মোহিত । স্ত্রীর সঙ্গে সাক্ষাৎ ক'রলেম, পাগলী জোবি দেখা করিয়ে দিলে । দেখলেম, চুরীর সামগ্রী কিছু নাই । তবে—স্ত্রী নিজে উপবাস গিয়ে আমায় অন্ন দিতো, তাই আহা ক'রতেম আর পাঁচ রকম ধান্দায় ফিরতেম । আজ মাস দুই হ'লো, আমার স্ত্রী আমার জন্তে ভাত গুনে দিলে, কিন্তু আপনি মুচ্ছিতা হ'য়ে প'ড়ে গেল । জোবির ঠেঙে শুনলুম, সে অনাহারে থেকে আমায় খাওয়ায় । এত দিন

স্ত্রীকে ভাল ক'রে দেখি নি ; যে দিন মুচ্ছিতা যায়, সে দিন দেখলুম । সে আমায় রোজ আপনার কাছে আসতে বলতো, আমি তো স্ত্রী নই যে, স্ত্রীর উপদেশ নেব ! কিন্তু কে জানে, সেই দিন থেকে মনটা যেন আর এক রকম হ'য়েছে ; আর স্ত্রীর মুখের ভাত খেতে যেতেম না । দক্ষিণেগরে সদাব্রতে খেতেম । রোজ দিত না, হাত পেতে ভিক্ষে ক'রতে পারতেম না, দু'একদিন উপবাসও যেতো । পঞ্চবটীতে প'ড়ে থাকতেম—প'ড়ে প'ড়ে কত কি মনে হ'তো । মনে হ'লো, আপনার কাছে যাই, তাই এসেছি ।

কিশোর । ভাল ক'রেছেন, শোধরান, আপনার কাজ কর্ম ক'রে দেব । আপনি স্নান-টান ক'রে খাবেন আসুন ।

মোহিত । কিশোরবাবু, কাজ-কর্ম এখনই দেন,—আমার উপযুক্ত কাজ দেন । আমি সমিতি ঝাঁট দেব, আপনাদের পায়ের ধুলো গায়ে লেগে যদি আমার মতি ফেরে ! এখনো আমার নিজেকে নিজের বিশ্বাস নাই । আমি দেখবো, আমার অভিমান গিয়েছে কি না, পরিশ্রমের অন্ন খেতে পারি কি না, সত্য শোধরাতে পারবো কি না ।

কিশোর । আসুন—আসুন, আপনি অহুতাপ ক'রবেন না । আমি আপনার ছোট ভাই । আপনার ছোট শালীর সঙ্গে আমার সম্বন্ধ স্থির হ'য়েছে, গায়ে হলুদ হ'য়ে গিয়েছে, কাল বিবাহ । আসুন, আমার মিনতি রক্ষা করুন, আর কুণ্ঠিত হবেন না । আমি আপনার ছোট ভাই, আমার উপর আপনার সম্পূর্ণ অধিকার আছে ।

মোহিত । চলুন, কে জানে—আপনার সংবাদে যেন আনন্দ হ'চ্ছে ।

[ উভয়ের প্রস্থান ।

## ষষ্ঠ গর্ভাঙ্ক

রূপচাঁদ মিত্রের অন্তঃপুর

রূপচাঁদ, যশোমতী ও রাণী ঘট্কা ।

যশো । বলিস্ কি রাণী ? ভাগিাস্ সে দিন পর ক'রে ছেলের গায়ে হলুদ দিই নি ! মিস্লে এমন জোচ্চর ?



রামী। আমি ওর বাড়ার চাঁচতলা মাড়াই নি।  
বোস-গিন্নী নাকী, দুটো মেয়ের বেঁচে আশায় কত ডাকা-  
ডাকি ক'রেছে। আমি বলি, 'না বাছা, তোমাদের কথা  
ঠিক নাই, ওর ভেতর আমি থাকি নি।'

রূপ। রামী, তুই ঠিক খবর বল্‌ছিস্ ?

রামী। কতাবাবু কি বলে গা! এতক্ষণে বর সেজে  
বেকলো! তুমি তোমার সরকার পাঠিয়ে খবর নাও না! খুব  
ধুম পড়ে গিয়েছে; বাড়াতে জায়গা হবে না, পাশের মাঠ  
ঘিরে মস্ত আটচালা বেঁধেছে; বাঁধা রোসনাই হ'য়েছে।  
আমার কথা প্রত্যয় না করো, সরকার ম'শায়কে পাঠিয়ে  
দাও।

রূপ। বটে, তাই বেটা সেদিন পাগ্লামোর ভাগ ক'রে  
এসেছিল; পাগ্লামো বা'র ক'চ্ছি, আমার নাম রূপচাঁদ  
মিস্তির! ওরে গদা—

নেপথ্যে গদা। আজ্ঞে যাই।

রূপ। শীগ্গির আমার গাড়ী যুত্বে বলতো।  
আগে উকীলকে সঙ্গে নিয়ে গিয়ে দেখি, ব্যাটার দৌড়টা  
কতদূর। পাথর ভাঙ্গাবো—পাথর ভাঙ্গাবো! রূপচাঁদের  
রূপচাঁদ হজম করা যার-তার কাজ নয়। আমি জান্তুম,  
ও কথার মাহুষ!

রামী। হ্যাঁ—কথার মাহুষ! আমি সাতটা সখ্‌ক  
ক'রলুম, ভেঙ্গে দিলে! কতাবাবু যখন সখ্‌ক করে, আমি  
জানতে পারলে কি এতে হাত দিতে দিই!

যশো। ও মা, কি নরকে মিসে গো! আহা, ছলো  
আমার আমোদ ক'রে বেড়াচ্ছে। এ কথা শুনে  
বাছা আমার বুক চাপড়াতে থাকবে! মিসের সব কাঁচা  
কাজ—বুঝি রামী—সব কাঁচা কাজ! ওর সব অমনি!  
আমি বলুম, 'মিসে, পাকা ক'রে নে,' তা কানে কথা তুলে!

রূপ। গিন্নি, ভাবছো কেন? সব বুঝে নিচ্ছি, সব  
বুঝে নিচ্ছি! দেখি, বেটা কেমন ক'রে মেয়ের বে' দেয়!—  
রাত্রেই বাঁধিয়ে দেব। এতে দশ হাজার টাকা খরচ হয়,  
সেও স্বীকার।

যশো। ছলোকে নিয়ে যাও,—জোর ক'রে বে' দেওয়াও।  
এ বে' না হলে, ছলো আমার ঘরবাসী হবে না। ও  
মিসেকেও জেলে দাও, আর মেয়েটাকে টেনে নিয়ে এসে,  
ছলোর সঙ্গে গাঁটছড়া বেঁধে দাও—

রূপ। রসো না—রসো না।

( গদার প্রবেশ )

গদা। বাবু, গাড়ী তোয়ের হ'য়েছে।

রূপ। দ্যাখ্,—তুল ল যাবু কোথায়! আমি যাচ্ছি, তাকে  
করণা ব্যাটার বাড়াতে নিয়ে যাস্।

[ উভয়ের প্রস্থান।

যশো। দ্যাখ্ দেখি রামী—দ্যাখ্ দেখি রামী, ছলোকে  
আমার বর সাজিয়ে পাঠাতে পারলুম না! ঐ কর্তা মিসে  
যত নষ্টের গোড়া!

রামী। মা, কি ক'রবে মা, কালের ধর্ম মা—কালের  
ধর্ম!

যশো। তুই যা তো—বা তো, মিউ-মিয়ে মিসে কি  
করে, আশায় এসে বল্‌বি। ব্যাটা ছেলের একটা হাঁক-ডাক  
নেই। যদি বউ না আন্তে পারে, আমি আজ বুঝে নেব।  
আমি তেমন বাপের বেটা নই। যশোমতী কয়েত তেমন  
নয়। আছি তো আছি, বেশ ভাল মাহুষ, রাগলে কারো  
নই। তুই যা—তুই যা।

[ প্রস্থান।

রামী। এ বে' তো ভুল ক'রিয়েছি! আশায়  
ভাঁড়িয়ে ছটো মেয়ের বে' দিলে, গায়ের রাগ গায়ে মেখে  
এতদিন কাটিয়েছি। মেয়েটা দোপোড়া হ'য়ে থাকে, তা  
হ'লে আমার মনোবাহু পূর্ণ হয়। দেখি, মা সিদ্ধেশ্বরী  
কি নাই?

[ প্রস্থান।

## সপ্তম গর্ভাঙ্ক

পথ

জোবি।

( ছলালচাঁদের প্রবেশ )

ছলাল। বাবা, বেপ্যাটেন ল্যাং! দেড় ঠ্যাংক এ কুঁজের  
বোঝা কি বয়া যায়? এসো ল্যাং, একটু টেনে এসো, বড়  
তাড়া—বড় তাড়া! গাড়ী জুত্বে তর্ সময় নি।

জোবি। আমি তোমার জন্তে দাঁড়িয়ে আছি।

হুলাল। ভালা—তোমার বাহাঙ্গরী, এ চেহারা দেখতে যে খাড়া আছ, এইতে তোমায় ছেলাম !

জোবি। তুমি ভালবেসেছ, তুমি দরদী হ'য়েছ, আমি তোমার চোখ দেখে চিনেছি, আর যেন বেদরদী হ'য়ো না ! যদি প্রেমের জ্বালা বুঝে থাকো, তা হ'লে যেন অবলাকে জ্বালা দিও না ; বড় জ্বালা, বুঝেছ ? জ্বালার ওষুধ কি জানো ? আপনাকে ভাসিয়ে দেওয়া, পরের সুখে সুখী হওয়া। জ্বালা আর কিছুতে নেভে না—আর কিছুতে নেভে না ! যারে ভালবাসো, তারে দরদ ক'রো।

হুলাল। পাগলি চাঁদ, এক হাত নিলে। জ্বলে বটে বাবা, খুবই জ্বালা ! দেখছি চাঁদ, আপনার দরদ ক'রলে দরদী হওয়া যায় না। কিন্তু চাঁদ, স্বভাব য য ম'লে ! তুমি কথার মত ছ'কথা ব'লে বটে, পারা যায় কি ? ক'রে দেখেছ কি ? না উড়োবুলি শিখে পথে ঝাড়্‌চো ?

জোবি। তুমি চো বুঝেছ, এ না ঠেকলে কেউ কি শেখে ? না ঠেকে শিখে কি পাগল হ'য়েছি ?—না ঠেকলে কি আপনাকে বিলিয়ে দিচ্ছি ? না ঠেকে কি তোমায় চিনেছি ? না ঠেকে কি দরদী হ'য়েছি ?—তোমার দরদ বুঝেছি ? ঠেকে শিখেছি, তাই তোমার জন্তু দাঁড়িয়ে আছি ! নইলে তো আমার কাজ ফুরিয়েছে ! শোনো, শোনো, প্রাণ দিয়ে প্রাণ কিনো, দেহ কিনো না। প্রাণ পেলে প্রাণ জুড়ায়, দেহ পেলে নয়। তুমি দরদী,—দরদ নিয়ে—প্রাণের বদলে প্রাণ চেও ! সুখ চাও তো সুখী ক'রো ! নইলে জ্বালা দ্বিগুণ বাড়ে। দরদী দরদ চায়, প্রাণ দিয়ে প্রাণ চায়, তার কাছে মাতীর দেহের কদর নাই।

হুলাল। আচ্ছা চাঁদ, বড় তাড়া ! তোমার পড়া মুখস্থ ক'রতে ক'রতে চ'ল্লুম, কিন্তু বাবা, তেমন মেধা নয়, ভুলে যাই কি মনে থাকে !

জোবি। যখন শুনেছ, যখন দরদী প্রাণে বুঝেছ, তখন আর ভুলবে না ! এ কেউ ভোলে নি, কেউ ভোলে না ! ছেনো, এ ভোলবার ঘো নেই, ম'লে ভোলে কি না—জানি নি !

[ জোবির প্রস্থান।

হুলাল। নিলে বাবা পাগলো বেটা এক হাত ! বেটাকে মাষ্টার রেখে বাবা যদি পড়াতে, দু'আঁখর শিখ'তুম। এ

দরদী পাগলী, দরদ জানে ! নইলে কি বাবা বেদরদী প্রাণে দরদ এসেছে বুঝ'তো !

[ হুলালচাঁদের প্রস্থান।

( জোবির পুনঃ প্রবেশ )

জোবি। আর কি কাজ আছে ? না ! ঘোরা ফুরিয়েছে, ভিক্ষা ফুরিয়েছে, চোকের জলও শুকিয়েছে ! আর জোবি কাঁদবে না, আর জোবি ধুরবে না, আর জোবি কারও জন্তু ফিরবে না !

( গীত )

কোথা হে মধুসূদন,  
ফুরালো আর কাজ কি আছে,  
একলা নারী রইতে নারি,  
থাকবো গিয়ে তোমার কাছে।  
থাকে না দিন, দিন গিয়েছে,  
মনে গাঁথা সব র'য়েছে,  
চরম দিন আজ উদয় হ'য়েছে—  
আলো ক'রে আগে চল, পাগলিনী যাবে পাছে।

[ প্রস্থান।

## অষ্টম গর্ভাঙ্ক

করুণাময়ের বৈঠকখানা।

বরযাত্রী ও কন্যাত্রিগণ, বরবেশে কিশোর,

ঘনশ্যাম, করুণাময় ইত্যাদি।

( রামলালের প্রবেশ )

রামলাল। ম'শায়, বরযাত্র-কন্যাত্র—খাইয়ে দিই ;  
লগ্নের এখনো দেবী আছে, আমরা খাইয়ে নিশ্চিন্ত হই।

ঘনশ্যাম। ই্যা বাবা !

রাম। ব্রাহ্মণদের ছোট আটচালায় বসিয়ে দিইগে,  
তার পর বড় আটচালায় পাত করি।

ঘনশ্যাম। একদ্বারে সব বসাবে ?

রাম। আমরা চের লোক সব আম্রাই রইছি, ভাবছেন  
কেন ? নোহিতবাবু যে খাট'ছে—বুঝলে কিশোর ! দেখলুম,  
বড় চমৎকার লোক !

ঘনশ্যাম। বেই ম'শায়, বিমর্ষ হ'চ্ছেন কেন? আজ-  
কের দিন অণ্ড কথা মনে ক'রবেন না।

করণা। না—না, বিমর্ষ কেন?

( উকীলের সঠিত রূপচাঁদের প্রবেশ )

রূপ। বিমর্ষ একটু হ'তে হবে বৈ কি! আমায় চিন্তে  
পাবুচ্ছেন তো? আমি রূপচাঁদ মিস্ত্রির। বাড়ী ফিরিয়ে  
দিয়েছি, দেনা শোধ ক'রে দিয়েছি, পাঁচ হাজার টাকা নগদ  
দিয়েছি। সেও লিড হ'কম ক'রবেন, আর আমার ছেলের  
সঙ্গে মেয়ের বে' দেবেন না, তাকি হয়?

উকীল। ম'শায়, বড় অণ্ডায় কাজ ক'রছেন, cheat-  
ingএ প'ড়বেন। বিবেচনা করুন, এগনো এ কণ্ডা পায়স্থা হয়  
নাই। রূপচাঁদবাবুর পুত্রের সঙ্গে বিবাহ দেন, নইলে ছেল  
খাট'তে হবে।

রূপ। তুমি না বড় সজ্জন লোক, তোমার না বড়  
কথার ঠিক? মেজো মেয়ের বে'র সময় শুনেছি—বড় হাত  
নেড়ে ব'লেছিলে যে, ছলারের সঙ্গে বে' দেবে না! টাকা  
চাও না। ব'লেছিলে, 'কথা দিয়েছি, এতে সর্বনাশ হয়—  
সপরিবার মরে—তাও স্বাকার!' এখন তো দিবি। কথার  
ঠিক দেখছি! তুমি বাগ্দত্তা হ'য়েচ—মনে আছে কি?  
বাগ্দত্তা মেয়ের আর একজনের সঙ্গে বে' দিচ্ছ? তোমার  
ধর্মজ্ঞান নাই, শাস্ত্রজ্ঞান নাই? তোমার মেয়ে অণ্ড পাত্রে  
প'ড়লে খিচারিণী হবে—জানো? তা তোমার মেয়ে যা হয়  
হোক। এখন তোমার মত কি—তা শুনি। মুখ থেকে কথা  
খমাও? আর ঘনশ্যাম বাবু, আপনি এই বাগ্দত্তা মেয়ের  
সঙ্গে ছেলের বিবাহ দেবেন? ছিঃ, অমন কাজ ক'রবেন না।

কিশোর। এ পরামর্শ—ম'শায় কেন দিচ্ছেন?

ঘনশ্যাম। বেই ম'শায়, ভাববেন না। ( রূপচাঁদের  
প্রতি ) ম'শাই, বাগ্দত্তা কি ব'লছেন? পরস্পর আশীর্বাদ  
করা হয় নাই, পত্র করা হয় নাই।

উকীল। Contract হ'য়েছে।

ঘনশ্যাম। বিজ্ঞাতায় আইন-অণ্ডমারে contract  
করায়, বাগ্দত্তা হয় না। রূপচাঁদবাবু, কত টাকার contract  
ক'রেছেন বলুন, আমি এখনি হুদ সমেত সেই টাকা দিতে  
প্রস্তুত।

উকীল। উনি specific performance of

contractএ বিবাহ দিতে bound. আমরা যদি টাকা না  
নিই।

ঘনশ্যাম। ভাল—আদালত ক'রবেন। এখন আপনি  
টাকা নিতে প্রস্তুত কিনা বলুন? আমি হুদসমেত এখনি  
দিচ্ছি। কত টাকার দাবী বলুন? ( করণাময়ের প্রতি )  
বেই ম'শায়, আপনি বাড়ার ভেতর যান, আমি কথা মেটাচ্ছি,  
কিছু চিন্তা ক'রবেন না। যান যান, এখানে দাঁড়িয়ে থাক্-  
বেন না। ( রূপচাঁদের প্রতি ) ম'শায়, কত টাকা বলুন?  
আমার বাড়ী থেকে লোক ফিরে আসার অপেক্ষা, —কড়ায়-  
গণ্ডায় আপনাকে দিচ্ছি।

[ করণাময়ের প্রস্থান।

রূপ। যেও না—যেও না, অত লজ্জা কিসের? জুচুরী  
ক'রতে লজ্জা হয় নি? বাগ্দত্তা মেয়ে আর একজনকে  
দিতে লজ্জা হ'চ্ছে না। বাঃ, খুব কারবার শিখেছ। এক  
মাল হু'খদেরকে বেচতে শিখেছ!

ঘনশ্যাম। ম'শায়, মিছে বকাবকি ক'রছেন কেন?  
যা ক'রতে হয়, ক'রবেন।

রূপ। যা ক'রবার ক'রবো বই কি! সে পরামর্শ তো  
ম'শায়ের সঙ্গে নয়? ( নেপথ্যে চাহিয়া ) ওহে করণাময়,  
শোনো—শোনো, দুটো পয়সা নিয়ে যাও—কলসী কেনো,  
খিড়কার পুকুর আছে—মেজো মেয়ে পথ দেখিয়েছে। যাও  
—যাও, কলসী নিয়ে যাও, কলসী নিয়ে যাও, মেয়ে বেচে  
থাও, লোকালয়ে আর মুখ দেখিয়ে না!

ঘনশ্যাম। ম'শায়ের বড় মুখ বটে! টাকা দিয়ে-  
ছেন, টাকা নেবেন, অত লম্বা কথা কেন? আপনি যান,  
আপনি এখানে নিমগ্নিত ননু।

রূপ। দেখছি আপনার ডের টাকা! টাকা যায় যাক,  
ছেল খাটাবো—তবে ছাড়বো।

( ছলারচাঁদের প্রবেশ )

ছলার। বাবা—বাবা, পেড়াপীড়ি করো না—পেড়াপীড়ি  
করো না। আমি বে' ক'রতে চাই নি।

রূপ। ছলো এসেছি—আয়।

ছলার। এসেছি, বে' ক'রতে আসি নি, আমর আকৈল  
হ'য়েছে বাবা! কিশোরবাবু, আমি খুব খুঁসা, তুমি বে' করো।  
বাবা, আমি ভালবেসেছি। তোমায় তো ব'লেছি, করণা-

ময় বাবুর মেয়ে দেখে অবধি আমি এক রকম হ'য়ে গিছি। দেখেছো তো বাড়ী থেকে বেরুই নি, ইয়ার-বন্ধুদের সঙ্গে দেখা করি নি, বাগানে যাই নি। বাবা, কিশোরবাবুর সঙ্গে আমোদ ক'রে বে' দিয়ে ঘরে ফিরে চলো।

রূপ। নে—চূপ কর, বেলকোপনা করিস্ নে। করুণা বাবু—করুণাবাবু, শুনে যাও, নিজ মুখে বলে যাও, বে' দেবে কি না, বলে যাও, —তারপর আইন আছে কি না, আমি বুঝে নিচ্ছি।

হুলাল। আর আইন কি ক'রবে বাবা? আমি তো বে' ক'রতে নারাজ, তোমার আইন তো চ'লবে না। বাবা, কিশোরবাবুকে দেখ, আর তোমার এই ছুষমণ চেহারা ছেলে দেখ। করুণাময়বাবুর মেয়ে যে দেখনি, তা হ'লে বাবা পেড়াপিড়ি ক'রতে না, তা হ'লে সে পদ্মিনী মেয়েকে তোমার এই গুব্বরেপোকা ছেলের সঙ্গে বে' দিতে চাইতে না।

১ম লোক। আর তো ম'শায়, আপনার দাবী-দাওয়া নাই, আপনার ছেলে বে' ক'রতে নারাজ।

হুলাল। হ্যাঁ ম'শাই, সবাই শুনুন, আমি নারাজ। বাবা বোঝো, এই ছুষমণ চেহারার যদি দুটি তিনটি মেয়ে কাটে, তা হ'লে বাবা, সে সব মেয়ে পার ক'রতে তোমার বিষয় থাই পাবে না। এর সিকি কুঁজ নিয়ে এক এক লক্ষী বেরুলেই তোমার মুণ্ডপাত হবে বাবা! বাবা, করুণাময়ের ঝাড়—মেয়ে বিয়োনোর ঝাড়—কুঁজো খোড়ার গাঁদি লাগিয়ে দেবে। বাবা, আমোদ ক'রে বে' দেখে যাও, না দেখতে পারো, বাড়ী যাও। আমি কিশোরবাবুর সঙ্গে জোটপাট দেখে প্রাণ ঠাণ্ডা ক'রে যাই।

রূপ। এমন ছেলেও জন্মেছিল! উকীলবাবু, টাকা-গুলো মাটা হবে না কি? ঘনশ্যামবাবু, বাড়ী খালাস ক'রে দিয়েছি, সাত হাজার টাকার দেনা দিয়েছি, পাঁচ হাজার টাকার নগদ নোট সহ ক'রে দিয়েছি।

ঘনশ্যাম। ভয় নেই, সব শুদ্ধ কত টাকা বলুন, সূদ হিসাব করুন, আমি দিচ্ছি।

হুলাল। বাবা, একবার চামার-বৃত্তি ছাড়ে! অনেকের গলায় পা দিয়েছ, তোমার কুঁজো বেটার ভোগ হবে না বাবা! এ সব দাবি দাওয়া ছেড়ে দাও; তোমার নাম জল্জলাট হ'য়ে যাবে। বুঝ না, তোমার এ রূপে-গুণে সোণার চাঁদ ছেলেকে যে বে' দেবে, সে গলায় দড়ি দিয়ে

ঝুলবে বাবা! সঙ্ক ক'রে এসেই দড়ি বাগিয়ে রাখবে! কিশোরবাবু, আমার একটা মিনতি, এটি তোমায় রাখতেই হবে। এই চেন ছড়াটি, এই দুটি এয়ারিং আর এই দুটি ব্রেসলেট তুমি স্বহস্তে তোমার স্ত্রীকে পরিবে দিয়ে একবার দাঁড়াবে, আমি একবার তোমাদের দু'জনকে দেখবো। কিশোরবাবু, তোমার স্ত্রীকে ভালবেসে, আমি ছুনিয়া আর এক চক্ষে দেখছি। আমার মনে ময়লা নাই—জ্যোতি আমার মায়ের পেটের বোন! বাবা, এই ক'টা টাকা ছেড়ে দিয়ে নাম কিনে নাও। কিশোরবাবু, আমার কথা রাখবে তো?

কিশোর। হ্যাঁ ভাই! তুমি এমন মহৎ-আত্মা,— আমি জানুতেম না।

হুলাল। পাগলি—পাগলি, দেখে যা, তোর পড়া ভুলি নি। আর জালা নেই, আমার প্রাণ জল হ'য়ে গিয়েছে।

রূপ। এমন ছেলেও জন্মায়, মাগী ছুন গিলিয়ে মারে নাই!

উকীল। ইস্! মস্ত caseটা হাতছাড়া হ'লো, nice point of law discuss হ'তো!

[ রূপচাঁদ ও উকীলের প্রশ্নান।

হুলাল। বোসজা ম'শায়—বোসজা ম'শায়, ভয় নাই, বেরিয়ে এসো।

ঘনশ্যাম। ( সরকারের প্রতি ) সরকার ম'শায়, কাল উকীলের বাড়ী গিয়ে কত টাকা হয়, হিসেব ক'রে দিয়ে এসো।

( রামলালের পুনঃ প্রবেশ )

রামলাল। ম'শায়, বর সম্প্রদানের জায়গায় বসালে হয় না? এখানেও না পাত ক'রল হ'চ্ছে না।

ঘনশ্যাম। বেশ তো বাবা—বেশ তো! ( পরামর্শিকের প্রতি ) স্বরূপ, কিশোরকে নিয়ে আয়। ওরে ম'শো, বিছানা-টিছানাগুলো তোলা।

[ সকলের প্রশ্নান।

## নন্দম গর্ভাক্ষ

গোয়াল ঘর

করুণাময় ।

করুণা । এই যে, এখনো গোম্পদ-চিহ্ন র'য়েছে । জারুবৌ-  
তীরের ক্রায় পবিত্র স্থান ! বড় উৎসাহে গোশালা প্রস্তুত  
ক'রেছিলেম, গো-চুখে কণ্ঠা প্রতিপালন ক'রবো ।  
গোরক্ষ লক্ষীছাড়া গুণে থাকবে কেন ? কে তুমি ? হ্যা—  
যা ব'লেছ,—নিষ্কর্ন স্থান বটে ! এতদিন কোথায় ছিলে ?  
তুমি যথার্থ বিপদের বন্ধু ! কিন্তু এতদিন দেখিনি কেন ?  
বিপদের স্রোতে তো ভাসুচ্ছি, এতদিন দেখা দাওনি কেন ?  
হ্যা—বুঝেছি ! এত দুঃখে তবুও মান ছিল, এত দুঃখেও  
সত্য ভঙ্গ হয় নি, বুঝেছি, এখন চরম হ'য়েছে—তাই চরম  
সখা উদয় হ'য়েছ ! মা, এসেছ ? আমি যাচ্ছি ! খিড়কিতে  
বড় ভিড়, তাই এখানে এসছি । অপেক্ষা করো, আমি  
যাচ্ছি । তোমার বিপদ-সখা দুঃখ সাগরের কাণ্ডারীর দেখা  
পেয়েছি । দেখেছো না, ঐ দাঁড়িয়ে হাসছে । তুমি খেতে  
পাওনি, তাই জল খেয়ে পেট ভরিয়েছিলে ! আমি তো  
যাচ্ছি, আমার জল খাবার প্রয়োজন নাই । এইখানে—  
এইখানে—অনেক উপায় আছে । এই অস্ত্র র'য়েছে । কিহে,  
কি ব'লেছ ? অস্ত্রে ঠিক হবে না ? না, ঠিক ব'লেছ ! কি  
জানি, যদি না মঞ্চে গবেশ করে ! এই যে, আমার হীনতার  
সাক্ষী সঞ্চেই আছে । এখন আনায় পরিত্যাগ করো, আমি  
বন্ধুর আশ্রয় নিই, তোমাদের আর প্রয়োজন নাই । ( পাঁচ  
হাজার টাকার পাঁচখানি নোট নিষ্ক্ষেপ ) রজ্জু—রজ্জু ! ঠিক !  
মা, ব্যস্ত হয়ে না, অধিক বিচলন নাই । কিহে, আমার মতন  
অভাগা অনেক আছে, তাদের কাছে যেতে হবে, তাই ব্যস্ত  
হ'চ্ছ ? বটে—বটে, একটু অপেক্ষা করো, এই আমি প্রস্তুত  
হ'চ্ছি । কোথা হ'তে মুল'বো ?—ঐ জানালা থেকে । ঠিক,  
অপেক্ষা করো—অপেক্ষা করো, কি জানি—কে আসবে,  
আমি আগোড়টা দিই । (যাইতে যাইতে) আর কি মা—আর  
বিলম্ব তো নাই ! ( গোয়াল ঘরে প্রবেশ করিয়া ভিতর  
হইতে আগোড় বন্ধ করন )

( কিরণ, মোহিত ও ঝিয়ের প্রবেশ )

মোহিত । কই—কোথা ? এখানে তো নাই ।

কিরণ । হ্যা—এই দিকেই এসেছেন ; আমায় ব'লেন  
—আসুচ্ছি ।

( রামলালের প্রবেশ )

রাম । কই, দেখা পেয়েছ ?—আমি খিড়কির ঘাট  
পর্যন্ত সমস্ত খুঁজে এলেম, কৈ—কোথাও তো পেলুম না ।

ঝি । ও গো—এই গোয়ালের মধ্যে কি রা পাচ্ছি ।

মোহিত । এঁ—তাই তো !

রামলাল । আগোড় ভেঙ্গে ফেলো—আগোড় ভেঙ্গে  
ফেলো ! ( স্বগত ) বুঝি সর্বনাশ হ'য়েছে !( সকলের আগোড় ভঙ্গ করণ ও উদ্বন্ধনাবস্থায়  
করুণাময়কে দর্শন )ওহে, সর্বনাশ হ'য়েছে—সর্বনাশ হ'য়েছে ! এই যে ছুরি  
প'ড়ে, দড়ি কেটে দাও—দড়ি কেটে দাও । সর্বনাশ  
হ'য়েছে—আসুন—আসুন ।

( মোহিতের জানালায় উঠিয়া দড়ি কাটিয়া দেওন

ও রামলাল প্রভৃতির করুণাময়কে ধরিয়া লওন )

রামলাল । শীগ'গির জল নিয়ে এসো—জল নিয়ে এসো !  
ডাক্তারবাবু—ডাক্তারবাবু !

( সর্মতির সভ্যগণের প্রবেশ )

কিরণ । বাবা—বাবা ! কি ক'বুলে—কি সর্বনাশ  
ক'বুলে ! আমি কালসাপিনী কণ্ঠা জন্মেছিলুম, আমা  
হ'তেই তোমার দুর্গতি ! হায় হায় ! অলক্ষণা কেন  
জন্মেছিলুম ! কি হোলো, বাবা, ওঠো ! এমন সর্বনাশ  
ক'রে যেও না !মোহিত । ডাক্তার, দেখুন—দেখুন, ( কিরণের প্রতি )  
ওঠো—স'রে যাও—দেখতে দাও !ডাক্তার । ( পরীক্ষা করিয়া ) Dead !—medulla  
ভেঙ্গে গিয়েছে, তৎক্ষণাৎ মৃত্যু হ'য়েছে, আর উপায় নাই ।

( বেগে সরস্বতীর প্রবেশ )

সর । কই—কই, আমায় ছেড়ে কোথায় যাও !

( মূচ্ছা )

কিরণ । মা মা, ওঠো মা—ওঠো ।

সর । ( সংজ্ঞাপ্রাপ্ত হইয়া ) মরি মরি ! বড় দুঃখ পেয়েছ !  
কারো কথা সহিতে পারো না, বড় অভিমানে চ'লে গিয়েছ !  
এই ভাব'নাই ভেবেছ ! আমার ভাব'নাই ভেবেছ । আমি মাথা  
ওঁজে থাকবো, তাই বাড়ী ঠিক ক'রেছ ! আমার পোড়া পেটের

জন্ম, আমার ছেলে-মেয়ের জন্ম—লোকের কাছে মাথা হেঁট করে এসেছ, তাই আপনাকে বলিদান দিয়েছ ! তা আমায় কেন বল নি ? আমার কাছে তো কখনো কিছু লুকোয় না ? জ্যোতির বেঁতে তুমি আপনাকে বলিদান দেবে, তা কেন আমাকে বলো নি ? আমায় ছেড়ে তো একদিনও থাকতে পারো না ? আজ কেন ছেড়ে চলে যাচ্ছ ? আমায় ফেলে যেও না—আমায় সঙ্গে নাও !

মোহিত ! ( ডাক্তার ও রামলালের সহিত পরামর্শ করিয়া ) কিরণ—কিরণ, তোমার মাকে নিয়ে যাও ।

সর । কে, বাবা—মোহিত ? আমায় কোথায় নিয়ে যেতে ব'ল্ছ ? আমি যে কর্তার সঙ্গে যাবো ! এতদিন আমি আমার হিরণের কাছে যেতুম, কর্তার জন্ম পারি নি । ঠাঁর কষ্টের উপর কষ্ট হবে, তাই আমার হিরণের কাছে যাই নি । এখন আমার পথ খোলসা,—আর আমি থাকবো কেন ? তুমি কিরণকে নিয়ে ঘর ক'রো । কিশোর আমার জ্যোতির ভার নিয়েছে ; বাবা, আর আমার তো কাজ নেই ।

( দ্রুতবেগে ঘনশ্যাম, কিশোর, জ্যোতির্ময়ী ও অগ্ন্যন্ত আত্মীয়ের প্রবেশ )

জ্যোতি । মা—মা !

সর । কেরে ? জ্যোতি ! আর কেন ডাকছিস মা—আর কেন ডাকছিস ? আমি তোকে কিশোরকে দিয়ে নিশ্চিন্ত হ'য়েছি । তারে আমার নলিনকে দেখতে ব'লিস,—সে বড় অভাগা !

জ্যোতি । মা !—

সর । আর আমি তোদের মা নই,—আর কেন মা

ব'ল্ছিস ? ঐ দ্যাখ, হিরণের হাত ধ'রে কর্তা আমায় ডাকছে ! ( মৃত্যু )

কিশোর । ডাক্তার—ডাক্তার !

ডাক্তার । ইস—heart এর action stopped. icy-cold.

কিশোর । কোন উপায় নাই ?

ডাক্তার । মুখ দিয়ে রক্ত উঠছে, বোধ হয় Artery ছিঁড়ে গেছে ।

( নলিনের প্রবেশ )

কিরণ । নলিন, বাবা—মা ছেড়ে গেল !

নলিন । অ'্যা—মা ! এই যে বাবা ! বাবা—বাবা—ও মা—মা !—দিদি—কি হবে !

ঘন । ভয় কি বাবা, আমি তোমার বাপ,—আমি তোমার মা !

( কোলে তুলিয়া ল'লন )

মোহিত, মায়েদের নিয়ে যাও । কিশোর, ভাবিনীকে আর বড় বউকে আনতে পাঠিয়ে দাও । আমাদের সমাজে কন্টার পিতার এই পরিণাম ! ঘরে ঘরে এই শোচনীয় অবস্থা ! কোথাও পুত্রবধূর আত্মহত্যা, কোথাও কন্টা পরিত্যক্তা ! প্রতি গৃহে দরিদ্রতা ! সকলের চক্ষের উপর এই শোচনীয় দৃশ্য গৃহে গৃহে নিত্য বিরাজমান !—তথাপি আমরা পুত্রের শুভবিবাহে কন্টার পিতাকে পীড়ন ক'রতে পরাশ্রুত হই না । পবিত্র উদ্বাহ, আমাদের সমাজের এক অমৃত কীর্তি—জগতে এক মূতন রহস্য ! বাঙ্গালায় কন্টা সম্প্রদান নয়—**বলিদান !!**

সবনিকা

# নসীরাম



## ( ভগবদ্বাক্যমূলক নাটক )

[ ১০ই জৈষ্ঠ, ১২৯৫ সাল, ষ্টার থিয়েটারে প্রথম অভিনীত ]

“ভগবান শ্রীশ্রীরামকৃষ্ণদেবের ভাবকে মূর্তিমন্ত করিয়া ‘নসীরাম’—চরিত্র গঠিত। \*\*\* কামের দুর্দমনীয় ও বীভৎস প্রভাব—এই নাটকের জীবন। ইহতে যে নাটকীয় সংস্থান (Dramatic Situation) আছে, বঙ্গ নাট্যসাহিত্যে তাহা অতি বিরল। একমাত্র ‘ওথেলো’র সঙ্গে তাহার তুলনা হইতে পারে। অকৃত্রিম ভালবাসা স্বার্থের ষড়যন্ত্রে ভিন্নভাবে প্রতীয়মান হইয়া যে কিরূপে ছিন্ন-বিচ্ছিন্ন হইয়া যায়, এ নাটকে তাহার অতি মর্মস্পর্শী চিত্র প্রদত্ত হইয়াছে। তবে দেশভেদে—রুচিভেদে নাটকের গতি ভিন্নরূপ হয়, ওথেলো নাটকের পরিণাম নিবিড় তিমিরাচ্ছন্ন,—এ নাটকের পরিণাম—ভক্তির আলোকময় চিত্রে সমুজ্জল।”

শ্রীঅবিনাশচন্দ্র গঙ্গোপাধ্যায়-প্রণীত **গিন্ধিশচন্দ্র** (৩৪৯৫০ পৃষ্ঠা দ্রষ্টব্য)

## নাট্যোল্লিখিত ব্যক্তিগণ

পুরুষ

স্ত্রী

শ্রীকৃষ্ণ

শ্রীরাধা

নসীরাম

যোগেশনাথ

...

গৌড়াধিপতি।

অনাথনাথ

...

রাজকুমার।

কাপালিক

...

রাজার গুরু।

বিরজা

মাধুলী

সোণা

... চাতুরী-দীক্ষিতা বন্দীবালা।

... ঐ সহচরী।

... কাপালিকের ভৈরবী।

রাজমন্ত্রী, সভাসদগণ, শঙ্কুনাথ, ভূতনাথ, সৈন্যগণ, রক্ষীগণ,

পাহাড়ী ও পাহাড়ীবালাকগণ, শববাহকগণ ইত্যাদি।

## প্রথম অঙ্ক

### প্রথম গর্ভাঙ্ক

বৃক্ষতল

মদ্যপানরত ভূতনাথ, শঙ্কুনাথ ও সৈন্তগণ।

( সকলের গীত )

রপিয়া, লুকিয়ে রেখেছ কোথা পা ?

তুমি অমন করে শুঁড়ীর ঘরে,

পায়ের ধরি আর যেও না।

যে তোমার ট্যাকে রাখে,

সে তখন বঁকে থাকে,

কে জানে হায় সদর হও কাকে ;—

ছাড় দাগাবালী, হও না রাজী,

ডাকছি এত ঘামাও গা !

ভূত। আচ্ছা ভাই, আমরা এখানে বসে আমোদ  
ক'রছি, রাজকুমার টের পেলে যে গর্দানা নেবে।

শঙ্কু। রাজকুমার এখন পিরীতে হাবুড়ুবু, আর একটু  
আমোদ ক'রবো না ? এত বড় লড়াইটে জিতে এলেম !

ভূত। না রে, মদের উপর ভারী চটা।

শঙ্কু। মদ কি ! কারণ ক'রবো না ? আমরা স্বামিজীর  
চেলা, স্বামিজী যে-সে নয়—রাজার গুরু !

ভূত। তুই শালা আবার চেলা কবে হ'লি ?

শঙ্কু। কেন, আমি যে সোণামণির সঙ্গে পিরীত  
ক'রতে যেতুম ; বেটা ঘেড়ায় না।

ভূত। শালা, গুরুপত্নীর ওপর ট্যাক !

শঙ্কু। কেন রে শালা—ওতে দোষ কি ? আমরা সব  
ভৈরব, আর মেয়েমানুষ সব ভৈরবী। সোণামণি—ভৈরবীর  
বাদশা !

ভূত। আর তুই শালা বুঝি ভৈরবীর বেগম ?

শঙ্কু। তুই শালা জানবি কি, তুই যদি আমার উপগুরু

করিস্ তো তোকে শেখাই। আমি মস্ত লোক হ'য়ে যাব,  
দেখিস্—সোণা ক'রবো, ধুলোপড়া দিয়ে মেয়েমানুষ বা'র  
ক'রবো। স্বামিজীর একটা কাজ ক'রে দিলেই আমায় সব  
শিখিয়ে দেবে।

ভূত। আচ্ছা, আমার ভগীকে বশ ক'রে দিতে  
পারবি ?

শঙ্কু। এক ফুঁয়ে !

ভূত। ওরে নে, পাগ্লা শালা এ দিকে আসছে।  
পালা—পালা—পালা ! ও সব জায়গায় যায়, যদি কুমারকে  
ব'লে দেয় !

শঙ্কু। ইয়ারে ইয়া, পালা—পালা—পালা—

[ সকলের প্রস্থান।

( নসীরামের প্রবেশ )

নসী। ঐ যা, সব পালিয়ে গেল ! তা আমি কি  
ক'রবো বাপু ; আহা বেড়ে পালাল, আমি কদিনে পালাব !  
পালাব বই কি, তুমিও যেমন, এখানেও থাকে ! চোক  
বুজে দাঁড়াই, যে দিকে টেনে নে যায়, সেই দিকে যাই,—  
সিদে চ'লে চল।

[ প্রস্থান।

### দ্বিতীয় গর্ভাঙ্ক

কক্ষ

বিরজা ও মাধুলী।

বিরজা। মাধুলি, তুমি দিন-রাত কাঁদ কেন ? খাবার  
সময় তোমায় ডাকি, আজ তিন দিন তুমি আস্হ না।

মাধুলী। সখি, শোন, যদি তুমি আমায় ভালবাস তো  
তোমার পরিচয় দিও না। রাজকুমার তোমায় ভালবাসে।  
তোমার প্রাণের ভয় নাই জানি, কুমার যদি শোনে, তুমি  
রাজকুমারী নও, তা হ'লে পাগল হবে।

বিরজা। সখি, এ অস্বরোধ ক'রো না, আমি অনেক  
চাতুরী ক'রেছি, আর চাতুরী ক'রবো না।

মাধুলী। দেখো, দেখো, সরল প্রাণে ব্যথা দিওনা।



( মাধুলীর গীত )

বাখা পাবে সরস প্রাণে বাখা দিও না,—  
 ছি ছি সই, শেল মেরে শেল বুকে নিও না !  
 কেন লো ক'রে যতন, এক মরণে ম'ববে দু'জন,  
 না জানি হার কেমন তোমার মন ;  
 মজিয়েছ আপনি ম'জে.  
 আপনি ভেসে তার ভাসিও না।

( অনাথনাথের প্রবেশ )

মাধুলী । এই যে কুমার আসছেন, আমি যাই ।  
 অনাথ । কেমন আছেন ?

[ মাধুলীর প্রস্থান।

বিরজা । আপনি কেমন আছেন ?

অনাথ । মনে করেন কি, কথার কথা ভিজ্ঞাসা  
 করি ?

বিরজা । আপনি মনে করেন কি কথার কথা  
 ভিজ্ঞাসা করি ?

অনাথ । আমি ভাল আছি,—আপনি কেমন আছেন  
 বলুন ?

বিরজা । আমিও আছি ভাল, ব'সুন, দাঁড়িয়ে  
 রইলেন যে ?

অনাথ । আপনি বসুন । একটা কথা আমায় ব'ল-  
 বেন ? রাজ-নিয়ম মৈলে আপনাকে দেশে পাঠিয়ে দিতে  
 পারি না, এ ভিন্ন অস্ত্র কিছুতে আপনি সুখী হ'তে পারেন  
 না ? আমি তো আপনার সঙ্গে যেখানে থাকতেম, সুখী  
 হ'তেম ।

বিরজা । কুমার, কুণ্ঠিত হ'চ্ছেন কেন ? দেশে যেতে  
 তো চাইনি ।

অনাথ । আপনাকে কি একদিনও সুখী দেখে না ?

বিরজা । আমি অসুখী, আপনাকে কে ব'লে ?

অনাথ । ওন সুলোচনা, জান না জান না—

যে বেদনা সহি নিশি-দিন ।

কল্পনাখ চিত্রি তব সুখের আবাস,

সঙ্গে সহচরী, নিত্য ভ্রম—

যেই স্থানে করিয়াছ বালাখেলা ।

হেরি চারিদিকে সহস্র আনন !

ফোটে ফুল চুমিতে ও কেশদাম,

সৌরভ ছড়ায় তব কায় হ'তে লীন ।

পার্থী গায় তুষিতে তোমায়,—

মনশক্ষে দেখি তুমি আনন্দে বিভোর !

তখনি হে কেঁদে ওঠে প্রাণ,

বলে হায়—

কোথায় এনেছি এই সরলা বালারে !

ভাবি কি দিয়ে ভুলাব,

কি আছে আমার, কোথা কিবা পাব,

জুড়াব ব্যথিত প্রাণ তব ।

শোন সুবদনি, কহিতে সরস-কথা,

চুরি ক'রে ধারা ব'য়ে যায় চোখে,

লাঞ্জে মুছি কেহ পাছে দেখে ।

বল, জান যদি বল,

কিসে তোমায় ভুলায়ে করিব সুখী ?

আমি বড় অভিলাষী—

ও অধরে হেরিতে আনন্দ-হাসি !

বিরজা । আমি যা ব'লবো, তা ক'রতে পারবেন ?

অনাথ । যদি সাধ্য হয়, এই দণ্ডেই সমাধা ক'রবো ।

বিরজা । দোষার দণ্ডবিধান ক'রতে পারবেন ?

অনাথ । কি ! কেউ কি আপনাকে বিরক্ত করে ?

বিরজা । না, আপনি ব'লেন বে, দিন দিন অসুস্থকান  
 ক'রেছেন, কিসে আমি সুখী হব । যা এতদিন খুঁজে  
 পান নি, এক কথায় তা পাবেন কেমন ক'রে ? আমায়  
 অসুস্থ ক'রে বলুন, মগধের সহিত আপনাদের কিরূপ  
 যুদ্ধ হ'য়েছিল ?

অনাথ । যদি শোনবার ইচ্ছা হয়, সে কথা আমি পরে  
 ব'লিচি, আপনার কথা আগে বলুন ।

বিরজা । এ কথার সঙ্গে সে কথা ?

অনাথ । যুদ্ধ-বিবরণ আপনি তো সকলই জানেন ।  
 মগধ-সৈন্য মহা প্রভাবশালী, দৈব-বিপাকে পরাজিত ।

বিরজা । আচ্ছা, যখন গঙ্গাতীরে মগধ-সৈন্য আপনার  
 বাহুবলে পরাজিত হয়, তখন আপনাদিগের উভয়ের অবস্থা  
 কিরূপ ?

অনাথ । সুন্দরি ! আমার বাহুবল নয়, জয়-পরাজয়

বিধাতার নির্বন্ধ। সাহস বীৰ্য্যে মগধ-সৈন্য আদর্শস্বরূপ। সে সময়ে আমরা প্রবল হয়েছিলেম, পরদিন গড় আক্রমণ ক'রতেম, ফল কি হ'ত জানি না, যদি জয়ী হ'তেম, মগধ করগত হ'ত।

বিরজা। আর যদি দুর্গ প্রবেশ না ক'রতে পারতেন ?

অনাথ। গড় বেঁটন ক'রে থাকতেম।

বিরজা। মগধের কি উপায় ছিল ?

অনাথ। একেবারে নিকপায় নয়, বীৰ্য্যবলে সকলি হ'তে পারে, কিন্তু সে সময় উপায় অতি স্বল্পই ছিল।

বিরজা। আমায় বন্দী করা ভিন্ন কি সন্ধির আর অপর উপায় ছিল না ?

অনাথ। দেখুন, মগধরাজ বার বার সন্ধির অবহেলা ক'রেছেন, তাই আমার পিতা এই কঠিন পণ ক'রেছিলেন, রাজকুমারী বন্দী থাকলে সন্ধিভঙ্গের বিশেষ আশঙ্কা নাই। কুমারীর অনিষ্টভয়ে বিপক্ষ পুনরাক্রমণ হ'তে নিরস্ত থাকবে, এই হ'চ্ছে উদ্দেশ্য।

বিরজা। তাই রাজকুমারী বন্দী ক'রেছেন ?

অনাথ। হ্যাঁ।

বিরজা। আপনি কতক সংবাদ জানেন না। বলি, সন্ধির প্রস্তাবেই রাজা-রাণী ঃকেন্দে অধীর, রাজকুমারীর অন্নজল পরিত্যাগ। এমন সময় মন্ত্রী এক উপায় ক'রলেন। তিনি গুটীকতক অনাথিনী বালিকাকে প্রতিপালন ক'রে-ছিলেন, তারা সকলেই সুন্দরা—চতুরতা-নিপুণা; তাদের তিনি ব'ল্লেন যে, রাজকুমারী সাজতে হবে।

অনাথ। তারা কারা ?

বিরজা। আপনি রাজকুমার, তারা কারা, জানেন না ?

অনাথ। না, আমি তাদের কথা এই প্রথম শুন্টি।

বিরজা। তারা অনাথা বালিকা, তাদের নিয়ে এসে সকল মনোহারিণী বিদ্যাশিক্ষা দেয়।

অনাথ। এর তাৎপর্য্য ?

বিরজা। যখন সন্ধির প্রস্তাব এইরূপ হয় যে, রাজ-পুরবাসী মহিলাগণ বিপক্ষের রাজ্যে সন্ধিরক্ষা হেতু বসতি ক'রবে, তখন তাদের প্রয়োজন হয়। সেই রাজ-পুরমালার পরিবর্তে তারাই প্রেরিত হ'য়ে থাকে।

অনাথ। এতদূর কপটতা! বুঝেছি, যদি সন্ধিভঙ্গের

সুযোগ পায়—সন্ধিভঙ্গ করে, এই অনাথিনীরাই যন্ত্রণা পায়।

বিরজা। আপনি এখন কতক বুঝেছেন। মন্ত্রী ঐ কন্যাদের ব'ল্লেন যে, রাজকুমারী সাজতে হবে, তাতে সকলেই ভয় পেলে, তখনও তাদের ভয় ছিল। কিন্তু একজন—ভয়-লজ্জা-ঘৃণাবর্জিতা—প্রাণহীনা!—

অনাথ। আপনি কি ব'ল্ছেন ?

বিরজা। প্রাণহীনা শুনে আপনার ভয় হ'চ্ছে? সত্যই প্রাণহীনা। তাদের শিক্ষা শুন্ন, বুঝতে পারবেন। যখন ভূষণ পেয়েছে, দূরে বারি রেখে বালিকাকে যন্ত্রণা দিয়েছে, উত্তম পরিচ্ছদ দিয়েছে, বালিকা আনন্দে তার পানে ধেয়ে গিয়েছে, ব'লেছে—“দূর হ, ছুঁস নি—তুই বাদী, এ তোমার নয়, তুই পর, যখন ইচ্ছা হবে, কেড়ে নেব—তুই বাদী।” যখন যা মনে সাধ উঠেছে, তখনি তারে ব'লেছে, ‘তুই বাদী’। অক্ষ, দারিদ্র, ক্ষুধাতুর সামনে এমন দিয়েছে—যখন করুণায় বালিকার প্রাণ আর্দ্র হ'য়েছে, তখন বেত্রাঘাত ক'রে ব'লেছে, “তুই বাদী, তোমার দয়া ক'রবার অধিকার নাই। এদের সামনে এই সব খা, যা না খেতে পারবি, কুকুরকে দিবি, তবু এদের দিবি নি।”

অনাথ। আর ব'লবেন না, আর আমি শুন্তে চাই না।

বিরজা। এই তো কৈশোর-শিক্ষা। শুন্ন, আরও শিক্ষা আছে—সৌবনে কটাগ্গে যুবার প্রাণ বিক্রয় ক'রতে হবে, যখন সে উন্নত হবে, তার আর মুখাবলোকন ক'রতে পাবে না।

অনাথ। এ সব কি কথা, আমায় ক্ষমা করুন।

বিরজা। তবে জানতে চান না, আমি কিসে সুখী হব ?

অনাথ। এর সঙ্গে আপনার সুখের কি সম্বন্ধ ?

বিরজা। সম্বন্ধ আছে, শুন্ন, সেই লজ্জাহীনা—রাজ-কুমারী সাজতে স্বাকৃত হ'ল।

অনাথ। আপনি কি ক'রলেন ?

বিরজা। আমি আপনার কাছে এলুম।

অনাথ। এই জন্ত মন্ত্রী এত সন্দেহ ক'রেছিল।

বিরজা। কিরূপ সন্দেহ ক'রেছিলেন ?

অনাথ। আমায় পুনঃ পুনঃ পত্র লিপেছিলেন যে, রাজকুমারী কি না, বিশেষ প্রমাণ নেবেন।

বিরজা। আপনি কি প্রমাণ নিলেন ?

অনাথ । আমি আপনাকে জিজ্ঞাসা ক'রলেম, আমি আপনার সরলতাপূর্ণ মুখ দেখে বুঝেছিলেম যে, আপনি কখনও মিথ্যা কহিতে পারবেন না ।

বিরজা । বুকুন, আমি প্রাণহীনা কি না বুকুন, আপনার সেই সরল বিশ্বাসের উপর আমি প্রতারণা ক'রে-ছিলেম । আমি রাজকুমারী নই, আমি প্রাণহীনা মন্ত্রী-গঠিতা মাৎসপুত্রী ।

অনাথ । কুমারি, ক'রো না ছল !

জান না—জান না আমার প্রাণ ।  
নিত্য হেরি হৃদয়ে তোমারে,  
অস্তরে অস্তরে তোমার আবাস-স্থান !

বলো না বলো না—

এত দিনে চিনি নি তোমায়,  
তুমি সরলতাময় !

কিবা আর পরীক্ষা করিবে ;

লহ এ অঙ্গুরী,

যাও চ'লে নিজ দেশে ;

কেহ না রোধিবে ।

দিন দুই পরে,

লোক-মুখে সমাচার পাবে,

রাজদণ্ডে করিয়াছি তনুত্যাগ ।

জানি আমি জানি বহুদিন,

নাহি হেন গুণ,

যাহে ভালবাসা পাইব তোমার,

ভালবেসে ভোলাব তোমার মন !

যাও, অশ্ব প্রস্তুত আমার,

মুক্ত তব পিঞ্জরের দ্বার,

উড়ে যাও বিহঙ্গিনি !

কভু মনে ক'রো অভাগারে !

বিরজা । বিশ্বাসের প্রতিমূর্তি তুমি ধরনীতে,

ভয় পায় সন্দেহ পশিতে তব হৃদে ।

কেন আর যন্ত্রণা বাড়াও,

আমি দুষ্চারিণী দেহ মনে স্থান ;

ভূলাতে তোমার মন,

নিত্য করি রাজসূতা-অভিনয় ;

যবে মুঞ্চ হবে,

ভূলায়ে মগধে ল'য়ে যাব,

এই দীক্ষা পাইয়াছি আসিবার কালে ।

অনাথ । সত্য তুমি নহ রাজসূতা ?

বিরজা । না, প্রাণহীনা নারী-যন্ত্র আমি ।

অনাথ । মিথ্যা কথা !

নহ নহ প্রাণহীনা,

মিথ্যা কহ অভ্যাসের দোষে ;

উচ্চপ্রাণ কেবা তব সম ?

অরিপুরে অরির সন্মুখে,

নারী হ'য়ে কেবা শক্তি ধরে,

স্বৈচ্ছায় প্রকাশে কপটতা,

প্রাণ নাশ হবে যাহে ।

নীচ-শিক্ষা যত সহজাত

উচ্চভাবে করিয়াছ পরাজিত !

রাজকণা না করি বাসনা ।

তুমি মম হৃদয়-ঈশ্বরী,

সাধি পায়ৈ ধরি, ভালবাস—

আমি ভালবাসি !

বিরজা । কি দিব উত্তর, আছে কি উত্তর,

অমৃতে অসাধ কার ?

কিন্তু সুধা নহে সবাকার,

দেব-কণা করে পান !

ঘৃণ্য বটে,—

কিন্তু দাসী—তব সহবাসে

হেরেছে হীনতা তার ।

পূর্ণচন্দ্রে করিব না কলঙ্ক অর্পণ,

সন্ধি-ভঙ্গে মগধ মজিবে,

দেখিতে নারিব কভু মাতৃভূমি-নাশ ;

অবনীতে অবসান মম অভিনয় !

কেন আত্মঘাতী হব,

রাজ দণ্ডে বধ মোর প্রাণ ।

অনাথ । ভেব না বিষাদ ;

সন্ধিভঙ্গ নাহি হবে,

মগধ রহিবে ;

বল বল হে আমার হবে ?

বিরজা । না ।

অনাথ । কেবা ভাগ্যবান !

কারে তুমি সঁপিয়াছ প্রাণ ?  
বল, এনে মিলাই তোমার সনে ।  
দিনেকের তরে স্থখী হেরে তোরে,  
যাব চ'লে যথা যাবে প্রাণ,  
তুমি মাত্র ধ্যান রবে হৃদে ।

বিরজা । শুন, ভালবাসি !

ক্ষুদ্র প্রাণে যত ধরে ভালবাসা ।  
কিন্তু কেন কলঙ্কিত করিব তোমায় ?  
আমি নাহি জানি মম কুল-পরিচয়,  
মন্ত্রী মাত্র ক'রেছে পালন ।  
যবে তব জন্মিবে তনয়,  
কি কহিবে,  
কোন্ কুলোদ্ভবা তার মাতা ?  
ঘৃণা করি লোকে কবে তায়,  
কাম-বশে কুলটায় বরিল তাহার বাপ ।  
এই পরিণাম হেতু মজাব তোমায় ?  
ছার এ জীবন, রব ঘৃণার ভাজন !  
মনে মনে সবে কবে দুষ্চারিণী,  
লোক-অপবাদ-ব্যথা দিব তব প্রাণে !  
নারী ব'লে কেন কর ঘৃণা,  
প্রাণের না রাখি তত ব্যথা,  
গুপ্তচর—বধ কর, রাজার কুমার !  
হাসি যদি ভালবাস,  
মরিব হে হাসিতে হাসিতে ।

অনাথ । রাজা নহি,

গুপ্তচরে দণ্ড দিতে নারি ।  
কলঙ্কের ভয় কিবা দেখাও সুন্দরি !  
কব এই সরল প্রেমের কথা  
সরল ভাষায়,  
সরলায় কিনেছি সরল প্রেমে ।  
পৃথিবী কি পঙ্কিল এমন—  
তুনি এ প্রণয়-গাথা,  
অপবাদ করিবে অর্পণ ?  
কহিব এ কথা মম পিতার সন্দন  
অবশ্য হ্রবিবে তাঁর মন ।

যদি রাজা দণ্ড দেন গুপ্তচরে  
দিয়ে এ অধম স্বামী,  
হাস্তমুখে তখন কি করিবে গ্রহণ ?  
ব'লেছ তো স্থখী হবে রাজদণ্ড পেলে ।

বিরজা । কেন সভা-মাঝে দিবে হে কুলটা নাম ?  
বল গিয়ে মম পরিচয়,  
প্রণয় গোপনে রেখ' ।

অনাথ । কেন অশ্রু ভাব,  
পিতার উদার প্রাণ ।

বিরজা । বল গে সকল বিবরণ ।

এক ভিক্ষা পদে—

যবে বধ্যভূমে চারিদিকে ক'বে  
এই সেই দুষ্চারিণী,  
ছিলে মুগ্ধ ক'রেছিল ভূপতি-কুমারে !'  
ব'লো তুমি, নহে ছলে,—  
ভালবেসেছিল অভাগিনী ।

অনাথ । ভালবাস ?

বিরজা । ভালবাসি ।

অনাথ । তবে কেন কর প্রতিরোধ,—

বোঝনা কি অন্তর আমার ?  
তুমি প্রাণ, তোমা বিনা প্রাণশূন্য র'ব ।

বিরজা । আর নাহি করি প্রতিরোধ ,

কর যেন ইচ্ছা তব,  
বল গিয়া নৃপতিরে ।

অনাথ । যেন ইচ্ছা মম ?

বিরজা । যেন ইচ্ছা ।

অনাথ । দিয়াছি অঙ্গুরী,  
কর অঙ্গুরীর বিনিময় ।

বিরজা । লহ—ক'রো না ধারণ,  
এখন(ও) ভূতলে ফেল ;

বোঝ পরিণাম,  
উদ্বাহে চাতুরী তব প্রবেশিছে প্রাণে,  
এ বিবাহ রাখিবে গোপনে ।

অনাথ । স্বর্গ-স্থখ যাহে,  
কোথা তাহে মন্দ পরিণাম !  
প্রিয়ে !—

বিরজা । নাথ !

মাধুলীর প্রবেশ ।

মাধুলী । রাজকুমার, রাজার নিকট হ'তে দূত এসেছে ।

অনাথ । মহারাজ জানেন এখানে আছি, কে তাঁরে ব'লে ? শ্রিয়ে, আসি ।

[ অনাথনাথের প্রশ্নান ।

মাধুলী । কি সর্কনাশ হ'ল, রাজা কেন ডাকতে পাঠালেন ? দূতের মুখে শুনলেম, রাজা মন্ত্রণাগৃহে আছেন ।

বিরজা । পরমেশ্বরের মনে যা আছে, তাই হবে, ভেবে তো উপায় হবে না ।

( বিরজার গীত )

কি জানি কেমনে চলে জীবন-তরঙ্গ,—  
এ ছিলোলে মন দোলে আশায় মিশে আতঙ্ক !  
প্রবল বাসনা বহে, নিবারিলে নাহি রহে,  
সাধে প্রাণ যাতনা সহে ;—  
কি প্রসঙ্গ নব সঙ্গ নব রস নব রঙ্গ ।

[ উভয়ের প্রশ্নান ।

## হৃতীয় গর্ভাঙ্ক

রাজসভা

রাজা যোগেশনাথ, মন্ত্রী ও কাপালিক ।

রাজা । তবে সকলই সত্য ?

মন্ত্রী । এইরূপ তো গুপ্তচরের নিকট অবগত হ'লেম ।

কাপা । মহারাজ, রাজকুমার না এলে সবিশেষ অবগত হওয়া যাবে না । আমরা সকলেই অন্ধকারে ।

( নসীরামের প্রবেশ )

নসী । তার আর সন্দেহ কি—স্বামিজ, সকলেই অন্ধকারে !

রাজা । যা পাগ্লা, এখন যা ।

নসী । পাগল যাচ্ছে, কিন্তু দুটো একটা পাগ্লা আছে, তাই সংসার আছে ।

রাজা । চ'লে যা, চ'লে যা, এখন পাগ্লাসে করিস্ নি ।

নসী । দেখ দেখ, 'পাগ্লা—পাগ্লা' ব'লছে দেখ ; আমি নেচে গেয়ে বেড়াচ্ছি, আমি পাগল, না তোরা গালে হাত দিয়ে ভাব'ছিস্, তোরা পাগল ?

রাজা ! আচ্ছা বোস্, চূপ ক'রে থাক ।

নসী । দুটো একটা গ্রায্য অগ্রায্য ব'লবো না ?

কাপা । মহারাজ, রাজকুমারের নিকট সংবাদ অবগত না হ'লে কিছুই নির্ণয় করা যাচ্ছে না—এই যে কুমার !

( অনাথনাথের প্রবেশ )

অনাথ । পিতা, প্রণাম হই, গুরুগণের চরণে আমার প্রণাম ।

রাজা । কহ, বৎস, শুনি বিবরণ,—

নিত্য তুমি যাও কি কারণ

মগধ-কুমারী-পাশ,—

মম বাক্য করি অবহেলা ?

সত্য মিথ্যা নাহি জানি,

শুনি লোকমুখে বাণী,

নন ইনি প্রকৃত মগধ-সুতা ;

কোন পালিতা সুন্দরী,

চাতুরী-নিপুণা,

আসিয়াছে তব মন করিতে হরণ ;

পরে,

কৌশলে করিবে বন্দী মগধে লইয়ে ।

নিত্য আসে সমাচার,

তব কি ব্যভার,

তোমা মনে বন্দীর কি আচরণ ।

আর বৎস, রেখ না গোপন,

কহ বৎস,

সত্য কিবা মিথ্যা এ সংবাদ ।

অনাথ । সত্য-মিথ্যা-মিশ্রিত সংবাদ ।

নিবেদন হে রাজন্, চরণে তোমার,

নন ইনি মগধ-দুহিতা ;

কিন্তু অভাগিনী ভালবাসে মোরে,

আমি ভালবাসি তার ।

রাজা । সর্কনাশ !

মন্ত্রী, আজ্ঞা দেহ আনিতে ছুঁটারে ;

এই দণ্ডে দিব তারে সমুচিত ফল ।

অনাথ । পিতা, কি দোষ সে অনাথা বালার ?

পরাম-পালিতা,

আসিয়াছে রাজার শাসনে ।

চতুরতা-দীক্ষিতা কৈশোরে,

তবু উচ্চ প্রাণে করি

নীচ শিক্ষা পরাজিত,

শত্রুর আশ্রয়ে—

করিয়াছে স্বরূপ বর্ণন ।

পিতা, ভালবেসে কেবা কবে হয় দোষী ?

মন কে ফিরাতে পারে !

ভজ্ঞে মজ্ঞে প্রাণ দিয়ে পূজ্ঞে,

অপরাধী কিসে হেন জন ?

রাজা । শুন বৎস,—

কপটতাশূন্য তব মন,

তাই এ ছুঁটার আচরণ

বুঝিতে না পার তুমি ।

ভালবাসা-বর্জিতা, গঠিতা শিক্ষাবলে,—

বেশা সম প্রাণহীনা,

মজাইয়ে নাহি মজ্ঞে,

ভুলেছ ছুঁটার অভিনয়ে ।

বল সত্য, এই যে ছুঁটা !—

( বিরজা ও রক্ষিণের প্রবেশ )

মন্ত্রী । রাজকুমারী তো সেজে এসেছ, কি দণ্ড হবে  
তান ?

বিরজা । জানি—প্রাণবধ ।

মন্ত্রী । তবে তুমি মগধ-রাজকুমারী নও ?

বিরজা । না ।

মন্ত্রী । তোমার উপদেশ ছিল না ?

বিরজা । ছিল ।

মন্ত্রী । তবে উপদেশমত কার্য করনি কেন ?

বিরজা । কি জানি, ব'লতে পারি নি ।

মন্ত্রী । দেখ, তোমার নিশ্চয় প্রাণদণ্ড হবে, যিথায়

কোন ফল দর্শাবে না, এ সময় যিথায় কথা ক'য়ো না,

কিরূপ ষড়্‌যন্ত্র ছিল, মগধ-সৈন্য কি যুদ্ধার্থে পুনঃ প্রস্তুত ?

বিরজা । আমি জানি নি ।

মন্ত্রী । তোমায় গুপ্তচরে পত্র দিত না ?

বিরজা । পত্র প'ড়তেম না, আমি অনল-শিখার ফেলে  
দিতেম ।

মন্ত্রী । পত্র প'ড়তে না কেন ?

বিরজা । আমার রুচি হ'ত না ।

রাজা । ছুঁচারিণি, তোমার প্রাণদণ্ড হবে, তোমার  
অভিনয়ের আজ শেষদিন ।

বিরজা । মহারাজের বাক্য শিরোধার্য !

অনাথ । পিতা, দেখ নাহ অভিনয়,—

হেন শিক্ষা কি আছে ভূতলে,

স্বভাব করিবে জয় ?

উচ্চপ্রাণা নেহার ললনা,

তুচ্ছ করে কালের কবল ;

নেহার নয়ন,

দর্পণ সমান প্রকাশে হৃদয়াগার,

কুটিলতা-মালিন্য নাহিক তাহে,

নেহার বদন সুধাংশু-গগন,

কভু কি সম্ভবে—

প্রাণহীনা এই সুবদনা ?

প্রতি গ্রস্থি কয় সরলতাময়,

শিরায় শিরায় প্রেম-স্রোত ধায়,

এ কি হয় চাতুরী-আধার ?

তবে পদ্মহীন মধু, সুধহীন বিধু,

নাহি সৃষ্টি—সব একাকার ।

প্রতারণা প্রতারণা বিশ্বময় !

আমি নিরবধি কত যত্ন সাধি,

তবু বালা বার বার করিল বারণ ।

আমি প্রাণ দিছি,

প্রাণ দিয়ে প্রাণ কিনিয়াছি ;

বধিলে বালায় বধিবে আমার প্রাণ ।

কাপা । ( জনান্তিকে ) মহারাজ, আজ দণ্ডাজ্ঞা দেবেন  
না, এ অতি গুরুতর বিষয়, কুমারের যেরূপ ভাব দেখছি,  
সহসা কোন কার্য করা উচিত নয় ; কি বলেন মন্ত্রী ম'শায় ?

মন্ত্রী। কুমার, এ দুচারিণী, নিশ্চয় মনে ধারণ  
করুন।

(স্বগত) রাজা, রাজা! খুব সুন্দরী—বটে! এ পদ্মিনীকণ্ঠা  
আমার নিমিত্ত, তোমার নয়।

অনাথ। মহারাজ!

[ কাপালিকের প্রস্থান।

কর ক্ষমা অবলা বাল্য,  
কৃপা ক'রে রাখ পিতা তনয়ের প্রাণ;  
মহাশয়, হ'য়ো না নিদ্রয়,  
পবিত্র প্রণয়,  
দোসারোপ নাহি কর তাহে।

অনাথ। যা হবার হবে!  
নসী। এইবার ঠিক ঠাউরেছ, খানিক হরি হরি কর।  
অনাথ। নসীরাম, কি ব'লবো—আমি বড় অভাগা।  
নসী। তা ঠিক ব'লেছ। আমি ব'লছিলাম কি, ঠাওরেছ  
তো যা হবার তা হবে?

রাজা। আরে অভাজন,  
কুকুরীর সহ তোর মন!

অনাথ। যা হবার তাই হবে বই আর কি!  
নসী। বেশ, তবে খানিক 'যা হবার তাই হবে' ক'রবে  
না হরি হরি ক'রবে?

অনাথ। পিতা, ঘৃণা হয়—তাজহ আমায়,  
স্থানান্তরে ল'য়ে যাই প্রাণের পুতুলী;  
পুত্র রাজা গাণ ভিক্ষা দাও,  
চাহি মন জীবন সন্ধিনা,  
কিন্তু পিতা, যদি হয় মন,  
বধই জীবন,  
ছেড়ে দাও নিদোষী বাল্য।

অনাথ। বাতুল, হরি হরি ক'রবো কেন?  
নসী। কেন নাই, জোর জরাজবতি নাই, তুমি খানিক  
'কি হবে, কি হবে' কর, আর আমি খানিক মজা ক'রে ব'সে  
'হরি হরি' করি।

নসী। পাগল, পাগল, পাগলামোর ছড়াছড়ি! নসে,  
তুই কেবল ধরা প'ড়ে গোল।

নসী। পায়ে পায়ে রাজা পা দু'টি,  
যেন রাজা কমল র'য়েছে ফুটি,  
আমি ঐ পায়ে লুটি।

রাজা। মন্ত্রি, দেখছ না সক্ষনাশ উপস্থিত, কুমারকে  
উন্নত ক'রেছে, একে সাধারণ কারাগারে রাখগে। বকসর,  
তুইও আজ থেকে বন্দী, এ পুরার বাইরে যেতে চেষ্টা ক'রলে,  
রক্ষীরা তোরে নিবারণ ক'রবে।

রাজা রাধা দাঁড়িয়েছে বামে,  
আড়নয়নে দেখতেছে শ্রামে,  
সাধে 'রাধে' ব'লে ওরে মাত হরিনামে!  
আদরোঁ ব'ল্ছে প্যারী,  
কথা কি ঠেলতে পারি,  
নাম নিলে বল নয়ন ভ'রে কেন বয় বারি?

[ বিরজা ও রক্ষিণ্যের প্রস্থান।

স্বামীজি, কি এ!

কাপা। আপান ঠিক আজ্ঞা ক'রেছেন, সহসা ওর  
প্রাণবধ করা উচিত নয়।

স্বাখ্ স্বাখ্ নয়নে নয়নে হানে,  
পিরীতের কি ভিরকুটী।  
আমি রাজা পায়ে লুটি ॥

রাজা। যা হোক পরমা সুন্দরী বটে!

কাপা। নারীরত্ন!

রাজা। আমি ওরূপ সুন্দরী স্ত্রীলোক তো দেখি নি!

কাপা। মহারাজ, ওরে বধ ক'রবার আবশ্যিক নাই, ওর  
ছারা মগধ করগত করা যেতে পারে।

রাজা। আচ্ছা, নাপাততঃ ৫ কুক—পরমা সুন্দরী!

কাপা। রাত্র অধিক হয়েছে, যান, শয়ন করুন—  
আশীর্বাদ।

[ রাজার প্রস্থান।

তুমি ভাবতে থাক,—মোটো মোটো ষণ্ডা দরওয়ান তলোয়ার  
খোলা, ঐ মাগীকে নিয়ে কাটতে যাচ্ছে, আর তুমি অমনি  
বাপ্রে মা রে ক'রে গিয়ে প'ড়ছো; বাপ্রে, আমায় বিষ  
দে রে, খুন কর রে! আর আমি দেখতে থাকি,—রাধাকৃষ্ণ  
খানিক চোক ঠারঠারি ক'রলে, সখাগুলো খানিক হাত  
পাকড়া-পাকড়ি ক'রলে, তার পর রাধাকৃষ্ণ দাঁড়াল, আমি  
পা ছড়িয়ে দেখতে ব'সে গেলাম!

অনাথ। ও নসীরাম, শোন।

নসী। আঃ যা পাগলা, এখনি বেজার করিসনি।

অনাথ। কেন, আমি পাগল কিসে ?

নসী। আর কথায় কাজ কি, মনে বুঝে দেখ না।  
তুমি হাউ-মাউ-খাউ ক'ত্তে থাক, আমি বাঃ বাঃ বাঃ  
ক'ত্তে থাকি। আর যদি সখ্ থাকে তো 'বাঃ বাঃ'  
ক'ব্বে এস। এস না, যা হয় একটা তো ক'ত্তে হবে।  
এসনা মজাই দেখা যাক।

অনাথ। কি ক'ত্তে হবে ?

নসী। 'হাউ-মাউ-খাউ' ক'রে কি হবে ?

অনাথ। যদি কোন উপায় হয়।

নসী। দূর মিথ্যাবাদী ! এই না ব'লি, যা হবার তাই  
হবে। যা হবার তা হবে—তার আবার উপায় ক'ব্বি  
কি ? দূর হোক, পাগ্লা বেটার কাছে আর ব'স্বো না।

[ নসীরামের প্রস্থান।

( মন্ত্রী প্রবেশ )

মন্ত্রী। কুমার, আপনার শয্যা প্রস্তুত হ'য়েছে।

অনাথ। হা হতভাগিনি ! আমি তোর প্রাণবিনাশের  
কারণ হ'লেম ! আহা, আমার প্রাণ ফেটে যায়, রাজা হ'লে  
কি এইরূপ নিদ্রয় হ'তে হয় ? তবে রাজপুত্র হওয়া বিড়ম্বনা।

মন্ত্রী। কুমার আসুন, শয্যা প্রস্তুত।

অনাথ। আমি এইখানেই থাকবো।

মন্ত্রী। কুমার, রাজ-আজ্ঞা।

অনাথ। উঃ, এতদূর—চল !

[ উভয়ের প্রস্থান।

## চতুর্থ গর্ভাঙ্ক

কাপালিকের গৃহ

কাপালিক ও সোণা।

সোণা।— ( গীত )

কে বলে রে সর্কনাশি,  
নাম নিলে তোর হয় আনন্দ ?  
তোর কপালে আগুন জ্বলে,  
দেখি লো তোর সকল মন্দ !

ধাকিস্ তো ভিখারীর ঘরে,

ভাতার থাকে নেশার ঘোরে,

ছারকপালী, বিষ দিলি

তুই, তায় আদর ক'রে ;—

রক্ত খেয়ে বেড়াস্ খেয়ে,

তোর নামে আমার হয় লো মন্দ।

সাধ ক'রে যে নাম নিয়েছে,

সেই তো গায়ে ছাই মেখেছে,

জাস্তে মরা হ'য়ে র'য়েছে ;—

তোর ঘোর তরঙ্গ মদের রঙ্গ,

বোঝা যায় না ছন্দ-বন্দ।

তোর চাঁদ পড়ে পায়, হাড়-মালা গায়,

দে'খে মনে লাগে ধন্দ !

কাপা। সোণা, গান রাখ—ভৈরবী হ'য়ে  
বোস্।

সোণা। আর রাখ্ তোর ভণ্ডামী। মদ খেয়ে বিহার  
অমন ঘরে ঘবে হ'ছে, তা হ'লে সবাই সিদ্ধ হ'ত। পোড়ার-  
মুখা আর কি—সিদ্ধ হবে !

কাপা। দেখিস্—কোন শালা না সিদ্ধ হয়। মাইরি  
ব'ল্ছি, দুটো জিনিষের দরকার ছিল,—এক পদ্মিনী কণ্ঠার  
ধর্ম নষ্ট, আর এক প্রেমিক রাজপুত্র বলিদান, তা হ'লেই  
সিদ্ধ হ'ব। বর নিয়ে রাজা হ'য়ে ব'স্বো, জানূলি হারাম-  
জাদী ! আমার কপালে রাজদণ্ড আছে—জানিস্ !

সোণা। তোর কপালে যমদণ্ড আছে। আহা পুরুষের  
কি মুরোদ গো, আবার রাজা হবেন !

কাপা। দেখ্ বেটা, চক্রে বসে আমার মন চটাস্নি,  
আমায় শিবভাবে ভাব, চক্রে আমি ভৈরব—তুই ভৈরবী।

সোণা। কাটাপনা কেম কর বল তো ?

কাপা। দেখ্, যে দিন রাজা হ'ব, সে দিন তোরে  
সাত পয়জার ঝাড়'ব।

সোণা। সে তো যে দিন তোর মুখে আগুন দেব।

কাপা। কি—তুই অবিশ্বাস ক'ব্বিস্ ? আমি রাজা  
হ'ব, তা বিশ্বাস করিস্ নি ? তা আমি দেখে নিচ্ছি—শোন্,  
সব যোগাড় হ'য়েছে ; প্রেমিক রাজকুমার তো এই রাজার  
ছেলে, সে বেটা বিবাগী হ'য়ে বেকলো বলে, আর পদ্মিনী  
মেয়ে কারাগারে বদ্ধ ক'রেছি, যে দিন বার হ'রে নিয়ে  
আস্বো, সেই দিন সিদ্ধ।



সোণা। তোর ঐটে বাহাদুরী আছে, রাজার সঙ্গে কি করে জুটলি ?

কাপা। তুই বেটী কি করে জানুবি ? জানিস্, আমি রাজার স্ত্রী, আমি তাত্ত্বিক উপাসনা শিখিয়েছি, রাজাকে চক্রে বসিয়েছি, আমি কারণ তৈয়ের করে দি—তবে রাজা খায়। রাজাকে চিরযৌবন আর অমর করে দেব বলেছি। কিন্তু তা দিচ্চি নি; জগদম্বার রূপায় আমি রাজা হই, তোরে চির-যৌবনা করে দেব—জানলি ?

সোণা। আর তোরে ভাগাড়ে রেখে আস্বা—জানলি ?

কাপা। শোনু বলি, তোকে সেই মেয়েটাকে বার করে আনতে হবে, আমি সব যোগাড় করবো, তুই রোজ কারাগারে যাবি, তাতে খুব ভালবাসা জানাবি, তোকে মাসী বলে, তারপর এই সিদ্ধান্তে আনুবি। আর রাজপুত্রকে—সে আমি ঠিক করে নেব, নসেকে দে পারি, যাকে দে পারি।

সোণা। মুখপোড়া, খ্যাংরা মারি তোর মুখে, আমার সঙ্গে মাতলামো ! তোর হাড় অশুদ্ধ—তুই আবার সিদ্ধ হবি !

কাপা। হবই তো—তোর বাবার কি !

সোণা। আমার বাবার নয়—তোর মার মাথাব্যথা ! মাতলামো কোচ্চো, রাজা শুন্লে যে গদান নেবে। আমি গান গাই শোনু। —

সোণা।— ( গীত )

তোর মুখ দেখে কি হয় না লো ভয়,  
কোন্ স্তনে মা বলে তোরে ?  
মায়ের কি ধার ধারিস্ বেটি,  
মা বলস্ তুই গায়ের গোরে।  
তুই কি বেটী মায়ের মতন,  
মার মত কি জানিস্ মতন,  
বল আবাণী কাঁদায় কে এমন,—  
পা চেপে তুই মারসি পতি,  
মত্ত মাপী নেশার ঘোরে।  
তোর আঁধার বরণ বসন মশাদিপি,  
কবে কার তুই হলি হিত্রিণী,  
তোর বরণ-ঘটায় পালিয়ে যায় নিশি ;—

( ওলো ও সর্বনাশী ! )

রাক্ষসী তুই, খিদের চোটে  
সৃষ্টি রাখিস্ উদরে।

কাপা। মাইরি, গান থামা, আমোদ হবে না—আমোদ হবে না, শোনু ছোটো প্রাণের কথা শোনু।

সোণা। না, আমি শুন্বো না—যা।

কাপা। শোনু না—মাইরি সিদ্ধ হব।

সোণা। যাঃ—তোর সিদ্ধি হয় না, আমি চ'লুম।

[ প্রস্থান। ]

কাপা। তবে রে শালী, জপে ব্যাঘাত, খুন করে ফেলবো।

[ প্রস্থান। ]

## দ্বিতীয় অঙ্ক

### প্রথম গর্ভাঙ্ক

কারাগার

সোণা ও বিরজা।

বিরজা। অতুরোধ করো না আমায়—  
তাজিতে এ কারাগার,  
কারাগার অন্ধকার যোগ্যস্থান মম,  
এই স্থানে অনশনে তাজিব জীবন।  
লোকের গঞ্জন, কলক ভাজন,  
সংসারে কোথায় মোর স্থান ?  
উজ্জল তপনে কোন্ লাঞ্জে দেখাব বদন।  
জান না জান না ও লো সুলোচনা,  
কারাগারে লভেছি জীবন ;  
শ্বাস সনে অধীনতা এসেছে আমার,

অধীনতা-বদ্ধিত শরীর ;  
 চিরবন্দী আমি,  
 স্বাধীনতা কিনিব গো প্রাণ-বিসর্জনে ।  
 কিন্তু এক খেদ রহিল গো মনে,  
 নৃপতি-নন্দনে আর না হেরিব,  
 মধুর বচন আর না শুনিব,  
 কর-স্পর্শে ভুলে যাব অধীনতা,  
 সেই সাথে দেহ নাহি ত্যজে পোড়া প্রাণ ।  
 সাধ বটে দেখিতে কুমারে,  
 কিন্তু মন বাঁধিয়া রাখিব,  
 আর না হেরিব তাঁরে,  
 অপবিত্র দর্শনে আমার,  
 করিয়াছি কলঙ্ক সঞ্চার আমি  
 সে পবিত্র প্রাণে ।  
 আহা, জান যদি বল,  
 কি দশায় আছেন কুমার ?  
 হায় হায় !  
 যদি হেয় ঘৃণ্য হ'ত মম কায়,  
 ভিক্ষা-অগ্নে করিতাম জীবন-যাপন,  
 তা হ'লে না দেখা হ'ত তাঁর সনে ।  
 সে নির্মল স্নেহমল প্রাণ,  
 কাটিত না কলঙ্ক কুংসিত ফণী,  
 সেই হাস্যধর মলিন না হ'ত !  
 আহা, নাহি জানি কি ভাবে র'য়েছে—  
 সে আমারে ভালবাসে !  
 কহ স্থলোচনা,  
 রমণী-হৃদয়ে এতই যন্ত্রণা সহে ?  
 বড়ই যন্ত্রণা—  
 সে বিনা কে বুঝিবে বেদনা হায় !

সোণা । বলি, অমন কেঁদো তখন, অন্ধকার যদি  
 ভালবাস, বনে ব'সে কাঁদলে হয় না ? তোমার যাতনা  
 বাড়বে ব'লে বলি নি, তুমি রাজার কুনজরে প'ড়েছ ।

বিরজা । তিনি পিতা মম ।

সোণা । কে বলে তোমায় চতুরা, তুমি কিছুই জান  
 না, কামাঙ্ক পুরুষের কাছে সম্পর্ক-বিচার নাই । রাজা

তোমার জগু উন্নত হ'য়েছে, তাই তোমায় মেরে ফেলতে  
 হুকুম দেয় নি ।

বিরজা । ভাব কি লো পরস্পর্শে রবে এ জীবন !

সতি, জান না কি সতীর চরিত ?

কায়-মন-প্রাণ পতিপদে সমর্পণ,

পতি প্রাণ, পতিই জীবন,

তাই আছে প্রাণ,

তাজিবারে নাহি মম অধিকার ।

কিন্তু যবে অগ্নে বাদী হবে,

দেহ ছাড়ি তখনি পলাবে,

মিশিবে পতির পায় ।

সোণা । বুঝলেম, তুমি পতিপ্রাণা, কিন্তু যদি প্রাণ  
 না বেরুলো ? দুঃখে লোক যাই ব'লুক, প্রাণের মমতা বড়  
 কঠিন । দুঃখে যদি প্রাণ যেত, তবে দুঃখে ভয় কি ? তুমি  
 সত্য, বিপদে ডেকে এন না, যারা সত্য হারিয়েছে—তারা  
 জানে যে, কি রত্ন কামুক-পুরুষের ছলে ভুলে হারিয়েছে ।  
 পরস্পর্শে প্রাণ যেন গেল, তোমার দেহ ত পতির—সে দেহ  
 কামদৃষ্টিতে দেখবে—এই কি তোমার সাধ ?

বিরজা । না না, বল, এখান হ'তে যাবার কি উপায়  
 আছে ?

সোণা । এই নিদর্শন নাও, আমার এই চাদর তুমি  
 নাও, তোমার খানা দাও ।

বিরজা । তুমি আসবে না ?

সোণা । না । শোন—আর ঘ্যান্‌ঘ্যানানি তুল না,  
 এ নিদর্শনে একজন বাইরে যেতে পারে ; আমি এখানে  
 থাকবো । “যে যেমন বর্কর, আপনার কাজে তৎপর” ।  
 তুমি মনে ক'চো, আমার প্রাণ বধ হবে—তা ভেব না,  
 আমি তোমার উপকারে আসি নি, আমার নিজের উপকারে  
 এসেছি ।

বিরজা । তোমার উপকার কি ?

সোণা । যাও যাও, আর দেরি ক'র না, সে অনেক  
 কথা । সত্যি পরম রত্ন ! বিলম্ব ক'র না, আপনার সন্তানের  
 প্রাণ বধ ক'রে যদি সত্যি রক্ষা করা হয়, তাও উচিত,  
 আমার জন্য ভেব না, তোমার রাজপুর কি দশায় আছেন  
 দেখ গে ; যাও যাও, সত্যি পরমনিধি !

বিরজা । মা, তুমি কে ? দেবী কি মানবী ?

সোণা । রাজা এখন আসবে ।

বিরজা । ( ওড়না পরিবর্তন করিয়া ) মা, তবে আসি ।

[ বিরজার প্রস্থান ।

সোণা । আমার কথা কর্ণকণ, রাজা পোড়ারমুখে  
কথায় যদি ধ'রতে পারে ? আ মর, কামাক্ক কি কখনও  
দেখিস্নি ? তাতে আবার মদ্যপায়ী—এখনই পোড়ারমুখে  
আসবে ।

( গীত )

আমি ভয় মাগি, ভটা রাখি,  
পরি গলে ফণীর হার,—  
ম্যাংটা খাপা বলর-চাপা পতি যে আমার !  
ক'রে পাঁচ বছরে পঞ্চতপা,  
পেয়েছি প্রাণের খাপা,  
প্রাণ সঁপেছি দিয়ে পায়ে কলিকা চাপা ;—  
আমার সে ভালবাসে,  
শ্রমবাসী আমার আশে,  
আমার তরে আঁখি-নীরে  
সদাই সে ভাসে :—  
প্রাণখোলা সে ভাজড় ভোলা,  
আমা বই আর নাইক তার ।

( রাজার প্রবেশ )

রাজা । এ ঘোর অন্ধকার ! কাজ নাই—দূতী বেটা  
ব'লে,—আগো আনুলে চোটে যাবে । বিরজা, আহা কি  
মধুর স্বর !

সোণা । ( অন্তকণ্ঠে ) আমায় ছুঁয়ো না ।

রাজা । ( প্রমত্তভাবে ) বিরজা, তোমার জন্ম প্রাণ বায়  
দূতী তো তোমায় সকল কথা বলেছে ।

সোণা । দূতী বলেছে—তোমার মুখে শুনি ।

রাজা । আর কি শুনবে, তোমার জন্ম আমি মরি !  
তুমি তো আমার ছেলেকে চেয়েছিলে স্থখে থাকবে বলে,  
আমি রাজা—আমার চেয়ে কে তোমায় স্থখে রাখবে ?

সোণা । তোমার ছেলে যখন রাজা হবে, আমার যে  
গর্দান নেবে ।

রাজা । সাধা কি !

সোণা । ক'র সাধা ব'ল্ছো ? তুমি কি তখন যমের  
বাড়ী থেকে ফিরে আসবে ? সে তখন রাজা হবে, যা খুসী

তাই ক'রতে পারবে । তুমি রাজা হ'য়ে তার মুখের গ্রাম  
কেড়ে নিচ্ছ, কে কি ক'রছে ?

রাজা । তুমি বড় চতুরা, এই জন্ম তোমার ওপর  
এত আমার মন ! ও ছোঁড়া-ছুটকো কি ভাল লাগে, তুমি  
এমন রসিকা !

সোণা । সাধে ভাল লাগে, তোমার মত পোড়ারমুখে  
কোথায় পাই বল, যে নিত্য নিত্য আগুন জ্বলে দিই !

রাজা । তুমি আমার ধরে এস, অন্ধকারে আমোদ হয়  
না ।

সোণা । না, কথা শেষ কর ।

রাজা । কি আর শেষ ক'রবো ?

সোণা । তুমি যখন ম'রবে, তোমার ছেলে যদি আমায়  
মেরে ফেলে, কি ক'রবো ?

রাজা । আর সে কথা রেখে দাও ; শোন, সে যা হয়  
হবে ।

সোণা । আমায় ছুঁয়ো না । দেখ, আমি পদ্মিনী কণ্ঠা  
চির যৌবনা ; আমার ঠিকুজীতে লেখা আছে, যে আমার  
স্বামী হবে, সে অক্ষয় অমর হবে, আর উপপতি হ'লে ছ'মাস  
বাঁচবে না ।

রাজা । অ্যা, সত্য ! আমি বলি স্বামিজী মিথ্যা কথা  
ব'লেছে !

সোণা । সত্যি না তো কি ! তুমি তো আমার  
উপপতি হবে, ছ'মাসের মধ্যে ভাগাড়ে যাবে । তখন  
তোমার ছেলে আনায় কাটবে ।

রাজা । তুমি আমায় যা বল, আমি তাই ক'রবো ।

সোণা । আমি আর কি ব'লবো, আমায় যদি বে' কর,  
তাতেও সন্দেহ ; লোক-নিন্দাতে আমায় ত্যাগ ক'রবে,  
আর এদিকে যমরাজ চুলে ধ'রবে ।

রাজা । ভাল বিপদ্—তুমি আবার পদ্মিনী হ'তে গেলে  
কেন ?

সোণা । তা না হ'লে তুমি আমার পাদেদক জল  
খেতে আসবে কেন ?

রাজা । বাঃ বাঃ, এমন নইলে মেয়েমানুষ ! কোন  
বেটা ব'ল্ছেন, “মহারাজ, অপরাধ নেবেন না,” “মহারাজ”  
“রাজাদিরাজ” । একটু প্রেমলাপে ব'ললেন—কেউ ব'ললেন,  
“আর্য্যপুত্র” কেউ এলেন “ভর্তৃদারিকে,” মান ক'রলেন—

“হা হতোহস্মি,” পান দিলেন,—“হা দীর্ঘোহস্মি।” এক বেটা একদিন গালে ঠোনা মারতে পারলে না।

সোণা। ও গালে কি ঠোনা মারতে ইচ্ছা করে? যদি কারুকে চূণকালী দিতে ব’লতে—তা দিত। এখন পোড়ার-মুখে লজ্জাও করে না, বেটার কপালে ধুলো দিতে এসেছো?

রাজা। আমরা তাত্ত্বিক, বেটা তো বেটা—হাঁ!

সোণা। তোমাদের রাজবাড়ীতে কি শূণ আসে না—খানিক টিপে দেয় না গা!

রাজা। এ মজা ক্রমে জান্বে, আমি, তোমায় উপদেশ দেব—গর্ভধারিণী ব্যতীত সকলেই ভৈরবী, আর আমি ভৈরব।

সোণা। তুমি ভৈরব না আবাগের ব্যাটা ভূত!

রাজা। আমি যদি ভূত হ’লেম, তুমি কি হ’লে?

সোণা। আমি আবাগের বেটা পেত্নী, তা না হ’লে তোমার সঙ্গে জুটতে চাই? এখন কি ক’রবে বল?

রাজা। তুমি চিরযৌবনা?

সোণা। এই তো আমি শুনেছি, তোমার সভায় তো পণ্ডিত আছে, শুণিয়ে দেখো না।

রাজা। না না, আমি শুনেছি, আমার গুরু স্বামিজী ব’লেছেন যে, তুমি চিরযৌবনা।

সোণা। তবে তো সত্যি কথাই, তোমার গুরু যখন ব’লেছে। যাও ভাই, তুমি চ’লে যাও, ছ’মাসের জন্তু পিরীত ক’রে কি হবে?

রাজা। আর যদি তোমায় আমি বে’ করি, তাহ’লে তো পরমায়ু বৃদ্ধি হবে, সেও গুরু ব’লে গেছেন।

সোণা। তা হ’লে তুমি বুড়ো জাম্বুবান্ হবে, চারযুগ অমর।

রাজা। তবে আর কি, এস।

সোণা। বে’ ক’রবে, লোক-লজ্জা হবে না? তখন আমায় যে ত্যাগ ক’রবে;—লোকে ব’লবে, “এক বেটা বেস্তা ওর ছেলের কাছে ছিল, তাকে বে’ ক’রেছে।”

রাজা। তা বলে ব’লবে?

সোণা। বলে ব’লবে না, লোকের কাছে যখন মুখ পাতে পারবে না, তখন ত্যাগ ক’রবে।

রাজা। না না।

সোণা। তা আমি শুনি নি।

রাজা। তা ত্যাগ করি ক’রব—তুমি এস!

সোণা। আহা, কি রসের কথাই বলে গা! এ তবু ছ’মাস ঘর ক’রতে পাব।

রাজা। তবে কি হবে?

সোণা। আচ্ছা, আমি পরখ ক’রে দেখি, তুমি লোক-নিন্দার ভয় পাও কি না? আমার সাত দিন একটা ব্রত সাক্ষ ক’রতে যাবে, এ ক’দিন বিবাহ হবে না, তোমারই অকল্যাণ হবে, তাই বলছি, সেই ক’দিন তুমি রাজ্যে ঘোষণা দাও, যে দূতী হ’য়ে এসেছিল, সোণা না কি নাম, তাকে তুমি বে’ ক’রবে, আমি তা হ’লে টের পাব যে, লোক-লজ্জায় আমায় ত্যাগ করবে কি না। যদি এই কথা প্রচার কর, তা হ’লে তোমার আমি প্রাণেশ্বরী হব—আর তুমি আমার প্রাণেশ্বর।

রাজা। আরে ছি ছি! সে বেটা যে বিপ্রী দেখতে, লোকে যে চূণ-কালী দেবে।

সোণা। আর ‘বউও’ হলে দেবে না?

রাজা। তোমায় দেখলে সবাই ব’লবে, ষা হোক, গছন্দ বটে।

সোণা। তুমি কি সত্যি সোণাকে বিয়ে করবে? আমি তো তোমার হব। এ কাজ তুমি পারবে না, তোমার আমার মতন কত হবে, আমার জন্তু এত ক’রবে কেন?

রাজা। তোমার জন্তু আমি প্রাণ দিতে পারি, আচ্ছা যা ব’লছি, তাই ক’রবো।

সোণা। আমার একটা আলাদা বাড়ী ক’রে দাও, সোণা বই আর সেখানে কেউ যেতে পাবে না, ব্রতের জন্তু যা যা দরকার হবে, আমি সোণাকে দিয়ে ব’লে পাঠাব।

রাজা। কি ব্রত?

সোণা। সাবিপ্রী ব্রত, তোমার প্রমাই বৃদ্ধি হবে।

রাজা। দেখ সাত দিন করো না, দু’দিনে মেরে নিও! আমার তোমার জন্তু প্রাণ যায়, এস, আমি সব ঠিক ক’রে দিচ্ছি।

সোণা। যাব, কিন্তু আলোতে আমার দিকে চেয়ো না, তা হ’লে আমার ব্রতভঙ্গ হবে।

রাজা। যখন দু’দিন অপেক্ষা ক’রবো ব’লছি, তখন আজ রাতটাও কাটাও, চল—এই ~~কথা~~ ~~কথা~~ ~~কথা~~ এস, তোমায়

কারাধ্যক্ষের ঘরে রেখে যাই, সে তোমাকে মৃতন বাড়ীতে  
রেখে আসবে।

[ উভয়ের প্রস্থান।

## দ্বিতীয় গর্ভাঙ্ক

নদী-তীর

বিরজা ও মাধুলী।

বিরজা। নাহি জানি কি বন্ধনে  
বীধা আছে প্রাণ,  
চরম সময়  
ভয় হয় ছেড়ে যেতে কলেবর।  
বুঝি আশার বন্ধন ;  
আশা কয়, হবে তোর সুদিন উদয়,  
ঠেকে ঠেকে তবু নাহি শেখে ;  
আশার চলনে ক্রীতদাস,  
রাখে তার বিক্রীত জীবন—  
ভাবে একদিন স্বাধীনতা হবে লাভ।  
দাঁড় যে জন,  
হেরে আশার স্বপন,—  
একদিন রাজসিংহাসন পাবে  
চির পরাধীন। পরায় পালিতা,  
তবু আশা নির্মল হ'লো না হৃদে !  
আরে আশা—  
ভুলিব না চলনার আর !  
যা হবার হ'য়ে গেছে তবু প্রাণ আছে,  
ধন্য আশা—ধন্য তুই প্রতারক !  
তন লো স্বপ্ননি,  
মৃত্যু কালে করি আশীর্বাদ,  
পূর্ণ হোক তোর মন-সাধ,  
ল'য়ে তব হৃদয়ের চাঁদ—  
হও সখি ফলবতী ;

কভু মনে ক'রো অভাগীরে।  
যদি কভু হয় লো সুযোগ,  
রাজপুত্র মনে হয় দেখা, লো তাঁরে,  
মরেছিল তাঁহারে হৃদয়ে ধ'রে !  
হায় সখি, কে যেন কে যেন -  
এখন' মরিতে করে মানা,  
দুরন্ত ব'সনা এখন' তাঁহারে চায় !  
দেহ লো মেলানি,  
বিদায় মাগিছে অভাগিনী !  
মাধুলী। সখি, কেন তুমি আপনারে  
ভাব অভাগিনী ?  
মনে মনে কর লো বিচার,  
দেখ বিধি বিধাতার,  
তব প্রেম-পাশে বন্ধ রাজার কুমার :  
যত্ন বিনা খুলিল লো কারাগার-দ্বার,  
অবশ্য ইহার আছে কোন পরিণাম।  
আজীবন ছিলে পরাধীন,  
এবে উদয় সুদিন,  
অধীনতা নাই কারু।  
এ জীবন দিলে বিসর্জন,  
আর কি গো ফিরে পাবে ?  
হও সখি, শ্রোতে তৃণসম,—  
চল দৌহে ভেসে যাই যথা ল'য়ে যায়।

বিরজা। যে বেদনা মরমে মরমে,  
জানাব কেমনে।  
তন বিবরণ— কহিতে সরম,  
রাজা করে মম প্রেম-আশা ;  
পুরাইতে এ পাপ বাসনা,  
পুত্রে দেছে কারাগারে।  
কব কারে, হৃদয় বিদরে—  
মনে হ'লে কুমারের চাঁদ মুখ ;  
হায় পাপিনীর তরে,  
কি দুর্গতি হ'ল তাঁর !

মাধুলী। তাই বলি রাখিতে জীবন।  
নৃপতি নন্দন,  
প্রাণ মন করিয়া অর্পণ,

তোমাতে হৃদয়ে দেছে স্থান,  
কঁাদে নিরন্তর, তুমি স্বার্থপর,  
বারেক না ভাব তাহা ।  
প্রেমে বাঁধ প্রাণ,  
পতির উদ্ধার কর ।  
শুনেছ কাহিনী, দুখিনী রমণী  
সাবিত্রী পতিরে দিল প্রাণ ।  
করিলে যতন—অসাধ্য সাধন  
সতী নারী করিবারে পারে ।  
কারাগারে বদ্ধ আছে স্বামী,  
কেন লো স্বজনি,  
উদাসিনী তুমি তাঁর কল্যাণ সাধনে ?  
তুমি উচ্চপ্রাণা, বাঁধ প্রাণ—  
পতির দুর্গতি কর দূর ।

বিরজা । স্তম্ভাষিনি,  
তোমার কথায় হয় আশার সঞ্চার ।  
বল, যদি থাকে লো উপায়,  
চিরদাসী হব তোর পায় ।  
পুন তাঁর পাব দরশন,  
মধুর বচন করিব শ্রবণ,  
পরশে পূরিবে প্রাণ মন !  
বল অরা-অরি কি করি কি করি,  
কেমনে আনিব তাঁরে ?  
বারেক লো হেরি সে বদন,  
তখনি দিব লো ছার প্রাণ বিসর্জন,  
রবে না বাসনা আর !

মাধুলী । ভাবি তাই—কুল নাহি পাই,  
কি উপায় করিব স্বজনি !  
আমি, তোমা দুইজনে হেরিয়ে নয়নে,  
পড়েছি বিষম ফেরে ।  
কেন দূতী হ'য়ে  
তোমা দৌহে বাঁধিলাম প্রণয়-বন্ধনে,  
নহে কি ঘটিল এত দায় !  
শুনেছি কাহিনী,  
প্রাণ শিহরে স্বজনি,  
কাপালিক ছরন্ত ছুর্জন—

'স্বামিজী' যাহার নাম —  
করে তব প্রেম আকিঞ্চন ;  
দেখিলে তোমায় সেই ছুরাশয়,  
বলে ধ'রে ল'য়ে যাবে ।  
রহিতে নগরে কেমনে কহিব,  
এতক্ষণ চারিদিকে ফেরে তার চর,  
হোথা—  
অট্টালিকা-মাঝে বন্দী রাজার কুমার ;  
কি উপায়ে করিব গো তাঁহারে উদ্ধার,  
সঙ্কটে কেমনে কুল পাব !

বিরজা । কেবা সে ছরন্ত কাপালিক—  
কেমনে জানিলে সমাচার ?  
হায় সখি, রূপ মম হ'ল অরি !  
মাধুলী । লোকে কয় সদাশয় সেই ছুরাচার,  
দীক্ষাগুরু নৃপতির !  
গিয়ে আশ্রমে তাহার,  
সাধিলাম পদে ধ'রে—  
তোমা দৌহে করিতে উদ্ধার ।  
সে বন্দীর করিল স্বীকার,  
কহিল, 'নাহিক কিছু ভয়' ।  
সোণা নামে ছিল সঞ্জে নারী,  
সঞ্জে তার পাঠালে আমায়—  
দাঁড়াইতে কারাগার দ্বারে ;  
কহিল দুর্মতি—“যাও শীঘ্রগতি,  
উদ্ধার হইবে সখা তব,  
কিন্তু চারিদিকে অরি, তাই ডরি,  
লুকায়ে সখারে তুমি এনো মনাশ্রমে ।”

বিরজা । মহা উপকারী !—  
ছুরাচারী কেন বল তাহা ?

মাধুলী । পথে সোণা কহিল আমায়,  
“প্রত্যয় না কর কহু ইহার কথায়,  
বিরজার ধর্ম নষ্ট করিবে দুর্জন,  
তাই আকিঞ্চন—  
নিকেতনে আনিতে তাহারে ।  
ভাণ্ড এ পাষণ্ড,  
ক'রে ধর্ম নষ্ট যোর,

এ চুর্দশা ক'রেছে আমার।”  
 শুনি সেই শিহরিল কলেবর,  
 কহিল রমণী,  
 “বিরজায় মুক্ত আমি করিব এখনি ;  
 কিন্তু সাবধান,  
 ছলে ভুলে যেও না সে দুর্জনের স্থানে।”

বিরজা। অনাথিনী যে রমণী—রূপ তার অরি !  
 শুনলো সুন্দরি,  
 কেবা জানে কিবা আছে কার মনে।  
 ভিখারিণী-বেশে রহিব এ দেশে,  
 দেখি যদি পারি কোন উপায় করিতে।  
 ভাবি সখি, তোমার কি দশা হবে ;  
 হায়—কি দায়ে পড়িলে তুমি  
 আমার কারণে!

না পেলে আমায় বধিবে তোমায়  
 কাপালিক দুরাশয়,  
 রাজদণ্ড দেবে নহে রাজারে কহিয়ে।  
 কাঁদে হিয়া,  
 ছেড়ে যেতে তোমারে স্বজনি !

মাধুলী। যে দশা তোমার,  
 আমার সে দশা সখি !  
 দাসী হ'য়ে আসিলাম সেবিত্তে তোমায়,  
 ভগ্নী সম রাখিলে আদরে,  
 সে ঋণ কি এ জীবনে হবে শোধ !  
 দুখিনী-নন্দিনী—  
 অযতনে গেছে চিরদিন ;  
 কিন্তু যেই দিন হ'তে আমি তব সহচরী,  
 যতনে তোমার,  
 ভুলিয়াছি দুখিনী-ঝিয়ারী ;  
 তব প্রেম ভুলিতে কি পারি !  
 সখি, তুমি সরলা বালিকা,  
 নাহি জান সংসারের বিবরণ।  
 দাসী তব হবে সাথে সাথে,  
 মনে জ্ঞানে কি করী তোমার।

বিরজা। তুমি ভগ্নী, হিতৈষিণী প্রাণসখী মম !

[ উভয়ের প্রস্থান।

## তৃতীয় গর্ভাঙ্ক

রাজবাটীর প্রাঙ্গণ

নসীরাম।

নসী। আচ্ছা নসে, রাজার ছেলে তোর কে ?—  
 কেউ না। তবে তোর মন টানে কেন ?—তা নইলে  
 আসবো কেন ? কি বল দেখিন, তোর মনের কথাটা  
 কি ?—কি জানি ! বাঃ বাঃ বাঃ ! বেশ ! আমি খানিক  
 হরি হরি ক'র্ব্বো, ও খানিক ক'র্ব্বো ! আবার  
 আমি খানিক হরি হরি ক'র্ব্বো, ও খানিক হরি হরি  
 ক'র্ব্বো—ধেই ধেই দু'জনে নাচ ! আর ও যদি না হরি হরি  
 করে—নসে স'রে প'ড়বে।

( কাপালিক ও সোণার প্রবেশ )

কাপা। নসীরাম, কি ক'র্ব্বছো ?

নসী। পাগ্লামো।

সোণা। কেন, পাগ্লামো করা কেন ?

নসী। আ মবু পাগ্লামী বেটা, তুই পাগ্লামো ক'র্ব্বছিস  
 কেন ?

সোণা। আমার আর পাগ্লামো কি দেখলি ?

নসী। বেটা হাওয়ায় ফাঁদ পেতে ব'সে আছ—আর  
 পাগ্লামো না ?

সোণা। ( স্বগত ) এ কি, পাগ্লামো আমার কথা জানে  
 নাকি ?

নসী। কেমন বেটা, মুখ শুকিয়ে গেল যে, পাগ্লামো  
 ক'র্ব্বছিসনি ?

সোণা। এটা কি ব'ল্ছে ?

কাপা। তুই যেমন ওর সঙ্গে পাগ্লামো ক'র্ব্বছিস, ওর  
 যা মনে আসছে ব'ল্ছে।

নসী। আর তোরা যাচ্ছেতাই ক'র্ব্বছিস।

কাপা। ক'র্ব্বছি ক'র্ব্বছি, চুপ ক'রে বোস।

নসী। বেশ—রাজী আছি।

কাপা। কি হ'ল, তুই আনতে পারলিনি কেন ?

সোণা। এ র'য়েছে, এর সামনে কি ব'ল্ছে ?

কাপা। ও আপনার মনে আছে, তুই বল্ না।

সোণা। কাঁকে নিয়ে আসবো, কারাগারে তো কাঁকেও দেখতে পেলেম না।

কাপা। দেখতে পেলিনি কি, তুই কোন্ কারাগারে গিয়েছিলি ?

সোণা। লালকুঠিতে।

কাপা। বেরিয়ে এসে সখী ছুঁড়ীকে দেখতে পেলিনি ?

সোণা। না। আমি কারাগারের ভিতর খুঁজে খুঁজে কাঁকে না পেয়ে বাইরে এলেম, দেখি, সে সখী ছুঁড়ীও নেই, ফের ভিতরে গেলেম, যে খালি ঘর—সেই খালি ঘর।

কাপা। সে কি !

সোণা। তুমি গিয়ে দেখে এসো না।

কাপা। কোথায় গেল ?

সোণা। তা কেমন ক'রে জানবো ?

নসী। মাকড়সা জাল বোন', আপনার জালে আপনি জড়াও, কি মজার মায়া, বাঃ—

কাপা। নসীরাম, কি ব'ল্ছিচ্ছিস ?

নসী। কেন বাবা, ফের আমার সঙ্গে ? আমি একদিকে আছি, তোমরা একদিকে থাক।

সোণা। এ কে ?

কাপা। ও জানিসনি, সেই যে পাগ্লামা, রাজাকে ঔষধ দিয়েছিল, রাজা ভাল হ'য়েছে।

সোণা। ও এখানে কেন ?

কাপা। ওঃসেই অধি যেখানে সেখানে যেতে পারে, ওর পাগ্লামাতে রাজা খুব খুশা। পাগ্লামা দেখতে রাজারা অমন একটা পাগল রাখে। তার পর কি হ'ল, বল্।

সোণা। আর কি হবে, আমি ফিরে এলেম।

নসী। রাধিকা, অত চাতুরী ভাল না, কালাচাঁদের কাঁধে উঠবে ? কালাচাঁদ পালাবে বাবা !

সোণা। এ কি বলে—ও সব বোঝো, ও ঠাট্টা ক'রছে !

কাপা। ও আবার কি ঠাট্টা ক'রবে—তুই বল্।

সোণা। আমি তো কাউকেই দেখতে পেলেন না, তুমি বরঞ্চ দেখে এস ; তোমার যেমন আমার প্রত্যয় হ'লো না, এক সখী সঙ্গে দিলে ?

কাপা। আমি তোকে কি অবিশ্বাস ক'রছি, বিরজা যদি না আসে।

সোণা। আমি বুঝেছি, রাজা কোথায় সরিয়েছে। বেশ হ'য়েছে, পোড়াকপালে, যেমন তুমি আমার বৃকের উপর দাগা দেবার মতলব ক'রেছিলে, তেমনি রাজা তাকে নিয়ে সিদ্ধ হবে।

কাপা। আর রেখে দে তোর রাজা, তার যো নাই ; আমি ভর দেখিয়ে দিয়েছি যে, সে পান্ডিনী কন্যা, তার সতী হ'নাশ ক'রলে ছ'মাসের ভিতর ম'রতে হবে।

সোণা। আর বিয়ে ক'রলে তো প্রমাই বাড়বে !

কাপা। অ্যা—অ্যা !

সোণা। বলি শোন না, রাজা যদি বিয়ে করে ?—তুই তো ব'লেছিলিস, রাজাকে ব'ল্বি যে, বিয়ে ক'রলে প্রমাই ব'ড়বে।

কাপা। তোর কে ব'লে ?

সোণা। কেন, সে দিন চক্রে যে আমায় সব বল্লি। আমি জানি, তুই মুখপোড়া সিদ্ধ হ'তে পারবিনি। আমার কি কপাল তেমন—তুই রাজা হ'বি, আমি রাণী হ'য়ে ব'সবো।

কাপা। তুই ভাব্ছিচ্ছিস কেন, রাজা কি লোক-লজ্জার ভয়ে বিয়ে ক'রতে পারবে, ছেলের সঙ্গে যার বিয়ে দিলে না ! আরও কত ভয় দেখাব, হ্যাঁ রে, সে দিন চক্রে ব'লেছিলেম না ধুমন্ত ব'লেছিলেম ?

সোণা। তা ধুমন্তই যদি বলে থাকিস্ তো অত ভয় কেন ? আর তো কেউ শোনে নি।

কাপা। তুই এখন যা, যদি তোর মিথ্যা কথা হয়, বিরজা যদি লালকুঠিতে থাকে, তোর কেটে ফেলবো।

সোণা। আর যদি সত্যি হয় তো তোর মুখে খ্যাঙ্গ'রা মারবো।

[ সোণার প্রস্থান ]

কাপা। তাইতো ব্যাপারখানা কি !

( অনাথনাথের প্রবেশ )

অনাথ। স্বামিজী এসেছেন, ভাল হ'য়েছে।—  
রুপা করি যাও তুমি পিতার সদন,  
রাজ-পদে মম নিবেদন



জানাষ্টে মহাশয়,  
ভিক্ষা চাহি রাজার চরণে,  
যাব আমি কারাগারে প্রেতসী সদনে ;  
ধম্মপত্নী বিরজা আমার,  
কারাগারে রব পত্নী মনে ।  
পবিত্র প্রাণে যদি থাকে অপরাধ,  
অপরাধ আমি শত গুণে ;  
বাণী—কঃ বুঝাইল,  
মম মন দৈব না ধরিলে,  
তাহ হায় প্রাণদণ্ড হবে তার,  
নহে এ উচিত !  
বধ্যভূমে উভয়ের বদ প্রাণ,  
এইমাত্র রূপা যাচে নন্দন ত তার ।

কাপা । হে কুমার !  
বজ্রপাত আর ক'র না কঠিন প্রাণে ।  
আমি সংসার-বিরাগী—  
তবু তোর তরে প্রাণ কাঁদে,  
পুল্লাধিক তুমি মম,  
হায় ! বিরজার মায়া কর তুমি পরিত্যাগ ।

অনাথ । ভুলিতে কে পারে,—  
কার হেন অধিকার !  
সেই আমার আমি তার, ভুলিব কেমনে !  
যে জানে সে জানে,  
এ তো ভোলা নাহি যায় ।  
ল'য়ে চল পিতার নিকট,  
পুনঃ আমি করিব মিনতি,  
পুনঃ আমি জানাব এ নিদারুণ জ্বালা ।  
আমি মরি !  
বিরজা বিহনে প্রাণ যায়—  
পলকে প্রাণ হেরি তারে না দেখিলে !  
সে আমার হৃদয়ে অঙ্কিত,  
হায় কি দশায় আছে প্রিয়তমা !

কাপা । আহা ! সত্য কুমার,  
চেন না সে ফণিনারে ।  
জান না জান না কিব প্রহরণ  
আচ্ছাদন করে রাখে সুন্দর আকৃতি ।

শুন, ধৈর্য্য ধর—  
দ্বিচারিণী সে রাক্ষসী ।  
অনাথ । কি—মিথ্যা কথা ! নহে দ্বিচারিণী,  
সে আমার প্রাণাধিকা, প্রাণপ্রিয়,  
সরলা বাণিকা আমার প্রাণের প্রাণ !  
কাপা । হে কুমার, কব কি তোমায়,  
লজ্জায় মরমে মরি !  
রাজা মুগ্ধ বিরজার রূপের ছটায়,  
পায়াইল দূতী তার পাশে,  
অনায়াসে সে পাপিনী করিল স্বাকার  
বিবাহ করিতে ভূপে ;  
হবে শীঘ্র উদ্বাহ নিব্বাহ ।  
অনাথ । কি—কি—কি ? না, মিথ্যা কথা ।  
কাপা । সত্য, বুঝা কর আশারে প্রত্যয় ;  
দ্বিচারিণী ক'রেছে স্বাকার,  
অচিরে সে বরিবে রাজায় ।  
অনাথ । সব মিথ্যা—সব মিথ্যা, জগৎ মিথ্যা ! বিরজা  
দ্বিচারিণী ! ওই যে—ওই যে— ( মূর্ছা )  
কাপা । শীঘ্রই তোমার বজ্রণার শেষ হবে, তৈরখীর  
নিকট শীঘ্রই তোমায় বলি দেব ।  
অনাথ । যাও ব্রহ্মচারী যাও,  
প্রাণে যদি থাকে তোর আশা ।  
নহে বল, ধরি তব পায়,  
দেছ মিথ্যা সমাচার,  
আমি দাস হ'য়ে তব পদ করিব হে সেবা ।  
বল বল শীঘ্র বল মিথ্যা সমাচার,  
কেন নরহত্যা হের ব্রহ্মচারি !  
কাপা । হা অভাগা,  
এই কি বিধাতা মম লিখিলে ক'রমে—  
প্রাণাধিক রাজপুত্র মোর,  
তার হেন দশা !  
হায় রে কিশোর প্রাণে  
দিলি হেন বাথা !  
অনাথ । যাও বিলম্ব না কর আর,  
দেছ শুভ সমাচার ।  
জান না জান না কি বাথা দিয়াছ প্রাণে ;

হায় ! রণভূমে শত্রু-অসি  
না পশিল হুদে,  
তীক্ষ্ণতর অসি-ধারে কাটিতে অন্তর !

কাপা । বৎস, ধৈর্য্য ধর ।

অনাথ । যাও- দূর হও,  
প্রবোধ দিওনা আর,  
ক্ষুদ্র প্রাণে কি বুঝিবি কি বেদনা মম ;

[ কাপালিকের প্রস্থান ।

এ ব্যথা বুঝিতে কেহ নারে !

নসী । কি বলি বেল্লিক—আমার রাধারাণী তোর  
ব্যথা বুঝতে পারে না ? তুই একদিন হায় হায় ক'রেই  
এই—আহা, রাজনন্দিনী রাধারাণী আমার একমাত্র বচ্ছর  
ধূলোয় প'ড়ে কেঁদেছে—আর কক্ষ এমন কালামুখো, কঁজীকে  
নিয়ে রইলো !

অনাথ । নসীরাম, কি বল্ছো, আমার বেদনা কি  
কেউ বুঝতে পারে ?

নসী । তুমি রাধারাণীর দুঃখের কথা শোননি—সে  
প্রাণ, মন, জীবন, যৌবন—সব কক্ষকে দিয়েছিল, শেষে রাই  
আমার ধূলোয় প'ড়ে কাঁদলে !

অনাথ । নসীরাম, তুমিই স্মৃতি ।

নসী । তুমিও কেন স্মৃতি হও না ? রাজকুমার  
হওয়াই শত্রু, আমার মত হওয়া তো আর মুস্কিল নয়,  
নসে পাগ্লা তো হ'লেই হ'লো !

অনাথ । সত্য কি দ্বিচারিণী—এ অপবাদ দিতে  
কি স্বামিজী সাহস ক'রবে ? ওর লাভ কি, আমি ওরে  
কথায় ব্যথিত দেখলেম ; মিথ্যা কথা সে কি দ্বিচারিণী  
—নসীরাম, তোমার প্রাণের ভয় আছে ?

নসী । অত ঠাউরে দেখিনি, বাঁচতে হয় বাঁচবো—  
ম'রতে হয় ম'রবো ।

অনাথ । আর দেহে ফল কিবা,  
কি স্মৃতে এ জীবন ধারণ !  
দরিদ্র কে কোথা আছে হায়—  
যার সনে অবস্থা না করি বিনিময় ।  
কেবা জলে এ দারুণ বিষে,  
পিতা হ'য়ে শত্রু হয় কার,

কেবা করে হেন ব্যবহার ?  
ধিক, হেয় প্রাণ কেন রাখি আর !  
সত্য মিথ্যা সবিশেষ তত্ত্ব লব ।

স্মৃতিলোপ হয় কি মরণে—  
মরণে কি জালা হয় দূর ?  
মহানিদ্রা লোকে বলে,  
সে নিদ্রায় দেখে কি স্বপন ?  
হলাহল প্রাণে আর না সহিতে পারি !

নসী । আরে, বেশ মজা ক'রছে, খামুকা খামুকা ভেবে

ম'রছে—কি ভাব্ছো ?

অনাথ । কি জানি !

গেল, সকলি ফুরাল,  
রহিল কেবল স্মৃতি ।  
স্মৃতি রহিলে জলিবে  
নিভিলে কেবল চিন্তা নলে ।

বেদনা কি লেগেছে আমার ?  
বুঝিতে না পারি ।

আছে কি ব্যথার ব্যথা—

শুধাইব কারে,

লেগেছে বা না লেগেছে প্রাণ ।

বুঝিতে না পারি, সব সন হেরি,  
কই—কোথা ব্যথা, কোথা অল্প ভয়,  
উদ্দেশ্য কি আছে মন,

কেবা আমি কি কাজে বা ফিরি ?

মৃত্যু ! ঘুণায় বা জাগে ।

অধিক অনিষ্ট কিবা ভায় ;

মৃত্যু-ভয় এত কি কারণ ?

জনম-মরণ মাঝে কয়দিন এই অভিনয় ।

কুংসিং এ অভিনয়,

যবনিকা-পতন উচিত ।

নসী । কি ঠাওরাচ্ছ, ঠাওরাও, ঠাওরাও, দিনকতক  
ঠাউরে নাও, আমিও কত ঠাওরাতেন—ক'রবে ?

অনাথ । কি ঠাওরাতে ?

নসী । সে আগোড় বাগোড় তাগোড় কত দিন তোমায়  
ব'লবো । কে খাওাবে, ম'লে কি হবে, কেন আর  
দুঃখ করা, ম'লেই হ'লো—

অনাথ । তারপর ?

নন্দী । তারপর ছ' গালে চার চড় লাগিয়ে দিলেম, ব'লেম 'শালা ম'লেই হয় আর বাঁচলে হয় না ?'

অনাথ । পাচা কিসের জন্ত—যা ক'রছি, তাই ক'রতে ?

নন্দী । কে তোমায় তা মাথার দিকি দিলে, আগোড় বাগোড় তাগোড়গুলো ছেড়ে দিয়ে বাঁচলেই তো হয় ।

অনাথ । তুমি যদি কখনও রাজকুমার হ'তে, যদি পিশাচাকে প্রণয় অর্পণ ক'রতে, যদি তোমার পিতা তোমার বক্ষে বজ্রাঘাত ক'রতে, তা হ'লে বুঝতে, এ চিন্তা ছাড়া যায় কি না ।

নন্দী । আর তুমি যদি দিন কতক হরি হরি ক'রতে, তা হ'লে আমি বুঝতেম্ যে, এগুলো ভোলা যায় কি না ।

অনাথ । হরি কে—তার কি আছেন ?

নন্দী । তা নিয়ে তোমার মাথা বাথা কেন ? জল জল ক'রলে যদি তেঁটা মেটে তো জল নাই বাকলো ।

অনাথ । তা কি হয় ?

নন্দী । হয় না হয়, পরস ক'রে দেখলে বুঝতে পার । হরি ন'ই বলে কারা জান ? যারা একবার হরি হরি করেন—মনে করেন, হরিকে খুব কৃপা ক'রেছি—তবু হরি কেন এসে তাঁর বাপের বাপানের মানা হয় না ; আর হরি আছে কি না, জিজ্ঞাসা করে না কারা জান ? যাদের হরিনাম ক'রতে ক'রতে প্রাণ ভ'রে যায়, যত হরি হরি করে, তত আনন্দ হয়, তারা সাবকাশ পায় না যে, জিজ্ঞাসা করে, 'হরি, তুমি আছ কি না ?' ততক্ষণ আর দুটো হরিনাম ক'রবে !

অনাথ । তুমি হরিনাম কর ?

নন্দী । হরিনাম ক'রব না, মজা ওড়াব না, তোমায় মতন তো আমি পাগল নই, যে ভাবলো, কি হবে, কি ক'রবো ?

অনাথ । আচ্ছা নন্দী, তুমি কে ?

নন্দী । তোমার মতনই সব ; তোমায় বলে কুমার, আমায় বলে নসে পাগলা ।

অনাথ । ও তো বুঝলেন ; তোমার বাপ মা তো ছিল ?

নন্দী । তা না তো কি আমি হুঁইফোড় ?

অনাথ । তোমার বাপ কে ছিল ?

নন্দী । লোকে ব'লতো বামুন ।

অনাথ । তোমার পৈতে হয় নি ?

নন্দী । ছিল গাছ ছুই সূতো ! তা আমার পৈতের সময়ই বাপ-মা মরে যায় । সে যদি মজা দেখতে—মা যখন ম'রতে যায়, একে একবার বলে—'ছেলেটাকে দেখো,' ওকে একবার বলে—'ছেলেটাকে দেখো,' কিন্তু ম'রে আর বেটা কুড়ি বছরের ভিতর খোঁজ নিলে না । আর আমি—সেই শশানঘাটে হাত-পা ছুঁড়ে কান্নাই কত, এই যে এক একবার হাদি দেখতে পাও, সেইগুলো মনে পড়ে, আর হাসি । মনে হ'লো, কে খাওয়াবে, কোপায় থাকবে, বেঁচে সুখ কি, মরি এখন—এমন সময় দেখি যে, নগর-সঙ্কান্তন যাচ্ছে, রাম-শিঙ্গে বাজিয়ে খুব আনন্দ ক'রতে ক'রতে চলেছে, একজন বৈরাগী আমায় হাত ধ'রে তুলে ; খোলার বাজি শুনে, আর তারা নাচে, আমিও নাচতে লাগলেন ; হরিবোল হরিবোল ক'রতে লাগলেন—দেখলেন, যা মজা, তা এতেই, কারুর তোয়াক্কা নাই বাবা, বাসে হরি হরি কর ।

অনাথ । মজাটা কি ?

নন্দী । ওই ভাবনাগুলো নাই । দেখ দেখি, এ রকম হ'লে তোমার জীবনা হয় কি ? ম'রতেও চাইনি, বাঁচতেও চাইনি, রাজার বাড়িও চাইনি, গাছতলাও চাইনি, ক্ষার-সরও চাইনি, খুদ-কুড়োও চাইনি, ও সব ভাবিহীন, জানি, ও একদিন সুখ একদিন দুঃখ আছেই, সুখ-দুঃখ দু'শালা সঙ্গের সাথী ; ও যা হবার হোক, আমি করি হরিবোল, হরিবোল, হরিবোল !

অনাথ । নন্দী, তুমি পাগল নও ।

নন্দী । তার ঠিকানা কি, এ পাগল কি না, বুঝতে পারে কে জান—যে পাগলও নয় অপাগলও নয় ।

অনাথ । নন্দী, হরিনাম ক'রলে কি স্মৃতিলোপ হয় ?

নন্দী । কেন, তা তোমার দরকার কি ? এগুলো তখন মনে হ'লে হাসি পাবে—কত মজা হবে, মনে ক'রবে, রাজকুমারটা কি পাগল ছিল ।

অনাথ । হরিনাম ক'রলে কি রাজকুমার থাকে না ?

নন্দী । না, পাচ পেটাতে যা বলে, তাই তো নাম । আমায় যেমন নসে পাগলা বলে, তোমায় তেমনি বাসে পাগলা কি

অনা পাগলা—যা হয় একটা বলবে। লোকের কি, শালাদের আমি দেখেছি, যে বেটারা তাদের মতন পাগল না হয়, আপনার মজায় থাকে, তারেই বলে পাগল। কোন শালা ধনের কাঙাল, কোন শালা মানের কাঙাল, কোন শালা মেয়ে মানুষের কাঙাল, কোন শালা ছেলের কাঙাল—যে শালা কেপ্লাবৃত্তি না করে, সে শালাই পাগল।

অনাথ। না নসীরাম, তুমি পাগল নও, তোমার সঙ্গে আমি থাকুবো, তোমার কথায় আমার বড় প্রাণ ঠাণ্ডা হয়।

নসী। আমার সঙ্গে তোমার বনবে কেন ভাই?

অনাথ। কেন?

নসী। দেখ, তোমার একদিকে সখ, আমার একদিকে সখ। আমি মনে করি কারুর তোয়াক্কা রাখব না, আর তুমি মনে কর, বেশ একটা হুন্দরী ছুঁড়া হবে, সে তোমায় বলবে ভালবাসি, তুমি তাকে বলবে ভালবাসি; তোমার চাই লোকজন, কেউ যদি না কাছে থাকে, নিদেন একটা নসে পাগলা চাই। আর আমি কি চাইব, তা খুঁজেই পাইনি।

অনাথ। নসীরাম, তোমার কি সংসারে চাইবার কিছুই নাই?

নসী। চাইবার মত জিনিষ একটা দেখিয়ে দাও, পাই না পাই তবু একবার চাই। সব ভুয়ো, সব ভুয়ো, সব ভুয়ো! হুন্দরী ছুঁড়া—পুড়ে ছাই হবে; লোকজন—কোথায় যাবে, তার ঠিকানা নাই; টাকাকড়ি—আজ বলছো তোমার, তোমার হাত থেকে গেলেই ওর, আবার ওর হাত থেকে গেলেই তার, না যদি খরচ কর তো দু'হাতে দু'মুটো ধুলো ধর না কেন। বল—এই আমার টাকা, এই আমার টাকা। একটা জিনিষের মতন জিনিষ দেখিয়ে দিতে পার তো চাই।

অনাথ। তুমি যে হরি হরি কর, হরিকে চাও না?

নসী। আরে দূর—যে আমার জন্তু ঘুরে বেড়ায়, তারে আবার চাইব কি!

অনাথ। তুমি কি বল, হরি তোমার জন্তু ঘুরে বেড়ায়?

নসী। বেটা ঘুরবে না; আমি তো আমি—পশু-পক্ষী কীট-পতঙ্গ সবার জন্তু ঘুরে বেড়ায়। কি খাবে, কোথা থাকবে, আমি ওই মজাই দে'খে বেড়াই। খালি লুকোচুরি খেলছে—সকলেরই সাম্নাসাম্নি বেড়াচ্ছে, সকলকে দিচ্ছে, কিন্তু সবাই মনে ক'রছে, আমি বাগিয়ে নিলেম। তুমি যদি

একবার দেখ, তোমার নাচ-তামাসা ভাল লাগবে না। ঘর, ঘর পুতলোবাজী। তার ক'রে নাচাচ্ছে, আর নাচ্ছে। তা তোমায় এক কথা বলি, শোন,—পাঁচ জনের তোয়াক্কা যদি ভাই ফের তো আমার সঙ্গে ব'নবে না, আর যদি মজাদারী আমি চাও তো পায়ের উপর পা দিয়ে আমার সঙ্গে ব'সে আমি করি।

অনাথ। নসীরাম, এ সব তোমায় কে শেখালে?

নসী। দেখেছি।

অনাথ। কি আশ্চর্য, আমি রাজপুল হ'য়ে দিবানিশি জ'লছি, আর তুমি ভিখারী, তুমি নিশ্চিন্ত আছ।

নসী। এ তো একটা আশ্চর্য দেখলে, অমন ঠাউরে দেখ তো আরও কত আশ্চর্য দেখতে পাবে, দেখে দেখে অরুচি ধ'রে যাবে।

অনাথ। আচ্ছা নসীরাম, তোমায় যদি কেউ বন্দা করে?

নসী। বন্দী করে কি—ক'রেছে, পাঁচ ভূতে ক'রেছে, নইলে আমি রাজারাজড়ার বেটা, এমন ক'রে প'ড়ে থাকি? খালি উড়ুর বুদ্ধর চুড়ুর—যেন কুপোর ভিতর ভূত পুরেছে!

অনাথ। তুমি রাজপুল?

নসী। তুমি কি বল হেংলা ঘরের ছেলে? তা হ'লে কেপ্লাপনা ক'রে বেড়াতেম। আমার বাবার হুকুম না হ'লে গাছের পাতাটাও নড়ে না।

অনাথ। তবে তোমায় পাঁচভূতে বন্দা ক'রেছে কেমন ক'রে?

নসী। বাবা বেটা মাথাপাগলা, দিলে দিনকতক বন্দী ক'রে। সখ—সখের ওপর কাজ! কে কথা কইবে বাপু, তার যে সখ সেই ভাল, বুঝ না, সে যে কর্তা।

অনাথ। নসীরাম, তুমি আমার কাছ থেকে বেও না।

নসী। আমি যাব না, তুমি না স'রে যাও।

( মন্ত্রী প্রবেশ )

মন্ত্রী। কুমার, আপনাকে মহারাজ ডাকছেন।

অনাথ। চলুন।

নসী। চ'লে যে?

অনাথ। মহারাজ ডাকছেন, আমার উপায় তো নাই।

নসী। তাই তো বলি—তোমার কাছে থাকুবো, এই

হান্ ক'র্বো, অমন লম্বাই চোড়াই কর কেন ? আর অমন ক'র না, কাণমলা খেয়ে চ'লে যাও, শ্রোতের কুটো হ'য়ে পড়, যে দিকে নিয়ে যায়, যাও। বেশ ক'রে বুঝে দেখ, তোমার একুর কিছুই নাই, সবই হরির উচ্ছা—যাও।

[ অনাথনাথ ও মন্ত্রীর প্রস্থান।

( সোণার প্রবেশ )

সোণা। মুখপোড়া এইখানে ছিল, গেল কোথা ?

নসী। দেখ, তুমি যদি হরিনাম কর, আমি ধানিক শুনি।

সোণা। হরিনাম তো ক'রবোই, আগে মুখপোড়ার মুখে আগুন জ্বলে দিয়ে নিশ্চিন্দ হই।

নসী। ইস, তো বেটার ভারা তেজ ! হরি তোর হাতছাড়া হ'তে পারবে না। লক্ষ্মী সোণা, তুমি একবার হরি বল, তোমার মুখে হরিনাম বড় মিষ্টি হবে, তোমার পায়ে পড়ি—বল।

সোণা। ও মা, একি গো, ভাল পাড় জ্বালানে লোক ; ব'লছি বাবু—হরিবোল, হরিবোল, হরিবোল !—এখন যাই ?

নসী। আচ্ছা, আবার যখন ইচ্ছায় হরি ব'লবে, আমায় শুনিও।

সোণা। হরি বলান তো হরি ব'লবো।

[ সোণার প্রস্থান।

নসী। ও বেটা, তুমি এমন সেয়ানা, তোমার হরির উপর ভার ! ঠিক বুঝেছি—সেই বেটার উপর সব ফেলে দে, আর তোর যা খুসী, তাই ক'রে বেড়া।

[ প্রস্থান।

## তৃতীয় অঙ্ক

### প্রথম গর্ভাঙ্ক

বিশ্রাম-গৃহ

রাজা ও কাপালিক।

কাপা। অনিষ্ট-আশঙ্কা নূপ, হেরি অতিশয়।  
রাজ্যময় প'ড়েছে ঘোষণা,  
পুল্লবধু প্রতি তব মজিয়াছে মন।  
প্রজার জীবন ধন কুমার তোমার,  
সৈন্য ফেরে তাহার ইঙ্গিতে,  
শঙ্কা হয় চিতে,  
চারিভিতে জ্বলিবে বিদ্রোহানল।  
মহাবল পুল্ল তব, শিক্ষিত সৈনিক দলে  
প্রবেশিলে রণে হবে ছুনিবার,  
শক্তি কারু না হইবে রোধিতে তাহারে,  
তাই কহি ত্যজ এ বাসনা।

রাজা। শুন কহি, ক'রেছি যে সুকৌশল ;  
আজি রাজ্যে করিব প্রচার,  
সোণা নামে দূতী যে তোমার,  
পাণি তারি করিব গ্রহণ,  
তাহে এ সন্দেহ হবে দূর।

কাপা। এ কি কথা !  
হবে তাহে ঘৃণার ভাজন,  
সবে কবে মতিভ্রম জন্মেছে তোমার ;  
পদচ্যুত করিয়া তোমায়,  
কুমারে অপিবে সিংহাসন।  
তাই কহি নাহি প্রয়োজন,  
ছাড় বিরজায়।  
কুমার যতপি পুন মিলে তার সনে,  
বোঝাব প্রজায়, রাজপুল্ল শত্রু-অনুগত,  
কেহ আর সাপক্ষ না হবে তার।

রাজা । বিরজায় কেমনে পাইব ?  
 কাপা । কৌশল করিব পরে ।  
 বৈরীভাবে কুমারে হেরিবে প্রজা,  
 বন্দী কর কিম্বা বধ' প্রাণ,  
 তাহে কেহ না করিবে দোষারোপ ।  
 রাজা । না না, এ নহে উপায় ;  
 প্রাণ যায় বিরজা বিহনে,  
 প্রাণের বারতা মম কুমারে জানাব,  
 প্রাণ ভিক্ষা লব,  
 মেগে লব বিরজারে ।  
 পুত্র মম অতি সদাশয়,  
 বিরোধী না হবে তাহে ;  
 যাও তুমি আসিছে কুমার ।

[ কাপালিকের প্রস্থান ।

( অনাথনাথের প্রবেশ )

শুন পুত্র, প্রাণ ভিক্ষা মাগি তোর ঠাই !  
 মুঞ্চ প্রাণ বিরজার রূপের ছটায়,  
 নারীরত্ন আমারে কর রে সমর্পণ ।  
 নহে ইচ্ছা যদি,  
 নিজ হস্তে বধ এ জীবন ।  
 প্রাণের মালিণ্ড মম ক'রেছি প্রকাশ,  
 কহ বৎস, যেবা তব হয় অভিলাষ ।  
 যাবে প্রাণ বিরজা বিহনে,  
 হও যদি বাদী, কহিনু নিশ্চয়,  
 পিতৃ বধ লাগিবে তোমায় ।  
 জেনো পুত্র, আমি আর নহি রে আমার,  
 বুঝহ ব্যভার,  
 পিতা হ'য়ে পুত্রে কেবা হেন বাক্য কহে !  
 কর তুমি যথা অভিরুচি ।  
 অনাথ । তুমি ইষ্ট, তুমি শ্রেষ্ঠ, সাক্ষাৎ বিধাতা,  
 অভিলাষ কর তুমি যার—  
 সে মম জননী সম ।  
 তুমি রাজা, প্রজা আমি তব,  
 আজ্ঞা যেবা হবে সেই নিয়ম আমার,

কর দেব, যথা অভিরুচি ।

রাজা । লোক-মুখে শুনি, পুত্র, ভয় গণি মনে,  
 প্রজাগণ তোমার কারণে  
 বিরোধী হইবে মম ।  
 শুনি সৈন্যদল বিদ্রোহ-অনল—  
 প্রজ্বলিত করিবে নগরে ।  
 রাজ্যে সবে তব আজ্ঞা মানে,  
 বিশৃঙ্খল কর নিবারণ ।

অনাথ । তুমি রাজ্যেশ্বর, রায়েছে নফর,  
 কার সাধ্য বাদী হবে তব ?  
 তব ইচ্ছা যাহা, কে রোধিবে তাহ ;  
 কার আছে অধিকার ?  
 বিশৃঙ্খল ক'রু নাহি হবে ;  
 কিন্তু এক ভিক্ষা পায় মাগি নররায়,  
 নফরে বিদায় দেহ ।

শুন মতিমান, করিব সন্ধান,  
 কেন নরে দেহ ধরে,—

ভ্রম হয় মনে কিবা প্রয়োজনে  
 আসিয়াছি ধরাধামে !—  
 পশুর সমান,

মানবের মরণ কি পরিণাম ?

রাজা । শুন পুত্র, ত্যজ এ বিরাগ,  
 সিংহাসন রাজ্যধন করিব অপণ,  
 রহিব বিরলে আমি বিরজারে ল'য়ে ।  
 মম আশীর্ষাদে চির সুখে যাবে দিন,  
 পিতৃবধ হবে শোধ ;  
 আজি তোর পরাইব মুকুট মাথায় ।  
 মন কিরাতে না পারি,  
 তাই লাজ পরিহরি  
 ভিক্ষা চাই তোর ঠাই ।

অনাথ । চিরদিন হিত চিন্তা কর তুমি মম,  
 তবে কেন কর আজি অহিত কামনা ?  
 যাই পিতা, যদি থাকে স্নেহ,  
 বাধা নাহি দেহ,  
 বিজনে বসিয়া করিব হরির পদ ধ্যান ।  
 যদি ক'রু হয় ভাগ্যোদয়,

পাই কতু দরশন,  
সুখ-ইব তাঁরে ধরা-কারাগারে—  
কেন আনি রাখেন মানবে ?  
বাসনায় বাতুলের প্রায়,  
সুখ-আশে ভাসে আঁখিনীরে,  
এ কেন বিধান তোমার ?

( নসীরামের প্রবেশ )

নসী। তবে রে বেকুব, তার পাঠা সে যদি লেজের  
দিকে কাটে, হোর কি রে ? এ কেন, ও কেন, ওরে কৈফি-  
য়েৎ দাও। তোমার বাপের খাতাঙ্কি কি না ! যাবি চ'লে  
যা, বাপের কাছে মায়া-ক'লা ক'দতে এসেচেন !

রাজা। নসীরাম, সব সময় পাগ্লামো ভাল লাগে না।  
অনাথ। এঁরে পাগল ব'লুন না।—

যে সুখ-আশায় উন্মাদ মানবকুল,  
অসুখ বাতুল সেই সুখ হৈলে পায়।  
নাহি প্রয়োজন, স্বেচ্ছাচারী পবন যেমন,  
ক্ষোভহীন আকাঙ্ক্ষা-বজ্জিত,  
হেন জন কখন কি দেখেছ ভূপাল ?  
বাহিত এ উন্নততা কার ভাগ্যে ঘটে !  
পিতা,  
উপদেশ পেয়েছ এ উন্মাদের ঠাই,  
রাজ্য নাহি চাই,  
চ'লে যাই—প্রণাম চরণে।

[ অনাথনাথের প্রস্থান।

রাজা। নসীরাম, শোন শোন—দেখছি অনাথ তোমার  
কথা শোনে, তুমি ওরে শাস্ত হ'তে বল, আমি ওরে  
রাজ্য দিচ্ছি, রাজ্য-প্রাপ্তে জনজন কুটীরে অবস্থান ক'চ্ছি, ওকে  
বল, যেন কোন বিশৃঙ্খলা না ঘটায়।

নসী। হ্যাঁ, ওর সাধি কি যে বিশৃঙ্খল করে! সে  
শেকলা-শিক্তি বোধ, যার পর বা, আমি অমন ঢের রাজপুত্র  
দেখলেম!

রাজা। নসীরাম, তুমি ঠাণ্ডা কর, তুমি যা চাও,  
তা দেব।

নসী। দেবে তো ? এই কথা রইল ? মনে ক'রছ,

পাগ্লামো বেটা ভুলে যাবে—চাইবে না, আমি একদিন এসে  
চাইব।

[ নসীরামের প্রস্থান।

রাজা। যা হবার হবে, প্রাণের চেয়ে কি আছে ! আমি  
বিরজাকে নেব—স্বয়ং যুদ্ধ ক'রবো, প্রাণ যায়, অধিক অনিষ্ট  
কি হবে, বিরজাকে না পেলে তো মৃত্যু !

( কাপালিকের প্রবেশ )

কাপা। মহারাজ, উদ্বিগ্ন হবেন না, আমি সকল কথা  
শুনেছি। আমার উপর সকল ভার দিন, আমায় আগনার  
নামাক্তিত মোহর দিন, আপনি বিরজাকে ল'য়ে বিলাসভবনে  
থাকুন, আমি সব সৃষ্টিলা ক'চ্ছি।

রাজা। এস তাই হবে, তুমি যা জান কর, কুমারের  
অভিপ্রায় ভাল বুঝলেম না।

[ উভয়ের প্রস্থান।

## দ্বিতীয় গর্ভাঙ্ক

ছায়া কানন

অনাথনাথ ও নসীরাম।

অনাথ। প্রভু—গুরু—পতিতপাবন!—দয়াময় ! আমায়  
ব'লে দিন, হরি কোথায় ?—কোথায় তাঁর দর্শন পাব ?

নসী। আরে বাঃ বাঃ বাঃ, ছিলেম নসে, তুমি যে কতক  
গুলো নাম দিয়ে ফেললে !

অনাথ। প্রভু, বঞ্চনা ক'রবেন না, আমি অজ্ঞান,  
আমায় জ্ঞানদৃষ্টি দিন,—বলুন, তিনি কোথায় ?

নসী। দেখ, আমিও তোমার মতন জিভাসা ক'রে বেড়া-  
তেম, তা শালারা ব'লতো কি জ্ঞান—'গোলোকে,' আ মবু,  
গোলোক কোথা রে বাপু!—ভবলোক, তপলোক, জনলোক  
এই কতকগুলো লোক না ব'লে,—বলে তার উপর, —আমি  
কিছুই বুঝতে পারতেম না। তার পর দেখছি —

গায় কথা হচ্ছে, প্রহ্লাদ বলে একটা ছোঁড়া ছিল, সে অমনি দিন নাই, দুপুর নাই, হরি হরি ক'রে ডাকতো, আর হরি অমনি আসতো। আমি ঠাওরালেম, আমিও সেই রকম হরি হরি ক'রবো ; হরি হরি করি, আর চোখ চেয়ে দেখি, কেউ কোথাও নাই ! আবার খাবার দাবার যোগাড় ক'রতে হয় কি না, এদিক ওদিক যাই ; একদিন মনে ক'ল্লেম, আর খাব না, বেটাকে খুব ডাকি ; রাত দুপুরের সময় ধড়াতে ছানা চিনি, আর কত কি তোরে ব'ল'বো—নিয়ে এসে বলে 'খা'।

অনাথ । প্রভু, আমি হরির দেখা পাব ?

নসী । পাবি ; সে ভেড়ের ভেড়ে একটা পান্থা, পরের ভাবনা ভেবেই মরে, যে আপনার ভাবনা ভাবে না, হরি তারই ভাবনা ভাবে।

অনাথ । প্রভু, আমি অজ্ঞান, আমার বুঝিয়ে দিন, সকলেই তো আপনার ভাবনা ভাবে।

নসী । তা বাপু, সেইটি ভাবতে পারেনা ; যে যতটুকু আপনার ভাবনা ভাবে, সে ততটুকু তফাতে থাকবে।

অনাথ । প্রভু, ভাবনা তো দূর হয় না !

নসী । আরে, তুই যে মজা বুঝতে পারছিসনি,—ক্রমে পারবি। কি জানিস, যখন তোর জন্মে আর একজন ভাবছে, তোর এত ভাবনার দরকার কি ? এই বোঝা না কেন, যখন ছেলে ছিলি, তুই মজা ক'রে মাই খেঁওস, আর তোর মা মাগী ভেবে ম'রতো, আর এখন যদি না ভাবিস, হরি তোর জন্মে ভাবে ; কিন্তু বাবা, ভাবের ধরে চুরি কোর না, ঠিক-ঠাক—কেউ কাটতে আসে, ফিরে চাইবি নি, মজাসে হরি-বোল হরিবোল ক'রবি—হরি বেটার বাপের মাথা ব্যথা, তলোয়ার এসে ধ'রবে। তোরে ব'ল'ছি কি, প্রহ্লাদকে আগুনে পোড়াতে গিয়েছিল, হরি সেখানে গিয়ে তারে কোলে ক'রে ব'সলো। বুঝি—তুই মনে ক'রছিস কি জানিস—যদি না ধরে ? না ধরে নাই ধ'রবে, এমন তো লোক নারা বাচ্ছে, এমন নয় যে, ফিকির ক'রে কেউ বেঁচে আছে, তুইও না হয় নারা গেলি।

অনাথ । প্রভু, মন কি স্থির হবে ?

নসী । স্থির হবে, ও মন বেটার এক মজা দেখেছি, যদি রাত-দিন হরিরোল বলা অভ্যাস করিস, তাহলে মন বেটা হরি হরিই ক'রবে ; যখন এটা সেটা ভাবনা আসবে,

তখনই তুই হরি হরি ক'রবি, তখন ভাবনা শালা পান্থাবান পথ পাবে না ; আমার তো ভাই, এই হ'য়েছিল।

অনাথ । প্রভু, পদধূলি দিন, অপনার কথায় আমার ভরসা হচ্ছে।

নসী । ও ভয়-ভরসা ছুঁ শালাই শক্র ! তোর ভয়েও কাজ নাই, ভরসায়ও কাজ নাই, আন কথায়ও কাজ নেই। আয়, হরি হরি করি—হরিবোল, হরিবোল, হরিবোল !

অনাথ । হরিবোল, হরিবোল, হরিবোল !

( শঙ্কুনাথের প্রবেশ )

শঙ্কু । রাজকুমার আসুন।

অনাথ । কোথায় যাব ?

নসী । কাজ কি তোর মাথা ব্যথা, যেখানে হোক নিয়ে থাক না, তুই হরি হরি ক'রতে ক'রতে যা।

অনাথ । প্রভু, প্রণাম !

নসী । আমিও তোকে প্রণাম করি, যে হরি হরি করে, তাকে আমি প্রণাম করি।

অনাথ । প্রভু, করেন কি, এতে যে আমার অপরাধ হয় !

নসী । আ—গেল যা, যার যা ইচ্ছা করুক না, তুই কেন হরি হরি কর না।

অনাথ । গুরু, যে আজ্ঞা—হরিবোল, হরিবোল, হরি-বোল !

শঙ্কু । কুমার, আসুন।

[ অনাথনাথ ও শঙ্কুনাথের প্রস্থান।

( মাদুলী ও বিরজার প্রবেশ )

মাদুলী । আপনি ব'লতে পারেন, কুমারকে কোথায় নিয়ে গেল ?

নসী । তোমার কুমারের তোয়াক্কা যে রাখে, তাকে জিজ্ঞেস কর গে, সেই হরিকে জিজ্ঞেস কর গে।

বিরজা । হরি কে ?

নসী । যে ওই কুমারের তোয়াক্কা রাখে।

বিরজা । আমি তো তাঁকে চিনি।

নসী । না চেন, আমি কি ক'রবো বল ? কিন্তু চিন্তা-লেই চিন্তে পার, একবার মন খুলে জিজ্ঞেস করলেই হয় -



‘হরি, কে তুমি?’

মাধুলী। ও সেই পাগল, ও ব’ল্চে, ভগবানকে জিজ্ঞেস কর।

নন্দী। আ—গেল যা, আমি ভগবানকে জিজ্ঞেস ক’রতে ব’ল্ছি, আমি হ’লেম পাগল—আর তোরা একটা ম’নুষকে জিজ্ঞেস ক’র্ছিস্, তার চোক বুজ্লেই অন্ধকার—আর তোরা হ’লি ভাল। সত্যি, তামাসা ব’র্ছি নি, তুই হরিকে জিজ্ঞেস করিস্না, সব ব’ল্বে।

মাধুলী। হরির কোথায় দেখা পাব বল, যে জিজ্ঞেস ক’র্বো?

নন্দী। আ গেল যা, এই একজনের সঙ্গে ব্যাড়া ব্যাড়া ক’রে ব’ক্লেম, আমার এর সঙ্গে বকি, যে দিন হরিকে খুঁজ্ বি, সেই দিন হরি এসেই ব’লে দেবে, কোথায় তাঁর দেখা পাবি; এখন যাকে খুঁজ্তে যাচ্ছিস্ যা।

মাধুলী। আমরা রাজকুমারকে খুঁজ্ছি।

নন্দী। তা আমার কি?

বিরজা। আপনি তো রাজবাড়ী যান, আমায় তত্বজ্ঞে দিতে পারেন?

নন্দী। আমি কিছুই পারিনি।

[ নন্দীরামের প্রস্থান।

বিরজা। সখি, কি উপায় করি—রাজকুমারের সন্ধান কিরূপে পাই? আমার মনে মনে বড় অনিষ্ট আশঙ্কা হ’চ্ছে।

মাধুলী। দেখ, এদিকে সেই স্বামিজী আস্ছে, যে রক্ষীরা রাজকুমারকে নিয়ে গিয়েছিল, তার একজন এর সঙ্গে, একটু আড়ালে দাঁড়াই, ওরা কি বলে শুনি।

• [ উভয়ের অন্তরালে গমন।

( শত্ৰুনাথ ও কাপালিকের প্রবেশ )

কাপা। কি—সন্ধান ক’রে দেখ্লে যে বিরজা সেখানে নাই?

শত্ৰু। সে খালি বাড়ী, কেউ সেখানে নাই।

কাপা। রক্ষকেরা কি ব’লে?

শত্ৰু। একটা স্ত্রীলোক আসে যায়, এই মাত্র।

কাপা। কে সে স্ত্রীলোক?

শত্ৰু। তা তারা জানে না।

কাপা। তবে সে সেই স্ত্রীলোকের দ্বারাই ষড়্‌যন্ত্র ক’রে পালিয়েছে, কে সে স্ত্রীলোক, সন্ধান কর।

শত্ৰু। সকলে বলে, সেই স্ত্রীলোকের সঙ্গে রাজার বিবাহ হবে।

কাপা। অ’্যা সোণা না কি! রাজা তো প্রচার ক’রেছে, সোণার সঙ্গে তার বে হবে; সোণা বেটী কি কিছু ষড়্‌যন্ত্র ক’রেছে নাকি!—রাজকুমারকে আমার আশ্রমে রেখে এসেছ?

শত্ৰু। আজ্ঞে, সে খবর তো আপনাকে পাঠিয়ে দিয়েছি, দু’জন রক্ষী সেখানে আছে, তিনি আর পালাতে পারবেন না।

কাপা। শত্ৰুনাথ, সন্ধান ক’রে তুমি এ দুটো মেয়েকে ধর, তা হ’লেই তোমাকে আমি চেলা ক’র্বো, বেশী দূর তারা যেতে পারেনি, চতুর্দিকে লোক পাঠাও, আমিও টেঁড়া পিটে দিচ্ছি।

শত্ৰু। তাদের তো আমি চিনিনি।

কাপা। একজন পরমা সুন্দরী, অমন সুন্দরী কখনও দেখিনি। যাও, সন্ধান কর—কি হয়, আমার আশ্রমে খবর দিও।

শত্ৰু। যে আজ্ঞা।

[ শত্ৰুনাথের প্রস্থান।

কাপা। ইস্, দু’বেটী হাত ছাড়া হ’য়ে গেল! সিংহাসন তো নিশ্চয় পাব, সমস্ত ভার পেয়েছি। এখন কোন সুযোগে রাজাকে বধ ক’বুতে পার্লেই হয়। ভাল কথা, আমার লোকের দ্বারা বন্দী ক’রে প্রকাশ ক’রে দিই যে, ব্যামো হ’য়েছে; না খেতে দিয়ে মেরে ফেল্বে, প্রজারা দেখ্বে—জীর্ণ-শীর্ণ হ’য়ে ম’রেছে। আর কুমারকে তো আজ রাত্রে বলি দেব। আমার একটা বড় দোষ হ’য়েছে, মদ খেয়ে ঘুমিয়ে সব মনের কথা ব’লে ফেলি, সোণা বেটী কতক কতক শুনেছে, তা এ ষড়্‌যন্ত্র সে বেটী কি ক’বুতে পার্বে?

[ কাপালিকের প্রস্থান।

( বিরজা ও মাধুলীর পুনঃ প্রবেশ )

বিরজা। মন্দ অভিসন্ধি ধরে পাষাণ দু’জন,  
সন্দেহ নাহিক্ কিছু তার।

শুনিলে, কুমার বন্দী আছে ওর ঘরে,  
কিরূপে উদ্ধার করি—  
হায় সখি, অদ্ভুত ধাতার বিড়ম্বনা !  
যেই জন করে মম মঞ্জল কামনা,  
অমঞ্জল পদে পদে তার ।  
আমি কালভুজঙ্গিনী,  
লো সঙ্গিনি,—  
যে আমারে সাদরে হৃদয়ে ধরে,  
দংশে তার করি প্রাণ নাশ ;  
যথা আমি—তথা হাহাকার,  
একি বিধি বিধাতার !  
মগধে লো ছিলাম যখন,  
জ্বলিল সমরানল,  
রাজা প্রজা সকলে বিকল,  
বিশৃঙ্খল সমুদায় ।  
এসেছি হেথায়,  
রাজ্য যুড়ি পূর্ণ অত্যাচার করিছে বিহার ।  
দেব সম রাজার কুমার  
বন্ধ আজি পাষাণের ছলে ।  
ভূপতির জন্মিল দুর্গতি,  
হের সখি, তোমার দুর্গতি,—  
অলক্ষণা কে আছে এমন আর,  
বুঝি সখি, কৃতান্ত—শঙ্কায়  
নাহি করে আমারে স্মরণ !  
ঝাঁপ দিই যদি শুকাইবে নদী,  
যদি সই, চিতায় প্রবেশি—  
উত্তাপ হারাবে হতাশন,  
বিষধর দংশন ভুলিবে,  
ক্ষুধাতুর ব্যাঘ্র ফিরে যাবে,  
দুর্গম কান্তার স্থান নাহি দিবে মোরে,  
এত ছিল এ ছার কপালে !  
মাধুলী । সখি, বিলাপের নহে এ সময়,  
প্রাণপতি বিষম বিপদে,  
চল সতি, তাঁহার নিকটে,—  
পত্নী হয় সঙ্কটে সঙ্গিনী ।  
শুন ধনি,

এ রোদনে ফল কিবা হবে ;  
যথা পতি, চল আশুগতি,  
যদি কোন না হয় উপায়,  
তাঁর যেই গতি—  
সে দশায় রবে দুই জনে,  
অধিক কি হবে আর ।

বিরজা । কপট সন্ন্যাসী কোথা পেতেছে নিবাস,  
চল, তস্থ ল'য়ে যাই তথা,—  
বল-বুদ্ধি সকলই আমার তুমি ।

[ উভয়ের প্রস্থান ।

## তৃতীয় গর্ভাঙ্ক

কাপালিকের গৃহ

অনাথনাথ ও মৈনিকদ্বয় ।

অনাথ । দুর্দম এ মন মানে না বারণ,  
চিস্তানলে জলে—  
তবু পতঙ্গের প্রায়  
ঝাঁপ দেয় অনল-শিখায় ।  
হরি হরি হরি—  
এ কি, কোন মতে ফিরাতে না পারি,  
যাক মন যায় যেই দিকে,  
রসনায় হরিগুণ করি গান ।  
হরি হরি হরি —  
কোথা হরি ?  
হেরি মনোনেত্রে প্রতিমূর্তি তাঁর ।  
মম শক্তি নাই হরি নাম গাই !  
গুরু, গুরু ! এস দয়া ক'রে,  
দেহ বল, হরি নাম গাইব কেবল ।  
এস গুরু, বল হরি হরি,  
হরি নাম শুদ্ধক অধম ।  
ধায় মন বারণ সমান,  
বারণ না মানে ।  
হরি—হরি—হরি !

( ভূতনাথ, শঙ্কুনাথ ও সোণার প্রবেশ )

ভূত। আচ্ছা, তোমরা এখন গড়ে যাও।

[ সৈনিকদ্বয়ের প্রস্থান।

শঙ্কু। সতি ব'ল্ছো ?

সোণা। সতি না তো কি মিছে ? তুমিও যেমন, ও বুড়ো নিটলেকে কি আমার ভালো লাগে !

ভূত। তুমি আমায় দয়া কর।

শঙ্কু। কি—আমার সঙ্গে আগে কথা হ'য়ে গিয়েছে।

সোণা। আগু পাছু নাই, আমার এক নিয়ম আছে, এই মদের কলসী নাও, এই দুটো পাত্র নাও, যে বেশী থাকে, আমি তার হবো।

ভূত। আচ্ছা, লাগে।

সোণা। তোমরা মদ খাও, আমি গান করি।

( গীত )

মদমত্ত মাতঙ্গিনী উলঙ্গিনী নেচে ধায়।  
নিবিড় কুম্বলমল বিজড়িত পায় পায় ॥  
নখরে অরুণ ছোটে, পদচিহ্নে পদ্ম ফোটে,  
মকরন্দ-গন্ধ অন্ধ ভ্রঙ্গবৃন্দ গঞ্জি ধায়।  
অটহাস্ত অবিরত, তড়িত প্রকট কত,  
উচ্ছল বলকে আলো কালো বরণ-ঘটায় ॥

( মত্ত হইয়া ভূতনাথের পতন )

শঙ্কু। এই দেখ চাঁদ, এ শালা কুপোকাত !

সোণা। ও তোমার চেয়ে তিন পাত্তর বেশী খেয়েছে, আমি গুণেছি।

শঙ্কু। আমি ওর চেয়ে ছ'পাত্র বেশী খাব—দেখ।

সোণা। তা হলেই তোমার।

শঙ্কু। বেশ, তুমি কাছে এস ! (পতন)

সোণা। ( অনাথনাথের প্রতি ) বাবা, এই বেলা পালাও।

অনাথ। হরিবোল, হরিবোল, হরিবোল !

সোণা। বাবা, আমার কথা শোনো, পালাও, না হলে তুমি প্রাণে মারা যাবে।

অনাথ। মা, একে আমি মন স্থির ক'রতে পাচ্ছি, আবার বিড়ম্বনার উপর বিড়ম্বনা কেন ?

সোণা। বাবা, শোনো, তোমায় এখনই নরবলি দেবে, ও দুর্ভাগ্য কাপালিক।

অনাথ। মা, যদি হরির ইচ্ছা হয়, আমি নিবারণ ক'রবো কি ক'রে ! গুরু, প্রভু—এস, তুমি আমার হ'য়ে হরিনাম কর, আমি পাচ্ছি।

সোণা। কি হবে, এখনি যে সে আসবে ; রাজপুত্র, কথা শোনো, তোমার বাপ তোমার শত্রু, এ কাপালিক তোমায় নরবলি দেবে, সিদ্ধ হবার জন্য নরবলি দেবে, প্রাণরক্ষার চেষ্টা কর।

অনাথ। মা, কোথায় বাব ? মৃত্যুভয় নাই—এমন স্থান কোথায় পাব ? মৃত্যু তো আছেই, সে ভয় করি না, আক্ষেপ—এ জীবনে হরিনাম করা হ'লো না !

( মধুলা ও বিরজার গান করিতে করিতে প্রবেশ )

( গীত )

হরি বলা হলো না,—  
বাসনা নয় তো বেশে, বোঝেনা আশার ছলনা !  
রসনা থাকতে বেশে, মন রস' না নামের রসে,  
ফিরবে না হায়, দিন ব'য়ে যায় বৃথা অলসে ;—  
ভবসিদ্ধ-মাঝে বিষম চেউ,  
দীনবন্ধু বিনা সেথা বন্ধু নাই রে কেউ,  
একা ভেঁকা চেয়ে রবি, কে পারে নেবে বল না,  
পাবে চরণ-তরী, বল হরি, হরি বোল ভুলো না !

অনাথ। আহা, আহা ! কে ভাই তোমরা ? আবার গাও, আমি শুনি।

সোণা। এ আবার কি পাপ হল, সেই মুখপোড়া এ মাগী দুটোকে দেখতে পাঠিয়েছে নাকি ? কে তোরা, বেরিয়ে যা।

মধুলা। মা, আমরা ভিখারী, ভিক্ষা চাই।

সোণা। এখন যাও, ভিক্ষা পাবে না

বিরজা। অল্প ভিক্ষা হেতু নাগো,

আসিনি হেথায়, ভিক্ষা তব পায়,

দেহ এই নৃপতি-কুমারে,

মম প্রাণপতি মতি গতি ও চরণে,  
ভিক্ষা দেহ প্রাণধনে ।

মা গো, আমি বড়ই দুখিনী,  
আমার কারণ রাজপুত্র এ দশায় ;  
সঙ্গিনী আমার,—  
অট্টালিকা করি পরিহার,

ভ্রমে ভিখারিণী বেশে ।  
তুমি নারী, বোঝ মা নারীর ব্যথা !  
হে জননি, দেহ দান পুরাও বাসনা,  
ল'য়ে যাই জীবনসর্বস্ব মম ।

সোণা । অ'্যা ! কে তুমি, তুমি কি বিরজা ?

বিরজা । হাঁ মা, সেই অভাগিনী, পতি কান্ধালিনী !  
মনে হয় শুনি তব স্বর,  
কারাগারমুক্ত দাসী. তোমার প্রসাদে,  
এ ঘোর বিষাদে কর মোরে পরিহ্রাণ ।

সোণা । মা, তোমার পতিকে ল'য়ে যাও, শীঘ্র ল'য়ে  
যাও । সে ছরস্তু কাপালিক এখনই আসবে, তোমার পতিকে  
নরবলি দেবে, তার কামনা ; তুমি সাবধানে থেকে, তোমারও  
ধর্ম নষ্টের চেষ্টায় ফিবুচে, যাও, শীঘ্র তোমার স্বামীকে নিয়ে  
যাও ।

বিরজা । এস প্রাণনাথ, এস হৃদয়-ঈশ্বর,  
থেক না এ কারাগারে আর ;  
চল যাই দুই জনে বিজন প্রদেশে,  
নাহি যথা নরের আবাস—  
রব বনে বাধিয়া কুটীর,  
ব্যাম্ব-ভল্লুকের সনে করিব মিত্রতা,—  
চল নাথ, শীঘ্র যাই প্রতারণা নাহি যথা ।  
কি ভাবিছ লোচন মুদিয়ে—  
দেখ চেয়ে দাসী তব ধরে পায়,  
এস নাথ ! বিলম্বে বিপদ হবে ।

অনাথ । কে তুমি—হরিনামে বাধা দাও ?

বিরজা । আমি দাসী—বিরজা ।

অনাথ । তুমি জননী আমার !  
তব প্রেম বাসনা পিতার,  
মাতৃসম মানি তোমা ।  
যাও মাতা, হেথা তব কিবা প্রয়োজন ?

বিরজা । প্রভু, কারে কি ব'ল্ছেন ! আমি বিরজা,  
আপনার দাসী ।

অনাথ । তুমি রাজরাণী রাজার গৃহিণী,  
জননী আমার ।

বিরজা । হা বিধাতঃ— এত ছিল তোর মনে !

( মূর্ছা )

মাধুলী । সখি সখি— এ কি !

উতলার নহেত সময়, উঠ, আসন্ন বিপদ,  
এখনই আসিবে সেই কপট সন্ন্যাসী,  
ভাব লো রূপসি,  
পর-স্পর্শে কি দশা ঘটবে ।

হে কুমার, এ কি তব ব্যবহার—  
মজালে বালাধ—মজিলে আপনি,  
বিনা দোষে ঠেল পায় অবলায় !

ছি ছি, হায় এই-কি উচিত আচরণ,  
অকারণ কেন প্রাণ দাও,  
পত্নীরে মজাও !

অনাথ । এ কি বিষ—

গুরুদেব, কোথা তুমি, হরি হরি হরি !

সোণা । ও বাছা, সর্বনাশ হ'লো, ঐ পোড়ারমুখে  
আসছে, আমি যা বলি, সায় দিয়ে যেও, ভয় পেয়ো না ।

( কাপালিকের প্রবেশ )

কাপা । সোণা, এরা কারা ?

সোণা । এরা দু'জন ভিখারী ।

কাপা । দেখি দেখি—না, এ প'ড়ে কে ? বাঃ বাঃ !  
যা চাই তা ঘরে ব'সে পাই, তবে রে বেটা, ভিখারী !

সোণা । তোর তো খুব ঠাওর—আমি দেখছিলাম,  
তুই বুঝতে পারিস্ কি—কি ; আর এ ছুঁড়ী কে জানিস্ ?  
যাকে আমার সঙ্গে ওকে আনতে পাঠিয়েছিলি, যে তোমার  
বড় বিশ্বাসী ! দু'জনে ষড় ক'রে ভিখারী সেজে পালাচ্ছিল,  
পড়'বি তো পড় আমার চোখে ।

কাপা । তবে রে বেটা, আমার সঙ্গে দাগাবাজী ! বেটা  
তাই তোমার অত পায়ের ধ'রে কান্দা—আমি মনে ক'রলাম,  
বেটা ভালমানুষ, তোমার পেটে পেটে এত !

অনাথ । হরি—হরি—হরি, এখানে বড় বিষ ! এ স্থানে  
মন স্থির থাকে না । ( গমনোচ্ছত )

কাপা । কোথা যাও—ব'স, তুমি বন্দী ।

অনাথ । প্রাণের মমতা কেন ছাড় গ'কারণ !

কেন মোরে কর নিবারণ !

যাব, ছাড় পথ—

বিরলে করিব আমি হরিপদ ধ্যান ।

কাপা । রক্ষি, রক্ষি, ধর—এ কি !

সোণা । আ ম'লো, মুখপোড়ানা চুরি ক'রে মদ খেয়েছে,  
আমি কি সব দিক দেখতে পারি, এ দিকে সাম্‌লাবো, না  
ওদিকে দেখবো !

অনাথ । আরে ভণ্ড তপস্বী দুর্জনা—

নিবারণ কর মোর গতি !

( কাপালিককে আক্রমণ )

মাধুলী । কুমার, ও আপনাকে নরবলি দেবার জগে  
এনেছে, ও কালীর নিকট আপনাকে বলি দিয়ে সিদ্ধ হবে,  
ওকে ছাড়বেন না, বধ করুন !

অনাথ । কহ শৌভ্র, থাকে যদি প্রাণের মমতা,

কেন চাহ বধিতে আমায় ?

কহ সত্য,

মিথ্যা যদি কহ, লব প্রাণ ।

কাপা । না কুমার, ও দুষ্চারিণী, ওর কথা শুনবেন না,  
রাজা আপনাকে বধ ক'রবার আজ্ঞা দিয়েছেন, আমি এনে  
লুকিয়ে আপনাকে রেখেছি, বাইরে গেলে রাজদূতেরা ধৃত  
ক'রবে, সেই জন্তু আপনাকে যেতে দিচ্ছিনি ।

মাধুলী । কুমার, আমার কথা শুনুন, এ ভণ্ড তপস্বী,  
ও মনে ক'রেছে যে, আপনাকে বলি দিলে দেবী ওর প্রতি  
প্রসন্ন হবেন, আপনি কি শোনেন নি যে, কাপালিকেরা সিদ্ধ  
হবার জন্তু নরবলি দেয় ? সত্য মিথ্যা ওর সন্ধিনীকে জিজ্ঞাসা  
করুন ।

সোণা । বজ্জাত ছুঁড়ী, এত মিথ্যা কথা ! কুমারকে ও  
প্রাণের মতন ভালবাসে ।

অনাথ । এ কি সত্য ?

কাপা । না কুমার, ও ষ্টিচারিণী—মিথ্যাবাদী ।

মাধুলী । কুমার, কাপালিকের কথায় ভুলবেন না, ও  
আপনাকে বধ ক'রবে ।

অনাথ । কেন মিছে করিছ গোপন,  
মাংসপিণ্ডে যদি তব থাকে প্রয়োজন,  
দেহ বলি, সিদ্ধ হোক অভিষ্ট তোমার ;  
জান না কি, প্রাণের মমতা নাহি রাখি !

উঠ—চল, কোথা তব দেবী—

ইচ্ছায় দিতেছি প্রাণ বলি ।

অন্তকালে বুঝিব এ মনে,

কারু প্রয়োজনে লাগিল এ কলেবর ;

চল—চল বধ্যভূমে,

এই হেতু কেন এত প্রতারণা !

স্মরি হরি ত্যজিব জীবন,

দেহে আর নাহি আকিঞ্চন মম ;

ফুরায়েছে জীবনের সাধ ।

কাপা । হে কুমার, ভয়ে কথা রেখেছি গোপন,

তুমি সদাশয়,

দেবা-পদে অর্পিলে জীবন,

কৈলাসে পাইবে গান ।

পূর্ণ হবে বাসনা আমার,

গাব আমি ইষ্টদেবী দরশন,

যেবা হয় কর গতিমান্ !

অনাথ । চল, কোথা তব প্রয়োজন ।

কাপা । তুমি বলবান্,

যদি বলির সময় হও অগ্ৰমণ,

প্রাণ নাহি দেহ বিসর্জন,

উৎসর্গ করিয়া যদি নাহি দিই বলি,

হবে জীবনের তপস্শ্রা বিফল ।

যদি রূপা ক'রে পরহ বন্ধন,

তবে হয় প্রত্যয় আমার ।

অনাথ । বাধ মোরে—

হরি হরি—দেখা দিও চরম সময় !

কাপা । ( অনাথনাথকে বন্ধন করতঃ ) সোণা, এইবার  
তুই আয় ।

সোণা । আমি কোথা যাব, এরা যদি পালায় ? আমি  
রইলেম ।

কাপা । হা হা, ঠিক ঠিক, তুই থাক ।

[ অনাথনাথ ও কাপালিকের গ্রহণ ।

সোণা । তোমার সখীকে তোল, বড় বিপদ ।

মাধুলী । বিরজা, ওঠ, পতির জীবন সংশয়—প্রকৃতিস্থ

হও ।

বিরজা । কি বল ?

মাধুলী । ব'ল'বার সময় নাই, ওঠ ।

বিরজা । ( উঠিয়া ) কি ব'ল'ছো, কুমার কোথায় ?

সোণা । যা ব'ল'ছে, দেখতে পাবে ; যদি সাহস থাকে এস, আমার সাহায্য কর, নয় পালাও । এরা শত্রুর অনুচর, সুরাপানে অচেতন হ'য়ে আছে ; চেতন হ'লে সর্বনাশ হবে ।

ভূত । কি বাবা সোণামণি, বাঁধ ছো কেন চাঁদ ?

শঙ্কু । তো শালাকে নরবলি দেবে ; শালা, আমার সঙ্গে—সোণা আমার, তা জানিস্ !

ভূত । না বাবা গুরুজি, কেটো না, আমি তোমার সোণাকে চাইনি ; চ'লে যাচ্ছি ।

[ ভূতনাথের গড়াইতে গড়াইতে প্রস্থান ।

শঙ্কু । যাচ্ছ কোথা শালা !—সোণামণি, আমার হাত খুলে দাও, আমি শালাকে ধ'রে আনছি—ধর শালাকে—

[ শঙ্কুনাথের গড়াইতে গড়াইতে প্রস্থান ।

সোণা । ওদের গাছের সঙ্গে বাঁধতে হবে, তা নইলে পালাবে ।

বিরজা । মা, কুমার কোথায় ?

সোণা । দেখবে এস—সাহস কর ।

[ সকলের প্রস্থান

## চতুর্থ গর্ভাঙ্ক

কালী-মন্দির

কাপালিক ও অনাথনাথ ।

কাপা । মা ভবানি ! আমার যা স্বপ্ন দিয়েছিলে, আমি তাই কচ্ছি, শ্রেমিক রাজপুত্রকে বলি দিচ্ছি, পদ্মিনী

কন্যার ধর্ম্য নষ্ট ক'চ্ছি, এবার কিন্তু মা, আমার রাজা ক'রতে হবে ।

অনাথ । হরি, দীনবন্ধু হরি, একবার দেখা দাও, এ চরম সময় একবার দেখা দাও ! কই, এলে না ? আহা এ সময় যদি একবার গুরু দর্শন পেতেম ! মা ভৈরবি, বড় আশায় তোমার পদে মস্তক অর্পণ ক'চ্ছি ; মা, শুনেছি, তোমার পূজা ক'রে ব্রজাঙ্গনারা হারিকে পেয়েছিল, দেখো মা দয়াময়ি, আমার পূজা বিফল না হয় ! মাগো, তোমার পদে অল্প বাসনা নাই, একবার সেই রাজাচরণ দেখবো, এইমাত্র প্রার্থনা । মা ত্রিতাপহারিণি, তাপিতকে মনোমত বর দাও ।

কাপা । এস, এই হাড়িকাঠে মস্তক দাও ।

অনাথ । আমার যে বেঁধে রেখেছ, আমি তো নড়তে পাচ্চিনি ।

কাপা । এস, গড়িয়ে গড়িয়ে এস । তুমি বড় ভাগ্যবান ; মাংসপিণ্ড শরীর—ভৈরবীর পূজা হবে, করালবদনী তোমার রুধির পান ক'রবেন । মা, পূজা নাও—জয় মা ! —( খড়্গ উত্তোলন )

( বিরজা ও মাধুলীর সহিত সোণার প্রবেশ এবং

অল্প খড়্গ দ্বারা কাপালিককে আঘাত করণ )

কাপা । ওঃ ! ( পতন )

সোণা । বিরজা, তোমার পতির বন্ধন মুক্ত ক'রে ল'য়ে যাও । যাও বিরজা, আর দেয়া ক'রো না, বন্ধন খুলে দাও । আমি অপবিত্র হস্তে পবিত্র রাজকুমারকে স্পর্শ ক'রবো না । সোণা, সোণা, তোরে সকলেই ঘৃণা ক'রেছে, সকলেই পায়ে ঠেলেছে, কেউ কখনো তোকে মা বলেনি, এই রাজকুমার তেকে 'মা' ব'লেছে । সোণা, তোর শুষ্ক স্তনে ক্ষীর এসেছে ! সোণা, 'মা' কথা কি মিষ্ট ! আমার মা ব'লেছে, রাজকুমার আমার মা ব'লেছে ! সোণা, তুই তোর বেটাকে বাচালি, তোর কাজ ক'রিয়েছে । বাবা, আর একবার মা ব'লে যাও ! মা ভৈরবি, তোমাকেও বলি থেকে বঞ্চিত ক'রবো না, একজনের পরিবারে দুইজনের শোণিত পান কর । ( স্বীয় প্রাণবদে খড়্গোত্তোলন )

( নসীরামের প্রবেশ )

নসী । আরে থাম থাম থাম ! ( দেবীর উদ্দেশে )  
বাঃ বাঃ ! খুব নাচ নাচাচ্চিস্ ! সে তো তোর তলোয়ারখানা

—ও মাগী, কত খেলা খেলবি যে মনে ক'রেছিলি, এরই মধ্যে ম'রবি!— দেখ, ধার রাগিস্নি, ধার রাগিস্নি, সব শোধ ক'রে যা।

সোণা। বেশ ব'লেছি পাগ্লা—ম'রবো না, ম'রবো না, ম'রবো না, এখনও বাণী আছে, আমি সব শোধ দি'ব যাব। পাগ্লা, তুই কি আমার মনের কথা টের পাস? যদি ভালবাসতে পারতেম তো নোকে ভালবাসতেম

নসী। দেখ, অত জাঁক করিস্নে, ভালবাসতেম ব'ল'ছি কি, ভালবাসিস্নে।

সোণা। দূর মুখপোড়া, জানিস্নি—আমার প্রাণ মরু'ছি।

নসী। আমার হরিনামে জল ব'য়ে যাবে।

সোণা। তোর মুখে আগুন, তোর হরির মুখে আগুন। আমার কাজ আছে, আমার কাজ আছে।

কাপা। ওঃ! প্রাণ যায়—জল—

সোণা। এখনও মরিস্নি—এই মর। (মরিতে উদ্যত)

নসী। আরে না, না,—ও আগে হরি বলুক, তবে ম'রবে। ওরে জল দে, জল দে! জল খা, আর হরি বল।

কাপা। না না—আমায়—জল—দাও—

নসী। হরি বল আর জল খা, হরি বল আর জল খা। ওরে ও ছুঁড়ারা, তোরাও হরি বল না!

অনাথ। গুরু, প্রভু!

নসী। কেও, তুমি হেথা? দেখলে—তোমায় তো কাটতে নিয়ে এসেছিল—দেখ, হরি তোমার ভাবনা ভেবেছে, এই মাগী বেটীকে ক্ষেপিয়েছে। এখন আমার কথায় বিশ্বাস হ'লো? যা চলে যা—নিজ্জনে ব'সে হরিকে ডাকবে যা।

অনাথ। প্রভু, গুরু, ধর্মের মস্তকে পা দিন।

নসী। এই নে, (মস্তকে হৃদ প্রদান) আর ঘ্যানঘ্যান করিস্নে, সময় ব'য়ে যায়, যাবি তো যা, নইলে চ'ল্লেম। বল—হরিবোল, হরিবোল, হরিবোল! ওরে ও ছুঁড়ারা, তোরাও বল না—হরিবোল, হরিবোল, হরিবোল!

অনাথ। প্রভু, যে আচ্ছা—হরিবোল, হরিবোল, হরিবোল!

[ অনাথনাথের প্রশ্নান।

কাপা। জল—

নসী। জল খাবি তো হরি বল।

কাপা। হরি ব'ল'ছি—জল—দাও (মৃত্যু)

নসী। দেখলি কি বরাত, হরি ব'লে ম'লো! ওর আর বরাত কি, সকলই হরির ইচ্ছা, কি বলিস্ন? তোরা সেই জিজ্ঞেস ক'চ্ছিলি—হরি কোথায়? আমি তোদের বল'ছি, তোরা একবার হরিনাম কর। আ গেল যা, চুপ ক'রে ব'সি যে?—তুই তো মনে ক'রেছিস্ন ম'রবি, তা কেন জায়গে মরা হ'না, হরিনামে মরা হ'না, বল—হরিবোল, হরিবোল, হরিবোল!

সকলে। হরিবোল, হরিবোল, হরিবোল!

নসী। কেমন, প্রাণ ঠাণ্ডা হ'চ্ছে? হরিনামে কেমন মজা দেখলি, জায়গে মরা হ', হরিনামে মরা হ'।

বিরজা। প্রভু, আমি যেখানে যাই, সেইখানেই সর্বনাশ, আমার জীবনে ফল কি?

নসী। দেখ, সব দিন সমান যায় না, আজ সর্বনাশ, কাল তুই যেখানে যাবি, সেখানে আনন্দ! একবার হরিনামে মাত দিকিন্—ছিঃ! তোমার সোণাপানা মুখখানা পেঁচার মত হ'য়ে র'য়েছে কেন?

সোণা। দ্যাখ্ পোড়ারমুখে, আমার কীর্তি দেখে-ছি, আমার সঙ্গে লাগিস্নি।

নসী। তবে রে পাজী বেটী, তোর বাবার কীর্তি! তোর সাদি কি তুই মারিস্ন—এই তলোয়ার নে দেখি, আমায় মার দেখি! যার কাজ, সেই ক'চ্ছে, তুই বল—হরি হরি! তোরাও হরি হরি বল।

সোণা। দূর হোক, মুখপোড়ার কাছে থাকবো না।

[ সোণার প্রশ্নান।

বিরজা। প্রভু, আমি অভাগিনী, আমি মহাপাতকী, রাজকুমারকে সন্ন্যাসী ক'রেছি।

নসী। ক'রেছিস্ন ক'রেছিস্ন; অমন চের মহাপাতকী দেখেছি, হরিনাম ক'রলে আর পাপ থাকতে হ'না; নাম ক'রলে প্রাণ ঠাণ্ডা হয়, আর পাপ কিসের রে! তোরা গাইতে পারিস্ন? একটা হরিগুণ গা দেখি, কেমন পাপ আমি দেখি। কেমন মা, হরিনাম ক'রলে পাপ থাকে? ওই দেখ, মা ব'ল'ছে—'না।'

বিরজা। প্রভু, আমার পায়ে রাখুন, আমি বড়  
তাপিত !

নসী। আ ম'লো, আমার পায়ে ধ'চ্চিস্ কেন ? ওই  
রাজকুমারের কাছে শিখলি বুঝি—আমি নসে পাগ'লা,  
আমার পায়ে ধ'রে কি হবে ? গা না, হরিগুণ গা—তোরা  
হুঁজনেই গা। ওই মা ব'ল'ছে, হরিনাম শুনবে, মা বেটা  
বড় হরিনামের কাঙ্গাল রে ! গা গা—প্রাণ ঠাণ্ডা হ'য়ে বাবে,  
যদি মিছে হয় তো আর কখনও হরিনাম করিস্নি—কেনন  
মা, প্রাণ ঠাণ্ডা হবে না ? হুঁ—ওই দেখ ।

( বিরজা ও মাদুলীর গীত )

দিয়া ভাই করতালি, বদন ভরে হরি বলি ।

নামে শ্যাম আসবে বেয়ে,

বাঁকা হ'য়ে বাঁজাবে মোহন মুরঙ্গী ॥

হরিনামে মাতো ওরে প্রাণ,

আনন্দে উঠবে তুফান,

প্রেম-লহরে ভাসবে অভিমান ;—

শমনকে দিয়ে ফাঁকি হরি ব'লে নেচে চলি ॥

নসী। কেমন ঠাণ্ডা 'লো—হরিনামে মরা হ ।

বিরজা। প্রভু, শিখিয়ে দিন ।

নসী। ওর আর শেখানিখি কি—সোজা। বাঁচার  
নাম তো পাঁচটা দেখা, পাঁচটা কাঁচ করা ; তোরা কিছুই  
ক'র'বিনি, খালি হরি হুঁকি ক'র'বি—বুঝেছিস্ ? মজার  
থাক'বি—বড় প্রাণের আরামে থাক'বি ।

বিরজা। প্রভু, আমার মতন পাতকীকে হরি দয়া  
ক'রবেন ?

নসী। দয়া কি রে—তোর ওই কাজ, তোর একটা  
নাম হ'লো পতিতপাবন ; যে আপনাকে পতিত ভাবে,  
হরি তার পেছনে পেছনে ফেরে ; হরিগুণ গেয়ে বেড়া—  
হরি সঙ্গ সঙ্গে ফিরবে ; আমি চ'ল্লেন ।

[ নসীরামের প্রশ্নান ।

মাদুলী। সখি, কোথায় যাবে ?

বিরজা। যেখানে ছ'ডোক যর, পারি যদি এই পাগলের  
মতন পাগল হব ।

মাদুলী। আমিও দেখি, যদি জায়ন্তে মরা হ'তে  
পারি ।

[ উভয়ের প্রশ্নান ।

( শববাহকগণকে লইয়া সোণার প্রবেশ )

সোণা। এই দিকে আয়, নিয়ে চল, সংকার ক'র'বো,

মুখে আগুন দি, এদিকে নিশ্চিন্দ হই—তার পর—

১ম বাহক। এ কি—এ যে খুঁনা লাস !

সোণা। ঐ বিশ্বপত্র খুঁড়ে দেখ, টাকার ঘড়া দেখ,  
আর কি চাস্ ? এ তোদের ।

২য় বাহক। ওরে, চের টাকা !

সোণা। সর্কনাশি, নয়বলি তো খেয়েছ, চল এখন,  
তোমায় জলে ফলে দিয়ে আসি, সোণা তোমার পূজা ক'র'তে  
পারবে না ।

## চতুর্থ অঙ্ক

### প্রথম গর্ভাঙ্ক

রাজসভা

নসীরাম ও সোণা ।

নসী। ওরে শোন শোন, তোর নাম কি ?

সোণা। কেন রে পাগ'লা, আমার নামে দরকার কি ?

নসী। তোরে নিয়ে ঘর ক'র'তে হবে, আর নামটা  
জেনে নেব না ?

সোণা। আ মরু মুখপোড়া, তুই আমায় নিয়ে ঘর ক'র'বি  
কি রে ?

নসী। তা জানিস্ নি ? তোর জন্মে আমার বড় মন  
টান্'ছে, তোকে ছেড়ে আমি যেতে পারবো না ।

সোণা। কেন রে পাগ'লা, আমায় ছেড়ে যেতে পার  
বিনি কেন ?



নসী। মনের মানুষ পেলে কি কেউ ছেড়ে দেয়, বল না, তোর নাম কি—বল না ?

সোণা। আমার নাম সোণা। আমি তোর মনের মানুষ হ'লেম যেমন করে ?

নসী। সেই যে সে দিন থেকে,—সেই যে দিন হরি ব'লে ছিলি ! তোর বড় জোরের হরি বলা রে, 'হরিবোল' সবই মিষ্টি, যে ভয়ে ভয়ে হরি বলে, সেও মিষ্টি, কিন্তু যে হরির তোয়াক্কা না-রেখে হরি বলে, তার আমি পায়ে ঘুরি।

সোণা। ঘুরিস্ এখন, এখন যা, রাজা আস্চে।

নসী। রাজা দেখে তুই ভুল্ গে যা, আমি তোকে দেখে ভুলে আছি।

সোণা। আ মর, ত্যাক্ করা করিস্ নাকি ?

নসী। আচ্ছা থাক, তোমায় আমি বাগিয়ে নিচ্ছি, তবে আমার নাম নসে। মনে ক'রেছ, আমায় ক'কি দেবে, সে যো নাহ, নসে পায়ে-দরা, তোর পায়ে প'ড়বো।

( রাজার প্রবেশ )

রাজা। কি সোণা, কি হ'লো ?

সোণা। আজ ব্রত শেষ হ'য়েছে, আজই বিয়ে হবে।

রাজা। কি রকম—আমার উপর তুই মন দেখুলি কেমন ?

সোণা। তা খুব, কিন্তু তাকে বিরজা ব'লে ডাকতে পাবেন না।

রাজা। কি বলে ডাকবো ?

সোণা। ওই সোণা, তার বড় ভয়, যদি তারে আপনি লোকনিন্দায় ভাগ করেন।

রাজা। আমি তোমায় সব ব'লেছি, আমি সকলকে আস্তে ব'লেছি—সকলকার সাম্নে ব'লবো।

সোণা। সে কি বলে জানেন—বলে, “আমায় রাজার যেন মনে ধরেছে, সভার লোক যদি বিদ্রী বলে ?”

রাজা। তা বলুক, যা বলে বলুক গে, আমি বিরজার।

সোণা। ওই দেখুন, আপনি বিরজা ব'লছেন।

রাজা। তবে কি ব'লবো ?

সোণা। বলুন, আমি সোণার—সোণা আমার।

নসী। আমি সোণার—সোণা আমার।

সোণা। ও পাগ্‌লা মড়া এখানে কি করে ?

নসী। তোমার জন্তু ধোরে।

রাজা। সোণা, তুমি আমার ক'নে জুটিয়ে দিচ্—দেখ, আমি তোমার বর জুটিয়েছি।

সোণা। যেমন দেবেন, তেমনি পাবেন।

রাজা। কেন, তোমার পছন্দ হবে না নাকি ?

সোণা। আমার তো খুব পছন্দ !

রাজা। এস নসীরাম, এদিকে এস, তোমার হাতে হাতে স'পে দিই এস।

নসী। দিন তো মহারাজ—দিন তো—মাগী বড় গ্যাদারে !

সোণা। মহারাজ হাতে হাতে স'পে দিচ্ছেন—আপনার সোণাকে না নেয়।

রাজা। সে সোণা কোথায় পাবে, সে আমার হৃদয়-কক্ষে চাবী দেওয়া থাকবে।

নসী। চাবী দিয়ে কোথায় রাখবে—বজ্র আঁটনি ফস্কা গেরো—আমি নেবো।

রাজা। ইস্—নসীরাম, আজ যে বড় প্রেমিক হ'য়েছ !

নসী। হব না—দেখেই লোক শেখে, রোজ রোজ পিরীত দেখছি, আর শিখবো না ?

রাজা। সোণা, দেরা হ'তে লাগলো—যাও।

সোণা। আপনি সবাইকে ডাকান, সে তো আপনার হাতেই আছে।

রাজা। সকলে এল ব'লে—তুমি যাও।

সোণা। আমি যাচ্ছি, সহচরীদের সঙ্গে তাকে পাঠিয়ে দিই গে, আপনি ব'লে রাখবেন, কেউ কিছু না নিন্দা করে।

রাজা। তুমি ঐ কথা একশবারই ব'লছো কেন ?—যাও না।

সোণা। আমি কি ব'লছি, সোণা যেমন বলে, তাই বলি।

নসী। এটা মহারাজ, ঠিক ব'লেছে—যেমন বলছে, তেমনি ব'লছে।

রাজা। তবে তুমি সভায় নিয়ে এস।

সোণা। আচ্ছা, আমি চ'ল্লেম।

[ সোণার প্রস্থান। ]

নসী। ও সোণা, আমায় পায়ে ঠেলে বেও না, আমি তোমার জন্তুই ঘুরছি—গেলে—যাও, আবার আস্তে হবে।

( মন্ত্রী প্রবেশ )

মন্ত্রী। মহারাজ, এ কি সর্বনাশ ক'রেছেন—সোণাকে বিবাহ ক'রবেন নাকি ?

রাজা। তোমার অত তর্কে প্রয়োজন নাই, আমি রাজা, আমার আঞ্জামত কার্য্য কর।

মন্ত্রী। মহারাজ, ঐ কুৎসিতার প্রতি আপনি কেন অনুরাগী হ'লেন ?

রাজা। আমার ইচ্ছা।

নসী। তা বই কি—যার যাতে মন।

( সভাসদগণের প্রবেশ )

সভাসদ। মহারাজ, অপরাধ মার্জনা হয়, যা শুন্'ছি, এ কি সত্য ?

রাজা। হাঁ, সত্যই শুনেছ, আমি সোণাকে বিবাহ ক'রবো—

( পরিচারিকার সহিত অবগুণ্ঠনবতী

সোণার প্রবেশ )

রাজা। এস প্রিয়ে, এই সিংহাসনে ব'স।

সোণা। ( কপটস্বরে ) প্রাণনাথ, আমি সভাজনকে ভয় করি।

রাজা। প্রিয়ে, তোমার ভয় কি, তুমি আমার হৃদয়ে-  
খরী ! সভাজনকে একবার তোমার চন্দ্রবদন দেখাও, তা  
হ'লে সকলে বুঝতে পারবে যে, কি নারীরত্ন আমি গৃহে  
এনেছি।

সোণা। এঁরা যদি আমার রূপ দেখে নিন্দা করেন,  
তখন আপনি কি ত্যাগ ক'রবেন ?

রাজা। প্রিয়ে, কেন বার বার একথা বল'ছো ?

সোণা। প্রাণনাথ, মালা পর ! ( মালাদান ) দেখবেন,  
পায়ে ঠেল'বেন না।

রাজা। আমি শপথ ক'রছি, তুমি আমার জীবন সঙ্গিনী,  
আজ হ'তে তুমি রাজেশ্বরী ! তোমার আঞ্জায় রাজা  
চলবে, আমি তোমার দাস মাত্র। সভাসদ সকলে শোনো  
—মন্ত্রী শোনো—আজ হ'তে রাজ্য আমার প্রিয়ার নামে,  
এই রাজদণ্ড হাতে দিলেম। কি, কেউ কথা ক'ছো না  
যে ?

মন্ত্রী। মহারাজ, আমরা রাজভৃত্তা—আমাদের কথার  
অধিকার কি, আপনার যেরূপ আঞ্জা, তাই হবে।

রাজা। প্রিয়ে, অবগুণ্ঠন খোল, সভার সকলে তোমার  
চন্দ্রবদন দেখুক।

সোণা। প্রাণেশ্বর—এই যে ঘোমটা খুলোছি। ( অব-  
গুণ্ঠন উন্মোচন )

রাজা। এ কি—তুই কে ?

সোণা। তোমার প্রাণপ্রিয়ে সোণা।

রাজা। কালামুখি, দূর হ'।

সোণা। হৃদয়েশ্বর, প্রাণনাথ, আপনার শপথ ভুল'বেন না,  
আপনি তো বল'য়েছেন, দাসীকে কখনও ত্যাগ ক'রবেন না।

রাজা। কি এ, আমি কি স্বপ্ন দেখ'ছি ?

সোণা। হৃদয়েশ্বর, যে আপনার পুত্রবধুর প্রতি কাম-  
কটাক্ষ করে, যে আপনার পুত্রকে সন্ন্যাসী করে, যে আপনার  
বংশধরকে ছুরস্তু কাপালিকের করে বনের নিমিত্ত অর্পণ করে,  
হৃদয়েশ্বর, তার দশা আর কি হ'য়ে থাকে ? আনায় কুৎসিতা  
ব'লে ঘৃণা ক'র'ছেন—আমি ব'হিক কুৎসিত, কিন্তু আপনার  
অনুর কত কুৎসিত !—একবার বিবেচনা ক'রে দেখুন, আমিই  
আপনার যোগা নারী ; আনায় বধ ক'রতে চান করুন, কিন্তু  
এ কলঙ্ক আপনার খুচ'বে না। বিক ! সভার সত্যই নষ্ট  
করার নাম কি ধর্ম ? জানেন না, অগজমনা শিবানী সভার  
আদর্শ ! যিনি পতি-নিন্দা শুনে দক্ষ-যজ্ঞে প্রাণত্যাগ ক'রে-  
ছিলেন, তিনি সভার সত্যই নাশে প্রসন্ন হ'বেন—এই কি  
আপনার ধারণা ? যদি মন্তব্যই দূর না হ'য়ে থাকে, যদি  
নিভাস্ত্র নোহাক না হন, একটু বিবেচনা ক'রে দেখলে  
বুঝতে পারবেন যে, এত দিন, ধর্ম করেন নাই—কেবল  
কাপালিকের উপরামর্শে কামবৃত্তি তৃপ্তি ক'রেছেন। অগদীশ্বরী  
আপনার উপর বিরূপা। সভাস্ত্র সকলেই শুচুন,—ছুরস্তু  
কাপালিকের ছলে আমার সত্যই নষ্ট হয়, এই মুচ রাজার  
নিকট আবেদন করি, ইনি কাপালিকের পক্ষ হ'য়ে আমার  
আবেদন উপেক্ষা করেন, আজ আমি তার প্রতিশোধ  
নির্ধেছি।

রাজা। বিক আনায় !

[ রাজার প্রস্থান।

সোণা। প্রাণেশ্বর, কোথা যাও—দাসীকে ফেলে

কোথায় যাও ? তুমি পায়ে ঠেলবে ঠেল, আমি তোমায়  
ছাড়বো না।

[ সোণার প্রস্থান।

নন্দী। ও সোণা, কোথায় যাও—তুমি যে আনার প্রাণ  
কেড়ে নিয়েছ, তুমি আমার একবার নাম শুনিয়ে যাও।

[ নন্দীরামের প্রস্থান।

মন্ত্রী। সকল স্ব-স্থানে যাও, একথা না আর আন্দোলন  
হয়।

সকলের। মন্ত্রী মণাশয়, কাণ মুখ বন্ধ ক'রবেন।

[ সকলের প্রস্থান।

## দ্বিতীয় গর্ভাঙ্ক

নন্দী-তীর

রাজা।

রাজা। কেন আর এ ভববন্ধন,  
এ জীবনে ফল কিবা আর !  
ছি ছি ঘুণা ধরে না স্তদয়ে,  
রাজা হ'য়ে কত আর সহ্যে,  
প্রসূর বাঁধিয়া গলে পশিব সলিলে,  
যেন দেহ নাহি পায় কেহ।  
মিকু—মরিলে কি যাবে অপমান।  
আরে কাম—  
বুঝি নাই এতদিন তোর প্রতারণা,  
বন্ধু হ'য়ে রহ তুমি দেহে,  
পরিণাম ছুটু এমন !  
ছি ছি ছাণ্ডাল্যম পুত্রের মমতা,  
কলঙ্কে না করিলাম ভয়,  
রাজেশ্বর—হইলাম লজ্জার স্মৃতিত,  
আর সব কত,

যথা যাব হাসিবে সকলে,

কবে—‘এই কাম অক্ষ হুরাগার !’

ছি ছি, গেল মান—প্রাণ তো গেল না !

আর কেন,

প্রসূর বাঁধিয়া গলে বাঁপঃদিই জলে।

( নন্দীরামের প্রবেশ )

নন্দী। ছিঃ ছিঃ ছিঃ ! ম'রো না, ম'রো না, ম'রো না,  
মানবজন্ম পেলে, হরি সাধন হ'লো না, এখন কি ম'বুতে  
আছে ? চল, হরি ব'লে চল, এ দিক তো দেখে নিলে,  
মরা তো আছেই, একবার ওদিক দেখে নাও,—তখন আর  
ম'বুতে চাইবে না, তখন মনে হবে, জন্ম জন্ম মানব দেহ ধরি  
আর হরিসাধন করি ; এমনি মিষ্টি নাম ! হরি বল, প্রাণের  
জালা থাকবে না। ম'বুতে তো হবেই, তেড়ে-ফুড়ে মরা  
কেন ?

রাজা। নন্দীরাম, আর আমি এ কালামুখ দেখাব না।

নন্দী। না দেখাও, বেশ তো, নিঃস্বপ্নে ব'সে হরিনাম  
কর। তুমি অত ভাবছ কেন ? মাগাতে সকলকেই কাণে  
পাক দে নিয়ে বেড়ায়, মাগীর জন্ত সকলেই উন্মত্ত, তুমি  
কেবল ধরা প'ড়েছ। তোমায় একটা পি চূপি কথা বলি  
শোন—রাজা যুধিষ্ঠির ঠাকুরকে ব'লেছিলেন যে, চিরযৌবনা  
গুপ্তাকে দেবে তার ও মন চকল হ'য়েছিল। তুমি কি মনে  
কর, এ হিন্দ্রবগুলো কম, ওরা আশনার আশনার কাজ  
ক'রেছে, তোমায় ভুলিয়ে নিয়ে বেড়িয়েছে, এখন ওই  
বেটােদের জন্দ ক'রে হরিনাম কর।

রাজা। ছি ছি ! কি লজ্জা—কি ঘুণা !

নন্দী। হরি বল, তখন ব'লবে—কি আনন্দ ! বল দেখি  
—হরি বল—হরি লজ্জানিবারণ, হরি বল, তোমার লজ্জা  
থাকবে না। হৈকে তো শিখেছ, এখন সংসারের মুখে ছাই  
দিয়ে হরির দোহাই দাও। ম'রে কি হবে, হরিনাম তো  
ক'ত্তে পাবে না। আমি মনে করি, চিরকাল বেঁচে থাকি,  
আর হরি হরি করি। শোন—হরি লজ্জা-নিবারণ।

রাজা। আমার এ দারুণ লজ্জা কে নিবারণ ক'রবে !  
আমি আর সমাজে মুখ দেখাব না, আত্মহত্যাই আমার উচিত  
পরিণাম।

নন্দী। আচ্ছা, হরি বল তার পরে ম'রো এখন। রাজা

মনে ক'রে দেখ, তুমি ব'লেছিলে—রাজ্যে যদি গোলযোগ না হয়, আমি যা চাও তাই দেবে। মনে কর, যখন তোমার ব্যামো আরাম করি, তখনও তুমি ব'লেছিলে, যা চাও, তাই দেবে। এখন আমায় দাও, আমি ভূমি।

রাজা। তুমি কি চাও ?

নসী। আমি তোমার মনটি চাই, তোমার মনটি নিয়ে আমি হরি নাম শেখাই।

রাজা। তোমার কথা শুনে আমার লজ্জাহান মুখে হাসি আসে।

নসী। বেশ তো, হাসতে কাঁদতে তো এসেছ, হরি-প্রণ গাও, খানিক হাস—খানিক কাঁদ।

রাজা। নসীরাম, তুমি কে—তুমি তো আমায় ঘৃণা কর না।

নসী। আমি তোমায় ঘৃণা ক'র্ব্বো কেমন ক'রে, আমি যে তোমারই মত ইন্দ্রিয়-দাস। দেখ, ছলভি নরজন্ম পেয়েছি, হরি নামে অনুরাগ হ'লো না, তাই তোমায় হরি নাম ক'র্ব্বতে দাবি। তোমার মুখে হরি নাম শুনে যদি হরি নাম ক'র্ব্বতে সাধ্য হয়। বল, হরি বল, আর মিছে সময় কাটিও না, মিছে কাজে অনেক দিন গিয়েছে, বল ভাই, হরি বল।

রাজা। হরিবোল হরিবোল, হরিবোল !—হরি কি আমায় পায়ে রাখবেন ?

নসী। তোমার কাজ তুমি কর, তার কাজ তিনি ক'র্ব্ববেন। হরি না পায়ে রাখলে, রাজা, তোমার কি সাধ্য যে, তুমি হরি বল, হরিই তোমায় হরি বলাচ্চেন—বল, হরি বল।

রাজা। হরিবোল, হরিবোল, হরিবোল !

নসী। নাম নিয়ে কি প্রাণ শীতল হ'চ্ছে না ? তোমার প্রাণে প্রাণে হরি ব'ল্ছেন না যে, হরি নাম কর, তোমার লজ্জা নিবারণ ক'র্ব্বো। ওই শোন, ওই আমার হরি ব'ল্ছেন, “কে রে তাপিত, আয় আমার কোলে আয়, আমি তোমার তাপ দূর ক'র্ব্বো।” চল, হরি ব'লে নেচে চল—বিষয়স্থখে জলাঞ্জলি দিয়ে হরি ব'লে ধেয়ে এস—হরি বল ভাই, নসে পাগ্লাকে কৃতার্থ কর।

রাজা। নসীরাম, তুমি আমায় পায়ে স্থান দাও, তুমিই আমার হরি।

নসী। ছিঃ ছিঃ ! কুকুরকে ঠাকুর বলা না ; আমি

হরির দাস—আ-মর্ নসে, সে যে মস্ত কথা রে—হরির দাস, তার দাস—তার দাস—ও নসে, সেও যে একটা মস্ত কথা রে—আমি একটা নসে পাগ্লা। তোমার মনটি আমায় দাও ভাই, তা নইলে তুমি মিথ্যাবাদী হবে।

রাজা। আমি তো মন দিতে জানি না, তুমি নাও।

নসী। তবে হরি বল, হরি ব'লে চ'লে যাও, নিজে গিয়ে হরিকে ডাক।

রাজা। কোথায় যাব ?

নসী। যেখানে হরি নিয়ে যান।

রাজা। সেই ভাল—হরিবোল, হরিবোল, হরিবোল !

। রাজার প্রশ্নান।

নসী। ও নসে, সর্ব্বনেশে, তুই আবার কি ক'রবি ? সেই মাগীটের ওপর মন প'ড়েছে—আ মর্ ! তোর এত মাথা ব্যথা কিসের রে ! আমার খুসী, তোর কি ?

( সোণার প্রবেশ )

সোণা। আমি এখন কোথায় যাই, পোড়ারমুখো ছিল এক রকম—এখানে ব'সেই খানিক গাই।

নসী। চুপ চুপ—শীকার জুটেছে।

( সোণার গীত )

ভাতারকে পুরে গালে, উঠলো কাক-পক্ষরখে।

মারে যা, সর্ব্বনাশী আসবে এই পথে ॥

কুলো হাতে কালামুখী সি দূর মুচেছে,

ছিল হেলা-গোলা ভাজড় ভোলা, সেটা বুচেছে,

ছারকপালীর এমনি নোলা সকল বুচেছে ;

নয় তো সোজা যায় না বোকা, চলে বাঁড়ী কি স্রোতে ॥

ধোঁয়ার মত আঁধার-বরণ কায়,

তেল বিনা চুল রন্ধ হ'য়ে হাওয়ার উড়ে যায়,

নাম শুনে যম ভয়েতে পালায় ;

খাবে কার মাথা এবার, কিরবে না তো কথাতে ॥

নসী। সোণামণি ঠান্ডবদনি ! একবার ঠান্ডমুখে হরি বল না ?

সোণা। দূর পোড়ারমুখো পাগ্লা !

নসী। আচ্ছা, আমার আর দুটো গাল দাও, দিয়ে

হরি বল।

সোণা। মব্ মুখপোড়া, আমি হরি বলি আর নাই বলি, তোর অত মাপা ব্যথা কেন রে ?

নসী। তোর যে ভাই আমি পিরাতে প'ড়েছি।

সোণা। যা—আমি হরি বল'ব না।

নসী। মাপা খাও—বল, উপরোধে ঢেঁকি গেলে, উপরোধে না হয় হরি বল'লে।

সোণা। তুই মড়া অমন কাঁচ্চিস্ কেন ? হরি বল'লে আমার কি হ'বে ? আমি আবার হরি নাম ক'র্বো ? আন্ডায় বেয়া ক'লে কে—সেই হরি, না আর কেউ ? আন্ডায় মদ খাওয়ালে কে—সেই হরি, না আর কেউ ? আন্ডায় অনাখিনা ক'লে কে—সেই হরি, না আর কেউ ? আন্ডায় নরঘাতিনী ক'লে কে ?—সেই হরি, না আর কেউ ? কালামুখো, সেই হরির নাম ক'রতে আন্ডায় বলিস্ ? তোর মথ প'ড়ে থাকে, তুই হরি নাম ক'র্গে যা।

নসী। আচ্ছা, আমি হরি নাম ক'রি, তুই শোন্।

সোণা। না, আমি তাও শুন'বো না।

নসী। শোন্ ভাই তোর পায়ে পড়ি।

সোণা। দেখ্ মুখপোড়া, তোর নাক কাণ আমি নখ দে ছিঁড়ে দেব, তুই কেন বল' দেখি আন্ডায় কাঁদাম্ ? শোন্ পোড়ারমুখো, কেউ আন্ডায় কখন' যত্ন করেনি, তুই যদি যত্ন ক'র্বি, তোর মুখে আমি হুড়ো জ্বলে দেব।

নসী। হুড়ো জ্বলে দিবি দে, আমি কিহু তোর পায়ে ধ'র্বো ভাই।

সোণা। আচ্ছা, আমি হরি বল'ছি, তুই চ'লে যা, তুই আর আমার কাছে আস'বিন বল' ?

নসী। আচ্ছা, আস'বো না, তুই যদি রোজ হরি বলিস্ তো আস'বো না, কিহু দেখিস্, যে দিন না হরি বল'বি, সেই দিনই নসে আস'বে। দেখ্ সোণা, তোকে আমি বড় ভাল'বাসি, এ ভব-সমুদ্রে তোকে ছেড়ে আমি যেতে পাচ্চিনি।

সোণা। দেখ্ মড়া, আন্ডায় কাম্মা পাচ্ছে, যা কিহু—

নসী। তা কাঁদ না ভাই, কত রাধারাণী কেঁদেছে, তা জানিস্ ? পিরাতে ক'লেই কাঁদতে হয়, তোতে আমাতে পিরাতে হ'চ্ছে, একটু কাঁদ'বিনি, এই দেখ তোর জন্তে আমি কাঁদি।

সোণা। ছারকপালে, আমি চ'ল্লেম।

নসী। না ভাই, একটা হরি নাম গেয়ে যাও, তা নইলে আমি ছাড়'বো না—তুমি ঢের গান জান।

সোণা। ছাড়—ছাড়—

নসী। গাও।

সোণা। আচ্ছা, গাচ্ছি।

( গীত )

যাব সই আনতে বারি, করোনা মানা।

লজ্জা পেলে ডুব'বো জলে, তা কি জান না ?

বলে সই কলঙ্কিনী, নইলো তাতে বিষাদিনী,

কৃষ্ণ-প্রেমে রাই আমোদিনী ;—

আমার ধরাসনে গুণমণি, লাজে কি বাধে বল না !

নসী। এই দেখ্, তুইও কাঁদ'ছিস্ আমিও কাঁদ'ছি।

সোণা। কাঁদ'গে যা মুখপোড়া।

[ সোণার প্রশ্নান। ]

নসী। নসে তোর ছাড়'বে না সোণা।

[ নসীরামের প্রশ্নান। ]

## তৃতীয় গর্ভাঙ্ক

পঞ্চত-প্রদেশ

( বিরজা ও মাধুলীর প্রবেশ )

বিরজা। শুন প্রাণসই,

বোধ মানে কই পোড়া মন !

ভাবি বংশীধারী—কুমারে নেহারি,

কভু হেরি—

বাধা করে করে, দেবীর আগারে,

কাপালিক খড়্গ করে উত্তোলন !

মনে পড়ে—

বিরস বদন ভূপতি-সদন

প্রাণ ভিক্ষা মাগে অধিনীর ;

অমনি স্বজনি,  
 ছ'নয়নে শতধারে বহে নীর—  
 আপনা পাসরি ভুলে যাই হরি,  
 ধৈর্য্য ধরি কিসে বল সহি ?  
 আত্মহারা হই—  
 যেন আমি—আমি নই !  
 দেখিতে কুমারে বড় মনে হয় সাধ ;  
 যতদিন সে সাধ না পূরে,  
 সত্য কহি তোরে, হরি-পদ নাহি চাই ।  
 গুরু চরণ নিত্য করি লো স্মরণ,  
 যাচি পায়,  
 করুণায় বারেক দেখা ও তাঁরে ।  
 হায় সখি, রাজার নন্দন—  
 কভু দুখ না জানে কেমন,  
 নির্ঝাসন আমা হেতু !  
 ধূমকেতু আমি লো স্বজনি,  
 যথা যাই অনর্থ ঘটাই তথা !  
 আত্ম গঞ্জনায়ে প্রাণ জ্বলে যায় ;  
 যদি কভু দেখা তাঁর পাই.  
 পায়ে ধ'রে বুঝাই স্বজনি,  
 আমি চির-অধিনী তাঁহার,—  
 ধ্যানে জ্ঞানে শয়নে স্বানে  
 অন্বেষণে কভু নাহি দিছি স্থান !

মাধুলী । সখি, বুঝা কেন গঞ্জ আপনায় ?  
 কি দোষ তোমার—সিপি বিধাতার,  
 যা হবার হ'য়ে গেছে ।  
 তব মন বিগলিত প্রেমে,  
 কেন মিছে ভাবলো ললনে ?  
 সখি, কি আর করিবে,  
 যতই ভাবিবে বাড়িবে লো জ্বালা তত ।  
 গুরু পদে মতি করি নত,  
 এস যাই—করি হরি নাম ।  
 কাঞ্চন-ভূষণে—  
 হের উষা হাসেলো গগনে,  
 গায় পাখীকুল—  
 আকুল হরির প্রেমে,

কুসুম বিকাশে প্রকাশে মহিমা তাঁর !  
 চল সখি যাই—  
 ঘরে ঘরে হরিগুণ গাই,  
 জুড়াই মরম-ছতাশন ।  
 রাখ হরি-পদে মতি,  
 শুন লো যুবতি,  
 অবশ্য মিটিবে সাধ,  
 কামনা পাবেনা স্থান হৃদে ।  
 গুরু-আজ্ঞামত,  
 পরিত-প্রদেশে এস করি হরি নাম,  
 হরি-প্রেমে মাতৃক শিখরবাসী ।  
 শুনি ধনি প্রতিধনি—  
 শতমুখে গাবে হরি নাম,  
 জুড়াইবে প্রাণ—  
 বেদনা জ নাব হরি পদে ।

বিরজা । সখি, হরি কি কাঁদায় অবলায় ?  
 ব্রজেখরী প্যারী, আহা মরি মরি,  
 শতবর্ষ লুটিল ধূল্যয় ;  
 বিবশা গোপিকা হাহাকার ধনি  
 তুলিল গগন-পথে ;  
 বিরহ-বিধুবা যত গোপের ললনা,  
 শোকে নিমগনা,  
 স্মরি হরি কাঁদিল দিবস-যামা ;  
 নরক-সলিলে বাড়িল যমুনা,  
 তবু তো এলো না নিষ্ঠুর সে কালাচাঁদ !  
 যার কৃষ্ণ-পদে মতি, তাঁর এই গতি—  
 আমি কৃষ্ণ ভক্তিহীনা,  
 কেমনে পূরিবে সাধ !  
 নাহি সহি অধিক বাসনা—  
 বারেক দেখিব,  
 ব'লে যাব আমি অপরাধী তাঁর পায়,  
 অধিনী ভাবিয়া যেন করেন মার্জনা ;  
 নহে মম সাধন হবে না,  
 বঞ্চিত রহিব হরি-প্রেমে ।  
 চল যাই, নাম গাই ঘরে ঘরে ।

## ( উভয়ের গীত )

মরি হায় ত্রজের মাঝে,  
বাণায় বেণু নাচে বেহু, কান্দু চলে পোঠে,  
দেয় করতালি রাখাল মেলি, আনন্দ-রোল গুঠে,  
হেরে হায় রাখালরাজে !  
গোপিনী উন্মাদিনী আবুল বেণী ছোটে,  
বাঁকা শ্যাম রাখাল সাজে ।  
পেলে হেলে ছলে শিপিপাখা, তরুণ অরুণ লোটে,  
উষা মলিন লাজে !  
হেরে চরণকমল চায় শতদল, কাননে ফুল ফোটে,  
আমোদে ভ্রমর গাজে !

## ( পাহাড়িয়া পুরুষগণের প্রবেশ )

১ম পাহা। আরে, সে দুটা মাগী আয়েছে রে, সে দুটা  
মাগী আয়েছে ।

২য় পাহা। আরে মাদল লিয়ে আয়, মাদল লিয়ে আয়,  
আরে দাঁড়া মাগীরা, বাঁকাশ্যামের গান গাই আয় ।

## ( পাহাড়িয়াগণের গীত )

বাঁকা শ্যাম বাজায় বাঁশী ।  
চল্ রে চল্ যাবে চল্ উঁকি দিয়ে দেখে আসি ॥  
বাঁকা শ্যাম নেচে চলে, বনফুলের মালা দোলে,  
বাঁশীতে রাধা নাম বোলে ;  
আঁখ ঠারে ব'ল তো কারে,  
রাজা ঠোটে মুচ কি হাসি ॥

১ম পাহা। ব'ল হারে মাগী,তোদের হরিনাম দিলে কে ?  
এ যে বড় মিঠে নাম রে—যেন মদ রে !

বিরজা। ভাই, গুরু দিধেছেন ।

১ম পাহা। সে মিন্বে—না তোর মত মাগী ? আমাদের  
হেথা আর একটা মিন্বে আছে, হরিনাম না ব'লে খায় না,  
চল্, তার কাছে যাবি ? তোরা যেমন নাচিস্—হবি ব'লে  
সেও রে নাচে, আমরা বি উয়ার ঠাই নাচতে শিখেছি ।

বিরজা। কোথায় তিনি ?

১ম পাহা। ওই দেখ্—খেপা আস্ছে।

## ( অনাথনাথ ও পাহাড়িয়া বালকগণের প্রবেশ )

১ম বালক। ও খেপা, খা, তবে হরি ব'ল'বো, নেই তো  
সাতদিন আস্বে না, তুই হরিনাম শুন্তে পাবি না !

২য় বালক। ওরে, হরি ব'ল্, নইলে কথাবি কইবে না  
১ম বালক। না ভাই, সেই গান গাই আয় ।

## ( বালকগণের গীত )

খেলি ছুটাছুটি, আয় ধুলায় লুটি,  
হরি আয় আয় আয় রে ।  
তুই এমন কেমন, নাই খেলাতে মন,  
বেলা যায় যায় যায় রে ॥  
হাতে তালি দিয়ে, তোরে মাঝে লিয়ে,  
নাচ'বো থিয়ে থিয়ে ;  
তুই নাচ'বি যত, বনফুল দিব তত,  
বাঁশী বাজাবি দাঁড়াবি পায় পায় পায় রে ॥

মাধুলী। সখি দেখ, হরি তোমার মনোবাজী পূর্ণ  
ক'য়েছেন, ওই দেখ, হরি-প্রেমে উন্মত্ত কুমার !  
বিরজা। দেখ সই, প্রাণ ফেটে যায়,

দেখ দেখ ধুলায় লুটায়,  
ধূলি-ধূসরিত-কায় নৃপতি-নন্দন,  
ছি ছি এত ছিল এ ছার কপালে !  
চ'লে গেলে—

হ'ত সাধ দিই বুক পেতে !

দেখ পথে পথে ভ্রমে ক্ষিপ্তপ্রায়,  
হায় সখি, এ বেদনা সব কত !  
চল যাই, হরিপ্রেম পদে ভিক্ষা চাই,  
হই সই উন্মত্ত উ'হার মত ;

ওর মত ধুলায় লুটাই,

শূণ্যপানে চাই,—

ভেসে যাই হরি-প্রেম-নায়ে,

তবে যদি যায় এ যাতনা ।

২য় পাহা। ওরে, কি ব'ল'ছিন্ রে, তোদের দেশের মানুষ  
না ? আরে কথা কয় না, চেয়েবি খায় না, খালি বলে—“ভাই  
হরিবোল ।”

অনাথ। ভাই, হরি বল ভাই, হরি বল !

সকলে। হরিবোল, হরিবোল, হরিবোল !

বিরজা। হে প্রেমিকপুরুষ, দাসীকে হরিভক্তি দিন ।

অনাথ। হরিপ্রিয়ে, আমায় অপরাধী ক'রবেন না,

আমি হরিভক্তি কোথায় পাব, রূপা ক'রে আপনারা আমায়  
হরিভক্তি দিন ।

হায় হায় হরি নামে না জন্মিল অমুরাগ,  
দিন গেল হরি নাম এলো না বদনে !  
গাও হরি নাম—

শ্রীমুখে শুনিতে মম সাধ,  
হরি নামে মনের মালিচা কর দূর,  
পদরজ দেহ এই অধমের শিরে ।  
হরি হরি, রূপা কর,  
দেহ নামে অমুরাগ,  
ভব-মাঝে ভুলে আছি ও অভয় নাম,  
রূপাময়, করুণায় শিখাও আমায় ।  
হরি নাম গাই জীবন জুড়াই,  
হরি বলে লুটি ভূমিতলে,  
অঙ্গে মাগি ভক্ত-পদরজ,  
ভক্ত-পদ-সরসিজ ধরি বক্ষে পরে,  
ভক্তের বদনে শুনি নাম ;  
গুণধাম—  
বাম আর হ'য়ে না হে অভাগার প্রতি ।  
ওরে ভাই, কে আছে বান্ধব,  
কর হরি নামে সর্ব,  
হরি নাম গাও জুড়াও তাপিত প্রাণ !

১ম পাহা । হরি নাম শুনবি ? ওরে মাগী গা না,  
আমরা বি গাই, দেখনা মিন্‌মে কাঁদছে ।

( সকলের গীত )

বাজা মাদল বোল হরিবোল,  
নাম শুনে মন মেতে ওঠে ।  
পাথরে জল ঝরে ভাই, শুকনো ডালে কলি ফোটে ॥  
ম'জে যা হরি নাম রটা দেখ'বি আমোদের ঘট',  
পায়ে ঠেলে যাবি দিন কাটা ;  
গল্পেরে গোষ্ঠে মাঠে নামে মাক গগন ফেটে,  
নাই যমের শঙ্কা বাজাও ডঙ্কা হরি বল এক চোটে ॥

## পঞ্চম অঙ্ক

### প্রথম গর্ভাঙ্ক

গিরিশুভা-সম্মুখ

রাজা ।

রাজা । গগন তপন মলিল পবন  
তরু মেরু বিহঙ্গম—  
হরি-গুণ গায় সবে ।  
পাতা মড়মড়ি বলে কোথা হরি,  
হরিময় ত্রিভুবন,  
এ সুদার হরি নামে বিরত অধম !  
বসিয়া গহ্বরে —  
প্রাণ দায় সিংহাসনে ;  
কত ওঠে মনে,  
মনে পড়ে সুকুমার নন্দনে আমার,  
মনে পড়ে বিরজায়,  
মনে জাগে সকলি আশার,  
চঞ্চল অনিল সম ভ্রমে মন মম,  
স্থির নহে তিলেকের তরে ।  
বুঝি এ জনমে  
হরি নাম হ'লো না সাধন ।  
ভেবে কিবা হবে—  
হরি হরি—মন নিবারিতে নারি,  
কি করি—কোথা সে বাতুল ?  
দেখা পেলে,  
তীর ঠাই শিখি পুনঃ হরি নাম ।  
নামে রুচি নাই,  
আর কতদিন রবে প্রাণ দেহে—  
এ যন্ত্রণা কত দিনে হবে দূর !  
বাই—



দেখি পুনঃ পারি যদি করি হরিনাম ।  
 হে গহন-বিহঙ্গম,  
 হরিনাম শিখাও আনায় ।  
 এস হরি, দয়া করি দেহ পদাশ্রয়,  
 তোমা বিনা অধমের কেবা আছে আর,  
 মম আঁধার সংসার !  
 জলে শুধু স্থিতি—হৃদে দাবানল সম ।  
 লজ্জা নিবারণ, দেহ দরশন—  
 ভুলি জালা ।  
 কালাচাঁদ, হওহে উদয়—  
 কোথায় করুণাময়,  
 অভাগায় রূপা কি হবে না !  
 প্রবেশি গহ্বরে —  
 দেখি যদি মন হয় স্থির ।

[ রাজার প্রস্থান ।

( সোণার প্রবেশ )

সোণা । সোণা, তুমি নরঘাতিনী, সে যাক,—তোমার  
 ছলনায় রাজার এই দশা—প্রতিহিংসায় কি তুমি তৃপ্তি লাভ  
 ক'রেছ ? এই তো অস্তর-জালা ! যারে রাজ্যচ্যুত ক'রেছি,  
 তারই জন্তু নিত্য কুসুম চয়ন ক'চ্ছি, তারই জন্তু নিত্য  
 ফল আহরণ ক'চ্ছি, হা অভাগিনি ! যদি অমৃত্যু  
 ক'রবি তো এ কাজ কলি কেন ! নিত্য মনে করি, ক্ষমা  
 চাব—যা থাকে অদৃষ্টে, আজ দেখা দিব । আমার তো  
 সতীত্ব ফিরুল না, লাভে হ'তে রাজ্যেশ্বরকে বনবাসী  
 ক'লেম । কাপালিকের সংকার ক'রেছি—দেখা পেলে  
 ক্ষমা চাইতেম, আর উপায় নাই, যার উপায় নাই—সোণা  
 তার জন্তে ভাবে না । রাজার কাছে ক্ষমা চেয়ে যেথা ইচ্ছা  
 হয় চ'লে যাই । কোথা থেকে পোড়ারমুখো নসে এলো !  
 কিছুতেই যে আমি তাকে ভুলতে পাচ্ছিনি, পোড়ারমুখোর  
 মনে কি ঘৃণা নাই ?—সে যে আমায়ও ঘৃণা করে না ! সদাই  
 মন চায়, আমি তার কাছে যাই ; পোড়া মন, এখনও তুমি  
 ভাল বাসতে চাও—তোমাতে আগুন লাগেনি ! এমন মন  
 থাকতে বনে আগুন লাগে !—নসে পোড়ারমুখো যে সর্বনাশ  
 ক'রলে ; পাতা নড়ে, মনে হয়—নসে আস্ছে, পাখী গায়,  
 মনে হয়—নসে হরি ব'লছে, হরিনাম—তা কখনই ক'রবো

না ; নসের সঙ্গে আর একবার দেখা ক'রবো, তারপর যেখানে  
 হয় চ'লে যাব—এই যে রাজা আস্ছে । (অস্তরালে অবস্থান )

( রাজার পুনঃপ্রবেশ )

রাজা । এ কি—কে আমার নিমিত্ত নিত্য কুসুম চয়ন  
 করে—কে সুশীতল জল আনে—গহ্বর ভিতরে কে ফল রেখে  
 যায় ? আমি তো কিছুই বুঝতে পারিনি । এখানে কি জন-  
 সমাগম আছে, আনায় সাধু বিবেচনা ক'রে কি গোপনে কেউ  
 সেবা করে ? এ স্থান পরিত্যাগ করাই উচিত ।

( গমনোচ্ছত )

সোণা । ( অগ্রসর হইয়া ) ক্ষম দোষ,

তাজ রোষ ওহে সদাশয় !

আমি দুষ্চারিণী,

রাজ্যেশ্বরে করিয়াছি বিপিন নিবাসী,—

অমৃত্যুতে দহে প্রাণ !

রূপাবান্ হও মতিমান্,

ক্ষমা কর পাপিনীয়ে ।

জলি যে জালায় কব কি তোমায়—

নিত্য নিত্য তোমারে নেহারি,

অমৃত্যুতে দহে প্রাণ,

রূপা কর—কর হে মার্জনা ;

দিও না বেদনা,

ললনা চঞ্চল মতি—

না বুঝে ক'রেছি অপরাধ,

আর বাদ সেধ না হে নরনাথ,

ঢাল বারি অমৃত্যুপানলে ।

রাজা । কে ও, সোণা ?—

তুমি শিক্ষাদাতা গুরু সম মন !

আছিলাম মত্ত সদা বিষয়ের মদে,

ফুটিল নয়ন তব চরণ-প্রসাদে ।

তব পদে শত নমস্কার,

আমি অপরাধী কর তিরস্কার,

হোক মনে ঘৃণার উদয়,

হরিপদ ধরি দৃঢ় করি ।

শুন লো ললনা,

তুমি দোষী একথা বল' না,—

তুমি মম ভবান্নবে সেতু,  
তোমা হেতু হরিনাম পাইল অধম ।  
জন্মে যেন হরিপ্রেম, কর আশীর্বাদ,  
ঘুচুক বিষাদ,  
হরিপ্রেমে ভুলি হে প্রাণের জালা—  
দাসে দেহ পদপুলি ।

সোণা । তিরস্কার কর না আমায় ।  
পাপদেহ স্পর্শে বাড়ে পাপ,  
বাড়িবে সস্তাপ,  
ছি ছি, ছুঁয়ো না আমায় ।  
আমি যে যাতনা সঃ,  
বল কত কহি—কর ক্ষমা,  
বল মহাশয়, আর নাহি রোষ তব—  
বল, নাহি রোষ—

ভুলায়ো না বাক্যছলে,  
বল বল অপরাধ ক'রেছ মার্জনা ?  
রাজা । নহ তুমি দোষী, হিতৈষী আমার,  
তবু কহি তব অনুরোধে,  
নাহি মম রোষ ;  
যদি তব হ'য়ে থাকে দোষ,  
অকপটে কহি আমি ক'রেছি মার্জনা,  
বল তুমি—হরিভক্তি হোক মম ।

( নসীরামের প্রবেশ )

এ কি—গুরুদেব, প্রণাম ।

নসী । সোণা, কোথা যাবে ? ধ'রেছি,—আমি তোমার  
পিরীতে ম'জেছি, তুমি পায়ে ঠেল—ঠেলবে, আমি কখনও  
তোমায় ভুলতে পারবো না ।

সোণা । দূর হ পোড়ারমুখো পাগ্লা, তুই আমার  
সর্বনাশ ক'রবি । বার সঙ্গে একতরে বার বচ্ছর কাটালেম,  
তারে পুড়িয়ে এসেছি, এক বিন্দু চক্ষের জল ফেলিনি ।  
তুই পোড়ারমুখো আমার কাল হ'য়ে এসেছিস, তোকে আমি  
ঘুমিয়ে স্বপ্নে দেখি, তুই আমার আজীবনের ছল চাতুরী  
ভুলিয়ে দিলি, তোর কথায় প্রাণ গেল ! আমি অমৃতাপে  
অ'লে ম'রছি, পোড়ারমুখো, তুই আবার এসেছিস কি  
ক'রতে ?

[ সোণার প্রস্থান ।

নসী । যাও তুমি, কিন্তু আমি তোমাকে নিয়ে যাব ।

রাজা । প্রভু, আমার তো হরিসাধন হ'লো না, আমি  
মন স্থির ক'রতে পারলেম না ।

নসী । না পেরেছ নাই নাই, চল, তোমায় আজ  
হরি দেখাব ।

রাজা । কৃপাময়, কি ব'লছেন,—চ'ক্ষু হরি দর্শন  
ক'রবো ?

নসী । তোমার আর চ'ক্ষু নাই, যে হরিনাম করে—  
সে দেব-দেহ পায় । তোমার হরিসাধন হ'লো না ব'লে  
ক্ষোভ হ'চ্ছে—তোমার ঞায় সাধু কে আছে ? এই ক্ষোভই  
ক্ষোভ—অন্য ক্ষোভ বিড়ম্বনা মাত্র ; এই ক্ষোভ যত পোরে—  
তত বাড়ে । যার হরিনামে রুচি আছে—সেই ধন্য ! তুমি  
ধন্য—তোমার সহবাসে আমি ধন্য ! দেখ, তোমার কিঞ্চিৎ  
বিষয়-ক্ষোভ আছে, তাই তুমি হরির দর্শন পাও নাই, তোমার  
মনে হয়, তুমি পুত্রের সঙ্গে দুব্যবহার ক'রেছ—কিন্তু না,  
সে ক্ষোভ পরিত্যাগ কর ; সকলই হরির ইচ্ছা, তুমি নিমিত্ত  
মাত্র । এস, আমার সঙ্গে এস, তোমার পুত্রের দর্শন পাবে ।  
তোমার পুত্র এখন পরম সাধু, তার কৃপায় এ পরিতবাসীরা  
ঘরে ঘরে হরিনাম ক'রছে, এস, দেখবে এস ।

রাজা । প্রভু, হরির দর্শন পাব আজ্ঞা ক'রলেন যে—

নসী । আমার আজ্ঞা নয়, হরির কৃপায় তুমি তাঁর  
দর্শন পাবে ।

[ উভয়ের প্রস্থান ।

## দ্বিতীয় গর্ভাঙ্ক

অরণ্য

অনাথনাথ ।

অনাথ । আর না—কথা কব না, চূপ ক'রে দেখি ;  
শ্রামের বামে রাইকিশোরী—মরি মরি রে, বৃন্দে, শ্রামের  
নিঃস্রব করিস্নি, ওই দেখ, ভয়ে ভয়ে কুঞ্জের দ্বারে দাঁড়িয়ে  
আছে, চাঁদমুখ শুকিয়ে গেছে,—ওলো ওলো, রথের চাকা  
ধর, চাকা ধর, বড় ক্রুর অক্রুর লো—আহা, গোঠে কানাই  
নাই, শ্রীদাম কাদ কি গো তাই ? দে মা, নন্দরাণি, সাঙিয়ে

দে—দে মা চুড়া বেঁধে দে—দে মা, ধড়া পড়িয়ে দে—দে গো  
নবনী দে—বেণু না শুনে পেছ দে গোঠে বাবে না। আহা,  
ধর ধর ধর, প্যারী ধূলায় প'ড়ে—কৃষ্ণ ব'লে তমাল ধরে।  
ওরে কে রে—যা রে যমুনা-পারে, এনে দে এনে দে,  
কালচাঁদে এনে দে! ছি ছি ছি, মান সাজে না তোর;  
দেখ, লোটে পায় মূপুরে চুড়া মিশায়—শ্রামকায় নয়নজলে  
ভেসে যায়! ছি ছি রাই, ভাবি ভাবি, যার মানে তুমি নানা,  
তার এত অপমান করিস্ তোলা গরবিণি! ওই দেখ, শ্রাম  
ফিরে গেল—এখন কাদলে কি হবে বলো? আগে ক'রে  
মান, ক'রলি তুই অপমান—এখন জাগ দিলে তো  
কালচাঁদ আর ফিরবে না—

(নসীরাম ও রাজার প্রবেশ)

নসী। ওরে, খুব মজা দেখ্‌ছিস, ওরে ও পাগ্‌লা!

অনাথ। প্রভু—প্রভু—(চরণ ধারণ)

নসী। আরে কি করিস্, কি করিস্—তোর প্রেম  
একটু আমায় দে।

অনাথ। দয়াময়, দাসকে মনে প'ড়েছে!

নসী। তুই যে হরির দাস, আমি তোর দাসাত্মদাস।  
দ্যাখ্, ধারে তুই বাবা ব'ল্‌তিস্, সেও এখন হরির দাস।  
দ্যাখ্ দ্যাখ্, হরিপ্রেমে মিন্‌ষে কাদ্‌ছে! দ্যাখ্ বৃড়োমিন্‌ষে—  
ওকে আবার রাজা ব'ল্‌তো!

অনাথ। পিতা, আশীর্ষদ করুন, আমার হরিভক্তি  
লাভ হোক।

রাজা। বাবা, তুমি কি আমার অপরাধ মার্জনা  
ক'রবে?

অনাথ। আমি আপনার দাস, আপনার কৃপায়  
গুরুর কৃপা লাভ ক'রেছি, হরিনাম পেয়েছি, আমার সাথক  
জন্ম, আমি হরিনাম মুখে এনেছি!

নসী। কেমন, তোরে ব'লেছিলেন যে, রাজকুমার  
আর থাক'বিনি! এই দ্যাখ্ না, সেই বাপ—যেন সে বাপ  
নয়, যেন কে আরও আপনার লোক; তুই সেই ছেলে—  
যেন সে ছেলে নয়, আর কেউ—আপনার হ'তেও আপনার।  
দ্যাখ্ দ্যাখ্, হরিপ্রেমের মহিমা দ্যাখ্! এত দিন ইন্দ্রিয়ের  
সম্বন্ধ ছিল, সে সম্বন্ধ কত দিন থাকে—এ প্রেমের সম্বন্ধ,  
প্রাণে প্রাণে গোলোক-বিহার! সোণা, তুই এলিনি, আমার  
প্রাণ কেমন ক'ছে—

(সোণার প্রবেশ)

সোণা। এই যে, তোমার মুখে আগুন দিতে তোমার  
সঙ্গেই আছি, আমার কি পালাবার যো রেখেছ সর্ব্বনেশে!—

(গীত)

ঘরে আর মন সরে না, বুঝলে তো বোঝে না মন।

কে যেন যে যায় টেনে, জ্বালা এ কি যেমন তেমন।

মনে করি মনকে ধরি, পারিনি কেঁদে মরি,

কি ছলে মজালে হার, উপায় কি করি:

অবশে যাই গো ভেসে, মন তো নয় মনের মতন।

অনাথ। কে গো—তুমি কি প্রেমময়া রাই!

সোণা। এই যে, মুখপোড়া এটাকেও খেপিয়েছে!  
মুখপোড়া, সৃষ্টি শুদ্ধ খেপালি?

নসী। সোণা, আমার অপরাধ নিও না, হরি খেপালে  
আমি কি ক'রবো! আমার মুখে আগুন দিতে যদি তোমার  
সাধ হয় তো এস। আয় আয়, তোরা আয়—বংশীধারী  
দেখ'বি আয়।

[সোণা ব্যতীত সকলের প্রস্থান।

সোণা। এ কি, আমার প্রাণ টানে কেন? আমার  
পাঁচুটো ভেঙ্গে যায়, তা হ'লে আর পোড়ারমুখোর কাছে  
যেতে হয় না। ছি ছি ছি! পাগলটা আমায় পেছনে পেছনে  
ফেরাচ্ছে। কেন—আমি হরিনাম ক'রবো কেন? হরি  
ব'ল'বো, তবে তিনি উদ্ধার ক'রবেন—ও মা, আমি যেন  
গ'ড়তে ব'লেছিলেম! তুই যা খুসী তাই করিস্, তবু তোর  
নাম নেব না। এই যে বৈশ্য্য ক'রেছিলি, এই যে নর-  
ঘাতিনা ক'রেছিলি, তা আমি কি ক'ল্লেম, কিছু ক'রতে  
পেরেছি—ও মা, কি দয়াময় গো! ওরে আমায় টেনে নিয়ে  
যায়—আমি যে থাকতে পারি না—

[প্রস্থান।

## হৃতীর গর্ভাঙ্ক

পর্কিতের অপরাংশ

বিরজা ও মাদুলী।

মাদুলী। মথি, তুমি তো দেখা পেয়েছিলে, কেন  
মার্জনা চাইলে না, তবে এখন কেন খেদ কর?

বিরজা। সখি, তাঁরে উন্নত দেখ্লেম—দাসীকে চিনতে পার্লেম না, আমার পরিচয় দিতে লজ্জা হ'লো,—কি জানি, পরিচয় শুনে যদি তাঁর পূর্বকথা স্বরণ হয়—প্রাণে ব্যথা লাগে।

বুঝিহু স্বজনি,  
এ জনমে সাধন হ'লো না,  
মনের বেদনা রহিল গো মনে মনে।  
যত প্রাণ বাঁধি, তত সখি কাঁদি,  
নিরবধি সেই কথা ওঠে মনে,  
কেমনে করিব হরি-পাদপদ্ম ধ্যান !  
রক্তোৎপল চরণকমল  
ভাবিতে স্বজনি, রঞ্জিত অধর হেরি ;—  
ত্রিভঙ্গ নয়ন  
নাহি সখি করি নিরীক্ষণ,  
হেরি ধ্যানে সে নয়ন দুটি ;  
বাঁশী মনে হ'লে ভাসি আঁখিজলে,  
শুনি কাণে সে মধুর স্বর ;  
বল না বল না সাধনা কেমনে করি ?  
যাও সখি, যাও স্থানান্তরে,  
হরি প্রেমে হ'য়ো না বঞ্চিত,  
দেখ দেখ তব সাধনার বিঘ্ন আমি।

মাধুলী। সখি, তুমি প্রেমিকা, প্রেমিক হরি তোমায় প্রেম দিয়েছেন ; আমি প্রেমগুণ, তোমার কাছে থাকি, প্রেম শিক্ষা করি, হরিকে কেমন ক'রে ভালবাস্বো—তাই তোমার কাছে শিখি।

বিরজা। দেখ দেখ, এখানে চিতা সাজান কার !

মাধুলী। তা তো জানিনি।

বিরজা। এ কি শাসান সখি, এ নিৰ্জ্জন স্থান নয়, ওই দেখ, কে আস্ছে।

মাধুলী। এ যে গুরুদেব !—সে রাজা না ? ওই যে রাজকুমার !

বিরজা। তাই তো !

( নসীরাম, রাজা ও অনাথনাথের প্রবেশ )

( বিরজা ও মাধুলীর প্রণাম )

বিরজা। গুরু, প্রভু, আমাদের সাধন হ'লো না।

মাধুলী। প্রভু, কই, জীয়েন্তে মরা তো হ'তে পার্লেম না, আমার সকল কথাই মনে পড়ে।

নসী। ওরে ও খেপা, একে দেখ্ছিষ্—এই সেই যে তোর বিরজা ছিল, আর এ মাধুলী।

রাজা। বিরজা—মা, হরির দোহাই, আমার অপরাধ মার্জ্জনা কর।

বিরজা। আপনি পিতা—হরিভক্ত, অপরাধী ক'রবেন না, আমায় পরিতক্তি দিন।

নসী। ও খেপা, চুপ ক'রে রইলি যে ?—দেখ, মনে আড় রাখিস্ নি—বিরজার অপরাধ নাই, সে তোমা বই আর ধ্যানেও জানে না, আর যদি অপরাধীই হয়—তুই প্রেম দান ক'রে সব ধুয়ে নে। বোঝ্—কামে প্রেমে তফাৎ বোঝ্, কাম স্বার্থপর—মনকে কুঁকড়ে দেয় ; প্রেম জগদ্ব্যাপী—প্রাণ মন জগদ্ব্যাপী হয়। বিরজা, তোর কি মনের কথা, বল না ?

বিরজা। রাজকুমার—

নসী। রাজকুমার কে রে—এখন কি রাজকুমার আছে, খেপা বল।

বিরজা। হে পরমোন্মাদ, দাসীর অপরাধ মার্জ্জনা করুন।

অনাথ। প্রেমময়ি, তুমি আমায় প্রেম দাও, প্রেমে আমার মোহ-অন্ধকার দূর কর।

নসী। শোন, তোদের সকলকে বলি শোন, জগতকে প্রেম দে—যে হীনের হীন, তাকে প্রেম দে—রাই রাজার ঘরের প্রেম ফুরোবে না, যত পার—বিলাও ! রাধে, রাধে, আমায় প্রেম দাও ! ওরে আমার কাজ ফুরিয়েছে, আমি চ'ল্লেম—এ দেখ, আমার চিতা সাজিয়েছি।

সকলে। প্রভু, কি বলেন ?

নসী। আর কথার সময় নাই, তোরা হরিনাম কর, সোণা আয়, রাই রাজা তোরে ডাক্ছে।

সকলে। হায় কি হোলো !

নসী। কেঁদ না, আবার দেখা হবে—হরিনাম কর, বন্ধুর কাজ কর, আমার সময় উপস্থিত।

সকলে। হরিবোল ! হরিবোল ! হরিবোল !

( পাহাড়িয়াগণের প্রবেশ )

১ম পাহা। ওরে তোরা হেথা, আমরা তোদের মাদল লিয়ে চুঁড়্ছি।

শনাথ । এস ভাই, সকলে মিলে হরিনাম করি ।

১ম পাতা । এ কে রে—একটা হরিবোলা, বুঝেছি ।

সকলে । হরিবোল, হরিবোল, হরিবোল !

( সোণার প্রবেশ )

সোণা । আরে কি ক'চ্চিস্—কাঠ হ'য়ে র'য়েছে দেখতে  
পাচ্চিস্‌নি, আর কাকে নান শোনাচ্চিস্‌ ! দাঁড়া, আমি  
নুড়ো জেলে দিই । ( চিতায় অগ্নি প্রদান )

( সকলের গীত )

লজ্জা রাখ, লজ্জা-নিবারণ হরি,  
পাথারে করছে পার দিয়ে রাঙা চরণতরী ॥  
কোথা হে হৃদয়-বিহারী,  
চরম সময় বারেক নেহারি,  
অবশ জিহ্বা নাম নিতে নারি ;—  
এস বাজিয়ে বঁশী কালশশি,  
চেউ দেখে হে শিহরি ।

সোণা । পোড়াকপালে, তোর সঙ্গেই আমি যাচ্ছি ।

( সোণার চিতা-মধ্যে প্রবেশ )

( পুষ্পরথে সোণা ও নসীরামকে লইয়া

রাধা-কৃষ্ণের স্বর্গে উত্থান )

কৃষ্ণ । যে আমায় চায় আমি তারে চাই ।

রাধিকা । শ্যামর ভক্ত বই আর কেউ তো নাই ।

( সকলের গীত )

রথ রাখ হে রাখ, বাঁকা শ্যাম !

যেওনা অকূলে ফেলে, হ'য়ো না হে বাম !

পায়ে ঠেল না প্রেমময়ী রাই,

রাধে, তোমারি দোহাই,

বারেক দাঁড়াও, যুগল হেরে

মন-প্রাণ জুড়াই :—

যদি নিদয় হবে কেউ তো ভবে—

নেবে না জয় রাধানাম ।

# মনের মতন

( মিলনান্ত নাটক )

[ ৭ই বৈশাখ, ১৩০৮ সাল, ক্লাসিক থিয়েটারে প্রথম অভিনীত ]

## চরিত্র

### পুরুষ

মিজ্জান	...	বাদসা।
কাউলফ	...	ঐ সেনাপতি ও বন্ধু।
সায়েদ খাঁ	...	ধনাঢ্য বণিক।
টাহার	...	ঐ পুত্র।
নেহার	...	টাহারের বন্ধু।
সমরকন্দাধিপতি	...	গোলেন্দামের পিতা।
কাজি	...	সমরকন্দের বিচারক।
বণিক	...	সমরকন্দাধিপতির বন্ধু।
ফকীর		

দূত, ভৃত্যদ্বয়, প্রহরী ইত্যাদি।

### স্ত্রী

গোলেন্দাম	...	বেগম।
দেলেরা	...	কাউলফের প্রণয়িনী।
সানিয়া	...	দেলেরার ধাত্রী।
পরিয়া	...	গোলেন্দামের সখী।
মনিয়া	...	দেলেরার সখী।

সখিগণ ইত্যাদি।

## প্রথম অঙ্ক

### প্রথম গভাক্ষ

দেলেরার কক্ষ

দেলেরা, সানিয়া ও সখিগণ।

সানিয়া। হ্যালো, তোর কি হয়েছে? তুই দিন-রাত রাত্তা-পানে চেয়ে থাকিস, খাম্‌নে শুন্‌নে, তুই কার ভাবনা ভাবিস? কারো সাথে তোর দোস্ত হ'ল নাকি? দ্যাখ্— সামলে চল। শুন্‌চি, তোর বাপ সওদাগরি হ'তে ফিরে আস্‌চে। টাহারের বাপ টাহারকে নিয়ে এসেছে, তোর সঙ্গে সাদি দেবে।

দেলেরা। আমি টাহারকে সাদি করব না।

সানিয়া। ও কি কথা লো—ওকি কথা? তুই কি সব কথা শুনিস্‌নে?

দেলেরা। কি শুন্‌বো?

সানিয়া। টাহারের বাপ আর তোর বাপ দু'জনের ছেলে বেলা থেকে বড় দোস্ত : তারা হাতে হাত দিয়ে কিরে খেয়েছে যে, তোর সঙ্গে টাহারের বে হবে। এখন তুই কি কথা বলছিস্? টাহারকে আমি দেখেছি বুধস্বরং,

—কেন তারে সাদি ক'রবিনে ? তোর বাপকে কি ব'লে বোঝাবি ? আর বোঝালেই বা শুনবে কেন ? সে কি আপনার জবান নিচ্ছে ক'রবে ?

দেলেরা। তা যা হয় হবে, আমি টাহারকে সাদি ক'রবো না।

সানিয়া। কেন, তার অপরাধ কি ?

দেলেরা। তুই কাউলফকে দেখেছিস ?

সানিয়া। দেখেছি, দেখেছি—ওই তো বাদসার সেনাপতি।

দেলেরা। যদি দেখে থাকিস, তবে আর টাহারের কথা আমার কাছে তুলিসনে। আমি রাতায় কেন চেয়ে থাকি জানিস ? কাউলফ কখন যাবে—দেখি। টাহারের কথা কি ব'ল্ছিস—স্বর্গের দূত এলে আমি চাইনে। আমি চাই কাউলফকে—সেই আমার স্বামী। আমি স্বামী ছেড়ে কি দোসরা পুরুষকে সাদি ক'রবো ?

সানিয়া। ওলো সর্ব্বনেশে কথা বলিসনে। তোর কিসের স্বামী ? এক দিন রাতায় যেতে দেখেছিস বই তো নয়।

দেলেরা। আমি দেখেছি—দেখে ম'জেছি,—আর আমার উপায় নাই ! আমি মনে মনে তারে মন দিয়েছি। আমি মনে মনে শপথ ক'রেছি, তারে ছেড়ে কারেও সাদি ক'রবো না। তারে পাই ভাল, নচেৎ জলে ঝাঁপ দেব। তোরে আমি কেন ডেকেছি—জানিস ?

সানিয়া। কেন ?

দেলেরা। ছেলে বেলা থেকেই আমার মা নাই, তুই আমায় মানুষ ক'রেছিস। এখন তুই আমার প্রাণ বাঁচা।

সানিয়া। সে কিরে, সে কিরে—তুই কি কথা বলিস ! আমি কি ক'রবো ?

দেলেরা। তুই সব পারিস। আমার আর কে আছে বল ? আমি আর মনের কথা কারে জানাব ? দ্যাখ্—দ্যাখ্—চেয়ে দ্যাখ্—ওই আমার জান পায়ে বেঁধে নিয়ে যাচ্ছে !

সানিয়া। ও কি কথা বলিস ?—আমার কাজ নয়—আমি পারবো না !

দেলেরা। তবে তোর সামনে আমি জ্বর খাব।

সানিয়া। কি সর্ব্বনেশে কথা ব'ল্ছিস,—বুঝ্ছিস ?

শুন্ছি, আজ টাহার তোকে দেখতে আসবে। তোরই কাছে তো টাহারের বাপ বাঁদী পাঠিয়ে খবর দিয়েছে যে, টাহারকে তোরে দেখতে পাঠাবে। কখন আসবে তার ঠিক নেই। কে দেখবে কে শুনবে !

দেলেরা। আমি টাহারের সঙ্গে দেখা ক'রবো না।

সানিয়া। সে বাড়ীতে আসবে—তারে কি ব'লে ফেরাব ? তুই মাঝে মাঝে বাড়ীতে পুরুষ আনিস, এ কথাও কাণা-ধূগা উঠেছে। তুই যে আগোদ ক'রতে আনিস—তা তো লোকে বোঝে না, লোকে ছুয়া ভাবে।

দেলেরা। লোকে ভাবুক—আমিতো সাঁচা আছি।

সানিয়া। আর এইবার যে কাঁচা কাজ ক'চ্ছ ? কাউলফকে ঘরে ডাক্ছ।

দেলেরা। ভয় কি ? আমার পাকা স্বামী আছে।

সানিয়া। এ বুড়ো বেটীর মাথা খাবে, তবে নিশ্চিত হবে—না ? আমার কথা তুই শোন, কাউলফের দরদ ছেড়ে দে।

দেলেরা। কাউলফকে ছেড়ে দেব ? তা কেমন ক'রে পারবো ! ঐ চেয়ে ছাখ্—জানের কাটারি, মরি মরি !—

সানিয়া বলি সানিয়া তোরে,

মেরি জান দেওয়ানা ওরি তরে।

চেয়ে ছাখ্ এই ছুনিয়া 'পরে—

যেন চাঁদ খানি প'ড়েছে ঝ'রে !

আমায় কিনে নে—ওরে এনে দে,

নইলে জান বাঁচে না যে,

আছি বহুত সামারে,

আর পারি নে—তারে এনে দে !

সানিয়া। আরে ছি ছি ছি !—বলিস কি ? তাও কি হয় ! এ হামার কাম নয়। ভেজ দোসরা বাঁদী : তোর বাপ এসে শুনবে,—আমায় খাড়া খাড়া কবরে ডালবে। সে কিরে খেয়েছে, তোর সাথে টাহারের সাদি দেবে। সম্ভে চল,—নইলে গিরাব ফেরে। তুই এমন সেয়ানা, হাঁসাস্ নে ছুনিয়া : তোর বাপ গিয়েছে সওদাগরিতে ছু'দিনের তরে,—আজ ফেরে কি কাল ফেরে।

দেলেরা। ওলো মরম-বাথা বুঝ্ছিনি তুই নারী হ'য়ে,

কলিজায় আগুন নিয়ে, কত দিন আর থাকবে স'য়ে !

দেখেছি যে দিন হ'তে,—

আর তো আমার নইক আমি,  
আমি ওর পায়ের বাঁদী,  
ও বিনা কেউ নয়কো স্বামী।  
বলিস্ কি ম'জে যেতে বাওরা হ'তে,  
কেন, কিসে আমার অত,—  
কে ছাড়ে দেল পিয়ারা,  
বলনা কথা নারার মত !

মনের মতন রতন পেলেক, কে কোথা বল স'ম্ভে চলে,  
কে কোথা মনের লহর বাঁধতে পারে আটকে ঠেলে ?

সানিয়া । আচ্ছা, তুইতো ওরে চাস্ ও যদি তোরে না চায়  
—তোরে যদি দরিয়ায় ভাসায় ? মরদকে তো জানিস্ নে,  
ওদের আগাগোড়া সময়তানা আমি পছানি, বেইমানি করে  
যাবে ফেলে, ভাসবি তখন অকুল জলে !

দেলেরা । যা হয় হবে, —ভেবে দোস্ত করে কে কবে ?  
প্রাণ যারে চায়, তার লোটাঘ পায় ;—এখন বাঁচা আমায়,  
—নইলে জানু যায় !

সানিয়া । তাই তো লো তাই তো, —ভেবে পাইনা  
কিছু থাইতো ! এখন দেখি বেয়ে চেয়ে—একবার যাইত।  
আমি আনছি, দেখিস্ হ'ম্ভে হাঙ্কা, মরদের প্রাণ বড় পঙ্কা !  
তবে যদি থাকতে পারিস্ গুম্বরে,—কতক রাখতে পারবি  
ধরে । আলুগা হ'লেই মরদ বসে পেয়ে । মন খুলিস্  
বুঝে,—সমঝে, র'য়ে স'য়ে ! মরদ বড় বেইমান,—বড় বেই-  
মান !—আমি বড় হ'য়েছি হায়রাণ !

দেলেরা । তুই যা,—তুই যা—তুই ভাবিস্নে । থাকবো  
গুম্বরে,—ফেরাব পায় পায়,—দেখি আমায় চায়, কি না  
চায় । হ্যাঁলো তোরই তো বনেয়া, তুই কি চিনিস্নে  
আমায় ?

( সখিগণের গীত )

সখিগণ । খাল কেটে লো নোনা জল এনে,  
আপেরে কি হয় কে জানে !  
সব দিকে হ'ত ভালাই—  
থাকলে পরে বুঝ মেনে ।  
সব দিকে হ'তো ভালাই, থাকলে পরে বুঝ মেনে !  
দেলেরা । নে মেনে নে, মিছে বকিস্নে,—  
তারে দে এনে, নইলে বাঁচিনে,  
অধিবাণে জান বি'ধেছে, বুঝ্ মানি বল কেমনে ?

সখিগণ । অধিবাণে জান বি'ধেছে, বুঝ্ মানি বল কেমনে ।  
আর কি হবে ভেবে, যাই চ'লে তবে,  
বেগানায় ভালবেসে, অকুলে গেছিস্ ভেসে,  
কে জানে কি হবে শেষে,—

দেলেরা । যালো যা —যালো ভরা, হ'য়েছি আপন হারা,  
বুঝ গিয়েছে মন ম'জেছে,— পিরীত-ডুরি প্রাণ টানে ।

সখিগণ । বুঝ গিয়েছে মন ম'জেছে, পিরীত-ডুরি প্রাণ টানে ॥

[ দেলেরা ব্যতীত সকলের প্রশ্নান ।

দেলেরা । কি হবে—কে জানে,—অকুলে ত ভাস্লেম !  
যা ব'লে সানিয়া—তাত বড় মিছে নয় । মানুষের জিবে  
জিবে ছুটবে,—চারদিকে কথা রটবে । বাপ যদি টের  
পায়—তা হ'লেই ত ম'জ লুম । যা হবার হবে, আর মিছে  
ভেবে কি ক'ব্বো ! এদিকেও ম'রেছি, ওদিকেও  
ম'রেছি,—না হয় কাউলফকে নিয়ে ম'রবো ।

( দেলেরার গীত )

আমার অগাধ জলে জাল ফেলা,  
পারি হারি ভুলতে নারি খেলে দেখি এ খেলা !  
রতন পাই পাব, নইলে জলে ঝাঁপ দেব,  
থাকতে সাগর, তীরে কেন বুড়ি কুড়াব ।  
যে চেউ দেখে পায় ভয়, রত্ন তার তরে তো নয়,  
হয় বা না হয়, যা হয় হবে, শেষ দেখে যাব,  
যৌবনে সাধের মেলা--সাধ ক'রে নি এই বেলা ।

[ দেলেরার প্রশ্নান ।

দ্বিতীয় গর্ভাঙ্ক

পথ

( সখিগণ সহ সানিয়ার প্রবেশ )

( সখিগণের গীত )

চল্ চল্ হিয়া নেহি ইয়ার ।  
কতি সেকে কমিনা, দেল সেনা দেনা,  
কতি মেনে লেনে সেকে বিন্ দেলদার ॥



আও আও আও,

জোয়ানি মূল লো যাও,

আগর রহে নজর, দেখো বড় জবর,

বুড়য়া চল্দে হিয়া কা ইয়ার মিলে,

মাঞ্জে দেলকি পিয়ারা কাহা আয়সা পিয়ার ।

সানিয়া । মেঘ না চাইতেই হল ! ওই লো ওই—দেলে-  
রার নাগর কা কাফ আস্ছে । ধরা দেওয়া হবে না ।  
ছলে বলে কৌশলে—যেমন করে হ'ক—দেলেয়ার ঘরে নিয়ে  
যাই চল্ ।

( কাউলফের প্রবেশ ) ।

কাউ । আপনারা কে ?

সানিয়া । আমি কে, না এরা কে ?

কাউ । তুমিও কে—এরাও কে ?

সানিয়া । আমি ৩ চি পরার রাণী ।

কাউ । বারিত হ'লেম চাঁদ !—এরা কারা ?

সানিয়া । আমার আগে আগাগোড়া পরিচয় নাও ।

কাউ । এক পরিচয়ে তো সব মালুম হ'য়ে গিয়েছে ।

সানিয়া । এক কথায় কি মালুম ক'রবে ? আমার বয়স  
কত শুন্বে ?

কাউ । যা থাকে অদৃষ্টে, ব'লে যাও শুনি ।

সানিয়া । বছর আঠার ।

কাউ । আর কি কি ব'লবে ব'লে ফেলে, তার পর  
এদের পরিচয় দাও ।

সানিয়া । আমি কি করি শুন্বে ?

কাউ । আমি ত ব'লেছি, আমি মরিয়া হ'য়েছি, তুমি  
যা ব'লবে—তাই শুন্বো ।

সানিয়া । তবে শোন—আমি আস্‌মানে ঘুরি ।

কাউ । আর কি ছুঁচো ধ'রে খাও ?

সানিয়া । না, শিশির খাই ।

কাউ । শিশির তো জল খাও, আর ভোজন হয় কি ?

ছুঁচারটে জোনাক ধ'রে খাও ?

সানিয়া । থাকি কোথা জান ?

কাউ । সে তো দেখেই ঠাওর পেয়েছি, সেওড়া গাছে ।

সানিয়া । না, রাজা মেঘের উপর ।

কাউ । আর ম'রবে গো-ভাগাড়ে ।

সানিয়া । না—বিল্কুল ম'রবোই না ।

কাউ । তা ব'লতে পার—নইলে হাড় জ্বালাবে কে ?  
সানিয়া । আমি কি হাড় জ্বালাই ? প্রাণ শীতল  
ক'রে দিই ।

কাউ । বরফ ক'রে তো তুলেছ । আর বেশী শীতল  
না ক'রে একটু গরমে দাও । এরা কে পরিচয় দাও না ?

সানিয়া । আরে ছ্যা—ছ্যা !

কাউ । অপরাধী হ'লেম কিসে ?

সানিয়া । এদের পরিচয় চাও !

কাউ । না হয় ঝক্‌ঝকি ক'রেছি ! তুমিই কেন ব'লে  
ফেল না ?

সানিয়া । বাপ্‌রে, আমার গর্দান কাট্‌লেও না ।

কাউ । দেখ বুড়ো চাঁদ, তুমি রসিকা বটে বুঝতে  
পেরেছ, তা কৃপা ক'রে পরিচয়টা দাও না, তাতে কেউ  
বদ্রসিক ব'লবে না । বলি এ চাঁদের হাট নিয়ে গুণনা  
হ'চ্ছে কোথায় ?

সানিয়া । ওলো দ্যাখ্ দ্যাখ্—ঘোমটা খুলে দ্যাখ্,  
চাঁদের গাদা দাঁড়িয়ে দেখ্ !

কাউ । বুড়ো চাঁদ, তুমি রসিকা বটে । কিন্তু একটু  
দোষ প'ড়েছে, অন্ততঃ তো শতাবধি বৎসর রসিকতার  
তুফান চালাচ্ছ । ক্রমে রস ম'রে তো চিটে গুড় দাঁড়িয়েছে ।  
এখন স্বয়ং আসরে না নেবে, এদের মধ্যে বেছে গুড়ে এক-  
জনকে একটিনে কাজ চালাও ।

সানিয়া । ওলো দ্যাখ্ দ্যাখ্, এ বুড়ো কি ব'লে দ্যাখ্ ।  
আমায় ব'ল্‌ছে—বুড়ী ! ড্যাকরা—কানা নাকি ? আমি  
এমন রস নাগরী !—চক্ষের মাথা খেয়ে বুঝি দেখতে পায় না !

কাউ । বুড়ো চাঁদ, ঘাট হ'য়েছে !—এবার থেকে  
তোমায় ছুঁড়ী ব'ল্‌ছি । সুন্দরি ! আমার প্রপিতামহ  
আমলের ছুঁড়ী ! তুমি আমার ঠাকুরদাদার মনোমোহিনী  
নাগরী ! আমি তোমার নাগর খাড়া আছি, কিন্তু তোমার  
সখীদের কথা কইতে বল ।

সানিয়া । চল্‌ লো চল্ ।

কাউ । কেন বুড়ো চাঁদ, আমার প্রতি এত বিরূপ  
কেন ? এই তো বুড়ো কটাক্ষ হেনে আমায় দেখ'ছিলে ।  
এখন যখন হজুরে হাজির হ'য়েছি, তখন আর এত তাড়না  
কেন ?

সানিয়া । কি কি—তুমি কি ব'ল্‌ছ ?

কাউ। বেশী নয়, জিজ্ঞাসা কচ্চি—তোমরা কে ?

সানিয়া। কি বল—আমরা ইন্দ্রের অপ্সরী !

কাউ। স্বর্গের অপ্সরী হ'লে হ'তে পার, কিন্তু বাবা মর্তের কাটকুড়নি !

সানিয়া। ওলো চ'লে আয়—চ'লে আয়। ও বুড়ো হ'য়েছে, বাহাতুরে ধ'রেছে, ওর কি নছর আ ছ, তা হ'লে আনায় বলে বুড়ী !

কাউ। তোমার নাগরগিরির আজও সখ আছে নাকি ?

সানিয়া। ভোরপুর—প্রাণটা হামাগুড়ি দিচ্ছে, বুকের ভেতর টেউ খেলছে। তবে তোমার ও চেহারা পছন্দ হয় না।

কাউ। আহা চোখে জাল প'ড়েছে কিনা,—তাই ঠাওর-টাওর হয় না।

সানিয়া। তোমার রীত-চরিত্র ভাল নয় দেখছি। তুমি পরপুরুষ, রাস্তায় দাঁড়িয়ে কথা ক'চ্ছ কেন বল দেখি ?

কাউ। কে জানে—কেন বাকুনারি ক'রেছি।

সানিয়া। তাই বল।

কাউ। এ রূপসীর পাল কোথায় নিয়ে যাচ্ছ বল দেখি ?

সানিয়া। কি ! রূপের গরবেই যে ফেটে ম'বুচ্ছ দেখতে পাই।

কাউ। এতক্ষণ ফেটে ম'বুতুন, কেবল তোমার রূপ দেখে প্রাণ রেখেছি। তোমার রূপলি লে প্রাণ তিন পাক খেয়েছে। তোমার কঁোকড়া চামড়ায় প্রাণে গামুছা মোড়া দিচ্ছে, তোমার ত্বোব্ড়া বদনে মন্টা তুব্ড়ে ব'সে গেছে ; আর যে টুকু বাকী ছিল, বিশাল গলার বাকারে কোটরে সঁ দিয়েছে।

সানিয়া। কোটরেই থাক নাকি ?

কাউ। কাকের ডাক সহঁতে পারি না, তাই কোটরে থাকি।

সানিয়া। তুমি কি প্যাচা ?

কাউ। প্যাচা কেন—বোঁচার বোঁচা, তা নইলে রাস্তায় দাঁড়িয়ে তোমার সঙ্গে কথা কই।

সানিয়া। তুমি কি চাও ?

কাউ। জিজ্ঞাসা ক'চ্ছিলেম, রওনা হ'চ্চো কোথায় ?

মন্টি সহঁবে লোকের কি দরকার হ'বে ?

সানিয়া। বড় যে ঠাট্টা হ'চ্ছে, সুন্দরী কখন' দেখেছ ?

কাউ। এই যে দেখছি।

সানিয়া। সুন্দরী কখন' দেখেছ ? জারী ক'রনা। না দেখে থাক—দেখতে পারি।

কাউ। বটে, এত দূর—তবে দেখাও।

সানিয়া। আমার ম'স এসো।

কাউ। কোথায় যেতে হবে ?

সানিয়া। সেইটা কিন্তু জিজ্ঞাসা ক'ত্তে পারবে না।

কাউ। একটা আঁতের কথা খুলবে, এরা কারা ব'লবে ? ব'লতে কি, ছু-চারখানা তাজা চিজও আছে দেখছি।

সানিয়া। তবু ভাল—তোমার যে একটু পছন্দ হ'লো।

কাউ। তা ব'লে তোমায় পছন্দ হয় না।

সানিয়া। তোমার পছন্দও চাই নে।

কাউ। বলি আসল কথাটা ভাঙ চ না কেন ? এদের কোথায় নিয়ে যাচ্ছ ?

( সখিগণের গীত )

মরমে আছি মরে, মনের কথা কই নে কারে।

পাই যদি মনের মত, মনের জ্বালা দেখাই তারে ॥

সাধে বাদ সাধলে বিধি,

মন পেলে না মনের নিধি,

কে বোঝে দারুণ বাথা,

বুক ফেটে যায় ব'লতে কথা,

ফেটে যেত পাষণ হ'লে, স'য়ে আছি নারী ব'লে,

কেউ করেনা প্রাণের দরদ, বেচা-কেনা হাট বাজারে ॥

কাউ। ( স্বগত ) গানের ভাব কি ? আহা ! এরা কি বাদী ? “বেচা-কেনা হাট-বাজারে” কি ব'লচে। ( প্রকাশে ) তুমি কি এদের বেচতে নিয়ে যাচ্ছ ?

সানিয়া। এ্যাঃ—তুমি নেখাত নাবালক দেখছি !

কাউ। বেকুবীটা কি হ'লো ?

সানিয়া। মেয়েমানুষকে কি কেউ কিনতে পারে মনে ক'রেছ ? কেনা দেয় তো কেনে ! মেয়েমানুষ পয়সায় কেনা-বেচার ধার ধারে না, আজও তুমি এ কথা জান না ?

কাউ। প্রাণের ধার মেয়ে মানুষ ধারে না—পয়সার ধারই ধারে।

সানিয়া। তোমার তবে চের পয়সা দেখ্‌ছি।

কাউ। সে কথা থাক্, এদের তুমি বেচবে ?

সানিয়া। না।

কাউ। কেন ?

সানিয়া। খুসী।

কাউ। এমন কি খুসী ?

সানিয়া। খুসী—খুসী,—তার আর এমন ভেমন কি ?

কাউ। একটু পরখুসী যদি হও, তা হলে বাধিত হই।

সানিয়া। আরে আমার মাণিকের টুকরো, তোমার উপর কি পরখুসী হওয়া যায় ?

কাউ। আহা, এমন মুখ থাকতে ঘরে আগুন লাগে, তোমার মুখে লাগে না ?

সানিয়া। এ পরসে কি আর মুখে আগুন লাগার জায়গা আছে ? যখন জ্বলিয়া ছিন, তখন মুখ পুড়িয়েছি।

কাউ। অতুগ্রহ ক'র এদের বেচ না ?

সানিয়া। এ যে খোকার বায়না নিলে দেখ্‌ছি। ভাল, তোমার কি একটীতে হবে না ?

কাউ। এদের একটীতে একশো। কিন্তু আমার ইচ্ছা, এদের কিনে নিয়ে ছেড়ে দিই। এদের যেথা ইচ্ছা থাক্। আহা এমন সুন্দরী, আজীবন বাঁদাগিরি ক'রবে, আমার প্রাণে সহ হয় না ! ( মাথগণের প্রতি ) ও ফুলের হার, তোমরা শোন না, আমার পানে একবার চেয়ে দেখ না, মনের মতন তো চাও ? দেখনা, মনের মতন হই কি না ?

( মাথগণের গীত )

বলনা কিনবে কি দরে ?

এ হাতে কেনা বেচা যতন আরে ।

চোখে চোখে দর কসাকসি,

সওদা হ'লে চাঁদ বদনে বিকাশে হাসি,

কি হয় শেমাশেমি—

দে জানে সেই তো জানে বল'বো কি বেশী—

বিকিয়ে গিবে কেনা বেচা জানে কদরে,

সওদাগরি শ্রেনের নজরে ।

সানিয়া। এদের টাকায় আমি বেচি না। যদি কেউ প্রাণ দেয়, তবে তারে বেচি।

কাউ। বুড়ো বিবি, আমার তো একটা প্রাণ, কুচি কুচি

ক'রে এক এক টুকরো এক এক টাদের হাতে দিয়ে ছেড়ে দাও।

সানিয়া। আমার খদ্দেরের অভাব নেই।

সানিয়া। তোমার প্রাণের টুকরায় আমাদের দরকার নাই।

কাউ। জিতা চাঁদ, ফের জিতা ! যখন অধিনের প্রতি সদয় হ'লে কথা ক'য়েছ, তোমরা কে বল ?

সানিয়া। আমাদের যদি পরিচয় চাও, তবে আমাদের সঙ্গে আসতে হয়।

সানিয়া। আমার সঙ্গে এসো, এর চেয়ে ভালো ভালো জিনিষ দেখাচ্ছি, যেটি পছন্দ হবে, কিনে নিও।

কাউ। বল'চো, ভাল মেয়ে মানুষ দেখাবে,—না রাজী হ'লে ক'র কি ?

সানিয়া। আমাদের সঙ্গে মেয়ে সেজে যেতে হবে ; পুরুষ বাবার ছকুন নেই, তা হ'লে গদীনা যাবে। কেমন, রাজী ? আমার সখী হ'বে ?

কাউ। চোক-কাণ বুজ, মরি-মারি ক'রে সখী পর্য্যন্ত হ'তে পারি, সখী কি ক'রে হব বল ?

সানিয়া। মেয়েমানুষ না সাজলে দরওয়ান আমাদের পথ ছেড়ে দেবে না।

কাউ। এ যে দরওয়ানজীর বড় আব্দার।

সানিয়া। এ রাজা হও তো হও, নইলে পথ দেখ। তুমি কি মনে ক'চ্ছ এর বাঁদা—বাঁদা কিনতে নিয়ে যাচ্ছি ?

কাউ। এ যে তোমার জুলুম। মেয়ে মানুষ হই কি ক'রে বল ? তবে যদি তুমি জিনিষ রাণী হও, হ'একটা মস্ত ঝেড়ে ভোল বদলে দাও, তবেই হয়।

সানিয়া। তবে পথ দেখ, আমরা চলুম।

কাউ। আচ্ছা চল জিনিষ রাণী ! সখী—সখীই সই। কিন্তু মেয়ে সাজিয়ে একখানা আয়না দিও,—মেয়ে সেজে গৌফওয়লা সুন্দরাটে একবার দেখে নেব। বুড়ো ইয়ার, তোমার হাতে আর প্রাণ স'পেছি, বা ইচ্ছা কর। যা থাকে কপালে, জান কবুল বুড়ো বিবি ! চল, এই তোমার পেছু নিলুম।

( মাথগণের গীত )

বিকিয়ে কিনে সওদা এনে হ'ল দায়।

বুঝি কি যাহ জানে, ধরা দিয়ে ধ'রতে চায় ।

কি হয় কে জানে, প্রাণের বেড়ী মানা না মানে,  
কুল-মান ভাসিয়ে দিয়ে কি হবে কিনে,  
শেষে সারা হয়ে মানের দায়ে, ফিরতে না হয় পায় পায়।  
মরি ভেবে কি হবে কবে, অকূলে না যাই ভেসে কুল কিসে রবে,  
দেখিস্ খুব সামলে চলিস্, মজাতে না মজিয়ে যায়।

[ সকলের প্রশ্নান।

## তৃতীয় গর্ভাঙ্ক

সায়েরখাঁর কক্ষ

সায়েরখাঁ ও টাহার।

টাহার। বাবা, তোমায় নেহাত ভোগা দিয়েছে। দেলেরা বেটা বেজায় বদখত শুনেছি। বেটা বনের বছরের বুড়ী, ওর সঙ্গে বে দিলেই পুত্র-শোক পাবে, আমি জানে বাঁচবো না।

সায়েরদ। তোকে এ সব মিছে কথা কে বলেছে বলতো ?

টাহার। বাবা, সুন্দরীর কথা তার সখীর মুখে শুনেছি। তার কথায় এক প্রকার চক্ষু-কর্ণের বিবাদ নিটেছে। বেটা বটঠাকুরদাদার ভাত রাধতো, তুমি একথা ঠিক জেনো।

সায়েরদ। আমার বন্ধুর মেয়ে আমি স্বচক্ষে দেখেছি। তুই এ সব কথা কি বলেছিস্ ? আমি বন্ধুর কাছে দিব্যি করেছি, তোর সঙ্গে তার বে দেব। তুই বে না কল্লো আমি তেজ্য পুত্র করবো।

টাহার। বাবা, কাজিকে ডেকে আমায় কোতল করে ফেল। সেই তো মরণ আছেই, বেটার সঙ্গে চার চক্ষের চাওয়া-চায়ি হলেই তো ঘুরে পড়ে ম'বুতে হবে। তার চেয়ে একটু ধীরে স্থস্থে মরি।

সায়েরদ। ও আবাগের ব্যাটা, অমন ক'চ্চিস্ কেন ? আমি যে, চক্ষে দেখে পছন্দ করেছি।

টাহার। বাবা, তোমার চক্ষের ছশো বাহবা ! ও বাবা, মাইরি বাবা—তোমার পাশে ধরে ব'ল্ছি বাবা—সে বেটা আই ঠাকুরণ। আমার সঙ্গে এসো—দেখাচ্ছি ! দেখলেই

তোমার গর্ভনারীকে মনে পড়ে, ভেউ ভেউ করে কেঁদে উঠবে।

সায়েরদ। তোর সঙ্গে কেউ প্রতারণা করেছে। তুই গিয়ে তাকে দেখে আয়। আমি তোরে পাঠাব মনে করে দেলেরার কাছে বাদা পাঠিয়েছি যে, তুই আজিই সেথা যাবি।

টাহার। বাবা, আমি সেথা যেতে পারবো না। বেটা ঘাড় ধরে বে করে ফেলবে।

সায়েরদ। আরে এমন উল্লুক পুতও হয়েছিলি ? তুই পরিচয় দিয়ে যেতে না চাস্, ছদ্মবেশে “দরোয়ান্” হয়ে তাকে দেখে আয়।

টাহার। বাবা, তুমি ভারী বদিস্মাতী শুরু ক'ল্লে।—তোবড়া ভাগাড়ে মাগার জন্তে আমায় রামসি সাজাবে ?

সায়েরদ। তোরে দেলেরাকে বে কর্তেই হবে।

টাহার। ভগবান, অনাথে মুখ পানে চাও। বেটা যেন রাতারাতি ওলাউঠা হয়ে মরে।

সায়েরদ। দ্যাখ্—এখনই তোর জবাব চাই, বে ক'বুবি কি না বল ? একবার ভেবে নে, তার পর ঠিক বল।

টাহার। আচ্ছা বাবা, তুমি একটু সরে দাঁড়াও, আমি একটু দম ছাড়ি।

[ সায়েরখাঁর প্রশ্নান।

( নেহারের প্রবেশ )

নেহার। কিরে কি ভাব্ছিস্ ?

টাহার। তোর গলা ধরে একবার কেঁদে দেশত্যাগী হই দাদা ! বাবা ভেদু করে ধরেছে, দেলেরার সঙ্গে আমার বে দেবে।

নেহার। দ্যাখ্—আমি কিন্তু শুনলুম, দেলেরা সুন্দরী।

টাহার। শুনেছ, খুব করেছ তুমি দাদা আমার বাপের বিষয় নাও—আর দেলেরাকে বে কর।

নেহার। কথাটা শোন না। আমি দেলেরার বাড়ীর দোর গোড়ায় চার পাঁচ দিন ঘুরছি। যে গান-বাজনার আওয়াজ পেলেম,—ভাই, সে তো বুড়ো-বুড়ার কারখানা নয়। যুবতী কণ্ঠে গানে প্রাণ গরিয়ে দিলে।

টাহার। কাঁকে কাঁক কোকিল বাচ্ছা ধরা আছে বুঝি ?

নেহার। তুই আমার সঙ্গে আয়, তোরা চক্ষু-কর্ণের বিবাদ মিটুক।

টাহার। বাবা যে শাসন শাসিয়েছে, তাতে আমার ষমের ভয় ছুটে গিয়েছে। আমার জান্কে এখন খোড়াই দেখছি!

নেহার। চলনা কেন, দেখেই আসি।

টাহার। বাবা—বাবা—

সায়দ। ( প্রবেশ করিয়া ) কিরে—কিরে—চৈচাচ্চিস কেন ?

টাহার। বাবা, তুমি খবর পাঠাও, আমি বেটীকে দেখে এসে তোমার কথা জবাব দেব।

সায়দ। বেশ কথা, আমি এখনি খবর পাঠাচ্ছি, আজই দেখতে যা।

সকলের প্রস্থান।

## চতুর্থ গর্ভাঙ্ক

দেলেরার বাটার অভ্যন্তর

দর্পণ হস্তে নারীবশে কাউলফ ও সানিয়া।

কাউ। বুড়ো মিঞা না বুড়ো চাঁদ, বড়ত আচ্ছা তোমার বাহাদুরী। বড় খুবসুরত করে ছেড়ে দিয়েছ। এখন আর কি তোমার মাল-মসলা আছে—বার কর ধাড়ী ষাছুকরী!

সানিয়া। আর কি বার ক'রবো ?

কাউ। আমি তো নাগরী, দুটো একটা নাগর টাগর বার কর।

সানিয়া। বলতো আমিই নাগর হ'তে পারি।

কাউ। তা হ'য়ো এখন বড় রাস্তায় গিয়ে। রকম সকম দেখাবে বল্লে—কই দেখাও।

সানিয়া। আমার ভয় হ'চ্ছে, তুমি ভাল মানুষ নও।

কাউ। মানুষ আর কেমন ক'রে বল ? তোমার মস্তের চোটে ত নারী হ'য়েছি।

সানিয়া। দেখো—বেলেলাগিরি ক'রবে না তো ?

কাউ। তোমার চক্রে প'ড়ে যে বেলেলাগিরি ক'রেছি, তার চেয়ে আর কি ক'রবো বল ? ছিলেম সেনাপতি—এখন আয়না হস্তে পতি অশেষণ কাঁচি।

( সখীগণের প্রবেশ ও গীত )

নারী হেরে নারীর মন ভোলে,  
দেখলো কে এলো কি ছলে।

ঘন ঘন মুখের পানে চায়, নয়ন দু'টি সাথে ভেসে যায়,  
যেন লোটাতে চায় পায়,

ছল ক'রে চাঁদ ফাঁদ পেতেছে, যেন পড়িসনা চ'লে ॥

দেখিস সখীসয়ার ওলো সামলে থাকা ভার,

নারী সেজে নারী মজায়, ভালয় ভালয় আয় চ'লে ॥

১য়া সখী। ওলো ওলো, কে এলো—কে এলো ?

২য়া সখী। ওলো তাই তো লো, মেয়ে মাজা কি ছলো এলো ?

কাউ। ছলো আর কেমন ক'রে ? তোমাদেরই মৃত কুলবালা ত দেখছো ?

৩য়া সখী। তুমি কে ? বলি কথা কইচ না যে ? এই নেয়ে মানুষের মহলে পুরুষ মানুষ কেন এলে বল দেখি ? কথা কওনা যে ?

কাউ। তাইত আমি কে ? কোথেকে এসেছি—আচ্ছা বল দেখি ?

৩য়া সখী। আচ্ছা তো, তুমি কে, আমরা বলবো ?

কাউ। মাংরি চাঁদ, আমি গুলিয়ে গেছি!—কি ছিলেম, কোথায় ছিলেম, মেয়ে ছিলেম কি পুরুষ ছিলেম, কি ক'রতে এসেছি, সব গুলিয়ে গেছি!—এ সুন্দরীর মাঠে হারিয়ে গেছি!

৩য়া সখী। সত্যি ?

কাউ। ও সত্যি-মিথ্যে সব গুলিয়ে গিয়েছে। আমি যে আমি—তা ভুলে গেছি। আমি জেগে আছি কি ঘুমুচ্ছি, তা জানি না। এমন যে কখন হয় তা স্বপ্নেও জানিনে। তারপর হজুরে হাজির আছি! এক একবার বুকের উপর চরণ দিয়ে চ'লে যাও!—গুলিয়ে গেছি চাঁদ, গুলিয়ে গেছি, আমাতে আমি আর নাই।

২য়া সখী। তুমিত বড় বেহায়া।

কাউ। তুমি অমনি ঘুরে নাচবে, আর আমায় হায়া রাখতে বল ? আমার যে নানা বেহায়া হয়নি—এই চের।

তুমি দমক দিয়ে নাচ্ছ, এ দেখে কোন ব্যাটা হায়া রেখেছে  
তা জিজ্ঞাসা করি? আমি বেহায়া! আমার চোন্দপুরুষ  
বেহায়া, নইলে তোমাদের পাল্লায় পড়ি।

১মা সখী। তুমি বড় মোহিত হ'য়েছ?

কাউ। মোহিত কি ব'ল'ছ?—হিতাহিত আর জ্ঞান  
নাই চাঁদ!

১মা সখী। কাকে দেখে মোহিত হ'য়েছ?

কাউ। কাকে দেখে হইনি বল আগে?

২য়া সখী। তুমি এগন স্তপুরুষ, আগাদের দেখে কি  
মোহিত হও?

কাউ। স্তপুরুষ আর কেন বল, স্ত-নারী বল?

২য়া সখী। তা তুমি নারী হও আর পুরুষ হও, বল—  
আগাদের দেখে মোহিত হ'য়েছ?

কাউ। আমি তো আমি—আমার চাচা মোহিত হয়।

২য়া সখী। ব'ল'বে ত বল, নইলে আমরা চ'ল্লুম।

কাউ। যেওনা যেওনা—এখনি খুন হবো, এখনি  
পাহারাওয়ালায় বাড়ী ঘেরাও ক'রবে!

২য়া সখী। তুমি ভারি জোচ্ছোর।

কাউ। কবুল।

২য়া সখী। তুমি বদ্মায়েস।

কাউ। কবুল।

২য়া সখী। তোমার কাছে আমরা থাকবো না।

কাউ। এইটী বেজায় ব'ল্লে!

২য়া সখী। তুমি কাকে চাও, সেইটী তোমার কাছে  
থাকুক, আর আমরা চ'লে যাই।

কাউ। একে একে বুকের উপর দাঁড়াও, আমি  
ঠাউরে বলি।

২য়া সখী। এঁয়া—তোমার সব চতুরালি!

কাউ। তোমাদের নয়নের কারিকুরীতে ছুরি মেরেছে  
চাঁদ! তোমায় সত্যি বলি, আমার হাড় কালি। খালি  
একবার মুখপানে চাও—আমি তবু হ'য়ে আছি। (সানি-  
য়ার প্রতি) বুড়ো জিনি, এইবার এই গুলো উংরে নিলে  
বাঁচি। কি বল, হুকুম তো?

সানিয়া। আচ্ছা, কুচ্পরোয়া নেই,—মরদ হো যাও।

কাউ। সাবাস! এবার মস্ত ঝাড়, আর ফিতে খুলে  
দাও।

সানিয়া। নারী ছিল ঝাখ্ ঝাখ্ লো,

এবার হবে মস্ত হলো;—

ইঁছুর নাদী মাথিয়ে মুখে,

ছুটো ফুঁ নাকে ফুঁকে,

গুঁফো নারী পুরুষ করি।

কালী ধলা জিনি এসে,

কাঁদের উপর চেপে ব'মে,

মুখ টিপে ধর হেঁসে হেঁসে,

মেয়ের চটক যাবে খ'সে,

লঙ্কার বাঁজে মরুক কেসে।

ঝাখ্ ঝাখ্ ঝাখ্ লো তোরা, —

পুরুষ হ'লো ছিল নারী।

কাউ। আর লঙ্কা পোড়াবে কেন জিনি, আমি অম্নি  
কাম্ছি। যে রূপসীর ফাঁসী দিয়েছ, আর দত্তি-দানা কেন  
ঘাড়ে চাপাবে? অম্নিই তো খুব জখম হ'য়েছি। (পুরুষ  
বেশ ধারণ) বাহবা চটকদার যাতুকরী! এবার যাও, বড়  
রাস্তায় গিয়ে নাগরী হও।

(দেলেরার প্রবেশ)

(সখিগণের গীত)

বড়িয়া মুস্কিল হিঁয়া আগিয়া কোন্?

নেহি জানা পয়ছনা এ চোরগা মন।

নয়না কাটারীকো সমঝুলে ধার,

বহত হ'সিয়ার, এ বহত দাগাদার;

দেখ জান্কা না লেকে ভাগে, বহত খবরদার,

সমঝো আপনা বেগানা এহি নেহি আপন।

বেগানা নেহি আপন শোন্—শোন্—শোন্।

কাউ। (দেলেরাকে দেখিয়া স্বগত) একি, এ যে  
কবির ধ্যানের মূর্তি! এয়ে আমার স্বপ্নের ছবি, আমি কি  
সত্যি কোন কুহকে আচ্ছন্ন হ'য়েছি,—বুঝা কি কোন কুহ-  
কিনী,—মানবীতে কি এত রূপ সম্ভব! মরি মরি—নয়ন  
ভ'রে গেল, হৃদয় ভ'রে গেল,—রূপ-মাগরে আমি ডুবেছি!  
মাধুরী—মাধুরী—সকলই মাধুরীগয়! ভুবন মাধুরীগয়!

১মা সখী। ও সই, এ দাঁত ছিরকুটে ম'রবে নাকি?

দেলেরা। চুপ কর, অনেক যত্নে পাখী ধরা প'ড়েছে।

২য়া সখী। গলায় ফাঁস বেশী ক'রে টেন' না,—পাখীর  
প্রাণ—ফস্ ক'রে ম'রে যাবে।

দেলেরা। তুইও যেমন, ও পুরুষের মন,—কখন কেমন কে জানে।

১মা সখী। আর জানাজানিতে কাজ নেই, দম কি রেখেছ? দেখছো না—বেদম হ'য়ে প'ড়েছে।

২য়া সখী। ওহে বেগানা, তুমি আমাদের কি ব'ল'ছিলে? কাউ। কিছু না—কিছু না, একটু স'রে দাঁড়াও।

১মা সখী। বৃকের উপর না আমাদের দাঁড়াতে ব'ল'ছিলে? কাউ। আচ্ছা দাঁড়াও—দাঁড়াও—আমি ঠাউরে নিই। ও বিবি, ও সুন্দরি, ও ঠাদ, তুমি একটু এগিয়ে এসো না? মুখে একটু জল-ছিটে দাও না?

১মা সখী। দাঁড়াও, আমরা আগে এক এক সখী তোমার বৃকের উপর দাঁড়াই। (দেলেরার প্রতি) তুই স'রে যা লো স'রে যা।

কাউ। উনি না স'রে, তোমরা একটু স'রে পড় না।

১মা সখী। চল্, লো চল্, তবে আমরা সব স'রে যাই।

২য়া সখী। আয় লো।

কাউ। তোমরা তো অনেকক্ষণ ঘেরে ঘুরে ছিলে। উনি এই এলেন, ওঁকে একটু আমার কাছে ব'সতে বল না।

দেলেরা। তোমার কাছে ব'সে কি হবে?

কাউ। দেখইনা কেন—কি হয়? আমার প্রাণ যায় যায় হ'য়েছে।

১মা সখী। আহা হা!—তবে আমি কাছে যাই।

কাউ। কেন ঠাদ, আর ভক্তি ক'চ্ছ? যেমন নারাজ ছিলে, তেমনি নারাজ থেকে যাও না। ওঁরে একটু কাছে পাঠিয়ে দাও না?

২য়া সখী। ওলো যাস্নে যাস্নে—ও বড় বড় লোক! এই আমাদের ডাকছিল—ব'ল'ছিল, বৃক দাঁড়াও। আবার এখন ব'ল'চে, স'রে যাও।

কাউ। যা ব'লেছি ব'লেছি! একটু ক্ষেমা-ঘেমা ক'রে নাও। ও সুন্দরি—সুন্দরি, কাছে এস, নইলে মরি!

দেলেরা। কেন, তোমার কাছে যাব কেন?

কাউ। কেন যাবে তা কি তুমি জান না?—জান! আমার সঙ্গে প্রতারণা ক'র না। আমার কি চক্ষু নাই? আমি কি মাহুষ নই? তোমার ছবি রাখ'বার আমার হৃদয়ে কি স্থান নাই? তোমার ভুবনমোহিনী রূপের ছটায় মুগ্ধ

না হয়, এমন কি কেউ আছে? সুন্দরি, ছলনা ছাড়—আমার নিকটে এস।

দেলেরা। তোমার কাছে যাব, গেলে তুমি কি ভাববে?

কাউ। কি ভাববো, পৃথিবীতে স্বর্গ পেয়েছি ভাববো—মানব-জন্ম সার্থক ভাববো! নিষ্ঠুর হ'য়ো না—দূরে থেক' না। তুমি কি বুঝতে পাচ্ছনা আমার অন্তরে কি হ'চ্ছে! যখন দেখা দিয়েছ, এস কাছে এস, কথা কও—প্রাণ জুড়াও!

দেলেরা। তুমি কি ব'ল'চো, তা তুমি বুঝ'ছনা। আমি কুলকামিনা, তা কি তুমি জান না?

কাউ। আমি কিছুই জানি না,—আমি উন্মাদ হ'য়েছি এই জানি,—আমার বোঝাবার শক্তি কই যে বুঝবো? যখন তুমি আমায় এনেছ, তখন যে পায়ে স্থান দেবে—এই আমি জানি। বিধাতা তোমায় কোমলতায় গ'ড়েছে, তোমার হৃদয় কঠিন, আমি কখনও বুঝবো না। ছিঃ ছিঃ, এখনও দূরে রইলে? এখনো কাছে এলে না? না এসো, অমুমতি দাও—আমি তোমার কাছে যাই।

দেলেরা। না না আমি যাচ্ছি (নিকটে আসিয়া) কি ব'ল'বে বল?

কাউ। কিছুই ব'ল'বো না, তোমায় দেখ'বো। তুমি কি বল শুন'বো, তোমার পায়ে ফির'বো।

১মা সখী। তুমি কত লোকের পায়ে ফির'বে?

কাউ। ব্যঙ্গ ক'রোনা। যখন ব্যঙ্গের সময় ছিল, তখন ব্যঙ্গ ক'রোছি। আর আমার ব্যঙ্গের শক্তি নাই, আমি আত্মহারা। আমার জীবনের সুখ-দুঃখের মাঝে সন্ধিস্থল উপস্থিত।

দেলেরা। তুমি ওরূপ কথা ছাড়। আমার কথা শোন—এসেছ, এস আমরা আমোদ করি। ব'স—আনন্দ কর, পান কর। কিন্তু অগ্র ভাবে কথা ক'য়ো না।

কাউ। ভাল, তোমার যা অমুমতি—তাই ক'র'বো। কিন্তু আমার অন্তরে অন্তরূপ ক'র'বে। পিঁপাসী হৃদয় তোমায় চাচ্ছে, আমি কেমন ক'রে নির্বাণ ক'র'বো? আমার দক্ষ হৃদয়ের জ্বালা কেমন ক'রে শীতল ক'র'বো? আমার অন্তর ব'ল'ছে, তুমি আমার সর্বস্ব! কি ব'লে অন্তরকে শান্ত ক'র'বো? ভাল, কথায় না ব'ল'তে বল,

ব'ল'বো না। কিন্তু এই আমার মিনতি, আমার মনের ব্যথা বুঝ।

দেলেরা। তুমি আমার কথা শোনো।

কাউ। বল, আমি সহস্র কর্ণে শুন্বো—প্রতি লোম-কূপে শুন্বো! বল—বল—কি ব'ল'বে বল?

দেলেরা। প্রতারকেও তো অবিকল তোমার মত ব'ল'তে পারে?

কাউ। হ'তে পারে। কিন্তু তুমি কি আমার দেখতে না—তোমার মাধুর্যময়ী দৃষ্টি কি আমার হৃদয় ভেদ ক'তে পাচ্ছে না? আমি প্রতারক, এ কথা কি সম্ভব তোমার মনে উদয় হ'চ্ছে? পরীক্ষা ক'রবে—কর! কি পরীক্ষা চাও বল, আমার একদিকে স্বর্গ আর একদিকে নরক, আমার কোণায় স্থান, তাই তোমার মুখে শুনি। কি কঠিন পরীক্ষা আছে বল?

• দেলেরা। ব'ল'বো, এখন নয়।

কাউ। তুমি আশা দিচ্ছ, আমি আশা ধরে থাকবো। আমি আমার মন জানি, আমি পরীক্ষায় উত্তীর্ণ হব। এমন কঠিন পরীক্ষা কিছুই নাই, যাতে আমি পরাস্থ হব! দেখ'—যেন আমি আশায় নিরাশ না হই।

দেলেরা। তুমি কে?

কাউ। আমার নাম কাউলক—আমি বাদসার সেনাপতি। কিন্তু জাঁহাপনা আদর ক'রে আমার বন্ধু বনে। স্বর্গীয় বাদসার কার্যে আমি নিযুক্ত হই। তাঁরই আশীর্ব্বাদে তাঁর শত্রু জয় ক'রেছিলেন। নিজগুণে তিনি চিরদিন আমার পুত্রের গায় পালন ক'রেছিলেন। মৃত্যুভাগে আমাকে সাহাজাদা মির্জ্জানের হস্তে সমর্পণ ক'রে যান; এ নিমিত্ত বাদসার মির্জ্জান আমায় ভ্রাতার গায় দেখেন।

দেলেরা। হ্যাঁ, তুমি যে ব'ল্লে, বাদসার তোমায় ভায়ের মতন দেখেন, বাদসার অন্তর-মহলে যাও?

কাউ। হ্যাঁ।

দেলেরা। বাদসার প্রধানা বেগম শুনেছি—গোলে-ন্দাম। তারে তুমি দেখেছ?

কাউ। দেখেছি।

দেলেরা। তিনি কেমন দেখতে?

কাউ। যতদিন তোমায় দেখি নাই, মনে ক'রতুম—তিনি বড় সুন্দর। আজ আর তা মনে করি না।

দেলেরা। আমি কে—জিজ্ঞাসা ক'রলে না?

কাউ। তুমি দেবী, স্বর্গের ছবি। আমি তোমার অন্য পরিচয় চাই না।

দেলেরা। আমি যদি দুশ্চারিণী হই?

কাউ। তুমি যে হও, আমার হৃদয়ের পূজার বস্তু।

দেলেরা। ও বুঝেছি বুঝেছি, যারে দেখ -তারে দেখেই একরূপ মুগ্ধ হও -নয়? নতেন আমার পরিচয় চাচ্ছ না কেন?

কাউ। তুমি নারী-রত্ন! কি পরিচয় দেবে দাও। প্রাণেশ্বরী! (আলিঙ্গন করিতে উদ্যত)

দেলেরা। একি? ছিঃ ছিঃ—একি তোমার রাত!

[ দেলেরার প্রশ্নান।

কাউ। যেওনা যেওনা, ক্ষমা কর! (সুস্থিত ভাবে দণ্ডায়মান) (স্বগত)

দেখি বা এমন, জাগিয়ে স্বপন,

চ'লে গেল তবু একি এ ঘোর!

কি হ'লো কে এল, কোথা চ'লে গেল,

মোহিনী-সুরায় চিত বিভোর!

কুহকীর মায়া, কুহকের কায়া,

কুহক-তুলিতে নয়ন আঁকা!

চকিতে দেখিতে, মিশাল চকিতে,

রহিল মোহিনী হৃদয়ে মাথা!

১ম সখা। দাঁড়িয়ে কি ভাব'ছ? এস, দেলেরার কাছে নিয়ে যাই।

কাউ। তুমি আমার হৃদয়ের সখা।

১ম সখা। এঃ—মনে থাকলে হয়! এস।

[ সকলের প্রশ্নান।

## পঞ্চম গর্ভাঙ্ক

দেলেরার কক্ষ

টাহার ও নেহার।

টাহার। বাবা মনে ক'রেছে—আমি বোকা ছেলে, আমি সেয়ানার বাহু। টাকার জন্যে এক বেটা কাল



পেঁচীকে ধ'রে বে দেবে, তাতে আমি রাজী নই। গুল্‌জার মেয়ে মানুষ চাই। মেয়ে মানুষ বুকে ব'সে দেল খোস ক'রে দেবে না ?

নেহার। তা তুমি দেলখোস ক'রবে, আমায় গাওয়া দিতে আনলে কেন ভাই ? তোমার প্রেমে বে জরজর ক'রে তুলে। দিন কতক চেউ তুলে, দেলেরা যেন পরীজাদ, এখন ব'লছি—মামদোর বাচ্ছা।

টাহার। তুই আমার প্রাণের দোস্ত, যখন যা শুনেছিলাম—ব'লেছি। বাবা ব'লেছিল—'পরীজাদ !' ব'লেছিলেম—'পরীজাদ'। এখন শুন্‌চি—ধাড়া মামদোর বাচ্ছা, তাই ব'লছি। তোরে কিন্তু, যেন দেখবি, বাবাকে ঠিকঠাক ব'লতে হবে।

নেহার। ওরে মাল আছে মাল আছে—গানের বাঙ্কার শুন্‌ছি নি ?

টাহার। বেটী পাপিয়া পুষেছে। বাদী বেটী তো বসিয়ে গেল, এখনও কই যে কেউ উ'কি-ঝুঁকি মারে না।

নেহার। ক'নে সেজে-গুজে বেরবে না ?

( মনিয়ার প্রবেশ )

মনিয়া। আপনারা কে ?

নেহার। তুমি কে ?

মনিয়া। আমি দেলেরার সখী।

টাহার। সখী কেন—তিনি নিজে উ'কি ঝুঁকি দিন না, আমরা তাঁকে দেখতে এসেছি।

মনিয়া। আপনারা কে—আগে পরিচয় দিন।

টাহার। কেন—আমি টাহার, আমার বাবার চিঠি পাওনি ? দেলেরা আসতে ব'লেছে, তবে এসেছি। অমনি এসেছি ! নাও নাও—তোমার সখীকে ডাক, তোমার কাছে নাড়ী-নক্ষত্রের পরিচয় দিচ্ছি নি।

মনিয়া। আপনি টাহার ? কখনই নয় ! তিনি মহা সোখিন পুরুষ, দুবেলা মুর্গীর নাদীতে মুখ সাফ করেন, মুখে চূণ মাখেন। তিনি মহা রসিক পুরুষ, খালি নাচেন আর হাঁসেন। তিনি ভারি গুণবান—দেদার খরসান তামাক খান আর কাশেন।

টাহার। ওরে, বেটী বলে কি ! বাবা বেটা পাগ্লা গারদে ছেড়ে দিলে না কি ?

নেহার। ওরে রসিকতা ক'ছে—রসিকতা ক'ছে।

টাহার। এঃযে বেজায় রসিকতা বাবা, বেটী মুখে মুর্গীর নাদী মাথাতে চায় !

নেহার। চেপে যা না, চেপে যা না। ( মনিয়ার প্রতি ) ইনিও মুখে মুর্গীর নাদী মাখেন।

মনিয়া। কচু পোড়া খান ?

টাহার। খাই রে বেটী খাই, এখন তোর নানিকে ডাক না—দেখে স'রে পড়ি।

মনিয়া। আমড়া গাছের ডাল ধ'রে ঝোলেন ?

টাহার। ঝুলি।

মনিয়া। কচি তেঁতুল পাতা চিবোন ?

টাহার। তোর গুষ্টির মাথা চিবুই। এখন ডাকবি কি না বল ? না ডাকিস—দাক জবাব দে, পাশ কাটাই।

( সানিয়ার প্রবেশ )

সানিয়া। কই কই, আমার প্রাণেশ্বর কই ?

টাহার। ও বাবা !

সানিয়া। হৃদয়েশ্বর, হৃদয়ে এসো।

টাহার। নেহার, দেখছি কি ? এখুনি খুন-খারাপি হবে।

সানিয়া। হৃদয়-কান্ত, জীবিতেশ্বর !—

টাহার। খপরদার বেটী, স'রে দাঁড়া।

নেহার। ওরে টাহার, স'রে পড়ি আয়, বেটী আমার পানেও চাচ্ছে।

সানিয়া। প্রাণেশ্বর, আমার চন্দ্রবদন দেখ,—এই দেখ, এক দিকে গৌফ এঁকেছি।

নেহার। ওরে সত্যি, বেটী একদিকে গৌফ এঁকেছে।

সানিয়া। দেখ প্রাণেশ্বর, এ গালে চেয়ে দেখ।

টাহার। ওরে সিঁদুর মেখেছে, বেটী শেতলার নামী।

সানিয়া। আবার প্রাণেশ্বর, আমার রসভরা রসনা দেখ—

নেহার। টাহার, সামলা, বেটী কামড়াবে।

সানিয়া। আর দেখ প্রাণনাথ, চূলে ঝাঁপা বেঁধেছি দেখ।

টাহার। বেশ দেখেছি বাচ্ছা—বেশ দেখেছি।

( গমনোদ্যত )

নেহার। (দোর ঠেলিয়া) ওরে পালাবি কোথা? বেটা দোরে শিকলি দিয়েছে।

সানিয়া। ভয় কি বঁধু, আমার হৃদয়-কপাট খোলা আছে। প্রাণেশ্বর, যদি বল তো এখনি আলো নিবিয়ে দিয়ে অন্ধকার সাক্ষী ক'রে, তোমার বন্ধুর ঘাড়ে চ'ড়ে তোমায় সাধি করি।

মনিয়া। (নেহারের প্রতি) ওহে ঘোড়া হও—ঘোড়া হও।

নেহার। হ্যাঁ গা বাছা, তোমরা কে? তোমরা কি উপদেবতা? তা বক্রা-বক্রী, মোরগী-মুরগী বা চাও—তাই দিচ্ছি;—দোরটা খুলে দাও, হাওয়ায় গিয়ে হাঁক্ ছাড়ি।

মনিয়া। (নেহারের প্রতি) আমার সখীর প্রাণেশ্বরের বন্ধু, তুমি ঘোড়া হও—নিদেন বেড়াল হও। আমার সখা ঘোড়ার মাংস বড় ভালবাসে।

• সানিয়া। (মনিয়ার প্রতি) সহচরি, আলো নিবিয়ে দাও।

নেহার। তোবা, তোবা! টাহার, তোর পিরীতে প্রাণ খোয়ালেম।

টাহার। মাসীমা, দোর খুলে দাও।

(মনিয়ার আলোক নিবান)

উভয়ে। ওরে বাপ্ রে, ওরে মাসীরে!

(অন্ধকারে দেলেরার প্রবেশ)

দেলেরা। টাহার, তুমি আমায় সাধি ক'রবেনা?

টাহার। না ধরম্ না, বক্রনারি ক'রে এসেছি।

সানিয়া। দেখ—ধর্ম্ম সাক্ষী, তুমি দেলেরাকে ত্যাগ ক'রে চ'লে?

টাহার। ধর্ম্মের সাত গুটি সাক্ষী। আর যদি এ পথে চলি—আমার নাক্ কাম্ড়ে খেও।

নেহার। আর আগি যদি এ ধারে ঘেঁসি তো আমার গর্দানা মুচুড়ে নিও।

সানিয়া। তবে সখি, দোর খুলে দাও। আমার প্রাণেশ্বর সবকু বিদায় হোন।

টাহার। আর প্রাণেশ্বর কেন মাসী, ধরম্ ছেলে বল।

(সখিগণের প্রবেশ ও নৃত্যগীত)

ঝুমুড় নেড়ে ধর তেড়ে বুঁটা, খাওয়া মাটিতে লুটোপুটা।

খেপুড়ে ব'সে চাপ্ না গর্দানা,

ছাটো চোখ উপড়ে নিয়ে ক'সে চিবোনা,

ছিঁড়ে নেশা নরম্ নরম্ মাংস ছু'খানা,

মুড়ি দুটো খুড়ে নেত --বুচুক্ বিয়ের ভিরকুটা।

আঁশ বঁটিতে আয় লো কাটি,

আমোদে হই কুরকুটা ॥

দেলেরা। তবে টাহার, ত্যাগ ক'রে চ'লে?

টাহার। বাবা ব'লে।

মনিয়া। (নেহারের প্রতি) তুমিও চ'লে?

নেহার। হ্যাঁ ধরম্ চাচারি বি! এই নাকে খং দিয়ে।

(নেহার ও টাহারের দ্রুত প্রস্থান এবং অপরাধিকে

সানিয়ার প্রস্থান।

১মা সখী। রঙ্গময়ি, এ তো এক রঙ্গ হ'লো। আর ওদিকে আর এক রঙ্গ হ'ছে। তুমি রাগ ক'রে চ'লে এসেছ, কাউলফ যে কি হ'য়েছে, তা তোমায় কি ব'লবো। তার মুখ দেখে আমাদের প্রাণ কেমন ক'ছে!

দেলেরা। ঠাখ্ দেখি—হু'বার আমার আলিঙ্গন ক'রতে এলো।

১মা সখী। রঙ্গিনী লো রঙ্গিনী—তার অপরাধ কি বল দেখি? তোমার রূপ দেখে আমরাই উন্মত্ত হই। ভাগ্ গিস্ পুরুষ নই, তাহলে এতদিন কবে ম'রতুম।

দেলেরা। ম'রে ভাস্তিস্ লো ভাস্তিস্।

১মা সখী। ভাসি না ভাসি, ভাজা খোলার খই হ'তুম বটে।

দেলেরা। আর সেই খই দই দে খাইয়ে তোরে ঠাণ্ডা ক'রতুম।

১মা সখী; তা কাউলফকে ঠাণ্ডা কর।

দেলেরা। আচ্ছা, তোরা ব'ল্ছি—তারে ডাক্।

১মা সখী। রসবতী লো রসবতী—ঠোসকি আমার! আমরা কিনা তারে ডাকিয়েছি, আমরা কিনা তার জন্তে রাস্তার পানে চেয়ে থাকতুম, আমরা কি না আহা-নিদ্রা ছেড়ে, দিন রাত্তির তার জন্তে ভাব্ তুম!

দেলেরা। তবে যা, আগি—

১মা সখী। আচ্ছা তাই তাই, আমরা ব'ল্ছি, তারে ঠাণ্ডা কর। কাউলফ কেঁদে চ'লে যাবে, উনি রাস্তিরে প'ড়ে কাঁদবেন—সে ভাল হবে।

( কাউলফের প্রবেশ )

কাউ। দেলেরা দেলেরা, আমার মার্জনা কর, আমি পাগল, আমি কি ক'রেছি জানি না! তুমি আমার মার্জনা কর। আমি গোলাম, গোলামের পদে পদে অপরাধ!

দেলেরা। আমি কুলঙ্গী, তোমায় বার বার ব'লেছি।

কাউ। আমি—আমার জেনে ধ'রতে গিয়েছি।

দেলেরা। তবে এখন আমি তোমার নই।

কাউ। তুমি আমারই ঈশ্বরী, আমি তোমার গোলাম, তোমার ছকুম শুনবো। আবার যদি অপরাধ করি, আবার মার্জনা চাব। তুমিও মার্জনা ক'রবে? গোলামকে পায়ে ঠেল'বে কেমন ক'রে?

দেলেরা। একটা সত্যি কথা বলো।

কাউ। মার্জনা ক'রেছ?

দেলেরা। আমি যা জিজ্ঞাসা ক'ছি—আগে বল।

কাউ। কি বল?

দেলেরা। গোলেন্দাম কেমন সুন্দরী?

কাউ। তুমি তো বার বার জিজ্ঞাসা ক'রেছ, আমি বার বার উত্তর দিয়েছি যে, বেগম সাহেবকে যখন প্রথম দেখি, তখন আমি মনে ক'রেছিলাম, জগতের রৌমন! ধর্মপরায়ণা—গুণবতী, এমন আর হয় না। কিন্তু আজ আমার আর সে ভাব নাই। আমি তোমায় দেখেছি, তোমার সঙ্গে কথা ক'য়েছি, তোমার গুণের পরিচয় পেয়েছি।

দেলেরা। তা বেশ। এখন বল, তারে তুমি ভালবাস কেমন?

কাউ। ছিঃ ছিঃ, ও কি কথা ব'ল্ছ?—বাদসা কৃপা ক'রে আমার অন্তর-মহলে যেতে দেন।

দেলেরা। নইলে, আর তুমি তাঁর সঙ্গে আলাপ কর কি ক'রে। তুমি চতুর, তুমি তো আর সব ব'ল'বে না!

কাউ। তুমি বল, আমার মার্জনা ক'রেছ?

দেলেরা। তোমায় মার্জনা ক'রতে নেই, আর আমার

মার্জনাতেই বা তোমার দরকার কি? তবে তুমি ব'ল্ছ, আমি তোমায় ব'ল্ছি—মার্জনা ক'রেছি।

কাউ। তুমি কথার ভাবে আমার ব'ল্ছ যে, আমি অপর জ্বীলোকের সঙ্গে প্রণয় করি। কিন্তু শোন, আমি আজীবন সৌন্দর্যের ধ্যানে জীবন অতিবাহিত ক'রেছি। কিন্তু আমার ধ্যানের মূর্তি কখনও দেখি নাই। এই জগ্রে কারও সঙ্গে কখনও প্রেমালাপ করি নাই, ভেবেছিলাম—এক রকমে জীবন কাটিয়ে দেব।

১মা সখী। তবে বাঁদী টাঁদী কেনেন?

কাউ। না—তখন তোমাদের বাঁদী মনে ক'রে কিন্তে চেয়েছিলাম, তার কারণ—বাঁদীকে দেখলে আমি প্রাণে বড় বেদনা পাই। ভাবি, এরা পরাধীনা—স্বাধীন প্রেমালাপে বঞ্চিতা। তাই ভেবেছিলাম, তোমাদের কিনে নিয়ে স্বাধীনতা দেব।

১মা সখী। তবে মেয়ে মেয়ে এখানে এসেছিলে কেন?

কাউ। ব'ল্লেম তো—আমার সুন্দরী দেখবার বড় সাধ। বৃদ্ধা ব'লেছিল—সুন্দরী দেখাবে। আমি সুন্দরী দেখবার আশায় এসেছিলাম—আমি ধ্যানের ছবি দেখলেম।

দেলেরা। তা এখন ঘরে যাও, রাত অধিক হ'য়েছে।

কাউ। তুমি বিদায় দিচ্ছ—আমি যাচ্ছি, কিন্তু আশায় প্রাণ বেঁধে,—যেন আশায় বঞ্চিত না হই। আর কি কখনও দর্শন পাব?

দেলেরা। কাল সানিয়া তোমায় নিয়ে আসবে, দেখো—ভুলে থেকো না। যেখানে আজ ছিলে, কাল সেখানে এসো।

কাউ। ভুলে থাকবো? কি জানি—তুমি কি বল আমি বুঝতে পারি না। তোমার কথা শুনে আমার ব্যথা লাগে! আমার প্রতি তোমার ভাব যেমন হয় হোক, কিন্তু আমি যে তোমায় প্রাণ দিয়ে ভালবাসি, এই কথা তুমি বুঝো—এই আমার প্রার্থনা।

দেলেরা। আচ্ছা, কাল এসো—তার পর বুঝবো।

[ কাউলফের প্রস্থান। ]

সই, সই, কি বুঝলি,—ও কি আমার হবে? যে ওরে দেখবে, সেই ই মন-প্রাণ সমর্পণ ক'রবে। ওরে

দেখে যে মুখ না হয়, তার নারীর হৃদয় নয়। আমি তো  
ম'জেইছি, আর কত নারী যে ম'জেছে তা আমি জানি  
নে!

( দেলেরার গীত )

মনের মতন নয়ত পোড়া মন।  
যতনে রতন এনে ক'রেছিলো অমতন ॥  
আদরে আনিয়ে ঘরে, কঁাদায়েছি অনাদরে,  
রহে রতন যতন-আদরে ;  
এলো সে সোহাগ ভরে, ব্যথা দিয়েছি অন্তরে,  
সাধিতে কেঁদেছে কত, ভেসে গেছে হ'নয়ন ॥  
করিয়ে মানের কান, করিয়াছি অপমান,  
একি লো মনের ছলা, মন নয় মনের মতন ॥

( সখিগণের গীত )

সই সই, গেল যামিনী।  
বিনোদে বিদায় দিয়ে ব্যাকুলা কামিনী ॥  
হেরিয়ে অরণ-রাগ, বাড়িল সোহাগ-রাগ,  
হৃদে উঠে অনুরাগ লাজে মলিনী।  
বিষাদ বদনে মাথা, বিষাদ নয়নে আঁকা,  
হাসিতে বিষাদ ঢাকা, ময় ব্যথা সোহাগিনী।

## দ্বিতীয় অঙ্ক

### প্রথম গর্ভাঙ্ক

কাউলফের কক্ষ

মির্জান ও কাউলফ।

মির্জান। বাঃ—একলা মজা ক'ববে? আমায় আজ  
নিয়ে চল।

কাউ। না—না, তা হবার যো নাই। শুনলেন তো  
গোপনে মেয়ে মানুষ সাজিয়ে নে যায়।

মির্জান। ওড়না কাঁচুলীতে যদি তোমার গায়ে ফোঁস্কা  
না পড়ে, আমারও গায়ে প'ড়বে না। ভয় কিহে—আমি  
কেড়ে নেব না।

কাউ। মাপ করুন।

মির্জান। আপনি মাপ করুন। বাদসা হ'য়েছি ব'লে  
আমাদের কি আর ইয়ারকি দেবার সখ নেই। তুমি কি চতুর!  
এদিকে মেয়ে মানুষের মুখ দেখ না, নাচ হ'লে উঠে যাও,  
আর লুকিয়ে বাদী কিন্তে গিয়ে সারারাত ডুবে জল খেয়ে  
এলে। আমায় নিয়ে যাবে তো চলো; নইলে আমি সব  
কথা গোলেন্দামকে ব'লে দেব। ব'ল'বো—“দেখ গোলেন্দাম,  
তোমার বন্ধু মেয়েমানুষের মুখ দেখেন না, কিন্তু এদিকে  
লুকিয়ে বাদী কিন্তে গিয়ে বাধা প'ড়েছেন।”

কাউ। সে আমি কিনে ছেড়ে দেব ব'লে কিন্তে  
গিয়েছিলেম।

মির্জান। হ্যাঁ—কিনে ক'ল্জের উপর ছেড়ে দেবে,  
ছাতির উপর লুটবে। যাও—যাও, তোমার লুকোচুরী  
খেলা আমি এতদিনে বুঝে নিয়েছি। তাই তো  
বলি, যুবা পুরুষ—এতদিন আওরাৎ ভিন্ন থাকে।

কাউ। সত্য ব'ল'চি।

মির্জান। আমিই কি মিথ্যা ব'ল'চি! নিয়ে যাবে

কি না বল, নইলে আমি গোলেন্দামকে গিয়ে বলিগে, যে তোমার সাথে কাউলফ সাহেব—যিনি মেয়েমানুষের মুখ দেখেন না,—পিরীতের ফাঁদে পড়ে, সারারাত জেগে, চোখ রান্না করে, ফোস ফোস সাপের মত নিশ্বাস ফেলে, ঘন ঘন চেয়ে দেখছেন, কখন সূর্য্য অস্ত যায়—কখন মাস্কের কাছে পৌঁছোবেন। এই আমি বলতে চলেম।

কাউ। বেগম সাহেবকে বলবেন না, আমায় বড় লজ্জা দেবেন, দোহাই জাঁহাপনা!

মির্জান। আর জাঁহাপনা! জাঁহাপনায় জাঁহাপনা ভোলেন না। ভাল চাওতো সঙ্গে নিয়ে চলো, নইলে আমি বলতে চলেম।

কাউ। দু'জনে গেলে যেতে দেবে না। আমায় একলা আসতে বিশেষ করে বলেছে। আপনাকে বলেছি, যদি টের পায়, তা হলেও মুশ্বিলে পড়বো। দেলেরা বড় অভিমানিনী, তাহলে আমায় মাপ করবে না—একে-বারে ত্যাগ করবে।

মির্জান। আচ্ছা, একটা উপায় করা যাক এসো। আমি তোমার সঙ্গে গোলাম হয়ে যাব।

কাউ। রশূল আল্লা—কি আজ্ঞা করছেন? আমি জিত্ত কেটে ফেলবো, তবু জাঁহাপনাকে গোলাম বলে পরিচয় দিতে পারবো না। স্বর্গীয় বাদসা—যিনি আমার পিতা অপেক্ষাও বড়, তাঁর কোপে আমি ভয়ভূত হয়ে যাব।

মির্জান। রাখ রাখ—তোমার চতুর্ভাগী রাখ। আমি তোমার দোস্ত, বাদসা নই। যদি দোস্ত—দোস্তের গোলামী করতে স্বীকার না পায়—সে আর দোস্ত কি? আর আমি এ গোলামী ক'চ্চিনি, আমি ইচ্ছা করে গোলাম সাজছি—এতে তোমার আপত্তি কি? তবে ফাঁকী দিতে চাও—দোসরা বাৎ। কিন্তু আমি তোমায় ছাড়ছি নি, ফাঁকে পড়ছি নি—নইলে তোমার পেছনে পেছনে যাব। দেলেরার সঙ্গেও দোস্তি ছোটাব, আর গোলেন্দামকে বলেও লজ্জা দেব। তোমার গোলাম সাজবো—এতে আর দোষ কি? আমার যদি বক্তে ও রকম দেলেরা জোটে, তোমায় গোলাম সাজাব; বাস্—শোধ যাবে। সূর্য্য অস্ত যাচ্ছে;—চল, তয়ের হইগে।

কাউ। যেমন হুকুম। কিন্তু যদি টের পায়, আমার সে পথ বন্ধ হবে।

মির্জান। ভয় নেই—ভয় নেই, আমি সে পথে কণ্টক হব না।

কাউ। আপনি দায়ী?

মির্জান। স্বীকার।

( গোলেন্দামের প্রবেশ )

গোলেন্দাম। কাউলফ, কাল তুমি কোথায় ছিলে? হিন্দুস্থানের আমদানী থেকে, সওদাগর তিনটি ডাব বাদসাকে সওগাদ দিয়েছিল। আমি তোমার জন্তে স্বহস্তে রক্ষন করে, সিরাজী সরাপের সঙ্গে সেই ডাবের জল খাওয়াব বলে নিমন্ত্রণ করে পাঠাই। বাদসা আমায় বলে, তুমি বাড়ী নাই। অধিক রাত্রে আবার লোক পাঠিয়েছিলেন। কাল কোথায় ছিলে?

কাউ। আমার একটু বিশেষ প্রয়োজন ছিল।

গোলে। কই, রাত্রে তোমার তো কখন' কোন প্রয়োজন থাকে না!

মির্জান। রাত্রে তুমি তো তোমার বন্ধুর কাছে থাক না, কোন খবরও রাখ না,—উনি হ'ছেন নিশাচর!

গোলে। সত্যি নাকি কাউলফ? কোন ভাগ্যবতীর প্রতি সদয় হ'য়েছ না কি?

কাউ। জাঁহাপনার যা ইচ্ছা হয় বলতে পারেন, কিন্তু বেগম সাহেব আমায় জানেন।

গোলে। তোমায় জানবো কি করে বল? পুরুষের মন পড়া—বড় সিদে নয়। সে তোমার বাদসাকে দিয়ে জানি।

মির্জান। আর রমণীর মন ফটিক জল, সে আমি বেগম সাহেবকে দিয়ে জানি।

গোলে। জানই তো,—এখন এসো—সেরাজি কার্ফা খোলা রয়েছে; ডাবের জল কড়া হ'য়ে যাবে।

মির্জান। কি বল কাউলফ?

কাউ। বেগম সাহেব, আজ মার্জনা করুন।

মির্জান। ঐ দেখ, বোঝ,—এখন আর তোমার সে কাউলফ নাই।

গোলে । কি কাউলফ, তুমি আসবে না ?

কাউ । বেগম সাহেব, আপনার আজ্ঞা আমি ঠেলে পাবিনে,—আপনি যদি অনুমতি দেন—আমার বিশেষ প্রয়োজন ।

গোলে । এমন কি প্রয়োজন ?

কাউ । বাদ্শাহনন্দ জানেন ।

মির্জান । হ্যাঁ গোলেন্দাম, আজ তুমি ক্ষমা কর, কাল সকালে তোমার অতিথি হব ।

গোলে । কাউলফের সঙ্গে তুমি যাবে না কি ?

মির্জান । হ্যাঁ ।

গোলে । তবে কাউলফ একা নয়,—তুমিও তার সঙ্গে নিশাচর হবে ?

কাউ । আমরা এলুম বলে ।

গোলে । তবে আমি উদ্যোগ করে রাখি, তোমরা কাজ সেরে এসো ।

কাউ । আমরা একজন ফকীরের কাছে যাচ্ছি, কি জানি কত বিলম্ব হয় । আপনি উদ্যোগ করে বসে থাকবেন ?

গোলে । যতই বিলম্ব হোক । তুমি কি আজ নূতন জানলে যে, তোমাদের জন্ত বিলম্ব করা আমার আনন্দ ।

কাউ । ফকীর খানার উদ্যোগ করবে বলেছে ।

গোলে । সে কি—কে ফকীর, যার-তার খানা খেও না—বাদ্শাহকে খেতে দিও না ।

মির্জান । সে একজন জ্যোতিষী । তার কাছে গোণাতে যাচ্ছি, কাউলফের কার সঙ্গে প্রেম হবে !

গোলে । কাউলফের প্রাণে আবার প্রেম !—ও লড়াই করবে—প্রেমের কি ধার ধারে ?

মির্জান । সত্য গোলেন্দাম, বিশেষ কার্য ; নচেৎ তোমার অনুরোধ কি ঠেলে যেতেম ?

গোলে । আচ্ছা, যাও । আমি ডাব তিনটে বাদীদের খেতে দেব ।

কাউ । বেগম সাহেব, রাগ করবেন না, কাল সকালে আপনার অতিথি হব ।

গোলে । দেখো—কাল যদি নিরাশ হই, তোমার সঙ্গে মুখ দেখাদেখি থাকবে না ।

[ গোলেন্দামের প্রস্থান ।

কাউ । বেগম সাহেব আমায় ভাইএর মত স্নেহ করেন, নেহাৎ অসভ্যের কাজ হ'লো ।

মির্জান । কাউলফ, আমি জানতেম—তোমার মুখ হ'তে মিথ্যা কথা বেরোয় না, কিন্তু পিরাতে সব শিথিয়েছে দেখছি ।

কাউ । সত্য, আমার লজ্জা হ'ছে । আমার ইচ্ছা হ'ছে, বেগম সাহেবকে গিয়ে সব বলি, কিন্তু তিনি ক্ষুণ্ণ হবেন । দ্বীলোকের জন্ত তাঁর কথা ঠেলেম !

মির্জান । বেগম সাহেব ক্ষুণ্ণ হ'লে তোমার কি এসে যাবে বল ? এদিকে দেলেরা পথপানে চেয়ে আছে ।

কাউ । না, আমি সব কথা খুলে ব'লে মার্জনা চাই ।

মির্জান । না হে না—প্রেমে এমন দু-একটা মিছে চলে । কাল এই কথা নিয়ে খুব আশোদ হবে । তুমি আজ সব কথা ব'লে—তোমায় ছেড়ে দেবে,—আমায় ছেড়ে দেবে না । চল, তোমারও সময় হ'য়ে এলো ।

[ উভয়ের প্রস্থান ।

## ছোড়-পট

নহবংখানা

ফকীর ।

( সন্ধ্যাসূচক গীত )

গিয়া দিন চলা, ক্যা সাথ লিয়া—কুছু না লুম হায় ?  
লিয়া লিয়া পরমায়ু লিয়া, কাহা গিয়া—কেই পাত্তা বাতায় !

আজ দিন গিয়া ভাই, দিনকা চিজ কুছ মুল লিও,—

ক্যা আজকা দিন বরবাদ দিও,

ছনিয়াকি কামমে ঘুমতে রহো

আয়েগা দিন সো ভুল গিও ;

যো গিয়া সো গিয়া ঘুমে নেই,

আবি সামার না ছ'সিয়ার রহি,

ছোড়না ঘোর, খাড়া হায় চোর,

চোর নিদিয়া লাগায়, চোর নিতি চোরায় !

## দ্বিতীয় গর্ভাঙ্ক

দেলেরার বাগী

নাচঘর

দেলেরা, কাউলফ ও গোলামবেশী মির্জান।

দেলেরা। ইটি কে ?

কাউ। ইটি এক জন।

দেলেরা। এক জন কি ?

কাউ। এ—এ আমার—

দেলেরা। সানিয়ার কাছে শুলুম—গোলাম। তোনার

হ'য়ে বাদী কেনে না কি ?

কাউ। না—না—

দেলেরা। সরাপ টরাপ দিতে পারে ?

কাউ। তা পারে।

দেলেরা। শুলুম ওর মরাচ সহরে বাড়ী। ও আমাদের কথা বোঝে ত ? এস গোলাম, এদিকে এস—ব'সো। ( মির্জানের নিকটে আগমন ) এই যে বেশ কথা বোঝে। তবে যে সানিয়া ব'লছিল—কথা বোঝে না।

কাউ। একটু একটু বোঝে—একটু একটু বোঝে।

দেলেরা। গোলাম, তুমি কথা বুঝতে পার ?

মির্জান। শো জেরাক সানুণ্ডি।

দেলেরা। ও কি ব'লে—বুঝিয়ে দাও।

কাউ। ব'লে,—'বুঝতে পারি, ব'লতে পারি না।'

দেলেরা। আমাদের মদ দিতে পারবে ?—মদ

দাও।

মির্জান। জ্যারাক দে ফো।

কাউ। ( দেলেরার প্রতি ) ব'লে—'হ্যা, পারবো।'

দেলেরা। তুমি মদ খাও ?

মির্জান। স্যাঙ্ক।

কাউ। ব'লে, 'খাই।'

দেলেরা। ওরে তুমি মদ খেতে দাও নাকি ?

কাউ। হ্যা—হ্যা—পুরোন লোক—পুরোন লোক।

দেলেরা। তবে কাছে ব'সতে দাও বোধ হ'ছে। ( মির্জানের প্রতি ) 'এস গোলাম, কাছে ব'সো। ( হস্ত ধরিয়া উপবেশন করান )

কাউ। ওকি ক'ছো—ওকি ক'ছো ?

দেলেরা। বাঃ—তোমার এমন রসিক গোলাম, আমার মুখপানে চেয়ে র'য়েছে। তুমি একটু সর দেখি,—এখনি বোল ফুটে আমার সঙ্গে পিরীত ক'রবে এখন। ( মির্জানের প্রতি ) কেমন হে গোলাম,—পিরীত ক'রতে পারবে ?

মির্জান পৃদ্ধা পূর্বা।

দেলেরা। এইবার ব'লছে শোন,—পিরীত ক'রতে পারবে !

কাউ। না না, ওকি ব'লছো? ও ব'লছে, 'ওকি কথা বলেন ?'

দেলেরা। তুমি ওর কথা ভাল বোঝ না। ( মির্জানের প্রতি ) কি ক'রে পিরীত ক'রবে ?

মির্জান। চকা চুমু।

দেলেরা। ঐ দেখ ব'লছে, "চুমো খাবে।"

কাউ। না না ব'লছে,—"ঠাকরুণ, এমন কথা কি ব'লতে আছে ?"

দেলেরা। তুমি ভাল বোঝ না। ( মির্জানের প্রতি ) কি ক'রে চুমো খাবে ?

মির্জান। হাঙ্গা হঙ্গু!

কাউ। ও ব'লছে—"ও কথা ব'লো না—ও কথা ব'লো না।"

দেলেরা। ব'লবো না কি ? ও ব'লছে,—"হুম ক'রে এসে হামু ক'রে চুমো খাবে।"—কেমন না গোলাম ?

মির্জান। টঙ্গা জুঙ্গী।

দেলেরা। ওই শোন, ব'লছে,—"তুমি তো মনের কথা জান!" তা দেখ, আমার আজ সখ হ'য়েছে,—ঐ গোলামের সঙ্গেই পিরীত ক'রবো। আমি ওকে নিয়ে আর একঘরে যাই, না হয় তুমি উঠে যাও। তুমি উঠলে না ?—তবে এস গোলাম !

মির্জান। গাল্‌মে গুল্মি।

দেলেরা। কি ব'ল্লে,—তোমার গলা জড়িয়ে ধ'রবো ? চল ও ঘরে চল, তুমি যা ব'ল্বে—তাই শুন্বো। ওঠ না—

মির্জান। ( রোদন স্বরে ) মিন্‌টা মুন্‌টা।

দেলেরা। তোমার মনিব না ব'ল্লে উঠ'বে না ? ( কাউলফের প্রতি ) তুমি এই গোলামটা আমায় দাও, আমি পুষ'বো—ভালবাস'বো, দাড়া ধ'রে আদর ক'রবো।

কাউ। ব'সো—ব'সো, আনোদ কর।

দেলেরা। আমার এ গোলামটা বড় সখ হ'য়েছে।

কাউ। আজ তুমি কি হ'য়েছ ?

দেলেরা। পীরিত্বাজ। আমার নাম দেলেরা, দিল্‌ যা চায়—তাই করি। আজ আমার গোলামের উপর মন ছুটেছে, তোমায় ভাল লাগ'চে না।

( মনিয়া ও সখিগণের প্রবেশ )

মনিয়া। কি লো—কি লো—আজ গোলাম নিয়ে ভাস'বি না কি ?

দেলেরা। ওলো, এ বড় প্রেমের গোলাম। তুই এর সঙ্গে প্রেম ক'র'বি ? কিন্তু ভাই, গোলামের আমার উপর ভারী পছন্দ, তোরে পছন্দ করে কি না করে ! আজ আমি গোলামকে নি, তুই কাউলফকে নে।

মনিয়া। দাঁড়া, তোর কপায় আমি হরতনের গোলাম ছেড়ে দেব। ও গোলাম, তোমার আমাকে পছন্দ হয় ?

মির্জান। চট্টা চট্টি।

দেলেরা। ব'ল্লে,—“তোর উপর আমি চটা।” শুন্বিস, তুই কাউলফকে নে।

মনিয়া। তবে এসো ভাই কাউলফ, এসো।

কাউ। দেলেরা, আমি গোলামকে সঙ্গে এনেছি ব'লে তুমি কি বেজার হ'য়েছ ? ও গোলাম বই ত নয়।

দেলেরা। আমি গোলামের সঙ্গে প্রেম ক'র'বো ব'লে, তুমি কি বেজার হ'চ্ছ ? ও গোলাম বই তো নয়।

কাউ। রসবতী রঙ্গিণি, আজ খুব রহস্য ক'চ্ছ দেখ'ছি।

দেলেরা। কেন রসিকবর, তোমার কি স'চ্ছে না ?

তা সোক বা না সোক—আমার কি ! তুমি কাল যখন মন-প্রাণ আমার পায়ে রেখে গিয়েছ, তখন তোমার গোলামও যে—আমারও গোলাম সে।

কাউ। আমার প্রাণ তো তোমার পায়ে ঢেলেইছি।

দেলেরা। তবে আজ আমার প্রেমে এই গোলামটাকে রেখে যাও।

কাউ। রসের তরঙ্গ একটু থামাও না।

দেলেরা। কি ক'রে থানাই বল ? গোলামী প্রেমের পবন যে জোরে ব'চ্ছে।

মনিয়া। কাউলফ, তুমি কিন্তু ভাই, ওর সঙ্গে কথা ক'য়ো না,—আজ তুমি আমার। তুমি আমার সঙ্গে এসো, ও গোলাম নিয়ে থাকুক।

কাউ। ( দেলেরার প্রতি ) গোলামের উপর যদি তোমার এত সখ,—তবে আমি যে গোলামের গোলাম।

দেলেরা। আমি গোলামের গোলাম চাইনে, আমি গোলামই চাই !

মনিয়া। আমায় নেবে ত নাও, নইলে আজ শুধু-মুখে ব'সে থাকতে হবে। দেলেরার আজ গোলামের ঝোঁক ধ'রেছে। আর দাখ না কেন,—আমি তো আর মন্দ নই—কাল আমায় বুকের উপর দাঁড়াতে ব'ল্‌ছিলে ! আজ দেলেরাকে পাচ্ছ না, ওর যেনিকি ঝোঁক, সেই দিকেই ছোটে। ও আজ রঙের গোলাম পেয়েছে, ছাড়'বে কেন ?

( সখিগণের গীত )

রঙের বিবি রঙের গোলাম ধ'রেছে।

রঙিলা রঙের খেলা, রঙ দিয়ে রঙ ক'রেছে।

গোলামের কপাল বড় জোর,

রঙের বিবির প'ড়েছে নজর,

রঙের বিবির রঙিল রঙে আজকে জ্বর ঘোর ;

দেখো খুব সম্ভে দেখো, রঙের খেলা শিখ'বে শেখো,

তোমায় আর চায়না বিবি, গোলামে মন হ'রেছে ॥

দেলেরা। গোলাম, তুমি সরাপ দাও, আমরা পান করি। ( কাউলফের প্রতি জনাস্তিকে ) কাউলফ, আমার



একটি বিদ্যা আছে জান ?—আমি সরাপ প'ড়ে দিয়ে বিদেশী লোককে আমাদের ভাষা শেখাতে পারি।

কাউ। তোমার নয়নায় যে যাছ আছে, সে যাছুতে সব শেখে।

দেলেরা। না না—দেখ না। গোলাম, আমাদের মদ দাও।

মির্জান। দরিয়া ধুঙ্গা।

দেলেরা। দ্যাখ, ওর কথা বুঝেছি—দরিয়ার মত চেলে দেবে। নাও, চাল। (সখিগণের প্রতি) আয়লো, গোলামের হাতে সরাপ পাবি।

মনিয়া। তোর আঁটিবে তো ?

দেলেরা। এ প্রেমের গোলাম, প্রেমের সুধা সবাইকে সমান বেঁটে দেবে।

(সখিগণের গীত :

প্রেমের গোলাম প্রেমে হ'সিয়ার।

জানে বেশ বাঁচিতে সুধা, কম হবেনা পেয়ালা কার।

গোলাম অনেক ঠেকেছে, গোলামী করে শিখেছে,

যা শিখেছে, তা মনে রেখেছে,—

সবাই সুধা সমান পাবে, গোলাম আজ মাতিয়ে যাবে,

দিয়ে প্রেমের সেলামী, গোলাম করে গোলামী,

গোলাম চালাতে জানে প্রেমের সুধা, পেয়েছে এ সুধার তার।

দেলেরা। তোমার গোলাম খুব তরিবৎ বটে। আমায় একে দাও।

কাউ। তোমারই তো—নাও না। (মির্জানের প্রতি) কেমন রে, দেলেরা তোরে চাচ্ছে—তুই এখানে থাকতে পারবি ?

মির্জান। ছকুয়ি কু।

দেলেরা। ও কুর ডাকলে কেন জান,—খুব মিঠে হ'য়ে থাকবে। তোমায় আমার সঙ্গে থাকতে হবে না। রোজ মনিবের সঙ্গে আসবে—আর মদ চেলে দেবে।

মির্জান। ক্যা-কাকু—ক্যা কাকু।

দেলেরা। আর কুর ডেকো না, আমাদের মত কথা কও। আমি তোমায় খুব ভালবাসবো।

কাউ। গোলাম, এদিকে আয়। দেলেরার কুশল কামনা ক'রে এই মদিরা পান কর।

দেলেরা। আমি গোলেন্দাম আর কাউলফের প্রেমে এই গুলসরাপ পান করি। (কাউলফের প্রতি) তুমিও পান কর, যেন গোলেন্দামের প্রতি তোমার যে প্রেম-অভিলাষ আছে, তাহা পূর্ণ হয়।

কাউ। ছিঃ ছিঃ, ও কি কথা ব'ল'ছ ?

দেলেরা। তুমি এ পেয়ালা নেবে না ?—গোলাম, তুমি নাও তো,—বল, “গোলেন্দামের প্রতি কাউলফের যে প্রেম-অভিলাষ আছে, তা যেন পূর্ণ হয়।”

কাউ। ছিঃ ছিঃ—বেগমের নাম নিয়ে এরূপ বিদ্রূপ ক'রো না। আমি তাঁর দাসাত্মদাস। এরূপ মন হ'লে যেন ঈশ্বর আমার মস্তকে বজ্রাঘাত করেন।

দেলেরা। হ্যাঁ হ্যাঁ, ভুল হ'য়েছে বটে—ভুল হ'য়েছে বটে। তুমি ব'ল'তে বারণ ক'রেছিলে—তুমি ব'ল'তে বারণ ক'রেছিলে।

কাউ। ছিঃ ছিঃ দেলেরা, এরূপ কুৎসিত পরিহাস করো না !

দেলেরা। তুমি অত ভয় পাচ্ছ কেন ? কাল বাদের সাফাতে ব'লেছ, তারা ছাড়া আর তো কেউ নাই। তবে তোমার গোলাম,—সে তো তোমার লোক, সে কখনই প্রকাশ ক'রবে না। আর “কাকু—হুন্দা—হুন্দা” এ কথা কে বুঝবে বল ? তোমার স্বচ্ছন্দে যেমন আমোদ-আহ্লাদ চল্চে—তেমনিই চল্বে।

কাউ। তুমি এমন কথা মুখে এনো না, তা হ'লে আমি এখান হ'তে চ'লে যাব।

দেলেরা। কেন হে কেন—এ কথা মুখে আনবো না কেন ? তোমায় মুখে তুলে খাওয়ায়, ভাল সামগ্রী তোমায় না খাওয়ালে তার প্রাণ ঠাণ্ডা হয় না—তোমায় এক দণ্ড না দেখলে অধীরা হয়, লোক পাঠায়,—আরো যে কাল কত কি ব'ল'লে ? (মনিয়ার প্রতি) কি লো কি মনিয়া, বলতো, আমার সব মনে প'ড়'ছে না।

মনিয়া। হ্যাঁ—হ্যাঁ, সে প্রেমের তুকান চলে।

কাউ। (উখিত হইয়া) আমি তবে এ স্থান হ'তে যাই।

মির্জান। কাউলফ !

কাউ। জনাব !

দেলেরা। এ কি ! বাদসা নাকি ?

মির্জান। হ্যাঁ আমিই সেই প্রতারিত ব্যক্তি।

দেলেরা। জনাব, আমি মিথ্যা পরিহাস ক'রেছি। ছড়র যে কাউলফের বন্ধু—এ কথা আমি বুঝেছিলুম। একলা না এসে ও যে বন্ধু সঙ্গে ক'রে এসেছে, আমি এ নিমিত্ত বিরক্ত হ'য়েছিলেম। তাই এইরূপ পরিহাস ক'রেছি। আমায় মার্জনা করুন।

মির্জান। সুন্দরি, তুমি চুপ কর—তোমার বাদসার আজ্ঞা লঙ্ঘন ক'রোনা। কাউলফ, তুমি কি ছিলে স্বরণ আছে কি ?

কাউ। জাঁহাপনা, সমস্তই স্বরণ আছে।

মির্জান। না, তোমার স্বরণ নাই। তুমি স্বর্গীয় বাদসার নিকট পরিচয় দিয়েছিলে যে তুমি বণিক-পুত্র, ফকীরের রূপায় তোমার জন্ম হয়। অল্প বয়সে মাতৃ পিতৃহীন হও। কুচক্রীর কুচক্রে সর্বস্বান্ত হ'য়ে পথের ভিখারী হ'য়েছিলে।

কাউ। জাঁহাপনা, সমস্তই স্বরণ আছে।

মির্জান। না, তোমার স্বরণ নাই,—দয়ার্দ্ৰ স্বর্গগত বাদসা, ভিখারীকে রাজপুত্র ক'রেছিলেন।

কাউ। জাঁহাপনা, আমার উপর কেন কঠিন হ'ছেন !

মির্জান। শোন,—তুমিও রাজ্যের শত্রু সংহার ক'রে বাদসাহের আমা অপেক্ষা প্রিয়পাত্র হ'য়েছিলে। সেই সময় সেনাপতি ছিলেন না,—তোমার বাছবলেই রাজ্য রক্ষা হয়। সেই নিমিত্ত বাদসা আমা অপেক্ষা তোমায় স্নেহ ক'রতেন। মৃত্যুকালে তোমায় আমার হস্তে সঁপে যান। তুমি বাদসার স্নেহ ভুলেছ, কিন্তু আমি পুত্র হ'য়ে সে মহাত্মার বাক্য কেমন ক'রে বিশ্বত হব ?

কাউ। জনাব, আমি নিরপরাধী। আমি মিথ্যা বলি নি।

মির্জান। তুমি মিথ্যা কথা জান, সন্ধ্যার পূর্বে বাদসার অন্তরে তার পরিচয় দিয়েছ। তুমি বিশ্বত হ'য়েছ, আমি বিশ্বত হই নি। আমি মাহুষ, ক্রোধ এখনও পরাজয় ক'রতে পারি নি।

কাউ। জনাব, যে শাস্তি হয় দেন—আমি নিরপরাধী।

মির্জান। হ'তে পার, কিন্তু এই অপরিচিত-পুরুষ-সঙ্গ-রত যুবতীগণের সমক্ষে কি বেগম গোলেন্দামের নাম ক'রে-ছিলে ?

কাউ। জনাব, দেলেরা আমায় জিজ্ঞাসা ক'রেছিল, যে গোলেন্দাম বেগম কিরূপ রূপবতী ? তাই—

মির্জান। বুঝলেম, কিন্তু তুমি অবশ্যই ব'লেছ যে, গোলেন্দামের সহিত তোমার সাক্ষাৎ হয়, নচেৎ এই যুবতীরা কখনও তোমায় জিজ্ঞাসা ক'রতো না যে, গোলেন্দাম কিরূপ রূপবতী। বেগমের অন্তঃপুরে যে চন্দ্র-সূর্য্য প্রবেশ করে না, একথা এরা অবশ্যই জানে। তুমি যে এই আনোদরতা যুবতীগণকে গোলেন্দামের কথা ব'লেছ,—এতে কি তুমি অপরাধ স্বীকার কর ? বাদসার রূপায় যে গোলেন্দাম বিবিকে দেখেছ, এ কথা প্রকাশ করায় তুমি কি অপরাধ বোধ কর ? নিরব রইলে যে ?

কাউ। জনাব, আমি অপরাধী। মদিরায় উন্নত হ'য়ে রূপমোহিনাতে ভুলে—

মির্জান। স্বীকার ক'রলে—তুমি অপরাধী, অপরাধের দণ্ড আছে। কিন্তু পিতার দ্বারা তুমি আমার হস্তে অপিত। পিতৃ-আজ্ঞা না লঙ্ঘন হয়, এই আনার গিনতি।

কাউ। জনাব, দাস বিদায় হ'লো।

[ কাউলফের প্রস্থান।

দেলেরা। জনাব, আমি অপরাধিনী।

মির্জান। তোমার অতিথি-সংকারে আমি সন্তুষ্ট। শুনেছিলেম, তুমি কুল-স্ত্রী। যদি সত্য হয়, অপরিচিত যুবাকে রজনীযোগে গৃহে স্থান দিতে—আমার রাজ্যে আর পারবে না। যদি কুল-স্ত্রী হও, আমার উপদেশ পালন করো। তুমি বেগমের বিষয় আন্দোলন ক'রে বিশেষ রাজভক্তি প্রদর্শন করো নাই। কিন্তু আমি মুসলমান, তোমার সঙ্গে তুল-কটি খেয়েছি। জানত হোক আর অজানত হোক, তোমার আতিথ্য স্বীকার ক'রেছি,—এজন্ত দণ্ড দিলেম না। কিন্তু ভবিষ্যতে সাবধান ! বিবি, সৈলান !

[ মির্জানের প্রস্থান।

দেলেরা। সানিয়া, সর্বনাশ ! কাউলফ দেশান্তরা হ'ল, সন্দেহ নাই। তুই শীঘ্র যা, কাউলফকে খোঁজ—কোথা গেল দ্যাখ্। সানিয়া, যা যা—দাঁড়িয়ে রইলি কেন ? বোধ হয়, এতক্ষণ সে জলে ঝাঁপ দিয়েছে, কি বিষ খেয়েছে বা বুক ছুরি মেরেছে। দ্যাখ্—দ্যাখ্, কোথায় গেল দ্যাখ্। তারে নিয়ে আয়, নইলে আমায় হারাবি।

সানিয়া। কোথায় যাব, এ রাতে কোথায় তারে খুঁজবো ?

দেলেরা। যেখানে হয়—যেথায় সে আছে। “কাউলফ—কাউলফ!—দেলেরা তোমায় খুঁজছে।” এই বলে চীৎকার কর। গভীর নিঃশব্দ নিশাথিনী ভেদ ক’রে চীৎকার কর,—“দেলেরা তোমায় ডাকছে—দেলেরা তোমায় ডাকছে।” এ কথা শুনে সে কবর হ’তে উঠে আসবে। “দেলেরা তোমায় ডাকছে—দেলেরা তোমায় ডাকছে” এই চীৎকার ক’রে দশদিক প্রতিফলিত কর। সে শূন্যে পাবে, সে আসবে, সে আমায় ভালবাসে! যা যা—শীঘ্র যা!

[ মানিয়ার প্রস্থান।

মানিয়া, কি হ’ল?—কি হবে!—কোথায় যাব—কেমন ক’রে প্রাণ ধ’রবো? কাউলফকে আমি রাজদ্রোহী ক’রে বিদায় দিয়েছি। তারে ছেড়ে আর আমি বাঁচবো না। আর আমি রূপ-গর্ভ ক’রবো না। আমার বেশ-ভূষা, চতুরালী, রসভাষ, প্রেমালাপ, আমার সকলই ফুরালো—সকলি ফুরালো—সকলি ফুরালো! কি হ’লো—কি হ’লো!—সই সই, আমার কি হ’লো? কাউলফ কোথায় গেল?

মানিয়া। সপি, তোরে উতলা দেখলে—আমাদের দেহের বন্ধন খুলে যায়, আমরা অধৈর্য হই। শাস্ত হ’—তোরে অশাস্ত দেখলে আমরা আত্মহারা হ’ব। কি উপায় ক’রবো বল?

দেলেরা। মানিয়া, আমি খুব শাস্ত—খুব ধীর, তা কি তুই বুঝতে পারিসনে? কাউলফকে বিদায় দিয়েছি, সে যেথায় গিয়েছে, তা জানি নে। তথাপি স্থির আছি—তথাপি প্রাণ রেখেছি! সে নাই, সে চ’লে গেছে। গভীরা নিশাথিনীতে আশ্রয়শূন্য, রাজকোপে পতিত, দেশান্তরিত কাউলফ—একাকী কোথায় বেড়াচ্ছে! এখনও আমি গৃহে—এখনও রাজরাণীর ন্যায় সুসজ্জিতা!—এখনও আমার চৈতন্য আছে, এখনও আমি নিষ্পন্দ নই! কি হ’লো—কি হ’লো—কি ক’লুম!

( দেলেরার গীত )

এখনো ত আমায় আমি র’য়েছি,  
তাহার বিরহে সখি, কি বল স’হেছি।  
ভেসে যাবি নয়ন-জলে, সে গেছে অকূলে চ’লে,  
কিছু সে তো গেল না ব’লে,—  
মাথ ছিল তার থাকতে হেথা,

জানিয়ে ব্যথা কইতো কথা,

মনে মনে রইলো সে ব্যথা;

পারিলো সকলি পারি—বিদায় তারে দিয়েছি।

জানিনে তো—পাষণ হ’য়েছি!

মানিয়া। সই, মানিয়া গিয়েছে—দেখি কি ক’রতে পারে।

দেলেরা। না—না, আয়—আয়,—আমরা সকলে যাই। আমি যাই, আমার কথা না শূন্যে সে আসবে না। সে অভিমান ক’রে গিয়েছে—সে অভিমান ক’রে গিয়েছে—আমার অবত্নে অভিমান ক’রে গিয়েছে। আমি না ডাকলে আসবে না,—আমি যাই—আমি যাই।

[ সকলের প্রস্থান।

## তৃতীয় গর্ভাঙ্ক

দেলেরার বাটীর সম্মুখ

সায়ের খাঁ, টাহার ও নেহার।

সায়ের। কই, কোন্ বাড়ীতে ভয় পেয়েছিস, আমায় দেখা।

টাহার। বাবা, খুব কাছিয়েছি। তুমি সামনে এগোও, নেহারকে বল, আমার পেছনে দাঁড়াও। বাবা, জানের যদি ঃকদর রাখ, তো ভালর ভালয় ফের। বড় শক্ত জায়গা বাবা, বড় শক্ত জায়গা! কেমন নেহার?

নেহার। পেছনে কার মাড়া পেলেম!

টাহার। বাবা, তবে তুমি পেছিয়ে পড়,—আগুপেছু ঘেরোয়া ক’রবে।

সায়ের। চূপ বেকুব,—কোন্ বাড়ী বল?

টাহার। বাবা, তুমি চেপে যাও, বড় বেখাপ্পা কারখানা। এই ঃবাড়ীরদোরে এসে প’ড়েছি। নেহার, আশপাশে গাছের ডালগুলো দেখিস। ( চমকিত হইয়া ) ওরে বাপু!—ওই কি গাছ থেকে প’ড়লো!

সায়েদ। পাজী ব্যাটা, গাছের পাতা খ'ম্‌লো,—আর অম্নি চম্কে উঠ'ছেন, এমন ভীতু ছেলেও পয়দা ক'রেছি।

টাহার। বাবা, পয়দা ক'রেছ—তোমার খুব বাহবা! —কিন্তু তুমি জান না, সে পাতায় ভর ক'রে নামতে পারে। বেটীর লক্‌লকে জিভ্‌ তুমি দেখ নাই, আর তোমায় কি ব'ল'বো! আমাদের তিন মিঞাকেই সাপ্‌টে নেবে।—কি ব'লিস্‌ নেহার?

নেহার। ছ!

সায়েদ। বেল্‌কোপনা রাখ্—কোন্‌ বাড়ী বল্‌?

টাহার। বাবা, তুমি তো ব'ল'চ, দেলেরার বাড়ী চেন, দেলেরার কোন্‌ বাড়ী বল দেখি?

সায়েদ। তুই ব'ল'না,—তোরা কোন্‌ বাড়ী গিয়েছিলি?

টাহার। তোমার সখের দেলেরার তো ঐ বাড়ী? ঐ বাড়ীতেই গিয়েছিলেম। ঐ ফটক দিয়েই প্রাণ নিয়ে বেরিয়ে এসেছি।

সায়েদ। কখনই তোরা ও বাড়ীতে যাসনি!

টাহার। নয়তো নয় বাবা,—তুমি তো ফটক চিন্লে,—তুমি গিয়ে ফটকে ঘা দাও, আমরা দু'জনে স'রে পড়ি। তারপর তোমার বুড়ো হাড় ব'লে যদি খানিক চিবিয়ে ফেলে দেয়, সেইটুকু কুড়িয়ে নে গোর দেব। বাবা, তোমার কালরাতির পুইয়েছে। আর কি দেখ'ছ, আল্লার নাম নিয়ে দোরে গিয়ে ঘা দাও।

নেহার। টাহার, দৌড় দে—দৌড় দে,—কি যেন উসখুসনি শুন্‌চি।

টাহার। কই—কোন্‌ দিকে? বাবা—ঐ শোন!

সায়েদ। তোরা আয় তো—কে তোদের ভয় দেখিয়েছে দেখি।

টাহার। বাবা, শোন, অত গরম হ'য়ো না। ষতক্ষণ না দোর ডিঙ্গিয়ে সে বেটি এসে না পড়ে, ততক্ষণ তোমায় হুঁটো হিত কথা বলি, কাণে তোলো। মা যে আমায়, তোমার হাতে হাতে স'পে দিয়েছিল গো!—এ দুস্মনি কেন ক'রবে। তোমার মউত ঘুনিয়েছে তা বুঝতে পেরেছি। কেন বাবা, আমায় সাথী ক'রবে?—কুপুত্তুর ব'লে ক্‌মাঘেমা ক'রে ছেড়ে দাও! নেহার,— আছিস্‌?

নেহার। টাহার, বকুত্ব ছোট্টে ছুটুক—আমি চ'ল্‌ম! বাবা ঢের স'য়েছি, তোর দস্তিতে আচ্ছা নাকাল হ'য়েছি! খা সাহেব, বাপ-পোয়ে ফটকের ভেতর চ'লে যাও—আমার ছুটি।

টাহার। দোহাই নেহার—দোহাই নেহার!—এ'বার বকুত্বের কাজ কর,—বাপের কাছ হ'তে ছাড়িয়ে নে যা!

( হঠাৎ দ্বারোদঘাটন এবং দেলেরা, মনিয়া ও সানিয়ার বাহির হওন )

দেলেরা। সখি, বারণ ক'রো না, সে চ'লে গেছে,—আমি আর ঘরে থাকবো না।

টাহার। ও বাবাগো!

নেহার। ও খা সাহেব গো!

সানিয়া। দেলেরা, চুপ!—সায়েদ খা। ( সায়েদখাঁর প্রতি ) সায়েদ খা, সেলাম। খা সাহেব, বড় সর্কনাশ হ'য়েছে। টাহার ম'শায় দেলেরাকে ত্যাগ ক'রে গিয়েছেন। আপনি তো পূর্ক-কথা সব জানেন, যে অজ্ঞান-অবস্থায় টাহার আর দেলেরার বিবাহ হ'য়ে গিয়েছে। দেলেরার বাপ তো ঝোঁক ধ'রলে আর ছাড়'তেন না। কথা প্রকাশ ক'রতে দিবি ছিল, সেইজন্ত ম'শায়ও প্রকাশ করেন নি, আমিও প্রকাশ করিনি। প্রকাশ্য বিবাহ, দশ জনকে জানাবার জন্তে। কিন্তু যখন টাহার ম'শায় ত্যাগ ক'রে-ছেন, তখন তো আর টাহার-দেলেরার মিলন হ'তে পারে না।

সায়েদ। ইয়া রে—ত্যাগ ক'রেছিস্‌ কি রে?

টাহার। ইয়া বাবা, 'ধরম যাসী' ব'লে, 'বাপ্‌ বাপ্‌' ডেকে পালিয়েছি!—কেমন নেহার?

নেহার। হঁ।

সায়েদ। ইয়ারে উল্লকের বাচ্ছা, একব'র চেয়ে ছাখ্‌ তো, এরে ত্যাগ ক'রে এলি?

টাহার। প্রাণের দায়ে ক'রেছি বাবা, বহুর মাপ কর। কেমন নেহার?

নেহার। হঁ।

সায়েদ। তাইতো—তাই তো, তোমার নাম কি? শোন না বুড়িয়া, এখন কি করা যায়?

সানিয়া। আমার নাম সানিয়া।

সায়ের। তাই তো ধুনিয়া! কি রকম করা যায়—কি রকম করা যায়?

সানিয়া। আপনাকে আমি কি বলবো! মুসলমানের রীতি-ন্যতি তো জানেন। তবে যদি এমন ছোটোছোটো ক'রতে পারেন, যে, আর কেউ বিবাহ ক'রে দেলেরাকে ত্যাগ ক'রে যায়, তার পরে টাহার সাহেব নিকা ক'রতে পারেন।

সায়ের। তাই তো—তাই তো!—কি করি—কি করি!—চলো—তোমাদের সমরকন্দে নিয়ে যাই,—সেখানে যা হয় ক'রবো—একটা লোক খুঁজবো। তা পরমা ছাড়া এমনি লোকও পাওয়া যাবে, যে, পরমার খাতিরে বিবাহ ক'রে ছেড়ে চ'লে যাবে।

টাহার। বাবা, যাবে কোথা? বুড়ী বেটী পেটে পূরবে।

নেহার। ঠিক!

সায়ের। চপ! এখানে আর আমাদের থাকা উচিত নয়। আমার বন্ধুর ইচ্ছা যে, দেলেরা মাকে সমরকন্দের মোকামে নিয়ে যাই। সমস্ত বিষয়-আসয়েরও ভার আমার উপর দিয়েছেন।—মা দেলেরা, তুমি প্রস্তুত হও। কালই আমরা যাত্রা ক'রবো। (টাহারের প্রতি) ইয়ারে, চোগ থাকতে তুই এমন সুন্দরীকে ত্যাগ ক'রলি?

টাহার। (দেলেরাকে দেখিয়া) এ কি বাবা—বুড়ো সমতান্নি? এ কি চেহারা বার ক'রলে? জান্ যায়, সেও কবুল—আমি একে বে' ক'রবো! উঃ চেহারায় মেজাজ তরু ক'রে দিলে—কি বলিস্ নেহার?

নেহার। তাই তো!

টাহার। কেমন বিবি,—আমি কি তোমায় ত্যাগ ক'রেছি? ঐ সমতান্নির ছানাকে মাসী বলে ত্যাগ ক'রেছি। তুমি কল্‌জের ধন, কল্‌জের এসো!—কি বলিস্ নেহার?

নেহার। হঁ!

টাহার। তুই হঁ-হঁ ক'চ্চিস্—ছোটো কথা ফুটেই বল না? আমি কি এ সোণার চাঁদকে ছাড়তে পারি?

নেহার। না।

সায়ের। ইয়া মা, তোমাকে কি ও ত্যাগ ক'রেছে?

সানিয়া। বলো বলো, কেদোনা,—মনের দুঃখ চেপে রেখো না,—মনের আগুনে পুড়ে ম'রো না! আহা, বিরহ-আলায় বাছা আমার কেমন হ'য়েছে।

দেলেরা। ইয়া, ধর্ম সাক্ষী ক'রে উনি আমার ত্যাগ ক'রেছেন।

সায়ের। ওরে বেকুব, ওরে বোল্লিক! ওরে বেইমান—ওরে কাফের! তুই মটকের জহরত পায়ে ঠেলে এসেছিস্? ইয়ারে নেহার, তুইও তো সঙ্গে ছিলি,—বেকুবকে একটু আক্কেল দিলি নি?

নেহার। খাসাহেব, ওরা কখন কি মাজে! ঐ বটে, কিন্তু আর এক ধরণে এসে হানা দিয়েছিল। ওর পাশে যে দাঁড়িয়ে, ওর হাতে ধামা ছিল—চাপা দিত।

টাহার। দিত—দিত! বাবা—দোহাই বাবা,—সাদি দাও। জান খোয়াই সেও কবুল! সুন্দরি, ঘোড়া চ'ড়বে?—আমি ঘোড়া হ'চ্ছি। ধামা চাপা দেবে?—আমি ধামা চাপা থাক্‌চি। ও বুড়ো বেটী যদি কাবাব বানায়—তাতেও আমি রাজা আছি। সুন্দরি, তুমি একবার হেসে কথা কও, একবার আমার কাছে এসো।

দেলেরা। আপনি ত্যাগ ক'রেছেন যে?

টাহার। ঝুম্মারি ক'রেছি, বাপের সঙ্গে যা নয় তাই ক'রেছি, তুমি মেমা ঘেমা ক'রে নাও,—তোমার পায়ের গোলাম আমি!

নেহার। টাহার, তুই এ দিনে প্রাণ খোয়ালি!

টাহার। খোয়াই—খোয়াব,—তোমার বাবার কি? সুন্দরি, তুমি কাছে এসে দাঁড়াও,—আমি খানিক প্রাণ ঠাণ্ডা করি। বাবা, তুমি বেশ বাবা!—তুমি এই রাতারাতিই সাদী দিয়ে যাও বাবা!

নেহার। গেলিরে গেলি!

টাহার। গিয়েছি! ম'রেছি! বাবা, রাতারাতি সাদি দাও তো ছেলে পাও,—নয় রূপের ঝাঁঝেই প্রাণ গেল। বাবা, তুমি এমন সরেস বাবা, তাকি আমি জানি! বুড়ো সমতান্নি, এক কামড় কামড়ে নাও, দেলেরাকে আমার কল্‌জের ছেড়ে দাও। তার পর কোপ্তা হ'তে আমি হুশো রাজী, হুন টাকনা দিয়ে চিবিও।

সায়ের। দেখ ধুনিয়া, আর তো আমি উপায় দেখ্‌চি না,—সমরকন্দে চল। আমার অর্ধেক বিষয় যদি যায়, তাতেও আমি সম্মত; একজন দরিদ্রকে সাদি করিয়ে ত্যাগ ক'রতে রাজী ক'রবো। তা হ'লেই মুসলমান-নিয়মামুসারে বিবাহ ক'রতে কোন বাধা থাকবে না। চল, টাহার।

টাহার। বাবা, আমি ওদের সঙ্গে যাব। তুমি নেহারকে নিয়ে ঘরে যাও।

সায়ের। চল্ বেকুব!

টাহার। বাবা, বেকুবী হ'য়েছে—আমি কবুল যাচ্ছি।

নেহার। টাহার, চ'লে আয়—চ'লে আয়—কথা আছে।

টাহার। তোর গুটির মাথা আছে।

নেহার। বুঝতে পারছিস্ নে!—ওরা জিন,—ভোল ফিরিয়ে এসেছে।

টাহার। জিন হ'ক—দতি হ'ক—দানা হ'ক,—আমি ওর পায়ের গোলাম।

সায়ের। নে আয়,—চ'লে আয়।

টাহার। বাবা, দুঃখ-দরদ তুমি কিছুই বোঝ না,—তুমি বেজায় বেরসিক।

সানিয়া। তবে খাঁ সাহেব, আপনি আসুন। আমি দেলেরাকে শান্ত করি। দারুণ বিরহ-জ্বালায় না জানি কি হয়।

টাহার। বাবা, তুমি দু'টা প্রাণ জবাই ক'রলে।

নেহার। চল্—চল্—বেঁচে গেলি,—খাতুকরীর হাতে বেঁচে গেলি।

টাহার। বাবা, তুমি এমন ছয়মন!

[ সায়ের খাঁ, টাহার ও নেহারের প্রস্থান।

দেলেরা। সানিয়া, কি হবে?

সানিয়া। উপায় আর নাই। আমিও পত্র পেয়েছি, খাঁ সাহেবকে তোমার বাপ—তার সমস্ত বিষয় তদারকের ভার দিয়েছেন। খানসাহেবের অমতে বিবাহ ক'রলে তুমি ভিখারিণী—তোমার এক পরমা নাই!

দেলেরা। সানিয়া, আমি ভিখারিণী হব।

সানিয়া। তা হ'লে কি তুমি কাউলফকে পাবে? চিরদিন নদীর মত বড়ে মাতুষ হ'য়েছে। ভিখারিণী হ'য়ে পথে পথে কোপায় কিরবে? হয় তো পথে পড়েই মারা যাবে;—তা হ'লে তো কাউলফকে পাবে না।

দেলেরা। তারে কোথায় পাব? কেমন ক'রে পাব? সানিয়া, আমার সঙ্গ যাক—আমি কাউলফকে চাই!

সানিয়া। প্রাণ যাও! তো সহজ, কিন্তু কাউলফকে পাওয়ার তো কোন উপায় হবে না। সখি, সানিয়ার কথা শোন। সানিয়া চতুরা—একটা উপায় ক'রবেই ক'রবে।

দেলেরা। সেই—সই, কি বল্‌বো! কাউলফকে কেউ আমার চক্ষে দেখিস্ নি,—কাউলফের কথা কেউ আমার কাণে শুনিস্ নি,—কাউলফের স্পর্শ কেউ আমার হাতে স্পর্শ করিস্ নি,—কাউলফের অঙ্গের ছায়া কেউ আমার নাসিকায় ছায়া করিস্ নি,—কাউলফের প্রাণ কেউ আমার প্রাণে দেখিস্ নি! সে উদাসী হ'য়েছে, সে সমস্ত ত্যাগ ক'রে গেছে! আমা হারা হ'য়ে সে সমস্ত বিষয় দেখছে! আমা হারা হ'য়ে, তার প্রাণ শূন্য, দেহ শূন্য!—সে শূন্যে শূন্যে বেড়াচ্ছে, আমি প্রাণে প্রাণে বুঝতে পারছি! কাউলফ—কাউলফ! কোথায় তোমার দেখা পাব?

সানিয়া। আয়—আয়, প্রভাত হ'য়েছে। এখানে কেঁদে কি হবে।

[ সকলের প্রস্থান।

## চতুর্থ গর্ভাঙ্ক

বাদসার অন্তঃপুর

গোলেন্দাম ও মির্জান।

গোলে। বাদশা, তুমি কি অশুভ? তোমরা কোপায় গিয়েছিলে? সমস্ত রাত কি করে নি? তোমার মুখের ভাবে বোধ হ'চ্ছে, মেন কোন অনঙ্গল হ'য়েছে;—কি হ'য়েছে, শীঘ্র বল। তোমার মুখে আমার জ্যোতি না দেখলে আমার হৃদয় কমল মণিন হয়। স্মরণেত্রে আমার মুখের পানে চেয়ে কি দেখছো? কাউলফ কোথা?

মির্জান। তার সঙ্গে আর তোমার দেখা হবে না।

গোলে। কেন—কি হ'য়েছে?—তার কুশল তো?

মির্জান। বেগম!

গোলে। এ কি! শুধু কণ্ঠে কেন আনায় বেগম বল্‌চো? আমি তোমার গোলেন্দাম! যদি কোন মনো-বেদনা পেয়ে থাক,—আনায় বল—আমি সাহায্য ক'রবো। যদি কোন অশুভ সংবাদ হয়, আনায় তুমি অংশ দাও—আমি তোমার সুখ-দুঃখের ভাগী।

মির্জান। বেগম—আচ্ছ। গোলেন্দাম!—তুমি অকলঙ্ক কুলে কলঙ্ক অর্পণ ক'রেছ—তা কি তুমি জান? কালখাঁর কুলবধুর নাম পেঞ্জার খায় কাউলফের নামের সহিত জড়িত—তা কি তুমি জান? সত্যই হোক, আর মিথ্যাই হোক—বেশ্যাবৎ সামান্য জ্ঞান জিহ্বায়, কাউলফের সহিত তোমার প্রেমের কথা উল্লিখিত হয়—তা কি তুমি জান? কিন্তু শোন,—তোমার বাদসা মিথ্যাবাদী নয়—যা ব'ল্লেম—সব সত্য! আমি স্বকর্ণে শুনেছি, কাউলফ যে তোমার সাক্ষাৎ পায়, কাউলফকে তুমি অন্তঃপুরে আমতে দাও, এ কথা নিয়ে জনৈক সামান্য প্রজা সরাপ পান ক'রতে ক'রতে কৌতুক-ছলে উল্লেখ ক'রেছে। এখন আমার কি কর্তব্য ব'ল্তে পার? এ কলঙ্কের দাগ নিয়ে কি আবার সিংহাসনে ব'সতে বল?

গোলে। বাদসা—স্বামী—প্রাণেশ্বর!—তোমার কর্তব্য তুমি জান। নিম্নল রাজনারি-বিশারদ-রাজকুলে, আমি বাদসাকে কর্তব্য উপদেশদাতা নই। আমি বাদসার বাঁদা, স্বামীর দাসী, মির্জানের পদাশ্রিতা। তোমার যা কর্তব্য হয় কর। আমার কর্তব্য—যে দিন তুমি রূপা ক'রে, আমার পাণিগ্রহণ ক'রেছ, আমি সেই দিন জানি—আর কবরে সেই কর্তব্যের শেষ হবে। বাঁদা যদি কুলে কলঙ্ক অর্পণ ক'রে থাকে, বাদসার আজ্ঞা-প্রত্যাশায় সম্মুখে দণ্ডায়মান। রাজ-আজ্ঞা বাতাত বাঁদার মৃত্যুতেও অধিকার নেই। নচেৎ কলঙ্কিনীর কি উচিত,—বাদসার দাসী, বাদসার চরণ-সেবা ক'রে তা সম্পূর্ণ জানে।

মির্জান। তুমি কি কলঙ্কিনী?

গোলে। বাদসা ব'লেছেন। বাদসা যা বলেন—আমি তাই! আমি বাদসার বাঁদা মাত্র।

মির্জান। আমি তোমায় কলঙ্কিনী বলি নাই! কিন্তু রাজকুলে কলঙ্ক হ'য়েছে, এই কথা তোমায় ব'লেছি। শুনেছ—কাউলফের সহিত আর তোমার সাক্ষাৎ হবে না?

গোলে। কাউলফ বাদসাহের বন্ধু ছিল। কাউলফকে যত্ন ক'রতে বাদসা তার বাঁদীক আদেশ দিয়েছিলেন। কাউলফ কোথা?—কাউলফের সঙ্গে দেখা হয় না হয়, সে বাদসাহের ইচ্ছা,—বাঁদীর স্বাধীন ইচ্ছা নেই।

মির্জান। কাল কাউলফের সঙ্গে আমি কোন জীলো-

কের অন্তঃপুরে যাই, বোধ হ'লো—কাউলফের প্রণয়-পাত্রী। পরিচয়ে শুন্লেম—ভদ্র মহিলা; কিন্তু আচারে কিছু বুঝতে পারলেম না। সেখানে আমোদ ক'রতে ক'রতে শুন্লেম যে, কাউলফ তোমার প্রণয়কাজী।—কথা কি সত্য?

গোলে। বাদসা—মির্জান, আমি সতী, পতিপ্রাণা!—কোথায় কে বর্কর আছে যে, মাতৃভাব ব্যতিরেকে আমার মুখাবলোকন করে! আমি সতী, আমার নয়ন-জ্যোতিতে সে তৎক্ষণাৎ ভস্ম হ'তো। আমি বাদসার বেগম—বাদসা আমার স্বামী, আর সমস্ত প্রজা আমার পুত্র।

মির্জান। কাউলফ দেশান্তরিত হ'য়েছে,—তার জন্য তুমি কি কিছুমাত্র দুঃখিতা নও?

গোলে। কাউলফ অভাগা!—অভাগার নিমিত্ত আমি অবশ্যই দুঃখিতা,—কোরানের আজ্ঞায় আমি দুঃখিতা,—বাদসার আজ্ঞায় আমি দুঃখিতা,—মানবী ব'লে আমি দুঃখিতা।

মির্জান। যদি তুমি দুঃখিতা,—তোমার কি বোধ হয় যে, অবিচারে আমি তারে দেশান্তরিত হ'তে আজ্ঞা দিয়েছি?

গোলে। বাদসার অবিচার!—এ কথা কল্পনায় স্থান দেবার রাজমন্ত্রারও অধিকার নেই। আমি দাসী!—বাদসা ঈশ্বরের প্রতিনিধি—প্রজাপালক—দণ্ডবিধান-কর্তা,—এ শিক্ষা আমি মাতৃহৃৎকর সহিত পেয়েছি। বাদসার অন্তঃপুরে সে শিক্ষা দৃঢ়ভূত হ'য়েছে। বাদসা মির্জান আমার ঈশ্বর—এই জানি। এই ধারণায় আমার আপাদমস্তক পূর্ণিত,—অপর চিন্তার স্থান আমার হৃদয়ে নাই।

মির্জান। গোলেন্দাম, সন্দেহ অতি ভীষণ কাল সর্প।

গোলে। তোমার সঙ্গে চার চোখে চাওয়া-চাহি অবধি, তোমার মূর্তি আমার অন্তঃকরণে বিরাজিত। সন্দেহের ছায়াও কখনো আমার মন ক্ষেত্রে পড়ে নাই। সন্দেহ কেমন তা আমি জানি না।

মির্জান। অতি ভয়ঙ্কর সর্প! তার স্পর্শে বিষ,—নিঃশ্বাসে বিষ, তার দংশনের তো কথাই নাই! অতি ক্ষুদ্র রক্ত দিয়ে হৃদয়ে প্রবেশ করে। তোমার সম্মুখে দাঁড়িয়ে—তোমার মুখভাব দেখে—তোমার কথা শুনে তোমার সরলতাপূর্ণ নয়ন-ভাবে সে কালসর্পের জ্বালা আমার হৃদয় হ'তে দূর হয় নি। কলঙ্ক—রাজপুরে কলঙ্ক!—কাউলফ যে তোমার দর্শন পেয়েছিল, সে আমার দোষে। কিন্তু কি ক'রে

সন্দেহ-কণীর বিষাক্ত-বেষ্টন হ'তে মনকে মুক্ত ক'রবো ? আমি মিথ্যা কথা ব'ল'বো না, মিথ্যা কথা ব'ল'তে তোমার কাছে আসি নি। তুমি নির্দোষী, তুমি পতিপ্রাণা, তুমি সত্যবাদিনী—তোমায় দেখে আমি বুঝতে পেরেছি। কিন্তু কাউলফ কি সাহসে সেই বারবিলাসিনীদের সমক্ষে তোমার নাম উচ্চারণ ক'রেছিল ? কেন বা তোমার কথা সেই মছপারী বেশ্যার সহিত আলোচনা হ'য়েছিল ? এ কি ! এ কি !—হাটে বাজারে তোমার নাম উচ্চারিত হবে ? এতে তুমি দোষী, তোমার রূপ দোষী, কাউলফ দোষী, আমি দোষী ! দোষীর দণ্ড দেওয়া, রাজার কর্তব্য ;—বংশের গৌরবের নিমিত্ত কর্তব্য—সিংহাসনের সম্মানের নিমিত্ত কর্তব্য,—মুসলমানের মর্যাদা রক্ষা ক'রতে কর্তব্য।—দোষীর আমি দণ্ড দেব।

গোলে। বাদসা, বাদী উপস্থিত আছে। আমি তোমার সহধর্মিণী।—বাধ হয় সন্দেহ-কণীর বিষাক্ত-বেষ্টন হ'তে আমি তোমায় মুক্তি দিতে পারবো। আমার মৃত্যু-আজ্ঞা দাও। মানব-কল্পনার বহুদূর কঠোর নিয়মে মৃত্যু হ'তে পারে—সেই আজ্ঞা দাও। এইমাত্র দাসীর মিনতি, সে সময় তুমি আমার সম্মুখে থেকে। তা হ'লে তুমি আমার মুখে দেখতে পাবে, যে নির্জ্ঞান ব্যতীত গোলেন্দামের আর কেউ ছিল না ! তা হ'লে তুমি জানতে পারবে যে, মানব—কঠোর কল্পনার এতদূর মৃত্যু-যজ্ঞনা সৃষ্টি ক'রতে পারে নাই, যে, যে যজ্ঞগার তাড়নে তোমার সম্মুখে গোলেন্দামের মুখ মলিন হবে ! তুমি আলিঙ্গন ক'রলে যে মুখভাবে মুগ্ধ হ'য়ে, তোমার মুখপানে চেয়ে থাকি,—সে ভাবের যদি কিঞ্চিৎ বৈলক্ষণ্য দেখ, তা হ'লে সন্দেহকে স্থান দিও।—নচেৎ আমার মৃত্যুর পর কালসর্পক পদদলিত ক'রো। মির্জান—বাদসা—রাজকুলতিলক !—তুমি অনেক কথা জান, অনেক বিষয় বোঝ—কিন্তু তুমি নারী নও। নারী-চক্ষে তোমার মূর্তি তুমি কখনো দেখ নাই, তা হ'লে বুঝতে পারতে, যে তুমি যার প্রতি রূপা-কটাফ ক'রেছ,—তার তোমা ভিন্ন আর কেউ নাই। বাদসা, জাঁহাপনা,—দোষীর দণ্ড-আজ্ঞা দেন।

মির্জান। গোলেন্দাম, আমিই দোষী, দণ্ড আমিই নেব—তোমায় দেব না।

গোলে। দণ্ড তুমি নেবে ?—আমায় দণ্ড দেবে না ?

এ অপেক্ষা দাসীর গুরুতর দণ্ড,—বাদসা, তোমায়—তোমার কোন মন্ত্রী শেখাতে পারবে না !

মির্জান। আমি তোমায় বিশ্বাস ক'চ্ছি—কিন্তু আমি আপনাকে মার্জনা ক'রতে পারিচিনি। কালখার বংশে আমি এরূপ কুলদ্বার যে, তাঁর পুত্রবধূর কাছে একজন বর্ষরকে পাঠিয়ে, হাটে-বাজারে রাজপুরের কলঙ্ক গান র'চে দিয়েছি,—এ অপরাধের শাস্তি আছে,—সে শাস্তি আমি গ্রহণ ক'রবো।

গোলে। বাদসা—জাঁহাপনা !

মির্জান। চূপ কর, তোমার বাদসা আজ্ঞা ক'চ্ছে। তুমি স্বীকার ক'রেছ—তুমি বাদা—তোমার মতামত কিছুই নাই। তোমার বাদসা দোষীর দণ্ড দেবে, তার তুমি সাহায্য কর,—প্রতিরোধ করবার চেষ্টা পেয়ো না। আমি তোমার অন্তঃপুরে আসবার আগে যখন সন্দেহ-তাড়নে দগ্ধ হ'চ্ছিলেন, আমার মন হ'চ্ছিল যে, বাদসাও মাহুয, তারও শিক্ষার প্রয়োজন। বেতনভোগী শিক্ষকে আনায় শিখিয়েছে। আমার দোষ আমার সমক্ষে ব'ল'তে সাহস করে নি। রাজমন্ত্রী সভয়ে আনায় যুক্তি প্রদান করে ; সকলে সেলাম দেয়—বাদসা বলে। কিন্তু সংসার কি নিয়মে চলছে, প্রজার অবস্থা কি ?—প্রেমের কথা শুনেই থাকি, শুনতে পাই—সংসার প্রেম-বন্ধনে গ্রাসিত, কিন্তু এ সত্য কি না, তা জানি নে। আমার অন্তঃভব হ'য়েছে—আমিও মাহুয, মৃত্যুর পর সামান্য ব্যক্তির তায় আমারও সকল ফুরোবে। শাস্তি ব্যতীত আমোদপ্রিয় মন, আয়াসসাধ্য শিক্ষার প্রতি লক্ষ্য করে না। আমি গুরুতর আঘাত পেয়েছি, আমি সংসার দেখবো। যদি সন্দেহের বিষ-বেষ্টন হ'তে ত্রাণ পাই, তা হ'লেই কি'বো,—নচেৎ তোমার মর্মে আমার এই দেখা। তুমি উত্তর ক'চ্ছ না কেন ?

গোলে। উত্তর—কি উত্তর !—বাদসা আনায় ত্যাগ ক'রে যাবেন—স্বামী আনায় ত্যাগ ক'রে যাবেন ! আমার এমনি কুক্ষণে জন্ম যে, বাদসাকে সিংহাসনচ্যুত ক'রবো, স্বামীকে দেশত্যাগী ক'রে সংসারে ভাসিয়ে দেব। মির্জান, এখনও কথা ক'চ্ছি, তুমি উত্তর দিতে ব'ল'ছ ব'লে উত্তর দিচ্ছি। মির্জান, তুমি আনায় কারে দিয় বাচ্ছ ? কোথায় যাচ্ছ, আমি তোমার অর্ধ-অঙ্গ !—আনায় ফেলে যাবে, তোমার শিক্ষা পূর্ণ হবে না। মির্জান, রাজকুলে কলঙ্কের



হেতু আমি!—এ সাজা ভিন্ন কি আমার অপরাধ সাজা নাই? তুমি আমার ত্যাগ করে যাবে, মনে করো না—তোমার বিরহে আমি মরবো! তা হলে তুমি আমায় যে শাস্তি দেবে মনে করবে, তা তো পূর্ণ হবে না। তুমি সংসার-সাগরে ভাসবে—আমি মরে নিশ্চিন্ত হব—এ কল্পনা আমার স্বপ্নে উপস্থিত হবে না। মির্জান, তুমি চলে যাবে, যদি মৃত্যু এসে উপস্থিত হয়, আমি তারে সকাহেরে বলবো যে, আমার স্বামীকে তুমি এনে দাও, আমি তাঁরে দেখে তোমার সঙ্গে যাব। মির্জান, তোমার সমক্ষে, ঈশ্বরের নামে শপথ করি যে, তোমার মন হতে সন্দেহ দূর করে, যতদিন না ‘গোলেন্দাম’ বলে আদর করে আমায় আলিঙ্গন কর,—তত দিন অস্ত্রে, অনলে, গরলে, ব্যাদি-তাড়নে, দৈব বিড়ম্বনায় আমার মৃত্যু নাই। বাদসা, তুমি শিক্ষার্থী হয়ে সংসারে ভাসবে—সে শিক্ষা সতী নারীর নিকট নিয়ে চলে যাও। তুমি প্রেম দেখ নাই,—প্রেমের প্রভাব দেখে চলে যাও। তুমি সন্দেহ-গরলে জঞ্জরীভূত,—সন্দেহ দূর করে যাও। তোমার নিকট অস্ত্র আছে, আমায় বধ কর। আমার মৃত্যু দর্শনে সতী কি—তা জানবে! প্রেম-বন্ধনে সংসার চলে, তা জানবে, তোমার অন্তরে সন্দেহ থাকবে না।—রাজপুরের কলঙ্ক মোচন হবে।

মির্জান। গোলেন্দাম, অধিক বলো না, আমায় বিদায় দাও। তোমার স্বামীর আজ্ঞায় নিরস্ত হও। বাদসার আজ্ঞায় এই অঙ্গুরী গ্রহণ কর, এই অঙ্গুরী যার অঙ্গুলীতে থাকবে, আমাদের কুলাচারে,—সেই বাদসা। এই অঙ্গুরী-প্রভাবে আজ হতে তুমি বাদসা! আমি চলেম, বাধা দিও না।

গোলে। মির্জান!—

মির্জান। আবার কি? তুমি না বললে, আমি নারী নই, এ নিমিত্ত সতীর হৃদয় বুঝি নাই। তুমিও পুরুষ নও, এ নিমিত্ত আমার হৃদয় বুঝতে পার না। আমি মুসলমান, বাদসার অন্তঃপুরে পরপুরুষকে আমিই ডেকে দিয়েছি, আমার বুদ্ধির দোষে বাদসার অন্তঃপুরে কলঙ্ক রটনা হয়েছে। আমার কি প্রায়শ্চিত্ত নাই? আমি মুসলমান, আমি প্রায়শ্চিত্ত করতে পরাজুথ! তোমার বাদসার, তোমার স্বামীর—রাজভক্ত হয়ে, পতিপ্রাণা হয়ে—এই অপবাদ কি তুমি সহ করতে প্রস্তুত? তা হলে আবার

আমার সন্দেহ, গাঢ় বেগুনে আমায় ধারণ করবে!—গোলেন্দাম, আমি চলেম। যদি কখনও পাপের প্রায়শ্চিত্ত হয়,—ফিরে এসে যদি দেখি যে, সতীর ত্রায় পতির আজ্ঞা পালন করে প্রজার মঙ্গল সাধন করেছে, আবার গোলেন্দাম বলে তোমার মুখচুম্বন করবো। নতুবা এই বিদায়ই—বিদায়।

গোলে। তোমার আজ্ঞা পালন করবো। কিন্তু তুমি কোথায় যাবে—কি অবস্থায় থাকবে?—তোমার কথায় বুঝেছি—এই অঙ্গুরীই বাদসা। তোমার প্রজা আমি পালন করবো,—তোমার মত পুত্রবৎ পালন করবো। কিন্তু বাদসা,—আমিও তোমার প্রজা,—আমার রক্ষার ভার কার উপর? একটা কথা বল—আশা দাও—সেই আশা ধরে আমি জীবিত থাকি। সতী পতিকে পায়—এ শাস্ত্রের কথা—লোকের কথা, এই ধারণায় সংসার চলছে। আমি সতী, আমার পতিকে কি জন্মের মত বিদায় দেব? বল—আবার দেখা হবে?

মির্জান। তুমি যদি সতী হও,—শাস্ত্রের মর্ম যদি সত্য হয়, সতী-পতিতে যদি বিচ্ছেদ না হয়, তুমি তোমার সতীত্বের উপর নির্ভর করে আশা কর। আমি চলেম,—কোথায় যাচ্ছি জানি নে। আমি নিরাশ-সাগরে ভেসেছি!—তোমায় আশা দেব কেমন করে! গোলেন্দাম,—বিদায়!

[ মির্জানের গ্রন্থান।

গোলে। মৃত্যু!—মলেই তো ফুরোয়! মরবো না। আশা করবো না কেন? মির্জানের সঙ্গে কে আমার বিচ্ছেদ ঘটাবে? মির্জান কোথায় আছে, কেমন আছে, রোজ আমার মনকে জিজ্ঞাসা করবো। আমার নিঃশব্দ মন, অসত্য কখনো জানে না—সত্য উত্তর দেবে। কুলের কলঙ্ক আমিই মোচন করবো। আমি বেগম,—রাজভার আমার। মির্জানের রাজ্য মির্জানকে দিয়ে আমি নিশ্চিন্ত হব। মির্জানকে পাব—নিশ্চয়ই পাব। বাদসা, তুমি চলে গেলে—কিন্তু তোমার তত্ত্ব নিতে নিষেধ কর নাই। তুমিই বাদসা—আমি নই। যতদিন বাদসাই আমার থাকবে,—তুমি ভিকারী থাকলেও বাদসার কর্মচারীরা তোমার গুশ্রমা করবে। বাদসার কর্মচারী, আমি তো বাদসার কর্মচারী—আমি তোমার তত্ত্বাধারণ করবো। মির্জান, এক মুহূর্তও আমি তোমার বিরহ সহ্য করবো না। তোমার বিরহে আমি জীবন ধারণ করতে পারবো না।—

বুঝা চেষ্টা কেন ক'র্বো? তোমার আজ্ঞা কিরূপে লঙ্ঘন ক'র্বো? আমি প্রজ্ঞাপালন ক'র্বো,—তোমারও অহুসরণ ক'র্বো—দেখ পারি কি না! (নেপথ্যে চাহিয়া) পরিয়া!  
(নেপথ্যে পরিয়া।)—বেগম সাব!—

(পরিয়ার প্রবেশ)

পরিয়া। গোলেন্দাম—সখি! তোমার এ কি ভাব?

গোলে। মন্ত্রীকে রাজসভায় উপস্থিত হ'তে বল!

পরিয়া। যাচ্ছি। এ কি!

গোলে। আমি অভাগিনী! সবই শুন্বে, আজ্ঞা পালন কর।

[উভয়ের প্রস্থান।

## পঞ্চম পর্ভাঙ্ক

নগর-প্রান্তর

কাউলফ ও ফকীর।

কাউ। ফকীর, আত্মহত্যায় পাপ আছে?

ফকীর। তুমি পাপ মনে ক'রেই আমার জিজ্ঞাসা ক'রতে এসেছ, নচেৎ জিজ্ঞাসা ক'রতে আসতে না। কি পাপ, কি পুণ্য, তা যদি আমি সব জান্তেম—তা হ'লে পাপ-পুণ্যের পার হ'তেম, আমার ঈশ্বর লাভ হ'তো। আমি পাপ-পুণ্যের সীমা স্থির ক'রতে পারি নাই। তবে কতকটা আমার অহুভূতি হ'য়েছে যে, পুণ্য-কার্যের কল্পনা ও অহুষ্ঠানে আত্মপ্রসাদ, আর পাপ সর্কদাই সন্দেহ-জড়িত। ঈশ্বরকে ডাকা—পাপ কি পুণ্য—এ কথা আমার জিজ্ঞাসা ক'রতে এস নি,—এ কল্পনার সঙ্গেই আত্মপ্রসাদ। আত্মহত্যা পাপ কি না, সে কথা সন্দেহই তোমার ব'লে দেবে, আমার জিজ্ঞাসা করা নিস্প্রয়োজন।

কাউ। বুঝলেম—পাপ।

ফকীর। পাপ—তুমি তা বুঝেছ, আর তুমি আত্মহত্যা ক'রবে না, তাও আমি বুঝেছি। মানুষ কোঁকের উপর

আত্মহত্যা ক'রতে পারে, পাপ-পুণ্য বিচার ক'রে আর পারে না।

কাউ। ফকীর, তুমি আমার অবস্থা জান না। আমি আমার বাদসার নিকট অপরাধী, বন্ধুর নিকট বিশ্বাসঘাতক।

ফকীর। শোন,—ফকীরী কেন নেয়,—তা কি তুমি জান? বলবান ইন্দ্রিয় আছে, রক্ত মাংসের দেহ আছে, ভোগ ইচ্ছা আছে,—তথাপি যে কেন ফকীরী নেয়, তা বুঝতে পার? না—তুমি জান না। এক কথায় ব'লবে,—ঈশ্বর-লাভের আশায়। কিন্তু কথাটা শুনেছ মাত্র,—ঈশ্বর পরম বস্তু, কথার কথা শুনে রেখেছ। সুখে কেন বিরক্তি ভয়ে তা জান না,—ফকীর জানে। ত্রিতাপদহনে মানব তাপিত, কল্পনা-সৃজিত অবস্থায়ও ত্রিতাপদহনের ত্রাণ নাই। এই বিবেক অবলম্বনে, এই ত্রিতাপ-লাড়নে ইন্দ্রিয়-প্রলোভন উপেক্ষা করে, শোণিত-অস্থি পদাঙ্গিত করে, ভোগত্যাগা বোগী হয়। তুমি কি দুঃখের পরিচয় দিতে চাও, যে ভোগত্যাগী ফকীর আমি জানি নি? যদি দুঃখের সাগর না জান্তেম, যদি এক ঈশ্বরই সার বস্তু প্রতিলক্ষি না হ'ত, তা হ'লে কি নিলোলাক্ষী বাগার কটাঙ্ক—হৃদয় বিদ্ধ ক'রতো না? তা হ'লে কি স্বর্ণ বান্বনার মধুর রব আমার কর্ণ বিমোহিত ক'রতো না? তা হ'লে কি সম্পদ, গৌরব, মানের অদ্ভুত মোহিনী আমায় মুগ্ধ ক'রতো না? দুঃখের সংসারে দুঃখ পেয়েছ, ফকীরকে অধিক পরিচয় কি দেবে? আগুনে হাত পোড়ে নি, যদি এ সংবাদ দিতে পারতে, তবে নূতন সংবাদ বটে,—নচেৎ আগুনে হাত দিয়ে হাত পুড়েছে,—এ সংবাদ আমায় আর কি জানাবে? তুমি যা জিজ্ঞাসা ক'রতে এসেছ, তার উত্তর দিয়েছি। আবার উত্তর দিই শোন,—জলে কাঁপ দিলেই ম'রতে পারবে, কিন্তু মৃত্যু উপস্থিত হ'লে একদণ্ডও জীবিত থাকতে পারবে না। যে কাজ ক'রলে আর ফিরবে না—একটু বিচার ক'রো। কাজ ক'রে ফেল্লই হয়, কিন্তু যে, কার্যের পরিণাম ভাবে, সে পাপ করে না এই আমার ধারণা। তুমি যাও, তোমার উত্তর তো পেয়েছ।

কাউ। এত কষ্টেও আমার অন্তঃকরণে দাগা যাচ্ছে না। আমি ভুলেও ভুলতে পাচ্চিনি, আমার সর্কনাশের

হেতু হ'য়েও, আমার প্রাণের সহিত জড়িত। ভোলবার যো নাই, ত্যাগ করবার যো নাই,—জীবন বিসজ্জন ভিন্ন উপায় নাই। ফকীর, আমার অশান্ত প্রাণে শান্তি দাও, আমার হৃদয় হ'তে সে ছায়া দূর কর। ফকীর, আশ্রয় চরণে আশ্রয় দাও,—ফকীর, আমি বড় যন্ত্রণা পাচ্ছি—আশ্রয় রক্ষা কর।

ফকীর। যন্ত্রণার হাত হ'তে নিস্তার পেতে চাও,—তা'হলে মানব-জন্ম ধারণ ক'রেছ কেন? প্রস্তুত হ'তে পারতে,—তা'হলে কোন যন্ত্রণাই উপভোগ ক'রতে হ'তো না। মানব-জীবনে যন্ত্রণাই বন্ধু। দুঃখকে আদর ক'রে যদি সুখকে প্রত্যাখ্যান ক'রতে পার,—তা'হলে দেখবে, যাকে তুমি সুখ বল, সে বঁদার মত তোমার পেছনে পেছনে ধুরচে। আর দুঃখই তোমায় নিত্যানন্দ ঈশ্বরের নিকট নিয়ে যাচ্ছে। বোধ হয়, তোমার হৃদয়ে প্রেমের বীজ প্রথম অঙ্কুরিত হ'য়েছে, বিরহ-জ্বালায় দগ্ধ হ'চ্ছ! কোন রমণীর ছবি তোমার হৃদয়ে অঙ্কুরিত—তারে তুমি ত্যাগ ক'রতে পাচ্ছ না! তোমার চঞ্চল হৃদয়—যাহা কখনও এক বস্তুতে স্থির হয় নাই, সামান্য একটা রমণীর ছবি ধারণ ক'রে একাগ্র হ'য়েছে। একাগ্রতা অনেক সাধনের ফল। ভাগ্যক্রমে তুমি পেয়েছ,—দুঃখ বিবেচনা ক'রো না। সোণা তাতে গলে—তবে গড়ন হয়। যদি মনকে গড়তে চাও, তাপকে ভয় ক'রো না। যাও, আমার কাছে আর তোমার কার্য নাই।

কাউ। ফকীর—ফকীর! তোমার কথায় আমার মনের আবরণ দূর হ'য়েছে। দুঃখকে আমি হৃদয়ে ধারণ ক'রেছি, দুঃখকে বন্ধু ব'লে আমি হৃদয়ে স্থান দিলেম, কিন্তু প্রেমে নয়—ঘৃণায়। ষত দিন জীবিত থাকবো, রমণীর প্রেমে মুগ্ধ হব না। কি আশ্চর্য্য, এখনও সেই ছবি, এখনও সেই প্রতিমূর্তি আমার নয়ন-সম্মুখে বিরাজিত! কি দারুণ বন্ধন! মন না বায়ুর ন্যায় চঞ্চল,—মনের সে চাকল্য কোথায়? ঐ তো এক ছবি নিয়ে দিব্যরাত্র আছে। ঐ এক ছবিতে মন জড়িত, মন আবদ্ধ মনের গতিশক্তি রহিত। কোথায় যাব? ম'রবো না—দেলেরাকে ভাববো, দেলেরাকে নিয়ে থাকবো। দুঃখ আমার জীবনের সাথী, দেলেরা আমার জীবনের সাথী, দেলেরাকে নিয়ে থাকবো—দুঃখ নিয়ে থাকবো! ফকীর, সেনাম। [ কাউলফের প্রস্থান।

ফকীর। যদি কেবল ধ্যান-ধারণা ফকীরের কার্য্য হ'তো, তা'হলে যদি অনশন বা অর্দ্ধাশন হয়—তাতেই সুখ ছিল। কিন্তু হে গুরুদেব, তোমার কঠোর উপদেশে আমি বুঝেছি যে, আত্মত্যাগে মানব-কষ্ট দূর করাই ফকীরের কার্য্য, এই সাধনাই ঈশ্বরের কার্য্য। সাধনা দুঃখময়—সাধনা শান্তিময়।

( গোলেন্দানের প্রবেশ )

গোলে। ফকীর, সতীকে কি পতির বিরহ অনুভব ক'রতে হয়? পতি ছাড়া, যে জীবন ধারণ ক'রতে পারে,—সে কি সতী? যাই হোক আমি কুলাচার ত্যাগ ক'রবো। ফকীর, কুলাচার ত্যাগিনীর প্রায়শ্চিত্ত কি,—আমি তোমার কাছে জানতে এসেছি।

ফকীর। অনল তাপিত দ্রবনয়ী কাঞ্চনের ছায় সতীত্ব। সে বিশুদ্ধ কাঞ্চনে মণা স্পর্শ করে না। প্রায়শ্চিত্তের নাম দণ্ড গ্রহণ করা। উত্তাপিত দ্রবনয়ী কাঞ্চনে আর অধিক তাপ কি প্রবেশ ক'রবে? সতীত্ব পরম রত্ন যার আছে, তা—তার আর পাপ-পুণ্য নাই।

গোলে। ( স্বগত ) কি আশ্চর্য্য, তবে কি আমি মির্জ্জানকে ভালবাসি নি! পাপ-পুণ্যের বিচারের জন্য ফকীরের কাছে এসেছি কেন? পাপ হয়, পুণ্য হয়,—আমি স্বামীর অমুগামিনী। মির্জ্জান পথে পথে বেড়াবে—আর আমি কেমন ক'রে গৃহ থাকবো? মির্জ্জান পথে আর আমি সিংহাসনে, কল্পনাতেও এ একটা রহস্য বটে! মির্জ্জানের আজ্ঞা পালন ক'রতে পারি নি,—কি ক'রবো? পাপ হয় হবে,—পাপের ভয়ে আমি মির্জ্জানকে ছাড়বো না। বাদসাই—অমুরী, অমুরী—বাদসাই থাকবে। যেথায় মির্জ্জান—গোলেন্দানও তথায়, তার অন্যথা হবে না। মির্জ্জান,—তোমার আজ্ঞা পালনে আমি চেষ্টা ক'রবো, কিন্তু তোমার সঙ্গে ফিরবো। দোষা কর—সাজা দিও, আমি তোমায় ছেড়ে থাকতে পারবো না। ( প্রকণ্ঠে ) ফকীর—সেনাম।

[ গোলেন্দানের প্রস্থান।

ফকীর। নারীর আকর্ষণ অতি মুগ্ধকর! গুরুদেব, কত পুণ্য-ফলে তোমার দর্শন পেয়েছিলেম। নারীর মায়ায় মুগ্ধ হ'য়ে আমি কি একবারও ঈশ্বরকে ডাকতে পারতাম? ঈশ্বর, তোমার সাধনাও শান্তি। সাধন অবস্থাতেও ঘোর মায়া-

জ্বাল হ'তে নিষ্কৃতি। ঈশ্বর, তুমি ধন্য,—দেখা দিয়ে আমায় ধন্য কর!

( মির্জানের প্রবেশ )

মির্জান। ফকীর, সংসার ভাল কি ফকীরী ভাল ?

ফকীর। সংসারের নিম্ন-চরম সীমা দারিদ্র্য, উর্দ্ধ চরম সীমা বাদসাই। দুই সীমারই অবস্থা আমি অবগত নই। আমি বাল্যাবধি এই অবস্থাপন্ন। বল,—“ফকীর—ফকীর!” ফকীরীর চরম সীমায় শুনেছি ঈশ্বর প্রাপ্তি। ঈশ্বরের অনুভূতি হ'য়েছে, ঈশ্বর লাভ হয় নাই; লাভ হ'লে আর তোমার সঙ্গে কথা কইতে পারতেন না। তিনি দেখা দেন—আবার লুকোন, আবার দেখা দেন—আবার লুকোন।—আমার সাধন-অবস্থা। আমার কার্য—সাধনা, লাভ তাঁর ইচ্ছা। আমি সাধক, সুতরাং ফকীরীর চরম সীমা পর্যন্ত দেখি নাই। তোমার কথার উত্তর এই, আমি ফকীরী জানিনে। সংসার ভাল কি না? সংসার কি—কেমন?—তা কখনো দেখি নি। তার ভাল-মন্দও জানি নে। তুমিও যখন জিজ্ঞাসা ক'চ্ছ,—“সংসার ভাল না ফকীরী ভাল?” তাতে বোধ হ'চ্ছে,—তুমিও দু'টোর একটাও জান না। দেখে শেখে—ঠেকে শেখে। জানুবার ইচ্ছে থাকে, চল—সংসার দেখিগে।—দেখেই শিখি বা ঠেকেই শিখি। যদি শিক্ষা হয়—পরম লাভ। শিক্ষার্থী হ'য়ে জীবন যায়—হানি নাই। তোমার কি দেখবার সাধ—ফকীরী না সংসার? আমার ধারণা, একটা দেখলেই দুটো দেখা হয়। চলনা কেন, সংসার দেখে আসি।

মির্জান। তুমি আমার সঙ্গে যাবে ?

ফকীর। কেন, বিস্মিত হ'চ্ছ কেন ?

মির্জান। আমি কে তা জান ?

ফকীর। যেই হও—একজন সন্তাপিত ব্যক্তি। মানব-সন্তাপ দূর করা ফকীরের সাধন।

মির্জান। আমি সন্তাপিত—তুমি কেমন ক'রে বুঝলে ?

ফকীর। তোমার প্রশ্নে বুঝেছি। সংসারে অধীর হ'য়ে তবে ফকীরের কাছে এসেছ।

মির্জান। আর কি কখন' তুমি কোন সন্তাপিত ব্যক্তি দেখনি ? তার সঙ্গে তো তুমি যাও নি,—আমার সঙ্গে যাবে কেন ?

ফকীর। সংসারে সন্তাপিত অনেক দেখেছি। ফকীরী নিয়েও আমি তো ভগবানের সংসার ছাড়া নই। তোমায় ব'লেছি, সন্তাপ দূর করাই ফকীরের সাধন। সংসারে সাধন-মত সন্তাপ দূর ক'র্বো সংকল্প ক'রেছি, কিন্তু সঙ্গী পাই নাই। তোমার সংসার দেখবার সাধ হ'য়েছে—মন হ'য়েছে,—ফল যাই।

মির্জান। তুমি একেবারে আমার সঙ্গে যাবে ?

ফকীর। কেন, বিস্ময়ের কারণ কি ? দেখে বোধ হ'চ্ছে, তুমি সংসারী। তুমি যদি সকলই ত্যাগ ক'রে, ফকীরের কাছে আনতে পেরে থাক,—আমি কিসে আবদ্ধ আছি, যে তোমার সঙ্গে যেতে পারবো না ?

মির্জান। ফকীর, আমার অন্তরের সেলাম গ্রহণ কর। তোমার চরণে আমার মন-প্রাণ অবনত। আমি বাদসা ছিলাম, বিসৃত রাজ্য ছিল, হৃদবন্ধু ছিল, প্রণয়িনী পত্নী ছিল; যে সকল প্রলোভনে সংসার প্রলোভিত—আমার সকলই ছিল। কিন্তু সন্দেহ-দংশনে যাহা অমৃতময় ছিল, তাহা বিষময় হ'য়েছে—সেই নিমিত্ত তোমার শরণাপন্ন। আমি চের ফকীর দেখেছি, কিন্তু তাদের ফকীরী দেখে, আমার সংসার-আসক্তি আরও বৃদ্ধি হ'য়েছিল। সে ফকীরী নয়—সংসার-সুখ-আশায় ফকীরী। তুমি যথার্থ ফকীর। ফকীর, তুমি কি আমায় কৃপা ক'র্বে ?

ফকীর। আমি জানি নে। কৃপা—অকৃপা আমার আয়ত্বাধীন নয়। আমার কৃপা-অকৃপায় তোমার লাভালাভ নাই। যদি সংসার দেখতে চাও, চল,—আমি তোমার সাথী। তুমি যদি প্রস্তুত থাক, আমিও প্রস্তুত। ( স্বগত ) এ যে দেখছি বাদসা মির্জান! বাদসা মির্জান পরম ধাম্বিক। ইনি ফকীরী নিলে সংসারে বিস্তর হানি। এর সঙ্গে ফিরে দেখি,—যদি পুনর্বার এ'রে সিংহাসনে বসাতে পারি—তা হ'লে সমাজের পরম মঙ্গল।

মির্জান। ফকীর, এস।

[ উভয়ের প্রস্থান। ]

## তৃতীয় অঙ্ক

### প্রথম গর্ভাঙ্ক

সমরকন্দ মঠের অভ্যন্তর।

গোলেন্দাম ও পরিয়া।

গোলে। ( স্বগঃ )

কর্তা দিন—কর্তা দিন আর

বহিব এ ভার—

প্রাণনাথ, এস' স্বরা।

জেনে শুনে কেন হে নিদয়,

জান'ত নিশ্চয়—

বিরহে অধারা মম প্রাণ!

অদর্শনে রহিব কেমনে?

মোর তরে তুমি হে কাতর—

ক'হিছে অস্তর,

ভালবাস দাসা পদাধীনা—

তবে কেন আছ ভুলে?

আশে প্রাণ কর্তা দিন ক্ষীণ কায় রবে!

চ'হে প্রাণ,—ভাঙ্গি এই মৃত্তিকা-পিঞ্জর

যাইতে তোমার পাশে—

আশায় ভুলা'য়ে রাখি তারে,

আর ভুলে থাকে বা না থাকে।

প্রেমময়! আশ্রিতা—বক্ষিতা নাহি হয়!

তাহে তব কলঙ্ক রটিবে,

কবে সবে কঠিন তোমারে।

( প্রকাশ্যে )

কেমন পরিয়া, রাজ্যের সমস্ত মঙ্গল তো?

পরিয়া। ইয়া বেগম সাহেব, সমস্ত মঙ্গল। সখি, তুমি এখানে এ অবস্থায় কেন? তোমার স্বামীর কি দেখা পেয়েচ?

গোলে। আমার স্বামী ফকীর, আমার আর কি অবস্থা হবে বল? আমার স্বামী সমরকন্দে এসেছেন; কাউলফ আর দেলেরা এইখানে আছে, আমরা যদি কোন উপায়ে কাউলফের সঙ্গে দেলেরার বিবাহ দিতে পারি, তা হ'লে বোধ হয় বাদসার মনের সন্দেহ দূর হয়। বাদসার মনে সন্দেহ হ'য়েছে যে, কাউলফ আমার অমুরাগী; দেলেরার সঙ্গে বে' হ'লে সে সন্দেহ যাবে। আমি দেলেরাকে ডাক্তে পাঠিয়েছি; সে কাউলফকে ভালবাসে কি না আমি এখনই জানতে পারবো। তুই যদি কোন উপায়ে কাউলফকে রাজা ক'রে তার সঙ্গে বে' দিতে পারিস, তা হ'লে বাদসার মনের সন্দেহ যাবে,—আমায় একজন ফকীর ব'লে দিয়েছেন। এই সঙ্ঘটন আমরা যদি ক'রতে পারি, তা হ'লেই সকল দিকে মঙ্গল হয়।

পরিয়া। কিন্তু আমরা এই সব যোগাযোগ ক'রতে ক'রতে, যদি বাদসা এ দেশ থেকে চ'লে যান?

গোলে। না—তা তিনি যেতে পারবেন না। আমার অমুরোধে আমার পিতা সমরকন্দ-ঈশ্বর, রাজ্যে প্রচার ক'রেছেন যে, আমার মঠে অতিথি-সেবা না নিয়ে, কেউ এ সহর পরিত্যাগ ক'রতে পারবেন না। তাঁকে তিন দিন এ মঠে এসে থাকতেই হবে। আর বাদসা কখন' রাজ আজ্ঞা লঙ্ঘন ক'রে লোককে কুশিক্ষা দেবেন না।

পরিয়া। দেলেরা কি কাউলফকে ভালবাসে।

গোলে। সম্পূর্ণ ভালবাসে। আমি তার ধাত্রী মানিয়ার কাছে শুনেছি; কিন্তু কাউলফের দেখা পাই নাই, তার মন বুঝতে পারি নাই। তোরে এই সঙ্ঘটনটা ক'রতে হবে, বোধ হয় কাউলফও ভালবাসে। এই নগরে সে পাগলের ন্যায় বেড়িয়ে বেড়ায়, উচ্ছিষ্ট অন্ন কুড়িয়ে খায়। বোধ হয়, দেলেরার বিরহে তার এই দশা।

পরিয়া। আচ্ছা, আমি তার কাছে পুরুষ-বেশে গিয়ে তার মন বুঝবো। কিন্তু দু'জনের বিবাহ দিয়ে দেবে কেমন ক'রে? তোমার বাপকে ব'লে? শুনেছি, টাহার ব'লে এক ব্যক্তি, তার সঙ্গে দেলেরার ওজ্ঞান-অবস্থায়, তাদের উভয়ের পিতার সম্মতিতে বিবাহ হ'য়েছিল। এখন দেলেরা সেই টাহারের পিতার বাড়ীতেই আছে। তুমি কিরূপে বিবাহ দিয়ে দেবে?

গোলে। তুই কাউলফের মন বুঝ। একজন

বিবাহ ক'রে দেলেরাকে যদি প্রত্যাখ্যান ক'রে যায়, তা হ'লে টাহার দেলেরাকে পুনর্বার বিবাহ ক'রতে পারবে। টাহারের বাপও সেইরূপ একজন ব্যক্তি খুঁজছে, কিন্তু দেলেরা পরমা সুন্দরী, তাই ভয় ক'রছে, যে বিবাহ ক'রে যদি কেউ দেলেরাকে প্রত্যাখ্যান না করে, তা'হলে দেলেরা তার হবে। কিন্তু কাউলফ দরিদ্র-অবস্থায় বেড়াচ্ছে, সে বিবাহ ক'রবে বললে, আর সে সন্দেহ থাকবে না। তাকে অর্থ দিয়ে প্রত্যাখ্যান ক'রতে সম্মত ক'রবে। তুই কাউলফের মন বুঝে দেখ, আমিও এখনই দেলেরার মন বুঝে দেখবো।

পরিয়। আচ্ছা, আমি পুরুষ-বেশে তার সঙ্গে দেখা ক'রে তার মন বুঝবো, বিবাহ ক'রতেও রাজী ক'রতে পারবো। কিন্তু যদি টাহারের বাপের টাকার লোভে সে প্রত্যাখ্যান ক'রে চ'লে যায়, তা হ'লে ত বাদসার মনের সন্দেহ যাবে না।

গোলে। তুই কি মনে ক'রিস, যে ভালবাসে—সে প্রত্যাখ্যান ক'রে চ'লে যেতে পারে? কাউলফকে আমি জানি, সে অতি উচ্চ হৃদয় ব্যক্তি, সে সামান্য অর্থ লোভে কখনই পরিত্যাগ ক'রতে পারবে না। তুই প্রেমিকের প্রাণ জানিস নি। সে প্রাণত্যাগ ক'রবে, তবু তারে ছেড়ে যাবে না। তুই কোনরূপে এই জোটা-জোট কর।

পরিয়। তুমি কি তোমার পিতার সঙ্গে দেখা ক'রেছ? —সমরকন্দ-ঈশ্বরের সঙ্গে সাক্ষাৎ ক'রেছ? তিনি কি সকল অবস্থা জানেন?

গোলে। দেখা ক'রেছি,—কিন্তু তিনি চিন্তে পারেন নি,—আমায় উদাসিনী বিবেচনা ক'রেছেন। আর আমার কথায় প্রত্যয় ক'রে, আমার ইচ্ছামত রাজ্যে ঘোষণা দিয়েছেন। আয়, আমরা স'রে থাকি—কে আসছে।

[ উভয়ের প্রস্থান।

( দেলেরা ও সখিগণের প্রবেশ )

( দেলেরাকে বেঠন করিয়া সখিগণের গীত )

সুখের স্বপন যার ভেঙ্গেছে, সে আসে ফকীরের ঘরে।

ফকীরী নয়ত তারি, মন ঘোরে তার সুখের তরে ॥

আশা যে ধ'রে থাকে, আশা যে যত্নে রাখে,

প্রেম-রতনে যত্নে ঢাকে, প্রেমের আশা তার ত' পোরে।

মন যার অবিধাসী, সে ত' নয় প্রেম-পিয়ালী।

যে জন প্রেমের অভিলাষী, বিরহে সে কি ডরে?

[ এক জন ব্যতীত সকল সখীর প্রস্থান।

দেলেরা : তোমরা কি গান ক'রলে?

সখী। শুনলে তো,—যদি তোমার মনের মতন কথা হ'য়ে থাকে, তাহ'লে আর কি কথা আছে? আমাদের উদাসিনীকে জিজ্ঞাসা কর, তিনি এসে উত্তর দেবেন। আর যদি তোমার মনের মতন কথা না হ'য়ে থাকে—চ'লে যাও, এখানে থেকে তোমার কিছু ফল হবে না।

দেলেরা। উদাসিনী কোথায়?

[ সখীর প্রস্থান।

( গোলেন্দামের প্রবেশ )

গোলে। আচ্ছা, আমি তোমার কথা সব জানি। কাউলফকে যদি তুমি না পাও, তাহ'লে কেন টাহারকে বিবাহ কর না? টাহার তো তোমার ছলনায় ত্যাগ ক'রেছিল,—তোমায় জেনে তো তোমায় ত্যাগ করে নি! দেশাচারে টাহার তোমায় ত্যাগ ক'রে, তোমায় বিবাহ ক'রতে পারছে না। কিন্তু টাহারের পিতার ধনলোভে, তোমায় বিবাহ ক'রে, কেউ না কেউ তোমায় ত্যাগ ক'রে যেতে সম্মত হবে;—তখন তুমি কি ক'রবে?

দেলেরা। তবে কি গান আমার শুনালে? গানের অর্থমত তো তোমার কথা নয়! যেদিন আমি নিশ্চয় জানবো যে, টাহার আমার স্বামী হবে, সেদিন আমি প্রাণত্যাগ ক'রবো। এখন প্রাণ রেখেছি, কাউলফকে পাবার আশায়। আমার মনে হয়,—আমি যেমন তার চণ্ডে ব্যাকুল,—সেও আমার জন্ত সেইরূপ ব্যাকুল। মনস্তাপে কোথায় কেঁদে বেড়াচ্ছে জানি নে। আমার মনে ধারণা, সে আমা ছাড়া জানে না। আমি তারে দেশান্তরিত ক'রেছি, আমার জন্ত সে সর্বত্যাগী। যদি তারে না পাই, তার উদ্দেশে প্রাণ বিসর্জন দিয়ে অশ্রুতাপ অবসান ক'রবো। আমি তার আশায় জীবিত আছি।

গোলে। আর সে যদি তোমায় না চায়?

দেলেরা। আবার আমার সন্দেহ হ'চ্ছে, তুমি সত্য উদাসিনী? যদি উদাসিনী হও, কি জিজ্ঞাসা ক'রচ? কি, সে আমায় চাইবে না? বোধ হয়, তুমি আজীবন সর্ব-

ত্যাগিনী। আমার সে চায় না,—এ কথা আমি মনে স্থান দিয়ে জীবিতা থাকবো, সে কি কখন হয়? তা'হলে আমি এত অধারা হ'তেম না, তাহ'লে আমি তারে চাইনেম না। আমার সে মুখ অহানি শি মনে পড়ে, আমি তার ধ্যানে জীবন অতিবাহিত ক'রতে পার্ভেতম না। চায় না?—আমি চক্ষের উপর দেখছি, সে আমার চায়। আমি অন্তরে-অন্তরে বুঝতে পার্ভি,—নোথায় নিষ্ঠানে সে আমার ধ্যান ক'রছে। সে আমার জীবনসঙ্গ—আমি তার জীবন-সঙ্গ। এ যদি মিথ্যা হয়, তা হলে জান্বে, সংসারে পোদার কোপ-দৃষ্টি পড়েছে। সংসারে প্রেমের বদন নাই, সংসার ছিন্নভিন্ন হ'য়েছে—সংসার প্রেমশূন্য।

গোলে। তোমার কথা কি সত্য? তোমার কি বিশ্বাস, তোমার আশা পূর্ণ হবে?

দেলেরা। অবিশ্বাস কেন ক'রবো? অবিশ্বাসের নাম মৃত্যু,—অবিশ্বাসের অর্থ আর আনার নিকট অণব দিচ্ছ নাই। কে জীবন ছাড়তে প্রস্তুত বল? আমি আশা ক'রবো না?—আশা আমার প্রাণ! নচেৎ ম'লেও আমার অহুতাপানে পরিভ্রাণ নাই—মৃত্যুতেও যন্ত্রণা দূর হবে না। তারে পেলেম না, এ বেদনা আমার যাবে না।

গোলে। তুমি তারে পানার কি উপায় ক'রছ?

দেলেরা। উপায় আপনাই হবে। আমি উপায়ে তারে দেখি নি—সে দেখা দিয়েছিল। আমি তারে কোন উপায়ে ভালবাসি নি—ভালবেসেছি। সে আমার—উপায় ক'রে জানি নি—দেখেছি। যা হবার হ'য়েছে—যা হবার হবে। ভালবাসা—ভালবাসা পায়। কোন উপায়ে বুঝি নি—বুঝেছি। উপায় আপনাই হবে। আমি উপায় ক'রতে পারলে এতদিন ক'রতেম, কিন্তু আমার উপায় নাই। আমি পরাধীনা—পর-বাসে পরের পেছাবানা।

গোলে। আচ্ছ, আমি যদি কোন উপায় ক'রতে পারি? 'কিন্তু দেখ', ঠিক বুঝে বল,—যে যারে চায়, সে তারে পায়—এ কথা কি সত্য? সে তোমায় ফেলে চ'লে গিয়েছে—তবু তুমি সত্য তারে পাবে? চাইলে পায়—এ কথা কি তোমার নিশ্চয় ধারণা? দেখ, তোমার কথা মিথ্যা হ'লে—তোমার উপায় হবে না। সত্য বল—আমি উদাসিনী—আমার কাছে মিথ্যা বলতে নাই। আশা কি ফল-বতী হয়? আশার ধন কি পাওয়া যায়? যদি সত্য হয়—

উপায়ের চেষ্টা করি,—বুথা চেষ্টা ক'রে কি ক'রবো বল?

দেলেরা। এ কথা তুমি আমার মুখে শুনে বুঝতে পার্ভে না। যদি তোমার জান্বার প্রয়োজন হয়, যদি আশা তোমার জীবনের সার হয়, আশা ধ'রে জীবিত থাক,— তাহ'লে আপনার মনকে জিজ্ঞাসা ক'রে উত্তর পাবে,—আমায় জিজ্ঞাসা ক'রতে হবে না। তোমার মনই তোমায় বিশ্বাস দেবে—তোমার মনই তোমায় আশা ধ'রে থাকতে ব'লবে। আর যদি বিশ্বাস না হয়, যদি নিরাশ হও,— জীবন-ভার ব'য়ে কি ফল বল? আশা হারিয়ে কেন মাটির দেহ বহবে? যদি কোন দাগা পেয়ে থাক, আশা ধ'রে রাখ,—আশা-হারা হ'লে আর প্রাণ ধ'রতে পার্ভে না!

গোলে। তোমার কথা আমি বিশ্বাস ক'রলেম,— তুমি আমার সহ।

দেলেরা। কষ্ট সহ, তুমি তো তোমার পরিচয় দিলে না?

গোলে। আমার পরিচয় তুমি পাবে। যদি দেবতা সদয় হন, যদি মনস্কাননা পূর্ণ হয়, তাহ'লে তোমায় পরিচয় দেব। এখন জেনে রাখ', আমি তোমার মতন কাঙালিনী— আমি উদাসিনী নই। আমি তোমার মুখে তোমার কথা শুন্বো, তোমার কথায় আমার হৃদয়ের বল বাড়বে,—এই হৃদ্য কৌশল ক'রে তোমায় আনিয়েছি। আমি আনার সখা দ্বারা তোমায় ব'লে পাঠিয়েছি যে, এখানে এলে তোমার মনোবাক্স পূর্ণ হবে। তুমিও আমার কথায় বিশ্বাস ক'রে এসেছ,—বুঝবো তোমার বিশ্বাসের বল। তুমি আমায় আশীর্বাদ কর, যেন আমি তোমার মনোবাক্স পূর্ণ ক'রতে পারি—তাহ'লে আমারও মনোবাক্স পূর্ণ হবে। বোধ হয়—থা সাহেবের কাছ থেকে তোমায় নিতে এসেছে—ঘণ্টার নিনাদ শুন্তে পাচ্ছি। আমি অন্তরালে যাই।

[ গোলেন্দামের প্রশ্নান।

( টাহার ও নেহারের প্রবেশ )

নেহার। কেন, এখানে কি ক'রতে এলে?

টাহার। ও আমার অন্তে পাগল। এইখানে এক জন মজুম আছে সে গুণে ব'লতে পারে। তাই জানতে-

এসেছে, কতদিনে ওর আমার সঙ্গে বিয়ে হবে। তাই বাবা এখানে পাঠিয়েছে।

নেহার। তা তুই আমাকে নিয়ে এলি কেন ?

টাহার। তোরে দেখাতে—প্রেমের চেউ-তুফান দেখাতে। বাবা বিশ্বাস করেনা যে ভালবাসে। তুই দেখে বাবাকে গিয়ে বল যে, ও আমার জগে মরে।

নেহার। ঐ ত দেলেরা,—তোকে দেখে ত মুখে কাপড় দিয়ে ফিরে দাঁড়াল।

টাহার। আরে বুঝিস্ নি, বুঝিস্ নি। আমি বাব্বি চুল বাগিয়ে, তাজ মাথায় চাড়িয়ে এসেছি, বেটা দেখে পাছে ঘুরে পড়ে, তাই মান ক'রে দাঁড়িয়েছে। কেমন, দেখ্ চিস্! বাবাকে বলিস্—ভালবাসে না ?

নেহার। তোর মুখে ও বাড়ু মারে।

টাহার। যা দূর হ! তোর পিরাতের দাতই নয়। মেয়ে মানুষ মান ক'রবে, ঘুরে দাঁড়বে—তা না হলে মজা কি হ'ল! ঐ দেখ্—দেখ্চে আড়ে আড়ে।

নেহার। তোর মুখে বাঁ পায়ের লাগি বাড়ে।

টাহার। আজ থেকে তোর সঙ্গে আমার ইয়ারকি ছুটল। তুই এমন বেরাসিক জানলে, তোর সঙ্গে আমি ফিরতেম না। ওঃ—আমার কি ইয়ার গো! পিরাত চেনেন না! বল্ বি কি না বল—ভালবাসে। আমার সঙ্গে যদি ইয়ারকি চাস্, নিদেন গিছেমিছি ক'রে বল—ভালবাসে।

নেহার। আচ্ছা, তুই ওর সঙ্গে কথা ক'—শুনি।

টাহার। চোখে দেখলি আর শুনবি কি ? তবু তোর আক্বেলের জন্তু ছোটো কথা ক'চ্চি। দেলেরা!—ঐ দেখ্, সাড়া নেই। আবার ডাক্তে বলিস্ ?—দেলেরা! ফের সাড়া নেই।

নেহার। তোর প্রেমে কি ধুক্চে না কি, যে কথা কইতে পার্চে না ? আরে বুঝিস্ নে কম্বক্বত, ও তোকে চায় না।

টাহার। চায় না ? উঃ তোর কথায় চায় না! ও চুপ ক'রে আঁচ্ছে, আমার প্রেমের টুকর দেবে কিসে!—কি বল' দেলেরা ?

দেলেরা। আমি ধর্ম্মের স্থানে এসেছি। এখানে তুমি বিরক্ত ক'রতে এসেছ কেন ?

টাহার। ওই শোন, ওই পিরাতের কোপ, আমার উপর অভিমান ক'রেছে।

নেহার। তোর গদানায় কোপ দেবে আচ্চে।

টাহার। যা তুই দূর হ! দিন কতক দোস্তি ক'রে পিরাত শিখে তারপর আমার কাছে ইয়ারকি দিতে আসিস্। (দেলেরার প্রতি) দেখ' দেলেরা, কি ক'রবো বল—দেশাচার! একবার ত্যাগ ক'রেছি, আর এক জন কেউ বে' ক'রে, তোমায় ত্যাগ না ক'রলে ত তোমায় বে ক'রতে পারিনি। বেল্লিক বেটা কাজি বে দেবে না। তোমারও প্রাণের ব্যথা বুঝবে না, আমারও প্রাণের ব্যথা বুঝবে না। বাবা যোগাড় ক'রে একটা পাতুর নিয়ে আস্চেন, সে টাকা পেয়ে তোমায় ছেড়ে চলে যাবে, তারপর আর কি, —হু'জনে প্রেমের তরঙ্গ!

দেলেরা। বুঝেছি—এখন তুমি যাও।

টাহার। ওই শোন শোন,—পিরাতবাজ প্রাণ, গোলাম কথার নোলাম জবাব দিলে। এখন বল্, ভালবাসে কি না ?

নেহার। ওরে মুখ পোড়া! তোরে তাড়াচ্ছে—বুঝ্তে পার্চিস্ নে ?

টাহার। হ্যা দেলেরা, তুমি তাড়াচ্ ?

দেলেরা। হ্যা—তুমি যাও।

টাহার। ভালবাসার তাড়ান—কেমন ?

দেলেরা। ধর্ম্মের স্থানে এসেছি,—খার কেন বিরক্ত ক'রচ্ ? তুমি যাও।

টাহার। যাব কোথা বল' ? আমি নিতে এসেছি। তোমায় সঙ্গে নিয়ে তবে যাব।

দেলেরা। তুমি যাও ত যাও, তা না হলে আবার আমি তেমুনি হব। আমি তি তি ক'রে হাস্বে—যাও ব'ল'ছি।

টাহার। তোমার প্রেমের এমন বদকুচে হাসি কোথা পেনে বল' দেখি ? এ পিরাত ছাড়া পাসি যে, এর নাম ছেঁচড়া হাসি! একে কি বলে পিরাত ?

নেহার। ও পিরাতের পরদার রে মুখ্য!—ও পিরাতের পরদার!

টাহার। তোর সঙ্গে আমি কথা ক'চ্চি নি—খার সঙ্গে আমি কথা ক'চ্চি, সে কি বলে আসে ব্যুট। ওঃ—ওর গোণ দেখে যেন আমি প্রেম ক'চ্চি। উনি কথার উত্তর দিতে এলেন!



দেলেরা। তুমি কি কথায় বুঝবে যে, আমি তোমায়  
শ্রদ্ধা করি,—কি কথায় বুঝবে যে, তোমার স্পর্শ, অঙ্গার  
অপেক্ষা অমহ,—কি কথায় বুঝবে যে, তোমার দৃষ্টিতে আমার  
দেহ জ্বলে যায়,—কিসে বুঝবে যে, জীবন থাকতে আমি  
তোমার হব না? যাও, চলে যাও না যাও—আমি চ'ল'লম।  
[ দেলেরার প্রস্থান। ]

নেহার। এই ত পিরীত ছোরকুটে গেল!

টাহার। খুব ক'লে!—কিন্তু আমার প্রাণে যে প্রেমের  
তুফান তুলে দিলে, তার কি ক'লে? আমি বুঝেও বুঝি  
না যে, ও আমায় ভাল বাসে না।—বাবা! এগন চিঙ্গ  
আমি ছাড়বো, প্রাণ থাকতেও না। বিয়ে ক'রবোই  
ক'রবো। তার পর প্রেম করে—ভাল, নইলে বেটীকে ছু-  
পায়ে ঠেলবো। ওগো, কে হাত গুণ্তে জান'—বলত, কি  
ক'রে আমি দেলেরাকে পাব? যদি পাই, জোড়া বোকুরী  
তোমার দরগায় বলি দিয়ে যাব, এই মানত ক'চ্ছি।

( পরিয়ার প্রবেশ )

পরিয়া। একজন পাগল আছে—তার সঙ্গে দেলেরার  
বে দাও।

নেহার। হ্যা—হ্যা, আমি তাকে চিনি। সে পথে  
পথে এঁটো ভাত পেয়ে বেড়ায়, সে ভারি গরীব।

টাহার। ব'ল'ছিস্ ত',—সে ব্যাটা যদি না ছেড়ে  
খায়?

পরিয়া। তার মেয়েনাভুষের উপর ভারি ঘেমা।

টাহার। ও—দেলেরাকে দেখলে, ঘেমাপিত্তি সব  
ছোরকুটে যাবে।

নেহার। টাকায় সব হয় রে—টাকায় সব হয়।

টাহার। আচ্ছা আয়, যা থাকে কপালে—বাবাকে  
ব'লে অন্ধেক বিষয় বেচাব।—দেলেরাকে পাইয়ে দে, কত  
টাকা ছাড়তে বলিস্ বল্।

[ সকলের প্রস্থান। ]

## দ্বিতীয় গর্ভাঙ্ক

পথ

কাউলফ।

কাউ। না—ভোলবার কিছুতেই যো নেই, ভুলতে  
চাইনে,—ভুল'বো কেমন করে? জ'ল'তে চাই—জ'ল'চি!  
পাতার শব্দে মনে হয়—সে আস্চে, পবন বইলে মনে হয়  
—সে আস্চে, চোকের উপর—সেই ছবি! কাণে তার  
মধুর স্বর, পালাব কোথায়? আপনার কাছ থেকে কোথায়  
পালাব! সে আমার অন্তরে অন্তরে,—কবরে ভুল'বো  
কি না জানি নে!

( মির্জান ও ফকীরের প্রবেশ। )

মির্জান। (স্বগত) বাদসা হ'য়ে ফকীর হ'লম, তবুতো  
জালা গেল না!—এ দারুণ সন্দেহের হাত কি এড়াতে  
পারবো? এইত কাউলফ! এর সঙ্গে কথা ক'য়ে দেখি,  
এ কার জগে উন্নত হ'য়ে বেড়াচ্ছে! দেলেরার জগে  
কি?—না গোলেন্দামের জগে? এর সঙ্গে কথা ক'য়ে,  
এর মনের ভাব বুঝে দেখি। যদি সন্দেহের হাত এড়াতে  
পারি, তবেই আবার গোলেন্দামের সঙ্গে দেখা ক'রব, নচেৎ  
এ জীবনে ফকীরের বেশই আমার সাথী। ( প্রকাশ্যে )  
তুমি কে?

কাউ। তুমি কে?

মির্জান। দেখ'চো ফকীর!

কাউ। দেখ'চো ভিখারী!

মির্জান। তুমি কি কর?

কাউ। তুমি কি কর?

মির্জান। আমি সংসার দেখে বেড়াই।

কাউ। আমি আপ'নার মনের খোয়ার বেগে বেড়াই।

ফকীর। ( স্বগত ) ঠিক।

মির্জান। আচ্ছা তোমায় যদি ফেউ বড় লোক ক'রে  
দেয়, বড় লোকের ঘরে সাদি দিয়ে দেয়, রাজার আদরে  
থাক।—

কাউ। তা হ'লে কি করি জিজ্ঞাসা করুচ ? তিন সেলাম ঝেড়ে সরি।

মির্জান। কেন, এসব তুমি চাও না ?

কাউ। না—মনের খোয়ার দেখতে চাই।

মির্জান। এর চেয়ে আর কি খোয়ার দেখবে ? পথে পথে ভিক্ষা ক'রে খাচ্চ, আর খোয়ার কি হবে ?

কাউ। তুমি ফকীর, সংসার দেখ নাই ! সংসার হ'লে বুঝতে, যে আশায় আশা বাড়ে ;—যত খোয়ার হ'লে, খোয়ারের আশা তত বাড়ে।

ফকীর। ( স্বগত ) ঠিক।

মির্জান। তুমি কখন' প্রণয়ে প'ড়েচ ?

কাউ। তোমার কিছু আমার প্রতি দরদ দেখিচি যে ? কিছু দরদি ফকীর তুমি !—তা আশায় ছেড়ে যদি একটা মেয়ে মানুষকে দরদ জানাতে পার, তা হ'লে তোমার দুনিয়া দেখার সাধ মেটে। দেখে আর কি শিখবে, হাড়ে হাড়ে ঠেকে শিখে যাও। দুনিয়ায় নারী কেন এসেছে জান ? ( অশ্রুমনস্ক ভাবে ) আহা নারী ! সংসারে এসেছ—বেশ ক'রেচ ! তোমায় না পেলে সরতান কি ক'বে ভোলাত ? দোজকু কি ক'রে ভর্তি হ'ত ? খোদাকে ভুলে কে সংসার ক'রুত ? এসেছ—বেশ ক'রেচ, সংসার বেশ মাতিয়ে রেখেচ। সকলকে উন্মাদ ক'রেচ, তবে আমিই ধরা প'ড়েছি !

ফকীর। ( স্বগত ) ঠিক।

মির্জান। তোমার কথার আভায়ে অনুমান হয়, তুমি কুচরিত্রাকে প্রেম অর্পণ ক'রেছিলে, সেই জ্ঞানয় জ'ল'চ। হয় ত সেই কুটীলার প্রেমাকাজক্ষী হ'য়ে, কোন বন্ধুর নিকট বিশ্বাসঘাতক হ'য়েচ—সেই অমুতাপে দগ্ন হ'চ্চ। হয় ত কোন কুলে কলঙ্ক অর্পণ ক'রেচ, তাই তোমার এ দশা। নচেৎ এত অমুতাপ তোমার কেন ?—এ দশায়ও তোমার অমুতাপানল শীতল হ'চ্ছে না কেন ?

কাউ। হ্যা—হ্যা ঠিক বুঝেছ, ঠিক বুঝেছ। দংশেছে—দংশেছে—বুকের উপর দংশেছে ! মাতার নামে কলঙ্ক দিয়েছি, বন্ধুর মনে আঘাত দিয়েছি। ঘৃণা ক'রেচে, পায়ে ঠেলেচে, তার জন্ত দেশত্যাগী, পথের ভিখারী, তবু তারে ভুলিনি। ভুলতে চাইনি, জ'ল'তে চাই—জ'ল'তে চাই, বাঃ—বাঃ—কি খেলারে !—নারী ! নারী ! কি তোমার

চোখের খেলা ! কি তোমার কথার ছলা ! কি চাতুরীতেই তোমার গড়ন। যে বিদাতা তোমারে গ'ড়েচে, সে তোমারে এখন বুঝতে পারে কি না জানিনি। বাঃ—বাঃ—কি যাদু ! কি গোহিনী ! !

ফকীর। ( স্বগত ) ঠিক।

মির্জান। শোন, শোন,—মার নামে কলঙ্ক অর্পণ ক'রেছ কি ? সত্য বল, যে তোমায় মার জায় যত্ন ক'রেছে, তার প্রতি কি তোমায় ঘৃণিত দৃষ্টি প'ড়েছিল ? মদিয়ার ঝোঁকে তাকে কি তুমি হাটে-বাজারে কলঙ্কিনী বলে পরিচয় দিয়েছিলে ? সত্য বল, তবে কি তুমি এখনও ভালবাস ? তার ছবি নিয়ে কি তুমি উন্মাদ ?

কাউ। কি, কি, সে মাতৃছবি—সে দেবছবি—যদি আমি মনে স্থান দিতে পারতাম, দেবী সেবা, মাতৃসেবায় যদি রত থাকতাম, দেবার নিকট মিথ্যাবাদী হ'য়ে, দেবীকে প্রতারণা ক'রে—দেবার মানা অবহেলা ক'রে, যদি সেই কুটীলার নিকট না যেতাম, তা হ'লে কি আমার এ দশা হ'ত। কিন্তু তবু ভুলিনি, তবু ভুলে না, ভুলতে ইচ্ছাও নাই।

ফকীর। ( স্বগত ) ঠিক।

মির্জান। ( স্বগত ) নিশ্চয় এ ছুরাশয় চিনেছে আশায়।

ছলে চায় জন্মাতে প্রত্যয়—

মাতৃজ্ঞান করে গোলেন্দামে !

কিন্তু পুনঃ হয় সংশয় উদয়—

সত্য কিছু বুঝিতে না পারি।

আসিয়াছে মম অধিকার ত্যজি,

শোনে নাই গোলেন্দাম মিঃহাসনে ?

আছে তারি ধ্যানের,

তারি কোন তত্ত্ব নাহি রাখে ?

দারুণ সংশয় ! দারুণ সংশয় !

গোলেন্দামে যবে মনে হয়,

মুখ-ভাব হইলে উদয়—

সংশয় পলায় দূরে।

কিন্তু দারুণ কলঙ্ক !

কলঙ্ক,—কলঙ্কহান পুরে।

বেছেছে অহরে, আর না পরিব দেশে।

ফকীরী আমার, এ জীবনে মার—

কিন্তু কই ? তারেতো ভুলিতে নারি ।  
দিবস-শরীর অণু মনে আছি তাঁর ধ্যানে !  
সত্য কয় কাউলফ নিশ্চয়,—  
ভুলিবার নয়—ভুলিবার বৃথা আকিঞ্চন !

কাউ । কিহে, তোমারও যে ভাব লাগলো ! যদি  
চোট লেগে থাকে, ফকীর ক'রে ঘুরে-ফিরে জালা জুড়াবে  
না,—ও কথা আমার পরক্ষর জানা, ঃনিও পরিষ্কার  
জেনে নাও ।

মিজ্জান । তুমি যারে ভালবাস,—তা যদি ব'লতে পারি ?

কাউ । পার—পারবে । আমার তাতে আর বেশী  
কি ক'বে বল ? আমার মনকে কামড়ে বসে আছে,  
আমি ত জানি ! তোমার বলয় আর কি ক'বে বাড়বে ?

ফকীর । ( স্বগত ) ঠিক ।

মিজ্জান । তুমি দেলেরাকে ভালবাস ?

কাউ । আরও কিছু বুজুককা তোমার থাকে, জাহির  
করে চ'লে যাও ।

মিজ্জান । তবে কি তুমি তারে ভাল বাস না ?

কাউ । কি করি—আমি তা জানিনে, কিন্তু জলি যে,  
তাই জানি । এর নাম যা হয় তাই ।

ফকীর । ( স্বগত ) ঠিক ।

মিজ্জান । ( স্বগত ) না ঠিক হল না, বুঝতে পারলেম  
না । যদি দেলেরাকে ভালবাসতো—তার নাম শুনে অহির  
হ'ত, আমার কাছে তার সংবাদ জানতে চাইতো । না—  
মিছে কেন মনের যাতনা বাড়াই ? মাজ্জনা ক'রেছি—বধ  
ক'বো না । গোলেন্দামের ছবি এর অন্তরে র'য়েছে !

কাউ । ভেবে কিছু ঠিক করা যায় না চাদ ! ভেবে  
কিছু ঠিক হবে না ! থাই পাবে না—থাই পাবে না !  
আমিও চের ভেবেছি, জুড়'তে যদি চাও, জুড়'বার ওষুধ  
কোথায় পাও দেখ, আমার কাছে নাই—থাবলে তোমায়  
দিতেম ।

ফকীর । ( স্বগত ) ঠিক ।

মিজ্জান । শোন, শোন—আমি সব বুঝেছি, গোলেন্দাম  
তোমার প্রণয়ের পাত্রী ।

কাউ । কি—কি বলি ছুরাচার ! কে তুই ?—ফকীর,  
তুমি যে হও, তোমার মুখে এক পবিত্র মূর্তি অঙ্কিত, তাইতে  
তুমি এমন কথা মুখে এনে আমার কাছে নিস্তার পেলে !

নতুবা যম হ'লেও তোমার নিস্তার ছিল না । গোলেন্দাম  
আমার মা । ফকীর ! তুমি এমন কথা মুখে এনো না ।  
ফকীর । কেন, তুমি কি ক'রতে ? আমরা দু'জনে  
—তুমি একা কি ক'রতে ?

কাউ । বৃথা দর্পে নাহি প্রয়োজন,

ছিল দিন, অশ্বের বান্ধানা বাজিত শব্দে—  
একতান বন্ধ-পানি জিনি ।

তোমা সম শত জনে

রোধিতে নারিত অঙ্গ মম ।

যাও চ'লে মঙ্গল-কামনা যদি থাকে,

উন্মাদে ক'রোনা উত্তেজনা ।

অনেক মহেছি,

শব্দ-দেবে কেন আর কর অঙ্গাঘাত ?

দেবমূর্তি অঙ্কিত বদনে তব !—

ছিল মূর্তি আরাধ্য দেবতা,

সেই হেতু পেয়েছ নিস্তার !

নাহি হয় সেদিন আমার,

আরাধ্য দেবতা প্রতিকূল ।

[ কাউলফের প্রস্থান ।

মিজ্জান । ফকীর ! তুমি ওর কথা শুন্লে ?

ফকীর । সমস্তই শুনেছি ।

মিজ্জান । তোমার কি বোধ হয়, প্রতারণা ক'রলে ?

ফকীর । দুঃখের ভয়ে লোক প্রতারণা করে । লজ্জার  
ভয়, প্রাণের ভয়, মানের ভয়ে,—লোক প্রতারণা করে । এ  
ব্যক্তি যে ভয়ের বাহিরে গিয়েছে, এর মনে আশার ছায়াও  
নাই ।

মিজ্জান । আচ্ছা, তুমি কি সংসার দেখলে ?

ফকীর । আমি কিছু নতন দেখলেম না । কি ফকীর,  
কি সংসারী—সকলকেই শিকলী বেঁধে ঘোরাচ্ছে । কারও  
লোহার শিকলী, কারও সোনার শিকলী । শিকলী বাঁধা  
উভয়েই ।

মিজ্জান । আমি ত দেখছি সমস্তই প্রতারণা ।

ফকীর । যদি নিশ্চয় জেনে থাকেন, সমস্তই প্রতারণা ;  
যদি বুঝে থাকেন, আপনার মন আপনার সঙ্গে প্রতারণা  
করেনি, সকল কথা স্বরূপ বুঝিয়েছে, যদি নিরপেক্ষ হ'য়ে

দেখে থাকেন—সকলই ছল, দৃষ্টির উপর সন্দেহের ছায়া পড়েনি, তাহ'লে আপনার সংসার দেখা হ'য়েছে, আর মৃতন কি দেখবেন ?

মির্জান। যদি দেলেরার সঙ্গে এরে একত্রে দেখতে পাই, তা হ'লে এর মনোভাব বুঝতে পারি। এক দিন সায়ের খাঁর গৃহে অতিথি হ'য়ে শুনেছি, যে দেলেরা এইখানে আছে। যদি দেলেরার সঙ্গে কাউলফের সাক্ষাৎ হয়, তা হ'লে বুঝতে পারি—কাউলফ কার প্রেমাসক্ত ? কিন্তু তাতে কি সন্দেহের হাত হ'তে মুক্তি পাব ? দেখি, দেলেরার সঙ্গে যাতে এর সাক্ষাৎ হয়, সেই চেষ্টা করি।

ফকীর। আপনার বেরূপ অভিরুচি। এখন কোথায় যেতে চান ?

মির্জান। কোথাও না!—দূর হোক আর জোটা-জোট ক'রে কি হবে ? এ গোলেন্দামেরই অনুরক্ত নিশ্চয় বুঝেছি। বধ ক'রবো না—বধ ক'রবো না—প্রতিজ্ঞা ক'রেছি—বধ ক'রবো না—পিতার আজ্ঞা লঙ্ঘন ক'রবো না।—জ'লবো—জ'লবো!—জ্বালার হাতে তো নিস্তার নেই। তবে পিতৃ-আজ্ঞা লঙ্ঘন ক'রে কেন মহাপাতকী হব ! মার্জনা ক'রেছি—মার্জনা ক'রেছি। ( ফকীরের প্রতি ) আপনি কোথায় যেতে বলেন ? কোথায় যাবেন ?

ফকীর। আপনার সঙ্গে আমি এসেছি। আপনি যথায় যাবেন, আমি সেখানে যাব। যাওয়া-আসা ঠিকানা ক'রে ফকিরী নিই নি।

( ফকীরের গীত )

লাগা রহে মেরি মন,  
পরম ধন কি মিলে বিন্ যতন।  
যাহা ভাসাওয়ে হ'য়াই ভাসকে চলনা,  
কব অধিয়া উঠে, উস্কা কা ঠিকানা,  
মগন রহেকে আপনা সামালনা—  
হরদম উসিপর, নজর ফেগনা,  
ওহি হায় দোস্ত আওব কাহা মিলে কোন।  
ওহি আপনা, সব্ ভি বেগানা,  
সমজ্ লেনা কো আপন, এক হায় উও পরম ধন।

[ উভয়ের প্রস্থান। ]

## তৃতীয় গর্ভাঙ্ক

ভোরণ-সম্মুখ

কাউলফ।

কাউ। একি ! আমি কি দেখ্চি ? একি স্বপ্ন ? সেই সব,—তায়াই সব ! কিন্তু উল্টে গেছে—উল্টে গেছে। সেই বাদসার চেহারা, কিন্তু ফকীরের মুখে।—উল্টে গেছে, উল্টে গেছে। কি ওলট্-পালট্ খাওয়াচ্ছে বাবা ! সেই বেগমের স্বর, কিন্তু রাজপুরে নয়—মোসাফের থানায়। বাঃ—বাঃ কি ওলট্-পালট্ ! সেই দেলেরার কথা, সেই কথাই চারি দিকে। তার কথা এক দিন শুনেছিলেম। সে এমন রাস্তায় না—সে এমন রাস্তায় না। সকলই ওলট্-পালট্ ! সকলই ওলট্-পালট্ খেয়েছে—খাড়া থাকি কেমন ক'রে ! কি করি ?—দেখ চি, ছুনিয়ায় ঐ ভাবনার চাইতে আর ভাবনা নেই। কি করি কি করি ? দেলেরাকেই ভাবি। ভাব্চি আর ভাব্বো কি ?—দেলেরায় ডুবে আছি !

( টাহার ও নেহারের প্রবেশ )

নেহার। আমি ঐ পাগ্‌লার কথা ব'লেছিলেম। এ বেটা বে' ক'রে ছেড়ে যেতে পারে। আর শুনেছিম্ ত'—এর মেয়ে মাতুষের উপর ভারি ঘেন্না। ও টাহার জন্তে বে' ক'রবে, তার পর বল্চি—নিশ্চয় ছেড়ে পালাবে। তা হ'লেই তোর কাজ হবে। কাজিই ছকুম দিয়েছে তো, একজন বে' ক'রে ছেড়ে গেলে, তুই বে' ক'রতে পারবি।

টাহার। কাজিত সোজা ছকুম দিয়েছে। এখন দেলেরাকে বে' ক'রে ছেড়ে যায় কে ? ঐ পাগ্‌লাটার কথা বল্চিস্ ? ও এক রকমের পাগল আছে,—দেলেরাকে দেখে আর এক রকমের পাগল হবে।

নেহার। আচ্ছা, দেখাই যাক না কেন।

টাহার। আচ্ছা, দেখ্ তুই। আচ্ছা, সত্যি বল দেখি, তারে ছাড়া সোজা ?

নেহার। তা বটে ভাল, বেটীর চেহারা বড় জ্বর।

টাহার। এই বোঝ, তা নইলে বাবা ব'লেছিল, নেহারের সঙ্গে বে' দিই, নেহার ত্যাগ করুক। আমি ব'ল্‌লুম, “বাবা, কেন বন্ধ বিচ্ছদ ক'রবে, নেহারের এবারও সাধ্য নেই, ছেড়ে যায়।”

নেহার। আচ্ছা, বেটা সত্যি পেত্নী নয় তো? আমার ভয় হয়, মানুষের অনন্য রূপ হয়?

টাহার। পেত্নী হোক, জিনি হোক, আর যেই হোক,—পেত্নী হয়, না হয় ঘাড় ভাঙবে। কিন্তু আমি প্রাণ থাকতে ছাড়তে পারবো না, তোকে পরিষ্কার ব'ল্‌লুম।

নেহার। আচ্ছা, দেখিনা পাগলা বেটা রাজী হয় কি না?

টাহার। দেখতে চাস—দেখ। যদি রাজী হয়, কিন্তু বে' দিতে হবে অন্ধকারে, বেটীর চেহারা দেখতে দেওয়া হবে না।

নেহার। ওরে ও পাগলা! ও পাগলা! শোন না!

কাউ। তুমিত পাগল নও ঠিক জান! সবাই পাগল! যে মেয়ে মানুষের সংশ্রবে থাকে, সেই পাগল, যে মেয়ে মানুষ দেখেছে, এক দিক দিয়ে না একদিক দিয়ে, তার ঘাড়ে পাগলামো চেগেছে। কেউ পিরীতে পাগল, নয় পিরীতের গরল খেয়ে পাগল, পাগল হ'তেই হ'বে বাবা! জিনিষের গুণ যাবে কোথা? পাগলামি কারও বাপেও এড়ায় নি, নইলে আজীবন খেটে এক মাগীর পায়ে সর্ব্ব্ব চলে যাবে কেন?

টাহার। ওরে নেহার, এ ব্যাটা পিরীতের চাঁও! ও ব্যাটা, বেটীকে দেখলে ছেড়ে যাবে না।

কাউ। ছেড়ে যাবো, কাকে ছেড়ে যাব? প্রাণ ছাড়তে প্রস্তুত আছি, তবু তাকে ছাড়তে পারব না। নাও, নাও, আমি বুক পেতে আছি, ছুরী মেরে আমার প্রাণ নাও, তাকে ভুলিয়ে দাও, তবে তোমায় দোস্ত জানবো।

টাহার। ওরে নেহার, দেখ্‌ছিস কি?—ওর দোস্তির যে তুফান, বেটা প্রাণ ছাড়বে, তবু তাকে ছাড়বে না।

কাউ। না—না, কেন ছাড়বো? জালায় যে স্থখ আছে, সে যে জ্বলেছে, সেই জানে। তারে ভেবে স্থখ, তার কথা ক'য়ে স্থখ, তার আশায় স্থখ, সে মুখ অন্তরে আঁকা, একে ছাড়বে? কেন ছাড়বে, এ জালাই যে তার জীবন!

টাহার। ও নেহার! এ ব্যাটা তাকে দেখেছে, নইলে এমন ধ্বংসন ক্ষেপে? আমার আশা আছে, এ ব্যাটা নিরাশ হ'য়ে অমন ক'চ্ছে।

নেহার। আচ্ছা দেখিনা কেন, আমরা ত পরামর্শই ক'রেছি, অন্ধকারে বে দেবো, দেখা শোনা হবে না তো।

টাহার। নেই দেখলে,—কথা শু'নবে, ফুলের মত গায়ে হাত দেবে—গায়ের খোসবো! শু'কবে। আমি তোরে দিকি ক'রে ব'ল্‌চি, নিশ্চয় তাকে দেখেছে।

কাউ। দেখেছি! তাকে দেখলে ভোল্‌বার যো নেই,—তার কথা শু'লে ভোল্‌বার যো নেই,—তার গন্ধ শু'লে ভোল্‌বার যো নেই,—তার নিশ্বাস লাগলে ভোল্‌বার যো নেই।

টাহার। তুই যা ব্যাটা, তুই দূর হ' ব্যাটা, তাকে দেখেচিস ব্যাটা! বে করা তোর কর্ম নয় ব্যাটা, আমাকে মজাতে এ স'ছিস ব্যাটা,—পাগলামি ক'রবার আর যাযগা পাস্‌নি? এ সহর ছেড়ে যা ব্যাটা, আমার বকুতে হুড়ো দিতে এসেচিস ব্যাটা! ওরে নেহার, স'রে আয়, ব্যাটা সন্ধান পেলে সিঁদ কাটবে। ব্যাটা দাগা পেয়ে ভারি দাগাবাজ হ'য়েছে, আমি বুকুতে পেরেছি।

কাউ। এই যে, তুমিও পাগল দেখতে পাচ্চি। কি মোহিনী! অদ্ভুত মোহিনী!—দেখে, শুনে, ঠেকে, জেনে, কিছুতে বোঝা যায় না!—প্রাণ ছেয়ে রেখেছে। রাগের মুখ মনে পড়ে, হাসির মুখ মনে পড়ে, ঘৃণা মনে পড়ে আদর মনে পড়ে, সকলেতেই মোহিনী—সকলেতেই মোহিনী! খুব খেলা—খুব খেলা! সকলেই ওলট পালট খাচ্ছে—সকলেই ওলট-পালট খাচ্ছে! তবে আমি ধরা প'ড়েছি—এই লোকে পাগল বলে।

টাহার। দেখেচিস—খুব ক'রেচিস ব্যাটা, চ'লে যা ব্যাটা, তোর মত পাগলামো আনিও ক'রতে পারি ব্যাটা, তবেই ব্যাটা! নেহার—তুই ব্যাটার ব্যাটা, যদি ওর সঙ্গে কথা ক'স!—ও দাগাবাজ ব্যাটা—বাটপাড় ব্যাটা—খুন খারাপি ক'রবে ব্যাটা। ব্যাটা ঠিক দেখেছে,—চ'লে আয়, চ'লে আয়।

[ নেহারকে টানিয়া লইয়া গ্রন্থান।

( বালকবেশে পরিয়ার প্রবেশ )

পরিয়া। শু'তে পাই, রাতার-কেলা অন্ন কুড়িয়ে খাও,

তোমায় গৃহে অতিথি হ'তে ব'লে, হওনা ! মঠে মঠধারীরা, সরাইয়ে সরাইয়ের অধ্যক্ষেরা, তোমায় যত্নে রাখবার চেষ্টা করে। স্থখে থাকলে থাকতে পার, পথে-পথে কেন ঘুরে বেড়াও ?

কাউ। খুসী, তার উপর কথা আছে ? জবাব ত পেলে, চ'লে যাও।

পরিয়। আর আমি যদি তোমার সঙ্গে থাকি ?

কাউ। তা হ'তে পারে, তোমার দুস্মনের মত চেহারা বটে। তোমার নারীর মত অবয়ব, নারীর মত কথা, নারীর মত ধরণ-ধারণ!—তবে বাবা, আর নকলে কি ক'রবে বেশী ? জাত সাপে চুটিয়েচে, তোমার বিষে আর কিছু হবে না !

পরিয়। তবে তোমার সঙ্গে রইলুম।

কাউ। কেন, তোমার মতলবটা কি শুনি ? মড়ার উপর খাঁড়ার ঘা চলে না, তা কি তুমি জান না ? তুমি ত একটা নাচাবার মত বাদর খুঁজ'চো ? কার জন্তে খুঁজ'চো জানিনি। তা এখানে কেন, আর কোথাও যাও, আমি ত অষ্টপ্রহর নাচ'চি, আমায় আর কি নাচাবে বল ? কিন্তু দেখা ছোকরা, সামলে চ'লো—তোমায় কেউ না দড়ি ধ'রে নাচায়।

পরিয়। বিষে বিষক্ষয় হয় তা জান ?

কাউ। হ'তে পারে বাবা, কিন্তু সে এ বিষ নয়। আদত টিপ্ ছোবল, এ ছোবলের বিষ কি ওঠে ? কে কত ছোব্লাবে !

পরিয়। আচ্ছা, আমি যদি তোমার বিষ তুলে দিতে পারি ?

কাউ। তুমি যদি আস্মানে ওড়াতে পার, বল ? তুমি যদি বল, চাঁদ চিবুতে পারি,—তুমি যদি বল, তারা খাও,—তুমি যদি বল, মেয়ে মানুষকে সরল ক'রতে পার,—আমার তো বিশ্বাস জন্মাবে না চাঁদ !

পরিয়। আচ্ছা, তুমি দেখই না কেন ?

কাউ। এই ত ছ'চোক্ চেয়ে আছি, কি দেখাবে দেখাও।

পরিয়। তুমি বে ক'রবে ?

কাউ। ধর' ক'লেম, তার পর ?

পরিয়। যদি বে করো তো ধারে চাও—তারে পাও।

কাউ। হা—হা—আবার বেইমানের বেইমান হই, আবার বাদমার প্রাণে তলোয়ারের চোট দিই ! দেশত্যাগী হ'য়েচি, এইবার জমিন ছেড়ে যাই ! ও সব মখে এস্তফা দিয়েছি চাঁদ,—তুমি পথ দেখ।

পরিয়। আমি তোমার বে দেওয়াব।

কাউ। পার—ভাল, আমার বাপের কাজ ক'রবে।

পরিয়। আচ্ছা, কেন ঘুরে ঘুরে বেড়াও ? টাকা পাবে,—রাস্তায় ঘুরে বেড়াচ্চ,—অটালিকায় থাকবে, মাগ্ন-গণ্য হবে।

কাউ। আর ও খেলা, যদি খেলে এসে থাকি ছোকরা ? মাগ্ন-গণ্য ছিলাম, রাজার দোস্ত ছিলাম, অটালিকায় বেড়াতেম, ফল হ'য়েছে কি জান ?—বে মার মতন আমায় যত্ন ক'রতো, তার নামে কলঙ্ক দিয়েছি,—অন্নদাতা রাজার প্রাণে গরল ঢেলে দিয়ে এসেছি,—বন্ধুর প্রাণে বাথা দিয়েছি, সে সন্ধু আর নেই ! কে জানে—তোমায় এত কথা কেন ব'ল'চি ? যদি দরদ ক'রে এসে থাক, চ'লে যাও। আমায় দরদ ক'রে কি ক'রবে ?—আমি দরদের বা'র।

পরিয়। আমার একটা উপকার কর।

কাউ। কি, বে ক'রে ?

পরিয়। হা।

কাউ। আচ্ছা, কার সঙ্গে বে দেবে—নিয়ে এস, আমি দাঁড়িয়ে আছি।

পরিয়। আচ্ছা, বে ক'রে কি ক'রবে ?

কাউ। তুমি ব'লে দাও, তুমি কি ক'রতে বল, শুনি ? আমার কাজ শুধু বর হওয়া—বাকী কাজ তোমার।

পরিয়। আচ্ছা, তুমি স্বীকার পাও—অন্ধকারে বে ক'রবে।

কাউ। আমার আর আলো-আঁপার কি চাঁদ।

পরিয়। আচ্ছা, বে ক'রে—তার পরদিন তাকে ছেড়ে চ'লে যাবে ?

কাউ। যদি পাল্লায় না পড়ি।

পরিয়। পাল্লায় না পড় কি ?

কাউ। ও একটা আছে, ছোকরা ! যদি ঠেক' তো শিখবে। এখন তোমায় ব'ল'চি, ছেড়ে চ'লে আসবো,—পারি না পারি, সে আমার হাত নয়।

পরিয়। আমি মনে ক'রেছিলাম, তুমি প্রেমিক,—

একের ধ্যানেরই আছি, আর কেউ তোমার মন হরণ ক'রতে পারে না।

কাউ। ছোকরা, তুমি জান না,—তুমি মেয়েমানুষকে চেন না, ওরা অঘটন ঘটতে পারে। সে যদি এসে দাঁড়ায়, আমার পাগলাম এক তুড়িতে চ'লে যায়। সে আমায় ছাড়েনি, সে আমার সঙ্গে আছে; কি জানি—ক'নে হ'য়ে যদি গ্রেপ্তার করে! একবার ছু'লেছে, আবার যদি ছো'লায়?

পরিয়া। আচ্ছা, তারে যদি তুমি পাও, তারে কি তুমি নাও না? তুমি যেমন জ'ল'চো, সে যদি তোমার জন্তে তেমনি জলে,—তা হ'লে তুমি কি সাহসনা কর না? যদি একবার অপরাধ ক'রে থাকে, তার কি মার্জনা নেই?

কাউ। তুমি কি ব'ল'চো ভাই জানিনে,—অত বুঝতেও চাইনে। বে ক'রতে ব'ল'চো—রাজী আছি। ছাড়তে পারি ছাড়'বো, নইলে এখনও যে দশা—তখনও সেই দশা! কিন্তু তোমার কথায় আমার আশা বাড়'চে,—আমি আশা ধ'রেই আছি। বে ক'রে ছাড়তে পারি ছাড়'বো, না পারি—আমি কি ক'র'বো, আমার ত হাত নেই।

পরিয়া। তোমার কোথায় দেখা পাব?

কাউ। এই যেখানে দেখা পেয়েছ।

পরিয়া। একটা গান শুনবে?

কাউ। সে তোমার রূপা,—আমি ত গাইবো না।

(পরিয়ার গীত)

যে জন যারে চায়, সেই ত তারে পায়।

হাওয়া ধরে নইলে কেন ফেরে ছুনিয়ায়।

ছুনিয়া সখের শুনতে পাই, যদি না পাই যারে চাই,

কিসের মিছে ছুনিয়াদারি কেন ঘুরি ছাই!

তাত না সখের ছুনিয়া,

সখের জিনিষ মিল'বে সখে, পেছ'পা হ'রোনা,

সাগর থেকে মাণিক নিতে, তুফান দেখে কে ডরায়,

সখের ছুনিয়ায় তার কি সখ পোষায়।

কাউ। ছোকরা, তুমি আজও পাগল হওনি কেন বল দেখি?

পরিয়া। পাগল হইনি কি ক'রে জানলে? পাগল না হ'লে তোমার সঙ্গে কথা কই?

কাউ। আচ্ছা, তোমার দেখে শেখা কথা, না ঠেকে শেখা কথা?

পরিয়া। আমি দেখেও শিখেছি, ঠেকেও শিখেছি। শিখেছি কি জান?—পরকে দিয়ে সুখ, পরের সুখে সুখ। আপনার সুখের প্রত্যাশা ক'রলে, অনেক দুঃখ পেতে হয়।

কাউ। ছোকরা, তোমার কথা আমি শুনবো। যদি আমায় তোমার দরকার হয়, মোসাকেরখানায় আমার দেখা পাবে। তোমার কথা শুনতে আমার বড় সখ হ'য়েছে,—তোমার কাছে কিছু শেখ'বার সখ হ'য়েছে। এমন ছুনিয়া যদি তুমি দেখে থাক,—তুমি ছোকরা, বহুৎ আচ্ছা ছেলে! এই ওলট-পালটের মাঝে তুমিই একমাত্র খাড়া আছি। আর সব ওলট-পালট খাচ্ছে—আর সব ওলট-পালট খাচ্ছে!

[ উভয়ের প্রস্থান। ]

## চতুর্থ গর্ভাঙ্ক

সানিয়ার বাটীর সম্মুখস্থ উদ্যান

টাহার ও নেহার।

নেহার। তোমার সঙ্গে ত' ঘুরে ঘুরে আমি হায়রান হ'লেম। তোমার এক ছটাক সরাপের মায়া আমায় ছাড়তে হ'লো! তোমার দোস্তিতে তো খুব নাকাল হ'লুম। দুটো একটা কাঁচা পাকা মুখ দেখা যায়, এই খাতিরে ঘুরি; তা না হ'লে তুই যে নছার--তোমার সঙ্গে আমি এক দণ্ড থাকতেম না।

টাহার। চল'না—দুটো কাঁচা-পাকা মুখই তো দেখাতে এনেছি। এই বাড়ীতে দেলেরা বেটীর সখীদের বাবা রেখে দিয়েছে। একত্রে থাকতে দেয়নি, পাছে কুমন্ত্র ফোঁকে। চল'না—খানিক ইয়ারকি দিয়ে আসি।

নেহার। সেই সিঁদুর-মাখা বুড়ো ইয়ার আছে?

টাহার। তা থাকলেই বা—ভয় কি? সে বড় ইয়ার।

নেহার। আমার ভয় নেই। বেটীকে দেখলে তোর পিরীতের পাখনা ঝরে যাবে!

টাহার। নে—নে, ত্রাকুরা করিস্ নি; সে তো আর সত্যি পেত্নী নয়।

নেহার। পেত্নীর কি আর ল্যাজ বেরায়? তুই রোজা ডাক, ওয় জোড়া পেত্নী যদি কোন ব্যাটা বাঁর কর্তে পারে, আমি তোর হাতের ছুঁশো জুতো খেয়ে বাঁর হব।

টাহার। চল্‌না, খানিক মজা ক'রে আসি।

নেহার। মজা ভেট্‌কে উঠবে!—তোর মংলব খানা কি?

টাহার। ওরে তুই শুনেছিস্ ত, সেই পাগলা ব্যাটার সঙ্গে বাবা দেলেরার বে দেবেই। কিন্তু আমার ধোঁকা হচ্ছে—ব্যাটা যে পিরীতের চাঁও, ব্যাটা একবার কাছে বসে গায়ে হাত দিলেই আর স'র্বে না, যদি না সরে—এই বেটীদের ছেড়ে দিলেই বাপ্ বাপ্ ক'রে পালাতে পথ পাবে না!

নেহার। ই্যা, তুই একটা মংলববাজ বটে। ছুঁশ চাবুকে যা না হ'তো, ঐ বুড়ী বেটীকে ছেড়ে দিলেই তাই হবে! সেই রকম বাঁপা প'র্বেতে বলিস্।

টাহার। তুই যাচ্চিস্ যে?

নেহার। আমি বেটীদের সামনে কিছু দোঁকা খাই চাঁদ! আমার ইয়ারকি বেস্কতেলোয় উঠবে। বেটীরে যদি আবার ছুঁকার দিয়ে বলে যে, ধোড়া হ',—আমি ছুঁড়ি খেয়ে প'ড়ে চার পায়ে ছুট্‌বো।

টাহার। আরে না—না, এখন কত খাতির জানিস্?

নেহার। আচ্ছা, তোর খোয়ারটাও দেখি! তোর সঙ্গে আমারও খোয়ার আছে।

টাহার। (দরজায় আঘাত করিয়া) সানিয়া—সানিয়া!

সানিয়া। (নেপথ্যে) কে গা—দোর ঠেলাঠেলি করে?

নেহার। ঐ শোন, তুই মস্ত শিখেছিস্, এক ফুঁয়েই নাবিগেছিস্।

টাহার। আমি টাহার।

সানিয়া। (নেপথ্যে) কে টাহার সাহেব! আসুন—আসুন! কি ভাগ্যি! তা আমি সেজেগুজে বের'বো, না অমনি বের'বো?

নেহার। তুমি অমনি বেরিয়ে পড় চাঁদ! অম্নিতেই আত্কে উঠ'বো এখন!

(সানিয়ার দ্বার-উদঘাটন ও প্রবেশ)

নেহার। (টাহারকে অগ্রসর করিয়া দিয়া) টাহার, সামাল।

টাহার। দেখ' সানিয়া, তোমায় একটা উপকার ক'র্বেতে হবে। এক ব্যাটাকে ভয় দেখাতে হবে।

সানিয়া। ওমা! কুলনারী, ভয় দেখাব কেমন ক'রে গো?

নেহার। প্রেম ক'রে গো—প্রেম ক'বে! সেই যেমন—সেই বাঁপা প'রে, গালে সিঁচুর মেখে, আমাদের তাড়া লাগিয়েছিলে! তার আধা-আমি রকমের প্রেমের তুফানেই কাজ হবে।

টাহার। এ কাজটা তোমায় ক'র্বেতেই হবে।

সানিয়া। তবে সব সখীদের ডাকি, তারা কি মত ধরে।

নেহার। আর ডাকাডাকিতে কাজ নেই, তারা তোমার বনেয়া—খুব মজবুত আছে! আমরা যে দেখ'ছ' মেড়াকান্ত, তার উপর মেড়াকান্ত সে ব্যাটা,—সে ব্যাটা আবার পাগল!

সানিয়া। না—না, আমায় সবাইকে ডাকতে হবে। ওলো—আয়না লো—আয়!—টাহার ম'শায় কি বল'চেন শোন।

(সখিগণের প্রবেশ ও গীত)

এই এলুম চ'লে, হিলুম সবাই এদিক ওদিকে।

কেউ ধ'রেছি সাপের ছানা, কেউ পুষেছি টিক্‌টিকে।

ওড়ে আরশোলা, দেখি ছ'বেলা, প্রাণসই হইলো উত্তলা,

ক'রেছে ঝালা-পালা, ব'ল'ব কি তোকে।

কেলে হলো বাড়ায় মুলো চিক্‌ চিকে,

ওম্নি চোক ঘুরিয়ে হাসি সখি, ফিক্‌ ফিকে ॥

নেহার। দেখ, এমনি টিক্‌টিকে পুষে জেকে জুঁকে এলেই—বাস্—প্রেমের চূড়স্ত হ'য়ে যাবে। টাহার, তুই খুব মতলববাজ!

সানিয়া। কি হ'য়েছে লো, কি হ'য়েছে শুনি? টাহার গুণমণি, অনেকদিন দেখিনি তোমার চন্দ্রবদন খানি।



নেহার। সে ভালই ক'রেছ—সে ভালই ক'রেছ;—  
এখন কথাটা কি শোন না।

মানিয়া। ওলো, আগাদের আবার প্রেম ক'রতে হবে।

মানিয়া। সই—সই! প্রেম না ক'রে আর ঝাচি  
কই? এস টাহার শশি, তোমার বৃকের উপর বসি।

নেহার। টাহার!—আনি চ'ল্লুম—আমার খুসী।  
বেটা বৃকে ব'সতে চায় শুন্ডি?

মানিয়া। সাধে ব'সতে চাই? প্রেমের জ্বালায় ব'সতে  
চাই—পিরীতে আই-চাই খাই।

টাহার। ওগো, এখন না—এখন না, কাল সকালে  
আই-চাই খেও, যত পার প্রেম ক'রো। সে বেটা আমার  
চেয়েও বোকা। বেটাকে যদি তাড়াতে পার, এক এক  
ছড়া হার—এক এক জনকে দেব।

(মথিগণের গীত)

যদি প্রেম ক'রতে বল প্রেম করি।

মনে হায় হয়গো সদাই, খাড়াটা তার চেপে ধরি ॥

যদি কেউ চার পায়ে হাঁটে,

বুঝ'বো রসিক সে বটে,

দেখি কে প্রেমিক পুরুষ—

চট-পটে, গট-গটে, কট-কটে,

যে অষ্টরঙ্গা আড়ে গেলে খুব সেটে,—

আমরি, নাগরী, তার তরে, প্রাণ সরে, ক'রে ফেলি ঝুঁমারি,

পারি ত ভেড়ে ধরি, নয় সারি ॥

মানিয়া। এস—তোমরা কে প্রেম ক'রবে এস!

নেহার। সে আজ না—কাল, সে আজ না—কাল।

কাল খুব প্রেম হবে—কাল খুব প্রেম হবে।

টাহার। দেখ'মানিয়া, কথা রইল, এমনি ক'রলেই  
হবে আর কি! তুমি মানিয়া ছেড়ে দিলেই কিন্তু মাত্  
ক'রবে।

নেহার। মানিয়া, যদি এই চং-চাং গুলো ছাড়, তোমার  
চোকে কতক লজ্জা ত আছে; আমায় আধ গ্রেপ্তার ক'রেছ  
কিন্তু তোমার আচরণে তো ঘেঁস্বার যো নেই বাবা! নইলে  
নিরিবিলি দুটো কথা ব'ল'তুম।

টাহার। এই তো দেখ'ছি তোমার কতক পিরীত  
হয়েছে?!

নেহার। পিরীত হয়, কিন্তু ওর আচরণে যে পিরীত  
ইস্তুফা দিয়ে যায়।

টাহার। মানিয়া—মানিয়া, তবে কথা রইলো।

মানিয়া। হ্যাঁ—তা—যা—ব'ল'ছেন।

[ টাহার ও নেহারের প্রস্থান।

মানিয়া। ওলো, তোমার বরাত ফিরেছে, তোমার উপর  
নেহার ছোড়ার চোক প'ড়েছে।

মানিয়া। আমিও ত ওকে চাই, মনের সাথে রাত দিন  
নাচাই।

মানিয়া। কিন্তু দেখ, এদিকে সর্বনাশ—দেলেরার বর  
জুটেছে! টাহার লোভে সে বে' ক'রে ছেড়ে যাবে, আর  
টাহারের সঙ্গে জোর ক'রে বে' দেবে,—তাহ'লে দেলেরা  
বাচবে না। একজন উদাসিনী এসেছেন, আজ রাত্রে আমরা  
তঁার কাছে যাব; তিনি যদি কোন উপায় ক'রতে পারেন ত  
হয়। শুনেছি, তিনি অনেকের ভাল ক'রেছেন।

[ মানিয়া ব্যতীত সকলের প্রস্থান।

(মানিয়ার গীত)

সাদা কথা ব'ল'বি মন আমায়?

এই বাঁদরটাকে প্রাণটা কিসে চায়!

মনের খেলা বোঝা ভার,

নারীর মনের খুব বেশী বাহার,

নারী কখন কিসে কার,

সে তো মন জানে না তার,

কেউ সিংহী পোষে শিকলি বেধে,

বাঁদর নিয়ে কেউ নাচায়।

## পঞ্চম গর্ভাঙ্ক

দরদালান

সায়েদ খাঁ ও টাহার।

টাহার। খবরদার, একদম আলো না থাকে। বাবা, তোমার লোককে সব সতর্ক ক'রে দাও, নইলে খুন-খারাপি হবে। ঐ বর ব্যাটার খানা-তল্লাসি করাও—চক্‌মকি-টক্‌মকি কাছে না রাখে।

সায়েদ। আরে নে—নে, অমন ক'চ্চিস্ কেন ?

টাহার। তুমি বোঝ না বাবা, ও চক্‌মকির আলোতে বেটীকে দেখলে—ও পাগ্‌লার মুণ্ডু ধুরে যাবে বাবা ! তোমায় বাবা বলে তাই কিছু বলিনি,—তুমি তার সঙ্গে যে রকম কথা কও, আর কেউ ও রকম কথা কইলে, তার মাথা ভেঙ্গে দিতুম। আমার প্রাণে সয়না বাবা—আমার প্রাণে সয়না বাবা ! কাজি সাহেবের পায়ে ধ'রে এই বাসর ঘরটা মোকুব ক'রে দাও। ওঃ—ভোর রাত বেটা কাছে ব'সে থাকবে, ব্যাটা বেটার গায়ে হাত দিলেই আমার বকুতে পয়জার !

সায়েদ। বেটা তোর খালি বেল্‌কোপনা।

টাহার। বাবা, দরদি বাবা হোতে ত প্রাণের দরদ বুঝতে। এই বুকটো ধড়্‌ ফড়্‌ ক'চে—হাত দিয়ে দেখ।

( কাজি, কাউলফের, দেলেরা ও পরিয়ার প্রবেশ )

কাজি। খাঁ সাহেব, বিবাহ হ'য়ে গেছে। প্রথমত বাসরে আজ রাত্রিযাপন ক'রতে দেন, কাল আপনার অঙ্গীকার মত অর্থ দিয়ে বিদায় দেবেন।

টাহার। কাজি সাহেব, ঐ বাসরটা মোকুব করুন—বাসরটা মোকুব করুন। আজ রাতারাতি বিদেয়—যা দেবার কথা, তার ডবল দেন। ব্যাটা কাছে একবার ব'সলে আর ছাড়বে না। তুমি জাননা কাজি সাহেব, ব্যাটা পিরাতি-বান্দ।

কাজি। কি পাগলের মত কথা ক'চ্চ ! শাস্ত কখন লক্ষ্যন হ'তে পারে না।

টাহার। কাজি সাহেব, এখনও পাগল হইনি, এই ভোর রাত ভেবে ভেবে পাগল হব।

কাজি। ( কাউলফের প্রতি ) মহাশয়, কাল প্রাতে আপনি পুরস্কার নিয়ে একে ছেড়ে যাবেন—কেমন ?

কাউ। কাজি সাহেব, আমার উকীলকে জিজ্ঞাসা করুন। ছোকরা ভুগিত উকীলি ক'চ্চ কি ক'রতে হবে ব'লে দাও। আমিও বর খাড়া আছি, আমার কাজ আমি ক'রেছি, বাকী কাজ তুমি কর।

পরিয়া। কাজি সাহেব, কেন ভাবছেন ? ও পাগ্‌লা কোন দিকে চ'লে যাবে।

টাহার। পাগল ক'রে যাবে ছোকরা—পাগল ক'রে যাবে ! তুমি বোঝনা, ও পিরাতিের লাটু পিরাতিের ঝোঁকেই র'য়েচে।

কাজি। খাঁ সাহেব, কোন ভয় নাই। দেখলেম উম্মাদ, বোধ হয় পুরস্কারও চাইবে না। তবে যা দিতে অঙ্গীকার ক'রেছেন, ঠ'র ছোকরাকে দেবেন।

টাহার। ছোকরা তুমি যা চাও দেব, ভোরের বেলা তুমি বেটীকে সরিয়ে নিয়ে যেও কিন্তু !

কাজি। চলুন—বর-ক'নে বাসর ঘরে থাকুক—আমরা বিদায় হই।

টাহার। বেটা বুকে শেল মারবে,—ভোর রাত কাটাবে !

[ কাজির প্রস্থান। ]

সায়েদ। ( কাউলফের প্রতি ) চল বাবা, ঘরে।

[ সায়েদ খাঁ, দেলেরা ও কাউলফের প্রস্থান। ]

টাহার। ছোকরা—ছোকরা !

পরিয়া। আর আমি যদি ছুকুরি হই ?

টাহার। আরও বাহবা, ঠিক ঠিক ছোটোছোটো ক'রেছ, কিন্তু ভাই, শেষ রেখো।

পরিয়া। আর আমার মন যে তোমার উপর ম'জেছে !

টাহার। সে তোমার মনোবাগ্‌তা আমি পূর্ণ ক'রবো। একবার দেলেরা বেটার সঙ্গে বে হ'লে, আমি দশ ইয়ার নিয়ে দেদার ইয়ারকি দেব। ঐ এক বেটার পায়ে বাধা থাকবো ? সে পাত্র আমার পাগনি ! তবে কি জান

ভাই—না বিবি—বড় কোঁকটা প'ড়ে গিয়েছে, বেটীর নয়নার ভারি জুত দেখেছ ত !

পরিয়া। তা হ'লে কি তুমি আর আমার পানে চাইবে ?

টাহার। চাইবো, তোমার মাথায় হাত দিয়ে ব'ল'চি—চাইবো। তুমি যদি মেয়ে মানুষ হও তো খুব জুতের মেয়ে মানুষ বটে, হবে ও বেটীর মতন নয়। তোমার মনোবাঞ্ছা পূর্ণ ক'রবই ক'রবো, ছ'টো দিন সবুর কর।

পরিয়া। আমার ভাল বাসবে ?

টাহার। সাফ কথা ব'ল'চি চাঁদ—আমি ভালবাসার দার ধারিনি। এ বেটীর মতন কত বেটীর কোঁকে প'ড়েছি, কিন্তু এটা কিছু বাড়াবাড়ি রকম—বুঝলে ? তার উপর বেটীর বাপের বিষয়টা হাতে লাগবে—এই ডবল দাঁওয়ে ফিবুচি। হ্যা হ্যা—আমি বাপের বেটা—সেয়ানা আছি, বুঝলে ? কিন্তু তোমার মনোবাঞ্ছা আমি পূর্ণ ক'রবো, স্বীকার পেলেম।

পরিয়া। আচ্ছা, আমি আশা ক'রে রইলুম।

টাহার। এই চার পাঁচ দিন সবুর কর, বাপের ব্যাটা—একই কথা।

[ পরিয়ার প্রস্থান।

টাহার। ছোড়া যদি ছুঁড়ী হয় ত খুব জুতসই বটে। আমার পছন্দ হয়েছে—হবে না—জুতসই দেখেছে কেমন—কিন্তু আজ রাতটে কোন কমে কাটাতে পারলে হয়। ব্যাটা পাগ্লামোর কোঁকে যদি গায়ে হাত দেয়—তবেই গেচি !

[ প্রস্থান।

## অষ্ট গর্ভাঙ্ক

সমরকন্দ

বাসরধর

কাউলফ ও দেলেরা।

কাউ। (স্বগত) কোথায় আছি ? হ্যা বর আমি—বাসর ! কিন্তু এখানেও ত সেই টেউ—সেই দেলেরা। কে বাবা !

দীর্ঘনিশ্বাস ফেলে কে ? এও যে বাবা বুক-ফাটা নিশ্বাস—এ তো ফাঁকা রকম নয় ! বোধ হ'চ্ছে—ক'নে ! অবশি জোর-বরাতে ক'নে,—নইলে আমার সঙ্গে জোট-পাট খেত না। পরের কথায় কাজ নেই বাবা, আপনার কথা নিয়েই থাকি।

দেলেরা। (স্বগত) জীবন বহিল এক শ্রোতে,

পরিণাম কে জানে কোথায় ?

মৃত্যু বিনা কোথায় আশ্রয় !

নিজ করে ধ'রে ছুরী বিধেছি হৃদয়—

ভাবিলে উপায় কিবা হবে !

একি হ'ল—কুল নাহি কোন দিকে !

বিনা হৃদয়ের ধন,

পরে দেহ করিবে স্পর্শন,

বিনা মৃত্যু-আলিঙ্গন—

নিশ্চার কোথায় আর !

হব দ্বিচারিণী, প্রাণ তুচ্ছ গনি,

এই খেদ মনে, পুন দেখা নাহি তার মনে—

নারিলাম মার্জনা চাহিতে।

কেন ভাবি,—সে ত সদাশয়,

ক্ষমা মোরে ক'রেছে নিশ্চয়।

আহা, অহঙ্কারে বিদায় দিয়েছি তারে—

ছি ছি এ জ্বালা কি মরণে জুড়াবে ?

আশা প্রতারণা, জীবন ছলনা,

প্রেমে গড়া নহে এ সংসার ;—

নহে কেন প্রাণধন সর্বস্ব আমার—

এত দিনে আমার না হ'ল!

আশার ছলনা, মিথ্যা প্রতারণা,

ছি ছি কেন আশা ধ'রে—

এত দিন রেখেছি জীবন

কাউ। (স্বগত) বাবা, আবার সেই বুকভাঙ্গা নিশ্বাস ! একি ব্যাটাছেলে ক'নে ? নারীর প্রাণে কি এমন ব্যথা হয়—যাতে এমন নিশ্বাস পড়ে ! একি কারেও ছোব্লাতে পায় নি ব'লে গর্জাচ্ছে নাকি ? বাবা, মেয়ে মানুষের প্রাণে ত প্রেম নেই—তবে সবই সুন্দর—সবই সুন্দর ! ব্যাটাছেলের আর উপায় নেই। দেখলেই ম'জ'তে হবে। একি, বিবির ব্যাপারটা কি ! যদি মেয়ে মানুষ কারুর পিঠিতে প'ড়ে

থাকে, এও এক মূতন রকমের ওলট-পালট। ভাল, ভাবটাই নি—একটা কথা কই। (প্রকাশে) হ্যাঁগা, কে তুমি ভাগ্যবতী ক'নে—এক পাশে প'ড়ে নিশ্বেস বাড়'ছো? যদি আমার মতন তোমার বরাত হয়, এস না—হু'টো কথা কই—রাতটা তো কাটাতে হবে!

দেলেরা। (স্বগত) একি—এ কার স্বর! (বুকে হাত দিয়া) স্থির হও—আশা, স্থির হও! আশা! আবার তোমার একি খেলা?

কাউ। কেন চাঁদ, সাড়া দিচ্ছ না কেন? আদ তো তোমার বর,—হু'টো কথারও তো একতার রাপি!

দেলেরা। তুমি কে?

কাউ। (স্বগত) কে—এ—না—তার স্বর তো অষ্ট প্রহরই শুন্চি! বাবা, প্রাণের ধোঁকা দেখেছ, এই আঁধার ঘরে দেলেরাকে পাব মনে ক'চ্ছি!

দেলেরা। নীরব হ'লে যে? কথার উত্তর দিলে না?

কাউ। কি উত্তর দেব বল? আমি কে জিজ্ঞাসা ক'চ্ছি?—অনেক ঠাউরে ব'লতে হয়। এখন একটা পাগল, ধ'রে এনে বে দিয়েছে। আমার কিছু মূতন নেই, বরং তুমি কে বল, হু'টো শুনি।

দেলেরা। কেন, তুমিত পাগল নও—বেশ কথা ক'চ্ছি।

কাউ। আমার প্রাণটা কেমন হ'য়ে উঠেছে! তোমার নিজের স্বরে কথা ক'চ্ছি—না আর কার স্বর শিখেচ? ঠিক তোমার মত অম্বনি স্বর আমি শুনেচি। সেই স্বর আমি অষ্ট প্রহর শুন্চি! তোমায় দেখতে পাচ্চিনি, তোমায় জানি নি, কিন্তু তোমার স্বরে যে চক্ষের উপর একটা ছবি এসে দাঁড়াচ্ছে, সে অতি সুন্দর—অতি মনোহর! সে ছবি যদি তুমি দেখতে পেতে, তুমিও মোহিত হ'তে! আমি মোহিত হ'য়ে আছি—পাগল হ'য়ে আছি। ভুলিনি, ভুলিনি, জ্ব'ল'চি—তবু ভুলিনি। সে ভোলবার নয়—ভোলবার নয়।

দেলেরা। আমার কথা শুন্বে?—আমিও পাগলিনী। আমার হৃদয়ের মণি ছিঁড়ে ফেলে দিয়েছি, অযত্ন ক'রে তাড়িয়ে দিয়েছি, তারে সর্বত্যাগী ক'রেছি, তার আর দেখা পাইনি। তার চরণে মার্জনা চেয়ে ম'ব্বো—সে অবকাশও আমার হয় নি; তবু আশা ধ'রে এতদিন ছিলাম। আমার নাম—অভাগিনী দেলেরা।

কাউ। কি—কি!—তুমি দেলেরা—দেলেরা! কাউলফের সর্বস্বধন দেলেরা! সত্য বলো, সত্য বলো, আমি বড় জ্ব'ল'চি,—আমার সঙ্গে প্রতারণা ক'রো না।

দেলেরা। তুমি যদি সত্য কাউলফ হও, তুমি কি বুঝতে পার'চ না, আমি দেলেরা কি না? তুমি কি বুঝতে পাচ্ছ না যে, একজন অভাগিনী তোমার সঙ্গে কথা ক'চ্ছে? আমি যদি দেলেরা নই, এমন অভাগিনী আর কে আছে! কাউলফ-হারা আর কে হ'য়েছে? আমি চিন্তে পেরেচি, তুমি কাউলফ! তুমি কেন আমায় চিন্তে পাচ্ছ না?

কাউ। প্রাণেশ্বরী—প্রাণেশ্বরী! তুমি কাছে এস। কাল রজনী পোহাবে, আমায় তোমার কাছ থেকে তাড়িয়ে দেবে। এস, কাছে এস।

দেলেরা। কে তোমায় তাড়াবে? কে তোমায় আর আমার কাছ থেকে নিয়ে যাবে! তবে তুমি যদি মার্জনা না কর—তুমি যদি পায়ে ঠেলে চ'লে যাও, আমি স্বিচারিণী হবো না, আমি তখন তোমার পায়ে প্রাণ রেখে দেখাব যে, আমার ভালবাসার কম নেই। তোমায় দুঃখ দিয়েছি না জেনে—সুখায় গরল উঠ'বে, তা জানি নি। পরিহাস ক'রতে গিয়ে সর্বনাশ ক'রেছি। আমি নারী,—তুমি আমায় মার্জনা কর।

কাউ। মার্জনা? দেলেরা, তুমি কি এখন' আমার মন বুঝতে পার নি? তুমি কি জান না, কি নিয়ে আমি রাস্তায় রাস্তায় বেড়াই? দেলেরা! তোমার ধ্যান, তোমার ছবি, তোমার কথা, তোমার চিন্তা,—তোমা ছাড়া পাগলের আর কি আছে? আমি সর্বত্যাগী, কিন্তু তোমায় এক মুহূর্তের জন্য ত্যাগ করিনি।

দেলেরা। তবে তুমি আর আমায় ছেড় না। কাজি! কাজির কি সাধ্য যে পতি-পত্নী ভেদ করে? তুমি আমায় ছেড় না, আমি তোমার সঙ্গে পথে পথে বেড়াব। আমার পিতৃ-সম্পত্তির প্রয়োজন নাই, আমার কিছুই প্রয়োজন নাই—আমার প্রয়োজন তুমি,—তোমায় পেয়েছি, আর আমি ছাড়বো না।

কাউ। তবে আমিও শপথ ক'চ্ছি, আমার প্রাণ থাকতে আমিও তোমায় ছাড়বো না। এতে কাজির কোপে—রাজার কোপে—আমার প্রাণ যায়—সেও স্বীকার।

দেলেরা। কিন্তু প্রভাত নিকট, এখনি এদের লোক

তোমায় নিয়ে যেতে আসবে। তুমি কি ব'লবে ?

কাউ। ব'লবো, আমার প্রাণেশ্বরী আমি ফিরে পেয়েছি, আমার প্রাণ থাকতে ছেড়ে যাব না।

দেলেরা। কাজির কোপে যে প'ড়বে ?

কাউ। কাজি দণ্ড দিতে পারবে, কিন্তু কোরাণের নিষেধ, বিবাহ রদ হবেনা। শাস্তমত বিবাহ হ'য়েছে, তুমি আমার পত্নী। তুমি যদি আমার হও, কে তোমায় আমার কাছ থেকে নেবে ?

দেলেরা। আমি তোমার। যা হয় হবে,—তুমি পায়ে ঠেল' না!

কাউ। প্রাণেশ্বরী !

—

## চতুর্থ অঙ্ক

### প্রথম গর্ভাঙ্ক

সমরকন্দ-বাসর-ঘর

কাউলফ ও দেলেরা।

কাউ। কই—পালাবার হে কোন উপায় নাই। প্রভাত নিকট,—এস, তোমায় একবার জন্মের শোধ দেখি,—আহা কি সুন্দর! দেখি, দেখি, অনিমিষ নেত্রে দেখি! বোধ হয় রাজদণ্ডে কাল প্রাণ যাবে। প্রাণ যায় যাবে, তবু আমি তোমায় ছেড়ে যেতে পারবো না। আমার প্রাণ থাকতে তোমায় ত্যাগ ক'রেছি, এ কথা আমার জিহ্বায় আসবে না।

দেলেরা। কাউলফ! তুমি যেথা, আমি সেথা। যদি

রাজদণ্ডে তোমার প্রাণ যায়, আমি তোমার সহধর্মিণী,—স্বামী-অনুবর্তিণী হ'ব। কাউলফ! জীবনে-মরণে আর আমাদের কেউ ছাড়াতে পারবে না! এস, আমরা ঘরের মধ্যে যাই। কে আসছে—বোধ হয় টাহারের দূত। এস—এস, ঘরে এস! যতক্ষণ একত্রে থাকি, ততক্ষণই ভাল।

( উভয়ের গৃহমধ্যে প্রবেশ )

( টাহারের ভৃত্যদ্বয়ের প্রবেশ )

১ম ভৃত্য। ওহে বাপু—ওহে বাপু! ওহে লাট! ওহে হাকিম! ওহে বর! দোর খোল,—দোর খোলহে—দোর খোল'!—

২য় ভৃত্য। ম'রে ঘুমুচ্ছে।

১ম ভৃত্য। ওহে, আয়েসে ঘুমুচ্ছে—আয়েসে ঘুমুচ্ছে!—তোমার আমার মতন নয় ত, ভোর রাতটে টানা আর পড়েন!

২য় ভৃত্য। যা বলি ভাই! ব্যাটা রাস্তার ভিল্লিরা, ওর বরাতে এক রাত্রি মজাও চ'ল্লো, আবার ছালা ভরা মোহর নিয়ে যাবে।

১ম ভৃত্য। ওহে ওঠোনা, নাগরালী রাখ না! উঠ'বে? না উঠ'বে না—বল ?

( টাহার ও নেহারের প্রবেশ )

টাহার। বাবা, এমন ছ'মেসে রাত্রি আমার বাবার জন্মে দেখিনি—ভোর আর হয় না।

নেহার। তুই খুব জ্বালাতন ক'রেছিস্ বটে, তুই ভোর রাতটা জ্বালাতন ক'রেছিস্,—এই ভোর হ'লো—এই ভোর হ'লো! আর লোকগুলোকে খালি ছুটোছুটি ক'রিয়েছিস্! এখনও সূর্য্যি ওঠে নাই।

টাহার। ওরে ব্যাটারা, দাঁড়িয়ে র'য়েছিস্ কি—দোর ঠ্যালনা।

১ম ভৃত্য। হুজুর! সেই ইস্তক দোর ঠেলাঠেলি ক'ছি, কেউ সাড়া দেয় না।

টাহার। সাড়া দেয়না কিরে? ওর বাবা সাড়া দেবে,—সাড়া দেবে না? মস্কারামো!—ঠ্যাল্—ঠ্যাল্—দোর ঠ্যাল্।

১ম ভৃত্য। ওগো ওঠো না গো—ওগো ওঠো গো!

টাহার। জোরে ধাক্কা দে না ব্যাটা,—ভাজে ভাজ'বে,—তোমার বাবার দোর ত' ভাজবে না। ও নেহার, ব্যাটা মাল নিয়ে

সট্কেছে! ওরে, দোর খোলনা,—শাকরা পেয়েছিস্—  
না? রোদ উঠে প'ড়লো, ও'র বাসরের সন্ধ্যা আর মিটল'  
না! নাগরের আর গুজর হ'চ্ছে না! ও দেলেরা! —ও  
দেলেরা! তুমিই উঠে দোরটা খুলে দাও না? ব্যাটা  
জানালা গ'লে পালাল না কি? দোর খোল,—দোর খোল—  
ওরে, তোর সাত গুপ্তির পায়ে পড়ি—দোর খোল। বাবা—  
বাবা! খিল দিয়ে এক ফ্যাসাদ দেখ!

নেহার। তুমি কেমন মানুষ হে? সাড়া দাও না—  
ওঠ না।

টাহার। বাবা—বাবা! খুনোখুনি হয় দেখসে,—  
দোর ভাঙ্গ।

[ দোর ভঙ্গ করণ।

ওরে নেহার! সর্বনাশ ক'রেছে,—দেখে ফেলেছে।

( সায়েদ খাঁর প্রবেশ )

সায়েদ। কিরে—কিরে? গাধার মতন চেঁচাচ্ছিস্  
কেন?

টাহার। বাবা! আমার বক্তে ছুড়ে দিয়েছে গো,—  
বেটা দেখে ফেলেছে!—ঐ দেখ, বেটা মুখ চেয়ে দাঁড়িয়ে  
আছে।

সায়েদ। মহাশয়, আস্থন—বহির্কীর্তীতে আস্থন,  
রাত্রে কোন কষ্ট হয় নাই? ( স্বগত ) ক্ষেপা বেটা করে  
কি?—মুখ চেয়েই যে রইল!

টাহার। ( ভৃত্যদ্বয়ের প্রতি ) ওরে বেটারা, দেখ্ছিস্  
কি? ধর বেটারা,—টেনে সরিয়ে নে বেটারা! নেহার—  
নেহার!—বেটার চোখ্ টিপে ধর।

কাউ। দেলেরা—দেলেরা!—এই ত' সময়,—এইত'  
কালপ্রভাত উদয়!—কি হবে—কে জানে!

দেলেরা। যাই হোক—জীবনে মরণে আমি তোমার।

টাহার। বাবা, দেখ্ছো কি?—খুন খারাপি হবে,—  
বেটা প্রেমালাপ ক'রচে!

নেহার। টাহার, সানিয়ার ছেড়ে দে—সানিয়ার  
ছেড়ে দে! আর উপায় নাই।

টাহার। যাবিনি বেটা,—দাঁড়া বেটা! সানিয়া—  
সানিয়া! বাবা, বাবা হ'য়ে এমন দুসমন হ'তে হয়? যদি  
বাপ হ'তে চাও, তবে ভাজ দেলেরাকে যেমন ক'রে হোক,  
আমায় দিইয়ে দাও;—নইলে বাপ-বেটায় আজ কারখত।

সায়েদ। একি? পলক পড়ে না! অনিমিষ-নেত্রে  
চেয়ে র'য়েছে। কি, ছেড়ে যাবে না নাকি?

নেহার। খাঁ সাহেব, দেখ্ছো কি—ও ছাড়বে না।

সায়েদ। না না—পাগ্লামোর ঝোঁকে ও অমন ক'চ্ছে।

টাহার। প্রাণের ঝোঁকে বাবা—প্রাণের ঝোঁকে,—  
পাগ্লামোর ঝোঁকে নয়। তুমি যে ব'ড়া হ'য়েছ বাবা,  
চোখ দুটো লজ্জিত, বুকেতে পার্শ না, বাবা! তুমি টেনে  
নিয়ে এস বেটাকে।

নেহার। ওরে, তোর দেলেরাও যে ভাবে গদগদ।

টাহার। দাদা, তুই আমায় ধর। ও বেটার চং দেখে  
আমার বুক শুথুচ্ছে।

নেহার। দাঁড়া, সানিয়া বেটার দলবল শুধু ডেকে  
আনি।

[ নেহারের প্রস্থান।

সায়েদ। দেলেরা—দেলেরা!—তুমি চ'লে এস।

দেলেরা। কোথায় যাব? উনি না ত্যাগ ক'রলে,  
আমি কেমন ক'রে অত্নের কাছে যাব? এখন আমি শাস্ত্র-  
মত আমার স্বামীর; উনি ত্যাগ করুন,—আমি আপনাদের  
কাছে যাই।

সায়েদ। কিহে, তুমি ত্যাগ ক'রে এস না!

কাউ। ত্যাগ?—কাকে ত্যাগ ক'রবো?—কোথায়  
যাব? কাকে ছেড়ে যাব?—দেলেরাকে?—আমার প্রাণ-  
সর্বস্বকে? আমার সহধর্মিণীকে? আমার অন্তরের  
দেবীকে? আমার ধ্যানের ছবি ত্যাগ ক'রে যেতে ব'ল-  
ছেন? না না, আমা হ'তে হবে না,—এ জীবনে আমার  
হবে না।

সায়েদ। ম'শায় কৌতুক ক'রছেন বুঝি,—কৌতুক  
ক'রছেন বুঝি।

কাউ। কৌতুক কি ব'লছেন!—আপনি কৌতুক  
ক'রছেন,—তাই আমায় পরিত্যাগ ক'রতে ব'লছেন।

( নেহারের সহিত সখিগণের প্রবেশ )

( সখিগণের গীত )

বুঝি ধরা দেছে—নইলে কে ধরে।

মেলে নিধি আপনি যদি, পায়না যতন-কদরে।

নয়ন-বারি বইলে কানে কান,

অকূলে ভাসে যখন প্রাণ,

আপন ভাৱে অহল জলে ডোবে অভিমান,

(তখন) মনে মনে প্রেমের কথা, টান পড়ে যায় অন্তরে।

প্রেমে যে সইতে পারে, সেই যেন সই প্রেম করে ॥

নেহার। ওরে টাহার! এ যে ভোল ফেরালে?

টাহার। পাগ্লামা বেটা পিরীতের চাঁওরে—পাগল  
বেটা পিরীতের চাঁও!

মনিয়া। সখা দেলেরা!

দেলেরা। সই—সই,—আনন্দের সময় নয়! কি হয়  
জানিনে,—যদি পেয়ে আবার হারাতে হয়।

সায়েদ। একি! শোনাদের একি ব্যবহার?

সানিয়া। খা সাহেব, টাহার ন'শায় আমাদের নৃত্য-  
গীত ক'বুতে ব'লে এসেছিলেন।

টাহার। ব'লেছিলুম বেটা—এমনি ক'রে নাচতে  
ব'লেছিলুম বেটা? নেহার ত' সাক্ষী আছে,—বগু নারে  
বেটা! এমনি ক'রে নাচলে কি সেদিন মাসী ব'লে পালা-  
ইরে বেটা? ওরে বেটা!—তোর বাপ বেটা—তোর সাত  
পুরুষ বেটা! নেহার, কি দাগাবাজ বেটা!

নেহার। আরে, বেটাৱা ধুরপাক দিয়ে প্রাণ মুচড়ে  
নিলে। এখন এক বেটা খিচুনে না! (স্বগত) ওঃ—  
মনিয়া বেটা যদি পিরাত করে ত' পিরাত-বাজ, বেটা গির্-  
গিটে, আরশোলা না ধরে নে, বেটাকে নিয়ে মজা ওড়াই।

সায়েদ। আশ্চর্য্য ক'রেছে!—তুই এদের নাচতে  
আসতে ব'লে এসেছিস,—তবে তুই বেটাই পিরীত বাদিয়ে-  
ছিস। তো বেটার আগাগোড়া দেলেরাকে বে' ক'রতে  
মতলব নেই, তা আমি বুঝেছি।

টাহার। বাব, বেজায় বুঝেছ বাবা! আগে ছিল  
না বাবা,—এখন বে ক'রতে খুব মতলব বাবা,—তুমি এখন  
বে দাও বাবা।

সায়েদ। এর অবস্থা মন্দ আছে। বাসর ঘরে যখন সখী-  
দের নিয়ে আমোদ ক'রতে ব'লে এসেছিস,—তোর কি কু  
মতলব আছে—আমি বুঝেছি।

টাহার। বুঝেছ—তোমার নানীর মাথা বুঝেছ বাবা,—  
আর তোমার বাবার দাড়ী বুঝেছ বাবা! তুমি ওকে

তাড়াও বাবা, এখন আমি বে না করি তো তোমার বাবার  
বাবার দিব্যি!

সায়েদ। দেলেরা, তোমায় টাহার অবত্ব করে,  
বটে?

দেলেরা। খা সাহেব, আমি আপনার আজ্ঞাধীনা,—  
আমার আবার বত্ব-অবত্ব কি?

সায়েদ। বুঝেছি।

টাহার। একদম বোঝনি বাবা। বেটা কাছে গেলে  
ফিরে চাইত না,—বাবা, এই নেহার আছে, জিজ্ঞাসা কর'  
বাবা। বেটা আমায় দেখলে মুখ ঢাকা দেয় বাবা! আমার  
চোখে যেন আগুন আছে, ওর রাজা গাল জ্বলে যাবে।  
তুমি বাবা হ'য়ে বদিয়াতি ক'রো না বাবা! তুমি ঐ বেটাকে  
তাড়াবার যোগাড় কর,—এদিক ওদিক বুঝ না। দেলে-  
রাকে দাও,—তোমার দামনে ওর পায়ের চুটকী হ'য়ে ঘুরছি।

সায়েদ। মহাশয়, আপনি অঙ্গকার পালন করুন।

কাউ। কোন অঙ্গকার পালন ক'রবো বলুন? যে  
কথা আমি ব'লিনি, তাই পালন ক'রতে বলেন বা ধর্ম সাক্ষী  
ক'রে, খোদা সাক্ষী ক'রে যে দেলেরাকে আমি সহধর্মিণী  
ক'রেছি—তাই পালন ক'রতে বলেন?

সায়েদ। ইস! তোমার পাগ্লামোর ভেতর এতদূর  
শয়তানি ছিল? তুমি পাগলের ভাণ ক'রেছিলে!—সে  
ছোকরা তোমার কে?

টাহার। বাবা, সে ছুকুরা—ছুকুরা!—সে আমায়  
দেখে মেতে উঠেছে। বাবা, ছুনিয়া শুধু মজিয়ে বেড়াই,  
এ দেলেরা বেটার কিছু ক'রতে পারলুম না।

সায়েদ। তোমার হ'য়ে সে ছোকরা কথা ক'য়েছে,  
তার কথায় তুমি বাধ্য,—নচেৎ কাজির নিকট তুমি দণ্ড  
পাবে। কাজি স্বয়ং এ বিষয়ের সাক্ষী, তাঁরই মতে আমি  
তোমার সঙ্গে বিবাহ দিয়েছি।

কাউ। দণ্ড দেওয়া আপনাদের অধিকার,—কিন্তু  
আমার অধিকার আমার দেলেরার উপর। কি দণ্ড দেবেন  
দিন, কিন্তু দেলেরার সঙ্গে আমার বিচ্ছেদ ক'রতে পার-  
বেন না।

টাহার। বেটা! জলবিচুটা লাগাব বেটা, নাই  
কুণ্ডলে ঘুরঘুরে ছেড়ে দেব বেটা! বোল, তার চাকে বেধে  
দেব বেটা!

মায়েদ । তবে চল—কাজির কাছে চল । তিনি যা  
বিচার করেন—তাই হবে । দেলেরা, তুমি অন্তঃপুরে যাও ।  
কাউ । আমি প্রস্তুত ।

[ নেহার ব্যতীত সকলের প্রস্থান ।

( মনিয়ার প্রবেশ )

মনিয়া । কি সাহেব ! আমার চিন্তে পার ? তোমায়  
টাহার সাহেব ডাকতে পাঠিয়েছেন ।

নেহার । চিন্তে বেশ পারি, একটু মোলাম কথা  
কইবে, কি ঘোড়া ক'বুতে চাইবে ?

মনিয়া । মোলাম কাও কইবে,—ঘোড়া চড়তেও  
চাইবে ।

নেহার । তোমার কিছু হাড়ভাঙ্গা রকম পিরাতি ।  
পাচ ইয়ার যে রকম প্রেম করে,—এস না কেন, তাই করি ।  
অুনি তোমায় চোখ ঠেঁরে ব'লবো—'প্রাণেশ্বরি !'

মনিয়া । আমিও তোমায় চোখ ঠেঁরে ব'লবো—'গির-  
গিটে ধরি !'

নেহার । গিরগিটে আর কেন ধ'ববে ? আমার গলা  
ধর না । শোন না—বড় মজা হবে ।

মনিয়া । তুমি ত' ব'লবে—'প্রাণেশ্বরি', আমি কি  
ক'ব্বো ?

নেহার । তুমি 'প্রাণনাথ'—'প্রাণেশ্বর' !—আর  
অত বাকাবাঁকিতে না যাও,—আমিও ব'লবো—'মনিয়া,'—  
তুমিও ব'লবে 'নেহার' ।

মনিয়া । তুমি আমার আদর ক'ব্ববে ?

নেহার । খুব ! তুমি কাছে এস না,—আদরের চণ্টা  
একবার দেখ না !

মনিয়া । হিঃ হিঃ—তুমি আদর ক'ব্ববে ?

নেহার । অমন দাঁত বার ক'র না,—তা হ'লে যেমন  
তকাত্তে আছ,—তেমনি থাক ।

মনিয়া । আচ্ছা, তুমি আমার আদর ক'ব্ববে,—যা  
ব'লবো, তা শুনবে ?

নেহার । যা ব'লবে,—গোলান হ'য়ে শুনবে ।

মনিয়া । আচ্ছা, তবে ঘোড়া হও ।

নেহার । ওঃ, বেটার ঘোড়া বাই ।

মনিয়া । দাঁড়াও না—দাঁড়াও না—আদর ক'ব্ববে না ?

নেহার । দূর তোর—বে-রসিক মেয়ে মালুঘ ! দরদী  
হ'ল না ।

[ নেহারের প্রস্থান ।

মনিয়া । দাঁড়াও না—দাঁড়াও না—

[ প্রস্থান ।

## দ্বিতীয় গর্ভাঙ্ক

প্রাঙ্গণ

গোলেন্দাম ও কাজি ।

গোলে । কাজি সাহেব ! আপনার চরণে একটা নিবে-  
দন, আমি উদাসান বালক ;—আমার যা মনে উদয় হ'য়েছে,  
—আপনাকে বলা আমার কর্তব্য । শুনলেম, এক ব্যক্তি  
বিবাহ করে পত্নী পরিত্যাগ ক'রে যেতে চেয়েছিল,—এখন  
সে যেতে চায়না, এই জন্ত তার দণ্ড হবে । কিন্তু, প্রতারণা  
ক'রে থাকে, তারে দণ্ড দেন,—একজনের অপরাধে দু'জনের  
দণ্ড দেবেন না । আপনি বিচার ক'রে দেখুন,—যদি  
দোষা ব্যক্তির পত্নী তাকে ভালবেসে থাকে, প্রত্যাখ্যান ক'লে  
সে যদি ব্যথা পায়,—একজনকে দণ্ড দিয়ে তার ধর্মপত্নীর  
প্রাণে ব্যথা দেবেন না । সে তার স্বামী ছেলেছে,—স্বামী  
ব'লে বরণ ক'রেছে,—স্বামী ত্যাগ ক'রলে বড় যজ্ঞা, আমি  
তা জানি । আপনি ঞ্চায়বানু, আপনার চরণে আমার এই  
মিনতি ।

( মির্জান ও ফকীরের প্রবেশ )

গোলে । ( স্বগত ) এই যে আমার প্রাণেশ্বর ! আমার  
দেখা হবে মনে ছিল না । জানিনা, অদৃষ্টে কি আছে ।

কাজি । মহাশয়, এই বালক উদাসান এসে, এক কথা  
তুলেছে ।—ব'লছে—স্বামী ত্যাগ ক'রলে পত্নীর মনে ব্যথা  
লাগে । এর অন্তরোধ যে, এই দোষা ব্যক্তির স্ত্রী যদি তাকে  
চায়,—তা হ'লে স্ত্রীর মনে ব্যথা দেওয়া আমার উচিত নয় ।  
আমি কথার উত্তর পাচ্ছি না ।

গোলে । ওঁরাও উত্তর পাবেন না,—আমি অতি ঞ্চাষা



কথা বলছি। পুরুষে বুঝতে পারবেনা যে, ত্যাগ করে গেলে, অবলার মনে কি ব্যথা লাগে? আমিও বুঝতুম না, —কিন্তু আমার এক ভগ্নীর দশা দেখে বুঝেছি যে, স্ত্রীলোকের স্বামী ত্যাগ করে যাওয়া অপেক্ষা আর যন্ত্রণা নাই।—আমি তাই কাজি সাহেবকে অনুরোধ কর্তে এসেছি।

মির্জান। বালক! তুমি কি জান যে, স্বামী কেন পত্নীকে ত্যাগ করে? বড় ব্যথা পেয়েই ত্যাগ করে—সন্দেহের তাড়নায় ত্যাগ করে, অন্তরের জালায় ত্যাগ করে, কলঙ্ক-কালিমা মেখে ত্যাগ করে।

গোলে। আপনি বোধ হয় পুরুষের অবস্থা জানেন। কি জালায় ত্যাগ করে—আমি জানিনি। স্বামী ত্যাগ করলে, কিন্তু পতিপ্রাণা স্ত্রী, তার কি অবস্থা আপনি জানেন কি? পতি, কলঙ্ক-ভয়ে,—পতি, যন্ত্রণা ভয়ে ত্যাগ কর্তে পাবেন,—কিন্তু সে অভাগিনী—তার উপায় কি? প্রতিপ্রাণা তার প্রাণেশ্বরকে কেমন করে ত্যাগ করবে? তার উপর যদি বিনা অপরাধে ত্যাগ করে, সে কি দারুণ জালা, তা কি জানেন? সে—যে বোবো, সে সন্দেহ করে কলঙ্ক-ভয়ে আপনার সহধর্মিণী ত্যাগ কর্তে পারে না। পরের জালা পরে বোঝে না, তাই, বুঝি ত্যাগ করে!

মির্জান। কি বল্‌চো? তুমি কে?

গোলে। ফকীরের পরিচয় নাই, তা'ত আপনি ফকীর—জানেন। ফকীরের পরিচয় ফকীর। জন্ম, বংশ, নাম, ধাম—সকল ভোল্‌বার জন্তু ফকিরী নেয়,—আপনি ফকীর, আপনাকে মৃতন কি বল্‌বো? আমি সকল ভোল্‌বার জন্তু ফকিরী নিয়েছি,—আপনি কি নিমিত্ত ফকিরী নিয়েছেন তা জানি না। তা হ'লে বোধ হয়, আমি কে, একথা জিজ্ঞাসা কর্তেন না।

মির্জান। আমিও ত ভোল্‌বার জন্তু ফকিরী নিয়েছি, আমার অনেক ভোল্‌বার কথা আছে,—সেই জন্তু ফকিরী নিয়েছি।—কিন্তু বালক, তুমি কি জন্তু ফকিরী নিয়েছ?—তুমি কি ভুলতে চাও? তুমি কি এ বয়সে কোন মর্ষ-ব্যথা পেয়েছ?

গোলে। ঠেকে শেখে, আর দেখে শেখে। আমি আমার ভগ্নীর দশা দেখে শিখেছি যে, ভোলাই ভাল। তাই ভুলতে চেষ্টা করছি। আহা, অভাগিনীর দশা আপনি দেখেন নি; অভাগিনী—স্বামী-সোহাগিনী হ'য়ে

—স্বামী-বিরহে কাঙ্কালিনী। স্বামী ধ্যান—স্বামী জ্ঞান—স্বামী কোথায়—জানে, স্বামীকে দেখতে পায়—কিন্তু তাঁর চরণে স্থান পায় না। উন্মাদিনী দিবানিশি ব্যথিতা,—জাগরণে, শয়নে, স্বপনে, এক ধ্যানেই জীবন অতিবাহিত কর্তেছে। আমি সেই পাগলিনীর দশা দেখে, প্রেমিকার দশা বুঝেছি,—তাই কাজি সাহেবকে অনুরোধ কর্তে এসেছি। আপনারাও আমার হ'য়ে অনুরোধ করুন যে, অভাগিনী দেলেরা, অতুল ঐশ্বর্য্য পরিত্যাগ করে, পথের ভিখারীর সঙ্গে পথে পথে ফির্তে চাচ্ছে,—এতে পেন অভাগিনী বঞ্চিতা না হয়।

মির্জান। তোমার ভগ্নীকে বিনা দোষে তাঁর স্বামী পরিত্যাগ কর্তেছেন?

গোলে। যদি পতি-সেবা করা দোষ হয়, যদি পতির আজ্ঞা পালন করা দোষ হয়, যদি পতির আদরের জিনিষকে আদর করা দোষ হয়, যদি পতিপ্রাণা হওয়া দোষ হয়,—তা হ'লে আমার ভগ্নী দোষী। তার আর অপর দোষ নাই। কিন্তু মহাশয়—হয় ত স্ত্রীলোকের ব্যথা বুঝতে পারবেন না। আমার ভগ্নীর দুর্দশা বুঝতে পারবেন কি না জানি না।

মির্জান। তুমি বালক,—তুমি পুরুষের ব্যথা জান না। কে ত্যাগ কর্তে পারে? কে ভুলতে পারে? যন্ত্রণায় কাছে যায় না—এই মাত্র, কিন্তু এক দণ্ডের জন্তু ভুলতে পারে না—ভুলতে পারলে, ত্যাগ করায় সুখ ছিল বটে; কিন্তু ভোল্‌বার যো নাই, ভোল্‌বার নয়—অভাগা কি করবে? সন্দেহ বড় নিবিড় মেঘ—তার হৃদয় দিবানিশি আচ্ছন্ন কর্তে রাখে। আহা! যদি সে মেঘ তার হৃদয় হ'তে একবার সরে, আবার যদি প্রেমশশী উদয় হয়, অভাগার যে কি আনন্দ, সে অভাগাই বলতে পারে, একথা যে জানে—সেই জানে।

গোলে। সন্দেহ, হৃদয়ে যত্ন কর্তে ধ'রে রেখে, নিজ সহধর্মিণী অপেক্ষা সন্দেহকে প্রিয় কর্তে—কার সন্দেহ দূর হয়? সন্দেহ একবার হৃদয়ে স্থান পেলে, আপনার রাজ্য গ'ড়ে নেয়। সন্দেহ-ভিমিরে লোক আত্মহারা হ'য়ে হিতাহিত দেখতে পায় না। নচেৎ কি নারীর সরল প্রাণে ব্যথা দিতে পারতো?—ফকীর, কদাচ মনে করো না। তোমার কথা শুনে বোধ হ'চ্ছে,—তুমি কোন সন্দেহ-জড়িত ব্যক্তিকে দেখেছ। তারে যদি তুমি আমায় দেখিয়ে দাও

তা হ'লে আমি তারে বলি যে, সে যেন তার প্রণয়িনীর সরল বদন মনে করে,—সে যেন সেই বিদায়ের চক্ষের জল মনে করে, সে যেন তার বিবশা দশা একবার ভাবে, সে যেন মনে করে যে, তার বিরহে অভাগিনী সর্বত্যাগিনী।

মির্জান। থাক, ও কথায় আর আবশ্যক নাই।

গোলে। তবে আপনি অত্যাধিক করুন, দেলেরা যাতে পতি পায়, আমার কথায় বিশ্বাস করুন যে, স্বামী ত্যাগ ক'লে বড় যন্ত্রণা।

কাজি। বালক, তুমি কি দেলেরার কথা জান ?

গোলে। কাজি সাহেব, তাকে ডেকে তারই মুখে শুনুন।

কাজী। কয়েদীকে আন।

[ একজন প্রহরীর প্রস্থান। ]

ফকীর! আমি দোষীর প্রতারণার নিমিত্ত, পঞ্চাশ বেত দণ্ড দিয়েছি,—সে তো দেলেরাকে কোনমতে ত্যাগ ক'রতে চায় না। দেলেরাকে কোথায় রাখবো, কিছুই স্থির ক'রতে পাচ্ছি নে;—এ গুরুতর বিষয় আমার দ্বারায় বিচার হবে না। সাহানসাকে জানাতে হবে;—তার যেরূপ আজ্ঞা হয়, সেরূপ ক'রবো। উপস্থিত আপনারা থেকে এই বিচার করুন যে, বন্দী যদি দেলেরাকে না পরিত্যাগ করে, রাজার হুকুম অবধি দেলেরাকে স্থান দেব ?

ফকীর। দেলেরার কথা না শুনে, আপনি স্থির ক'রতে পারবেন না।

কাজি। যথার্থ আজ্ঞা ক'রেছেন,—আমি দেলেরাকে ডাকতে পাঠিয়েছি।

( কাউলফের প্রবেশ )

কাউলফ! তোমার প্রতারণার নিমিত্ত,—তোমার পঞ্চাশ বেত সাজা হ'য়েছে,—বেহাঘাতে মুমূর্ষু হ'য়ে প'ড়েছিলে,—কিন্তু তোমার সাজার অবমান হয় নাই। আমি স্বয়ং কিছু নির্ণয় ক'রতে পাচ্ছি নে,—রাজাকে এ সংবাদ জানাতে হবে। কিন্তু এখনও যদি তোমার স্ত্রীকে ত্যাগ ক'রে যাও,—তোমায় আমি নিষ্কৃতি দিই;—নচেৎ তোমার জীবন দণ্ড হ'তে পারে।

কাউ। কাজি সাহেব! বার বার প্রাণের ভয় আমায় কেন দেখান? আমি প্রাণের জন্তু কাতর নই। আজীবন

আমার প্রাণকে তৃণ জ্ঞান ক'রেছি। প্রতারণা কি? ভাল-বাসায় প্রতারণা নাই, ভালবাসায় জীবন অর্পণ, প্রতারণা নাই! আমার ধ্যানের বস্তু পেয়েছি, তারে ত্যাগ ক'রে যাব? জীবনে কি নিয়ে থাকবো? বৃথা জীবনে আমার ফল কি? যদি দেলেরা আমায় ত্যাগ করে, বিনা আপত্তিতে চ'লে যাব। কিন্তু সে আমার, সে কখনই আমায় ত্যাগ ক'রবে না। সে আমার, আমি তার সর্বস্ব,—সে আমায় ছেড়ে কখনও থাকবে না।—লোহার পিঞ্জরে আবদ্ধ রাখ, তার প্রাণ আমার সঙ্গে ফিরবে,—মরণে সে আমার সঙ্গে যাবে,—তবে আর আমার জীবন-মরণে ভয় কি?

মির্জান। তুমি রাস্তার ভিখারী, আর দেলেরা অতুল ঐশ্বর্যের অধিকারিণী,—সে তোমার জন্তে সর্বত্যাগিনী হবে—এই তোমার বিশ্বাস?

কাউ। আমি যে দেখেছি! প্রত্যক্ষ কথা বিশ্বাস ক'রবো না? দেলেরা যে এখনও আমার সামনে উপস্থিত র'য়েছে,—এখনও ব'ল্ছে, “প্রাণেশ্বর, তুমি আমায় ত্যাগ ক'রে যেওনা।” এই যে—এই যে,—চতুর্দিকে ব'ল্ছে—দেলেরা আমার,—আমি তার। সত্য—সত্য, প্রত্যক্ষ কথা! প্রত্যক্ষ কথা বিশ্বাস ক'রবো না? সে প্রাণ আমার নয়, তা হ'লে রাস্তার ভাত কুড়িয়ে খেতেন না।

গোলে। দেখুন,—বুনুন,—এরও পুরুষের প্রাণ। কিন্তু সন্দেহ স্থান পায় না। পুরুষ হ'লেই যে সন্দেহ করে—তা নয়, তবে যার যেমন মনের গঠন, সে সেইরূপ ভাবে।

( টাহার ও দেলেরার প্রবেশ )

টাহার। দেখ চাঁদ, ভরা ডুবি ক'রো না। আমি তোমায় ফুলের মতন ক'রে রাখবো। আমার সঙ্গে যে তুমি ভাল ক'রে আলাপ কর না,—তা হ'লে আমার যত্নে এত দিন ভুলতে। ও ব্যাটার মায়া এক দম কাটাও।

কাজি। দেলেরা, মা! তুমি বল,—তুমি কি এই বাতুল রাস্তার ভিখারীকে চাও?

দেলেরা। ধর্ম-অবতার! আর কাকে চাইবো? আমার আর কে আছে? স্বামী ত্যাগ করেন ক'রবেন, কিন্তু আমার জীবন থাকতে আমি ত্যাগ ক'রবো না। উনি ত্যাগ করেন, আমি ওঁর পেছনে পেছনে যাব,—ওঁরে যত্নে ভোলাবার চেষ্টা পাব—আমার ক'রবার চেষ্টা পাব। চেষ্টা পাব কি কাজি সাহেব! ওবে আমার—আমার সর্বস্ব

ধন! আমার হৃদয়-রক্তে আর আমায় বঞ্চিত ক'রবেন না। আমি ভিখারীর সঙ্গে ভিখারিণী হব,—আমি রাজরাণী হতে চাই নি। কাজি সাহেব, আমার স্বামীর মানা, নচেৎ আমি বলতে পারতাম, উনি রাস্তার ভিখারী নন। কেন তাঁর দুর্দশা হয়েছে তা জানি, কে দুর্দশা ক'রেছে তা জানি। সে কথা স্মরণ হ'লে আমার বুক ফেটে যায়। কাজি সাহেব, আমায় কি জিজ্ঞাসা ক'রছেন? আমার স্বামীর পায়ে আমি দাসী, এই আমার উত্তর।

টাহার। ও বেটা হতচ্ছাড়া! ও বেটা ডাইনিয়া! এই যে ক্ষীর ছানা দিয়ে এতদিন পুষলুম।

কাজি। চুপ কর, নইলে শাস্তি পাবে। (দেলেরার প্রতি) তোমার স্বামীর প্রাণদণ্ড হতে পারে তা তুমি জান? তখন তুমি কোথায় যাবে?

দেলেরা। কাজি সাহেব! জীবনে-মরণে আমাদের বিচ্ছেদ হবেনা। স্বামীর প্রাণে আমার প্রাণ জড়িত;—যদি রাজরোষে স্বামীর প্রাণ যায়, আমারও প্রাণ তার সঙ্গে যাবে। কাজি সাহেব, আমাদের স্বর্গের বাঁধন নাচুষে খুলতে পারবে না।

কাজি। ফকীর সাহেব, এদের এখন কোথায় স্থান দিই?

গোলে। কাজি সাহেবের যদি অনুমতি হয়, আমাদের মঠে স্থান দেন। আগ্নি প্রহরা রাখতে চান—রাখুন। কিন্তু এদের জন্ত আমি দায়ী,—এরা পালাবে না। যখন বলবেন, এনে হাজির ক'রবো।

কাজি। জমাদার! এদের ফকীরের সঙ্গে মঠে পাঠিয়ে দাও। সতক প্রহরা রাখ,—না পালায়। আপনি এদের নিয়ে যান।

গোলে। আমার সঙ্গে এস।

[গোলেন্দান, দেলেরা, কাউলফ ও জমাদারের প্রস্থান।

টাহার। কাজি সাহেব, এই বিচার ক'রলে কাজি সাহেব? এমনি ক'রে আমার মাথা খেলে কাজি সাহেব! ইদ নাকাল, পিরীতে হদ নাকাল হ'লেম।

কাজি। বর্ষর, দূর হও।

টাহার। যাচ্ছি কাজি সাহেব! তোমার বিচারকে সেলাম কাজি সাহেব!

[টাহারের প্রস্থান।

কাজি। ফকীর সাহেব, আপনাদের অনুমতি হয় তা আমি রাজ-দর্শনে যাই,—আমি বিষম সমস্যায় প'ড়েছি। আপনার অতিথি হ'বেন অঙ্গীকার ক'রেছেন, আমার গণ-খানায় বিশ্রাম করুন।

[কাজির প্রস্থান।

মির্জান। ফকীর! ও বালক কে? আমি যেন কোথাও দেখেছি,—স্বয়ং যেন পরিচিত,—যেন ভগ্নীর কথা বলে, আমায় তিরস্কার ক'রলে! যেন সমস্ত ওর নিজের কথা! ফকীর, আমি অস্থির হ'চ্ছি—তুমি আমায় উপায় বলো দাও। আমি কি সত্যই পতিপ্রাণীর প্রাণে ব্যথা দিয়ে এসেছি? সেই মুখ মনে প'ড়েছে,—সেই চক্ষুর জল মনে প'ড়েছে,—তবু একি, কেন এ প্রাণের আবেগ? আহা! অবলা বালিকা—নিরপরাধে যদি যন্ত্রণা দিয়ে এসে থাকি! নিশ্চয় মদিরায় মত্ত হ'য়ে গোলেন্দানের নাম—কাউলফ দেলেরার কাছে ক'রেছিল;—কিন্তু গোলেন্দান বড় বড় ক'রতো,—অত বড় কিসের? স্বামীর বন্ধু—অত বড়! না—না,—গোলেন্দানের সঙ্গে কাউলফের প্রণয় ছিল,—এখন দেলেরাকে দেখে ভুলেছে। গোলেন্দান অপেক্ষা দেলেরা সুন্দরী, সুন্দরী দেখে ব্যাভিচারীর মন ট'লে থাকে। মদিরায় উন্মত্ত হ'য়ে গোলেন্দানের নাম ক'রতে সাহস হ'ল! দেলেরা ঈর্ষ্যবশে গোলেন্দানের কথা তুলেছিল,—অহেতু কেন ঈর্ষ্যা ক'রবে? না—না,—এখনও না—এখনও কিছু স্থির ক'রতে পারছি না। কাউলফ দেলেরাকে একত্রে দেখেও স্থির ক'রতে পারছি নে। ফকীর—ফকীর! বড় যন্ত্রণা!

ফকীর। এখনও কি বোধ হয় আপনার—সংসারে সবই প্রতারণা? এই যে বাতুল আর দেলেরার ব্যাপার দেখলেন, এতে কি আপনার প্রতারণা আছে বোধ হয়? আমার বোধ হয়, সংসারে প্রতারণাও আছে, সরল ভাবও আছে। সংসারে সুখ বিশ্বাস, দুঃখ—সন্দেহ। যার বিশ্বাসী হৃদয়,—সে ফকীর হোক—সংসারী হোক—দুঃখের তরঙ্গ এক রকম কাটিয়ে যায়। কিন্তু যার মনে সন্দেহ, সে দুঃখের তরঙ্গে ওঠে নাবে। দুঃখের তরঙ্গ তাকে নিয়ে খেলা করে, তার অস্থির জীবন।

মির্জান। সত্য!

[সকলের প্রস্থান।

## তৃতীয় গর্ভাঙ্ক

সায়েদ খাঁর বাটীর সম্মুখ

টাহার ও পরিয়া ।

টাহার । ছোকরা, ছোকরা ! এম, নিয়ে দিয়ে কি ক্যানাদ বাধালে বল ? বেটীত' বেহাত হ'ল—ব্যাগ বেত খেয়েও ত' ছাড়তে চাচ্ছে না। সত্যি বল দেখি, তুমি ছোকরা না ছুকুরী ? যদি ছুকুরী হও একটু পিরাত কর। বেটী বড় দাগা দিলে—বড় দাগা দিলে !

পরিয়া । তুমি ছুঁটো পিরাতের কথা কও ।

টাহার । আমার প্রেমে পিত্তি প'ড়ে গিয়েছে চাঁদ ; কপল বড় বেয়োচ্ছে না !—পিরীত বড় আনতে পাচ্ছি। শালাকে কুচি কুচি ক'রে কাটি, এই খালি মনে হ'চ্ছে !—দেলেরা বেটীকে বাদী ক'রে নিয়ে বেড়াই, এই খালি মনে হ'চ্ছে ।

পরিয়া । আচ্ছা,—আমি পিরীতের কথা বলি ।

টাহার । আচ্ছা বল ।

পরিয়া । তোমায় ভালবাস্বো,—তোমার মুখ মুড়িয়ে দেব,—তোমার চুল আঁচড়ে দেব,—তোমায় বাতাস ক'রবো—তোমার মুখে মুখে সদাই থাক্বো ।

টাহার । থেক' ভাই । এই দেলেরা বেটীকে জব্দ ক'রতে পার ।

পরিয়া । আর জব্দ কি ক'রবে বল ? পথের ভিখারীর সঙ্গে ভিখারী হ'য়ে বেড়াবে ।

টাহার । উ'ছ—বেটীর গুমোর ভাঙবে না ।

পরিয়া । নেই ভাঙ্ক লো ! তুমিতো আর তাকে ভালবাসনা ?

টাহার । ভালবাসি !—বেটীর মুখে পয়জার মারি । কিন্তু বেটীর বড় জুতসই নয়না,—ঐতে ম'রে আছি !

পরিয়া । তবে আর তোমার কাছে থেকে কি ক'রবো বল ? তুমি যে আর তাকে ভুলতেই পারছনা ।

টাহার । আচ্ছা ! তুমি মেয়ে মানুষ সাজ্লে দেখায় কেমন ?

পরিয়া । বেশ দেখায়—বেশ চমৎকার দেখায় !

টাহার । যদি তোমায় বেশ দেখায়,—তবে আমি তোমার পিরীতেই ডুববো ।

পরিয়া । দেলেরাকে ছাড়বে বল ?

টাহার । 'ওকে ত' ছেড়ে দেবই—পেলেও ছেড়ে দেব । বেটী আমায় ভাল বাসে না, আমি এমন সোণার চাঁদ পুরুষ, কেমন না ?

পরিয়া । মরি—মরি !

টাহার । এই দেখ, বেটীর নজর নেই, চিন্তে পারলে না ।

পরিয়া । কিন্তু আমার নজরে তুমি খুব লেগেছ ।

টাহার । তুমি এখন কোথায় যাচ্ছ ?

পরিয়া । তোমাদেরই বাড়ী । মনিয়াকে ডেকে দিতে পার ?

টাহার । আচ্ছা তুমি দাঁড়াও,—আমি ডেকে দিচ্ছি ।

[ টাহারের প্রস্থান ।

পরিয়া । বাঁদর খেলাতে গিয়ে, বাঁদর' আঁচড়ে দিলে নাকি ? কি রসিক পুরুষই মন—বেচে নিচ্ছ ? এতো আর খেলা নয়, এ যে আঁতের খেলা হ'য়ে দাঁড়াল !

( নেহার ও মনিয়ার প্রবেশ )

মনিয়া । তোরে বলতেই হবে, বল—বল আমায় ভাল বাসিস ?

নেহার । কোন্ শালা ভাঁড়ায়, সত্যি বল্ছি—ভালবাসি । তুই যে এক একবার ভয় দেখিয়ে বেথাপ্লা ক'রে ফেলিস্ !

মনিয়া । আমি ভয়ও দেখাব, তুই ভালও বাসবি ।

নেহার । তোর ছুটো রকম পারবো না ।

মনিয়া । তোরে পারতেই হবে ।

নেহার । আচ্ছা, তুই কেন পিঁচুনি-মিচুনিটে ছাড়না, তাহ'লে ত'—সোণার চাঁদ মেয়ে মানুষ হ'তে পারিস্ ।

মনিয়া । আচ্ছা, তুই আমায় কাঁধে কর,—তা হ'লে আমি পিঁচুনি ছাড়ি ।

নেহার । তোর ঘোড়া রোগ ছাড়বে না, আমি চ'ল্লুম ।

[ নেহারের প্রস্থান ।

পরিয়া । মনিয়া, এখন বাদসাকে চিনেছ ?

মনিয়া । চিনেছি ।

পরিয়্যা। আমি তোমার সখীর সঙ্গে কাউলফের মিলন ক'রে দিয়েছি। যাতে কাউলফের প্রাণ রক্ষা হয়, তা ক'রবো। আমি দেলেরাকে শিখিয়ে দিয়ে এসেছি,—কাল বিচার-স্থানে কাউলফ যেন বলে, যে কাউলফ কোজ্জিও নগরের সদাগরের পুত্র। সেই সদাগরের সঙ্গে রাজার বড় বন্ধুত্ব। নচেৎ রাজ-কোপে কালই তার প্রাণ দণ্ড হবে। রাজসভায় একরূপ ব'লে, দিন কতক পরিত্রাণ পাবে। যতদিন না কোজ্জিও নগর থেকে রাজার দূত ফিরে আসে, তত দিন নিরাপদে থাকতে পারবে। এর ভেতর একটা উপায় তোমায় ক'রতে হবে। গোলেন্দাম বেগমকে ত্যাগ ক'রে বাদসা বিবাগী হ'য়েছেন,—শুনেছ? তুমি যদি গোলেন্দামের সঙ্গে বাদসার পুনর্মিলন ক'রতে পার—তা হ'লে কাউলফ-দেলেরার উপায় হয়। বাদসা সমরকন্দ-ঈশ্বরের কাছে ব'লে, উপায় ক'রবেন।

মনিয়্যা। বেগম সাহেব কোথা?

পরিয়্যা। আমাদের মঠে যে উদাসিনীকে দেখেছ,—সেই গোলেন্দাম বেগম! রাজরাণী উদাসিনী—তুমি উদাসিনীকে আবার রাজরাণী ক'রবে।

মনিয়্যা। কি ক'রে ক'রবো?

পরিয়্যা। সে তুমি জান।

[ পরিয়্যার প্রশ্ন।

মনিয়্যা। নেহার—নেহার, শোন্—আর ভয় দেখাব' না,—এদিকে আয়। আমার সঙ্গে এক জায়গা যাবি চল্।

( নেহারের প্রবেশ )

নেহার। তুই যদি ভয় না দেখাস্, তোর সঙ্গে আমি যমের বাড়ী যেতে রাজী আছি,—আর কি বলবো।

মনিয়্যা। না, তোকে ভয় দেখাবো না,—খুব ভাল বাসবো! আচ্ছা, আমি তোকে একটা কথা শিখিয়ে দিই, তুই ক'রতে পারবি?

নেহার। তুই ভয় না দেখালে,—আমি সব পারবো।

মনিয়্যা। না—শোন্।

নেহার। যেতে যেতে গিরগিটে পুষ্টি নে?

মনিয়্যা। না।

নেহার। আবুশোলা ধ'রবি নে?

মনিয়্যা। না।

নেহার। বেঙাচি চিবুবি নে?—তোর ঘেমা করে না, ঐ কথাগুলো মুখে আনিস্?

মনিয়্যা। খুব ঘেমা করে।

নেহার। তবে কি ব'ল'বি বল্?

মনিয়্যা। একটু হিঃ হিঃ ক'রে হেসে ব'ল'বো—না অম্নি ব'ল'বো?

নেহার। না—না, তোর হাসতে হবে না, অম্নি বল।

মনিয়্যা। আর—তবে ব'ল'তে ব'ল'তে যাই।

[ উভয়ের প্রশ্ন।

## চতুর্থ গর্ভাঙ্ক

মঠের অভ্যন্তর

সমরকন্দাধিপতি ও গোলেন্দাম।

সমরকন্দাধিপতি। মা, তুমি এ দুর্জনকে কেন স্থান দিয়েছ? এ অতি কপট ব্যক্তি। এই দেলেরা আমার এক বন্ধুর কন্যা,—আমার কন্যা গোলেন্দামের সহিত একত্রে খেলেছে। এই দুর্জন প্রতারণা ক'রে, তার পাণিগ্রহণ ক'রেছে। খাঁ সাহেব পরম সম্ভ্রান্ত ব্যক্তি, আমার বন্ধুর বন্ধু, তার সঙ্গে প্রতারণা ক'রেছে,—রাজদণ্ডে ওর প্রাণ বধ হবে। আজ রাত্রে তুমি ওরে আশ্রয় দিয়েছ,—নচেৎ অগুই ওর প্রাণনাশ হ'তো।

( কাউলফের প্রবেশ )

সমরকন্দাধিপতি। তুই কে?

কাউ। ( স্বগত ) দেলেরা, তুমি মিথ্যা ব'ল'তে ব'লেছ,—আমার আর উপায় নাই! তুমি আমার হৃদয়েশ্বরী, কায়মনোবাক্যে আমি তোমার! তুমি যা ব'ল'তে ব'লেছ, তার অগ্রথা ক'রবো কেমন ক'রে? তোমার অমুরোধ আমি রাখ'বো। দেলেরা আমার সর্বস্ব, আমি মিথ্যা

ব'লবো। ভগবান্, যদি অপরাধ হয়—মার্জনা ক'রো,—  
আমি আমার নই।

সমরকন্দাধিপতি। উত্তর ক'চ্চ না ?

কাউ। সাহান সা! এই হীন অবস্থায় আমি আত্ম-  
গোপন ক'রেছিলেম। আমি কোজগুী নগরের সওদাগরের  
পুত্র। সওদাগরিতে এসেছিলেম, পথে দস্যুরা সমস্ত লুটে  
নিয়েছে। লজ্জায় পিতৃস্থানে ফিরে যেতে পারি নাই, ভিক্ষু-  
কের অবস্থায় সাহানসার নগরে ছিলেম।

সমরকন্দাধিপতি। এ কথা কি সত্য? এ কথা আগে পরি-  
চয় দাও নাই কেন? তা হ'লে তোমার বেত্রাঘাত হ'তো না।  
কিন্তু সত্য মিথ্যা অনুসন্ধান ক'রবো; যদি সত্য হয়, তুমি  
রাজবন্ধুর সমাদর পাবে। কিন্তু যদি মিথ্যা হয়—এখনও বল  
—এখনও দেলেরাকে ছেড়ে চ'লে যাও, তুমি নিষ্কৃতি পাবে,  
নচেৎ তোমার শূল দণ্ড হবে।

কাউ। সাহান সা, আমি যথার্থ ব'লেছি।

সমরকন্দাধিপতি। দেখ্, তুমি ম'বুতে প্রস্তুত। তোমার  
সৌভাগ্যে বা দুর্ভাগ্যে আমার বন্ধুর পত্র আমি আজ পেয়েছি,  
তিনি ত্বরায় সমরকন্দে উপস্থিত হবেন। আপাততঃ আমার  
বন্ধুর পুত্রের গ্রায় আদরে থাক, বিচার পরে হবে।

[ সমরকন্দাধিপতি ও গোলেন্দামের প্রস্থান।

( দেলেরার প্রবেশ )

দেলেরা। আমি কালসাপিনী, বার বার তোমায় মজা-  
লুম। বোধ হয়, তোমার জীবনের কণ্টক হ'য়ে আমি জ'ন্মে  
ছিলেম। কি ক'ল্লেন, শেষ মিথ্যা কথা শিথিয়ে পতিঘাতিনী  
হ'লেম!

কাউ। দেলেরা—দেলেরা!—কেন ক'দ ? কেঁদনা—  
কেঁদনা, চাও—চাও—প্রফুল্ল বদনে চাও, আমি একমুহূর্ত  
দেখে শত জীবন বিসর্জন দিতে কাতর নই!

( গোলেন্দামের প্রবেশ )

দেলেরা। সখি, সখি! সর্কনাশ হ'ল,—আর ত'  
কোন উপায়ই দেখ্‌চিনে; তুমি বাঁচাও—ও পাগল, আমার  
জন্তে পাগল। সন্ন্যাসিনি, আমায় সাহানসার কাছে  
নিয়ে চল। আমার কথায় তুমিও সাক্ষী দিও। আমি  
সাহানসাকে জাহ্নু পেতে জানাব যে, আমার জন্তে ও উন্মাদ।

উন্মাদের সত্য-মিথ্যা নাই, আমি ওর সর্কনাশ ক'রেছি, আমি  
ওরে কাঞ্চাল ক'রেছি,—শেষ ওর প্রাণবধ ক'রলেম! ও  
পাগল—ও পাগল—ওর অপরাধ নাই। সাহানসাকে  
মিনতি ক'রে ব'লবো—আমায় দণ্ড দেন। আমিই সকল  
অনিষ্টের মূল। চল—চল সখি, সাহানসাকে মিনতি  
করিগে চল।

কাউ। দেলেরা, কেন আমায় ব্যাকুল ক'র? জীবনে-  
মরণে আমি তোমার। তুমি জেন'—আমাদের প্রেমের স্থান  
আছে,—আমাদের মিলনের স্থান আছে। যদি লোকের  
চক্ষে বিচ্ছেদ হয়, তার জন্তে কেন ভাব? আমরা অনন্ত  
কাল অবিচ্ছেদে থাকবো। আমি এ ধর্মমন্দিরে, ধর্ম সাক্ষী  
ক'রে সত্য ব'লছি, আমাদের কখন' বিচ্ছেদ হবে না!—  
দেলেরা, তুমি কেঁদনা।

গোলে। সখি, তুমি ভেব না। বাদসার হুঁতী গোলেন্দাম  
আমায় ভাগিনীর গ্রায় দেখেন,—আমার অনুরোধ তিনি  
ঠেলবেন না,—তিনি তাঁর পিতার নিকট মার্জনা  
চাইবেন।

কাউ। কে? কে? মা গোলেন্দাম! আহা তাঁর চরণে  
বিদায় নিয়ে আসতে পারিনি, আমার এই খেদ রইল। মা  
উদাসিনী, আপনি যদি মার দেখা পান—ব'লবেন যে,  
তাঁর ছেলে কোন অপরাধ করেনি।

দেলেরা। সখি, গোলেন্দামের নাম কুক্ষণে আমি  
অভাগিনী বাদসার নিকট ক'রেছিলেম। আমি বাল্যকালে  
তাঁর নাম জানতেম, তিনি আমার বাল্যসখা,—আমি  
জানতেম—তিনি পরমাসুন্দরা তাই ঈশ্ব্যাবশে সে কথা বাদসার  
নিকট উল্লেখ ক'রেছিলেম—এই তার বিষময় পরিণাম।  
সখি, আমায় যে আপনার ক'রেছে,—তারে আমি আজীবন  
যন্ত্রণা দিলেম।

গোলে। ভেবনা;—গোলেন্দাম সাহানসার অন্তঃপুরে  
আছেন, তিনি তোমার স্বামীর জন্ত মার্জনা চাইবেন।  
সাহানসার তিনি একমাত্র সম্ভান, সাহানসা তাঁর কথা কখন'  
ঠেলবেন না।

[ সকলের প্রস্থান।

## পঞ্চম গর্ভাঙ্ক

গোসাফের খানা

মির্জান, মনিয়া ও নেহার।

মির্জান। বাপু, তুমি কি চাও ?

নেহার। আমি বড় গুচিয়ে ব'লতে পারবো না,—  
ঐ ছুঁড়া বেশ ব'লতে পারবে। তবে মোটের মাথায় একটা  
মেয়ে মানুষের কাছে তোমায় যেতে হবে। তোফা মেয়ে  
মানুষ, পছন্দ না হয়—চ'লে আসবেন।

মির্জান। বাপু, আমি ফকীর, আমি সেখানে যাব  
কেন ?

নেহার। তোমার পায়ে পড়ি চল। তুমি গেলে আমার  
এই মেয়ে মানুষটা হাতে লাগে। ফকীর সাহেব, একটু  
বন্ধুর কাজ কর।

মির্জান। আমি ফকীর, আমি জ্বালোকের কাছে যাব  
না।

মনিয়া। আপনার কি এত ফকীরী অভিমান ? যদি  
কেউ দারুণ যন্ত্রণায় প'ড়ে—দারুণ দুঃখের অবস্থায়,—  
অনাথিনী-কাঙ্গালিনী অবস্থায়—তোমায় ডাকে, তার বেদনা  
মোচনঃকরা কি তোমার ফকীরীতে নাই ? তোমার ফকীরীতে  
কি বলে—জ্বালোকের দুঃখ দুঃখ নয় ?

নেহার। বাহবা—ফকীর চাঁদ ! ফকীর চাঁদ, দুটো  
শিখে যাও !—সাবাস মনিয়া—সাবাস !

মির্জান। যার নিমিত্ত আমায় ডাকতে এসেছ, তিনি  
কি পীড়িতা ?

মনিয়া। পীড়িতা ?—মর্শ্ব-পীড়িতা, স্বামী-পরিত্যক্তা,  
উদাসিনী, সন্ন্যাসিনী, বিহ্বলা—উন্মাদিনী !

নেহার। তাইত, তাইত ! এইবার ফকীর, লাগ না ?  
ফকীর, কথা কাটাকাটিতে পারবে না,—নইলে আমার  
পছন্দ হয় ? ফকীর ! ফকীর ! স্ফু, স্ফু, ক'রে চ'লে  
এস। পারবে না, পারবে না,—কথার চোটে পারবে না।

মির্জান। ইনি কে ? এ'র কিছু মন্তব্য চকল বোধ  
হ'চ্ছে ! এ'রে সঙ্গে এনেছ কেন ?

নেহার। হ্যা, হ্যা ! এইবার আমি ব'লতে পারি।  
জান ফকীর, ওর জন্তে আমি মরি। তোমরা দু'জনে ওর  
সঙ্গে আমার বে' দিয়ে দাও।

মির্জান। আমরা দু'জনে ? আমার সঙ্গে যে ফকীর  
থাকেন, তিনি ?

নেহার। না—না—যার কাছে নিয়ে যাব,—সেই  
উদাসিনী ! সেই মজুম—সে হাত গুণতে জানে। সে  
ঐ মৃতন গঠে থাকে।

মির্জান। ( মনিয়ার প্রতি ) তুমি না কোন দুঃখিনী  
রগণীর কাছে আমায় নিয়ে যাবে ব'ল'চো ? তুমি কি আমায়  
মৃতন গঠের উদাসিনীর কাছে নিয়ে যেতে চাও ? কিন্তু  
তুমি ব'ললে—মর্শ্ব-পীড়িতা,—তুমি কি ফকীরগীর কথাই  
ব'লেছ ?

মনিয়া। হ্যা, আমি সেই ফকীরগীর কথাই ব'লছি।  
ফকীর, আশ্চর্য্য হবার ত' কিছু কথা নয়। মর্শ্ব-পীড়িতা  
ফকীরগীও হ'তে পারেন, ফকীরও হ'তে পারেন। একথা যদি  
না জানেন, আমার মুখে শুনে শিখুন।

মির্জান। তোমার উদ্দেশ্য কিছু বুঝতে পারছি না।  
তুমি আমায় কোথায় নিয়ে যেতে চাও ?

মনিয়া। তিন জনের জীবন দান দিতে।

নেহার। আর আমাদের বিয়ে দিতে।

মির্জান। এও কি তোমার প্রয়োজন ?

মনিয়া। হ্যা। যদি পবিত্র প্রেমের মিলন দেখি—  
যদি তিনটি প্রেমিক প্রাণ অকূলে কূল পায়—যদি প্রেমের  
খেলা সুখময় বুঝতে পারি—তা হ'লে তোমার পদধূলি  
নিয়ে, আমি এই পাগলের গলায় বরমালা দেব।

নেহার। পাগল কি বাবা চিরকাল ছিলেম ? নয়না  
মেরে পাগল ক'রে দিলে,—আপনার দোষটা ব'ল'চ না !

মির্জান। চল, আমি যেতে প্রস্তুত।

[ সকলের প্রস্থান। ]

## ষষ্ঠ গর্ভাঙ্ক

মঠের সম্মুখ

টাহার ও পরিয়া ।

টাহার । না, তুমি দিবি ছুঁড়ী ! দূর কর,—ও দেলেরা বেটীকে চাইনি—ও পথে পথে ঘুরুক !

পরিয়া । তুমি কি আমায় সত্যি চাও, না—তু'দিন বাদে পায়ে ঠেলে যাবে ?

টাহার । না ছুকুরী ।

পরিয়া । তোমার ত' আজ এর ওপর মন, কাল ওর উপর মন ?

• টাহার । ঐ রকমই মনটা বটে ;—এক জনের উপর বসেনি, রূপের বোঁকে গিয়ে টাকা খরচ ক'রেছি । কিন্তু দেখ' ছুকুরি, আমি দরদ পাইনি । কিন্তু তুমি সে রকম নও, ঠাট্টাটা-তামাসাটা ঝাড়' বটে, উল্লুক বানিয়ে দাও, বুঝতে পারি ; কিন্তু দেখ, তোমার মুখে দরদ দেখি, চ'খে দরদ দেখি, কথায় দরদ দেখি,—এমন দরদ আমি কোথাও পাইনি ।

পরিয়া । কেন, তোমায় কি কেউ দরদ করেনি ?

টাহার । ব'লেছি ত, অমন চংএর মুখ মোড়ান, তা চের মুছিয়েছে, বাতাস ক'রেছে, গা টিপেছে, পা টিপেছে—কিন্তু সে এ রকম নয় ।

পরিয়া । তুমি দেলেরাকে চাও না ?

টাহার । অণু কেউ হ'লে, আমি দম বেড়ে ব'লে দিতুম,—না । কিন্তু তোমার সাক্ষাতে তা পারবো না । তোমায় চাই, কিন্তু একদিন মনে হ'চ্ছে, বেটীকে মাথায় ক'রে এনে, পায়ে ক'রে খেৎলে বেটীর গুমোর ভেঙ্গে দি । তারপর বলি, 'যা বেটী যা—তোমার বাবার কাছে চ'লে যা ।'

পরিয়া । ওঃ—তোমার এমন সব মতলব ? তুমি আমায়ও কোন্ দিন ফেলে পালাবে !

টাহার । মাইরি ব'ল'ছি না—মাইরি ব'ল'ছি না ; —তোমায় বুঝিয়ে দিলুম বোঝনা কেন ? কিন্তু বেটীকে একবার জঙ্গ ক'রবার মন আছে ।

পরিয়া । তুমি যদি ঐ মন ছাড়,—জঙ্গ ক'রবার মন যদি ছেড়ে দাও—আমি তোমায় খুব ভালবাসি । তুমি আমায় ভালবাস,—কিন্তু যাকে ভালবাস না—সে যদি তোমায় জঙ্গ করে, তোমার ব্যথা লাগে কি না বল দেখি ? হ্যাঁ বুঝ'বো, তোমার কেমন দরদী প্রাণ ।

টাহার । না—না, তুমি ভালবেস' । ও মন থেকে ছেড়ে দেব ।

পরিয়া । দেব না !—তোমায় দরবারে কাল ব'ল'তে হবে যে, তুমি দেলেরাকে চাও না,—দেলেরা যেখানে ইচ্ছা যাক ।

টাহার । আচ্ছা, তুমি খুব ভালবাসবে ?—কেমন—ভালবাসবে ?

পরিয়া । এই দেখ,—তোমার পানে এম্নি ক'রে চেয়ে হামবো ।

টাহার । বেশ-বেশ । যাক্ বেটী জাহান্নবে । বাঃ—বাঃ—তুমি বেড়ে চাও—বেশ ছুকুরী—তোমার চোখে দরদ দেখেছি—আমি রাগ ভুলে গেছি !

পরিয়া । আচ্ছা এস,—দেলেরা আর সেই পাগলের সঙ্গে আজ রাত্রে আনোদ ক'রবে, তা যদি পার, তা হ'লে আমার বিশ্বাস হবে, যে কাল তুমি সাহানসার কাছে ব'ল'বে—যে তুমি দেলেরাকে চাও না ।

টাহার । আচ্ছা চল । দেখ, এক একবার রাগের যদি ঝাঁকি মারে, তুমি অম্নি ক'রে আমার পানে চেও—বাস্ !—প্রাণ গলিয়ে দেব । ব'ল'বো যে, যা ব্যাটা দেলেরাকে নিয়ে যা ।

[ উভয়ের প্রস্থান ।

( মির্জ্জান ও গোলেন্দামের প্রবেশ )

মির্জ্জান । একটা স্ত্রীলোক আর এক ব্যক্তি, তার মস্তিষ্ক কিছু চঞ্চল বোধ হ'ল—কিন্তু দেখ'লেন—উভয়েই উভয়ের প্রণয়াকাজক্ষী,—তাদের অমুরোধ যে আপনি আর আমি উভয়ে মিলে তাদের বিবাহ দিই । তাদের অমুরোধে এলেম, আর ভাব'লেন যে, তিন দিন এই মঠে থেকে সাহানসার আঙ্কা প্রতিপালন ক'রে স্থানান্তরে চ'লে যাই । কিন্তু তুমি যে ভাগ্যহীন দম্পতীর কথা ব'ল'ছিলে,—তারা কোথায় ? আমার তাদের মুখে, তাদের দুঃখের কাহিনী শুনতে বড় ইচ্ছা !



গোলে। আজ তারা আনন্দে মত্ত আছে।

মির্জান। সে কি? কাল প্রাণদণ্ড হবার আশঙ্কা—  
আজ আনন্দ ক'চ্ছে।—

গোলে। আমার কথামত আনন্দ ক'চ্ছে। কি জানি,  
আমার পাগলের মন—আজ তোরে স্বপ্ন দেখেছি, যেন  
প্রেমময় ঈশ্বরের দূত এসে আমায় বল'ছেন—“যদি এই  
ধর্মস্থানে—যদি আজ অকপটে আনন্দ-উৎসব হয়,—যদি  
পরম্পরের মনের দুঃখ অকপটে জানায়, তা হ'লে মঙ্গল  
হয়।” তাই সকলে অকপট ভাবে আনন্দ ক'চ্ছে। কালকের  
কথা ভাব'ছে না। প্রেমিকের প্রাণ, মিলনের সময় ভাবে  
না। প্রভু, আপনার মনে মলা নাই, আপনার অন্তর-বাহ  
সমান, আপনি আমার হ'য়ে আনন্দ করুন—দেব-আজ্ঞা  
প্রতিপালিত হোক। আপনি নিম্নলিখিত, আনায়ও নিম্নলি  
করুন। আমি বড় ব্যথিতা!

মির্জান। ফকিরী নিয়ে যদি আপনার মর্মব্যথা থাকে,  
আমারও মর্মব্যথা আছে—আমিও অকপট চিত্ত নই, আমার  
হৃদয় দেখাবার নয়,—আমার হৃদয় সন্দেহপূর্ণ—আমিও  
প্রেমে ব্যথা পেয়েছি। এ দুঃখের কাহিনীতে আমারও সেই  
প্রেমের কাহিনী উদ্দীপন হ'চ্ছে।

গোলে। ফকীর! যদি তোমার দুঃখ থাকে, আমায়  
দাও। আমি দুঃখ বহিতে জন্ম গ্রহণ ক'রেছি—আমি দুঃখ  
বই! তুমি বল, তোমার কি মর্ম-ব্যথা? তোমার ব্যথা  
আমায় দাও,—তুমি আজ রাতে আনন্দ কর—এই আমার  
মিনতি। তুমি আনন্দ ক'রলে সকল মঙ্গল হবে। আমার  
প্রেম-স্বপ্ন সম্পূর্ণ হবে।

মির্জান। উদাসিনি, তুমি কারে আমোদ ক'রতে  
বল'ছো জান না!—কোন অভাগার সঙ্গে আমোদের কথা  
ক'চ্ছ জান না! বিশেষ তোমার স্বর শুনে, আমার অন্তরে  
যে কি উদয় হ'চ্ছে—তোমায় কি বল'বো? অমনি মধুর  
স্বর আমি শুনেছি,—কিন্তু চ'লে এসেছি—চ'লে এসেছি—  
বিনা অপরাধে চ'লে এসেছি—কলঙ্কের ভয়ে চ'লে এসেছি।  
ভেবেছি—সয় সোক আমার উপর দিয়েই সোক!—অকলঙ্ক  
পিতৃকুলে না কলঙ্ক অর্পিত হয়। তুমি জান না—আমার  
অবস্থা বোঝ না। ভাল, তুমি এ বিবাহের কথা জান কি?  
সাহানসার মুখে শুনেছি যে, এ রমণী সাহানসা-দুহিতার বাল্য-  
সহচরী ছিল, একি সত্য কথা?

গোলে। আমি সে কথা আপনি জানি।

মির্জান। আমি বড় অভাগা, তোমার যদি দুঃখের  
ভার আমায় দিতে পার—দাও, তুমি আনন্দ কর।

গোলে। তুমি কি আমার দুঃখের ভার নেবে—পারবে?  
দেখ,—অঙ্গীকার কর।

মির্জান। ধর্মস্থানে অঙ্গীকার ক'রতে পারিনি। আমার  
প্রাণ কেমন হ'চ্ছে—এস, আনন্দ করি এস। যে যে  
আনন্দ ক'রবে—আসুক! এস, আজ আনন্দে রাত্রি প্রভাত  
করি! যদি তোমার স্বপ্ন সত্য হয়, আমার পক্ষেও সত্য  
হ'তে পারে,—আমারও কলঙ্ক দূর হ'তে পারে। আমিও  
আমার প্রাণপ্রিয়াকে পেতে পারি।

গোলে। এস ফকীর, আনন্দ করি।

( সখীগণ, টাহার, নেহার প্রভৃতি সকলের প্রবেশ )

( সখীগণের গীত )

রম রমকে রমকে পিয়লা।

রমকে চমকে চলি হেলা দোলা খেলা ॥

তব তব তব তব ঘুমে, বদন ঘন ঘন পবন চুমে,

রুমে রুমে, রুমকি রন রণ রন রণ—

আঁখি ঝিকি মাতোয়ারা, দেল ভরপুরা,

রাগ রঙ্গ চলে মেলা ॥

মির্জান। সন্ন্যাসিনি! যদি আজকের রজনী সত্য  
হ'তো, যদি আমরা অভাগা অভাগিনী না হ'তাম,—যদি  
মনের মলা দূর ক'রতে পারতাম,—বোধ হয়, ফকিরী নিয়ে  
পৃথিবীতে স্থখ ছিল।

গোলে। এ স্থখে কি ঈশ্বর আমাদের বঞ্চিত ক'রবেন?  
কখনই না! সন্ন্যাসি, তোমার মনেও ব্যথা থাকবে না,—  
আমার মনেও ব্যথা থাকবে না,—কখনই না!—

মির্জান। ব্যথা কেমন ক'রে যাবে? এ যাবার নয়!  
শোন', আমাদের পাশে ব'সে কে কথা ক'চ্ছে।

কাউ। দেখ দেলেরা, মৃত্যুতে আমার আর একটা লাভ  
হবে। আমার মাকে আমি কলঙ্ক-সাগর হ'তে উদ্ধার  
ক'রতে পারবো। বাদসা মির্জান যেখানে থাকুন, তিনি  
যদি আমার মৃত্যু-কাহিনী শোনেন, তাঁর মনেও শান্তি হবে!  
আমি সাহানসার কাছে কোন কথা গোপন ক'রবো না। আমি  
মৃত্যুকালে বল'বো যে, গোলেন্দাম আমার মা! এ

কথায় যে অবিশ্বাস করবে,—আমি ঈশ্বরের দোহাই দিয়ে  
বলবো, যেন সে আমার দশা প্রাপ্ত হয়।

মির্জান। উদাসিনি, উদাসিনি! আমি থাকতে  
পারলেম না। আমি চ'ল্লেম—আমার প্রাণ কেমন ক'ছে  
—উদাসিনি, জান না, আমার অন্তরে দাবানল জ্বলছে!—  
নিকের না, নিকের না—প্রতি বায়ুতে ঘৃতাছতি দিচ্ছে!  
নিকের না—শীতল হবে না! জ্বালা জুড়াবে না!—

[ মির্জানের প্রস্থান।

গোলে। পরিয়া, চ'লে গেল!

মনিয়া। ফকীরের জন্তু আমি দায়ী। ফকিরগি, কিছু  
ভাববেন না। আমি কৌশল ক'রে এনেছি, আমিই এনে  
দেব—আমি এই ধর্মমন্দিরে শপথ ক'ছি।

নেহার। হ্যাঁ ফকিরগি! ও খুব বাগাতে জানে,—  
খুব বাগিয়ে এনেছে।—আবার বলছে—তোমরা ফকীর-  
ফকিরগীতে আগাদের বে দিয়ে দেবে—তাইতে স্ফুর্ স্ফুর্  
ক'য়ে চ'লে এসেছিল।

গোলে। কেরে—কেরে—আমার প্রাণ-জুড়ান কথা  
কইলি? কেরে, আমায় আশা দিলি? কে তুই? আর—এক-  
বার তোরে আলিঙ্গন করি।

( দূতের প্রবেশ )

দূত। উদাসিনি, সেলাম! সাহানসার আজ্ঞায় আমি  
কয়েদী আর তার স্ত্রীকে নিতে এসেছি। প্রভাত হয়েছে—  
তাদের যেতে অনুমতি দিন।

গোলে। চল, আমি! তাদের নিয়ে যাচ্ছি।

কাউ। দেলেরা! দেলেরা!—

দেলেরা। কাউলফ! কাউলফ!—কি হবে?

[ সকলের প্রস্থান।

—

## সপ্তম গর্ভাঙ্ক

দরবার

সমরকন্দাধিপতি, মির্জান ও কোজগু

নগরের বণিক।

সমরকন্দাধিপতি। ইনিই কোজগু নগরের বণিক।  
এর পুত্র নাই।

মির্জান। তা আমি জানি।

সমরকন্দাধিপতি। তবে কি বলছেন—মার্জনা?—

মির্জান। সাহানসা! এ প্রেমে উন্মত্ত হয়েছে, এর  
হিতাহিত বিচার-শক্তি কিছুই নাই।

সমরকন্দাধিপতি। সে অপরাধ আমি মার্জনা ক'রতে  
চেয়েছিলেম।—কিন্তু ধর্মস্থান কলুষিত ক'রেছে—আমি  
মার্জনা ক'রলে মিথ্যার প্রশয় দেব। গ্রায়বান্ ঈশ্বরের উপর  
চেয়ে আপনার অনুরোধ রাখতে পারলেম না—ক্ষমা  
করুন।

(কাউলফ, দেলেরা, নেহার, টাহার, সায়েদ খাঁ

ও ফকীরের প্রবেশ)

সমরকন্দাধিপতি। আমি সকল অবগত হয়েছি,—তোমার  
নাম কাউলফ, বাদশা মির্জানের সেনাপতি ছিলে। অতি  
গুরুতর অপরাধে তুমি বহিষ্কৃত হও,—তার পর এই প্রতারণা,  
ধর্মগৃহ কলুষিত ক'রেছ।

( গোলেন্দামের প্রবেশ )

গোলে। পিতা, পিতা!—ছকুম দেবেন না, কণ্ঠাকে  
মার্জনা করুন। এ অভাগার প্রাণদান দিন!

সমরকন্দাধিপতি। কে তুমি?

গোলে। আমি আপনার অভাগিনী কণ্ঠা গোলেন্দাম।

সমরকন্দাধিপতি। গোলেন্দাম! তুই যখন চন্দ্রবেশে  
আমার নিকট আদিস, তখনই ভেবেছিলেম—তুই কে! তোর  
গলার স্বরে—তোর অবয়বে, তখনি আমার সন্দেহ হয়ে  
ছিল। কিন্তু দেখলেম,—তোর ফকিরগীর বেশ—আমি  
কিছু বলতে পারলেম না। দেখছি—প্রতারণাই তোর  
জীবন। গোলেন্দাম, তুই কাউলফের প্রাণ ভিক্ষা

ক'বতে এসেছি? স্বপ্নরকুলে কলঙ্ক দিয়ে,—পিতৃকুলে  
কলঙ্ক অর্পণ ক'বতে এসেছি?

গোলে। পিতা, কি ব'লছেন? আমি কদাচ কল-  
ঙ্কিনী নই। কাউলফ আমার পুত্র,—আমায় ও জননী  
জ্ঞান করে,এ কথা সত্য—আমি বাদসার নিকট,পিতার নিকট  
মুক্তকণ্ঠে ব'লছি। পিতা, আমি কলঙ্ক অর্পণ ক'র্বো?  
কখন' না!—আমার পতি ধ্যান জ্ঞান, পতি-শোকে আমি  
উদাসিনী—আমার পতি-আরাধনা আজীবন ব্রত। নিশ্চয়  
জানবেন,—আমি রাজকুলে কলঙ্ক অর্পণ ক'র্বো না। যদি  
ধর্ম থাকেন, যদি আমি পতিপ্রাণা হই,—যদি এই দণ্ডে  
সে প্রমাণ আমি দিতে পারি, তবে আমি প্রাণ রাখ'বো,  
নচেৎ এখনি আ'নার সমুখে প্রাণত্যাগ ক'র্বো।

কাউ। সাধনসা! মৃত্যু-আজ্ঞা দেন,—আমি মরণ  
সময়ে ব'লে যাই যে গোলেন্দাম আমার মা! জাঁহাপনা,  
রাজ-আজ্ঞার নিমিত্ত আমি প্রস্তুত।

মির্জান। গোলেন্দাম! গোলেন্দাম! প্রাণেশ্বরী—  
তোমায় বড় যত্নগা'দিয়েছি—আমায় মার্জনা কর। কাউলফ  
মৃত্যুকাল কি বলে—এই শোনবার জন্ত আমি অপেক্ষা  
ক'রছিলাম। তাই এতক্ষণ হৃদয়েশ্বরীর চরণে মার্জনা  
চাইনি। কি আশ্চর্য্য, আমি তোমায় চিনেও চিন্তে  
পারিনি! কিন্তু আর লুকোতে পারবে না, মার্জনা কর।

গোলে। প্রভু! প্রভু! দাসীকে কি ব'লছেন,  
দাসীর অপরাধ হয়!

সমরকন্দাধিপতি। কে? বাদসা মির্জান?

গোলে। হাঁ পিতা—এই নিদর্শন স্বরূপ বাদসাই  
অঙ্গুরী দেখুন।

সমরকন্দাধিপতি। বাদসা, আপনি স্বয়ং উপস্থিত।  
আপনি বিচার করুন,—আমি দায়ে খালাস।

মির্জান। দেলেরা! তোমার বাল্য সখীকে আলিঙ্গন  
কর। কাউলফ, আমার অপরাধ মার্জনা ক'র্বো কি?  
ভাই, এস—একবার আলিঙ্গন কর।

নেহার। মনিয়া, মনিয়া!—এইবার ফকীর-  
ফকিরুণীকে ব'লে আমরাও জোড়া হই।

টাহার। বেশ ব'লেছি নেহার;—তো'র আঁকল  
হ'য়েছে। এস পরিয়া, আমরাও দু'জন ফকীর-ফকিরুণীর  
পায়ে সেলাম দিই।

মনিয়া। ফকীর সাহেব! এই ভালুকটার গলায়  
মালা দিই?

মির্জান। দাও,—টিরসুখিনী হও।

টাহার। ফকিরুণি, আমরা?

গোলে। পরিয়া, কি বলে লো? শোন না।

পরিয়া। আর ব'ল'বো কি? এই বাঁদরটা পুষ'বো।

কাউ। দেলেরা—দেলেরা! তুমি আমার?

দেলেরা। তুমি আমার!

টাহার। দেলেরা, আমার প্রাণ যেমন সুখ-সাগরে  
ভাসছে, তোমরাও দু'জনে তেমনি সুখ-সাগরে ভাস'। আমি  
প্রাণ খুলে ব'লছি।

কাউ। ( টাহারের প্রতি ) ভাই! ভাই! আমায় কি  
মার্জনা ক'র্বো?

টাহার। একদম ভুলে গেছি,—তোমার কাছে পিরীত  
শিখে নিয়েছি। আমি আমার মনের মত পেয়েছি। বাবা,  
তুমি দেলেরার টাকার জন্তে ভেবনা,—তোমার বাঁদর  
ছেলে মানুষ হ'য়ে গেল। বাবা, মনটা বড় পরিষ্কার  
হ'য়েছে—তুমিও পরিষ্কার মনে সবাইকে আশীর্বাদ কর।

সায়েদ। বাদসা! সমরকন্দাধিপতি!—আপনারা সাক্ষী  
হোন, আমি কাউলফ আর দেলেরাকে অন্তর থেকে আশী-  
র্বাদ ক'চ্ছি। পরিয়া, মা, তুমি আমার কুলের রত্ন!—  
তুমি আমার ঘরে ব'সে ঘর আলো কর। নেহার, তুই  
আমার ছেলের মত, তুইও আজ পরম রত্ন পেয়েছি!  
সকলে সুখে থাক, আমি বৃদ্ধ—আশীর্বাদ করি।

কোজগুণী বণিক। বাদসানন্দ! বেগম সাহেব! সমরকন্দ-  
ঈশ্বর! সমাগত প্রজাগণ! সকলে শোন,—কাউলফ আমায়  
পিতা ব'লেছে;—আমি অপুত্রক,—আমি ও'র পিতা!  
আমি কোজগুণী নগরের বণিক,—এ নগরে সুন্দর বাণিজ্য  
ক'রে গেলাম। পুত্র-পুত্রবধু নিয়ে ঘরে যাই।

সমরকন্দাধিপতি। বাদসা! আপনার আজ্ঞায় আমি প্রচার  
করি—সকলে আনন্দ কর; আজ পরমানন্দের দিন—সকলে  
আনন্দ কর, বাদসার আজ্ঞা।

মির্জান। ফকিরুণি! সংসার সুখের! তোমার  
প্রেমের স্বপ্ন সত্য!

গোলে। ফকীর, আমার আজীবনের স্বপ্ন মিথ্যা  
হবে কেন?

ফকীর। বাদসা, তুমি পরম ধার্মিক। তোমায় আমি চিন্তেম, তোমার ফকীরী গ্রহণে সংসারে পরম অমঙ্গল হবে! ভেবেছিলাম—তোমার সঙ্গে ফিরে যদি তোমার সন্দেহ দূর ক'রতে পারি, তা হ'লে মানবহিতকর কার্য হবে। মানবের হিতসাধন ফকীর ও সংসারী উভয়েরই কার্য। ঈশ্বর-কৃপায় আমার কার্য সাধন হ'য়েছে—তুমি সিংহাসনে ব'সেছ, খোদা তোমায় বাদসাই দিয়েছেন—বাদসাই কর। আমি ফকীর—ফকীরী করিগে। বাদসা, বুঝতে পেরেছ—সংসার সুখের করা যায়। হৃদয়ে সন্দেহ না থাকলে, ভগবানের সংসার—প্রেমের সংসার স্বরূপ জ্ঞান হ'লে,—কার্যের নিমিত্ত কার্য ক'রলে—পরহিত সাধন ক'রলে—ফকীর আর বাদসাই দুই-ই সমান।

মির্জান। ফকীর, তুমি আমার গুরু!—শিক্ষাদাতা,—তোমার চরণে শত শত সেলাম।

ফকীর। (গোলেন্দামের প্রতি) বেগম সাহেব, বিদায়।

গোলে। ফকীর! তোমার কৃপায় হৃদয়েশ্বর ফিরে পেয়েছি; দাসীর সেলাম গ্রহণ করুন।

ফকীর। (কাউলফের প্রতি) কাউলফ,—সংসারে সুখ-দুঃখ উভয়ই আছে। হেথা দুঃখের ভয় পাওয়া—হীনতার পরিচয়।

কাউ। হ্যা ফকীর সাহেব!—তোমার চরণ-কৃপায় আমি বুঝেছি। সেলাম! আজ সকলেই মনের মতন! টাহার। পরিয়া আমার মনের মতন!

(সখিগণের প্রবেশ ও গীত)

মনের মতন যে পেয়েছে সে জানে।

আমাদের চেউ চলে কানে কানে।

যে মনের মতন চায়,

ক'রলে যতন মনের মতন পায়,

না পেলে রতন কেন ডুব বে দরিয়ায়;

যে চেয়েছে, যে স'য়েচে—সে পেয়েচে,

পায়, সরল প্রাণে যে জন খোঁজে,

মনের কথা যে মানে।

চলে যায় শ্রোতে ভেসে, বোধিকে তার মন টানে ॥

# পারস্য-প্রসূন

বা

## পারিসানা

( গীতি-নাট্য )

[ ২৭শে ভাদ্র, ১৩০৪ সাল, ষ্টার থিয়েটারে প্রথম অভিনীত ]

### চরিত্র

### প্রথম অঙ্ক

#### পুরুষ

হারুণ-অল-রসিদ	...	বোন্দাদের খালীফ্ ।
জাফের	...	ঐ মন্ত্রী ।
সুলতান মহম্মদ	...	বসোরার নবাব ।
এল্ফদল্	...	বড় উজীর ।
মুরুদ্দিন	...	এল্ফদলের পুত্র ।
এল্মোইন্	...	ছোট উজীর ।
সেন্ জারা	...	নবাবের পারিষদ ।
ইব্রাহিম	...	উপবন-রক্ষক ।
দালালগণ, ইম্মারগণ, সভাসদগণ, রক্ষকগণ, জেলে ইত্যাদি ।		

#### স্ত্রী

পারিসানা	...	পারস্যদেশীয় দাস-বালিকা ( পারস্য-প্রসূন ) ।
আবুসা	...	এল্ফদলের স্ত্রী ( মুরুদ্দিনের মাতা ) ।
এন্সানি	...	এল্মোইনের স্ত্রী ।
বাদীগণ, নর্তকীগণ, পরিচারিকা, জেলেনী, সখীগণ ইত্যাদি ।		

#### প্রথম গর্ভাঙ্ক

বসোরা—গোলাম-বাজার  
বাদীগণ ও দালালগণ ।

( গীত )

সকলে।—

নয়া নয়া চাঁদের হাট,  
নয়া সুরত নয়া ঠাট ।

১ম দালাল ও বাদীদ্বয়।—

ছিল সেওড়া গাছে,  
নাকের বিচে বজ রা চ'লেছে,  
যে দেখেছে সে তোবা ব'লেছে,—  
গাঁ ছেড়েছে তাল্লাক দিয়ে,  
পালিয়ে গেছে পেরিয়ে মাঠ ॥

২য় দালাল ও বাদীদ্বয়।—

ঘোর যুবতী, খুপ্ সুরতী,  
তাকিয়ে যেন মাজা,—  
চ্যাপ্ টা-মুখী, চাদবদনী,  
কোলা বেঙের ধাঁজা,  
গমকে গোঁ ভরে বান,  
শাণের মেঝে ধরে কাট ॥

৩য় দালাল ও বাদীদয় ।—

গো-ভাগাড়ে, ধুমিয়ে ছিল বটগাছের ডালে,  
দু'টা গাল উলেছে খালে,—  
দেখলে হকিম তক্তা ছাড়ে,  
হুম্‌ড়ি খেয়ে পড়ে লাট ।

৪র্থ দালাল ও বাদীদয় ।—

পগার-পারে কোঁপের ভিতর ছিল বিরলে,  
খামকা এসেছে চ'লে,—  
গরবিনী গোবর-গাদা  
জুটেছে তাই মিল্লো সাট ॥

( এল্‌ফদলের প্রবেশ )

১ম দা । আরে আইসেন সাহেব আইসেন,  
এই পিঁড়ি পেইতে বইসেন !  
২য় দা । আরে মৎ বইসো ওস্কা পাশ,  
ওরা তোমায় চিজ্ দেহাতে পার্বে ?  
৩য় দা । আরে নে নে,—ফজ্‌র সাম্,  
তুই ক'রতেছিস্ কুলীর কাম ।  
২য় দা । ওড়া চিজ্ কনে পাবে,  
তোমায় ঘুরায়ে ঘুরায়ে সার্বে ।  
৪র্থ দা । হামার এই কাম, গোলাম আলি নাম,  
খাতা—লিছু আর গোলাব জাম ;  
চাও যদি খুপ্‌ সুরতি ঠাম, ফেল দাম ।  
দিল ঠাণ্ডা ক'রে, হাত ধ'রে নে ঘরে যান ।  
আর যদি রদী চিজ্ চাও,  
ওনাদের কাছে যাও ।  
এল্‌ফদল্ । আরে সম্‌জো হাল,  
মাংতা আচ্ছা মাল,  
হাম নেমক্‌ হালাল ;  
নবাবকো কাম্‌মে ম্যায় আয়া ।  
ম্যায়তো বড়া উজীর, দোয়া করে পীর,  
তো মিল্‌ যায় জায়গীর ।  
আচ্ছা বাদীকি দর কেয়া ?  
দর বাংলাও, চিজ্ দেখ্‌লাও,  
জল্‌দি কর, মৎ ডর,  
কই আচ্ছা মাল লাও ?  
৪র্থ দা । খোদা-কশম—খোদা কশম,

চিজ্ দেহেই হবা জখম্ ।

৫ম দা । সিরাজসে লায় বাদী,  
সুরৎ ক্যায়সা,—য্যায়সা বাদ্‌সাজাদা ।  
লেনা আমীরকা কাম, যো ছোড়ে ইনাম্ ;  
মুলুক চুঁড়ো তামাম্,—সুবে সাম,  
নেহি মিলেগা অ্যায়সা ঠাম ;  
গুল্‌কা রং—গুল্‌কা চং !

এল্‌ফদল্ । ম্যায় মুলেগা, করেগা নবাব সাদি ।

৪র্থ দা । আরে মৎ যাও, খোদা-কশম,  
মাল বড়া রদী,  
নেহি উব্দী, ধরা সদি,—  
খোদা-কশম—চিজ্ বহৎ রদী ।

( পারিসানার গীত )

যো লেওয়ে, সো পাওয়ে, দিল মেরি নেহি  
দরদি সহি, বেদরদি সহি ॥  
মস্‌গুল্‌ হোকে, কই কদরসে গুল্‌কো দেখে,  
ছাতি'পর উঠায় রাখে,  
জমিন্‌মে তোড়্‌কে ফেঁকে,  
গুল্‌ ওয়সে রহে, যো য্যায়সা রাখে,  
মুখে য্যায়সি রাখো, ম্যায় ঐসি রহি ॥

এল্‌ফদল্ । আরে, তোফা—তোফা—তোফা !  
কহ সাফা, ইফ্কি ক্যা দর ?  
মেরা লাগা নজর ।

৫ম দা । ম্যায় ঠক্‌ নেহি, মেরে একই দর,  
লাখ রুপেয়া ফেকো,—লে চল ধর ।

এল্‌ফদল্ । আরে কেয়া হ্যায়,  
ঠিক্‌ বোলো জিস্‌মে দেগা ।

৫ম দা । আরে খোদা-কশম্—খোদা-কশম্,  
কম্‌তি নেহি লেগা ।

এল্‌ফদল্ । দেতা হাজার রুপেয়া—চিজ্‌ লেয়াও ।

৫ম দা । খোদা-কশম, বাৎ না উঠাও ।  
দিল্‌ তোড়্‌কে,  
দেতা দশ হাজার ছোড়্‌কে ।  
লে আও হাজার আশী,  
কম্‌তি কহতো গলেমে লাগাও ফাঁসী ।

এল্ ফদল্ । আরে লেও লেও চার হাজার ।

৫ম দা । আরে খোদা-কশম্—খোদা-কশম্,

শুননে সে আওয়ে বোখার !

তোমারা খাতিবুসে

ছোড়ে ফের দশ হাজার ;

সো ভর লেয়াও ?

এল্ ফদল্ । আরে, যাও যাও যাও,

দিল্ লেগি কাছে উঠাও,

দেতা আউর এক—

৫ম দা । খোদা-কশম্—খোদা-কশম্,

আপ্তো মালেক :

খাতিবুসে ছোড়্তা ফের দশ,

ছয়া ষাট্—বাস্ ।

এল্ ফদল্ । আরে শুন্ মেরা বাং,

হাম বড়া উজীর,

নবাব কিয়া হুকুম জাহির ;

ছোটা উজীর কেৎনা কিয়া,

নবাব উস্কা বাং নেহি লিয়া ;

হাম্কে হুকুম দিয়া,

লেয়াও আচ্ছা বাঁদী,

হাম্ করেগা সাদি ।

তোম্ বেচো, লেও আট হাজার,

নেহিতো হোগা গুণাগার ।

৫ম দা । খোদা-কশম্—খোদা-কশম্,

দে দেও আউর দো হাজার,

ইস্মে লাফা কেয়া,

ইস্কি পিছে যো খরুচা কিয়া,—

সো বাতায়্যা ;

দেখ্কে নবাব খুসি হোগা,

আপ্কে ইনাম্ দেগা ।

তব্ হামারা বাং ইয়াদ হোগা ।

ঘরুমে লে যাও,

বহুং হায়রাণ হায়, খোড়া তছির লাগাও,

ধো-ধাকে নয়্যা পোষাক দেকে তব্ বানাও,

তব্ নবাব কো পাশ্ লে যাও ।

আপ্, য়ায়সা বড়া উজীর,

মিলেগা ত়ায়সা বড়া জায়গীর ।

( সেলাম )

এল্ ফদল্ । আচ্ছা বাঁদী,

হোতা মেরা লেড়্ কাসে সাদি !

[ পারিসানাকে লইয়া প্রস্থান ।

বাঁদীগণ ।— ( গীত )

আমরা বিকোবো আর হাটে—

এখন চ'রবো ধাপার মাঠে ।

আঁজ্ লা আঁজ্ লা খাবো পানি, উলে মেটে ঘাটে ॥

শোনলো স্বজনি, সাম্নে আঁধার রজনী,

যুব্বো তেমাখা পথে, ক'রবো কুঁহনী ;

সখের ছাঁহনী, ধ'রবো কাঁহনী,

হয় যদি তায় হোক খুনোখুনি ;

সই লো সব সাম্লে থাকিস্,

কেউ যেন না পথ হাঁটে ॥

[ সকলের প্রস্থান ।

## দ্বিতীয় গর্ভাঙ্ক

এল্ ফদলের বাটীর একটা কক্ষ

পারিসানা ।

( গীত )

তোরে করি লো মানা,—

ফুটোনা ফুটোনা কলি, পাবে বেমনা ।

যে পাবে সে তুলে নেবে, অযতনে শুকাইবে,

প'ড়ে রবে ধুলায় নীরবে ;

কলিকা জান না, কেউ তো কদর জানে না ॥

নিয়ে যাবে হাট-বাজারে, বেচ'বে তোরে যারে তারে,

সৌরভে সে ভুলাবে কারে ;

তাই বলি লো কমল-কলি, বাতনা প্রাণে যাবে না ॥

সখিগণের প্রবেশ )

সখিগণ ।— ( গীত )

অযতনে ছিল এ রতন, —

মরি হায় বুক ফেটে যায় দেখলে চাঁদবদন !

মেখে ফুলের রেণু চাঁদের কিরণে,

নয়ন দু'টি এঁকেছে ধানে ;  
এলোকেশে বেশ ক'রেছে—  
পাঠায় ঢাকা ফুল যেমন ।  
মরি নারী হেরে মজে নারীর মন ।

( আব্দার প্রবেশ )

আব্দার । এনেছি যতনে, যতনে রাখিব,  
ভেবনা গো বিনোদিনি,  
রমণীর মণি তুমি মা আমার,  
নৃপশির বিলাসিনী ।  
রমণী-রতন সাধ নবাবের,  
উজীরে কহিল ডাকি,  
রূপগুণযুতা অতুলনা নারী,  
পাইলে যতনে রাখি ।  
নবাবের সাধ পূরাতে, তোমাতে  
আনিয়াছে স্বামী মম,  
প্রদানা বেগম হবি আদরিণী—  
কেহ নাহি হবে সম ।  
থেকো সাবধানে শুন আমোদিনি—  
রাণী হবে রেখ মনে,  
কুমার আমার চপল-স্বভাব  
না মিশে তোমার মনে ।  
মধুর সম্ভাষে ভুগায় রমণী,  
কত মত জানে ছাণা,  
রেখো নিজ মান, ভুলনা ভুলনা,  
ম'জো না সরলা বাণা ।  
পারি । রাখিবে যেমন রব সেই মত,  
নাহি প্রাণ-মন-সাধ,  
থাকি যার কাছে তারি মনে মন,  
সাধ সনে মম বাদ ।  
স্মৃতির উদয় যেই দিন হ'তে,  
পরের সে দিন জানি,  
পর-প্রীতি হেতু ফুটে ফুল-কলি,  
ফুল নহে অভিমানী ।  
সোহাগ-বিরাগ নাহি ঠাকুরাণি,  
অধিনী আপন-হারা,

পর আপনার কেবা আছে আর,  
সম এ জীবন-ধারা ।  
আব্দার । ছি ছি মা অমন কথা,  
আর ব'লো না আর ব'লো না,  
আজ বাদে কাল বেগম হবে,  
তোর সনে বল্ কার তুলনা ?  
মনের মতন সাজিয়ে তোরে,  
পাঠিয়ে দিব সভার মাঝে,  
তুল্ বি বন্দন, নয়না-ছুরি,  
বাদসার যেন বৃকে বাজে ।  
যতনে সিংহাসনে,  
বৃকে ক'রে তুল্বে যবে,  
কথা কি স'ব্বে মুখে,  
মুখ পানে তোরে চেয়ে রবে ।  
হেসে হেসে মধুর ভাষে  
যখন দু'টি কথা ক'বি,—  
সোহাগে ফুট্বে হৃদয়,  
হৃদ-মাঝে তোরে ব'স্বে ছবি !  
প্রাণ মন তোরে স'পে,  
তুল্বে সদাই তোরে কথাতে,  
কিবা তোরে থাক্বে বাকি  
নবাব যখন পারি পাতে ।  
এখানে থাক্ না দু'দিন,  
খাওয়াই দাওয়াই আদর ক'রে,  
কে জানে, তুই মা আমার,  
মন সরে না দিতে পরে ।  
যা হবার হবে পরে,  
কার বা মেয়ে থাকে বশে,  
নবাবের মাথার মণি,  
রাখ'বো ঘরে কি সাংসে ।  
রাজ-মহলে রাজ-আদরে,  
তুই তো আশায় যাবি ভুলে,  
মোহিনী ছবি খানি,  
আমি হুমে রাখ'বো তুলে ।  
সে তখন যা হয় হবে,  
ভুলিস্ নে মা, কারুর কথায়,



হ'ও না আপন-হারা,  
বাজ পেতে নিও না মাথায় ।  
আছি তোরা মান করিস,  
মুরাদিনকে কাছে যেতে,  
দুঃখ-ছেলে দেখতে পেলে,  
তখন সে উঠবে মেতে ।

[ আব্দুসার প্রস্থান ।

সখীগণ । চল চল লুকোও ঘরে  
এলো ব'লে পাচ্ছি সাড়া,  
হ'লে পরে চ'খে চ'খে,  
ভার হবে লো তারে ছাড়া ।  
জহর যেমন তোর আঁখিতে  
তেমনি আঁখি জহর-ভরা,  
বদন তুলে চাইলে পরে  
হয়লো নারী জ্যাস্তে মরা ।  
যেমন তোমার মধুর হাসি,  
তারও হাসি মধু ঢালে,  
চতুরা কে রমণী,  
কথাতে না পড়ে জালে ।  
সমানে বাধলে সময়,  
হানাহানি হবে নানা,  
রণে আর কাজ কি ম্যানে,  
থেকো না লো করি মানা ।

[ সখীগণের প্রস্থান ।

( মুরাদিনের গান করিতে করিতে প্রবেশ )

( গীত )

মনের মতন রতন যদি পাই ।  
বুকের নিধি বুকে নিয়ে উধাও হ'য়ে যাই ॥  
আমার ব'লে ডাকে সে আমায়,  
আবেশে মুখের পানে চায়,  
হ'য়ে তার প্রেম ভিখারী বিকিয়ে থাকি পায় ;  
আমার ফুটলো কলি হৃদ-মাঝারে,  
আদরে বসাবো কারে,  
মন নিয়ে যে মন দিতে চায়,  
মনের মতন কেউ তো নাই ॥

ধ্যানে বুঝি মন, করে দরশন,  
এ রতন মনোময়ি,  
না জেনে বাসনা, করিত কামনা,  
মোহিনী মানস-জয়ী ।  
মানব-মানসে, অধর সরসে  
ধ্যানে হেরিবারে নারে,  
ছবি প্রাণ মাথা, প্রাণে রয়ে ঢাকা,  
প্রাণ সদা খোঁজে যারে ।  
নারী অতুলনা, বদন তোল না,  
বারেক চাহ না ফিরে,  
দেখিব নয়ন, করিব যতন,  
রাখিব হৃদয় চিরে ।  
দেহ পারচয়, জুড়াও হৃদয়,  
শুনি প্রেমময় বাণী,  
জন-বিনোদিনী, মন বিকাশিনী  
আমোদিনী প্রেম-রাণী ।

পারি । থেকো না, আমার সনে —  
কইতে কথা আছে মানা,  
পণে কেনে পণে বেচে,  
প্রেম তো আমার নাইকো প্রাণা ;  
গ'ড়েছে নারীর মতন,  
প্রাণ তো আমার তাড়িয়ে দেছে,  
ফুটেছি শুকিয়ে যাবো,  
পরের তরে আছি বেঁচে ।  
মন দিয়ে মন নিতে নারি,  
নারীর গঠন নই ত নারী,  
ভেসে যাই চেউয়ে চেউয়ে,  
যে তুলে নেয় হইতো তারি ।

মুরাদ । হৃদয়ে নিছি তুলে,  
আর যেও না কারু কাছে,  
ধর প্রাণ—যতন কর,  
ফিরবে তোমার কাছে পাছে ।  
প্রাণ নিয়ে প্রাণ খুঁজে দেখো,  
খুঁজে পেলে আমায় দিও,  
আমার আর নইতো আমি,  
যা আছে তা তুমি নিও ।

( সখিগণের গান করিতে করিতে পুনঃপ্রবেশ )

( গীত )

ফুটেছে কমল-কলি, আপ্নি এসে জুটলো অলি।  
সে কেন শুন্বে মানা, মিছে কেন বলাবলি ॥  
গোপনে কমল বিকাশে,  
মনে মনে মন জেনে তাই ভ্রমরা আসে,  
যারে যে ভালবাসে, সে যায় তার পাশে;  
জেন লো প্রেম যেখানে - সেখানে চলাচলি ॥

—

### তৃতীয় গর্ভাঙ্ক

এল্ফদলের অন্তঃপুরস্থ কক্ষ

আবুসার প্রবেশ ।

আবুসা । এ কি অনাসৃষ্টি,  
গায়ে হ'চ্ছে অগ্নিবৃষ্টি,  
এমন গুষ্টিছাড়া ছেলে কি আর হবে !  
যেটি মানা ক'রবে,  
সেটি আগে ধ'রবে,  
বারে বারে মিন্‌সে কত সবে ।  
মেনে পীর, হ'য়েছে বড় উজীর,  
তাইতে তাকে নবাব হুকুম দিলে ;  
আনুলে বাঁদী,  
নবাব ক'রবে সাদি,  
হতছাড়া ছোঁড়া তারে নিলে !  
চারিদিকে হুস্মন,  
ছোট উজীর নয় যেমন তেমন,  
নবাবকে কি আর ব'লতে বাধি ক'রবে !  
প'ড়লে নবাবের রাগে,  
জল খায় গোক-বাঘে,  
সব্বাইকে মেরে ছোঁড়া ন'রবে ।

( এল্ফদলের প্রবেশ )

এল্ফদল । কোথায় গেল নোরো ছোঁড়া,  
লাগাবো বিশ কোড়া,

এ বাৎ কি থোড়া সমুজ্জ ক'রছে !  
নবাবের বাঁদী আনুলুম ঘরে,  
ছোঁড়া কিনা তারে ধরে !  
আমার কোতল, গিন্নী টেনা প'রছে !  
দেখ, ছোঁড়ার করি কি হাল,  
ঝাড়ি গায়ের বাল,  
বক্তে আমার আগুন জ্বলে দিলে !  
কোথা ইনাম পাবো,  
তা নয় কোতল হবো !  
কুট কুটে ওল ভাতে দিয়ে গেলে !  
দেখ বক্ত,  
কামটা হ'লো ভারি শক্ত,  
ফোক যদি নবাবের কাণে ওঠে ;  
ওঠে পাঠ, মোকাম হয় মাঠ,  
আর জহলাদের হাতে উজিরী যায় ছুটে !  
ধরু—দে তাড়া,  
ওই পালায় ছোঁড়া,  
আর আনতো সেই ছুঁড়ীকে,  
তার সমুজ্জ করি থোড়া ?

( পারিসানা ও সখিগণের প্রবেশ )

সখিগণ ।—

( গীত )\*

হ'লে হায় চ'খে চ'খে —  
আর কি থাকে, মন বিকুলো ।  
বাধা কি সাধে মানে,  
প্রাণে প্রাণে মিলে গেল ॥  
নিত্য তো হ'চ্ছে এমন,  
মনের ফাদে পড়ে লো মন,  
মন খুঁজে নেয় তার মনের মতন ;  
চলে মন মনের স্রোতে,  
বাধা কে হায় দেবে তাতে,  
বিধির লিখন হয় যেমন হ'লো ।  
হু'জনে কোথায় ছিল,  
কোথায় থেকে কোথায় এলো ॥

এল্ফদল । তবে রে বেগী রদী, বাঁদীর বাঁদী !  
বাদসাই তরু কি তোমার বরাত্ত মেলে !  
এনে ঘরে প'ড়লেম বিষম ফরে,

শুধী হুঙ্কর মাথা বেটা খেলে !  
বেহায়ি, শুন্লি নে মানা,  
সামনে গোণা—হলি কাণা,  
হাঁরে ফেলে ওড়নায় কাঁচ বাঁধলি !  
ওলো সয়তানি, ছিল কি হুস্মনী,  
গস্তানী তুই খুব বেইমানী সাধলি !  
বল বেটা,  
নয় মাথায় দেব তিন টাটি,  
মাথা খেয়ে কি দেখে তুই ভুল্লি !  
সমুঝ্ ক'বুলিনে তিল,  
গলায় বেঁধে শিল,  
দরিয়ার বিচে খামকা গে উল্লি !

পারি ।—

(গীত )

প্রেম-সাধ নাহি পরশে,—

পরের উন্মিত্তে ফিরি, নহি তো আপন বশে !  
কিশোরে স'য়ে বেদনা, প্রাণ মম অবদনা,  
অতি বেদনায় প্রাণ বাধা জানে না ;  
বাসনা কামনা মানা, প্রাণ কিসে প্রেমে রসে !  
কি দোষ বল না মম, পাষণ-পুতলী মম,  
মতিহীনা গতিহীনা—জীবন বহে অবশে !

আরুসা ।

তবে রে বেটা—তবে রে,  
শেষে তোর কি হবে রে,  
এই বয়সে এত কুটো কথা !  
বেটা আমার খুপ্ সুরং,  
তোর দিলে গে লাগলো জোং,  
তাইতে ওং ক'রে লো খেলি আমার মাথা !  
বল দেখি সাচ্চা বাং,  
আমার বেটাক তোর চায়না আঁং,  
আমার সাথে বুঝা বাং ক'সনে ;  
যা হবার হ'য়ে গে ছে,  
পাকা ফল ফলবে না কেঁচে,  
মুট্, মুট্, আর গুণাগারী হ'স্ নে ।

সখিগণ ।—

(গীত )

সরোবর—বুক পেতে ধরে,—

নিরে বুক চাঁদের ছবি জল আলো করে !

ধীর পবনে উঠে কত চেউ,  
সে কি হয় গুণ্তে পারে কেউ,  
চাঁদ মেখে গায়,  
চেউ ভেসে যায় সোহাগের ভরে ।  
সাজে সই, চাঁদের হারে,  
চাঁদ কেন তার হৃদাগারে,  
যদি হৃদাও তারে ব'লতে সে নারে,—  
সে জানে রূপের কদর,  
রূপ হেরে যার মন হরে !

এল্ফদল্ ।

যা তোরা ব.—পেয়েছি যে যা,  
মার্গী-মিন্‌সেয় ব'সে খানিঃ সাম্‌লাই,  
কোথেকে আনলুম বালাই—  
কোথেকে আনলুম বালাই !

[ সখিগণ ও পারিমানার প্রস্তান ।

শোন গিম্বি, পীরকে দিয়ে সিম্বি,  
মনে মনে যা জানি তা করি ।

আরুসা ।

আমারও হ'চ্ছে আঁচ,  
ভাবছি সাত পাঁচ,  
বুঝতে নারি—কোন সড়ক এখন ধরি ।

এল্ফদল্ ।

তোমার তো নাই কেউ,  
একটা মনের মতন হুয় বউ,  
ক্ষতি কি তায়, রাখবো কথা চেপে ;  
বড় একটা হয়নি গোল,  
কে বল বাজাবে ঢোল,  
কেউ গোল করে ত টাকা দেব মেপে ।

আরুসা ।

ছোট উজীর সয়তানের সেরা !

এল্ফদল্ ।

কিসে পাবে এন্দারা—  
চুপি চুপি লেড়কার দেবো সাদি ;  
যদি নবাব পুছ্ করে, ব'লবো দেখ্‌চি ঘুরে,  
এখনও পাইনে ভাল বাঁদী ।

আরুসা ।

তবে আছে একটা বাং,  
বুঝ্ কর তোমার লেড়কার সাত,  
বাঁদীর সাত সাদি যদি না করে ?

এল্ফদল্ ।

সাদি ক'ববে না, ধ'বুব গদ্দানা,  
বুকে হাঁটু দেবো, যার ভেড়া থাক্ ম'রে ।

আবুসা । তুমি খুব শাসাবে, যখন আক্কেল পাবে,  
আমি ছাড়িয়ে দেবো,  
যদি বাদী করে সাদি—  
তা আগে বাঙলে নেবো ।

( সুরাদিনের প্রবেশ )

এল্‌ফদল্ । বেশ সাবাস —  
বেটা কোথায় যাস ?  
এখনি ক'রবো খুনোখুনি !  
তোর বেইমানী আগাগোড়া জানি,  
দাঁড়া কিলিয়ে তুলো ধুনি । (প্রহার)

সুর । বাবা বাবা, তোবা তোবা—  
আর মেরো না, জান বেরুবে ।

এল্‌ফদল্ । তবে রে বেটা, নচ্চার বেটা,  
তবে রে বেটা—তবে,—

আবুসা । কেন আর হও হায়রাণ,  
দেও ছাড়ান ;  
দেও বেটার এই বাদীর সাথে সাদি ।

সুর । বাহবা, বাহবা— তুমি আচ্ছা বাবা,  
কি বল বো মা,— সাদি দেও যদি,  
দেবো কাজ-কর্মে মন,  
রোজগার ক'রবো কাঁড়ি কাঁড়ি ধন,  
দেখোদেখি—বেচাল আর কি পাবে ।

এল্‌ফদল্ । আমি দিই সাদি,  
তারপর বউ নে ঘরে বসে কাঁদি !  
বউ ফেলে জুয়া খেলতে যাবে ।

সুর । আমি দিচ্ছেছি তাল্লাক,  
জুয়া খেলে হ'য়েছি তাল্লাক,  
বদখেয়ালি আর কি মিয়া করে,  
আবার—ফের—হ'য়েছে ঢের,  
চোরটার মতন ব'সে থাকবো ঘরে ।

আবুসা । তবে বাদীকে ডাকি ?

সুর । সত্যি নাকি ! সত্যি নাকি !  
আজই সাদি দেবা,  
এরেই বলি মা, আর এরেই বলি বাবা !

( পারিসানা ও সখিগণের প্রবেশ )

এল্‌ফদল্ ও আবুসা ।— ( গীত )\*

ঝুঁকে ঝুঁকে আয়ি ।

আল্লি জান্‌কা জান্‌ তুঝে বিলায়ি ॥

দেখ যতনসে রতন লিও, নেহিতো ঘুমায়ে দিও,

বেদরদী না হোনা বুয়া কিও ;

নেহি বাৎকি, চিজ্‌ আঁৎকি,

ছুখ্‌মে সূখ্‌মে এ রতন সাৎকি,

এ কলিজা কি রোসেন হো তুঝে বাতায়ি ॥

সখিগণ ।— ( গীত )

প্রেমে সই, মানা কি মানে ।


যেখানে মন টানে তার সেতো তা জানে ॥

রূপে সই মন মজে না, সে বলে সে মন বোঝে না,

ভাসতে সদা রূপ-মাগরে মনের বাসনা,

খেলে প্রেম রূপ লহরে, রূপের টানে প্রাণ টানে ॥

## দ্বিতীয় অঙ্ক



### প্রথম গর্ভাঙ্ক

শুক্লাদিনের বাটী

নাচঘর

শুক্লাদিন ও ইয়ার।

ইয়ার। তুমি জান না, এ গুনিয়া,—তথা কেউ কারুর না। তবে কি জান, দিন ক'র যা আমোদ ক'রে নিতে পার; বোঝ না, বাপ-মা কার চিরদিন থাকে, কেন সারা হও শোকে; আমোদ কর, মজা মার, কি হবে কেঁদে কেটে; কবর থেকে বাপ-মা কি আসবে? কেন রাতদিনই ঘ্যান্ ঘ্যান্ কর,—আহ্লাদ-আমোদ কর, দান-ধ্যান কর, দশ জনে ভাল ব'লবে—ভালবাসবে।

শুক্লা। কি জান ইয়ার,  
ক'রতো ভারি পিয়ার,  
বাপ-মার ধার এ জন্মে কি শোধ যাবে!  
কি জান, প্রাণ বোঝান দায়,  
সদাই করে হায় হায়!  
দিন যাক্, সবই সবে—সবই সবে।

ইয়ার। আরে নাও নাও এস,  
চেপে গদীতে ব'সো,  
প্রাণ ভ'রে খানিক গান শোন;  
শুনলে গান,—তাজা হবে জান,  
গলা যেন তলোয়ার খান;  
মিছে কালা-কাটা কেন?  
এনেছি গুল সরাব,  
পিয়ে যা বাদসা জনাব;  
সরাব চাল, আমিবা চাল চাল',  
র'সো, আমি সব নিয়ে আসি।

[ ইয়ারের প্রস্থান। ]

শুক্লা। আচ্ছা, ডাকি আমার জানিকে;  
সেও ত কাঁদে কাটে, একলা থাকে,—  
মিছে নয়, কার কে,—  
আমোদ করি—তু'জনে জ'ম্কে ব'সে।  
ও জানি,—ও মণি!  
এস, একটু সরাব টানি,—  
কি হানি,  
টাকা-কড়ির তো অভাব নাই,  
এস, মজা ওড়াই।

( পারিসানার প্রবেশ )

পারি। বেশ, বেশ, এস আমোদ করি তু'জনে।  
শুক্লা। না—না, ইয়ার বক্দি নে।  
পারি। তবেই হ'য়েছে, যা আছে তা ফু'ক্বে তু'দিনে!  
শুক্লা। আরে নে নে, আর হাড় জালাম্ নে,  
আমোদ করি আয়।  
পারি। আচ্ছা, যা বল তাই, শুনবে না ত' আর,  
কাজ কি কথায়।

( স্ত্রী-পুরুষগণের প্রবেশ )

সকলে।— ( গীত )

কন রণ বাজে পায়েরা।  
হেলা দোলা পিয়ারা মিল্কে খেলা ॥  
স্বরথ পিয়ারা চলে, স্বরথ আঁধি তুলে,  
পিয়ারা পি লেও ব'লে;  
রোসেন রাতি, কিয়ে রোসেন ছাতি,  
রোসেন কি লহর চলে, দিল্ কি আসক্ মিলে,  
রোসেন কা হরদম মেলা ॥

শুক্লা। আও জান, ক্যা তোমারা নাম?  
চক্কা মোকান তোমকো দিয়া!  
আও পিয়ারি,  
মেরা বড়া বাগিচা তোমারি,  
দিল্কে চায়েন তোম কিয়া।  
আও বিবি, আও,  
দোসরা কাম্‌রেমে যাও,  
বহুৎ হায় মাল খাজানা,

লে লেও যেতা খুসি, ওস্কা ক্যা ঠিকানা।  
আও জান হীরা, দেখো আঙ্গুঠী কি হীরা,  
তোমারি কিরা—  
বেচনেসে মুলুক গিলে ;  
লে লে তোমকো দেতা হায় লে—  
মেরা বহুং হায় মুলুক মোকান,  
শোন মেরি জান, মেরি জান—  
যো পসন্দ্ সো লেও,  
পিয়ারি, মুঝে সরাব দেও !

সকলে ।—

( গীত )

তারারা তারারা প্রাণ কেমন করে ।  
গোরি তরে, এস হৃদয়'পরে ॥  
তারারা তারারা বদন তোল,  
হেসে দু'টো কথা বল,  
তারারা তারারা ছাড় ছলা, এস ধর গলা,  
তারারা নয়নে প্রাণ নেছ হ'রে ।  
তারারা স'পেছি প্রাণ তোরই করে ॥

[ সকলের প্রস্থান ।

## দ্বিতীয় গর্ভাঙ্ক

নবাবের দরবার

সুলতান মহম্মদ, এন্মোইন ও সেনজারা ।

মহম্মদ । কোন' ব্যাটা একটা বাঁদী আনতে পারলে  
না ! কেউ ক'চ্ছেন দেওয়ানী—কেউ ক'চ্ছেন উজিরী ।

সেনজারা । আ মরি মরি ! আহা, নবাবের যৌবন  
থাকতে থাকতে কেউ একটা বাঁদী এনে দিলে না গা !  
তা নবাব যে আমায় বলেন না ;—সেদিন একটা তোফা  
বাঁদী হাতে এসেছিল,—মুখখানি যেন কাঁসী, নাকটী যেন  
আলুথরণ বাঁশী ; ভেট্‌কী মাছের মতন হাঁ, আর বুনো  
ময়ূরের মতন রা ; কি বল'বো রঙের কথা, যেন কচি

সজ্জনে পাতা, হাত ছ'খানি যেন হাতা, চুলগুলি ঝাঁকড়া  
ঝাঁকড়া, যেন মাথায় ধ'রেছে ব্যাঙের ছাতা ; যদি চালালে  
ঠ্যাং, যেন মাদোয়ান ছাড়লে ল্যাং, আর পা মুড়ে ব'সলো  
যেন পাথুরে কোলা ব্যাং ! গায়ে লাগে না কাতুকুতু,  
খালি খায় ছোলার ছাতু ; ঘেঁটুফুল দে সেজে আর হাতে  
ব'সেছিল, হাজার টাকায় বিকিয়ে গেল ।

মহম্মদ । নে ব্যাটা, মস্করা রাখ ।

সেনজারা । আর একটা বাঁদী দেখেছিলেম আজ  
বৈকালে, - সাতটা কোলের ছেলে ফেলে হাতে এসেছে,  
রূপের চটকে যেন আটচালা ছেয়েছে ; দেহ যেন তাকিয়া,  
যে দেখে তার ছোটে হায়া, ঘুচে যায় নাওয়া-খাওয়া ।

মহম্মদ । হ্যা উজীর, তুমি কি ক'বুলে ?

এন্মোইন । তা আমার অপরাধ কি জনাব, আপনি  
এল্‌ফদলের উপর ভার দিলেন, সে বড় উজীর ; আমি  
কিন্তু তখনই ব'লেছিলেম যে, জনাব, ওর কাম নয় ; সে  
আজ আনি, কাল আনি ক'রে—সিঙ্গে ফুকলে ।

সেনজারা । ভয় কি, তুমিও আজ আনি, কাল আনি  
ক'রে সিঙ্গে ফুকবে ।

মহম্মদ । শোন উজীর, আমার সাফ্ কথা, আমি  
বাঁদীর জন্ত মন-মরা হ'য়ে র'য়েছি ।

সেনজারা । নবাব মন-মরা হ'য়ে র'য়েছেন !

মহম্মদ । হ্যা মন-মরা হ'য়ে র'য়েছি, একটা বাঁদী  
হয় ।

সেনজারা । হ্যা একটা বাঁদী হয় ।

মহম্মদ । হ'লো কাছে ব'সলো, গায় একটু হাত  
বুললে ।

সেনজারা । হ'লো দাড়া কুলুলে, পাকা দাড়া ছোটো  
তুললে ।

মহম্মদ । হ'লো মুখ মুছালে—খাইয়ে দিলে ।

সেনজারা । হ'লো, বড়ো হাব্‌ড়া ম'লে, খানিক চোখ  
রগুড়ে কাঁদলে ।

মহম্মদ । তবে রে ব্যাটা, তোর যত বড় মুখ—তত বড়  
কথা, আমি ম'রবো !

সেনজারা । বালাই, আপনি কি বড়ো, আপনার কচি  
যৌবন, বাঁদী সাদি ক'রবেন দেড় পণ ।

মহম্মদ । হ্যা হ্যা—হ'লো একটা গাইলে ।

সেনজারা। হ'লো দুটো ঠোনা দিলে ছ' গালে।

মহম্মদ। হ'লো হেসে দুটো মিঠে বাত ব'ল্লে।

সেনজারা। হ'লো কামড়ে নিলে, নয় অ'চড়ে দিলে।

মহম্মদ। তবে রে ব্যাটা !

সেনজারা। কামড়ালে আমায়।

মহম্মদ। তোরে কামড়াবে কেন ?

সেনজারা। তবে মাটা কামড়ে প'ড়লো।

মহম্মদ। হ'লো দুটো ফুল তুল্লে।

সেনজারা। হ'লো ইঁদুর ধ'রলে—হুঁচো মারলে।

মহম্মদ। ইঁদুর ধ'রলে কিরে ব্যাটা ?

সেনজারা। সে কি ধ'রবে—ধ'রবে তার কেল  
বেড়ালে।

মহম্মদ। কেল বেড়াল কি রে ব্যাটা ?

সেনজারা। তা ব'লছি জনাব, গদানাই নাও আর  
শুলেই দাও, বাঁদী যেই মহলে আসবে, দুটো ধেড়ে বেড়াল  
পুষবে, দুটোতে দোর চেপে ব'সবে ;—যে কাছে আসবে,  
তুই থাবা লাগাবে।

মহম্মদ। উজীর, শোন, যদি ভালাই চাও তো বাঁদী  
কিনে আন, নইলে উজীর কেড়ে নেবো—দূর ক'রে দেবো।

সেনজারা। হাটে বাজারে নাও খবর,

বাঁদী আনবে খুব জবর,

যেন খোদার থাসী,—

যেন তার থাকে মাসী,

বয়স সোত্তর কি আশী।

মহম্মদ। ক্যান্ রে ব্যাটা,—মাসী ক্যান্ রে ব্যাটা,  
মাসী কেন ?

সেনজারা। জনাব, মাসী নইলে কি বাঁদী,  
কলা নইলে কি কাঁদি, লোকে কথায় বলে—যেন নর আর  
মাদী।

মহম্মদ। নর-মাদী কিরে ব্যাটা, নর-মাদী কি ?

সেনজারা। ঐ মাসী বেটা নর, আর মাদী বেটা বাঁদী।

মহম্মদ। নাও উজীর, ফরমাস তো শুন্লে ? যাও  
চ'লে, সাতদিনের ভিতর বাঁদী যোটাও, নইলে জাহা-  
য়মে যাও।

সেনজারা। হ্যা, এড়ান পাবে না ম'লে, জনাব সাত  
পয়জার লাগাবে কবর থেকে তুলে।

এলমোইন্। জনাব, যদি মাপ হয়তো বলি, একটা  
বেইমানি খবর শুন্ছি, বড় উজীর নাকি পারস্ থেকে  
হুজুরের জন্ত বাঁদী কিনে তার ছেলেকে দেছে ; আর ছেলে  
ব্যাটার আমিরা দেখে কে,—রোজ রোজ খানা, নাচনা,  
গাওনা ; আর তার একটা ছুঁড়ী আছে, ছুনিয়ার বিচে  
যত আউরৎ, তার কাছে যেন বাঁদী। তাই তো মনে মনে  
বলি, এমন ছুঁড়ী কোথায় পেলো ! ধ'রেছি এঁচে,  
জনাবের জন্তে বাঁদী কিনে মথ ক'রে আপনার ব্যাটাকে  
দিয়েছে।

সেনজারা। জনাব, মিছে মিছে মিছে, আমি রোজ  
রোজ ওদের বাড়ী যাই ;—এক বেটা কালো—কুঁজী—খাদী,  
ছুঁড়ী না ছাই ; দেখি তার সঙ্গে উজীরের ছেলের হ'য়েছে  
মাদি। ছোট উজীর, ফন্দিবাজী ক'রছো—তা চ'লছে না,  
ভাল বাঁদী কর ঠিকানা।

মহম্মদ। আ গেল তুমি বুট্ বল ! আমি চ'ল্লেম,  
আমার খানার সময় হ'লো। যাও সাত দিনের ভিতর  
বাঁদী নে এস, যেখানে পাও।

[ সকলের প্রস্থান।

## তৃতীয় গর্ভাঙ্ক

রাস্তা

প্রথম ইয়ার ও হুর্কদ্দিন।

১ম-ই। কিহে হুর্কদ্দিন মিক্রা, বেড়াতে বেরিয়েছ  
না কি ?

হুর্ক। না ভাই, তোমাদের সঙ্গে একবার দেখা ক'রতে  
এলেম, বাড়ীতে তো তোমায় পাবার যো নাই দু'তিন দিন  
গিয়ে ফিরে এসেছি, তোমার চাকর ব'লে—বাড়ী নাই।

১ম-ই। হ্যা হ্যা, বড় ঝঞ্জাটে বেড়াচ্ছি, চ'ল্লেম,  
সেলাম—সেলাম।

হুর্ক। ওহে শোন না, শোন না, বড় বিপদে প'ড়েছি।

১ম-ই। ভাই, আমার বিপদ দেখে কে !

নুরু। ওহে, কিছু টাকা না হ'লে আর আমার চ'লছে না।

১ম-ই। তা আমায় কেন ব'ল'ছো, আরো ত তোমার পাচ ইয়ার আছে, তাদের ব'ল'তে পার না? একখানা বাড়ী দিয়েছিলে এই জোর,—তা না হয় ফিরিয়ে দেবো, জুম্ম দেখ!

নুরু। অ্যাগ খেদা! একে আমি মুখের জিনিস খাইয়েছি, ওহে করিম—করিম?

১ম-ই। আঃ, আঃ! যে কাজে যাব—সেই কাজেই পেছ ডাকবে? রাখ ভাই তোমার ইয়ারকি,—এখন আমার ফুপুর নানার চাচির মেসোর বড় ব্যামো; আমি হকিম ডাকতে যাচ্ছি।

[ প্রস্থান।

নুরু। ভগবান! এই দোস্তি! এই ব'ল'তো—আমার জন্তু জান দিতে পারে! এই ছুনিয়া! ঐ দেদার আসছে, ও আমার কিছু উপকার ক'রবেই! ওহে, ওহে, ওহে দেদার!—

( দ্বিতীয় ইয়ারের প্রবেশ )

২য়-ই। কিহে নুরুদিন যে?

নুরু। তুমি তো আর আমাদের ওদিকে ভুলেও নাড়াও না।

২য়-ই। যাবো কি ভাই, আমি কি আর এদেশে ছিলাম।

নুরু। আমার সব শুনেছ?

২য়-ই। না, কিছুই তো শুনিবে।

নুরু। আমার সর্ব্বশ গিয়েছে!

২য়-ই। বটে বটে, বড় দুঃখের কথা—বড় দুঃখের কথা!

নুরু। তা দেখ ভাই, সরম খুইয়ে তোমায় বলি, আজ যে কি খাব—তার সংস্থান নাই!

২য়-ই। কি আপশোষ—কি আপশোষ!

নুরু। তুমি ভাই যদি আমার একটা উপকার কর,—হাজার দশেক টাকা কর্জ দাও, আমি একটা কারবার-সার-বার ক'রে খাই।

২য়-ই। ও আমার দশা,—কি ব'ল'বো ভাই, আমি ও বড়

পেঁচে প'ড়েছি; তোমার সেই বাগান খানা:নিয়েই সর্ব্বনাশ ক'রেছি, সেই বাগান নিয়ে ইমাম মল্লিকের সঙ্গে মামলা, বাড়ী-ঘর-দোর সব বাধা প'ড়েছে, জরুর গহনা বেচে খরচা যোগাচ্ছি।

নুরু। তা ভাই, কিছু না হয় দাও, আমার যে সত্যি সত্যি ডান হাত বন্ধ!

২য়-ই। কোথায় কি পাব বল, বিষয় পেলেই কি দু'দিনে ফুঁকে দিতে হয় হে, সামলে চ'লতে হয়।

[ প্রস্থান।

নুরু। এই ছুনিয়া! এই মাহুষ! এই দোস্তি! দূর হ'উক,ঘরে দোর দে না খেয়ে ম'রবো, তবু আর ছোট-লোকের খোসামোদ ক'রবো না,—কমিনার কাছে হাত পাত'বো না!

( তৃতীয় ইয়ারের প্রবেশ )

৩য়-ই। কিহে, আনিরী ফুরিয়ে গেল? অত নবাবী কি চলে! ক'দিন আমাদের বাড়ী গেছেলে শুনলেম, আমি তখনই বুঝেছি কিছু ধার চাই; ও আছেই,—আজ আনিরী, কাল জোচ্ছরী।

নুরু। হ্যাঃ, তোমার বাড়ী ছিল না, ঘর ছিল না, দোর ছিল না, আজও যে আমার বাড়ীতে রয়েছ!

৩য়-ই। তা কি ব'ল'ছি না, আরও দু'খ না থাকে দাও না নিচ্ছি, আহাম্মকের ধন—বুদ্ধিমানের অধিকার। এখনো বাড়ী খানা আছে, তা শুন'ছি বাধা, ছেড়ে দাও,—যা কিছু দাও—নিয়ে কোথাও দুঃখে-সুখে কাটাও—সেলাম।

[ প্রস্থান।

( চতুর্থ ইয়ারের প্রবেশ )

৪র্থ-ই। কিহে, তোমার টাকা ধার ক'রতে যে দালাল বেরিয়েছে, তোমার মতন ফতুর হবার কার গরজ প'ড়েছে বল? বাঃ—বাঃ,রেতের স্বপন—ভোরে ফুর'ল! সেই যে অপয়া বাড়ীখানা দিয়েছ, সেই ইস্তক আমার একদিনও ভাল নাই; তখনই ভেবেছিলাম যে, এ লক্ষ্মীছাড়ার বাড়ী নেবো না, হাভাতের জিনিস নিতে নাই।

[ প্রস্থান।

নুরু। এই কি সংসার! এই কি ঈশ্বরের প্রধান সৃষ্টি, এই কি মাহুষ! এই মাহুষ কি দয়া-ধর্ম্মের আধার! কৃতজ্ঞতা!



তোমায় পশুপক্ষীর হৃদয়ে দেখেছি, বাঘ-ভাল্লুকের হৃদয়েও থাক।  
সম্ভব ; কিন্তু মানুষের হৃদয়ে তোমার স্থান নাই, এ কথা  
নিশ্চয়। রাক্ষস, দৈত্য, দান্য,—লোকে যাদের অত্যাচারী  
বলে, তাদেরও দয়া আছে, তাদেরও ধর্ম আছে, তাদেরও  
কৃতজ্ঞতা আছে। সয়তান কি মানুষের চেয়ে ভয়ঙ্কর ! না  
—সয়তান মানুষের মতন ছল জানে না, মানুষের মতন বন্ধু  
আকারে আসতে জানে না, সয়তানকে দুস্মন জানে,  
মানুষকে বন্ধু জানে। সয়তান ! যদি তোমার সয়তানী  
শেখবাব প্রয়োজন হয়, তাহলে মানুষের দোস্তি কর, বিশ্বাস-  
ঘাতকতা শিখবে, অকৃতজ্ঞতা শিখবে, হাসিটাকা কুটিলতা  
শিখবে ; তোমার নরকের নীচের নরকে দেখে এস, সেখা-  
নেও মানুষের বাস, মানুষের তুলনায় তুমি দেবতা, মানুষ  
আর তোমার ঠেয়ে কি শিখবে ! তুমি সকল দোষের  
আকর হলেও তুমি কপট বন্ধু নও। মানুষের সঙ্গে বন্ধুত্ব  
ক'রে দেখ, তুমিও প্রাণে দাগা পাবে। পৃথিবী ! শাস্ত্র বলে  
তুমি সুন্দর, মানুষের থাকবার জন্ত সৃষ্ট হ'য়েছ ;—কিন্তু মানু-  
ষের নিঃশ্বাসে তুমি নরক অপেক্ষাও ঘৃণিত স্থান।

[ প্রস্থান।

## চতুর্থ গর্ভাঙ্ক

মুরাদিনের অন্তঃপুরস্থ কক্ষ

পারিসানা।

পারিসানা।— ( গীত )

কে জানে কেমনে দিন বয়,—

না জানি কঠিন প্রাণে স'য়ে স'য়ে কত সয় !

বহিয়ে জীবন-ভার, যন্ত্রণা হ'য়েছে সার,

গল্পনা আমার আমি তার ;—

বেদনা রাগিতে বিধি গ'ড়েছে মম হৃদয়,—

কে জানে কি আছে বাকী, দেখি আরও কত হয় !

( মুরাদিনের প্রবেশ )

মুরাদ। স'রে যাও—স'রে যাও, তুমি মানুষের পয়দা—  
স'রে যাও—আমি বাঘের সঙ্গে খেলবো, ভাল্লুকের সঙ্গে দোস্তি

ক'র্বো, কালদাপ বুকে রাখবো, মানুষ না—মানুষ না—স'রে  
যাও—তুমি মানুষের পয়দা।

পারি। কি ব'ল্ছো ?

মুরাদ। দেখ, আয়নায় দেখ,—তোমার মানুষের মতন  
মুখ, মানুষের মতন চোখ, মানুষের মতন চাতুরী-টাকা সুন্দর  
গঠন, তুমি স'রে যাও—স'রে যাও—আমি মানুষের বিষে জর-  
জর হ'য়েছি ! স'রে যাও—স'রে যাও—

পারি। আমি তোমার বাঁদী, আমায় কি ব'ল্ছো ?

মুরাদ। মানুষ গোলাম হয়, বাঁদী হয়, জানের জান—  
কলিজার কলিজা হয়, আবার কুটিল দাঁতে বুকের ভিতর  
কামড়ে ধরে ! অকৃতজ্ঞতা—অকৃতজ্ঞতা—বিষে জর জর  
হ'য়েছি !

পারি। আমি তো তোমায় তখন ব'লেছিলেম যে, দুনিয়ায়  
দোস্তি নাই ; দুনিয়ার দোস্ত টাকা, দুনিয়ার দোস্ত বল, আর  
দুনিয়ায় দোস্তি নাই।

মুরাদ। শিখেছি, আর কেন সে শিক্ষা দিচ্ছ, হাড়ে  
হাড়ে—মজ্জায় মজ্জায় জেনেছি, আর শিক্ষার আবশ্যিক নাই !  
বন্ধু ভেবে যাদের বাড়ী গেলেম, যাদের বাড়ীতে পদার্পণ  
ক'রলে, আপনাদের ধন্য বিবেচনা ক'রতো, চুল দিয়ে জুতো  
ঝেড়ে দিতে চাইতো, আজ তাদের চাকর আমায় দেখ  
দোর দিয়েছে ! আমি তবু বুঝতে পারিনি,—আমি  
ভেবেছিলেম, অসভ্য লোক, আমার মান জানে না, তাই  
অমন ক'রছে। যার বাড়ী যাই, শুন—বাড়া নাই, আমি  
বুদ্ধিহান—সত্য বিশ্বাস ক'রেছি, হবে—কোন কাজে বেরিয়ে  
গেছে, কিন্তু আজ সব ধন ঘুচেছে, চক্ষু কর্ণের বিবাদ  
মিটেছে,—যারা আমার যথাসকল নিয়েছে, তাদের কাছে  
উদারামের জন্ত হাত পেতোছি,—কুকুরের মত দূর দূর ক'রে  
তাড়িয়ে দিয়েছে। তুমি যাও, কেন আর আমার সঙ্গে  
থাক ! কেন অম্মাভাবে মর ! আমার উপায়—যা হবার  
তা হবে ! তুমি কেন আর আমার সঙ্গে থেকে দুঃখ পাও !  
পারি। তোমায় ছেড়ে কোথায় যাব ?

মুরাদ। তা আমি কেমন ক'রে ব'লবো, তোমার  
যেথায় প্রাণ চায়—যেথায় স্থান পাও—যেথায় সুখে থাক,  
যাও ! আর আমার কাছে থেকে না ! আমার কোথাও  
স্থান নাই ! যদি থাকতো—যেতেম, তোমায় সঙ্গে নিতেম !  
এই বাপ-পিতামহের বাড়ী, এইখানেই জন্মেছি, এইখানেই

ম'বো ! তারপর যে হয় টেনে ফেলে দেবে ! তুমি আর তিল বিলম্ব ক'রো না, হেথায় থেকে না, আমার ঘরে অন্ন নাই ! হাভাতের ঘরে থাকতে নাই—তুমি জান না ?

পারি। প্রভু, আমি কিছুই জানি না ! কিছু জানবারও অধিকার নাই ! আমি বাঁদী, আমার জানবার অধিকার কি ? আজীবন যদি কিছু শিখে থাকি, 'আমার কিছু জানতে নাই'—এই শিখেছি। বালিকা বয়সে মা-বাপ জানতে নাই শিখেছি, পুতুলের মতন যেখানে রাখে—থাকতে শিখেছি; উঠতে ব'ললে—উঠতে হয়, ব'সতে ব'ললে—ব'সতে হয়, যে দান দিয়ে কিনে নেবে, তার হ'তে হয় শিখেছি। আমার ইচ্ছা নাই—প্রাণ নাই—মন নাই ; তোমার কাছে দু'দিন আর এক শিক্ষা শিখেছিলেম, সে শেখাও আমার ফুরাল, কিছু দাগ রইল ! যদি কখনও মৃত্যু হয়, যদি বাঁদীর মৃত্যু থাকে, সে দাগ যাবে কি না জানি না ! আমায় যেতে ব'ল্ছো ? কোথায় যাব ! তুমি যেখানে রাখবে, সেইখানেই থাকবো !

মুকু। আমায় কি ব'ল্ছো, আমি কে ? আমি অর্থহীন পুরুষ—জীবন্ত পুরুষ,—হেয়, ঘৃণা, লোকের উপহাসস্থল।

পারি। তবে তুমি আমায় বিলিয়ে দিচ্ছ কেন ? লোকে বলে—আমার রূপ আছে, স্নুতে পাই, রূপের দরও আছে ; যারা তোমার সাহায্যের জন্ত এক টাকাও দিতে প্রস্তুত নয়, তারা আমার জন্ত হাজার হাজার টাকা দিতে প্রস্তুত হবে। আমায় বাজারে নিয়ে গিয়ে বেচ, যথেষ্ট অর্থ পাবে ; যদি সাবধানে চল—আজীবন অভাব হবে না ; আমার জন্ত ভেবো না, আমি বাঁদী, বাঁদীর দশা যা হয় হবে। বাজারের জিনিষ বাজারে বেচে এস, তাতে তোমার দোষ কি, তাতে তোমার দোষ নাই। তোমায় আমি ভালবাসতে শিখেছি—শিখেছি তার আর চারা নাই ; তুমি স্মৃতে আছ, তোমার অভাব নাই, যদি এ ধারণা আমার মনে থাকে, তা' হ'লে এ হেয় জীবনে কতক শান্তি পাবো ; তুমি আমার মনতা ক'রো না।

( উভয়ের গীত )

মুকু।— প্রাণহীনা পাষণে গঠন।

পারি।— বোঝনা বেদনা মম, তাই কহ কুবচন !

মুকু।— বোঝনা মম বেদনা, তাই দিতেহ যন্ত্রণা ;

পারি।— মম বাথা তুমি জাননা,—

কেমনে বুঝবে বল

দেখাতে তো নারি মন,—

মুকু। প্রাণ ধ'রে দিব পরে,—পরে কি জানে যতন !

( একজন দাসীর প্রবেশ )

দাসী। মুকুদ্দিন সাহেব, আপনার দু'জন দোস্তু এসেছে।

মুকু। কে—কে ?

দাসী। আপনার সঙ্গে তাদের পথে দেখা হ'য়েছিল, তখন তাঁরা ব্যস্ত ছিলেন, তাই চলে গেছিলেন।

মুকু। ওহো বুঝেছি, বুঝেছি,—তাইত বলি, এত বেইমানী কি হয় ! তোমায় তো ব'লেছিলেম, আমার দোস্তুরা তেমন নয়, তারা থাকতে কি আর কষ্ট পাব ! যাও দাই, তাদের আসতে বল

[ দাসীর প্রস্থান।

কি ভাব্ছো ? আবার সূদিন হবে, কেউ কি লাক টাকার কম দিতে পারবে ! যে আমার ঠেয়ে অতি কম পেয়েছে, সে পাঁচ লাক টাকা পেয়েছে। তোমার কি হ'লো ! এত বিমর্ষ হ'য়ে রইলে কেন ?

পারি। প্রভু, দাসীর কথা শোন, পেছনের দোর দিয়ে পালাই চল, নইলে নিশ্চয় বিপদ হবে, ওরা বন্ধু নয়—শত্রু !

মুকু। তোমার ভারি অবিশ্বাসী মন, ওরা দোস্তু—দুস্মন নয়।

( দুইজন ইয়ারের প্রবেশ )

১ম-ই। মুকুদ্দিন—মুকুদ্দিন, তোমার বরাত ফিরেচে !

২য়-ই। আবার আশির্বা কর আর কি।

মুকু। যখন তোমরা আমার বন্ধু, আনিতো আশির্বা !

১ম-ই। শোন, শোন ! ও সব কথা রাখ, কাজের কথা শোন।

২য়-ই। উজীর সাহেব এসেছেন, তোমার সদরে খাড়া আছেন, তোমার বাঁদীকে নবাবের বড় মন হ'য়েছে, বেচে ফেল, যা চাও—তাই পাবে।

মুকু। হ্যাঁ হ্যাঁ, তাই হবে, এখন কি এনেছ দাও, সরাব-টরাব আনান যা'ক, অনেকদিন আনোদ হয়নি।

১ম-ই। আমোদ তো এখন হরদম হবে, আমোদের ভাবনা কি, নবাব যখন হাতে হবে।

হুফ। তোমরা কি ব'ল'ছো, আমার বাদী কে? আমার স্ত্রী!

২য়-ই। হ্যাঁ হ্যাঁ, আমরাও তাই ব'লেছি, খুব দর বাড়িয়েছি।

হুফ। কিহে, কি পাগলের মতন ব'ক'ছো?

১ম-ই। বিশ্বাস ক'র'ছো না, এই দেখ, ছোট উজীর সাহেব আপনি এসে উপস্থিত হ'য়েছেন।

( এল্‌মোইনের প্রবেশ )

এল্‌মো। এই বাদী!—বাঃ বাঃ তোফা বাদী, আচ্ছা বাদী—উমদা বাদী! হুফুদিন মিজা, কি দর চাও, বল? আচ্ছা দর ক'রো না, বল—যা চাও, দেবে বা।

হুফ। পাজি! তোর জরুর কি দর বল? হেথায় নিয়ে আয়, আমি কিন্‌বো।

১ম-ই। আরে হুফুদিন মিজা, পাগ্‌লামো ক'রো না—পাগ্‌লামো ক'রো না, কিম্মৎ পা দিয়ে ঠেলো না।

হুফ। সাবধান, তোমাদের সঙ্গে আমি হুন্-কুটী একত্রে খেয়েছি, তাই এখনও স'য়ে আছি, নইলে এতক্ষণ গর্দানার উপর মুণ্ড থাকতো না। তুই উজীর ন'স, তুই চামার,—তুই আমার স্বপ্নীয় পিতার হুস্মন! এ তাঁর গৃহ, এখনি ব্রহ্ম, নইলে তোরে আমি জুতিয়ে তাড়াবো।

এল্‌মো। কি—এত বড় বাৎ! কৈ হ্যায় রে?

( রক্ষকদ্বয়ের প্রবেশ )

এই বেটাকে বাঁধ! আর এই বেটাকে টেনে নিয়ে ল'!

১ম-র। আরে ইস্‌কা বাপ্‌কা নিমক খায়া, ইস্‌কো ধে ক্যায়সে!

২য়-র। আয়সা হো সেকে!

এল্‌মো। বাঁধ না বেটারা, দাঁড়িয়ে রইলি যে?

১ম-র। খামিন, উও বড়া জুয়ান হ্যায়।

হুফ। আরে নরাধম—আমায় বাঁধ'বি।

( আক্রমণ )

সকলে। বাবারে, খুন ক'র'লে—খুন ক'র'লে!

[ ইয়ার ও রক্ষকদ্বয়ের প্রস্থান।

হুফ। নরাধম! ( উজীরকে প্রহার )

এল্‌মো। তোবা—তোবা, হ'য়েছে বাবা—হ'য়েছে, ছাড়ান দে।

হুফ। পাজি! বাদী কিন্‌বে?

এল্‌মো। না বাবা, না! আমার বেটীর সাথে সাদি দিতে এসেছি।

হুফ। তুই পাজী, তুই বেইমান!

এল্‌মো। বেইমান মোর চৌদ্দপুরুষ।

হুফ। পাজী—

এল্‌মো। পাজী মোর চাচা।

হুফ। তুই হুস্মন।

এল্‌মো। হ্যাঁ বাবা, হুস্মন মোর নানী।

হুফ। বাদীর বাচ্ছা, বাদী নেবে?

এল্‌মো। না বাবা, না বাবা, মুই বাদীর বাচ্ছার বাচ্ছা বাবা!

হুফ। ম'রবার বয়স হ'লো তবু পেজোমো গেল না?

এল্‌মো। না বাবা না—গেল না বাবা—গেল না।

হুফ। আজ বাদে কাল ম'রবি।

এল্‌মো। কাল ম'রবো বাবা—কাল ম'রবো!

হুফ। যা দূর' হ, তোরে মাপ ক'ল্লেম।

এল্‌মো। বেশ ক'র'লে বাবা—বেশ ক'র'লে।

হুফ। খবরদার—আর এ পথ নাড়াস্‌নে।

এল্‌মো। আবার—এই নাকে-ক'লে খৎ বাবা—নাকে কাণে খৎ।

[ প্রস্থান।

পারি। আরও এখনো হেথা র'য়েছ! পালাও, নইলে প্রাণে ম'রবে।

হুফ। তোমায় কার কাছে রেখে যাব!

পারি। আমার মায়্যা ক'র না! আমার সঙ্গে নিলে এখনি ধরা প'ড়বে।

হুফ। প্রাণের ভয়ে স্ত্রী ছেড়ে পালাবো, আমার এমন কাপুরুষ মনে ক'রো না! আর পালাবই বা কোথায়! যে অর্থহীন, তার পৃথিবীতে স্থান কোথা!

পারি। এখানে থেকে না, চল—আমরা হু'জনে পালাই!

হুফ। কোথায় যাব?

পারি । যেখানে দু'চোখ যায়, চল—কোন নির্জন স্থানে  
গিয়ে থাকি ।

মুরু । তুমি যাও ! তোমার প্রাণে এখনও কোন  
সাধ পোরে নি ! যদি ইচ্ছা হয়—নবাবের কাছে যাও, আমি  
বারগ ক'রবো না, আমায় কোথা যেতে বল ! রাজার হালে  
ছিলেম, কোথায় কুকুরের মত পালাবো !

পারি । তবে এস, দু'জনেই মরি ! তোমার পদে  
এই আমার গিনতি,—নবাবের দূত তোমায় বন্দী ক'রতে  
এলে, তুমি আগে আমার প্রাণবধ করে তারপর যা হয়  
ক'রো ! তোমায় ধ'রে নিয়ে যাবে—এ আমার বাদীর কঠিন  
প্রাণে সহবে না ! আজীবন দুঃখ পেয়েছি, আর দুঃখ দিও  
না ! ঐ শোন, কার পদশব্দ শোন, বোধ হয় রাজদূত  
আমুছে !

( সেনজারার প্রবেশ )

সেনজারা । বাবা মুরুদ্দিন ! পালাও—পালাও—এই খোলে  
নাও, এতে আশরফি আছে ; তোমার খিড়কীর দোরে ছুটি  
ঘোড়া প্রস্তুত আছে, দ্রুতবেগে সমুদ্রের ধারে যাও ; আমার  
এক বন্ধু সওদাগরিতে যাচ্ছেন, এই পত্র দেখিও, তাহ'লেই  
তোমাদের জাহাজে স্থান দেবেন । তোমার বাপের অনেক  
থেয়েছি, কিছু ঋণ পরিশোধ ক'রতে দাও, পালাও—পালাও ।

মুরু । মিঞা, তুমি আমার বাপের সমান ।

[ মুরুদ্দিন, পারিসানা ও সেনজারার স্থান ।

( রক্ষকগণসহ এলমোইনের প্রবেশ )

এলমো । ধর বেটাকে—বাঁধ বেটাকে ! কোথায় গেল—  
কোথায় গেল—খোঁজ ব্যাটাকে—বাঁধ ব্যাটাকে—

[ সকলের প্রস্থান ।

## তৃতীয় অঙ্ক

### প্রথম গর্ভাঙ্ক

মোগদাদ—দিলখোস বাগ

মুরুদ্দিন ও পারিসানা ।

মুরু ।—

( গীত )

বিস্তার মেদিনী,—

মানব-বেদনা তুমি বুঝ কি মা শ্যামাঙ্গিনী !

কোথা হেরি মরুভূমি,

কোথা আমোদিনী তুমি,

কোথা তুম্ব শিলামালা, কোথা সলিম-ধারিণী ।

তোমার হৃদয় সম, হের মা হৃদয় মম,

তোমারি গঠন সম, এ গঠন নিরুপম,

সহে মা তোমার যত, এ হৃদয় সহে তত,

প্রথর রবির কর, আঁধারে চলে দামিনী !

আহা, দেখ দেখ—অতি সুন্দর উপবন, এস—আমরা এই  
খানেই বিশ্রাম করি ।

( ইব্রাহিমের প্রবেশ )

ইব্রা । হালা—ফের আবার আইছ,—বাগিচার মধ্য  
ভুইছ, সাথে ম্যাগালোক আনছো ! মজা উরাবে রাতে ;  
এই ডাণ্ডার চোটে মজা উরান ছাহাচ্ছি । আরে হাদে, এ  
ছুটো কেডা, -- ছাখ্ তিছি যেন বাদসার ছাওয়াল, আর এডা  
যেন বাদসার বিটা !—কিছু ব'লবো না, বক্‌সিস্ দেবে অ্যানে ।

মুরু । মিঞা, সেলাম্

ইব্রা । আরে কেডা তুই ভাল মান্‌সের ব্যাটা, পুরের  
বাগিচায় আইছ ?

মুরু । সাহেব, এ কার দৌলতখানা ?

ইব্রা । কেডার কও, ছাখ্ছ না, তোমার সামনে দারিয়ে  
আছি !

হুফ। তবেতো বেশ ভালই হ'য়েছে,—ভালই হ'য়েছে ; আমরা প্রনামী লোক, আপনার আশ্রয়েই থেকে যাই।

ইত্রা। থাক্‌বা—থাক্‌, কিন্তু আজ মোর রোজার দিন, খাতি দাতি কিছু পাবা না ; খাতি দাতি চাও—গাঁট্‌খে পয়সা ফেলে, বাজারথে কিনে আনো।

হুফ। কেন সাহেব, রোজার দিনে তো রাত্রে রোজা খুল্‌বো।

ইত্রা। না, মুই রাত-দিনই রোজা করতি থাক্‌,—আজ নয়, কাল নয়, রোজা খোল্‌বো পরশু সাঁজে।

হুফ। মিঞা, এই দু'টা আশরফি নাও,—তুমি যদি কাউকে দিয়ে আনিয়ে দাও।

ইত্রা। এঁয়া,—কি জোচ্চুরী করবার আইছ, তামায় হিন্দুল মাথাইছ, ঠিক আশরফির মতন করছো !

পারি। কেন সাহেব, সন্দেহ ক'বছো ? দেখছো না, ও আশরফি, তা যা হয় কিছু খাবার আনিয়ে দাও, তোমার তো লোকজন আছে।

ইত্রা। আরে পরদেশী মানুষ আইছ, কে ঠহাবে ! আপনিই যাই, আপনিই যাই।

হুফ। মিঞা সাহেব, আর দু'টা আশরফি নাও, একটু সরাব যদি আন, আমরা রাত্রে সরাব না খেলে থাক্‌তে পারি না।

ইত্রা। কি ! এত বড় বাত মোরে কও ! মুই সরাব ছুঁই ?

পারি। তা নয়, তুমি সরাব ছোও না জানি, কাউকে ব'লে যদি অমুগ্রহ ক'রে আনিয়ে দাও।

ইত্রা। কি ক'ব্বো—যাই, ঐ গাধাডা চ'রুতিছে দাখ্‌তিছ ?

পারি। এই একটা গাধাইত দেখ্‌তে পাচ্ছি।

ইত্রা। ঐডের গলায় ঝুলিয়ে সরাব আন্বো, মুই ছুঁবো না,—মুই ছুঁবো না, বুড়া হ'লেম—সরাব ছুঁতি পারি !

পারি। ইয়া তাত্তো বটে—তাত্তো বটে ; তায় হ'লো তোমার রোজার দিন।

হুফ। আর দেখ্‌ মিঞা, আর এই চারিটা আশরফি নাও, যদি কোন নাচ'নাওয়ালী টাচ'নাওয়ালী পাও, তা'হলে ষায়না দিয়ে নিয়ে এস।

ইত্রা। কি আমোদ কর্‌বা নাহি, আমোদ কর্‌বা নাহি !

তা আন্‌ছি, তা আন্‌ছি, মোর রোজার দিন, মুই থাক্‌তি না'বো, মুই থাক্‌তি না'বো !

পারি। মিঞা, আমারও রোজার দিন, আমি তোমার সঙ্গে এক কোণে প'ড়ে থাক্‌বো ; ওরা আমোদ-টামোদ ক'রতে হয় ক'রবে।

ইত্রা। হ্যাঁদে, তুমিও রোজা ক'রছো নাহি ? তা বেশ বেশ,; ছুঁজনে থাক্‌বো, রোজা খুল্‌তি হয় খোল্‌বো, রাখ্‌তি হয় রাখ্‌বো।

পারি। তা সেই ভাল—তুমি এসগে, সব জিনিষ পর নিয়ে এস।

ইত্রা। ( স্বগত ) ওঃ আজ খুব বরাত খুল্‌ছে ; এক আশরফির মধ্যি—খানা আর সরাব কিন্বো, তা খেয়েও কিছু থাক্‌বে ; আর এক আশরফির মধ্যি নাচ'নাওয়ালী ষায়না কর্‌বো, তা খেয়েও কিছু থাক্‌বে ; দেহ না—পদীরে দেবো ছুঁটাহা, খুদীরে দেব চার, পুটীরে দেব তিন, আর ময়নারে দেব পাচ, এই তো আঁচ কর্‌ছি। ওঃ বড় মজা হবে আনে, এই আশ'রফিতে বছর চল্‌বে। আর এই ছুঁড়ীডের বৃষ্টি আমার উপর মন পড়্‌ছে ; কি জান, ও চহের কারখানা, ওর চহি লাগ্‌ছে ; বুড়া ছাপ্‌লি কি হয়—রসিক সম্বন্ধে।

[ প্রস্থান।

হুফ। বুড়োটা ভণ্ড, ওর বাগান নয়, কোন আমীর লোকের বাগান। চল, নিদেন এক দিনের তরে আমিরী চাল চালি, তারপর কাল সকালে যা থাকে কপালে !

( হুফদিনের গীত )

কাল কি হবে, আজকে ভেবে কি হবে।

ভেবে ভেবে ভবের খেলা, বুঝতে পারে কে কবে ?

ভেবে ভেবে যায় তো চিরকাল,

ভেবে কে ব'দলেছে কার হাল,

আজ ভাবে কাল হুখে হবে, আসে না সে কাল ;

সময়ের শ্রোত ব'য়ে যায়,

ওঠা নাবা ঢেউ চলে তায়,

কাল ভেবে যে কাল কাটাবে,

ভয়ে ভয়ে সে হবে,—

ছেড় না, দিন পেয়েছ, আমোদ ক'রে নাও তবে ॥

[ উভয়ের প্রস্থান।

লুণ্ডোও. জেলেরা যেন আমাদের দেখতে না পায়।

( উভয়ের অন্তরালে অবস্থান )

## দ্বিতীয় গর্ভাঙ্ক

( জেলে ও জেলিনীর প্রবেশ )

বোন্দাদ — দিলখোসবাগের পশ্চাৎ — ক্ষুদ্র নদী

( উভয়ের গীত )

হারুণ-অল-রসিদ ও জাফের।

রকম রকম জাল আছে।

হারুণ। জাফের, আমার দিলখোসবাগে কোন  
আমীরকে বাসা দিয়েছ ?

যেখানে যা জাল চলে তা, ঠিক ফেলি এঁচে এঁচে ॥

জাফের। না, জনাব !

হারুণ। তবে ও কি ! ও রোস্নাই কিসের ? আমি  
ভেবেছিলাম বুঝি সহরে আগুন লেগেছে ; দেখছি, তুমি  
কিছুই খবর রাখ না।

কাতলা কি কই দিলে গা ভাসান,  
হুজনে দিই বেড়া-জালে টান,  
বিষম জালে পায় না গো এড়ান ;  
নিয়ে ছেক্‌নী জাল, করি চুণো পুটী ঘাল,

জাফের। জনাব, আমার এখন স্মরণ হ'লো,  
বাগিচা-রক্ষক আমায় ব'লেছিল যে, মক্কা থেকে কতকগুলি  
মোল্লা আসবে, তাদের ঐ বাগিচায় স্থান দেব।

যুবণ-জালে হয় কত নাকাল ; —  
পাড়ে কুচো চিংড়ি আপনি ধরা,  
পোল চাপা দি পেকো মাছে।

হারুণ। আচ্ছা, কি রকম মোল্লা দেখিগে চল।

যাই দিয়ে কি এড়িয়ে যাবে,  
জেলে-জেলেনীর কাছে ॥

জাফের। জনাব, তারা ফকীর লোক, তাদের  
কাছে গে কি ক'রবেন, কাল সকালে তাদের সভায় ডেকে  
পাঠান যাবে।

জেলে। মাগী, মাগী,—চুব্‌ড়ী পাত—চুব্‌ড়ী পাত !

জেলিনা। মিন্‌সে, মাছ বের করিসনে, মাছ বের  
করিসনে,—কে আসছে !

হারুণ। আশ্চর্য্য হ'চ্ছে কেন ? আমার তো  
প্রকার কুটীরে কুটীরে ফেরা চিরদিন স্বভাব। এরা তীর্থ-  
স্থান থেকে এসেছে ব'ল্‌ছো, এদের কাছে যাব দোষ কি ?  
উজীর, এত আলো জেলে মোল্লারা কি দেব-সেবা ক'রছে,  
আমায় দেখতে হবে। এই যে পোলের দোরও খোলা  
দেখছি, বোধ হয় আমার সকল হুকুমই এইরূপ তামিল  
হয়। এই যে কারা আসছে, ঠাউরে দেখ দেখি,—জেলেই  
বোধ হ'চ্ছে না ? মাছ ধ'রতে আসছে ; আসবে না কেন,  
হুকুম আমার মুখের কথা বহিত নয়,—তোমার মতন উজার  
ধাক্তে আরতো তামিল হবে না। এই তোমার মোল্লাদের  
মনে ভাবছি আমি মক্কায় যাব। আজ আমার হুকুম বেতামিল,  
কাল তরু থেকে আমায় নাযাবে !

জেলে। তুই মাগীও যেমন, কে আর আসবে !  
উপরে আলো জেলে হুলা ক'রে সরাব খাচ্ছে—শুন্তে  
পাচ্চিসনে ?

( হারুণ-অল রসিদের প্রবেশ )

হারুণ। কে তুই ?

জেলে। কেউ নই বাবা—কেউ নই !

হারুণ। চুরি ক'রে মাছ ধ'রছিস্ ?

জেলে। মাছ ধ'রছি বাবা ! চুরি করিনে বাবা !  
তোমার জন্তেই মাছ ধ'রছি বাবা !

হারুণ। আমার জন্তে মাছ ধ'রছিস্ তো দে—  
মাছ দে।

জেলেনী। ও বাবা ! ও নাচে বড় কাটা বাবা !  
এই দু'টো পেটা কেটে দিই, নিয়ে যাও বাবা ! মুড়ো  
দু'টো রেখে যাও বাবা !

জেলে। চোপ বেটা,—এখন দু'টো মুড়োই উড়িয়ে  
দেবে।

হারুণ। কতবার মাপ হবে ? এই দিকে এস,

হারুণ। এইদিকে মাছ নিয়ে আয়।

জেলের। যাচ্ছি বাবা, যাচ্ছি! জেলেনি, তুই জাল গুড়িয়ে বাড়ী যা, আগার বোধ হয় দিন গুড়িয়েছে! জমাদারের সঙ্গে যাই!

[ হারুণ-অল-রসিদ ও জেলের প্রস্থান।

জেলিনী।— (গীত)

মিন্‌সে যদি মারা যায়—

ভাবছি তাই,

মনের মতন মানুষ পাওয়া হবে দায়!

একটু যেমন বয়স হ'য়েছে,

সে তেমন থাকেনা কাচে,

নেশার ঝাঁকে আনমনে আছে;—

খিটখিটে নয়, হেসে কথা কয়,

মনের মতন হ'য়ে সদা রয়;—

পানপেনে, নয় জড়ানে, ফেরে না সে পায় পায়!

(জাফরের প্রবেশ)

জাফের। ও মাগী!

জেলিনী। কি বাবা—কি বাবা! মাছের মুড়ো ছুটো ফিরিয়ে এনেছ বাবা? ও বড় কাটা মাছ,—খেলো গলায় বাধবে, ও পাকা মাছ চিবুলে দাঁত ভাংবে।

জাফের। ও মাগী শোন, শোন,—এই টাকা নে, মাছ কিনে নিস; ব'লতে পারিস, ঐ বৈঠকখানায় কারা আলো জ্বলে গোল ক'রছে?

জেলিনী। দোহাই বাবা! জামি নে বাবা!

জাফের। পোলের ফটক খোলা আছে কি ক'রে জানলি?

জেলিনী। ঐ সর্দার মালী সরাব্ কিনতে গেছেলো, ভুলে দোর খুলে রেখেছে; আমি হাট থেকে যেতে দেখেছিলেম।

জাফের। সর্দার মালী কে?

জেলিনী। ঐ যে বাবা, বুড়া, দাড়ী নাড়ে, যে এই বাগানে থাকে; ঐ যে বাবা, যে চোখ বুজে রাত-দিন নেমাজ পড়ে।

জাফের। আরে কে এসেছে জানিস?

জেলিনী। না বাবা! বড় কাটা মাছ বাবা; মুড়ো

ছুটো দিয়ে যা বাবা! খেতে পারবি না, দোহাই বাবা! দোহাই বাবা!

জাফের। চোপ মাগী!

[ জাফরের প্রস্থান।

জেলিনী। আমায় ক'রলে মুখে চোপ, মিন্‌সের দিয়েছে গদানায় চোপ। হায় হায়! কি হ'লো! মিন্‌সে ছিল ভাল, এদিনে মারা গেল! আমি এখন অবলা,— কি করি—কি আর ক'রবো,—ঘরে যাই, ছুটি খাই, কেঁদে কেটে চোখ-কাণ বুজে কোনমতে আজকের রাতটা কাটাই! কাল সকালে যখন কবর দিতে যাব, মনের মতন যাকে পাব—নিকে ক'রবো। আহা যেমনটি গেল তার চেয়ে একটা ভাল হয়!

(খালীফ-প্রদত্ত রাজ-পরিচ্ছদে জেলের পুনঃ প্রবেশ)

জেলের। হাঃ—হাঃ—হাঃ! কি রকমটা দেখাচ্ছে, একবার জলে মুখটা দেখি;—ওঃ আমীরের বাচ্ছা!

জেলিনী। ও বাবা—ও বাবা! আমার জেলে কোথায় গেল!

জেলের। (স্বগত) দেখছি বেটা চিন্তে পারে নি, বাবা ব'লে ফেলেছে।

জেলিনী। ও বাবা! কথা ক'ছো না কেন বাবা!

জেলের। স'রে যা বেটা, আমি এখন রেগেছি।

জেলিনী। আ মলো! তুই মুখপোড়া!

জেলের। খবরদার বেটা, আমীর-ওমরার সঙ্গে মুখ সামলে কথা ক'স!

জেলিনী। তবেই কোঁটাখেকো! তুমি আমীর হ'য়েছ?

জেলের। স'রে যা' বেটা, খানিক পায়চারী করি,—আমরা আমীর ওমরা, পায়চারী না ক'রলে পাস্তাভাত হজম হয় না।

জেলিনী। এখনো ঞ্জাকামো,—খ্যাংরার চোটে তোর আমিরী বের ক'রুছি।

জেলের। এখানে খ্যাংরা কোথা পাবি বেটা?—খ্যাংরা কোথা পাবি? শোন শোন—এইবারে বরাত ফিবলো, দেখ'ছিস বেটা—দেখ'ছিস, এ সব হীরে মুক্তো—

একটার দাম হাজার টাকা ; এই জুতোর মুক্কাটা তোর নখে দেব ।

জেলিনী । আর ঐ জুতো দে তোর নাক ভাংবো ।

জলে । আ মর বেটা কুঁজুড়ো—জেলের মেয়ে কি না, এই আমিরী একটু ঠাণ্ডা হ'য়ে শেখ ; তা না হ'লে আমার সঙ্গে আমিরী ক'রবি কি ক'রে ?

জেলিনী । তবে রে পোড়ারমুখো—তোল্—জাল তোল্, নদীর ধারে আমিরী ক'চ্ছেন ?

জলে । তবে চল্ চল্—ঘরে চল্, পা টিপ'বি আর আমিরী বাত শুন্'বি !

[ উভয়ের প্রশ্নান ।

## তৃতীয় গর্ভাঙ্ক

দিলখোসবাগ—নাচঘর

মুহম্মদিন, পারিসানা, ইব্রাহিম ও নাচনাওয়ালীগণ ।

নাচনাওয়ালীগণ ।— ( গীত )

সরলা মিলে সরলে ।

আমোদে চল চল পিয়লা চলে ।

পিয়লা জানে না ছলা, পিয়লা চুমে সরলা,  
আমোদে চলে পিয়লা, আমোদে বলে পিয়লা,  
আমোদে প্রাণ চেলেছি, আমোদে আছি গ'লে ॥

ইব্রা । হাদে সোণারচাঁদ ! এদের তো নাচগান হ'লো, এইবার তুমি একটা গাও ?

পারি । মিঞা, কাছে ব'সো, দু'টো কদর কর !

ইব্রা । আচ্ছা আচ্ছা—বসছি বসছি ।

পারি । কিছু খাও ?

ইব্রা । সে কি ! সে কি ! রোজা করছি—সবার সামনে একি বল'তিছি, রোজা করছি—রোজা করছি ।

পারি । আমি এই ওড়না ঢাকা দিচ্ছি ।

ইব্রা । ছাব্বা না—ছাব্বা না ?

পারি । না মিঞাসাহেব, ছাড়'বো না ।

ইব্রা । আচ্ছা আচ্ছা, আর রাত হইছে—রাত হইছে, অ্যান রোজা খুল'তে দোষ কি ? এই বার গাও—আরে ছি ছি—সরাব্, আমি ছুঁই ?

পারি । ছোঁবে কেন ? আমি আল'গোছে গালে ঢেলে দিচ্ছি ।

ইব্রা । আরে কি কইছ ! ছুঁরীরা রইছে, ছুঁরীরা রইছে !

পারি । এই আঁচল ঢাকা দিয়েছি ।

ইব্রা । আরে কি করলে—কি করলে !

( মদ্যপান )

নাচনাওয়ালীগণ ।— ( নৃত্য-গীত )

রসের গুঁড়ো বুড়ো আমার, খায় না কেবল আড়ে গেলে ।  
ছোঁয়না সরাব্, নিষ্ঠে ভারি, আল'গোছে দেয় গালে ঢেলে ।

ভাবে ম'জে চোখ বুজে থাকে,

নেটী-পেটী কাছে আসে, যে তারে ডাকে,

আস্তিসো সে সবার মন রাখে ;

সদা চায় প্রাণ চেলে দেয়, প্রাণের মতন আঁণ পেলে,

আগাগোড়া চলে এক চেলে ।

পারি । আর একটু খাও ?

ইব্রা । দেখ,—ওরা সব দ্যাখ'তিছে !

পারি । খাবে না ? তবে আমি উঠে যাই ?

ইব্রা । আচ্ছা, খেতেছি, তুমি আঁচল ঢেকে দাও ।

( মদ্যপান ) এইবার তুমি গাও ।

পারি । তুমি নাচ তো গাই ।

ইব্রা । হাদে, লাচ'তে কি আছে—লাচ'তে কি আছে !

পারি । নাচ'বে না ? তবে আমি গাইব না ।

ইব্রা । তুমি মোরে ব্যাভ্রম ক'র'তি চাও ?

পারি । আহা নাচ'লেই বা, এখানে আর কে আছে ;

এস, আনরা দু'জনে হাত ধরাধরি ক'রে নাচি এস ।

ইব্রা । তুমি লাচ'বা—তুমি লাচ'বা ? ও তাই

কও না ক্যান—তাই কও না ক্যান ? বিবিজান, সরাব পিবে না ?

পারি । তুমি আগে খাও ।

ইব্রা । বিবিজান, লাচ'বা না ?

পারি । তুমি নাচ তো আমি গান গাই ।



( গীত )

পারি।— দেশ ছেড়ে বিদেশে এসে গিয়েছি ঠেকে ।  
 প্রাণ-মন ম'জ্জা মুখ দেখে ॥  
 ইত্রা।— বিবিজান, বুট্ না বল ?  
 পারি।— বিদেশী ছল কত জানে,  
 নইলে প্রাণ কেন টানে,  
 মানে মানে ফিরবো কেমনে ;  
 মনতো মানা না মানে,  
 দেখনা নয়ন-বাণ হানে ;—  
 রসিক এসে রসের ঘরে—  
 দাঁড়িয়েছে একে বেঁকে ॥  
 ইত্রা।— বিবিজান, ম্যারে ফেল !

( ঙ্গেলের বেশে হারুণ-অল-রসিদের প্রবেশ )

( হারুণ-অল-রসিদের গীত )

আনেছি মছলি তাজা,  
 পাবা মজা ভ্যাজে খ্যালে ।  
 দ্যাখ্বে আনে চাটের চটুক,  
 পিয়ার সনে সরাব ঢ্যালে ॥  
 বেচিনা হাট-বাজারে, যারে তারে,  
 নইতো তেমন জ্যালের ছ্যালে,  
 যে দর করে তার যাই না ঘরে,  
 মাছ দিয়ে যাই আমীর প্যালে ॥

ইত্রা। আরে মাছ ব্যাছচো কি দর ?

হারুণ। আরে সর্ সর্, এ মাছের তোর কিসির  
 খবর ?

ইত্রা। কি বলছো, মোরে চেনছো কি না চেনছো ?  
 মুই এই বাগিচার মালেক,—হালার পুত তা কি জানছো ?

হারুণ। আরে তুইতো কমিনা,  
 সরকারে পা'স্ মাছিনা ।

ইত্রা। হাদে, বটে—বটে—তোর গোস্তাকি বের  
 ক'চ্ছি মোটার চোট ।

পারি। আরে মিজা, ব'দো ব'সো,—  
 সরাব ঢাল'—কাছে এস !

ইত্রা। আচ্ছা, তুমি বস্ছ বস্ছ, কাল ফজরে হালার  
 নাকে ঝামা ঘ'স্ছি ।

হারুণ। দ্যাখ্বি অ্যানে শ্রাষে,  
 কে কার নাকে ঝামা ঘসে ।

ইত্রা। বিবিজান ! মোর ভারি গোস্মা—জানো ?

পারি। তা জানি, একটু সরাব্ টানো ।

হুরু। বাঃ বাঃ ! তোফা মাছ, তুমি কি চাও ?

হারুণ। এই বিবির একটা গান শোনবার চাই ।

পারি। আমার গান শুন্বে ?

হারুণ। ইয়া, বড় সাধ ক'রে আইছি ।

পারিসানা। - ( গীত )

জানি না জীবনে আমি কার,—  
 জানা মানা, প্রাণহীনা, যার কাছে থাকি তার !  
 ব্যথার ব্যথিত আছে, শুনিনে তো কার কাছে,  
 না জানি পাষণে কেন প্রণয় যাচে ;  
 ব্যথার ব্যথিত হ'য়ে, আছে মম মুখ চেয়ে,  
 যাতনা স'য়ে ;—  
 পাষণে বহে কি বারি, প্রাণ কি আছে আমার ?  
 পিয়াসা, প্রেম-বাসনা, কিশোর বয়সে মানা,  
 গল্পনা লাঞ্ছনা কামনা ;—  
 প্রেম-আশা কেন মম, নাহি প্রেমে অধিকার ।

হুরু। দেখ, তুমি ওর গান শুন্লে, আমার একটা  
 গান শোনো ।—

( গীত )

যতনেরি ধন নারী রাখিতে নারি যতনে,—  
 যে জানে সে জানে ব্যথা, কথায় কব কেমনে !  
 সাধ যারে হৃদে রাখি, ধুলায় লুণ্ঠিত দেখি,  
 আরো কত আছে বা বাকী ;—  
 ঘন ঢাকা হৃদি চাঁদে, কার নাহি প্রাণ কাঁদে,  
 ঢেকেছে বিষাদ ঘন, হৃদি-টাঁদ হৃদি মনে !

হারুণ। আপনি কেডা !—কোন্ আদীরে ছাওয়াল ?

হুরু। আমি বিদেশী ।

হারুণ। আর ওনারে যে দ্যাখ্ছি, উনি কি আপনার  
 কবিলে ? এমন রূপও দেখিনে, আর এমন গানও  
 শুনিনে !

হুরু। তোমার কি মনোমত ?

হারুণ। হ্যাঁদে, ওনারে কার না মন চায় !

মুরূ। আচ্ছা, যদি যত্নে রাখতো তুমি নাও, আর এই আশরফি নাও, আমার ঠেঁয়ে আর কিছুই নাই,—থাকলে দিতেম।

হারুণ। কি বলছেন, ওনারে নেব কি ! উনি যে আপনার কবিলে !

মুরূ। শোন, আমার অনেক জিনিষ ছিল, যে যখন যা ভাল বলেছে, তখন তা দিয়েছি ; আজ তুমি আমার জানিকে ভাল বলেছ—তুমি নাও, আমার যা ছিল—তা ফুরুল !

হারুণ। হ্যাঁদে বিবি, তুমি মোর সাথে আস্বা ?

পারিসানা।— ( গীত )

প্রাণ দিয়ে ঠেল নাহে পায়,  
পাষাণে পেয়েছি প্রাণ, প্রাণ যে তোমারে চায়।  
পেয়ে তব ভালবাসা, হৃদয়ে ফুটেছে আশা,  
প্রেমে দেহ প্রেম-পিয়াসা,—  
নিরাশা-সাগরে চাহ ডুবাইতে অবলায় !

ইব্রা। হ্যাঁদে জ্যালিয়া, তোর ভাবডা মুই দ্যাখ্‌তিছি।

হারুণ। কি দ্যাখ্‌বি, এই বিবিরে নিয়ে আর আশরফি নিয়ে মুই চললাম।

ইব্রা। আর যাবা না,—তবে আর রং করবা কিসি ? দু'টা মাছ আনছো, এই দু'টা টাং নাও, ভাল মানুষের পোলার মত চুপি চুপি চলি যাও।

হারুণ। কি ! মুই আশরফি ছাড়বো, বিবিরে ছাড়বো ?

ইব্রা। ছাব্বা ক্যান ? বোস কর, মুই আস্‌তিছি ; ছাড়বা না ?—পিঠির ছাল ছারাবো আনে, বোস কর, তাল্লাক—যদি সব্বা !

হারুণ। মুই বোস করছি, তাল্লাক যদি না ফেরবা।

ইব্রা। এ সিদে বাৎ ; ডাঙা দ্যাংহিলেই আরো সিদে হবে অ্যানে !

[ ইব্রাহিমের প্রস্থান।

( জাফেরের প্রবেশ )

হারুণ। জাফের ?

জাফের। জনাব !

হারুণ। আমার সভার পরিচ্ছদ এনেছ ?

জাফের। ইয়া খামিন ! পাশের কামরায় আছে।

হারুণ। বিদেশী, তুমি আমার সঙ্গে এস, তোমার পরিচয় আমি শুনবো। মা, তুমি এখানেই বসো, কিছু ভয় নাই।

[ হারুণ-অল-রসিদ, মুরূদ্দিন ও জাফেরের প্রস্থান।

( ইব্রাহিমের পুনঃ প্রবেশ )

ইব্রা। কনে গেল, কনে গেল ? বিবিজান, ধরুতি পাবলে না ?

নাচনাওয়ালীগণ।—( গীত \* )

হৃদ মুদ মদ রেগেছে।  
( তারা ) পেয়ে সাড়া, পাড়া ছাড়া,  
খাড়া খাড়া ভেগেছে ॥  
ঝাঁক্ছে যে হৃদয়, ঘুম ভেঙেছে ধোপার,  
রোকে রোকে আস্ছে বুকে, ধরে রাখা ভার ;—  
যেন খোল্ মাথা বিচলী দেখে—  
গোইলে বাগে ভেগেছে !

ইব্রা। এই যে হালা আশরফি রেখে প্যালেছে ! বিবিজান, তোমার মরদুটাও কনে গেছে দ্যাখ্‌ছি !

১ম নাচনা। তোমার ভয়ে ওকে কেলে পালিয়েছে।

ইব্রা। বেশ হইছে, বেশ হইছে ! অ্যাহন তোমরা যাও, কাল তোমাদের টাং দেব অ্যানে। তোমরা কনে খাহ ? তোমাদের পেঠিয়ে দিছে কেডা ?

১ম নাচনা। নাচ-ঘরে আলো জালা দেখে, আমরা আপনা-আপনি এসেছি।

ইব্রা। অ্যাহন যাও—অ্যাহন যাও—কাল টাং পাবা। বিবি, এ আশরফি থাক্ মোর সাথে। হ্যাঁদে—বল্ছি যাও, তবু দেরিয়ে রলো,—এ বিবিজানের সাথে আছ বাৎ। অ্যা ! যাব কনে,—এ জাঁহাপনা !—বিবিজান, তোমার লেগে গেল গর্দান !

( বাদসার বেগে হারুণ-অল-রসিদ ও মুরূদ্দিনের প্রবেশ )

হারুণ। এই যে তুমি ফিরে এসেছ, কি সাজা দেবে ?

ইব্রা। ( ভয়ে কম্পন ) জা—হা—প—না, জা—জা—  
—পনা—পনা—

হারুণ। সাজা দেবে,—না সাজা নেবে ?

পারি। হজরৎ! যার দেব-দর্শন হয় শুনেছি, সে বর পাপ, আমার দেবতা প্রত্যক্ষ, আমি বর প্রার্থনা করি,—জাঁহাপনা এ ব্যক্তির প্রাণদান দিন।

হারুণ। মা, তোমায় অদেয় আমার কিছুই নাই। দূর হ'বেইমান! এই দেবীর কৃপায় তোর আজ জীবন রক্ষা হ'লো।

[ ইব্রাহিমের সেলাম করিতে করিতে প্রস্থান।

মুর্কদিন, এই পত্র নাও, আজই তুমি স্বদেশে যাও, তোমার নবাব মহা সম্মানে তোমায় তরু ছেড়ে দেবেন।

মুর্ক। বন্দেনেবাজ! গোলাম তরু প্রয়াস করে না; নবাবের তরু নবাব ভোগ করুন; আমি যাতে নিজের বাড়ীতে থেকে, জনাবের কৃপায় কটি ক'রে খেতে পারি, তাই যেন নবাব করেন।

হারুণ। বুঝলেম, তুমি অতি সজ্জন। তুমি যাও, কোন আশঙ্কা ক'রো না; আমার কথায় তুমি পুনর্বার অতুল ঐশ্বর্যের অধিকারী হবে। এটা আমার কণ্ঠা, এ আমার কাছে থাক; আমরা যথা সময়ে তোমার বাড়ীতে গিয়ে অতিথি হবো; আপাততঃ রাজকাৰ্য্যে বিব্রত আছি, নইলে একত্রে যেতাম। (নাচনাওয়ালীদের প্রতি) তোমরা কি ক'রে এলে, তোমাদের কে এখানে নিয়ে এল?

১ম নাচনা। জাঁহাপনা! আমরা উদ্যান ভ্রমণে এসে-ছিলেম, অপূর্ণ নরনারী দেখলেম। জাঁহাপনার আজ্ঞা আছে, “বিদেশী লোক দেখলে অভ্যর্থনা ক'রবে।” ইতি-পূর্বে আমরা এমন সমাদরের ব্যক্তি দেখি নাই।

হারুণ। যথার্থ ব'লেছ; আমি তোমাদের উপর পরম সন্তুষ্ট হ'য়েছি। আজ হ'তে তোমরা বাদী নও, আমার এই কণ্ঠার সখী, আমার কণ্ঠার গায় রাজপুরে আদরে থাক।

[ হারুণ-অল-রসিদের প্রস্থান।

নাচনাওয়ালীগণ।—(গীত)

দেখি আজ নূতন ছনিয়া,—

নূতনতানে, নূতন প্রাণে পেয়ে যায় হাওয়া!

নূতন শশী উঠেছে,

শশী ঘেরে নূতন নূতন তারা ফুটেছে,


নূতন ফলে আজকে নূতন সৌরভ ছুটেছে,—

প্রাণ মন নূতন জীবন পেয়েছি নূতন হিয়া!

উথলে উঠে নূতন রসের দরিয়া!

[ সকলের প্রস্থান।

## চতুর্থ অঙ্ক



### প্রথম গর্ভাঙ্ক

বসোরা - নবাবের দরবার

মুলতান মহম্মদ, এলুমোইন, মুর্কদিন,

সেনজারা ও রক্ষকগণ।

এলুমো। আনুচ্ছে মোত টেনে, হাদে আর যাবা কনে; বন্দেনেবাজ! এ বুট সনন্দ আনুচ্ছে; ওর সাথ খালীফের অইছে মুলাকাৎ; বলতিছে এহন বুটবাৎ—মোদের দ্যাখ্ছি সাফ বোকা জানুচ্ছে।

মহম্মদ। একে?

এলুমো। জাঁহাপনার পেয়ারা উজীরের ছাওয়াল। ওই বাদীটে নিয়ে ভেগে এল, অ্যাহন একটা ফন্দি এঁচে ঘরে অ্যাল। ওরে জায়গীর দাও, তালুক দাও, মুলুক দাও!

মহম্মদ। আমি কিছু বুঝতে পাচ্চিনে, এ খালীফের সহ-মোহরই বটে।

এলুমো। বন্দেনেবাজ! জাল করুছে।

সেন। হ্যা, খুব সোজা কাজটা; খালীফের সহ-মোহর জাল ক'রেছে, বড় সোজা কাজটা।

এলুমো। ওরে কি তুমি যে-সে পাইছ? আর বন্দেনেবাজ! দ্যাহেন দ্যাহেন, উপরে কি কাটি দিছে দ্যাহেন। জাঁহাপনার বাদসাই তরু দিবার ছকুম,—জাল প্রমাণ হতি কি আর বাকী আছে।

মুর্ক। বন্দেনেবাজ! এ জাল নয়, খালীফ যথার্থই তরু দিতে লিখেছিলেন; আমার মিনতিতে প' পরিবর্তন ক'রেছেন।

এলুমো। আরে বাঃ বাঃ! বড় সাজা আদমী দ্যাখ্-তিছি, জাঁহাপনার উপর মেহেরবাণী করুছে,—তরু দিতে চেহেল, ছাড়ি দিছে; এ জাল বুঝ্তি কি আর বাকী আছে।

সেন। উজীর সাহেব, আমার কান্না আসছে—আপনি ম'লে উজীরী ক'রবে কে ? যা সূক্ষ ঠাউরে দেখেছেন, যখন তক্ত দিবার কথাটা কেটে দিয়েছে, তখন তো জালই বটে।

এলমো। হাদে, ও শয়তানী কথা সম্বন্ধ করছো ? ও আপনার কেরামতি জাহির করবার চায়।

সেন। শয়তানী কথা সম্বন্ধ ক'রতে উজীর সাহেব খুব পারেন, শয়তান যেন ওর ভাই বেরাদার !

এলমো। তা জাঁহাপনাকে কি আপনি তক্ত ছাড়তি বলেন না কি ? বলতিছেন—এ জাল নয় ?

সেন। আমি কিছুই বলতে চাইনে ; জাঁহাপনা, বান্দার আরজ্ এই,—যখন এ ব্যক্তি পালিয়েছিল,—

এলমো। সে শলার মধ্য, অনেকেই ছ্যাল।

সেন। উজীর সাহেবও কি ছিলেন ?

এলমো। আমি থাকবো ক্যান, আমি হচ্ছি সবার হুম্মন।

সেন। তা সত্যি।

এলমো। কার সাথ হুম্মনী করছি, কার সাথ শয়তানী করছি।

সেন। সে হুজুরের মালুম আছে। জাঁহাপনা ! বান্দার আরজ্, যখন এ ব্যক্তি পলাতক হ'য়ে পুনর্বার ফিরেছে, আর প্রবল প্রতাপশালী খালীফের নাম নিয়েছে, তখন সহসা কোন কাজ করা উচিত নয়।

মহম্মদ। উজীর, তুমি যা জান—কর,—আমার মাথা খারাপ হ'চ্ছে—মাথা খারাপ হ'চ্ছে, আমি চ'ল্লেম—আমার খানার সময় হ'য়েছে।

এলমো। জাঁহাপনা, হুকুম দ্যান,—যাইয়ে কোতল করি।

সেন। জাঁহাপনা ! খালীফের নাম নিয়েছে, সহসা একটা কাজ ক'রবেন না।

মহম্মদ। না না, খালীফের নাম নিয়েছে, আমি চ'ল্লেম ; আমার মাথা খারাপ হ'য়েছে, আমার মাথা খারাপ হ'য়েছে।

[ মহম্মদের প্রস্থান।

এলমো। হাদে সূম্মি ! কোড়া লাগাইছিলে—ইয়াদ আছে ? চল অ্যানে।

হুক। কোথায় যাব ?

এলমো। হালুয়া খাবা না ? হালুয়া খাবার নিয়ে যাচ্ছি !

সেন। উজীর সাহেব, সাবধান ! খালীফ টের পেলে অনর্থ ক'রবে।

এলমো। এই হালার পুতির জঞ্জি তো কোতল করবার পাল্লাম না ;—আরে বাধ—বাধ।

সেন। উজীর সাহেব, বাধবার দরকার কি ?

এলমো। না কিছু নয়, তুমি জাহাজ তৈয়ার কর অ্যানে, ফের পাল্লাম দেবে। হাদে সূম্মি, পাল্লাবা না ? তোমার বাবারে জাহাজ তৈয়ার ক'রতি বল।

সেন। উজীর সাহেব, কি বলছেন ?

এলমো। ও যা বলতিছি, ও আঁতে আঁতে সম্বন্ধ করতিছে। এবার হুকুমি এগারে আর পাল্লাবার দিচ্চিনে। হুকুমি এগা, এমনি কোড়া লাগাইছিলে তো ? ( প্রহার ) এই এমনি—এমনি।

সেন। উজীর সাহেব, আর মারবেন না—আর মারবেন না !

এলমো। হাদে, যে তোমার শলা গুন্তি চায়—তারে শলা দিও ; মোর আপন শলা মোর আপন কাছে।

হুক। হে ধীবর ! কেন তুমি আমায় যমদূতের মুখে পাঠালে ! কোথায় তুমি—এস, রক্ষা কর ! আমার প্রাণ ওষ্ঠাগত হ'য়েছে ! হে ধীবর, এসে দেখা দাও, তোমার নফরের যন্ত্রণা দেখ ! আহা, সে অভাগিনী কোথায় রইল ! এ সময় একবার দেখা হ'লো না !

( উজীর কর্তৃক পুনঃ প্রহার )

সেন। উজীর সাহেব, আপনার শরীরে কি দয়া নাই ! এ যে মারা যাবে !

এলমো। দয়া—এই সুদির সুদ দিতিছি। ( প্রহার ) ক্রমে সুদ-আসল দেবো অ্যানে। এ সূম্মির সাত্তি চুক্তি না ক'রে কি মুই ছাড়বো।

সেন। উজীর সাহেব, আপনি অগ্নায় কাজ ক'রছেন। যারা যারা উপস্থিত আছ শোন, এ ব্যক্তি খালীফের অশুচর, এর প্রতি যে পীড়ন ক'রবে, তার সর্কনাশ হবে।

হুক। প্রাণ ওষ্ঠাগত ! এখনি বেরবে। ভগবান ! আমার এই প্রার্থনা, যেন অন্তকালে তোমার পারে মতি

থাকে। যেন যন্ত্রণায় তোমায় না ভুলি, হা ভগবান্ !  
জল—

এলমো। ঘাম্ভিছ—আবার জল খাবা, ঠাণ্ডা লাগ্‌বা  
ষে!—তোমার বাপের দোস্ত, তোমায় জল দিতি পারি!

মুরু। উজীর, তুমি শত্রুকে দয়া ক'রতে শেখ নি;  
একদিন তোমায় ভগবানের কাছে দয়া প্রার্থনা ক'রতে  
হবে। ঠান্ডা মরণ আছে, কিন্তু আমার মৃত্যুতে জেনো  
ষে, রাজ্যের মহা অনিষ্ট হবে।

এলমো। যবে হয়—তবে হবে, অ্যাহ্ন তুমি ভাব্‌তিছ  
ক্যান্ ? গিঞাসাহেব, আপনার কাম দাহেন যায়ে; হাদে  
দ্যাখ্‌ছেন কি? কুত্তা খাওয়াবো—আবে ট্যান্‌ নিয়ে চল।

রক্ষকগণ। উজীর সাহেব, আমরা পারবো না, এ  
খালীফের অমুচর।

[ রক্ষকগণের প্রস্থান।

( একজন রক্ষকসহ পুরুষবেশে এনসানির প্রবেশ )

এনসানি। পারবো না ?

এলমো। তুমি একা পারবা ?

এনসানি। আমার লোক আছে, এই যে আমার লোক।

এলমো। তুমি পারবা, তুমি পারবা; নিয়ে চল—  
স্বমুন্দিরে নিয়ে চল; চল হালুয়া খাবা, আরে জল দি'ছি  
যে—জল দি'তিছ যে ?

এনসানি। আরে উজীর সাহেব, বোঝেন না,—টাকরা  
লেগে ম'রে গেলে ওরে সাজা দেব কি ক'রে? রোজ রোজ  
এমনি কোড়া লাগাবো, আর জল খাইয়ে বাচিয়ে রাখ্‌বো;  
যদি খেতে না চায়—মুখ চিরে খাওয়াতে হবে, ম'রে গেল  
তো ফুরিয়ে গেল!

এলমো। আরে বেশ সমুঝ্‌ ক'রছো বেশ সমুঝ্‌  
করছ, তুমি মোর জানের দোস্ত।

মুরু। ভগবান্ ! বল দাও, যেন ঘোর দুঃখে তোমায়  
কখনো না ভুলি! ভগবান্ ! বল দাও, যেন কখনও  
অধর্মে মার্ত না হয়, যেন অন্তকালে আমার দুস্মনকেও  
মার্জনা ক'রে তোমার চরণে মার্জনা চাইতে পারি। শ্রুতু,  
পাপ হ'তে আমায় রক্ষা কর।

এলমো। আরে নিয়ে চল, নিয়ে চল; আরে কনে  
ধাবা মিঞা, কয়েদখানা দ্যাখ্‌বা, তা পাবা না, আপনার  
কাম দেখ। [ সেন্‌জারার প্রস্থান।

এনসানি। (জনাস্তিকে) চল, ভয় ক'রোনা, আমি দুস্মন  
নই—বন্ধু। ( প্রকাশ্যে ) চল—আর টং ক'রতে হবে না।

[ সকলের প্রস্থান।

— — —

## দ্বিতীয় গর্ভাঙ্ক

শিবির

হারুণ অল-রসিদ ও সেন্‌জারা।

হারুণ। যখন তুমি আমার কন্টার প্রাণরক্ষা ক'রেছ,  
তুমি আমার দোস্ত।

সেন। বন্দেনেবাজ! আমি আপনার দাস মাত্র।

হারুণ। না, আজ হ'তে তুমি আমার পারিষদ। কি  
উপায়ে মুরুদিনের সন্ধান পাই? আপনি কিরূপে জানলেন  
যে, সে জীবিত আছে।

সেন। তার কারা-রক্ষক আমায় ব'লেছে।

হারুণ। সে কে?

সেন। সে এক অদ্ভুত চরিত্র,—তার প্রকৃতি আমি  
কিছুই বুঝতে পারি নে!—যখন মুরুদিনকে কারাগারে দেয়,  
জাঁহাপনার ভয়ে কেউ তাকে বন্দী ক'রতে সাহস করে  
নাই, সে ব্যক্তি আপনি এসে কারা-রক্ষকের পদগ্রহণ  
ক'রলে। কিন্তু দেখ্‌লেম, তার মুরুদিনের প্রতি অতি  
কোমল ব্যবহার। ঘৃণিত নয়নে যখন উজীরের প্রতি দৃষ্টি  
ক'রতে লাগ্‌লো, স্ত্রান হ'লো যেন নয়নাগ্নিতে তারে ভস্ম  
ক'রবে। বোধ হয় কোন অভাগা খোজা;—বালকের মত  
শ্মশ্রুহীন মুখ, কিন্তু ললাট-রেখায় বয়সের চিহ্ন লক্ষিত হয়।  
ক্ষিপ্তের গায় আগার, ক্ষিপ্তের গায় শূণ্ণ-দৃষ্টি, ক্ষিপ্তের গায়  
অর্থহীন কথা উচ্চারণ করে; কিন্তু স্থিরপ্রতিজ্ঞ, যেন কোন  
মন্তব্য দৃঢ়ীকৃত ক'রে কার্যসাধনে রত আছে। আমি তারে  
এখানে আসতে ব'লেছি, বোধ হয়—ঐ সে।

( এনসানির প্রবেশ )

হারুণ। কে তুমি ?

এনসানি। এখন পরিচয় দেবো না, বধ্যস্থলে ব'ল্‌বো,

বধ্যভূমে ব'ল'বো, যখন খালীফ এসেছে, আর আমার ভয় কি ? কাল মুর্কুদ্দিন বধ হবে,—কাল মুর্কুদ্দিন বধ হবে।

হারুণ। কি ! মোউৎ কার কেশাকর্ষণ ক'রেছে ! শয়তান বারে দোজকে স্মরণ ক'রেছে ! খেচ্ছায় কে খালীফের ক্রোধানলে বাষ্প দেবে ! আপনি কি ঠিক সংবাদ জানেন, জাফের এখনও পৌছয় নি ?

সেন। বন্দেনেবাজ ! তাঁর জলপোত চরে বন্ধ হ'য়েছে, বাদশার একজন সেনাও উপস্থিত হ'তে পারে নি।

এনুসানি। কাল বধ্যভূমিতে পরিচয় দেব,—বধ্যভূমিতে পরিচয় দেব, খালীফ এসেছে, ভয় কি ? কাল আমার প্রতিশোধের দিন—কাল আমার প্রতিশোধের দিন !

[ এনুসানির প্রশ্ন।

হারুণ। শুনুন, আপনার নবাবকে সতর্ক করুন, মুর্কুদ্দিনকে বধ ক'রলে, এ হুন্দের সহরের চিহ্ন মাত্র থাকবে না ; আবালবৃদ্ধ বনিতা—কারুর প্রাণরক্ষা হবে না।

সেন। জাঁহাপনা, গোস্তাকি মাপ হয় ; এ পাগলের কথার অর্থ স্বতন্ত্র অনুমান হ'চ্ছে, ব'ল্লে—খালীফ এসেছে ভয় কি, প্রতিশোধের দিন। আর মুর্কুদ্দিনের প্রতি বন্ধুভাব, উজীরের প্রতি ক্রোধভাব দেখেছি। দাসের অনুভব এই যে, এই ব্যক্তিই মুর্কুদ্দিনের প্রাণ রক্ষার কোন উপায় ক'রবে।

হারুণ। আপনি বল প্রকাশে নিষেধ ক'রুচেন কেন ?

সেন। খামিন ! উজীর প্রতি খল, জাঁহাপনা দণ্ড সখী। দেবেন বটে, কিন্তু মুর্কুদ্দিনের উপর তার অতি ক্রোধ ! তার প্রাণ যায় তাতে কাতর নয়, কি জানি—ক্রোধ ক'রে যদি সে মুর্কুদ্দিনকে বধ করে ! এতদিন সে বধ ক'রুতো, জাঁহাপনার ভয়ে নবাব হুকুম দেন নি। বিশেষত রাজ্যময় সকলেই মুর্কুদ্দিনের পক্ষ, তাই সাহস ক'রতে পারে নি।

হারুণ। তুমি কি উপায় বল ?

সেন। খামিন ! আসুন, পাগলের কাছে যাই,—ও নিশ্চয় কোন উপায় ক'রেছে।

[ উজীরের প্রশ্ন।

( পারিসানা ও ভনৈকা সখীর প্রবেশ )

পারি। ছিল না যাতনা, প্রণয় কামনা,  
পণে বেচা-কেনা কাণ,

চির পরাধীনা, দানা বিমলিনা,  
কেন বা ঘটিল দায় !

বাসনা ছুটিল, পিয়াসা উঠিল,  
তখনি ফুরায় গেল,

ছি ছি কি ছলনা যাতনা গেল না,  
এত কি লাঞ্ছনা ছিল !

সে ভাল বাসিয়ে, গিয়েছে ভাসিয়ে,  
না জানি কত সে সহে,

কঠিন হৃদয়, তাই এত নয়,  
তাই প্রাণ দেহে রহে !

করি প্রেম আশ, হতাশ হতাশ,  
কারাবাস বুঝি সার,

পরের তাড়না, কে করে শাসনা,  
দেখাতো হ'লো না আর !

বিধির ছলনে, দেখা তার মনে,  
মজাতে জনম মম !

স্বকোমল চিতে, বুঝি ব্যথা দিতে,  
ভুবনে এসেছে প্রেম !

কায়-প্রাণ-মন, জীবন-যৌবন,  
সে আমারে বিলায়েছে,

বিনিময়ে তার, নেছে দুখ-ভার,  
কৈদে কৈদে চ'লে গেছে !

ভেব না প্রাণ স্বজনি,  
গুণমণি আসবে তোমার,

এ প্রণয় বিফল হ'লে,

প্রেমের কে আর ধারবে লো ধার।

বাড়াতে প্রেম-পিয়াসা

হয় লো দু'দিন প্রেমে বাধা,

কোমল প্রাণে মেশামিশি,

আছে লো তায় হাসা-কাদা।

পোহাবে দুখের নিশি,

হেসে উদয় হবে রবি,

আদরে হৃদ-নলিনী,

ধ'রবে বুকে রবি-ছবি।

দেখ'লো মনে বুঝে,

প্রেমিক মনে ঠিক কথা কয়,

দেখনা মন বুঝনা,  
 মনে আশা হয় কি না হয়।  
 প্রেমের আশা মিছে হ'লে,  
 থাকতো কি সেই প্রেমের আদর,  
 প্রেমিক) প্রাণ বাঁধ না,  
 প্রেমে কর সাহসে ভর।

( হারুণ-অল-রাসিদের পুনঃ প্রবেশ )

হারুণ। মা, তুমি যথার্থই অনুমান ক'রেছ, আমি মনে স্থান দিতে পারিনে, যে আমার আঙ্কা লজ্বন ক'রতে সাহস ক'রবে।

পারি। জাঁহাপনা, অনুমান নয়, আমি প্রত্যক্ষ দেখেছি।

হারুণ। এ তুমি কিরূপ কথা ব'ল ছো ?

পারি। বন্ধনেবাজ ! আমি বাদী, আমার আর স্বতন্ত্র প্রাণ-মন নাই, আমার স্বাগীর মনে আমার মন ! যখন তাঁর প্রাণ মলিন হয়, আমারও প্রাণ মলিন হয়, যখন তিনি প্রফুল্ল হন, তখন আমিও প্রফুল্ল হই। আমি দেখেছি, যেন আমার প্রাণ অক্ষকার কারাগারে আবদ্ধ হ'য়েছে ; এতেই আমার নিশ্চয় অনুমান হ'চ্ছে, যে যাঁর প্রাণে আমার প্রাণ, তিনি কোন তমোময় কারাগারে আবদ্ধ।

হারুণ। তুমি কি মনে মনে কল্পনা ক'রে দেখেছ ? ও তোমার ভ্রম, ভালবাসায় ওরূপ ভ্রম হয়।

পারি। না জাঁহাপনা ! আমার ভ্রমও নয়, আমার স্বতন্ত্র প্রাণও নয়।

হারুণ। তবে তুমি কি ব'লতে চাও যে, যদি তোমার স্বামীকে কেউ বধ করে, তাহ'লে তোমার মৃত্যু হবে ?

পারি। সেই দণ্ডেই মৃত্যু হবে।

( পারিসানার গীত )

সে দিয়েছে নবীন জীবন।

প্রভেদ কেবল দেহে, প্রাণে রয়েছে বন্ধন।

উভয়ে আপনহারা, এক শ্রোতে বহে ধারা,

যে ভাবে সে রহে যবে, সে ভাব পরশে মন।

একান্তর নিরস্তর, কভু নহে স্বতস্তর,

অস্তরে অস্তর ভার, রহি সে রহে যেমন।

হারুণ। মা, আমি বুঝলোম,—যথার্থই তুমি পতিপ্রাণা,

বিধাতার বিড়ম্বনায় তুমি বাদী হ'য়েছ ; তোমার মত উচ্চমনা নারী আমি কখন দেখি নাই। তুমি অপেক্ষা কর, সত্বরেই তোমার পতির সঙ্গে মিলন হবে।

( সখিগণের প্রবেশ )

( গীত )

স্বজনি, ফুরিয়েছে তোর দুখের রজনী।

আদরে ব'সবি বামে, আসুছে তোর গুণমণি ॥

হৃদয়ে কত অনুরাগ, বিচ্ছেদে বেড়েছে সোহাগ,

মিলনে সোহাগ টোটে হয় কভু বিরাগ ;

বিরহ প্রেমের ভূষণ—প্রেমিকার হৃদয়মণি।

বিরহ তাইতে এত যতন করে রমণী ॥

সকলের প্রশ্নান।

## তৃতীয় গর্ভাঙ্ক

বধ্যভূমি

এল্‌মোইন ও এন্‌সানি।

এল্‌মো। হাদে পাইছো কনে ? পাইছো কনে ? তোমায় বলবো কি, কাল যখন তক্তয় বসবো, উজিরী কাম্‌ডা তোমারেই দেব।

এন্‌সানি। হুর্‌দিনকে কখন বধ ক'রবেন ? নবাব কি বধের হুকুম দিয়েছেন ?

এল্‌মো। নইলি সরঞ্জামটা ত্যাখ'ছো কিসির ? ভাব-তিছি সাপে খাওয়াবো, কি হাতী ডলাবো, কি ফাঁসী চড়াবো, কি আগুনে পোড়াবো, ছাল ছাড়াবো, কি কোত্তা খাওয়াবো।

এন্‌সানি। নবাব হুকুম দিলেন ?

এল্‌মো। তুমি কালীফের মোহর ঠিক জাল কব'ছো, কেউ ধরতি পাল্লে না যে—এডা জাল। আমি ল্যাখেছি যে কালীফ হুকুম দিছে, 'পত্রপাঠ হুর্‌দিনকে মারুবা।' একদিনে দুটো কব'লাম না, হুর্‌দিনকে মেরে কাল ল্যাখ'বো যে,— 'তুমি তক্ত ছ্যাড়ে এই উজীরকে তক্ত দেবা।' বোকা নবাবডা

ডরেই তক্ত ছ্যাড়ে মক্কায় যাবে অ্যানে। আর তুমি সেই  
বাঁদীডার কথা কি বল্‌তিছিলে,—সে আইছে নাহি? সে  
আইছে নাহি? সত্যি তারে ছাখ্‌ছো নাহি?

এন্সানি। যে সওদাগর তাকে সঙ্গে ক'রে বধ্যভূমিতে  
আনছে। তার মুকুদ্দিনের উপর ভারি রাগ; সে সকল  
লোকের সামনে মুকুদ্দিনকে দেখাতে চায় যে, তার স্ত্রী  
তাকে ছেড়ে আর একজনের কাছে গেল। মুকুদ্দিন তার  
নেয়েকে চুরি করেছিল না কি ক'রেছিল, সেই রাগের চোটে  
তার বাঁদীকে এই সহরে এনেছে। আর বাঁদীটারও শুন্‌ছি,  
তোমার উপর মন প'ড়েছে; সে নাকি তোমাকে কোণায়  
দেখেছিল।

এল্‌মো। ছাহেছিল, ছাহেছিল—যে দিন মুকুদ্দিনকে  
ধরবার যাই; সে দিন ছাহেছিল। কি বল্লে, তার মন  
পড়্‌ছে? চক্‌মকে উজীরের সঙ্গে ছাহেছিল কি না;  
নবাব ছাহেলিই আরো পছন্দ করবে অ্যানে। মুকুদ্দিনকে  
আনবার গেশ কেডা?

এন্সানি। সে আমার লোক নিয়ে আস্‌ছে; কিন্তু  
তোমার সাজগোজটা আজ বড় ভাল নয়,—তুমি একটু  
সেজেগুজে এস। সওদাগর মুকুদ্দিনের বাঁদীকে সঙ্গে নিয়ে  
এল বলে।

এল্‌মো। বল্‌ছো ভাল,—বল্‌ছো ভাল; এই যে  
মুকুদ্দিন আস্‌ছে।

( মুকুদ্দিনকে লইয়া রক্ষকের প্রবেশ )

ছাদে মুকুমিঞা, এ সরঞ্জ মটা ছাখ্‌ছো? মোর নানীর  
সাখ্‌ তোমার সাদি দিতি আন্‌ছি। ছাহে ছাও,—ছাহে  
ছাও, চারু তরফ ছাহে ছাও।

এন্সানি। উজীর সাহেব, তুমি যাও যাও—সেজেগুজে  
এস গে!

এল্‌মো। যাতিছি, যাতিছি। মুকুমিঞা ছাখ্‌তিছি,  
আবার ছাখ্‌বা অ্যানে, তোমার জরু মোর গলা ধর্যা খাড়া  
হবে। মোর নানীরি তোমায় দেবো, আর তোমার  
চুরি মুই নেবো।

এন্সানি। যান, শীগ্‌গির যান, সেজেগুজে আসুন।

এল্‌মো। মিঞা, মুই আস্‌তিছি, তোমার সাদি  
ছাখ্‌বো অ্যাসে।

[ এল্‌মোইনের প্রশ্নান।

( সওদাগর বেশে হারুণ-অল-রসিদের প্রবেশ )

এন্স নি। আমি জানি—জ নি,—আমার মনোবাঞ্ছা  
পূর্ণ হবে, খালীফের সাক্ষাতে বল্‌বো, কোমল জীবনে যে  
দাগা পেয়েছি, তার প্রতিশোধ দেব।

হারুণ। কে তুমি?

এন্সানি। শুন্‌বে—শুন্‌বে,—আমি উজীরের স্ত্রী।

হারুণ। তোমার এ দশা কেন?

এন্সানি। আমি যৌবনে ক'ফের উজীরকে ভালবেসে  
ছিলেম, কিন্তু সে আমায় পাগল ক'রেছিল, পাগ্‌লা-গারদে  
দিয়েছিল; আমি মনের জ্বরে আরাম হ'য়েছি,—তারে  
প্রতিশোধ দেব বল্‌লে আরাম হ'য়েছি; আজই তার প্রতিশোধ  
দেব,—জাঁহাপনার বরে প্রতিশোধ দেব। সে আপনার  
বাঁদীর লোভে আস্‌ছে। তারই কারাগারে তারে বন্ধ  
ক'রবো, তারই কোশলে বধ্যভূমিতে আস্‌বে; মারুতে হয়  
মারুবো,—রাখ্‌তে হয় রাখ্‌বো। না—না মারুবো!  
আবার পাগল হবো! তারপর আমার জীবনের সাধ  
ফুরাবে।

( এন্সানির গীত )

আমার প্রাণে জ্বলে যে অনল,—

মাগরে অতল জলে—হবে না তা শূণীতল!

যে দিন ঘণা ক'রে পায়ে ঠেলেছে,

কত কথা বলেছে,

সেই দিনেই এ আগুন জ্বলেছে ;—

নেবে না জলে, জলে জ্বলে আগুন হয় প্রবল!

হারুণ। তুমি কি চাও?

এন্সানি। এখন জানিনে—এখন জানিনে,—উজীর  
এলে বল্‌বো?

[ এন্সানির প্রশ্নান।

মুকু। এইতো বধ্যভূমি—এখনি প্রাণ যাবে! পৃথিবী,  
বিদায় দাও! সূর্যদেব, বিদায় দাও। আমি মৃত্যুতে ক্ষু  
নই, আমার বহুনা শেষ হবে, ভগবান আমায় রক্ষা পদে  
স্থান দেবেন। আক্ষেপ এই,—তার সঙ্গে আর দেখা হ'লো  
না! শুন্‌লেম,—কাকের উজীর তারে হস্তগত ক'রেছে! আশা  
না জানি সে কি বহুনাই পাবে! সে আনা ভিন্ন জানে না!  
বোধ হয় সে আত্মহত্যা ক'রবে! ভগবন্, চরম সময় বল



দাও! তুমি বলদাতা, যেন মৃত্যুকালে সংসার ভুলে তোমার নাম নিতে নিতে প্রাণত্যাগ করতে পারি! যেন সকলের কাছে প্রমাণ করতে পারি, যে আমি জগৎপিতার আশ্রয়ে যাচ্ছি। মাটির দেহ মাটিতে মেশাবে, শ্বাস-বায়ু পবনে মেশাবে, চক্ষুর জ্যোতিঃ সূর্যের জ্যোতিতে লয় হবে, উজ্জ্বল আত্মা দেহ-বন্ধন ত্যাগ করে পরমোজ্জ্বল পরমাত্মার সেবায় নিযুক্ত হবে। ভগবন্! মৃত্তিকায় আবদ্ধ হ'য়ে, ইন্দ্রিয়ের ছলনায় প্রতারিত হ'য়ে কত অপরাধ ক'রেছি, দয়াময়! নিজগুণে মার্জনা কর।

( গীত )

অস্তে তব কিঙ্করে রেখো  
জ্যোতির্শর, রাজীবচরণে।  
আসি ধরা'পরে, নরদেহ ধ'রে,  
বন্ধিত চিত্ত নিয়ত সাধনে ॥  
শৈশবে হ্রদে ফুটিল বাসনা,  
যৌবনে সদা যুবতী কামনা,  
কাকন, নিশি-দিন আকিঞ্চন —  
জানে না রসনা ডাকিবে কেমনে ॥  
সম্পদ মদ পিয়ে অবিরত,  
মাতুরার মতি ভ্রম-পথে রত,  
সাথে ছায়া সম ফিরিছে শমন,  
জাগেনি স্বপন অচেতন মনে ॥

হারুণ। ওহে, তুমি তো বড় নিকোঁধ, একজন জেলের চিঠি নিয়ে এই বিপদে প'ড়েছ ?

মুরূ। তুমি কে ?

হারুণ। আমি তোমার বন্ধু।

মুরূ। যদি বন্ধু হও, রাজাধিরাজ হারুণ-অল-রসিদের নিন্দা ক'রো না ;—আমার অদৃষ্টে যা ছিল হ'য়েছে।

হারুণ। হারুণ-অল-রসিদ কে ? সে জেলে ;—সে তোমার আশরুফি ভুলিয়ে নিয়েছে, তোমার স্ত্রী ভুলিয়ে নিয়েছে।

মুরূ। তুমি না পরিচয় দিলে আমার বন্ধু ?

হারুণ। হাঁ, তোমায় মুক্ত ক'রতে এসেছি।

মুরূ। তুমি যাও। আমি তোমার দ্বারা মুক্ত হবো না।

হারুণ। তুমি অতি নিকোঁধ ; এখনি তোমার প্রাণবধ

হবে। যদি জেলেই না হয়, সতাই হারুণ-অল-রসিদই হয়, তা'হলে সে তোমার কি ক'রলে ?

মুরূ। খালীফ আমার পিতার স্বরূপ, তিনি নিশ্চিত নাই ; যদি তিনি সংবাদ পান, তা'হলে আমার মুক্তির উপায় নিশ্চয় ক'রবেন। আর আমি ম'লেমই বা, ক্ষতি কি ? আমার গ্রায় শত শত ব্যক্তির মৃত্যুতে পৃথিবীর কিছু আসে যায় না ; কিন্তু খালীফ হারুণ-অল-রসিদের জয়,—শেষ নিঃশ্বাসের সহিত বল্বো—‘হারুণ-অল রসিদের জয়!’ ভগবানের নিকট কায়মনোবাক্যে প্রার্থনা,—তাঁর গৌরব-রশ্মি শারদ-কৌমুদীর গ্রায় জগদ্ব্যাপী হউক, জগতে চিরশান্তি বিরাজ করুক। তোমার নিকট আমার একটা মিনতি,—আমার মৃত্যু-সংবাদ পেলে তিনি ক্রুদ্ধ হবেন, নিশ্চয়ই এ রাজ্য ধ্বংস ক'রবেন! আমার এই আবে দন তাঁর পদে জানিও যে, আমার মৃত্যুকালে তোমার সঙ্গে দেখা হ'য়েছিল! আমার রাজপদে আবেদন,—যেন আমার শত্রু-মিত্রকে তিনি মার্জনা করেন। আমার প্রাণবধের প্রতিশোধে যেন নরহত্যা না হয়! আমি সকলকে মার্জনা ক'রেছি। তিনি সন্তানের প্রতি রূপা ক'রে সকলকে ক্ষমা করেন—দাসের স্বর্গের পথ মুক্ত করেন! যেন ভগবানের নিকট মার্জনা চেয়ে আমি দাঁড়াতে পারি যে, প্রভু, আমার জীবনের অপরাধ মার্জনা করুন, আমার প্রাণবধে অপর কারুর প্রাণবধ হয়নি।

হারুণ। আরে যাও যাও, তুমিও যেমন, তোমার খালীফও তেমন,—আমি হ'লে তার নামও মুখে আনু-তেম না।

মুরূ। তুমি দূর হও, তুমি নিন্দুক।

হারুণ। আচ্ছা চ'ল্লেম, ভাল ক'রতে এলেম,—মন্দ হ'লো।

মুরূ। তোমার দ্বারা প্রাণ রক্ষা হওয়াও অগৌরব ; তুমি মহাজন ব্যক্তির নিন্দা কর! যে উচ্চ ব্যক্তির নিন্দা করে—সে হয়, যে শোনে—সে হয় ; আমি খালীফের নিন্দুকর দ্বারা হয় জীবন রক্ষা ক'রতে চাই না।

হারুণ। আচ্ছা, আমি চ'ল্লেম,—খালীফ তোমায় রক্ষা করে কেমন, আমি এসে দেখছি।

[ হারুণ অল-রসিদের প্রস্থান। ]

( এলমোইন ও এন্সানির পুনঃ প্রবেশ )

এলমো। ( হুরুদ্দিনের প্রতি ) আর কি, এইবার তোমার সাদি দিতিছি। ( এন্সানির প্রতি ) হাদে, হাদে, সে ছুঁড়ুডে কেনে ?

এন্সানি। এলো বলে, ঐ আসছে !

হুরু। আহা ! অভাগিনী !

এলমো। বাছা নিঃশ্বিস্ ফ্যাল্তিছে ; আহা, ভেবনা, ভেবনা, বেশী নিঃশ্বিস্ আর পড়বে না—এই বন্দ করে দিতিছি।

( সেনজারার প্রবেশ )

সেন। উজীর সাহেব, কি ক'রছো ?

এলমো। ঠাওরাতিছি—শুলী দেবো, কি ফাঁসী চরাবো, কি আগুনি পোরাবো।

সেন। তোমার যে রকমে ম'রতে সখ।

এলমো। মোর মরবার সখ কি বলছো ?

সেন। বলি আজ তো তুমি ম'রবে ?

এলমো। তুই বড় বাড়াইছিস্, ছাখ্ ছাহিন, তোর কি হাল্‌ডা করি।

সেন। না উজীর সাহেব, রাগ ক'রো না, তোমার সেই বাদী আসছে।

এন্সানি। উজীর সাহেব, ইনি একটা কি কথা বলছেন শোন, বড় মজার কথা।

[ এলমোইন, এন্সানি ও সেনজারার প্রস্থান। ]

( ছদ্মবেশী হারুণ-অল-রসিদের পুনঃ প্রবেশ )

হারুণ। হুরুদ্দিন, ভয় ক'রো না, সতাই খালীফ তোমার মুক্তির জন্ত এসেছেন :

হুরু। অঁ্যা ! জাঁহাপনা ! কোথায় ?

হারুণ। এই তোমার সম্মুখে।

হুরু। জাঁহাপনা ! দীন প্রজার জন্ত এত কষ্ট স্বীকার ক'রেছেন !

হারুণ। আমি কষ্ট পাইনি, তোমার কষ্ট দিয়েছি। তুনি শঙ্কা দূর কর ; আমি এতদিন তোমার সন্ধান ক'রতে পারিনি। দুর্জনের আজ সমুচিত দণ্ডবিধান ক'রে তোমায় সিংহাসনে বসাব।

হুরু। জাঁহাপনা, সে অভাগিনী কোথায় ?

হারুণ। এখনি তোমার সঙ্গে সাক্ষাৎ হবে ; আহা, কারাগারে কত কষ্টই পেয়েছ !

হুরু। উজীর কষ্ট দিতে এনেছিল বটে, কিন্তু ঈশ্বর আমায় এখানে রক্ষা ক'রেছেন। জাঁহাপনার ভয়ে কেহই আমার কারারক্ষক হ'তে স্বীকার হয়নি ; উজীরের কাছে আবেদন ক'রে একজন বেছায় আমার কারারক্ষক হ'লো। প্রথমে মনে হ'য়েছিল যে স শত্রু ; তারপর দেখলেম সে পরম বন্ধু ; আশ্চর্য্য এই, সে স্ত্রীলোক, পুরুষ নয়—ঐ সে ব্যক্তি !

হারুণ। আমি ওরে জানি, আমার সঙ্গে সাক্ষাৎ হ'য়েছে।

হুরু। জাঁহাপনা, আপনি একা এই শত্রুর মাঝখানে ! আমার ভয় হ'চ্ছে, দুর্বল উজীর জানতে পারলে সর্বনাশ ক'রবে !

হারুণ। চিন্তা ক'রো না, এই যে আমার বন্ধুকে সঙ্গে নিয়ে এলেম, এই আমার উরুদেশে দেখ, অতি নিষ্ঠুর শোণিত-পিপাসী, কঠোর বিপক্ষশ্রেণী ভেদ ক'রে শত সহস্র ব্যক্তির উষ্ণ শোণিত পান ক'রেছে। ( তরবারি প্রদর্শন ) হেথায় কয়েকজন ক্ষুদ্র জীব মাত্র দেখতে পাচ্ছি ;—আমার নামে বার হস্ত হ'তে অসি খ'সে যায় !

হুরু। জাঁহাপনা ! আমার গায় শত শত ব্যক্তির জীবনে-মরণে কি আসে যায় ;—কিন্তু আপনি প্রজারক্ষক, আপনার জীবন অমূল্য।

হারুণ। ঈশ্বর আমায় প্রজাপালনের ভার দিয়েছেন ; আমার নরহন্তে মৃত্যু নাই।

( জাফেরের প্রবেশ )

জাফের, তোমার মত ব্যক্তিকে আর কোন ভার অর্পণ ক'রবো না ; তোমার অর্ণবয়ান কি এখন এসে উপস্থিত হ'লো ?

জাফের। ধর্ম্মাবতার ! মাপ হয়, আমার অর্ণবয়ান চড়ায় আবদ্ধ হ'য়েছিল, আমি ধীবরের ডিক্কাতে পূর্বে হেথায় উপস্থিত হ'য়েছি, সওনাগরী তরীতে আমার সেনারাও এসে উপস্থিত হ'য়েছে, বধ্যভূমিতে আগত প্রায়। বন্দেনেবাজ ! ইতিপূর্বে আমি নিশ্চিন্ত থাকি নাই, এ রাজ্যের সেনাপতি,

সেনাগণ, প্রজাগণ—সকলেই আমার আজ্ঞামত কার্য ক'রবে।

( হরকরাসহ এলমোইন ও সেনজারার প্রবেশ )

এলমো। আচ্ছা আচ্ছা, আমি গলা জরায়ে চুমা খাবো অ্যাহন, ছুড়্‌ডেরে আস্তি দেও—  
ছুড়্‌ডেরে আস্তি দেও, বেশ মতলব বের  
করছে। তোমারে তো বলছি, তোমার ভাল ক'রবো।  
খুব মজা হবে আনে,—মুরু গাখতি থাকবে, আর বুক  
ফাটতি থাকবে। হাদে হরকরা, বলতি থাহ,—“আজ  
মুরুদিন খুন হবে। খালীফ বাদসার মোহর জাল  
করছে।”

মুরু। আজ উজীর খুন হবে, খালীফ বাদসার মোহর  
জাল ক'রেছে।

এলমো। ইস, ম'রবার সময় বড় লম্বাই বাৎ ঝাড়্‌ছো  
যে :

মুরু। তুমি ম'রবার সময় বড় লম্বাই বাৎ ঝাড়্‌ছো  
যে ?

এলমো। আরে বাঁধতো বাঁধতো ?

সেন। উজীর সাহেব, উজীর সাহেব, এখন বাঁধা থাক ;  
ঐ সে বাঁধীটে আসছে, তোমার সাদি ক'রবে।

এলমো। হাদে, হাদে, সেইডেইতো বটে—সেইডেইতো  
বটে।

( পারিসানা ও সখীর প্রবেশ )

পারি। প্রভু, এতদিন বাঁদীকে ভুলে ছিলে! আর  
ভুলে থেকে না—আর পায়ে ঠেল না।

মুরু। প্রিয়ে, দৈব-বিড়ম্বনায় তোমায় ছেড়েছিলেম,  
আর জীবনে-মরণে বিচ্ছেদ হবে না।

এলমো। হাদে দেখতিছি—মোর সাম্নাসাম্নি প্রেম  
ক'রতি লাগলো।

( স্ত্রীবেশ এনুমানির প্রবেশ )

এনুমানি। এস প্রাণনাথ, আমরাও প্রেম করি।

এলমো। আরে তুই কেডা,—তুই কেডা ?

এনুমানি। আমার চিন্তে পার্ছো না, আমি তোমার  
সেই প্রেমিকা, যারে পাগল ক'রেছিলে, যারে কারাগারে  
দিয়েছিলে, যে নফর হ'য়েছিল।

এলমো। আরে কেডা আছিল—বাঁধতো, বাঁধতো,  
সবগুলো বাঁধ।

( খালীফ সৈয়গণের প্রবেশ ও এলমোইনকে  
বন্ধন করণ )

আরে আমার বাঁধিস ক্যান—আমায় বাঁধিস ক্যান ?

সেন। কেন উজীর সাহেব, এই তো খালীফের হুকুম  
তুমি আমায় দিয়েছ, এই প'ড়ে দেখ।

এলমো। এ যাহু নাহি—যাহু নাহি !

এনুমানি। যাহু বইকি, আমার প্রেমের প্রতিশোধ, তুমি  
বুঝতে পার্ছো না ?

এলমো। এ জাল! জাল! এ বেইমানী—এ  
শয়তানী!

এনুমানি। হ্যা প্রাণনাথ! এ বেইমানী, শয়তানীর  
প্রতিকল।

হারুণ। জাফের! নবাব কোথায় ?

( সুলতান মহম্মদের প্রবেশ )

মহম্মদ। আপনার দাস এই হুকুরে হাজীর আছে।

হারুণ। তুমি কোন্ সাহসে আমার হুকুম লঙ্ঘন  
ক'রেছ ?

মহম্মদ। জনাব! আমি আপনার হুকুম চিরকাল মস্তকে  
রাখি, আমায় এই কাকের বুমিয়েছিল যে এ আপনার হুকুম  
নয়,—জাল।

হারুণ। তুমি নবাবের উপযুক্ত নও,—মুরুদিনই যথার্থ  
যোগ্য। তার মাহাত্ম্য দেখ, আমি বার বার তারে নবাবী  
দিয়েছি, সে গ্রহণ করে নি, তারই অনুরোধে তোমায় দণ্ড  
দিলেম না।

মহম্মদ। মুরুদিন, তুমি আমার জীবন দাতা ; আমি এ  
তক্তের উপযুক্ত নই, তুমিই গ্রহণ কর। আমার বৃদ্ধ বয়স  
হ'য়েছে, আমি মকায় যাব।

মুরু। নবাব সাহেব, আপনি মকায় যেতে হয় যান ;—  
আমার অগ্র কামনা নাই, আমি জাঁহাপনার দাস, আমি  
চিরদিনই তাঁর পদাশ্রয়ে থাকবো।

হারুণ। জাফের, এ কাকের প্রাণবধের বিলম্ব  
কি ?

এনসানি। জনাব! দাসীর প্রতি আজ্ঞা আছে যে আমি যা বর চাইবো, তা পাব,—প্রাণ বধ ক'রলে ফুরিয়ে যাবে, আজ্ঞা হয় যে, আজীবন আমার গোলাম হ'য়ে থাকুক।

পারি। পিতা! আজ আপনার কণ্ঠার সুখের দিন, এদিনে কারুর জীবন বধ আজ্ঞা দেবেন না।

হারুণ। মা, তোমার কথামতই কার্য্য হবে। (এনসানির প্রতি) তুমি কি চাও?

এনসানি। আমি এই বেইমানের পোষাক এনেছি; এ নরপশু, এর সঙ্গে নরের ব্যবহার ক'রবো না, পশুবৎ শৃঙ্খলে বাধা থাকবে, চার পায়ে হাঁটবে।

এলমো। হাদে, মোরে শূলী দিতি চাও—দাও, ফাঁস দিতি চাও—দাও, এই বেটীর হাত ছাড়ান দাও।

এনসানি। প্রাণনাথ! কেন ভাব্ছো? আজ আমাদের আবার সুখের মিলন।

হুরু। মা, বোধ হয় তুমি বিস্তর সহ্য ক'রেছ; কিন্তু আমায় তুমি পুত্র ব'লেছ, একে আমায় ভিক্ষা দাও।

এনসানি। বাবা, তুমি মা ব'লে আমার প্রাণ জুড়িয়েছ, আমি তোমার কথায় প্রতিশোধ ভুল্লেম।

এলমো। হুরু, হুরু—তুমি কাট'বা না শূলী দেবা! যা হয় ঝট'পট' করে ফেল।

হুরু। উজ্জীর সাহেব, তোমার ভয় নাই; বৃদ্ধ হ'য়েছ, একটা উপদেশ নাও—স্থির জেনো, তোমার বুদ্ধিতে সংসার চ'লবে না। আপনার বুদ্ধিতে কি অবস্থায় প'ড়েছ—দেখ; আমার মিনতি রাখ, এ জীবনের ক'টা দিন ঈশ্বর-সেবায় অতিবাহিত কর। জেনো, পৃথিবীতে পাপের সাজা আরম্ভ হ'তে পারে, কিন্তু শেষ হয় না। যদি নরক-যজ্ঞণা বাড়তে না চাও, আমার কথা অন্তথা ক'রোনা।

হারুণ। হুরুদিন, তোমার সঙ্গে যে দিন আমার প্রথম দেখা, সেদিন শুনেছিলেম যে, তুমি কোন মোল্লাদের কার্য্যে

থাক; কিন্তু এতদিন আমি বুঝতে পারিনি যে, তুমিই যথার্থ পরমেশ্বরের প্রিয়পাত্র। বুঝ্লেম যে, দয়াবান্ ক্ষমাবান্ ঈশ্বরের তুমিই যথার্থ দাস। ভগবানের কাছে প্রার্থনা করি যে, তুমি তোমার প্রণয়িনীকে নিয়ে সুখ-স্বচ্ছন্দে দিন অতিবাহিত কর।

( সখিগণের প্রবেশ )

( গীত )

সখিগণ।—

মনের মতন রতন পেলি, কি দিবি তা বল?

পারি।—

আমিতো সই কেনা তোদের, কেন করিস্ ছল!

হুরু।—

বলনা আমায় কি দেবে?

সখিগণ।—

বল কি, আছে বা কি, আর বা কি নেবে!

হুরু।—

জানতো কথার ছলনা,

সখিগণ।—

আর কি নেবে ভেঙে বলনা?

পারি।—

সকলই তোমার, কিছু নাইতো হে আমার,

ভালবাসা প্রেম-আশা ফুটিয়েছ হে হৃদ-কমল।

সখিগণ।—

সখী-সখা থাক স্থখে, বাসনা করি কেবল।

সকলে।—

( গীত )\*

আমোদ ক'রে দেখলে পরে আমোদের মিলন।

আমোদ ভরে দেখবে ঘরে,

আমোদ ভরা চাঁদবদন ॥

আমোদে চলে রজনী, আমোদে চল স্বপ্ননি,

আমোদ করা ধরা লো যার, আমোদে তার ভাসে মন ॥

## স্বনিকা

এই গীতিকার অন্তর্গত \* চিহ্নিত গানগুলি অভিনয়ে গীত হয় না।

# মণি-হরণ

( পৌরাণিক গীতি-নাট্য )

[ ৭ই শ্রাবণ, ১৩০৭ সাল, মিনার্ভা থিয়েটারে প্রথম অভিনীত ]

## নাট্যোক্ত চরিত্র

পুরুষ

শূর্য্য।		
উষা।		
শ্রীকৃষ্ণ	...	যতুপতি।
সত্রাজিত	...	রাজা।
প্রসেন	...	রাজভ্রাতা।
জাম্বুবান	...	ঋক্ষরাজ।
কুমার	...	ঐ পুত্র।


সত্রাজিত-দূত, জাম্বুবান-দূতত্রয়, জাম্বুবান সৈন্যগণ,  
যতু-সৈন্যগণ ও বালকগণ ইত্যাদি।

স্ত্রী

কঙ্কণী	...	শ্রীকৃষ্ণ ম'হিষী।
রাণী	...	সত্রাজিত-মহিষী।
জাম্বুবতী	..	জাম্বুবানের কন্যা।

ছায়া-সঙ্গিনীগণ, সখীগণ, লহরবালাগণ, রাণীর সহচরীভ্রম,  
কলঙ্কবালাগণ ও নাগরিকাগণ ইত্যাদি।

## প্রথম অঙ্ক



### প্রথম দৃশ্য

সমুদ্র-তীর

অস্তাচলগামী রবি

ধ্যানমগ্ন সত্রাজিত

(ছায়া-সঙ্গিনীগণের গীত)

তরণ তপন, ডুবিল যখন, আমি তারে ঘেরে রাখি।

ছায়া কায়া মম, ছায়ায় আবরি, নাহি হেরে নর-আঁখি।

উজ্জল বিভা মম হৃদি'পরে ধরি নর অগোচরে,

হৃন্দর জ্যোতি চাকি কলেবরে;

সুরয মোদিনী ছায়া-অঙ্গিনী,

গোপনে যতনে তেজোময় বিভা, আদরে যতনে। বৈরধি।

[প্রস্থান।

সত্রা। হে দিনদেব, হে নয়নানন্দ, হে উজ্জল বিম্বুলিন্দ,  
হে নারায়ণ, হে ভুবনজীবন! তুমি আশ্রিতের প্রতি সদয়  
হও। তুমি ভুবনানন্দ, তুমি ভুবন-নয়ন, তুমি ভুবন বিকাশ

তপন, তুমি আমায় কৃপা কর,—আমি তোমার নিতান্ত  
আশ্রিত।

( ছায়াসন্ধিনীগণের পুনঃ প্রবেশ )

( গীত )

ঝিমি ঝিমি ধিমি ধিমি, নামি ধরণী' পরি, সহ তিমির-সহচরী।

নয়ন মুদিয়ে, দেখ তুমি ধিয়ে, ভুবন-আলোক হরি ॥

স্বরয়-জ্যোতি হের নিতি নিতি, দেখ নিতি নামে তিমির রাতি,

ছায়া বিনা ধরে তপন-জ্যোতি—কে ধরে শক্তি ;

ছায়া কায়া ভুবন মায়া, ছায়ারূপা শবলা বিভাবরী ॥

[ ছায়াসন্ধিনীগণের প্রস্থান।

সত্ৰা। এ কে ! এ সব কি দেখছি ! হে উজ্জ্বল দিনদেব,  
কোথায় লুকালে ? আমি আঁধার দেখছি কেন ? আদি-  
সৃষ্টি হে ভগ্নবান, হে তমোহর ! আমি কেন সংসার তমো-  
ময় দেখছি ? হে তেজোরশি, উদয় হও,—আমার হৃদয়  
আনন্দে পূর্ণ কর।

( উষার আবির্ভাব )

( গীত )

তর তর তর তর উঠে আলোকরাশি, দিশা বিকাশি।

ডুবিল নিশি, রক্তিম দিশি, হেরি রক্তিম অধরে হাসি ॥

ধীর সমীর—প্রেমিকা অধীর,

সজল নয়ন, বিদায় চূষন,—

বহে বিহগ-ঝঙ্কার কমল-পরিমলে ভাসি ॥

সত্ৰা। এই যে আবার উষার আলোক দেখছি ! কই  
দিনকর, আমার নয়নানন্দকর,—একবার দর্শন দাও ! না  
বর দাও, একবার তোমায় দেখে নয়ন সার্থক করি। আমায়  
আঁধার আবরণ ক'রেছিল, তোমার নয়নানন্দকর জ্যোতি  
বিকাশ কর !

( লহরবালার আবির্ভাব )

( গীত )

শুনহে রাজন, ধরহে বচন,

আমার উরসি হার।

সাগরে বিহরি, নিতি নিতি ধরি,

হৃদয় কিরণ সার ॥

ডুবে তপন সাগর-গহ্বরে,  
বিরলে তারে, আঁধার নেহারে আদরে ;

চাহ তপনে কি বাসনা মনে,

রবি হৃদে ধরি হারায়ে নয়নে,—

কহিহু বচন সার ॥

| লহরবালার তিরোভাব।

সত্ৰা। আপনারা কারা আসছেন ? কি কথা  
বলছেন,—আমি কিছু বুঝতে পাচ্ছি নি। আমি সূর্য  
উপাসনা করি, সূর্যের গায় জ্যোতি পাব, এই আমার  
আশা। সে আশায় আমি যদি নিরাশ হই, তথাপি আমি  
সূর্য-উপাসনা ক'র্বো ; আমায় মানা ক'র না।

ভূগোক-আলোক-প্রিয়,—আলোক-আকর—

তুমি যদি ব্রহ্মাণ্ড বিকাশ,

তোমার রূপায় ব্যক্ত এই চরাচর,

মম হৃদে হও হে প্রকাশ।

আঁধার অন্তর মম মৃত্তিকাজড়িত,

তেজোময় তুমি হে তপন !

করুণা-কটাক্ষ, দেব, কর প্রকাশিত,

নব বিশ্ব ধাতার সৃজন !

আলোক নেহারি,—পুনঃ আঁধার তিমির !

কোথায় লুকাও দিনকর ?

তেজোময় হৃদিমাক্ষে বিহার মিহির,

তুমি দেব পরম সুন্দর !

ক'র না করুণাময়, কাতরে চলনা,

জ্যোতিমাক্ষে বিকাশিতে সাধ,

নয়ন-আনন্দ তুমি—জীবের কামনা,

কামনায় সেধ' না হে বাদ।

( সূর্যের প্রবেশ )

( গীত )

কোটি নয়নে ভুবন নিরখি, সাগরে ডুবে নিশা।

মম উদরে নীরস হৃদয়ে পুন বিকাশে আশা,

সাজে ফলে-ফুলে দিশা ॥

স্থল-জল পুলক হিল্লোল, গগন-গহন পুলকে উজ্জ্বল,

মম ডরে পশে খাপদ গহ্বরে,

কুটিল অন্তর দহে পিয়াসা

সূর্য্য। তুমি কি চাও ?

সত্ৰা। প্রভু, তুমি যা দেবে।

সূর্য্য। তোমার চক্ষে আর তুমি অন্ধকার দেখতে পাবে না। এই স্যামন্তক মণি দিচ্ছি, এ আমার শ্রায় প্রভাময় মণি দিন দিন উগ্ৰীর্ণ ক'রবে। সেই মণি তোমায় দিচ্ছি,—আর ডেক' না।

সত্ৰা। প্রভু, তোমার স্যামন্তক মণি তুমি লও। আমি তোমায় চাই, আর আমি কিছু চাই না।

সূর্য্য। তুমি আমার একান্ত ভক্ত। ছায়া আমার নিত্য আবরণ, কিন্তু তোমার হৃদাসনে, ছায়া কখন' আমার জ্যোতি আবরণ ক'রবে না।

সত্ৰা। প্রভু, নিরন্তর ধ্যানে যেন তোমায় পাই।

সূর্য্য। পাবে, এই স্যামন্তক মণি লও। তোমার অন্তর-বাহু আলোকে পরিপূর্ণ থাকবে।

সত্ৰা। প্রভু, মাণিক একটা রত্ন মাত্র,—জীবনলীলার সঙ্গে তার সম্বন্ধ। আমায় অমূল্য রত্ন দাও।

সূর্য্য। পাবে ? অমূল্য-রত্নলাভ বড় কঠিন কার্য্য।—

মম অঙ্গে কার জ্যোতি নেহার বিকাশ ?

প্রভাময় স্থূল জ্যোতিরশি—

অনন্ত তপন পরকাণে ;

ঘোর রোলে বহে নভহলে,

শতকোটি ব্রহ্মাণ্ড তপন ;

কণামাত্র হের এ কিরণ—

উদ্ভব চরণ-রজে তাঁর।

নির্মল উজ্জল জ্যোতি

যাহে নাহি বিভাবরী,

বহিতেছে—

জ্যোতির্ময় অনন্ত লহর—জ্যোতির সাগর।

করি আশীর্বাদ—

সেই জ্যোতি কর তুমি সার।

ক্ষুদ্র জ্যোতি কেন আকিঞ্চন ?

জ্যোতির আলয়ে রহ মিলাইয়ে—

জ্যোতি-মাঝে করি নিজ জ্যোতি বিসর্জন।

সুখসাধ—জেন' সে বিষাদ ;

অঁধার—মায়ার প্রভাবলে।

ব্যাপি এই অনন্ত সংসার—

যে জ্যোতি বিহার,

মিল তুমি জ্যোতির সাগরে।

সত্ৰা। প্রভু, আমি অতি ক্ষুদ্র, তুমি আমার জ্যোতি-সমুদ্র ; তোমায় ছেড়ে আমি কাউকে চাই না। যে জ্যোতির সাগর থাকে—থাকুক, হে প্রভাকর ! তুমি আমার হৃদয় প্রফুল্ল কর ; তুমি প্রভু, চরণে স্থান দাও। আমার অধিক আশা নাই,—প্রভু, আপনার কৃপায় কি না হয়।

সূর্য্য। দেখ, দ্বারকায় শ্রীকৃষ্ণ-চরণে এই স্যামন্তকমণি অর্পণ কর, তোমার মনোবাহু পূর্ণ হবে।

[ উভয়ের প্রশ্নান।

( লহরবালাগণের পুনঃ প্রবেশ )

( গীত )

উন্নিবালা, একি হ'ল জ্বালা—

কিরণ হরিল নরে।

হরে নরে দিনকরে, জ্বদিপরে—

কার কিরণে খেলিবি আর।

থরে থরে পরি সোণার হার,

রবি-করে নরে হরে,—

নর-জ্বদি-সরোবরে খেলিবে তপন-হার ;

আদিসৃষ্টি, ভুবন-দৃষ্টি নরে নিল হরে ॥

দ্বিতীয় দৃশ্য

দ্বারকার পথ

সত্ৰাজিত ও প্রসেন।

সত্ৰা : দেখ ভাই, দ্বারকায় মণি এনে বড় ভাল করি নি। সৃষ্টির লোকে বলে,—“ও চোরের ইষ্টি”—মণিটে বাগাবার চেষ্টায় আছে।

প্রসেন। কিসে জানলে ?

সত্ৰা। আরে মণিটা ভোগা দেবার অঙ্গে কত ধাম্মা লাগালে। বলে, এটা পেলে কোত্তভ মণি দিতে পারি।

কত রকম ছকাবাজি ক'রলে,—তা আর তোমায় ব'লবো কি !

প্রসেন । আচ্ছা দাদা, তুমি তো মণি দিতে এসেছিলে । তুমি তো ব'ললে,—এ মণি শ্রীকৃষ্ণকে অর্পণ ক'রবো ।

সত্ৰা । ব'লেছিলেম—ঝক্কারি ক'রেছিলেম । প্রাণ ধ'রে এ মণি দেওয়া যায় ? মাথায় দিলে যেন সূর্য্য উদয় হ'য়েছে ! ব'লেছিলেম একটা ঝাঁকে ;—এ মণি আমি দিতে পারবো না ।

প্রসেন । কাজ কি তোমায় দিয়ে ।

সত্ৰা । আমি কি ক'রবো, ঝক্কারি ক'রে দ্বারকায় এসে প'ড়েছি । এ চোরের আড্ডা, এখান থেকে প্রাণ নিয়ে যাওয়াই ভার ।

প্রসেন । তবে মণিটা তুমি আমার ঠেঙে দাও,—আমি নিয়ে সট্কাই ।

সত্ৰা । পারবি ?

প্রসেন । এই রাতারাতি সট্কে পড়ি ।

সত্ৰা । দেখিস্, পথে না কেউ কেড়ে নেয় ।

প্রসেন । আমি বন দে বন দে পাড়ি মারবো ।

সত্ৰা । ঠাখ,—খুব সাবধান—এ ডাকাতির দেশ । মণিটে নিয়ে হাতে নাড়াচাড়া ক'রতে লাগলো,—আমার প্রাণটা কেমন ক'রে উঠল ।

প্রসেন । দাদা, তুমি ভেবো না,—আমি ঠিক স'রুচি ।

সত্ৰা । তবে এই নে, বেশ ম'জবুত ছ'চারজন লোক সঙ্গে নে,—ঝাঁ স'রে পড় । স'রে পড়—স'রে পড়—এই যে দ্বারকানাথ মণির সন্ধানে আসছে !

প্রসেন । দাদা, তবে আমি স'রুলেম ।

সত্ৰা । যা—যা—আর দেরি করিস্ নি ।

[ মণি লইয়া প্রসেনের প্রশ্নান ।

( স্বগত ) ভাগ্গিস মণি সরিয়েছি, তা না হ'লে আজ হ'য়েছিল !

( শ্রীকৃষ্ণের প্রবেশ )

শ্রীকৃষ্ণ । মহারাজ, এখানে কি ক'রছেন ?

সত্ৰা । এই লয়নে ঘাব, তাই একটু বায়ু সেবন ক'রছি ।

শ্রীকৃষ্ণ । অতি চমৎকার মণিটা ! আপনার ঠেঙে আছে না কি ?

সত্ৰা । এঁ্যা—তাইতো ! মণি কোথায় গেল ! কি হ'লো ? কে নিলে ? এ দ্বারকা বড় বেয়াড়া জায়গা দেখতে পাই !

শ্রীকৃষ্ণ । আপনার মণি কি হ'ল ?

সত্ৰা । এ আপনাদের দেশভূমি, আপনারা জানেন—আমি কি জানি ! এ যে বড় বেয়াড়া জায়গা দেখতে পাই !

শ্রীকৃষ্ণ । সে মণি হারাবে কোথা মহারাজ,—যেন সূর্য্যের জ্যোতি !

সত্ৰা । গোবর চাপা দিয়ে কে রেখেছে ।

শ্রীকৃষ্ণ । মহারাজ, এ কি কথা ব'লছেন ?—দ্বারকায় মণি নেবে কে ?

সত্ৰা । সত্যি কথা ব'লতে কি,—আপনার ও মণিটার উপর লোভ হ'য়েছে, তাই রাতারাতি সন্ধানে এসেছেন ।

শ্রীকৃষ্ণ । মহারাজ, এমন কটু কথা কেন ব'লছেন ?

সত্ৰা । আর ম'শায়, বলি আর না বলি—আমি এ রাজ্যে থাকতে চাই নি । আমি কঠোর তপস্যা ক'রে সূর্য্যদেবের কাছ থেকে মণিটা পেলেম, আপনি সেটা বাগাবার চেষ্টায় আছেন !

শ্রীকৃষ্ণ । আপনি স্বদেশে যেতে ইচ্ছে করেন—যান । আপনার মণিতে কারো প্রয়োজন নাই ।

সত্ৰা । থাকে ভাল, না থাকে ভাল,—আমি চ'ল্লেম ।

[ সত্ৰাজিতের প্রশ্নান ।

শ্রীকৃষ্ণ । আমার গায়ার খেলা ! আমার মায়া ভেদ করা দুর্কহ ! অকিঞ্চিৎকর বিষয়-বাসনায় আমায় ভুলে থাকে । আমায় মণি অর্পণ ক'রতে এসে, মোহে আবদ্ধ হ'ল । কিন্তু যখন একবার আমায় দেবে মনে ক'রেছে, তখন আমি ওকে বিষয়-বাসনা হ'তে মুক্তি দেব । অহো ! বার বার দেহ ধ'রে থাকি, জীবের বেদনা বুঝেই আসি । জীবের দ্রুত আমি যে কত ব্যথা পাই, তা জীব বোঝে না !

[ শ্রীকৃষ্ণের প্রশ্নান ।



## তৃতীয় দৃশ্য

বনপথ

কুমার ও বালকগণ ।

কুমার । ছাখ্ ভাই, বাবা এই মণিতে কেড়ে এনেছে ।  
সিংহীটা মণি মুখে ক'রে পালাচ্ছিল ।

১ম বা । সে মণিতে কোথায় পেলো ?

কুমার । একটা রাজার ভাইয়ের ঠেঙে ছিল,—সে  
মুগয়া ক'রতে এসেছিল, সিংহীটা তাকে খেলে, তার ঘোড়া  
খেলে, আর মণিটা মুখে ক'রে পালাচ্ছিলো, বাবা তাকে মেরে  
কেড়ে নিলে ।

১ম বা । তা'ত বেশ হ'য়েছে রে,—এই অক্ষরকারে  
রোজ রোজ সৃষি উঠবে !

( কুমার ও বালকগণের গীত )

দেখ, চাঁদ উঠেছে গহ্বরে ।

বাবা এনেছে মণি সিঙ্গী মেরে ॥

মাগুব-ঘোড়া খেয়ে,

যাচ্ছিল সিঙ্গী খেয়ে,

বাবা নখে ফেড়ে নিল মণি কেড়ে ।

দেখ আলো হ'ল এ ঘোর আঁধারে ॥

[ সকলের প্রস্থান ।

( সত্রাজিতের প্রবেশ )

সত্রা । খুব বুদ্ধি ক'রে মণিতে সরিয়ে দিয়েছি ; নিশ্চিত  
কেড়ে নিয়ে উগ্রসেনকে দিত । প্রসেন এতক্ষণ দেশে  
গিয়ে পৌছেচে । সেখান থেকে মণি নেয় কে ? বাবা,  
দ্বারকা থেকে বেরুলেম, ঘাম দিয়ে জ্বর ছাড়লো ।

( জনৈক দূতের প্রবেশ )

দূত । মহারাজ, ছোট রাজা যে কোথায়—ঐ কথাটা  
তুই এখানে যে ! প্রসেন কোথা ? সে দেশে যায় নি  
না কি ?

দূত । মহারাজ, ছোট রাজা যে কোথায়—ঐ কথাটা

বলা মুশ্কিল ! আর যা জিজ্ঞাসা ক'রবেন—ব'লতে পারি ।

সত্রা । সে কি রে বেটা—সে কি !

দূত । আজ্ঞে সে এ কি ।

সত্রা । বলিস কিরে বেটা, বলিস কি !

দূত । আজ্ঞে ওই বলি ।

সত্রা । আরে আমার মাথা-মুণ্ড কি বল ? সে  
কোথায় গেল ?

দূত । বোধ করি এতক্ষণ বৈতরণী পেরুলো । যমের  
দক্ষিণ দরজায় এতক্ষণে ঠেলে উঠলো ।

সত্রা । মণি কোথায় গেল ?

দূত । তার কোথায় যাবার সখ হ'লো—কি ক'রে  
ব'লবো ।

সত্রা । মণির যাবার সখ হ'লো কি !

দূত । মহারাজ, রত্ন ত' কই এক জায়গায় থাকে না ;  
—আপনার ছিল, আপনার ভাই পেলেন । তবে তিনি  
মণির জন্তে প্রাণ দিলেন । এখন মণিরাজ আপন মনে  
কোম গহন বনে সঁধুলো ।

সত্রা । ছাখ্ ছাখ্—ব্যঙ্গ রাখ্ ।

দূত । গদ্দিনার ভয় আছে মহারাজ ! ব্যঙ্গ কচ্ছি  
নে ।

সত্রা । সত্যি বল—নইলে মারা যাবি ।

দূত । মহারাজ, যে টুকু দেখেছি—সেই টুকু ব'লতে  
পারি, আরতো বেশী ব'লতে পারবো না ।

সত্রা । কি দেখেছিস বল ?

দূত । আজ্ঞে, তিনি শিকার ক'রতে বনে সঁধুলেন,  
শেষ সিংহীর মুখে শিকার হ'লেন ।

সত্রা । মণি কি হ'লো ?

দূত । সেই কথাটি তো ব'লতে পাচ্ছি নি ।

সত্রা । কি রকম সিংহী ?

দূত । আজ্ঞে ঠিক সিংহীর মত সিংহী ।

সত্রা । তার চূড়োখড়া দেখলি ?

দূত । আজ্ঞে না ।

সত্রা । অবিশ্বি দেখেছিস ?—সে সিংহী নয়—দ্বার-  
কার কেটা !—সিংহী হ'য়ে আমার ভাইকে মেরে মণি চুরি  
ক'রেছে, আমি মণি আদায় ক'রতে ছাড়বো না !—সে  
সিংহী নয়—জানিস ।

দূত । আজ্ঞে মহারাজ যখন ব'ল্ছেন, সে আর সিংহী  
কি ক'রে !

সত্রা । সে কি ব'ল্লে—'মণি দে ?'

দূত । আজ্ঞে না, হুকুম দে ঘাড়ে প'ড়লো ।

সত্রা । মণি চেয়েছিল—তুই শুনিস্ নি ।

দূত । আজ্ঞে, হবে ।

সত্রা । বল বেটা—মণি চেয়েছিল ;—মইলে গদান  
যাবে ।

দূত । আজ্ঞে চেয়েছিল ।

সত্রা । বল বেটা—চুড়ো ছিল ।

দূত । আজ্ঞে ছিল ।

সত্রা । বল বেটা—ধড়া ছিল ।

দূত । আজ্ঞে ছিল ।

সত্রা । বল বেটা—বাঁশী ছিল ।—

দূত । আজ্ঞে ছিল ।

সত্রা । তবে আয় বেটা, সাক্ষী দিবি আয় ।

দূত । মহারাজ, অপেক্ষা করুন—আমি বুঝে নিই,  
ভাল ক'রে তালিম দিয়ে দিন । এই পশুরাজ কি বাঁশী  
বাজাতেন ব'ল্তে হবে ।

সত্রা । খুব ব'ল্বি, অবিশ্বি ব'ল্বি ।—ব'ল্বি—'বাঁশী  
বাজায় আর নাচে ।'

দূত । মহারাজ, দুপায়ে না চার পায়ে ?

সত্রা । ব'ল্বি—দুপায়েও নাচে, চার পায়েও নাচে ।

দূত । আর কি ব'ল্তে হবে ?

সত্রা । ব'ল্বি—গরু চরায় ।—গোবর দিয়ে মণি চাপা  
দিয়েছে,—তুই দেখেছিস্ ।

দূত । যে আজ্ঞে, আর কি ব'ল্তে হবে ?

সত্রা । ব'ল্বি,—কেটা বেটাই নিয়েছে ; আর কেউ  
নয় ।

দূত । ব'ল্বো, কেটা সিংহী নিয়েছে ?

সত্রা । ব'ল্বি—শুধু কেটা । না—না—কেটা সিংহী  
নিয়েছে । হায় হায় ! ম'রতে কেন দ্বারকায় এলেম ।  
হ্যারে, দু'হাত দেখ্‌লি না চারহাত দেখ্‌লি ?

দূত । আজ্ঞে, চার পা দেখ্‌লেম ।

সত্রা । ওই ঠিক হ'য়েছে ;—ওই বেটাই নিয়েছে । আর  
প্রসেনটাকে বলি,—মলি মলি, ছুটে পালাতে পার্‌লি নি ।

দূত । আজ্ঞে, তিনি পালাতেন—ঘাড়টা বড় চেপে  
ধল্লেন ।

সত্রা । দেখ্‌, ঠিক ব'ল্ছি কি না বল ?—ওই কেটা  
বেটারই কাজ । আমি মণি আদায় ক'রছি, তুই সাক্ষী  
দিবি আয় ।

দূত । মহারাজ, সিংহীর ল্যাজ আছে ব'ল্‌বো ?

সত্রা । তোর সাত গুটির ল্যাজ আছে । কেটা সিংহী  
ল্যাজ পাবে কোথায় ? চল—সাক্ষী দিবি চল ।

[ উভয়ের প্রশ্নান ।

—

## চতুর্থ দৃশ্য

দ্বারকার কাননবাটিকা

রুক্মিণী ও সখীগণ ।

সখীগণ ।—

( গাত )

নীল যমুনা-তটে রাখাল মেলা ।

কদম্ব কুম্ভম গোপিকা মোহন,—

কানুগলে দোলে মালা ॥

ধীর বাঁশরী, গোধন সারি সারি,

উচ্চ পুচ্ছ ঘন, গোধন নর্দন,

কানু-মুখ চাহি গোধন বিত্তোলা ।

রুক্মিণী । সখি, আমার নয়ন সার্থক হ'ল । তোর  
রাখাল বালক সেজে বৃন্দাবন-নীলা দেখালি, আমার প্রাণ  
ভরে গেল ! বৃন্দাবন কি আনন্দধাম ! শ্যাম রাখালকে  
কঁাদে ক'রতো ।

১মা সখী । শ্যাম যদি কাকেও কঁাদে করে, তোমার  
সয় ? তা' হলে তুমি শ্যামকে ভালবাস না ।

রুক্মিণী । তুই ঠিক ব'লেছিস্ ; কিন্তু প্রেমের খেল  
বৃন্দাবনে যেমন, তেমন কি আর হবে ?

২য়া সখী । প্রেম ঢেলে দাও, সেই বৃন্দাবনেরই প্রাণ  
পাবে ।

রুক্মিণী । কোথায় পাব ? রাধার প্রেম কোথায় পা  
যে শ্যামকে দেবো ।

২য় সখী। তবে ভাই, আমি আর কি বলবো।

রুক্মিণী। প্রেম শ্যামের ঠেক্কে নেবো। আর সেই প্রেম শ্যামকে দেব, তাতে হবে না সই? শ্যাম কি প্রেম দেবে!

৩য় সখী। শুনেছি—শ্যামের ঠেক্কে যে যা চায়, তা পায়; সখি, তুই চেয়ে দেখিস্ দেখি।

রুক্মিণী। ওলো, শ্যামকে দেখলে যে আমি চাইতে ভুলে যাই।

২য় সখী। তবে আর তোর উপায় নেই।—তবে আর তোকে কি বলবো!

রুক্মিণী। ওলো শ্যাম নামে যে আমার প্রাণ ভরে যায়।

২য় সখী। তবে কেন জলে মর' রাধিকার বিষের আলায়?

রুক্মিণী। রাধিকাকে আমার পূজা ক'রতে সাধ আছে।

১ম সখী। কেন?

রুক্মিণী। সে কালাচাঁদকে কেমন ক'রে পেয়েছিল। আমি তো তাঁকে ভালবাসি, মনে করি—এমন বুঝি আর কেউ ভাল বাসে না; তবু আমার কোলে মাথা দিয়ে “রাধা—রাধা” করে।

১ম সখী। ওই তোমার শ্যাম এসেছে।

( শ্রীকৃষ্ণের প্রবেশ )

রুক্মিণী।—

( গীত )

কেমন নাথ মন উচাটন।

দাসী কি ক'রেছে অযতন।

কার তরে কালশশী, হৃদয় দেখি উদাসী,

ভাগ্যবতী কে সে রূপসী,

বুঝিতে না পারি হরি—বাকুল কি হেতু মন।

শ্রীকৃষ্ণ। দেখ প্রিয়ে, আমি নষ্ট চন্দ্র দেখেছি, তার ফলে আমার অপবাদ র'টেছে। সত্রাজিত রাজা সূর্য্য উপাসনা করে। সূর্য্যদেব প্রসন্ন হ'য়ে তাকে স্তম্ভক মণি দান করেন। সে বলে,—“আমি নখর মণি চাই না। আমাকে অবিনশ্বর অমূল্য রত্ন দিন।” তাতে সূর্য্যদেব

আজ্ঞা করেন যে, দ্বারকানাথকে মণি সমর্পণ কর গে, তিনি তোমাকে অমূল্য রত্ন প্রদান ক'রবেন। কিন্তু জেন',—বিষয়-বাসনা-জড়িত মনুষ্য ছার অকিঞ্চিৎকর লোভ ত্যাগ ক'রতে পারে না। আমার মণি না দিয়ে তার ভাইকে দিয়েছিল। তার ভাই মৃগয়া ক'রতে যায়। লোকমুখে শুনি, এক সিংহ তার ভাইকে অনুচর-গজ-বাজী সহ বধ করে। তারপর কে যে মণি হরণ ক'রেছে, তার আর সম্মান হ'চ্ছে না। কুলোকে বলে, আমি সেই মণি হরণ ক'রে, তার ভাইকে বধ ক'রেছি। প্রিয়ে, বিদায় দাও! আমি মণির অনুসন্ধানে যাই, নইলে বড় কলঙ্ক হবে।

রুক্মিণী। প্রভু, তোমার যে মন—আমি কেমন ক'রে নিবারণ ক'রবো! তুমি জগৎজীবন, জগৎমন, কলঙ্কভঞ্জন, ভাণ ক'রে যদি ছেড়ে যাও, আমি কি ক'রে রাখবো? কিন্তু ভাবি প্রভু, নষ্টচন্দ্রের এত অধিকার—তোমার উপর কলঙ্ক অর্পণ ক'রে!

শ্রীকৃষ্ণ। প্রিয়ে, যাকে যা অধিকার দিয়েছি, সে যদি সে অধিকার না পায়, তা'হলে আমার কথা মিথ্যা হয়। এই দেখ, তোমার ক্রোধ হবে ব'লে, তার সহচরী পাঠিয়েছে।

( কলঙ্কবালাগণের প্রবেশ )

( গীত )

রাস্তিরে যে আয়না দেখে কলঙ্কী সে হয়।

ঘুরি ফিরি কলঙ্কিনী কলঙ্ক-ভয়ঙ্গ যায় বয়।

ঈর্ষ্যাতে উন্মাদিনী, করি সতী নারী কলঙ্কিনী,

কলঙ্কী চাঁদে মোরা ধরেছি হৃদয়।

রাখি নষ্ট চাঁদে হৃদয় বেঁধে, খেলি সদা নষ্ট হৃদে,

নষ্ট চাঁদে হেরলে পরে, হই মোরা উদয় ॥

[ কলঙ্কবালাগণের প্রস্থান।

রুক্মিণী। ঠাকুর, তুমি কি নষ্টচন্দ্র দেখেছিলে?

শ্রীকৃষ্ণ। গোখুর জলে নষ্টচাঁদ আমার চ'ক্ষে প'ড়েছিল।

রুক্মিণী। প্রভু, এ মিথ্যা অপবাদ আপনার হ'ল!

শ্রীকৃষ্ণ। আমার উপর অপবাদ তো চিরদিনই আছে।

এমন কি তুমি পর্যাস্ত বল,—“মনচোর!”

রুক্মিণী। একথাটা ঠিক।

শ্রীকৃষ্ণ। মনে ত করি চুরি করি, পারি কই? চুরি ক'রতে গিয়ে বাধা পড়ি।

( গীত )

আমি হাতে হাতে দিই ধরা,  
আমার কই সাজে হে চল করা ?

আমি তো আপন হারা,  
আমার ধরা দে'রা, নয় তো ধরা।  
আমার ধরা দিতে—ধরায় এসে, মিছে চল করা !  
অ-ধর হ'য়ে দিছি ধরা, তোমার প্রেমের ঘোরে প্রাণভোরা।

রুক্মিণী । প্রভু, তোমার শ্রীচরণ না দেখে কেমন ক'রে  
বাঁচবো ?

শ্রীকৃষ্ণ । প্রিয়ে, আমি তিলমাত্র তোমা ছাড়া নই ।  
শীঘ্রই মণির অহুসঙ্কান ক'রে ফিরে আসবো ।

[ শ্রীকৃষ্ণের প্রশ্নান ।

রুক্মিণী । শশধর ! তুমি প্রেমিকের হৃদয়-আনন্দকর !  
তুমি আমার প্রতি 'নদয় কেন হ'লে ?

( সখীগণের গীত )

সুন্দর তুমি শশধর,—  
সাথে কি কলঙ্ক-রেখা হৃদয়-উপর !  
যামিনী তব সঙ্গিনী,  
সতী কর কলঙ্কিনী,  
আঁধার বছরঙ্গিনী কলঙ্ক-আকর,  
কিরণে মলিনী তব বিরহী অন্তর,  
তুমি দোষের আকর !

[ সকলের প্রশ্নান ।

## পঞ্চম দৃশ্য

সত্রাজিত রাজার অন্তঃপুর

সত্রাজিত ও রাণী

সত্রাজিত । (স্বগত) হায় হায় ! এমন সর্বনাশ কি কার  
হ'য়েছে ! সাগর সৈঁচে মাণিক তুলে, —ভাইটে খোয়ালেম,  
—বাপ'রে বাপ ! একথা তো কোট'বার যো নেই ! আমার

কোন দিন গর্দান যাবে । কি হ'ল—কি হ'ল ! এত লোক  
মরে—কেটা বেটা মরে না !

রাণী । মহারাজ ! কি ভাবছেন ?

সত্রাজিত । চুপ চুপ ! কেউ শুনতে পাবে ।

রাণী । কি শুনতে পাবে ?

সত্রাজিত । আমার মৃত্যু,—আমার পিণ্ডি ! হায় হায় !

এমন কি কারো হয় ?

রাণী । কি হ'য়েছে মহারাজ, আমায় বলুন !

সত্রাজিত । ব'লবার যো নেই,—ব'লেই আমার প্রাণটা  
যাবে ; কেটা বেটা শুনবে;—পোড়ার মুখে আগুন  
লাগে না ।

রাণী । মহারাজ ! কথাটা কি বলুন ?

সত্রাজিত । দেখ, কারকে বলো না ।

রাণী । বাপ'রে—মহারাজ মানা ক'রছেন—কাউকে  
কি বলি ।

সত্রাজিত । না, তুমি ব'লে ফেলবে ।

রাণী । দোহাই মহারাজ, ব'লবো না, দোহাই মহারাজ,  
ব'লবো না ।

সত্রাজিত । দেখ, ব'লবে না তো—ব'লবে না তো ?

রাণী । না মহারাজ—না মহারাজ !—শীঘ্র বলুন—  
শীঘ্র বলুন, নইলে আমার প্রাণ যায় । শীঘ্র বলুন—নইলে  
প্রাণ গেল । বলুন, বলুন ! ওমা কি হ'ল ! মাখামুড়  
খুঁড়বো নাকি ? প্রাণ বেরলো ! মহারাজ, তোমার পায়ে  
পড়ি—বল—বল —

সত্রাজিত । ওই কেটা বেটা!—

রাণী । হ্যা হ্যা সেই বেটাতো ? সেই বেটাতো ?  
বলুন মহারাজ ! বলুন, কি ক'রেছে ?

সত্রাজিত । আর কি ক'বে !—

রাণী । আরে মহারাজ, বল,এ যে স্ত্রী-হত্যা হয় ।

সত্রাজিত । ব'লে যে পুরুষ-হত্যা হবে ।

রাণী । তুমি ম'ববে না মহারাজ তুমি ম'ববে না  
আমার লিঁদুরের খুব জোর আছে । তুমি বল, মর ঘাঁ  
সহমরণে যাব ; তুমি ভেব না—বল ।

সত্রাজিত । আরে ব'ল কি আমার মাথা !—ভাইটে  
ম'লো—মণিটাও কেড়ে নিলে ।

রাণী । কে নিলে—কে নিলে ?

সত্ৰা। খবরদার, কাউকে ব'লো না! এই কেটে  
বেটা,—বাপ্‌রে একি হ'লো! বাপ্‌রে একি হ'লো!  
এমন সৰ্বনাশ মাহুষের হয়!

[ সত্ৰাজিতের প্রস্থান। ]

রাণী। উঁহ—এ কথা কি বলি,—আমার স্বামী মারা  
যাবে। এ কথা কি বলি—বাপ্‌রে আমার স্বামী মারা  
যাবে! উঃ! পেট ফেঁপে উঠছে—হে—উ!—পেট  
ফেঁপে উঠছে! হেউ! বাপ্‌রে, এ কথা কি কাউকে  
বলি!

( প্রথম সহচরীর প্রবেশ )

১মা সহ। রাজমহিষী, এমন ক'রছেন কেন?

রাণী। উঁহ, বাপ্‌রে—এ কথা কি কাউকে বলি!—  
বাপ্‌রে, ও কথা কি মুখে আনি!

১মা সহ। কি কথা রাজমহিষী?

রাণী। সৰ্বনেশে কথা! সে কথা কি ব'লবো।

১মা সহ। কি কথা রাণী ঠাকরুণ?—কি কথা রাণী  
ঠাকরুণ?

রাণী। রাম! ও কথা কি জিবে আন্তে আছে।  
হেউ! পেট ফেঁপে উঠছে!

১মা সহ। বল না কেন রাণী ঠাকরুণ,—বল না কেন  
রাণী ঠাকরুণ.—পেটটা হাল্কি হবে।

রাণী। না, কখন না, ও কথা মুখে আন্তে নেই!—  
তুই কাকে ব'লে ফেলবি!

১মা সহ। আমার ইষ্টির দিবিয়া,—আমার গুরুর দিবিয়া,  
—আমি কখনও ব'লবো না।

রাণী। কেটে—দেওরকে মেরে মণি চুরি ক'রেছে।

১মা সহ। ওমা সত্যি নাকি!—কেটে মণি চুরি ক'রেছে!  
—ওমা বল কি গো! সৰ্বনেশে কথা ব'লো না, কেটে মণি  
চুরি ক'রেছে!

রাণী। চূপ চূপ!

১মা সহ। চূপ ক'রবো কি গো? পেট ফেঁপে ম'রবো  
নাফি? ওগো কি সৰ্বনেশে কথা গো!

( দ্বিতীয় সহচরীর প্রবেশ )

২য়া সহ। ওমা কি গো—ওমা কি গো?

১মা সহ। সৰ্বনাশ হ'য়েছে, ছোট রাজাকে মেরে কেটে  
মণি চুরি ক'রেছে!

২য়া সহ। ওমা কি সৰ্বনাশ! আমার ডাক ছেড়ে  
কান্না পাচ্ছে। কেটে মণি চুরি ক'রেছে!

[ সকলের প্রস্থান। ]

## মষ্ট দৃশ্য

কক্ষ

জাম্বুবতী ও সখীগণ।

জাম্বু। সই, সত্যি ব'লছি। আমি এক অদ্ভুত স্বপ্ন  
দেখেছি—এক সুন্দর নটবর, তার ব'কম নয়নে আমার প্রাণ  
উন্মাদ হ'য়েছে।

সখী। স্বপ্নে দেখে এই, সত্যি দেখলে না জানি কি  
হ'ত।

জাম্বু। সই, সত্যি সত্যি দেখেছি। সে আমায় ব'লেছে,  
—“মালা দাও—তোমার জন্ম অনেক ভাণ ক'রেছি, তোমার  
জন্ম চোর হ'য়েছি, দেখ তোমার জন্ম ভুবনের ঐশ্বর্য ছেড়ে  
এসেছি। দাও প্রাণেশ্বরী, মালা আমার গলায় দাও।”

( জাম্বুবতীর গীত )

গলে শোভে বনমাল

চিকণ বকিম ঠাম,—

ত্রিভঙ্গ কুরঙ্গ-রঞ্জিত গঞ্জিত নয়ন, —

বিমোহন হৃদি কাম!

নিবিড় কুঙ্কিত চিকুর জাল,

মধুর মুরলী, ভুবন পূরিত বুলি—

উতরোলী।

পবন গহন বহে, ত্রিভুবন মোহে,

মুরলী তান প্রাণ উজান,

মন প্রাণ চলে উখাল।

১মা সখী। সখি, একরূপ তো কেউ কখন' শোনেনি—  
দেখেনি। তোমরা রাজকুমারী, তোমাদের সকল সখই সয়।  
আমাদের হ'লে পাগ্লা গারদে দেয়।

জাম্বু। সই, সত্যি দেখেছি।

২য়া সখী । দেখ এমন কি হয় ! এ কথা তো কখন'  
শুনি নি ।

( সখীগণের গীত )

তোরে কেমন কেমন হেরি স্বপ্ননি !  
কেন লো স্বর্ণলতা, হৃদয়ে কি তোর ব্যাধা,  
হ'ল মলিনী ?  
কেন সই হও বিমনা, মনের কথা সই বলনা,  
বুঝিতো নারীর ব্যাধা, আমরা ললনা ;  
প'শে তোর নয়ন-পথে,  
ব'সে তোর হৃদয়েতে,—  
পিরীতের গরল কিলো চেলেছে প্রাণে ;  
কার সাথে উন্মাদিনী কে গুণমণি !

১মা সখী । তা বুঝি জানিস্ নি, রাজকুমারী কার স্বপন  
দেখেছেন,—বনমালা গলায়—বাঁশী হাতে ! সে নিত্যা এসে  
বলে,—“আমায় মালা দাও ।” স্বপন দেখেই এই, না  
জানি সত্যি হ'লে কি হ'তো !

২য়া সখী । হ্যালো সত্যি ?

১মা সখী । দূর দূর ! তুইও যেমন !—এরূপ কি কারু  
হয় ? রাজকুমারীরাই স্বপ্নে দেখে ।

জাম্বুবতী । হয় না হয়,—আমার জীবন-যৌবন ভেসে  
গেল ।

( জাম্বুবতীর গীত )

গেল ভেসে জীবন-যৌবন,—  
চিত্ত বিমোহিত রূপে—নহে এ স্বপন !  
হেসে হেসে কথা ক'য়েছি,  
প্রাণ-মন ভুলায়ে মিলায়ে গেছি, তারে প্রাণ যাচি,  
পাই যদি পাব তারে, নহে বিফল জীবন !


সখীগণ ।—

( গীত )

ওলো সই, একি লো আব্দার ?  
কেন লো ম'জ্রে গেলি, স্বপন দেখে কার !  
বঁকে তোর দাঁড়িয়ে কে লো,  
কে জানে কে লো এলো,  
স্বপনে মজিরে গেল,  
খোঁজ পাবে কে তার ?

— — —

দ্বিতীয় অঙ্ক



প্রথম দৃশ্য

দ্বারকা-পথ

( নাগরিকাগণের প্রবেশ ও গীত )

১মা নাগরিকা ।—বুন্দাবনে ক'রতো চুরি, কিছু বলিনি ।  
২য় ঐ ।— ছি ছি ছি এমন দেখিনি !  
৩য় ঐ ।— ছি ছি—ছিল ননীচোরা বসনচোরা,  
৪র্থ ঐ ।— কতবার প'ড়েছে ধরা,  
১মা ঐ ।— ছি ছি, ক'রলে চুরি স্তমস্তক মণি ।  
সকলে ।— কতবার প'ড়লো বাঁধা, ঠেকে শেখেনি !

— — —

( পট পরিবর্তন )

বনভাগ

শ্রীকৃষ্ণ ও সৈন্যগণ ।

শ্রীকৃষ্ণ । হে যত্নসৈন্য ! এই অপেরা পদচিহ্ন অত্যাচারণ  
ক'রে ত' কানন-পথে এলেন । অসখ্য বগ্নজন্তু বিনাশ  
হ'লো, কিন্তু মণির অতুল্যমান হ'ল না । এই তো হৃদয় পপ  
দেখ'ছি ! মণিচোর বোধ হয় সফল পথে গিয়েছে, তোমরা  
এই স্থানে অবস্থান কর,—আনি আস'নি ।

১ন সৈন্য । হে ঠাকুর, লোক-মুখে শুনেছি—এ জাম্বু-  
বানের হৃদয় ।

শ্রীকৃষ্ণ । তবে ঠিকই হ'য়েছে । জাম্বুবান ব্যতীত  
সূর্য-কিরণ-সদৃশ এ মণি কে চুরি ক'রবে ! আমায় অবশ্যই

অহুস্কাণ নিতে হবে। এ কলঙ্ক-ভার কেন বহন করবো ?

২য় সৈন্য। ঠাকুর, আমরা সঙ্গে যাব ?

শ্রীকৃষ্ণ। তোমরা অপেক্ষা কর, আমি আসছি। যদি আমি সঙ্কটে পড়ি, বংশীধ্বনি করবো,—তোমরা তখনই নেবে যেও।

[ শ্রীকৃষ্ণের প্রস্থান

### দ্বিতীয় দৃশ্য

সুড়ঙ্গ-পথ।

( জাম্বুবান-সৈন্যগণের গীত )

সদা রামজী ভক্ত, সদা রামজী ভক্ত।  
রামজী-চরণমে হৃদয় মজ।  
রাম নাম বোল' বদনে,  
রাম-রূপ হের ধানে,  
জটাধারী বনচারী রাম মেরি,  
রাক্ষস-সংহারকারী,  
রাধ রাম হৃদে, যুদা খেয়াল ভাজ,  
পিতে রহ রাম-চরণ-রজ।

[ সকলের প্রস্থান।

( শ্রীকৃষ্ণের প্রবেশ )

শ্রীকৃষ্ণ।—

( গীত )

ভক্ত আমার হৃদয়নিধি—  
ভক্তের কিসে শুধ'বো ধার ?  
ভক্তের তরে প্রাণ কাঁদে আমার !  
ভক্তের তরে নৃসিংহ বামন,  
যুগে যুগে কত দেহ ক'রেছি ধারণ,  
ভক্ত প্রাণ মন ;—  
কড়ু ধনুধারী, কড়ু বাজাই বাণধারী,  
সারথী বা রথী কড়ু,—  
ভক্ত আমার প্রাণধার !

ভক্তের তরে গোপের করে করি হে বিহার।

আমার প্রাণ যে বড় কাঁদে ! জাম্বুবান আমার প্রাণ !  
তাই জাম্বুবতী গুণবতী আমায় চায়। একি দায় !—আমি  
যুগে যুগে কত বাঁধা যাব ? কেউ মুক্তি চায়,—আমি অকা-  
তরে বিলাই। একি দায় হ'ল, কার কাছে না বিকিয়েছি  
বল ? ক'রে ছল—হ'লেম দোরে দ্বারী। আমি ছল করি,  
না ভক্ত আমায় ছল ক'রে মজায় ? আমি নির্বিকার,—  
আমার কেন এ সংসার ? না না—ভক্তের তরে প্রাণ কাঁদে  
আমার ! আমি বিকিয়ে গেছি,—আমি আপনার নই তো  
আর ! ভক্ত আমার—আমি তার।

( জাম্বুবান-সৈন্যের পুনঃ প্রবেশ )

জাম্বু-সৈন্য। তোম্ কোন্ আয়ারে—কোন্ আয়া ?

শ্রীকৃষ্ণ। আয়া তো কিয়া ভায়া ?

জাম্বু-সৈন্য। আভি ফাঁড়া যাওগে নখনমে !

শ্রীকৃষ্ণ। তোমতো ভল্লুক হ্যায়, তোমকো কোন্  
আদমী গণে ?

জাম্বু-সৈন্য। তোম্ গণ নেই,—বহুৎ রোজসে আদমী  
ফাঁড়া না গেই, আভি ফাঁড়ে গা—মজা দেখেগে ক্যায়া ?

শ্রীকৃষ্ণ। আর ভালুকো কোন্ মানে ?—দেখো মজা  
সামনে, ভালুকো বহুৎ সমঝ লিমা !

জাম্বু-সৈন্য। আরে মাব্ মাব্ মাব্—ফাঁড়, ফাঁড়,  
ফাঁড় !

শ্রীকৃষ্ণ। সবুর সস্তার।

জাম্বু-সৈন্য। আরে মার দিয়ারে, কাঁহা যাওরে, চল্ চল্,  
কাঁহাসে আদমী আয়া,—জান বিগাড় দিমা।

[ যুদ্ধ করিতে করিতে উভয়ের প্রস্থান।

## তৃতীয় দৃশ্য

জাম্বুবানের বাটীর কক্ষ

জাম্বুবান ও জাম্বুবতীর সখী ।

জাম্বুবান । একি হ'লো ! আমার কন্টার একি দশা হ'লো ? দিন দিন মলিন হ'য়ে যাচ্ছে কেন ? তুই কিছু বুঝতে পারিস নি ?

সখী ।— ( গীত )

স্বপনে দেখেছে মুরলীধারী, ওহে বনবিহারী,—

তাই বিমনা তব কুমারী !

জাম্বু ।—  
কোন হামারি বিন্ ধমুধারী,  
নেহি মানেনা অ্যায়সা ঝিয়ারী,  
মরে তো আছা মেরা,

মেয়া রামকো কিরা, ময় রামকো দেগা, জটাধারী রাম হামারি ।

( প্রথম জাম্বুবান-দূতের প্রবেশ )

১ম দূত । একটা আছে বাঁশী হাতে,  
বাণ মারে আঁতে আঁতে,  
লড়াই তো ফতে ক'রে দিলে !  
ভেগে তো চ'লে এলুম,  
প্রাণ করে মলুম মলুম ।

[ ১ম দূতের প্রস্থান ।

( দ্বিতীয় দূতের প্রবেশ )

২য় দূত । দেখেছি বাণের চোট,— ব'লছি মোট—  
তুমি পার কি না পার,  
এগিয়ে দেখ—পার কি হার !

[ ২য় দূতের প্রস্থান ।

( তৃতীয় দূতের প্রবেশ )

৩য় দূত । সাবাস্ সাবাস্ কি আর বলি,—  
বুকের ভেতর বাণ চালায় খালি ।

জাম্বু । কি—কে এল ?

৩য় দূত । একবার দাঁতামাত খিচিয়ে দেখবে চল ।

জাম্বু । বটে বটে—দাঙ্গা ক'বতে এসেছে আমার কোটে !—মারা যাবে এই নখের চোটে ।

[ সকলের প্রস্থান ।

( জাম্বুবতী ও সখীগণের প্রবেশ )

জাম্বুবতী ।— ( গীত )

সই সই, নন্নতো এ মিছে,—  
মুরলী করে ধ'রে শুন্ছি এসেছে !  
দেখ বি চল বাঁকা নয়ন তার,  
পলে দোলে বনহার,  
দেখলে সই, মন মজেনা কার ?  
যদি গুণনিধি মিলায় বিধি,  
ভুলবে সে—যে দেখেছে ।

সখীগণ ।— ( গীত )

সই লো তোর মন তো চমৎকার,—  
তুই থেকে থেকে দেখিস্ মুরলী-বাহার !  
কে জানে কে হেথায় এল,  
রণারণি হানাহানি বেধে তো গেল,  
কিসে তোমার নাগর সই বল ?—  
চল চল না দেখি—  
তোর নাগরের কি বাহার !

[ সকলের প্রস্থান ।

## চতুর্থ দৃশ্য

জাম্বুবানের বাটীর পার্শ্বস্থ উদ্যান

( জাম্বুবান ও শ্রীকৃষ্ণের প্রবেশ )

জাম্বু । কে তুই বেটা ?

শ্রীকৃষ্ণ । তুই কেটা ?



জাম্বু। দেখ্‌বি তুই দেখ্‌বি ?

শ্রীকৃষ্ণ। বনের পশু, মিছে কেন প্রাণ দিবি !

জাম্বু। মিছে বরিস্‌ নি জারি,—তোমার মত দেখেছি  
লাখ্‌ ।

শ্রীকৃষ্ণ। একলা কি তুই পার্‌বি আমায় ? ডাক্—যদি  
কেউ থাকে ডাক্‌ !

[ উভয়ের যুদ্ধ করিতে করিতে প্রস্থান ।

( জাম্বুবান-দৈত্যগণ ও রণবাদ্যকারগণের প্রবেশ )

( গীত )

আরে ধুম্‌ তাক্‌গিন্‌ ধুম্‌ তাক্‌সিন্‌,  
আরে দেনা সাড়া,  
বাজা কাড়া,  
ওরে বুক চিরে আয় করি ফাঁক্‌ ।  
কাড়া দে সাড়া তৎতড়া,  
বাজ ঝড়্‌ ঝড়া,  
কে এলো কোথা থেকে হয় বৃষ্টি মড়া,—  
কেতনা ফাঁড়া লাখে লাখ্‌ ॥

[ সকলের প্রস্থান ।

( জাম্বুবানের পুনঃ প্রবেশ )

জাম্বু। ( স্বগত ) এ কি ? এমন অদ্ভুত ব্যাপার তো  
কখন দেখি নি ! আমার চপটাঘাতে কোটা কোটা রাঙ্গস  
ম'রেছে, স্বয়ং দশানন মুচ্ছা প্রাপ্ত হ'য়েছে ! নখে গিরি-শির  
উপ্‌ড়েছি,—রঘুবীরের চরণ-প্রসাদে এ শরীর বজ্রতুল্য,—  
কিন্তু কি আশ্চর্য্য,—বালক আমায় পরাজয় ক'রলে ! যে  
অঙ্গে ইন্দ্রজিতের ব্রহ্ম-অস্ত্র প্রবেশ করে নি,—বালকের  
প্রভাবে আজ জর্জরিত ! এ অদ্ভুত-শক্তি বালক কোথা  
পেলো ? কদাচ এ সামান্য ব্যাপার নয় ! কে এ বেশধারী  
এলো ? এ যে স্বয়ং রঘুবীর সদৃশ বলবান্‌ দেখ্‌ছি,—  
সামান্য ব্যক্তি কদাচ নয় ! এ'র মুখ দেখে আমার হৃদয়ের  
ভিতর যেন কেমন ক'রছে ! কোন' দেবতা আমায় ছল  
ক'রতে এলো কি ? কিছু তো বুঝতে পারছি নি !

( শ্রীকৃষ্ণের পুনঃ প্রবেশ )

জাম্বু। হ্যা দেখ—তুই কে ?

শ্রীকৃষ্ণ। যে হই, তুই হার মেনে নে ।

জাম্বু। তুই একবার থাম্‌বি ? আমি রাম পূজা ক'রে  
আসি নি,—তাইতে তোমার ঝাম্‌কানি । একবার আসি পূজা  
ক'রে,—তার পর পাঠাব যমপুরে ।

শ্রীকৃষ্ণ। আচ্ছা, তুই যা ।

[ জাম্বুবানের প্রস্থান ।

( জাম্বুবতী ও সখীগণের প্রবেশ )

সখীগণ।—

( গীত )

করে ধ'রে মুরলী, কর কত চতুরালী !—  
দিবা বিভাবরী রাজকুমারী,  
কাতরা—নয়নে ঝরিছে বারি,  
কেন চাতুরী, মুরলীধারী,  
ছি ছি ভাল ভাল নয়,  
ধরমে এত কি নয়—  
নারী-প্রাণবধ শিখেছ খালি !

জাম্বুবতী। ( স্বগত ) এই যে আমার হৃদয়েশ্বর ! আমায়  
কি পায়ে রাখ্‌বে, আমার কি এমন ভাগ্য হবে ? ( প্রকাশ্য )  
হৃদয়বিহারী হৃদয়েশ্বর ! অবলাকে পায়ে স্থান দাও ।

( গীত )

জাম্বুবতী। তুমি চাও কি হে আমায় ?  
শ্রীকৃষ্ণ। নইলে কেন এসেছি হেথায়,—  
আমি বাঁধা গেছি তোমার প্রেমের দায় ।  
জাম্বুবতী। যেন ঠেল না হে পায়,  
এমন ক'রে কথায় কে মজায় ?  
শ্রীকৃষ্ণ। এসেছি শুধুতে তোমার ধার,  
আমি তো নইলো আমার আর.  
তোমার প্রেমের পারাবার,  
ডুবেছি উঠতে নারি, সে অকুল পাথার !  
জাম্বুবতী। থেকে হে হৃদয়-মাঝে প্রাণ যে তোমায় চায়,  
জানি নাট কর হে নটবর, ডুলাও অবলায় ;  
তুমি কাঁদিয়েছ রাধায় !  
শ্রীকৃষ্ণ। আমি বাঁধা প্রেমের দায় ।

[ শ্রীকৃষ্ণ ব্যতীত সকলের প্রস্থান ।

শ্রীকৃষ্ণ। জাম্বুবান আমার পরম ভক্ত,—সে আমার  
পূজা ক'রেছে ।—

( জাম্বুবান কর্তৃক রামচন্দ্র-গলে প্রদত্ত মালা—শূন্যে  
উড়িয়া আসিয়া শ্রীকৃষ্ণের গগদেশে পতিত হইল )  
এই মালা দিয়েছে, তার মালা আমি যত্নে হৃদয়ে ধারণ  
করি। আমি ভক্তের ভক্তি-পণে কেনা।

( জাম্বুবানের পুনঃ প্রবেশ )

জাম্বু। (স্বগত) এ কি মায়াবী!—রামচন্দ্রের মালা  
অপহরণ করলে নাকি? (প্রকাশ্যে) তুই আমার ইষ্ট-  
দেবের মালা কোথায় পেলি?

শ্রীকৃষ্ণ। তুই যে দিলি।

জাম্বু। তোকে আমি মালা দিলুম!

শ্রীকৃষ্ণ। দিলি নি তো কি? চোখ বুজে ধ্যান করলি,  
'আমায় চরণে স্থান দাও' বলি, নইলে কি তোর মালা আমি  
গলায় পারি?

জাম্বু। আরে তোর যে ভারি জারি! তুই কে রে?

শ্রীকৃষ্ণ। তুই যারে পূজা করিস্।

জাম্বু। খবরদার বেটা, মুখ সামলে কথা ক'স্। আমি  
পূজা করি—রাম রঘুবীর!

শ্রীকৃষ্ণ। মিছে কেন বলিস্, তুই পূজা করিস্—  
আমায়।

জাম্বু। তুই তো ভারি বেল্লিক দেখতে পাই।

শ্রীকৃষ্ণ। তোর মত তো চোখ থাকতে কাণা নই।

জাম্বু। অ্যা—তুই কি বলছিস্? আমার মনটা কেমন  
ক'রছে!

শ্রীকৃষ্ণ। আমি কি ক'রবো?

জাম্বু। ইয়ারে—তুই কে রে?

শ্রীকৃষ্ণ। তুই তো আমায় চিনিস্, অনেক দিন থেকে  
জানিস্।

জাম্বু। তুই তো কালকের ছোঁড়া।

শ্রীকৃষ্ণ। আমায় চিন্ছো না কেন?

জাম্বু। কে তুমি?

শ্রীকৃষ্ণ। তুমি মনে বুঝে দেখ না;—তোমায় দেখা  
দেবার কথা ছিল—তাই এসেছি, নইলে এখানে আসি?  
দেখ, লঙ্কার দোরে সাগর-তীরে তোমায় বলে'ছিলেম—'দেখা  
দেব,' তাই দেখা নিতে এসেছি।

জাম্বু। ইয়ারে, তুই কি ভোজবাজী জানিস্?

শ্রীকৃষ্ণ। না, আমি ভোজবাজী জানি নি। তোমার  
ভালবাসায় ম'জে আছি।

জাম্বু। আমি যে রামকে ভালবাসি।

শ্রীকৃষ্ণ। আমি যে তোর রাম।

জাম্বু। তুই সে ধনুধারী কই? জটাধারী কই?  
তোর কপি-সেনা কই? কই—তুই সাগর-পারে—'হা  
সাতা' বলে কাঁদিস্ কই? কই রে—কই তোর সে নব-  
দুর্কাদলশ্যামরূপ কই? সেই রূপে একবার দেখা দে, আমার  
সর্কষ হ'রে নে! দাঁড়া—ধনুক ধ'রে দাঁড়া; তোর পায়ে আর  
একবার গড়াই। শীঘ্র ধনুক ধর। আমি রামের বরে  
অমর। তোর সে রূপ না দেখলে আমি ম'রবো। ধর—  
ধর—ধনুক ধর!

শ্রীকৃষ্ণ। দেখ'বি—তবে দেখ, আমায় যে মজালি!  
আমি যে মুরলীধারী। আমায় ধনুক ধরাবি—ধরা! তোরা  
সব পারিস্। তবে দেখ।

জাম্বু। আমায় যুগলরূপ দেখাও। ভক্তবৎসল, ভক্ত-  
বাহী পূর্ণ করো।

( শ্রীকৃষ্ণের অন্তর্ধান )

( রামসীতা-মুক্তি-আবির্ভাব )

জাম্বু।—

( গীত )

নীল শ্যকোমল, উজ্জ্বল বিমল,

ধনুধারী রাম শ্যাম।

ভোলা বিশ্বেশ্বর, সাজি কপীশ্বর,

যে চরণ করে কাম ॥

জয় রামসীতা—জয় রামসীতা—জয় রাম শ্রীরাম!

জয় জয় জয়, রক্ষকুল-ক্ষয়,

এস এস এস, হৃদি পরে ব'স,

পশু-হৃদে হও হে উদয়!

জয় রামসীতা—জয় রামসীতা—জয় রাম শ্রীরাম!

( শ্রীকৃষ্ণের পুনঃ প্রবেশ )

শ্রীকৃষ্ণ।—

( গীত )

আমি নয় ধনুধারী, ধরি বাঁশরী করে,—  
আমার হেলা ময়ূর পাখা গোপীর শ্রাণ হরে।

খেলি কদম্ব-ভলার, ঝাঁড়িয়ে পায় পায়,  
 দেয় বনমালা রাখালে গলার ;  
 আমি প্রেম তো বড় ভালবাসি,  
 বিকিয়েছি প্রেমের তরে !

শ্রীকৃষ্ণ । দেখে জাম্বুবান, তুমি আমার হেনস্তা ক'রেছ,  
 কিন্তু তোমার মেয়ে আমার পূজা ক'রেছে ;—এই দেখে তার  
 মালা ।

[ পট পরিবর্তন ]

(কুমার, জাম্বুবতী ও সখীগণের প্রবেশ)

জাম্বুবান । প্রভু, অজ্ঞানের অপরাধ মার্জনা করুন ।  
 আশীর্বাদ করুন, জাম্বুবতী যেন মা-সীতার দাসী হয় । মণির  
 জন্মে এসেছেন, এই তোমায় যৌতুক দিলেম ।

[ জাম্বুবতীকে সম্প্রদান ও তৎসহ মণি প্রদান ।

শ্রীকৃষ্ণ । আমি কলঙ্ক হ'তে উদ্ধার হ'লেম ।  
 কুমার । ঠাকুর, শুনেছি তুমি দয়াময়,—আমায় পারে  
 রেখে ।

শ্রীকৃষ্ণ । তুমি আমার সখা ।

[ জাম্বুবান ও কুমারের প্রস্থান ।

( সখীগণের গীত )

দেখ দেখরে নয়ন,—

চোখে চোখে দেখাদেখি মেতেছে জুবন !

এ অন্তরের খেলা,

প্রেম-লহরে ওঠা-বসা আনন্দের মেলা ;

এ প্রেমের খেলা,

মনে বোঝে সরল-সরলা,

চেউ চলে তার আগে আগে—

তার হৃদয়ে লহর বহে যে জানে যতন !

# সপ্তমীতে বিসর্জন

(পূজার পঞ্চরং)

[ ২২শে আশ্বিন, ১৩০০ সাল, মিনার্ভা থিয়েটারে প্রথম অভিনীত ]

“পূজার বাজারে কাপ্তেন বাবুদের অবস্থা বর্ণনা করিয়া এই সামাজিক শ্লেষাত্মক পঞ্চরং খানি লিখিত। ইংরাজিতে যাহাকে Extravaganza বলে, ইহা সেই প্রকৃতির। ইহা সম্বন্ধে অধিক আলোচনা নিম্নমুদ্রণ। সামাজিক নান্দিক বাস্তব সংসারে ঘটনা ও চরিত্র লইয়া রচিত হয়, এইরূপ বিদ্রূপাত্মক প্রহসনের গল্প এবং চরিত্র সম্ভব-রাজ্যের প্রাসঙ্গীক হইতে আঙ্কিত হইয়া থাকে— ইহার সকলই উচ্ছৃঙ্খল।”

শ্রীঅবিনাশচন্দ্র গঙ্গোপাধ্যায়-প্রণীত ‘গিরিশচন্দ্র’

( ৩৯৫ পৃষ্ঠা দ্রষ্টব্য )

## পঞ্চরংের পাত্রপাত্রী

পুরুষগণ।

গোবর্দ্ধন, উকীল, মামা, খোকা বাবু, সাতকড়ি, খানসামা,  
প্যালারাম, দালাল, ধনী, গৌসাই।

স্ত্রীগণ।

বিরাজ

বিরাজের মা

আদালতের বেলিফ, ওয়ারেণ্টের আসামী, বাজীকর ও বাজীকরী, বেহারা ও বেহারানী,  
চুড়ীওয়ালা ও চুড়ীওয়ালী, কাপড়ওয়ালা, খোসবোওয়ালা, জরি-ফিতেওয়ালা,  
গাউন-বড়ীওয়ালা, নাগরিক ও নাগরিকাগণ, তুলী ও কাশীদার, সাহেব  
ও মেম, ইয়ারগণ, ষাত্রাওয়ালাগণ—( অধিকারী, নন্দঘোষ,  
যশোদা, রাধা, কৃষ্ণ, বলরাম, রেবতী ও দোহারগণ ),  
সার্জন, জমাদার ও পাহারাওয়ালাগণ, মিলিটারি  
লেডী ব্যাণ্ড রমণী ও পুরুষগণ ইত্যাদি।

## প্রস্থাবনা

( পুরুষ ও রমণীগণ )

( গীত )

- রমণীগণ।— সই লো, সাজো সমরে,—  
দেখি, এই পূজোতে মিন্‌সে কি করে।
- পুরুষগণ।— রাগ ক'র না চলাননি, আছি যোড়করে।
- ১ম রমণী।— শাড়ীর মুখে স্যাঁটার বাড়ি, আমার গাউন চাই,
- ১ম পুরুষ।— তাই হবে লো তাই ;
- ২রা রমণী।— হামিলটনের নেক্‌লেস এবার, তারাহারের মুখে চাই,
- ২য় পুরুষ।— তাই হবে লো তাই ;
- ৩রা রমণী।— কাউরে চোলের আওয়াজ বেজায় তালি ধ'রে যায়,  
পূজোর ক'দিন ঈমলকে বেড়াব গঙ্গায়,
- ৩য় পুরুষ।— ছ'জনে সামনে ব'সে ফুরুরে হাওয়ার ;
- ৪র্থ রমণী।— আমার কিনে দাও টমটম,  
গড়ের মাঠে হাওয়া খেয়ে রাখ'বো খানিক দম,  
গো-টু-হেল্‌ বাঙ্গালীটোলা পূজোর ভিড় কি কম ?
- ৪র্থ পুরুষ।— পাশাপাশি ব'সে ছ'জন বাব রমারম্ ;
- সকলে।— পূজোটা কেটে যাবে আমোদের ভরে।

[ সকলের প্রস্থান।

## প্রথম দৃশ্য

নৃতন বাজারের রাস্তা

( এক দিক দিয়া ধনী, উকীল, দালাল ও  
অপর দিক দিয়া খোকাবাবু ও ঠিকুজী হস্তে  
খান্সামার প্রবেশ )

খান্সামা। খোকাবাবু সাবালক হ'য়েছে, কে হাওনোটে  
ধার দেবে দাও, এই ঠিকুজী দেখে নাও।

দালাল। কত টাকা নেবেন ? পাঁচশো টাকা কমি-  
শন দিতে হবে। পঁচিশ পার্শেন্টের দরে এক মাসের সুদ  
আগাম। দালালী বিশ পার্শেন্ট ; গদিয়ানী আর উকীল  
খরচা। টাকা চান্ ত' আসুন,—ধনী, উকীল প্রস্তুত, এই  
সঙ্গে আছে ; হাওনোট লেখা আছে, সই করুন—এই কলম  
নেন।

উকীল। এই হিসাবে দেখুন,—পাঁচশো টাকা কমি-  
শনে গেল, এক মাসে সুদ আড়াই শো টাকা গেল, এই  
হ'লো সাড়ে সাতশো ; আর দু'শো দালালী—এই সাড়ে  
নশো ; হাজারের পঞ্চাশ টাকা হাতে আছে, আর আপনার  
ঘড়ী ঘড়ীর চেন দিলেই উকীল খরচা মিটবে।

খোকা। আচ্ছা, এই ঘড়ী-ঘড়ীর চেন নাও ; নিদেন  
পঁচিশটে টাকা আগায় দাও।

ধনী। লোকসান হ'লো—লোকসান হ'লো, তা নাও  
—নাও, কোথেকে আদায় হবে, তা বুঝতে পাচ্ছিনি !  
ফের দরকার হয়, এইখান থেকেই নেবেন, এত কম সুদে  
আর কোথাও পাবেন না।

খান্সামা। এ ঘর তোমার বাঁধা রইলো।

দালাল। এই দুটো টাকা তুমি ব'খ'শিস্ নাও, বাবুকে  
নিয়ে এস ফের।

ধনী। তবে এস, টাকা দিই গে।

[ সকলের প্রস্থান।

( বাজীকর ও বাজীকরীর প্রবেশ )

( উভয়ের গীত )

- উভয়ে। দেখে যাও ভানুমতীর খেল, ধুসী হবে দেল।
- পুরুষ। আমি করি বাঁশবাজী,
- স্ত্রী। আমি সব কাজে কাজী, মাত করি বাজী,
- উভয়ে। এস হে, সখের বাজী দেখতে কেবাজী,
- স্ত্রী। মিন্‌সে কত খাবে ডিগ'বাজী,
- পুরুষ। ভানুমতী মুচ্‌কে হেসে ছোটাবে আক্কেল।

( আদালতের বেলিফ ও জনৈক ওয়ারেণ্টের

আসামীর প্রবেশ )

আসামী। বুঝেছ বেলিফ সাহেব ! আমি পালাবার  
ছেলে নই। অমন কতবার ধার ক'রেছি, কতবার জেলে

গেছি। আমার সঙ্গে আসুন—পুঞ্জের বাজারটা করে আমি তোমার সঙ্গে জেলে বাচ্ছি; বেশী সওদা কিছু নেই, এই ধর কোম্পানীর ওখান থেকে টাকা শ' চেরেকের কাপড় নেব—এই বডি-টডি জোড়া কতক জুতো, এই এক জায়গা থেকেই সব সওদা হবে। দরওয়ানের কাছ থেকে দু'টাকা ধার করে তোমায় মদ খাইয়ে দেব এখন। হ্যাঁ, আর একবার তোমায় এসেমসওয়ালার দোকানে দাড়াতে হবে, সেখান থেকেও বিল সহী করে টাকা শ' দুইয়ের এসেমস নিতে হবে, গোটা চার পাঁচ টাকা নগদও ধার পাব, তাতে তোমার গাড়া-ভাড়া টাড়া-ভাড়া সব হবে এখন। আমি বছর বছর জেলে অমন খাই, তুমি কিছু ভেব না। আর দেখ, তুমি মৃতন এয়েছ, আলাপ ছিল না, এখন হামেসাই দেখাশুনো হবে; আমওয়ালার ধার আছে পাঁচশো, গয়লার সাড়ে চার শো, হোটেলওয়ালার পঞ্চাশ, মাসে তোমার দু'বার নিদেন ওয়ারিণ নিয়ে আসতে হবে, ক্রমে আলাপ হোক, আমি কেনন মানুষ, তুমি বুঝতে পারবে।

বেলিফ। হ্যাঁ হ্যাঁ, বুঝেছে বুঝেছে, আপনি বোনেন্দী আদুনা, কুজা তো ক'রতেই যায়। দেখ বাবু, হামকো একটো কোর্তা চাই।

আসামী। তা চল না, দিচ্ছি।

[ উভয়ের প্রস্থান।

( বেহারা ও বেহারানীর প্রবেশ )

( উভয়ের গীত )

পুরুষ।— বাবু লোগ ঢালেগা সরাব খালি—খোড়া মুখে মিলি।

স্ত্রী।— হামকো না দেনেসে দেগা গালি ॥

পুরুষ।— পিয়েঙ্গে বৈঠকে তোমরা সাত,

স্ত্রী।— পিয়েঙ্গে হোয়েঙ্গে নেশামে কাত,

পুরুষ।— মৎ ছোড় লাখ, উসরোজ টুটু দিয়া দাঁত;

স্ত্রী।— তোম্ হুসরেসে দোস্তি কর, হাম্ ঘরমে চলি।

পিয়েঙ্গে সরাব খালি,—

নেই লাখ্ ছোড়েঙ্গে ক্যামসে মিলি ॥

[ উভয়ের প্রস্থান

( গোবর্দ্ধন ও গণেশের মুখোমুখে দিয়া  
প্যালায়ামের প্রবেশ )

গোব। বলি হ্যারে, এখনও মুখোমুখি মুখে রেখেছি  
কেন ?

প্যালা। কেন, দু'ধারি পাওনাদার জানিস্ নি ? আর বছর কি তুই কাপেনা ক'রিছিলি ? আমি সম্বছরটা চালিয়ে এসেছি, এই ভাদ্র মাসে গোলাপীর বাটা খেয়ে বেরিয়েছি বই ত নয় ?

গোব। হ্যারে, দিদিমা সব টাকা দিয়েছে ?

প্যালা। কোথায় দেছে ? এষ্ট তিন শো টাকা দেছে।

গোব। তুই শালী তবে ভালো করে গণেশ সাজতে পারিস্ নি !

প্যালা। আর কি করে সাজব বল ? দু'টো হাতও বেঁপেছিলুম, মুখোমুখি ও মুখে নিয়েছিলুম, পেটে সিঁদূরও মেখেছি।

গোব। তুই ভাল করে বুঝিয়ে ব'লতে পারিস্ নি ?

প্যালা। তুই যেমন শিখিয়েছিলি, তেমনি ব'লিছি।

গোব। কি বলেছিলি, বল্ দেখি ?

প্যালা। ব'ল্লুম—'গোবর্দ্ধনের দিদিমা ! ঝৈলাস থেকে মা আমায় পাঠিয়ে দিলেন, তোমার বাড়া পুজো।'

গোব। দিদিমা কি ব'লে ?

প্যালা। সাষ্টাঙ্গে খণাম ক'লে, আর কি ব'লবে ?

গোব। তারপর কি বলি বল ?

প্যালা। তারপর ব'ল্লুম, 'টাকা দাও, গোবর্দ্ধনকে প্রতিমে গ'ড়তে দিতে হবে।'

গোব। দিদিমা কি ব'লে ?

প্যালা। আরে, সে বুড়ীকে কি আর তুই জানিস্ নি ? সে কি টাকা ছাড়তে চায়।

গোব। তুই সে সিঁদূরমাথা বিলিপত্র আর জ্বাফুল বুঝি দিস্ নি ?

প্যালা। দিলুম না ? ব'ল্লুম,—'মা তোমায় এই প্রসাদী বিলিপত্র আর জ্বাফুল পাঠিয়ে দিয়েছে।'

গোব। তুই ভাল করে ব'লতে পারিস্ নি।

প্যালা। তুই বেইমান, তোকে কি ব'লবো বল ? আমি যা গণেশগিরি করে এলেম, তা নতিয়ার গণেশের

বাবার সাধি নেই যে করে ; তুই যদি দেখ্‌তিস্‌ ত তাক্‌ হ'তিস্‌! শুঁড় নেড়ে ব'ল্লুম যে, পূজোর সমস্ত টাকা যদি গোবর্দ্ধনের হাতে জমা কর, তবে মা আসবেন, নইলে আমি চ'ল্লুম। তা বুড়ী সমস্ত টাকা ছাড়তে কিছুতেই রাজী না, ব'ল্লে—অর্ধেক আজ নাও, নবমীপূজোর দিন অর্ধেক দোব।

গোব। তবে পূজোর খরচ চ'লে কি করে ?

প্যালা। আরে, তার জন্তে ভাবিস্‌ নি! যখন নূতন মেয়েমানুষ রেখেছি, দু' তিন শো টাকার জিনিষ ধারে চ'ল্বে।

গোব। তা দেখ্‌, জোগাড় দেখ্‌।

( কাপড়ওয়াল, খোসবোওয়াল, জরি-ফিতে-  
ওয়াল ও বডি-গাউনওয়ালার প্রবেশ )

কাপ-ও। ও গণেশ-মুখো বাবু! কাপড়-চোপড় কিছু কিনবেন কি ?

প্যালা। হ্যাঁ, এই বাবুর মেয়েমানুষের ঠিকানায় পাঠিয়ে দাও,—ভাল বেনারসী, ভাল বোম্বাই।

কাপ-ও। আন্তে গণেশ-মুখো বাবু! কোন্‌ ঠিকানায়—কোন্‌ ঠিকানায় ?

প্যালা। ৩২ নম্বর তাঁবাগাছী পাঠিয়ে দাও, সেইখানেই টাকা পাবে, আবার ব্যাক বন্ধ হ'য়ে যাবে, নোট ভাঙাতে চ'ল্লুম।

[ কাপড়ওয়ালার প্রস্থান।

খোস-ও। এসেস, ল্যাভেণ্ডার, আতর, গোলাপ কিছু চাই কি ?

গোব। হ্যাঁ, ৩২ নম্বর তাঁবাগাছী, ক ল সকালে টাকা, এখন নোট ভাঙাতে যাচ্ছি।

[ খোসবোওয়ালার প্রস্থান।

জরি-ও। রিবিন্‌ জরি-টরি কিছু চাইনে ?

প্যালা। আহা, ৩২ নম্বরে পাঠও না, যা পাঠাবে।

[ জরি-ফিতেওয়ালার প্রস্থান।

গাউন-ও। গাউন-বডি-টডি ?

প্যালা। তাঁবাগাছী ৩২ নম্বর।

[ গাউনওয়ালার প্রস্থান।

এই নে, তুই কাল সকালে ব'সে দু' হাজার টাকার জিনিষ নিস্‌!

গোব। টাকা ত দিতে হবে ?

প্যালা। দূর শালা, নতুন মেয়েমানুষ রেখেছি, আবার টাকা দিতে হবে! ঐ কিপ্টে ব্যাটারা যারা ভয়ে ভয়ে নগদ কেনে, তারা কলকেতার সহরে ধার পায় না। তুই যত টাকার জিনিষ ধার চাস, আমি কলকেতার সহর থেকেই দিয়ে দিচ্ছি। টাকা ছাড়া যা চাস, আমি কলকেতার সহর থেকেই দিয়ে দিচ্ছি। ওরে প্রমদাদাস বাবাজী আর মামাকে তাঁবাগাছীতে দেখ'লুম।

গোব। তবে বুঝি, বিরাজের বাড়ী নিয়ে যাচ্ছে; ঐ গোসাই ব্যাটা ধাড়ী সয়তান, চল, রজ্জু ক'রে দেখা যাবে এখন। এইবার চল, বিরাজের মার পূজোর চাল-ডাল কিনি গে, বেটী বায়না নিলে দুর্গোপূজোর!

প্যালা। আরে তোফা, বিসর্জনের দিন অবধি বাঁধা রোশ্‌নাই চ'লবে।

[ উভয়ের প্রস্থান।

( চুড়ীওয়াল ও চুড়ীওয়ালীর প্রবেশ )

উভয়ে।—

( গীত )

ঘর ঘর ঘুমকে বেচ'তা চুড়ী।  
যো চুড়ী পিনে ও হাকে জুড়ী।  
চুড়ী যব্‌ হাত মে বাজে ঠুন্‌ঠুন্‌,  
শোন্‌নেসে আদমী হো যায় খুন,  
কেস্তা কহেজে চুড়ীকা গুণ,—  
চুড়ী পিনলেসে বুড়ীয়াহো যায় ছুঁড়ী।

[ উভয়ের প্রস্থান।

## দ্বিতীয় দৃশ্য

পথ

( জল সহিতে কতিপয় নাগরিক, নাগরিকা,  
চুলি ও কাঁশীদারের প্রবেশ )

সকলে।— ( গীত )

মরি হে পুরুত্ পিসি, ছিরির কি গঠন ।  
খুঁটমাসের উইল্‌সনের কেখানি যেমন ॥  
ছিরির গু ডি লাগলে পরে গায়,  
রূপের ছটা উথলে পড়ে যায়,  
বুকনিওয়ালা ছিরি—যেমন বেটে গিরি গোবর্দ্ধন ॥

[ সকলের প্রস্থানঃ ]

## তৃতীয় দৃশ্য

বিরাজের দরদালান

( গৌসাই, মামা, বিরাজ ও বিরাজের মা'র প্রবেশ )

গৌসাই । এই যে বিরাজ এসেছেন, তোমার যে রসিক  
নাগর আন্বের আমার মনস্থ ছিল, এনেছি ; এর সঙ্গে  
প্রেম ক'লে কৃষ্ণ-রাধার প্রেম হবে ।

বিরাজ । ও মা, পোড়া কপাল আর কি ! বলি দাদা  
গৌসাই, কোথেকে তুমি নিমতলার ঘাটের মড়া তুলে এনেছ  
বল ত ? মা গো,—আমার রসিক পুরুষে কাজ নেই !

মামা । গৌসাইজি, তুমি যে ব'লেছিলে, প্রেমিকা ?

গৌসাই । পরম প্রেমিকা ! এ সব কথা ত তুমি  
বুঝবে না, এ সব গুহ্য তথ্য ! শ্রীকৃষ্ণের সঙ্গে যখন রাধার  
সাক্ষাৎ হয়, ভাগবতে একটা শ্লোক আছে—“বৃদ্ধস্ত বচনং

গ্রাহ্যাপদকালে হ্যপস্থিতে”—শ্রীকৃষ্ণকে ঐরূপেই রাধা সম্ভা-  
ষণ ক'রেছিলেন ।

বিরাজ । দাদা গৌসাই, আর তোমার ভাই কাজ নেই,  
ওরে বেতে বল ভাই, আমার মাথা ঘুরছে । ভাই, খান্কা-  
বাড়ীতে কার্তিক পূজা, জগদ্ধাত্রী পূজা, সরস্বতী পূজাই  
হয়, আমি ঠাউরেছি, দুর্গো পূজা ক'রবো ; তার জন্তে আমার  
মাথা ঘুরছে ।

গৌসাই । বল কি, দুর্গো পূজা ক'রবে ? আহা হা !  
রাধাবল্লভ কি তোমায় স্মৃতিই দিয়েছেন !

বিরাজ । পূজা ক'রব কি গো, আমি ঠাকুর আনুতে  
পাঠিয়েছি ।

মামা । বিরাজ !

বিরাজ । আপনি পরশু দিন আসবেন, তখন কথা  
কব ।

মামা । বিরাজ, আমি প্রেমিক পুরুষ, তোমাকে প্রেম  
দিতে এসেছি ।

বিরাজ । দেখুন, আমার এখন মাথা নানান্ জালায়  
ঘুরছে, তা পরশু নয়, আজ হ'লো কি বার ?—আপনি শুক্র-  
বারের দিন আসবেন ।

মামা । বিরাজ, আমি শুনেছিলেম, তুমি প্রেমিকা ।

বিরাজ । গৌসাই দাদাঠাকুর, তুমি কেমন মাঝুষ গা ?  
এই জাণাতন ক'র্তুে লোকটা নে এলে ? আমি মাথার  
ঘায়ে কুকুর পাগল—সাত জালায় জল্‌ছি ।

গৌসাই । তা তুমি একটু শীতল হও, উনি ব'সছেন ।

বিরাজ । না ভাই, শুক্রবারের দিন সঙ্গে ক'রে নে  
এস, আজকালের কথা নয় ।

মামা । হায় হায়, পঞ্চাশ বৎসর কেটে গেল, তবু প্রেম  
বিলুতে পারলেম না ।

গৌসাই । তা দেখ বিরাজ, তুমি পাঁচ কাজের মাঝুষ,  
পাঁচ কাজে যাও, আমরা এইখানে ব'সে একটু রাসলীলার  
আলোচনা করি । ভেবেছিলেম,—বিরাজ, তোমায় একটু  
গুহ্য-তথ্য ব'লব ; কি জান—শ্রীকৃষ্ণ একটু মধুপান ক'র্তুেন  
আর গোপিনী বিহার ক'র্তুেন । এ সব গুহ্য কথা, তোমায়  
কোনদিন ব'লব—কোন দিন ব'লব ।

মা । দেখুন গৌসাই বাবা, আজকের মতন আপনার  
আস্থন, ওর মেজাজ বড় ভাল নেই, ও এক রকমের মাঝুষ,



জানেন ত ? বাবা, কিছু মনে ক'র না, ও তোমারই হবে, তবে ও খেপার মতন, আমি কি বলব বল ?

বিরাজ। মা, তোর সব কথাতে কথা, ও আশুক না আশুক, তোর তাতে কি ?

মা। মান ক'চ্ছিস,—কর মা ! তোর ও মনের কথা বুঝেছে, আপনি আসবেন—ঐ যে বন্ধে শুক্রবারের দিন আসবেন।

বিরাজ। মা, তুই দুর্গো পূজা ক'রবি, না এই ক'রবি ?

মা। ওরে বাবা, ঘর-দোর ক'রতে গেলে সবই চাই—এ-ও চাই, ও-ও চাই।

গৌসাই। শোন, রাস-রসামৃত তখন ছিলেন মদ, এ সব গুহ-তত্ত্ব তোমরা বুঝবে না, তোমরা ছেলেমানুষ, তোমার মা বুঝবেন।

বিরাজ। দাদা গৌসাই, সমস্ত দিন আজ মদ খাচ্ছি ভাই, আর এখন মদ খেতে ভাল লাগবে না ; তোমার অহুরোধে এক গেলাস খাই। এখন তুমি ওকে নিয়ে চ'লে যাও।

গৌসাই। দেখলে, দেখলে, প্রগল্ভা প্রেমিকা, একেই বলে রাস-রসামৃত, পরেও গুহ-তত্ত্ব আছে।

বিরাজ। দেখ ভাই, আমার নেশা হ'য়েছে। সাত-ক'ড়ে ব্যাটাকে ঠাকুর আন্তে পাঠালেম, এখনও এলো না।

মামা। বিরাজ, একটা প্রেমতত্ত্ব গাইব, শুনবে কি ?

বিরাজ। দেখ ভাই, আমার জ্বালাতনের শরীর, শুক্র-বারের দিন তুমি গেয়ো, আমি শুনবো।

গৌসাই। আজকেই শুনে যাও বিরাজ, শ্রীকৃষ্ণ ত দেবকীর গর্ভে জন্মগ্রহণ ক'রবেন !

মা। আহা !

বিরাজ। মা, তুই আমার হাড় জ্বালালি !

মা। ওরে, উপদেশ-কথা ক'চ্ছে—শোন ! সকাল থেকে ত মদ খাচ্ছিস, না হয় এক গেলাস খেলি ব'সে !

বিরাজ। এই তোমার ব'সে মাথা খাই, দাও ত দাদা-ঠাকুর, এক গেলাস ! দেখ মা, এই জন্মেই সাতকড়েকে আসতে দিই নে। একটা ঠাকুর আন্তে পাঠালুম, দেড় ঘণ্টায় ফিরলো না।

( চালচিন্তির লইয়া সাতকড়ির প্রবেশ )

সাত। এই নাও, ঠাকুর, ঠাকুর ! তোমার চালচিন্তির ঘাড়ে ক'রে এনেছি।

বিরাজ। ঠাকুর ? ও মা দেখ, দিকি, একে তুই বাড়ীতে আসতে দিস ? বলে—এক ছিলিম তামাক খেয়ে যাক, পান খেয়ে যাক। আমি হ'লে খেংরা মারতুম ! একটা ঠাকুর আন্লে না গা ?

সাত। তোমার যে বেজায় আব্দার ! দুর্গা খুঁজলুম ; নিদেন—গণেশ, লক্ষ্মা, সরস্বতী, তা কি সপ্তমীর রাত্রে পাওয়া যায় ?

বিরাজ। পাওয়া যায় না মুখপোড়া ?

মা। ওরে, পায় নি ব'লেই ত চালচিন্তির খানি এনেছে, ওকে কেন গাল দিচ্ছিস ?

বিরাজ। চালচিন্তির নিয়ে তুই ধুয়ে থা ! বেদানার বাড়ী সরস্বতী পূজা হ'লো, সেদিন—ধূম্ ধাম্ বাজনা, নেতা গোপাল মুখুযো আমায় কত টট্‌কিরি দিয়ে গেল !

মা। তা না হয়, এ বছর নেই দুর্গোৎসব হ'লো।

গৌসাই। সে কি, মানস ক'রেছে, দুর্গোৎসব হবে না ? শোন, এ-সব শাস্ত্রের মর্ম ত কেউ বোঝে না ! এই চাল-চিন্তির আর একটা কার্তিক হ'লেই চৈতন্যচরিতামৃতের মতে, যা বেদের ওপর—দুর্গোৎসব হয়।

বিরাজ। হাঁ গৌসাই দাদা, হয় না কি ?

গৌসাই। বিরাজ, রাস-রসামৃত পান কর, আমি বুঝিয়ে দেব। ন'দে থেকে ভট্‌চাষি এনে দেখ, কে আমায় হটায় ! এ সব গুহ কথা, নিত্যানন্দ এই পূজাই ক'রেছিলেন,—কার্তিক আর চালচিন্তির। বিরাজের মা ! পূজা কর ত—কার্তিক আর চালচিন্তির পূজা কর, এমন শুক্র পূজা আর হবে না, নিত্যানন্দ ক'রেছিলেন।

মা। বাবা, এই পাগ্লা মেয়েটাকে বোঝাও।

গৌসাই। বিরাজ, যাচ্ছ যাও ! একটু রাস-রসামৃত পান ক'রে ইচ্ছে হয় ত যাও ! বড় শুক্র পূজে, শ্রীকৃষ্ণ যমুনাতীরে কার্তিক আর চালচিন্তির পূজা ক'রেছিলেন। নাও, রাস-রসামৃত পান কর।

বিরাজ। দাদা গৌসাই, যদি পাঁচ জনে নিন্দে করে তো তোমারই একদিন আর আমারই একদিন !

গৌসাই। এ সব গুহ ব্যবস্থা !

বিরাজ । না, ঐ যে বেদানার মা এসে নাক নাড়া দেবে, আমি তা সহিব না ।

গৌসাই । কার মাধ্য ! তুমি একটা কার্তিক এনে ফেল, আমি একবার দেখে নি । পাঠাও তো—আমার বাড়ীতে একবার পাঠাও তো । থাক—আমি কাল সকালে আনবো, পুঁথিগুলোর নাম ভুলে গেছি, রাস-রসে মুগ্ধ কিনা বিরাজ !

মাত । বিরাজের মা ! ন'দের টোল থেকে দায়েরা এই ব্যবস্থা এনেছে, দেবকর্প পদরত্ন তাতে নাম সহ ক'রে দিয়েছে । কার্তিক আর চালচিহ্নিতে যেমন শুকো পূজো হয়, এমন আর কিছুতেই নয় ! গৌসাইজি, শুধু চালচিহ্নির নিয়ে সার', কার্তিক বাজারে নেই !

বিরাজ । মুখপোড়া, একটা কার্তিক খুঁজে পান না, আর আমার ঘরে ব'সে পান খাবেন, তামাক খাবেন !

মা । তুই বাপু ওকে গাল, দিম্ কেন ? আহা, বাছা চাল-চিহ্নির ঘাড়ে ক'রে এনেছে, আর কার্তিক থাকলে আনতো না ?

বিরাজ । মা, তোর সঙ্গে আমার ব'ন্বে না ।

গৌসাই । রাস-রসামৃত পান কর—রাস রসামৃত পান কর ।

বিরাজ । দাদা গৌসাই, না হয় এক গেলাস পেলুনই ।

মাত । তোমার অন্তায় রাগ, কার্তিক, গণেশ, নন্দী, ভৃঙ্গী—কোন শালাকে কি আমি ছাড়ান দিভুম ? তোমার বাড়ীতে এনে ফেলবো, মাতকড়ি এমন ভেবো না !

মানা । বিরাজ, দুর্গোৎসব প্রেমের, প্রেমের ছুটো কথা ত শুন্লে না !

বিরাজ । ভাই, তুমি শুক্রবারের দিন এসে ব'লো, আমি বড় ঝঞ্জাটে আছি । দাদাঠাকুর, বেদানার মা এবার জগদ্ধাত্রী পূজো ক'রবে, তুমি যেনন ক'রে পার, কর ।

গৌসাই । ভয় কি, আমি আছি, তোর দুর্গোৎসবের ভাবনা কি ? একটা কার্তিক খাড়া কর ।

বিরাজ । এই দেখ দিকি পোড়ারমুখো ! দাদা গৌসাই, মাতকড়ি পাতি পাতি ক'রে খুঁজে এলো, কার্তিক পাওয়া গেল না । এখন কি হয় বল দেখি দুর্গোৎসবের ?

গৌসাই । মাতকড়ি, তুমি কি জানবে, চৈতন্য চিন্ময়ে লেখা আছে—কার্তিক আর চালচিহ্নির !

মা । তুই শোন্ না কেন—গৌসাই বাবা যা বলে, তা শোন্ না কেন ? ওর ওপর কি কেউ মত দিতে পারবে ?

বিরাজ । হ্যা দাদা গৌসাই, কার্তিক ত পাওয়া গেল না, কি হবে ?

গৌসাই । সে জ্ঞাত চিন্মা নাই । ( মামার প্রতি ) দেখুন, আপনি পরম প্রেমিক, কার্তিক হ'য়ে প্রেমের পরাকাষ্ঠা প্রকাশ করুন ! দেখ বিরাজ, রামলীলে দেখেছ ত ?—রাম-লক্ষণ পূজো করে । এমন গৌসাই আমায় পাওনি, একটা অশাস্ত্রীয় ব্যবস্থা দেব ! এই যে প্রেমিক পুরুষ আছেন, একে পূজা কর ।

মানা । ম'শায় কি ব'লছেন ?

গৌসাই । কার্তিক হ'য়ে প্রেমিকার পূজা গ্রহণ করুন । শোন বিরাজ, ইনিই তোমার কার্তিক হবেন ।

মানা । ম'শায়, কার্তিক হব কি রকম ?

গৌসাই । প্রেম করেন ত এইরূপই করুন, নিত্যানন্দ-বিলাসে লেখা আছে ।

মা । দেখ বাবা, খানিক কার্তিক হ'য়ে ব'সবে বই ত নয় ! ঘাড়-চালাচালি ক'র নি, মেয়ে আমার আব্দার নিয়েছে ।

বিরাজ । বাবু, তোমার সঙ্গে একটা সাক্ষ কথা ব'লে দিলুম, শুক্রবারের দিন দেখা ক'রবো, কার্তিক হও ত হও, নইলে আমার পরিষ্কার কথা—তোমার সঙ্গে এই দেখা ।

মাত । দেখ, কার্তিক বাজারে পাওয়া গেল না, আপনি না হ'লে মেয়ে মানুষের মন ভুলবে না,—আমি ওর মেজাজ জানি ! তবে ময়ূর চান,—আর বছরকার কার্তিকের ময়ূরের পেখম আছে, গরু বাধা খোঁটাটাও আছে, ঠিক ঠাক ময়ূর হবে এখন ।

গৌসাই । প্রেম করুন, কার্তিক হোন ।

মানা । গৌসাইজি, প্রেমের কথা যে ছুটো একটা হবে, ব'লেছিলে ?

গৌসাই । ময়ূরের পিঠে ব'সে হবে, ভাব্ছ কেন ? সমস্ত রাত আছে আমি কি তোমার হুইপির বোতল ঝুন্-মারি ক'বতে এনেছি ? ময়ূরের উপর ব'সে প্রেমের তুলানি উঠে যাবে এখন ।

বিরাজ । মশাই, যদি অহুগ্রহ ক'রে এসেছেন, শুন্ছি, আপনি প্রেমিক পুরুষ, আমার বাড়ীর কার্তিকটা হলে আমার মুখটা থাকে ।

মা। বল্‌না লো, দুটো মিষ্টি ক'রে বল্‌না? আহা, এইবার বাবা ঘেমেছে!

বিরাজ। ভাই, পিরীত ক'রবে কিনা, বল?

মামা। হ্যাঁ।

বিরাজ। কার্তিকটা হ'য়ে আমার মুখটা রক্ষে কর! বেদানার মার ঝে আমার টকুরা-টকুরা, তুমি আমার মুখ রাখবে কিনা, বল?

মামা। তুমি যা বল্‌বে, তাই ক'রবো।

গৌসাই। বিরাজ, এমন প্রেমিক পুরুষ তুমি পাবে না! তুমি আর বছরের পাগড়ীটি নে এস, আর তোমার যদি ঢাকাই কাপড় না থাকে, ডুরে পাছা পেড়ে হ'লেও চ'লবে।

বিরাজ। হ'রে হাতী পেড়ে ঢাকাই খানা কুঁচিয়ে রেখেছে, দাদা ঠাকুর, তাতে চ'লবে না?

গৌসাই। বেজায় চ'লবে! আমার মনে ছিল না,— 'হাতী-পাড়শ্চ কার্তিকশ্চ' কার্তিকেরই হাতীপাড়!

বিরাজ। মা, দাদা গৌসাই ব্যবস্থা দিচ্ছে, তুই হাতী পেড়ে কাপড়খানা নে আয়, আমার ছোট তোরঙ্গের ভেতর আছে, কৃষ্ণধন বাবু আর বছর দিয়েছিল। আর সে কার্তিকের পাগড়ীটে নে আয়, উনি বসুন। বেদানার মাঝে ডেকে নে আয়, জল গইতে যাবে ত যাক। আধ ঘণ্টাটাকু বসুন, শুক্রবারের দিন আসবেন, আমি: আপনার প্রেমের কথা শুনব।

গৌসাই। দেখুন, আপনার প্রেমে নির্ঘাৎ আছাড় খেয়ে প'ড়েছে!

বিরাজ। মশাই, আমার সাফ্‌ কথা! কার্তিক সাজেন ত সাজুন, নইলে যান।

মামা। দেখ বিরাজ, তোমার জন্তে প্রাণ দেব।

গৌসাই। বাঃ, প্রেমিক পুরুষ দেখ। ময়ূর চড়ে উড়-বেন, বিরাজ আপনার প্রেমে লট্‌ ঘট্‌! প্রথম দুটো ব্যঙ্গ ক'রেছিল, যেমন শ্রীকৃষ্ণকে রাধা ক'রেছিলেন! আগার হাতে পূজো; আপনি একবার ময়ূর চেপে ব'সবেন, আধ ঘণ্টার ভেতর পালঙ্কে গে শোবেন। ওর পূজোটাও বজায় হয়, আপনাকেও প্রেমিক বলে জানে। বিরাজমোহিনী, দেখ, একটা ময়ূর দেখ।

সাত। মাইরি মা, তিন গেলাস হুইস্কি না খেয়ে কোন্

শালা ময়ূর সাজবে। তোমার বাড়ী তামাক সাজি, না হয় গোলাপীর বাড়ী সাজবো।

মা। বিরাজ, একটু খাইয়ে দে না? তুই মাঝুঘটো বুঝিস্‌ নি? দ্যাখ, 'দশ যায়গা থেকে পেন্নামী আসবে! দেখ্‌লি ত বাছা, কুমুদুলীতে কার্তিক পাওয়া গেল না!

[ সাতকড়ির প্রস্থান।

মামা। ময়ূর—ময়ূর!

( নেপথ্যে সাতকড়ি )। দাঁড়াও, আর এক গেলাস হুইস্কি খেয়ে যাই।

বিরাজ। দাদা গৌসাই, এ পূজো হবে ত?

গৌসাই। এমন পূজো কেউ আর করে নি, এক হু-মান চন্দ্র ক'রেছিলেন, আর তুমি ক'ল্পে।

( তুলীর প্রবেশ )

তুলী। হ্যাঁগা, আর বছর কার্তিক পূজোর বাজিয়ে পেছি, আর এখন কিনা তোমার দরোয়ান বলে, আমি বাজাতে পাব না!

বিরাজ। দাঁড়া বাছা, বাজাস্‌ এখন! আগে কার্তিক ময়ূরের ওপর বসুক।

[ তুলীর প্রস্থান।

( সাহেব ও মেনের প্রবেশ )

( গীত )

সাহেব।— এই মেলে হ'য়েছি আমরা নুতন আমদানী।  
 মেম।— নইলে গাউন কি কিনি, এ খবর আগে জানি ॥  
 সাহেব। শাড়ী পরে গেলে পাটী কি হয়,  
 মেম।— তা'ত নয়, তা'ত নয়,  
 বিলিতি-ফেরত প্রাণে অত কি ময়!  
 সাহেব।— ড্যাম গয়না, খালি ইয়ারিং নেক্‌লেস,  
 মেম।— গয়না ডাট'র এক শেষ,  
 দেখনা ফিট্‌ ফাট্‌ বিলিতি ড্রেস,  
 সাহেব।— বেশ্‌ বেশ্‌ বেশ্‌ ডিয়ার বেশ্‌;  
 মানিনে গড্‌ আর ম্যান্‌, আমরা গারা ম্যান্‌,  
 মেম।— হাম লোক, সব বিবি লোক হাতে সব ফ্যান,  
 উভয়ে।— কা: মন্নার কা ক'হেনা কা কারদানী ॥

মা। দাঁড়া বাছা দাঁড়া, এর পর নেচো, আগে কার্তিক

ময়ূরের উপর বসুক।

মামা। বাজাতে বলো, ময়ূর পাঠিয়ে দাও।

( ময়ূরের পেখম ধরিয়া সাতকড়ির পুনঃ প্রবেশ )

সাত। ম'শায় তো কার্তিক ?

মামা। হুঁ।

সাত। আপনি মদ খান ?

মামা। হুইঙ্কি খাই।

সাত। পিটে ব'সে থাকবেন ?

মামা। কেউ না টের পায় যদি।

সাত। সাফ্ থাকবেন, সন্টার সামনে থাকেন, জ্যান্ত কার্তিক, ভয় কি ?

মামা। যদি লোকে কিছু বলে ?

সাত। বিরাজের মা ! আর একটা কার্তিক দেখ, এ কার্তিকের ময়ূর আমি হব না !

মা। কেন রে বাছা, কেন ?

সাত। ও ব'লছে, হুইঙ্কি খাবে না।

মা। খাবে বই কি বাছা, খাবে বইকি ! পেখম খুলো না বাবা, পেখম খুলো না।

সাত। ম্যাও, বিরাজ, এক গেলাস মদ দাও।

বিরাজ। সাতকড়ি, যদি তুই হুমাড় খেয়ে নেশা ক'রে প'ড়বি, সাত খেংরা মেরে আমি তোকে তাড়াব।

সাত। প'ড়বো না বিরাজ দিদি, আমি কার্তিক নিয়ে উড়ব।

মা। উড়োনি বাবা, উড়োনি, আমি পেন্নামী পাবনি।

বিরাজ। মর মাগি, ও নাকি উড়তে পারে ?

সাত। বিরাজ দিদি, আমার ওড়ো ওড়ো প্রাণ ক'রছে, গৌসাইজি, হুইঙ্কির বোতলে আর নেই ?

মামা। ভয় কি, এই ঘড়ির চেন নাও।

বিরাজ। মা, তুই জল সহিতে ডাকুলি নে ?

মা। দাঁড়া বাছা দাঁড়া, আগে ময়ূর-কার্তিক ঠিক ক'রে যাই।

সাত। ম্যাও, আপনি ত কার্তিক ? উঠে বসুন।

গৌসাই। ঠিক ঠাকু সাজিয়ে দাও ! আর বছরের পাগুড়ী মাথায় দিয়ে দাও।

বিরাজ। আপনি শুনুন, এই পাগুড়ী পরুন ; শুক্রবারে আপনার সঙ্গে প্রেমের কথা কইব।

মামা। দেখ, আমি যখন কার্তিক হ'য়ে ব'সব, তুমি আমার পাশে দাঁড়িও, ওরির তেতর দুটো একটা কইব।

বিরাজ। মাপ ক'রবেন, আজ সাবকাশ পাব না, এক একবার এসে দাড়াব।

নেপথ্যে। বাজা বাজা বাজা, উরুর ঠাকুর বিসর্জন যায়- বাজা বাজা বাজা।

মামা। ও কে, গোবরা না ?

বিরাজ। পাগুড়ী খুলো না—পাগুড়ী খুলো না।

( গোবর্দন, প্যালারাম ও তাহাদের ইয়ারগণের প্রবেশ )

সকলে। উরুর ঠাকুর বিসর্জন যায় !

গোব। ব'লেছিলুম প্যালা, কার্তিক নইলে পূজো !  
উরুর ঠাকুর বিসর্জন যায় !

সকলে। উরুর ঠাকুর বিসর্জন যায় !

বিরাজ। দেখ্ গোবরা, মাতলাম করিস্ নি। দাদা গৌসাই, পূজো আরম্ভ কর।

গোব। আরতি বাজিয়ে দে, উরুর ঠাকুর বিসর্জন যায়।

সকলে। উরুর ঠাকুর বিসর্জন যায় ! আরতি বাজা,  
আরতি বাজা, উরুর ঠাকুর বিসর্জন যায় !

গৌসাই। থাম থাম। বিরাজ, তাড়াতাড়ি আমি পূজায় বসি ; হুইঙ্কির বোতলটা পাশে রেখো, ফুরুলে আমি চাইব না, ফের এনে দিও।

মা। বাবা, এই ফুল নাও।

গৌসাই। তড়ং নমঃ, খড়ং নমঃ, মাতাল'য় নমঃ, সোণা-  
গাচ্ছায় নমঃ ইত্যাদি।

( যাত্রাওয়ালাগণের প্রবেশ )

অধিকারী। ওগো, আমরা যাত্রাওয়ালা, মওলা দেব,  
নবমীর দিন গাইব।

গৌসাই। আচ্ছা, মওলা দিয়ে যাও, আমি ততক্ষণ  
ত্রাস করি।

( রাধাকৃষ্ণের প্রবেশ )

( গীত )

রাধা।—  
ধিনি কেট্ তিনি তা,  
তুই পায়ের ওপন্ন দেনা পা।

কৃষ্ণ।— মানময়ী রাধে,  
তুই গেলাস দুই আর ছইক্ষি ধা।  
রাধা।— চাট নে বুঝি আসছে বলে সই,  
কালচাঁদ ছইক্ষি তোমার কই ?  
কৃষ্ণ।— বগলে এই যে বোতল, প্রেমময়ি ঢালো না!  
তবে প্রিয়ে বাঁশরী বাজাই,—  
রাধা।— ফেলব কেসে দাঁড়াও মাধব,  
ছইক্ষি আগে খাই;  
কৃষ্ণ।— সব খেয়েনা, একটু রাখো,  
শুকুচ্ছে আমার গলা।

( বলরাম ও রেবতীর প্রবেশ )

( গীত )

বল।— আমি গাঁজায় দম লাগাই,  
আমি বীর বলাই।  
রেবতী।— তোর পিরীতে আমি মরা,  
আমি ভরী টাক্ আফিং খাই।  
বল।— তুষ্ট, বড় ঘন দুখে আর শেলে মাধন,  
রেবতী।— পুরু সরে আমার বড় মন;  
উভয়ে।— আর রাতাবিতে খুব পটু ছুঁজন।  
বল।— আমি ভোম্ হ'য়ে পে—  
রামশিঙ্গে বাজাই।  
রেবতী।— আমি গা চুলক্ তুলি হাই।

( যশোদার প্রবেশ )

যশোদা। হাঁরে গোপাল, তুই নাকি আব'ছলের বাড়ী  
মটন চপ্ চুরী ক'রে খেয়েছিস্ ?

কৃষ্ণ। হ্যাঁ মা, পেটের জ্বালায় খেয়েছি।

যশোদা। তবে রে পাজী! ( মারিতে উদ্যত )

দোহারগণ। ওমা, কর কি—কর কি, যাত্রা ভেঙ্গে যাবে  
—যাত্রা ভেঙ্গে যাবে!

যশোদা। রাখ তোমার যাত্রা, না হয় তোমার দলে  
নেই থাকবো! তা ব'লে ছেলে চোর হবে ?

নন্দ। কি ক'রবে নন্দরাণি, কি ক'রবে বল, একেলে  
ছেলে ত বশ নয়!

যশোদা। দেখ নন্দঘোষ, তুমি আমায় রাগিও না।  
ঝেঁটিয়ে তোমার বিষ ঝেড়ে দেব, তেমন মাতাল যশোদা  
আমায় পাওনি!

নন্দ। ইস্, সখের দলে তুমিই একলা নেশা ক'রেছ,

আর ত কেউ করে নি! সঙ্গে যাত্রা, তুমিও সৌখীন যশোদা  
আমিও সৌখীন নন্দ, তোমার ঝাঁটার কি ধার ধারি বল,  
দেখি ?

যশোদা। দেখ সেক্রেটারি, আজ একটা খুন-খারপি  
এইখানে হ'লো ব'লে।

[ ভয়ানক গোলযোগ ও যাত্রাওয়ালাগণের প্রস্থান।

সাত। কান্তিক, চল, যাত্রা করি গে চল।

নানা। না ভাই ময়ূর, আমার বড্ড নেশা হ'য়েছে।

সাত। ওঃ, যাত্রাওয়ালারা বেজায় আমোদ ক'রে  
গেল। নাও, গৌসাইজি, পূজো কর।

গোব। গৌসাইজি, আরতি বাজাই, উরুর ঠাকুর  
বিসর্জন যায়!

গৌসাই। পাটা নে এস, রক্ষন কর।

গোব। প্যালা, পাটা কই ?

প্যালা। পাটা কই, পেলুম কই ?

গোব। পেনি নে শালা!

প্যালা। দেখ, মোষ বলি হ'য়ে যাক্, দু' গেলাস ছইক্ষি  
দাও, খেয়ে জয় মা চালচিতির ব'লে মো'ষ বলি হ'য়ে যাই।

গোব। বাজা। ওরে বাজা বাজা,—উরুর ঠাকুর বিস-  
র্জন যায়!

প্যালা। ব্যা ব্যা! বিরাজ, দুটা ছোলা ভাজা আর  
দু' গেলাস ছইক্ষি দাও, তোমার নবমী পূজোর পাটা বলি  
প'ড়'ছি, দাঁড়াও।

সাত। বিরাজ, এখানে ময়ূরটো আছে, দেখো।

মা। আর দিস নি, আর দিস নি, ও ট'লছে, বাবুকে  
ফেলে দেবে।

নানা। চুটিয়ে প্রেম ক'লেম বাবা!

বিরাজ। তুমি যে প্রেমিক পুরুষ, আজ জান্লেম।

গোব। বিরাজ, আরতি বাজাই? উরুর ঠাকুর  
বিসর্জন যায়!

বিরাজ। দাঁড়া না পোড়ারমুখো।

গোব। দ্যাখ্, তোর পুরুতকে আরতি ক'রতে বল।  
উরুর ঠাকুর বিসর্জন যায়! সিদে বড় বলি ধ'রেছে!

বিরাজ। থাম থাম, গৌসাই দাদা ঠাকুর, কই, পাটা-  
বলি ক'লে না? ও মুখপোড়া, পাটা এনেছিস্ ?

গোব। ভয় কি বিরাজ!

প্যালা। গৌসাইজি, সিন্দুরের টীপ্ দাও।  
গৌসাই। কার্তিক-পূজায় পাঁটা বলি কি,—এক শসা  
বলি—আর এক নরবলি।

বিরাজ। আমার যেমন বরাত! চালচিত্তিরওয়াল  
কার্তিকের সামনে ছোটো পাঁটা বলি হ'লো না!

প্যালা। ভয় কি বিরাজ! ব্যা—ব্যা, খাঁড়া নে এস।  
বিরাজ। মা, মা, মিতিনদের বাড়ী থেকে দৌড়ে  
খাঁড়াখানা নে আয়।

মা। ওরে, এত রাত্তিরে ত রা কি দেব রে বাছা!  
বিরাজ। তুই ডাব কাটা দা-খানা নে আয়।

প্যালা। ব্যা ব্যা!  
সকলে। জয় মা চালচিত্তির!

১ম ইয়ার। খাঁড়া নিয়ে এস, খাঁড়া নিয়ে এস।  
মা। বিরাজ, গোল বাধালি, বলি হ'তে দিস্নি।

বিরাজ। বেটা প'ব'রি খানকী কি না?  
মা। তুই সতীর নেয়ে, তুই চুপ্ মেয়ে বোদ, ওরা মে

রক্তারক্তি ক'রবে।  
প্যালা। ব্যা-ব্যা! বলি কর না বাবা, উঠে গিয়ে

ছইস্কি খাই।  
মা। বাবা, আর খাঁড়ায় কাজ নেই, এই ঝাঁটাগাছটা

নাও, আমি আলতা গুলে আন্ছি, ঢেলে দিও, রক্ত হবে  
এখন।

১ম ইয়ার। বলি গোবর্দ্ধন, তুই কি নূতন রকম কল্লি  
বল দেখি? পাঁটা বলি ত কি ছ'র্গোৎসবে হয়, কার্তিক

বলি দিতে পারিস্ ত দেখি, একটা পূজো ক'রুলি বটে!  
আমি চট্ ক'রে মল্লিকদের বাড়ী থেকে খাঁড়াখানা আন্ছি।

মামা। সাতকড়ি, এ ঘরে আর দোর আছে?—স'ট্কে  
পড়ি! শালারা বল'ছে,—কার্তিক বলি দেবে!

সাত। ভয় কি, ছ'গেলাস ছইস্কি খেয়েই তোমায় পিঠে  
ক'রে নে উড়'চি।

মামা। দেখ, খিড়'কির পেছন-দোর দে আমায় পিঠে  
ক'রে নে বেরিয়ে পড়, বড বেজায় মাতাল হ'য়েছে, গোবরা

৩৩টা ভারী পাজী।  
সাত। রাত ঢের হ'য়েছে, এখন আর ছইস্কি পাবে

না, এইখান থেকে ছ'গেলাস খেয়ে যাও।  
প্যালা। ব্যা—ব্যা! বাবা, ঘুমিয়ে প'ড়েছিলেন, কেউ

ডেকে দিতে নেই? এ সব শালারাই যে প'ড়ে! ব্যা ব্যা,  
ওঠ শালারা ওঠ।

সকলে। জয় মা চালচিত্তির, উরুর ঠাকুর বিসর্জন  
যায়!

না। ইয়া বাপ্ ইয়া, এই ঝাঁটাগাছটা নাও, কাটো।  
সকলে। জয় মা চালচিত্তির! (বলি)

সাত। আর তোমায় পিঠে ক'বে থাকতে পাল্লন না,  
বাদা-মাটীতে আমায় নাচ'তে হবে।

মা। এমন কি কারুর বলি হয় গা?  
সকলে। (কাদামাটির নৃত্য ও গীত)

ওমা চালচিত্তির, তুমি বেটা বেজায় পাঁটা-খোর।  
কড়'মড়িয়ে হাড় ভেঙ্গে খাও, দাঁতের কি তোর জোর।  
ময়ূর ময়ূর পেপম ধর, পাঁটার নাড়ী খাও,  
কার্তিক দাদা মিটুলিটে নাও,  
ই কর ভাই ফুলকো যদি চাও,  
ধায়েধরা দেব তোমায় সপুর কর, চলো ভোর;  
যত চাও, তত পাবে হ'য়ে থেকে নেশায় ভোর ॥

প্যালা। ব্যা-ব্যা! চল, বিসর্জন চল! দেখ, কার্তিককে  
ময়ূরের সঙ্গে বাধ, আর গৌসাইজীকে ও জড়িয়ে নাও, নৌকো

ক'রে বাচ্ খেলিয়ে ঢেলে দিও।  
গৌসাই। এ বিবি চ'ত'ত-চরিতামুতে নেই।

প্যালা। দেখ গৌসাইজি, গোবর্দ্ধনের একটা কাঁড়ি  
থেকে যাক্, বাগবাজারের ঘাটে পাথর আছে; ছুটা

ছুটা পাথর কার্তিকের আর তোমার পায়ে বেঁধে, বাচ্ খেলাতে  
খেলাতে নাক-গদায়'ছেড়ে দেব, টপ্ ক'র ডুবে যাবে, কিছু

ভয় ক'র না।  
মামা। এদিক্ দে আর দোর-টোর নেই?

গৌসাই। বেল'কুল না।  
মামা। বড় ফ'রাসাদে ফেলো!

সকলে। উরুর ঠাকুর বিসর্জন যায়!  
মা। বাবা, ভাসান কাল সকালে দিও, আজ সব

শোওগে যাও।  
মামা। কাল সকালে আমি আস্, এক রকম ক'রে

বা'র ব'রে দাও।  
সকলে। উরুর ঠাকুর বিসর্জন যায়! জয় মা চাল-

চিত্তির!

মা। ওরে, সপ্তমী পূজোর দিন বিসর্জন দিবি কি ?  
সাত। না, তুমি জান না, এ সংক্ষিপ্তসার পূজো। আমি  
আজ না ভাসান গেলে উড়তে পারব না, আমি ফের  
কার্তিক কাঁধে ক'বুছি ; তোলো, ওঠাও।

মামা। সাতকড়ি, তোর পায়ে পড়ি, পা-টা ছেড়ে দে,  
শালারা এখন গঙ্গায় চোবাবে। আমি মোটা মাকুষ  
সাঁতার জানিনে, টপ্ টপ্ ডুবে যাব।

সাত। আমি ময়ূর হ'য়ে উড়ে তোমায় কাঁধে ক'রে  
তুলব।

সকলে। বাপ, বাপ, উরু ঠাকুর বিসর্জন যায় !

প্যালা। তোলো তোলো, ভাসান দে, গোবর্দ্ধন গেল  
কোথা ?

মামা। শালারা সব নাহাল হ'য়েছে, মারি চোঁচা  
দৌড়।

গোব। ( পলায়নোদ্ভূত ম'মাকে ধরিয় ) কে বাবা  
তুমি কার্তিক-পুরুষ ! ফিরে চল, জন্মকাল ভাসান  
দিতে হবে ; নকির মা দুর্গা হবে ব'লেছে, নিরী  
লক্ষ্মী, গিরি সরস্বতী, কার্তিক পাচ্ছিলুম না—তুমি আছ,  
গণেশ আমি আছি, হয় সাতকড়ে নয় প্যালা সিঙ্গি, চল বাবা,  
আজ মজার তুফানে ভাসান যাই চল ; মামা, তুমি বেড়ে  
কার্তিক।

মামা। শালারা চিনেছে ; বাবা, এই পায়খানা থেকে  
এসে তোমাদের সঙ্গে ভাসান যাচ্ছি।

গোব। মামা, তুমি ভাসান থেকে এসে পায়খানায়  
যেও, নয় ময়ূরের পিঠে পেট খোলসা ক'র ; সাতকড়ি বড়  
মাদা লোক, তোমায় কাপ্টে ধ'রে গঙ্গায় উলে যাবে।

মামা। পাহারাওয়াল, পাহারাওয়াল !—

( পাহারাওয়াল, সাজ্জন প্রভৃতির প্রবেশ )

১ম পাহা। এ বাড়ীতে খুন হয়, হাম্ লোক চান্তা  
হয়, নরবলি হয়।

মামা। না বাবা, সে ব্যাটা কাঁটা খেয়ে উঠে গিয়েছে,  
এখন আমায় ভাসান দেয়, তুমি সামুলাও।

২য় পাহা। এ একঠো মাতোয়ারা হয়।

মামা। বাবা, দু'গেনাস হ'রীক খেয়েছিলেম বটে, ময়ূর

চেপেই নেশা ছুটে গেছে ; বাবা, ভাসানের ভয়ে পালাচ্ছি,  
ছেলে দাও, গঙ্গায় চুবিলে না বাবা !

১ম পাহা। তোম খুন কিয়া।

মামা। কোন্ শালা কিয়া, বিরাজের মা কাঁটা মারা,  
আর আলতা গুলকে ঢাল দিয়া।

২য় পাহা। তোম কোন্ হায় ?

মামা। বাবা, পিরীত ক'রতে এসে ফ্যাসাদে প'ড়ে  
গেছি। ভোর রাত্ সাতকড়ি ব্যাটার পিঠে ব'সে, দু'শো  
মশার কানড় স'য়ে এখন বাবা প্রাণের দায়ে পালাচ্ছি।

১ম পাহা। সাতকড়ি তোমারা কোন্ হায় ?

মামা। আমার চৌদ্দ পুরুষ হায়, আর যে গোবর্দ্ধন  
যো হায়, আমার বাবার বাবা হায়, শালা যে এখানে আসে  
হায়, কোন্ শালা জানতো ! বাবা, নাকে খং, সাফ্ বেরিয়ে  
যাচ্ছি। জমাদার সাহেব, পাগুড়ী কি দেখ্ছ ?

বিরাজ। ওলো, কার্তিক পালালো—কার্তিক পালালো,  
ধর ধর ধর ! তোমার জন্তে নরবলি দিলুম, সপ্তমীতে  
দশমা ক'বুলুম, তোমার কি এই প্রেম ? একবার না  
হয় গঙ্গায় বাচ্ খেলে ডুবতে। এখনও এস, বাচ্ খেল ত  
খেল ; দেখ, তোমার সঙ্গে অণু হিসেব নাই, বন্ধুত্ব হিসেবই  
আছে, তুমি যদি এ ব্যবহার কর, তা হ'লে ভাই, শুক্রবারের  
দিন আমাদের বাড়ীতে এস না। হ্যাঁ হ্যাঁ ভাই, এক  
দিন না হয় গঙ্গা-জলে ম'নেই। এই কি তোমার প্রেম ?

মামা। দেখ, এই বিসর্জনটা মাপ কর, তারপর  
বুকের রক্ত দিতে হয়, তোমার জন্তে দেব।

বিরাজ। এই বিসর্জন গিয়ে এই শুক্রবারে আসতে  
হয় এস, নইলে তোমার সঙ্গে এই পর্যন্ত।

সাজ্জন। দেখ চৌকিদার, এসকো পাকড় লেও, বহুত  
পিরীতসে এসকো বাত হোতা হায়।

১ম পাহা। এ ত মহান বাবুকা মামা হায়, হামকো  
তাজ্জব মালুম হয়, এ কার্তিক হোকে নিকলা।

গোব। মামা মামা, শীগির এস ; দুর্গা, কার্তিক,  
গণেশ, লক্ষ্মী, সরস্বতী, সব পাওয়া গিয়েছে, এক চোরা—আর  
সিঙ্গি। তুমি সিঙ্গি সাজো, আমি চোরা হ'য়ে দাঁড়াই।

প্যালা। কিছু ভেব না, কিছু ভেব না, চোরা পেয়েছি।

মা। ও মা, কি সর্কনাশ, গোসাই বাবার ঢিকি  
ধ'রেছে !

বিরাজ। ঐ আরতির বাজনা বেজেছে, নইলে তোমার সঙ্গে আমার এই দেখা।

মামা। বিরাজ, আমায় জলে চোবাবে না ত ?

বিরাজ। দেখ ভাই, একবার ভাসান তোমায় যেতেই হবে। জলে চোবাকু আর নাই চোবাকু।

সকলে। উরুর ঠাকুর বিসর্জন যায় !

গোব। সিঙ্গি পাওয়া গিয়েছে ; মামা, তোমায় কার্তিকই হ'তে হবে।

মামা। বাবা, ঐ কাজটা আমার মাপ ক'বতে হবে।

গোব। মামা, খুনখারাপি হবে। তুমি না কার্তিক মাজলে আমার বিসর্জন হবে না।

সকলে। উরুর ঠাকুর বিসর্জন যায় !

গোব। মামা, পাঁচ ইয়ারের অনুরোধ এড়াতে পারবে না, চালচিত্তিরের খোঁটার বেঁধে তোমায় বিসর্জন দিতেই হবে।

মামা। ( ভেউ ভেউ রোদন )

গোব। মামা, কাঁদ আর যাই কর, তোমায় ভাসান যেতেই হবে।

মামা। বাপ রে, আমি তার জন্তে কাঁদিনি, আমি ম'ব্ব আর ঐ যে অষ্টমী পূজোর দিন প্রেমদাস গোসাই সংকীর্্তন নাচ'বেন, এ আমার প্রাণে সহাবে না।

গোব। ওর বাবার সাধি কি নাচে, আজই ওকে ভাসান দেব।

গোসাই। চৈতন্য-চরিতামৃত নেই।

প্যালা। ( গোসাইজির টকি ধরিয়া টান )

গোসাই। নিত্যানন্দ-বিলাসেও নেই, টকি ছাড়।

প্যালা। টকি ছাড়লে চোরা পাই কোথা বল ?

বিরাজ। গোসাই দাদাঠাকুর, তোমার পায়ে ধ'বছি, আজকের রাতটার মতন চোরা হ'য়ে আমার মান বাঁচাও।

গোব। দেখ মামা, তোমার ভাগনে-বউ আসতে ব'লেছে শুক্রবারের দিন, তোমার মনের কি কথা বুধবারের দিন ব'লে যেও।

বিরাজ। দেখ—পাঁচ বাপ্পাটে ছিলুম, একবার না হয় কার্তিক কি সিঙ্গি বিসর্জনই যাও না !

মামা। থিয়েটারের সিঙ্গি ?

বিরাজ। আবার সিঙ্গি কোথায় ? তুমি কি সত্যি সিঙ্গি হবে।

মামা। আমি পারবো না ; মাফ্ কথা।

গোব। পারবে না কি, পারবে না ব'লেই পারবে না, উঠাও।

গোসাই। টকি ছেড়ে দে বাবা, বাপের স্বপ্নের হ'য়ে ভাসান যাচ্ছি।

সকলে। জয় মা, চালচিত্তির উঠাও, বাজা বাজা—উরুর ঠাকুর বিসর্জন যায় !

( মিলিটারী লেডী-ব্যাণ্ডের প্রবেশ )

( গীত )

মিলিটারী লেডী ব্যাণ্ড সখের।

সেখীন সব পেট ন, টানা দেছে চের ॥

ছড়ি টানি নয়না হানি এমন কে আছে—

এ টানে যাবে যে বেঁচে,

মোহিনী স্থান শুনে কে ফেরে না পাছে—

সখের মিলিটারী নারী সখের লোকের কনকের ॥

সকলে। জয় মা, চাল-চিত্তির উঠাও ! বাজা বাজা—

উরুর ঠাকুর বিসর্জন যায় !



# রাণা প্রতাপ

( ঐতিহাসিক নাটক )

[ ১৩১০ সালের শেষভাগে, গিরিশচন্দ্র 'রাণাপ্রতাপ' লিখিতে প্রবৃত্ত হন। প্রথম অঙ্ক শেষ করিয়া দ্বিতীয় অঙ্ক লিখিবার সময় কোনও কারণ বশতঃ উহার লেখা বন্ধ রাখিয়া তিনি 'সিরাজদৌলা' লিখিতে আরম্ভ করেন। পরে 'অর্চনা' পত্রিকার সভ্যবৃন্দর আগ্রহাতিশয্যে রাণাপ্রতাপের ঐ লেখাটুকু 'অর্চনা'য় প্রকাশ-জ্ঞে তিনি তাঁহার স্নেহভাজন সুপ্রসিদ্ধ সমালোচক শ্রীযুক্ত অগরেন্দ্রনাথ রায়ের হস্তে সমর্পণ করেন। ১৩১৩ সালে উহা অর্চনায় প্রকাশিত হয়। অগরেন্দ্রবাবুর যত্নে রক্ষিত পাণ্ডুলিপি হাতেই ইহা পুনর্মুদ্রিত হইল। ]

## প্রথম অঙ্ক

—০০—

### প্রথম গর্ভাঙ্ক

রাজপথ

শনিগুরু ও কৃষ্ণসিংহ।

শনিগুরু। রায়ঃ কৃষ্ণসিংহ! কি শুন্দি, মৃত রাণার জ্যেষ্ঠপুত্র প্রতাপের অভিষেক আয়োজন না হ'য়ে কনিষ্ঠ জগমল্লের অভিষেক-আয়োজন কি নিমিত্ত দামাগা ঘোষণা ক'রছে ?

কৃষ্ণ। মহাশয় কি শ্রুত নন যে, জগমল্লকেই রাণা উত্তরাধিকারী নির্বাচন ক'রেছেন ?

শনি। কথা শুনে থাক্বো; কিন্তু আমার বিশ্বয় উপস্থিত হ'ছে। বংশাবলীক্রমে রায়ঃ-কুল মিবারের মন্ত্রীপদে প্রতিষ্ঠিত, সেই উচ্চবংশের বংশধর রায়ঃ কৃষ্ণসিংহ স্বয়ং বিচ্যমান,—মিবারে এরূপ অনিয়ম কার্য কেন ? রাণা-বংশের চিরপ্রথা কি নিমিত্ত পরিবর্তিত হ'ছে ?

কৃষ্ণ। রোগী আসন্নকালে একটু দুগ্ধপান ক'রতে ইচ্ছা ক'রেছে, তাতে আমাদের ক্ষতি কি ? কেনই বা তাতে আমরা অসম্মত হব ?

শনি। মহাশয়ের মনোভাব আমার হৃদয়ঙ্গম হ'ছে না।

কৃষ্ণ। ঝালোয়ার-অধিপতি! আপনার ভাগিনেয়ই সমস্ত সর্দারের একান্ত মনোনীত, আমরা সেই পরামর্শই মৃত রাণার চিত্ত-বেদিকার পার্শ্বে ব'সে স্থির ক'রেছি, আমরা প্রতাপের পক্ষই অবলম্বন ক'রবো। আপনি নিশ্চিত হোন। আসুন, তাদের মন্তব্য শ্রবণ ক'রবেন। মিবার-সর্দারগণ অগ্রায় কার্য্য কখন' অনুমোদন করে না।

[ উভয়ের প্রস্থান। ]

( প্রতাপসিংহ ও প্রতাপ-মহিষীর প্রবেশ )

প্রতাপ। দেব, ভূমি একান্তই আমার সঙ্গে যাবে ? আমি কোথায় যাবি, অদগত আছ কি ?

মহিষী। প্রভু, সূর্য্যবংশের কুল নারীর প্রথা স্বামীর অনুবর্তী হওয়া,—এ প্রথা জানকীদেবী স্থাপন ক'রেছেন, দাসী সেই প্রথা-অনুসারে স্বামীর অনুবর্তিনী, বৃক্ষতল তার অট্টা-

লিকা। যে স্থানে স্বামী, সূর্য্যবংশের কুলবধুও সেই স্থানে  
অবস্থান করে ;—সে প্রথা এ দামী হ'তে লজ্জন হবে না।

প্রতাপ। দেবি, অতি দূর দেশে গমন ক'রবো, যথায়  
রাজপুত্র নাম কেউ শ্রবণ করে নাই। এমন স্থানে গিয়ে  
বাস ক'রবো, যথায় আরাবলী পর্ব্বত নয়ন-পথে পতিত হবে  
না। সেই স্থানে যাবো, যথায় মোগলের সিংহনাদ কর্ণপথে  
প্রবেশ ক'রবে না ;—সেই আমার বাসস্থান। অতি দূরে—  
অতি দূরদেশে গমন ক'রবো।

মহিষী। চলুন।

প্রতাপসিংহ। হে জননি, মাতৃভূমি সুন্দরী মিবার,  
হতভাগ্য পুত্র তব হবে নির্বাসিত—  
তব অঙ্কে নাই স্থান তার !  
যেই স্নেহময়-অঙ্কে ক'রেছ লালন—  
প্রতি শিলাখণ্ড যথা ক'রিছে প্রচার  
শিশোদায় বংশের গৌরব,  
সেই বীরভূমে নাই প্রতাপের স্থান !  
ছিল সাধ মনে, স্মরি পিতৃদেবদেবে,  
হে বীর-জননি,  
তব বশোরাশি করিব বিস্তার।  
বিফল সে সাধ,  
পিতা মম সাধিলেন বাদ,—  
সিংহাসন অপি ভগনলে ;  
শত্রু-নিপীড়িত ওই শ্রীহীনা চিতোর !  
তব উদ্ধার কারণ,  
বক্ষের শোণিত দানে ছিলাম উৎসুক,  
নিফল সে আলোচনা আজি !  
ওই হৃন্দুতি-নিনাদ —  
অভিষেক-উৎসব কল্লোল—  
প্রতাপের নির্বাসন করিছে জ্ঞাপন।

( শনিগুরু, কৃষ্ণসিংহ, সন্দারগণ, পুরোহিত

ও চারণের প্রবেশ )

কৃষ্ণসিংহ। মহারাণা, বন্দে দাস,  
রাজপুরী পরিহারি কোথায় গমন ?  
আজি অভিষেক-দিন তব।

প্রতাপ। রাওয়ৎ প্রধান, পিতৃ আজ্ঞা-অনুসারে

গম কনিষ্ঠের অভিষেক হয় অয়োজন,  
রাণাপুরে স্থান কোথা মম ?

কৃষ্ণ।

মহারাণা, মিবার-সন্দারগণে  
জানে মাত্র মিবারের প্রাচীন নিয়ম,  
সে নিয়ম অশ্রুগামী হবে।

বক্ষমূল যে নিয়ম রাজপুত্র হৃদয়ে—  
শিখায় নীচয়ে ঘৃণা, মনুষ্যত্ব করে উত্তেজিত,  
যার বলে তুচ্ছ জ্ঞান বিপদ মরণ,  
সে নিয়মে সিংহাসন প্রতাপসিংহের।

সে নিয়ম করি অতিক্রম,—

শত্রু-করণত হেঁচি চিতোর নগরী—

কোথা যাব রাজপুত্র প্রধান,

মাতৃ-ভূমি জননে না করি কর্ণপাত ?

প্রতাপ।

পুরোহিত, নহে তো বিধিত—

সূর্য্যবংশে পিতৃ আজ্ঞা করিতে লজ্জন !

পুরো। সূর্য্যবংশের নিয়ম—পিতৃদেবগণের কৃপায় এ  
ব্রাহ্মণ অবগত। সূর্য্যবংশের নিয়ম—ধর্ম্মরক্ষা, সূর্য্যবংশে অপরা  
নিয়ম নাই। যদি সে নিয়ম পাগল বাপ্পারাওয়ের বংশধরের  
বাহনীয় হয়, তাহলে প্রতাপসিংহের সিংহাসন গ্রহণ  
করা উচিত, তাঁর মিবার পরিত্যাগ করা কাপুরুষত্ব হবে।  
শত্রু-সম্মুখীন হ'লে একরূপ কাপুরুষজনিত ভাব বীরবর  
অর্জুনের হৃদয়ে উদয় হ'য়েছিল। যদি প্রতাপসিংহ মিবার  
পরিত্যাগ করেন, তাহলে সকলে অবজ্ঞা ক'রে বলবে যে,  
বাপ্পারাওয়ের বংশধর তুর্কীর ভয়ে রাজ্য পরিত্যাগ ক'রলে।  
আমি ভগবান শ্রীকৃষ্ণের বাক্য উদ্ধৃত ক'রে বংশের  
হিতার্থে বলছি,—“ক্ষুদ্র হৃদয়দৌর্ভীল্যং তস্তোত্তিষ্ঠ পরস্তপ !”

চারণ। আরে ঠাকুর, তুমি কি বলছ ? কৃষ্ণ-  
অর্জুনের ঘটে এক তিল বুদ্ধি নেই। মহারাণা রামলীলা  
ক'রবেন, তারই জোগাড় ক'রতে পার—দেখ ! মহারাজ,  
য'রো হুম্মান এই চারণ আছে, এই হুম্মানেই এক রকম  
চ'লবে ! এদিকে তো মহারাণাকে বনে গাছতলাতে দাঁড়  
ক'রিয়েছেন, পিতৃসত্য পালনে বনে যাচ্ছেন, রাণা মধে  
আছেন, এখন একটা রাবণ ঠাউরে দেখুন !

প্রতাপ। বর্কর !

চারণ। বর্কর কে মহারাজ ?

প্রতাপ। তুমি রাবণের কথা কি বলছ ?

চারণ। আপনি সূর্য্যবংশের রাণার বনে যাবার কথা কি বলছেন ?

প্রতাপ। আমি পুরোহিত মহাশয়ের নিকট হিত-কথা জিজ্ঞাসা করছি।

চারণ। আমি মহারাণার নিকট মিবারের হিত-কথা বলছি।

প্রতাপ। চারণ, তুমি কি এ গুরুতর অবস্থা বুঝতে পাচ্চ না ?

চারণ। গুরুতর অবস্থা না বুঝে কি এই গানটা রচনা করেছি ?

( গীত )

জয় জয় আকবর বাদসার জয়,  
পালায় প্রতাপসিংহ পেয়ে মহাভয়,  
উচ্চ হবে গাও সবে মিবার-বিজয় !

প্রতাপ। কি চারণ, তোমার এতদূর স্পর্ধা !

চারণ। মহারাণা, অরাজক রাজ্যে তো লোকের স্পর্ধা বৃদ্ধিই হয় ! বাপ্পারাওএর সিংহাসন পরিত্যাগ ক'রেন, মিবারকে তুকৌর ক'রে অর্পণ ক'রেন, সদ্ধারের উপরোধ অবহেলা ক'রেন, ক্ষত্রিয়-ধর্ম, রাজ ধর্ম পরিত্যাগ ক'রেন, প্রজার মুখ চাচ্ছেন না,—যখন হয় মহারাণার এই অবস্থা, তখন মহারাণার অশ্রিত লোকের যে অবস্থা হওয়া উচিত, তাই আমার হয়েছে। মহারাণা তুকৌকে রাজ্য দান ক'রেন, আমিও তুকৌর জয় গান ক'রি। মনে মনে সংকল্প, যে সকল বীরগাথা, কুলগৌরব কথা—মহারাণা এই আশ্রিতের মুখে শ্রবণ ক'রতেন, সেগুলো পুড়িয়ে ফেলে, প্রতি প্রস্তরে এই মূতন গাথা খোদিত ক'রে আরাবলী শিখর হ'তে ঝাঁপ দেব।

প্রতাপ। পুরোহিত, যদি আমার সিংহাসন গ্রহণ করা সকলের অভিমত হয়, আমি সিংহাসন গ্রহণ ক'রবো, কিন্তু জগন্মল্ল অযোগ্য—কেন আপনারা স্থির ক'রেছেন ? জগন্মল্লও ক্ষত্রিয়, বাপ্পার শোণিত তার ধমনী তও প্রবাহিত। জগন্মল্ল যদি অযোগ্য না হন, তবে কেন পিতৃ-আজ্ঞা লঙ্ঘন ক'রবো ?

পুরো। মহারাণার বিবেচনায় যদি তিনি যোগ্য হন,

তবে কি নিমিত্ত মিবার পরিত্যাগ ক'রবেন ? চণ্ডের ন্যায় কনিষ্ঠকে সিংহাসন দিয়ে আপনি রাজকার্য্য কি নিমিত্ত ক'রবেন না ?

প্রতাপ। পুরোহিত, মার্জনা করুন। বালাকাল হ'তে মনে মনে আশা, চিত্তোর উদ্ধার ক'রবো, পিতৃদেবগণের নাম রক্ষা ক'রবো, কিন্তু সে আশা আমার সাগর-জলে নিষ্কিপ্ত হ'য়েছে।

চারণ। না, আপনার বীর-বাসনা পূর্ণ হবে, এই আশ্রিত চারণ চিত্তোর-জয়গান ক'রবে। জয় মহারাণা প্রতাপ-সিংহের জয় !

সকলে। জয় মহারাণা প্রতাপসিংহের জয় !

কৃষ্ণ। রাজনীতি-সুপণ্ডিত রাজেন্দ্র প্রতাপ,

নহে ক'রু অগোচর তব,

প্রজা করে রাজা নিরূপণ।

সেই রাজা—প্রজা যার মানিবে শাসন,

কর্তব্য প্রজার—রাজ-আজ্ঞা করিতে পালন।

প্রজা যারে করে নির্বাচন,—

রাজসিংহাসন করিতে গ্রহণ—

নহে কি কর্তব্য কার্য্য তাঁর ?

মিবার-সদ্ধারগণে করে নির্বাচন —

সিংহাসনে ছত্রধারী তুমি হে রাজন্ !

শূন্য সিংহাসন বহুক্ষণ রাখা অসুচিত —

আগমন হোক সভাস্থলে।

প্রতাপ। চল তবে অভিমত যদি সবার।

সকলে। জয় মহারাণা প্রতাপসিংহের জয় !

[ সকলের প্রধান।

## দ্বিতীয় দৃশ্য

রাজসভা

সিংহাসনে জগমল আসীন।

সদারগণ।

জগমল। আমি সিংহাসনে অধিষ্ঠিত, চারগণ কোথায়? কি নিমিত্ত আমাকে অভিবাদন ক'চ্ছে না? প্রধান সর্দারেরা কোথায়? তাঁরা কি নিমিত্ত উপস্থিত নাই? স্বর্গীয় মহারাণা উদয়সিংহ আমায় গদী প্রদান ক'রেছেন, যে সকল সর্দারেরা অনুপস্থিত—তাঁহারা বোধ হয়, কর্তব্য বিস্মৃত হ'য়েছেন; তাঁদের স্মৃতি জাগরিত করা আমাদের অচিরে কর্তব্য হবে,—যাতে তাঁরা রাজ-সম্মান দানে বিস্মৃত না হন।

( শনিগুরু, কৃষ্ণসিংহ, গোয়ালিয়ার-রাজকুমার ও প্রতাপ-

সিংহের প্রবেশ )

কৃষ্ণ। মিবারের সর্দারগণ কেহই কর্তব্য বিস্মৃত হন নাই, এইক্ষণেই তাহা প্রতীয়মান হবে। আপততঃ আপনার ভ্রম হ'য়েছে।

গোয়ালিয়ার। এ আসন আপনার নয়, মহারাণা প্রতাপ সিংহের আসন—আপনার আসন এই। ( কৃষ্ণসিংহ ও গোয়ালিয়ার-রাজকুমার উভয়ে জগমলের উভয় হস্ত ধরিয়া সিংহাসন হইতে নামাইল )

কৃষ্ণ। ( প্রতাপসিংহের প্রতি ) মহারাণা, দেবী-দত্ত খড়্গ গ্রহণ করুন। ( কটিদেশে বাঁধিয়া দেওন ) রাণার কটিতে এই খড়্গ বন্ধন—রাওর-বংশের পুরুষাত্মকমে

জগমল।

অধিকার।

শনি। মহারাণা, আসন গ্রহণ করুন।

সকলে। ( প্রতাপসিংহকে অভিবাদন করিয়া ) জয় মহারাণা প্রতাপসিংহের জয়!

প্রতাপ। ( জগমলের প্রতি ) শুন ভ্রাতা,

সাদ যদি হয় সিংহাসন, করহ গ্রহণ।

কিন্তু নীতিবাণী করহ শ্রবণ,  
কণ্টক-বিকীর্ণ এই বনক আসন,—  
ক্ষুধিত শার্দূল প্রায় মোগল সেনানী,  
স্বযোগ করিছে অন্বেষণ—  
পদতলে দলিতে মিবারে।  
আত্মীয় বান্ধবগণ তুর্কী-প্রলোভিত—  
তুর্কীর আশ্রিত,  
তুর্কীর প্রসাদ-আশে তুর্কী-পদানত!  
একমাত্র মিবার ব্যতীত—  
স্বাধীনতা-ধ্বংস অবনত রাজস্থানে।  
দিবাকর অন্ধিত কেতন  
একমাত্র উড্ডীন মিবারে,—  
গুপ্তিমেয় মাত্র সেনা সে পতাকা-তলে,  
কিন্তু অটলপ্রতিজ্ঞ সবে।  
রাজকোষ শূন্য, প্রজাবন্দে দৈন্য,  
বিগ্ৰহা চিতোর শত্রু কর-কবলিত।  
ইচ্ছা যদি লহ সিংহাসন,  
কিন্তু কর' দৃঢ় পণ—  
বাপ্পারাও-সিংহাসন স্পর্শ করি,—  
এক বিন্দু বক্ষে রক্ত থাকিবে যাবৎ,  
না হইবে তুর্কী-পদানত;  
করি বিলাস-বর্জন—  
দেশ-শত্রু করিবে দমন,  
স্বাধীনতা একমাত্র আকিঞ্চন জীবনের!  
করহ প্রতিজ্ঞা বীরবর,  
আমি তব হইব দোসর,  
তব শিরে নিজ করে ছত্রদণ্ড করিয়া ধারণ  
কহিতে তোমার রাজ-খড়্গ দিব বাঁধি,—  
করহ প্রতিজ্ঞা বীর, বীরেন্দ্র-সমাজে।  
জ্যেষ্ঠ—শ্রেষ্ঠ তুমি মতিমান,  
এ প্রতিজ্ঞা সাজে মাত্র তোমায় কেবল।  
জননীর দাসীত্ব-নোচন অঙ্গীকার,  
শোভা পায় খগপতি গরুড়ের।  
কর দেব, আসন গ্রহণ।  
সাগর-বন্ধনে যথা সে কাষ্ঠবিড়ালী,  
সেই মত দাস তব হইবে সহায়।

জয় জয় মহারাণা প্রতাপের জয় !  
 সকলে । জয় জয় মহারাণা প্রতাপের জয় !  
 জয় জয় জগমল্ল রাজ-সহোদর !  
 প্রতাপ । সুভ্রাতৃবংশল তুমি ভরত সমান,  
 লভি পিতৃ সিংহাসন করিলে প্রদান,  
 ভ্রাতৃ-মে গুণধাম !  
 সূর্য্যবংশে দ্বিতীয় দৃষ্টান্ত মধীতলে !  
 সকলে । জয় রাণা প্রতাপের জয় !  
 জয় রাজ ভ্রাতা জগমল্লের জয় !  
 প্রতাপ । ( সিংহাসনে উপবেশন করতঃ পুনরায় উঠিয়া )  
 হে সর্দারগণ,  
 মাতৃভূমি মিবারের দাস মাত্র আমি—  
 গুরু-ভার অপিলে মস্তকে ।  
 ফাটে বুক কথা উচ্চারণে —  
 বাপ্পারাও রাজধানী তুকী-করগত,  
 বাপ্পা-বংশোদ্ভূত দুর্গতি নাগরজিউ  
 তুকীর কিঙ্কর আজি—  
 তুকী-প্রতিনিধি-রূপে আজি চিতোর-ঈশ্বর ।  
 দেছ ভার, যথাসাধ্য করিব বহন,  
 সহায় যত্বপি রহ—হে বীর-সমাজ !  
 জানে মাত্র মিবারের সর্দার-মণ্ডলী,—  
 মহারাণা মহাভার বহনে সক্ষম ।  
 তাই সবে সমস্বরে দেয় জয়বাদ—  
 জয় জয় মহারাণা মিবার-ঈশ্বর !  
 প্রতাপ । গুরুভার বহনে নহেক পরাঙ্মুখ  
 সমর সিংহের বংশধর ।  
 আশৈশব বীর-গাথা করি অধ্যয়ন  
 অবগত মিবারের বীর-কীর্তি যত ;  
 আজি সেই বীরশ্রেষ্ঠ পিতৃদেবগণ  
 উত্তেজনা করেন প্রদান—  
 ‘বিধর্ম্মী বিরুদ্ধে অসি কর সঞ্চালন,  
 রাজপুত্রের অস্ত্র বন্দনা  
 আরাবল্লী-শিখরে হউক প্রতিধ্বনি ।’  
 সকলে । ( অস্ত্র বন্ বন্ করিয়া )  
 জয় জয় মহারাণা প্রতাপের জয় !  
 প্রতাপ । হের বীরবৃন্দ,

নহায়ুদ্ধে অবশিষ্ট মুষ্টিমেয় সেনা,  
 রাজ্য ছিন্ন ভিন্ন, অর্থশূন্য ধনাগার,  
 আত্মীয় স্বজন তুকী-অর্থে প্রলোভিত—  
 করিয়াছে তুকীর দাসত্ব স্বীকার !  
 কেহ ভগ্নীদানে—তনয়া প্রদানে কেহ—  
 হইয়াছে আকবরের প্রসাদভাজন !  
 রাজস্থানে রাজপুত্র অরাতি,  
 একমাত্র মিবারের বীরত্ব সম্বল—  
 সে বীরত্ব অর্পিত হে তোমা সবা’ পরে ।  
 বিজাতি-সম্মুখে কভু মিবারের বীর  
 জীবন থাকিতে না হইবে নতশির ।  
 সকলে । জয় জয় মহারাণা প্রতাপের জয় !  
 প্রতাপ । মহাব্রতে ব্রতী ওহে বীরেন্দ্র সমাজ,  
 মহাব্রত উপযোগী নিয়ম পালন,  
 অস্ত্র হ’তে কর্তব্য সবার ।  
 হে সর্দারনিচয়,  
 চিতোর বৈধবা-গান শুনিয়াছ ভট্ট-মুখে সবে ;  
 বিধবা চিতোর —  
 তবে কেন শোক-চিহ্ন না করি ধারণ ।  
 যতদিন চিতোর না হইবে উদ্ধার,  
 মম পণ—শ্মশ্রু-জটা করিব ধারণ,  
 অট্টালিকা-মাঝে—  
 স্থান নাহি আর শোকার্ভ রাণার—  
 বাসযোগ্য পল্লব-কুটীর ;  
 শোকার্ভের কাঞ্চন না হয় স্নশোভন—  
 তৃণ সিংহাসন, তৃণ শয্যা,  
 ভোজ্য-পাত্র—বৃক্ষপত্র আজি হ’তে ;  
 অগ্নিবৎ অস্ত্র ধাতু স্পর্শ করি’ জ্ঞান,  
 লৌহ স্পর্শে রব নিশিদিন,  
 লৌহ সংস্পর্শ অশুচির বিধি—  
 বিলাস-বর্জন মহাব্রত গ্রহণের প্রথা নিয়ম ।  
 শত্রু-হস্তে বিজিত চিতোর,—  
 অমুকুল জয়লক্ষ্মী নহে যতদিন,  
 অগ্রগামী নাহি হয় সংগ্রাম-দামামা,  
 দামামা বিলাপ-নাদ করিবে পশ্চাতে ।  
 সকলে । জয় জয় মহারাণা প্রতাপের জয় !

প্রতাপ। অল্পসংখ্য। সৈন্য মাত্র মিবার সহায়ে,  
অগণিত তুর্কী সেনা—  
তাহে যত কুলাঙ্গর রাজপুত্র সহায়,  
নিম্নভূমি—অল্প সৈন্যে না হবে রক্ষিত  
সে কারণ যুক্তি এই শুন—  
বীরগ্রাম নিম্ন করি পরিহার—  
করি শিখর আশ্রয়—  
পতিত রহুক নিম্নভূমি,—  
কণ্টক-আকীর্ষ জনশূণ্য নিম্নস্থলে  
শত্রু যেন না পায় আশ্রয়।  
হোক রাজ্য বনে পরিণত—  
পদক্ষেপ তুর্কী নাহি করে কদাচিৎ।

কৃষ্ণ। মহারাণা-যোগ্য এ মন্ত্রণা!

প্রতাপ। আজ্ঞা তবে হটক ঘোষণা।

কৃষ্ণ। অচিরেই হইবে পালন।

প্রতাপ। হে সর্দারগণ,  
আজি আত্মরিয়া-উৎসবের দিন,—  
এস সবে মিলি যাই মুগ্ধতা কারণে,  
বরাহ নিধনে করি তুপি গৌরী মার,  
রাজপুত্রকূলে এই প্রথা চিরস্থন—  
আত্মরিয়া ফলে বর্ষফল নিরুৎপন্ন।

সকলে। জয় কর মহারাণা প্রতাপের অয়!

## তৃতীয় দৃশ্য

অরণ্য

প্রতাপসিংহ ও শক্তসিংহ।

প্রতাপ। আমার অস্ত্রে বরাহ বধ হ'য়েছে। সেই  
বরাহের প্রতি তুমি অস্ত্র নিক্ষেপ করে মুগ্ধতার নিয়ম-  
বিরুদ্ধ কার্য করেছ।

শক্ত। মহারাণার আতপ-তাপে পরিভ্রমণ করে ভ্রম  
হ'য়েছে, আমার অব্যর্থ লক্ষ্যে বরাহ বধ হ'য়েছে। মহারাণা

মৃত বরাহের প্রতি অস্ত্র নিক্ষেপ করেছেন। যদি মুগ্ধ-  
তার নিয়ম ভঙ্গ হ'য়ে থাকে, সে আশা কর্তৃক হয় নাই।

প্রতাপ। তুমি বার বার আমার সহিত বিতণ্ডা করছ,  
ভ্রাতৃ-স্নেহে পুনঃ পুনঃ মার্জনা ক'বেছি।

শক্ত। মহারাণা বোধ হয় কখনো মার্জনা-প্রার্থী  
দেখেন নাই। সত্য সংস্থাপনের নিমিত্ত, ভ্রম সংশোধনার্থ পুনঃ  
পুনঃ তর্ক ক'বেছি। এখনো তাকে প্রস্তুত, মার্জনাকাজ্ঞী  
নই।

প্রতাপ। বোধ হয়, আমার অব্যর্থ লক্ষ্যের পরিচয়  
তুমি পাও নাই, সেই নিমিত্ত তোমার এই দস্তখুচক  
বাক্য।

শক্ত। দাসের লক্ষ্যের পরিচয়ও মহারাণা পান নাই,  
তা'হলে বোধ হয় স্বীকার ক'রতেন যে, তাঁর ভ্রাতৃ লক্ষ্যভ্রষ্ট  
হয় না। বোধ হয় মহারাণার ধারণা—জ্যেষ্ঠ হ'লেই  
শ্রেষ্ঠ হয়। অনেক স্থানেই তা অপ্রমাণ হ'তে দেখা  
গিয়েছে। প্রত্যক্ষ প্রমাণ মহারাণা যদি ইচ্ছা করেন, পেতে  
পারেন।

প্রতাপ। বুল্লেম, তুমি ছন্দ-যুদ্ধ প্রয়াসী। তোমার  
বাসনা পূর্ণ ক'রতে আমি প্রস্তুত।

শক্ত। রূপায় মহারাণা দাসের অভিপ্রায় গ্রহণ ক'রে-  
ছেন, তজ্জন্ম আমি মহারাণার নিকট কৃতজ্ঞ। কিন্তু এক  
বাধা, জ্যেষ্ঠ রাণা-পদে অভিষিক্ত—রাণার বিরুদ্ধে অস্ত্রধারণ  
করা রাজপুত্র-নিয়ম-বিরুদ্ধ।

প্রতাপ। তোমার আনয় রাণা জ্ঞান ক'রবার প্রয়োজন  
নাই। অস্ত্রধারী রাজপুত্র তোমার সম্মুখ বিবেচনা করে।

শক্ত। যে আজ্ঞা, কনিষ্ঠকে পদধূলি দানে উৎসাহ  
প্রদান করুন।

প্রতাপ। বিজয় লাভ করো।

শক্ত। আশীর্বাদ শিরোধার্য; দাস প্রস্তুত,—  
( উভয়ে যুদ্ধোন্মুখ )

( পুরোহিতের প্রবেশ )

পুরো। কি সর্দানাশ ক'রুন—কি সর্কনাশ করেন!  
দাস্ত হোন—দাস্ত হোন।

শক্ত। ব্রাহ্মণ, অস্ত্রধারী সর্কনাশের মধ্যস্থান পরিত্যাগ  
করো।

পুরো । রাণাকুল-পুরোহিত-পদস্থ ব্রাহ্মণ  
হিতাকাঙ্ক্ষী ব্রাহ্মণের ধরহ বচন,  
দ্বন্দ্ব-যুদ্ধ বর সম্বরণ !  
জন্ম-ধূমি-স্বাদীনতা—রাজপুত্র-আশা—  
সমর্পিত তোমা দৌহা করে !  
হে রাণা-কুমার !  
কহ, একি ভ্রাতৃ-দ্বন্দ্ব-যুদ্ধের সময় ?  
মহাশত্রু তুর্কী সুসজ্জিত,  
উচ্চবংশ রাজস্থান শত্রু পদানত,  
স্বাধীনতা-ধ্বজা মাত্র মিবারে উড্ডীন,—  
সূর্য্যাক্ত পতাকার তলে, দুই ভ্রাতা মিলে,  
শত্রু সংহারের কোথাঃহবে আয়োজন,—  
একি ভ্রাতৃদ্বয়ে দ্বন্দ্ব-রণ !  
ক্ষান্ত হোন মহারাণা !  
রাজ ভ্রাতা ! রাখ অসি শত্রু বক্ষ-হেতু ।  
কুল-পুরোহিত আমি, হিতবাণী করহ শ্রবণ ।

শত্রু । দুয়ে কর অবস্থান অর্কাচীন দ্বিজ !

পুরো । ক্ষান্ত হও রাজভ্রাতা !

প্রতাপ । সমরে আহত ক্ষত্র,—

দ্বিজোত্তম, বৃথা আকিঞ্চন !

একের না রক্তে সিক্ত হইলে মেদিনী

অসি নাহি পশিবে পিধানে ।

পুরো । হোক তবে রণ-অবসান,  
হের, বক্ষ-রক্তে শিতে বসুমতী ।

( বক্ষে অস্ত্রাঘাত ) ।

উভয়ে । একি, একি—ব্রহ্মহত্যা হ'লো !

পুরো । হিত সাধে পুরোহিত হে ক্ষত্রিয়দ্বয়,  
শাস্তি দান করো এই মুমূর্ষু ব্রাহ্মণে—  
নিজ নিজ অস্ত্র দৌহে রাখিয়া পিধানে ।

(মৃত্যু)

প্রতাপ । রাজ্য মম কর পরিত্যাগ,

ব্রহ্মহত্যা তোমার কারণ !

শত্রু । ত্যজি রাজ্য রাড্যেশ্বর অগ্রজ-আদেশে,

কিন্তু প্রতিহিংসা-তৃষা অতৃপ্ত রহিল,

তৃষা শাস্তি অবশ্য হইবে ।

[ শত্রুসিংহের প্রস্থান ।

প্রতাপ । হউক সংকারের আয়োজন ।

হউক স্মারক-স্তম্ভঃনির্মিত এস্থলে—

পুরোহিত-হিতগাথা করিতে প্রচার ।

রাজবংশ দ্বিজবংশ যতদিন রবে,

দ্বিজোত্তম বংশধর রাজ-বৃত্তি পাবে ।

[ প্রতাপসিংহের প্রস্থান ।

( শনিগুরু ও কৃষ্ণসিংহের প্রবেশ )

শনি । আজ আহেরিয়ার ফল অশুভ ।

কৃষ্ণ । শুভাশুভ বিচারের ভার আমাদের উপর স্থাপিত

নয়, রাজ-অনুসরণ আমাদের কার্য্য । আমরা কখন' কর্তব্য-

সাধনে পরাজুথ হবো না ।

[ সকলের প্রস্থান ।

## চতুর্থ দৃশ্য

উদয়সাগর

প্রতাপসিংহ, অমরসিংহ ও কৃষ্ণসিংহ ।

কৃষ্ণসিংহ । অহুমান হয় মহারাণা,

নিশ্চয় এ গৃহভেদী তুর্কীর মন্ত্রণা,

নহে রাজা মান—আগুমান কি হেতু মিবারে ?

যেচ্ছায় কি হেতু তা'র আতিথ্য স্বীকার ?

রাণা-শত্রু আকুবরের অহুগত তিন,

স্ব ইচ্ছায়ঃমান দান করিতে রাণায়—

আগমন সম্ভব না হয় অহুমান ।

প্রতাপ । যে হয় অতিথি-সেবা কর্তব্য নিশ্চয়,—

তাই, আগুবাড়ি আসিয়াছি উদয়সাগরে ।

কিন্তু এক মহা বিষয় হেরি,—

করি ধর্ম্য বিসর্জন

তাঁর সনে একত্রে ভোজন—

আমা হ'তে না হইবে ।

অভ্যর্থনা করিবেন কুমার তাহার ।

অমর । শুনি দামামা-নিলাদ—  
বুঝিবা আগত রাজা মান ।  
প্রতাপ । আগুবাড়ি অভ্যর্থনা করো গিয়া তাঁর,  
জানায়ে তাঁহায়—  
শয্যাগত শিরঃপীড়া হেতু,  
নারিলাম অভ্যর্থনা করিতে তাঁহার ।  
শিষ্টাচার উচিত, কি কহ বীরভাগ !  
কৃষ্ণ । রাণা হ'তে বিচক্ষণ কেবা ?  
প্রতাপ । যাও, করো গিয়ে অভ্যর্থনা ।  
[ অমরসিংহের প্রস্থান ।

প্রতাপ । ভাবি মন্ত্রীবর, একি কপট-আচার ?  
না—না—শিষ্টাচার প্রয়োজন ।  
বুঝিবেন রাজা মান—মর্ষ কিবা মম ;  
সত্য মিথ্যা মর্ষ-অহুসার  
মর্ষ মম হইবে প্রকাশ ।  
“প্রিয়ং ক্রমাৎ” নীতিযুক্ত কহে সুধীগণে ।  
( দূতের প্রবেশ )

দূত । মহারাণা, সমাগত রাজা মান ।  
কন রাজা, ক্ষুধায় কাতর তিনি,  
ভোজ্যবস্তু আয়োজন করিতে সত্বর ।  
প্রতাপ । মর্ষ তার বুঝিলে কি অমাত্য সকলে ?  
কৃষ্ণ । অভিলাষ—রাণা সনে একত্র ভোজন ।  
প্রতাপ । বিষম সঙ্কট—রাজা মান অতিথি এ পুরে ।  
কিন্তু ধর্ম সবার উপর—  
সুনির্মল শিশোদীয়কূলে কলঙ্ক অর্পণ  
উচিত নহে তো কদাচন ।  
মুসলমান-সংস্পর্শে পতিত যে জন,  
তার সনে একত্র ভোজন,  
অন্তরে আমার—  
নিবারণ করিছেন কুলদেবগণে ।  
দেখ গিয়ে—  
যথাযোগ্য অভ্যর্থনা হয় বা না হয় ।  
[ মন্ত্রীগণের প্রস্থান ।  
আম্মা হ'তে উৎপত্তি আশ্রয়—

অতিথি-সংকারে ক্রটি হয় নাই কভু,  
আম্মুজ আমার উপস্থিত ।

[ প্রস্থান ।

## পঞ্চম দৃশ্য

প্রাসাদ-কক্ষ

অমরসিংহ ও মানসিংহ ।

অমরসিংহ । স্বাগত রাজন্—প্রস্তুত আসন ।  
মানসিংহ । অতি ক্লান্ত ক্ষুধার্ত অতিথি—  
উপযুক্ত আয়োজন ক'রেছ কুমার ।

( আহারে উপবেশন

কিন্তু কোথা মহারাণা ?

অমর । মহারাজ, শিরঃপীড়া-ব্যথিত ভূপাল ।  
মানসিংহ । যে কারণে শিরঃপীড়া বুঝেছি কুমার,

উপায় নাহিক' কিছু আর,  
গত দিন আর না ফিরিবে—  
যা হ'য়েছে নচে ফিরিবার !

জানাও রাণায়,  
আমা সনে তিনি নাহি বসিলে থশনে,  
অম্বর-ঈশ্বর—

করিবে কাহার সনে একত্রে আহার !  
কহ তাঁরে—

স্বৈচ্ছায় অতিথ্য আমি ক'রেছি স্বীকার,  
সম্মান-প্রদান হেতু তাঁর ;  
সে কারণে মান হত নাহি হয় মম ;—  
অতিথি-সংকার উচিত রাণার ।

( প্রতাপসিংহ, চারণ ও সন্দারগণের প্রবেশ

প্রতাপ । অম্বর-গপিণ,  
সম্মানিত অশুগ্রহে তব আমি,  
কিন্তু মতিমান, করহ বিধান,  
মুসলমান-সংস্পর্শ নাহি এই কূলে,




অনুপায়—রূপায় মার্জনা করো দান ।  
 মানসিংহ । মহারাণা,  
 মুসলমান সংস্পর্শিত সমস্ত ভারত ।  
 করিহে স্বীকার, সংস্পর্শ নাহিক মিবারে,  
 বাসনা কি ক'রেছ রাজন্,  
 সমস্ত এ হিন্দুকুল করিতে বর্জন ?  
 দুর্দম অরাতি, —  
 আত্মীয় বান্ধবগণে করি পরিহার,  
 উচ্চ শিরে রবে রাণা সম্মুখীন তাঁর ?  
 কুমন্ত্রণা তাজ মহারাজ !  
 একতা-বন্ধনে বঁধ ক্ষত্রিয়-সমাজ—  
 রাজলক্ষ্মী রহিবে অচলা ।  
 প্রতাপ । নির্মল একুলে কাণী করিতে অপণ  
 নারিব রাজন্ !  
 তুর্কীরে ক'রেছ ভগ্না দান,  
 সম্ভবতঃ হইয়াছে একত্রে ভোজন,  
 পানপাত্র একত্রে গ্রহণ !  
 কর ক্ষমা— এ স্থলে উপায়হীন আমি ।  
 মানসিংহ । জান কি রাজন্,  
 কি কারণ আগমন ক'রেছি মিবারে ?  
 রাণা-বংশে সম্মান প্রদান হেতু ।  
 বীরভূমি রাজস্থান—  
 অংশে অংশে পরাজিত মুসলমান-করে ।  
 অসহায় লইয়াছ অরাতি-আশ্রয়,  
 কিন্তু ক্ষুধ-চিত্ত যত হিন্দু নরপতি—  
 অনিচ্ছায় সম্মান প্রদান করে  
 বিজাতি রাজারে ।  
 একমাত্র মিবার অজিত ।  
 হিন্দুরাজ্য রক্ষার আশায় —  
 সবে চায় মিবারের স্বাধীনতা,  
 কিন্তু যদি মিবার অধিপ,  
 বংশ-গরিমায় না চান সহায়,  
 মুসলমান জ্ঞানে ত্যজেন আত্মীয়গণে,  
 বিদলিত হিন্দু-সনে না করি সম্মিলিত,  
 মুসলমান-জ্ঞানে নেহারেন ঘৃণার নয়নে,  
 তবে তাঁরে হিন্দু বলি কি হেতু মানিবে ?

মুসলমান—মুসলমান সহযোগী হবে,  
 কতদিন মিবার-প্রভাব রবে ?  
 কুলহীন সাগর-তরঙ্গ-মাঝে  
 ক্ষীণ তরি কতদিন রবে স্থির ?  
 বৃথা দস্ত ত্যজ মহারাণা !  
 করি আত্মীয়-বর্জন  
 বিপদ না কর আবাহন,—  
 বন্ধুগণে শত্রু নাহি করো ।  
 প্রতাপ । কড়াচ না করি আমি বান্ধব বর্জন,  
 কিন্তু অনাচার নহিবে সম্ভব এই কুলে,  
 বারবার মার্জনার প্রার্থী নয়বর  
 তোমার সমীপে আমি—  
 কৃতার্থ করহ ভোজ্য করিয়ে গ্রহণ ।  
 মানসিংহ । যা হ'বার হইয়াছে বিধির বিধানে,  
 কিন্তু ক্ষত্রিয়-শোণিত বহে এখন' শিরায়,  
 অপমান অধিক না সয় ;  
 ভাল, পণ যদি তব রাণা আত্মীয় বর্জন,  
 দেখিব, কেমনে কর' আচার রক্ষণ,  
 কতদিন রহে শির উঃত তোমার—  
 মিবার না হয় মুসলমান-ক্রীড়াভূমি !  
 তর্ক পুনঃ করিব রাজন্—পুনঃ হবে সম্মিলন ।  
 ইষ্টদেবে করিয়াছি নিবেদন,  
 সেই হেতু অন্ন করি মস্তকে ধারণ ।  
 দাস্তিক প্রতাপ,  
 অতি দর্প নহে শ্রেয়ঃ শাস্ত্রে হেন কয় ।  
 প্রতাপ । কহিলে রূপায় ওহে অধর-অধিপ,  
 রূপায় দানিবে দরশন,—  
 কতদিনে হবে সম্মিলন ?—  
 রহিলাম প্রতীক্ষায় ।  
 ধর্ম লক্ষ্য—ধর্ম মম ধারণ,  
 ধর্ম বলে ধর্ম রক্ষা আপনি হইবে ;  
 মুসলমান-সাহায্যে নাহিক প্রয়োজন ।  
 চারণ । পুনঃ যবে হবে আগমন—  
 আকবর ফুপুরে সাথে আনিহ রাজন্ ।  
 শুনি রাজা, তুর্কীর দক্ষিণ হস্ত তুমি,  
 তাঁর পাশে দাঁড়াইলে শোভা বৃদ্ধি হবে ।

মানসিংহ । নারি যদি দর্প খর্ব করিতে তোমার,  
বুখা মানসিংহ নাম ধরি ।  
প্রতাপ । সুখী হব যুদ্ধক্ষেত্রে দিলে দরশন ।  
চারণ । ফুপুয়ে আনিতে রাজা হয়ো না বিশ্বিত ।  
[ মানসিংহের প্রস্থান ।  
প্রতাপ । পরিধেয় বস্ত্র ত্যাগ কর স্নান করি,  
গঙ্গাজলে দৌত হোক কলুষিত ছান—  
কলুষিত অন্ন হোক সলিলে অর্পিত ।  
সকলে । জয় হিন্দুকুলশেখর মহারাণা প্রতাপসিংহের জয় !

— —

## দ্বিতীয় অঙ্ক



### প্রথম দৃশ্য

দিল্লী—মসজিদ-গৃহ

আকবর ও মানসিংহ ।

আকবর । স্বাগত হে অম্বর-ঈশ্বর !  
তব বলে মম বল অজেয় ভারতে,  
বাদ্শার দক্ষিণ বাহু তুমি,  
সোলাপুর জয়-বার্তা শুনি দূতমুখে  
দানিলাম শত ধন্যবাদ আপনারে—  
তোমা সম বন্ধু মিলে বহু ভাগ্যফলে,  
কিন্তু কিহেতু বিঘ্ন বীরবর ?  
ঈশ্বর-কৃপায়,  
অশুভ না হয় যেন অম্বর-আলয় ।

মানসিংহ । জাঁহাপনা, কৃতঘ্ন এ দাস—

আকবর । একি কথা কহ মহারাজ !

সিংহাসনে দৃঢ় স্তম্ভ তুমি ।  
মানসিংহ । জাঁহাপনা, কৃতঘ্ন নিশ্চয়,  
নহে কেন দুর্শ্মতি এনন,  
নহে কেন হ'ল মম মিবারে গমন,  
নহে কেন করিলাম আতিথ্য গ্রহণ  
ষেচ্ছায় বাদ্শা-দেষা প্রতাপ রাণার ?  
অবনত যার পদে সমস্ত ভারত,  
প্রয়াগ তাঁহার প্রতি পক্ষ বচন,  
কি হেতু বা করিব শ্রবণ ?  
ঘৃণা হয় জাবনে আমার,  
বাদ্শা-বিদেষা জনে দণ্ডিতে নারিহু—  
তমু মম দহে অনুতাপে ।

আকবর । অদ্ভুত এ কথা মহারাজ !  
হিন্দু-মুসলমান-প্রথা আছে চিরদিন—  
যথাসাধ্য করিবারে অতিথির সেবা,  
অতিথি যতপি হয় অতি হীন জন,  
করি আপন-বঞ্চন—  
শুশ্রূষা উচিত অতিথির ।  
কিন্তু, একি বিপরীত—  
ভদ্রজন-অমুচিত এ হেন আচার  
উচ্চ মিবারের পতি সেই প্রতাপ রাণার !  
একত্রে ভোজন-পান সম্মান প্রদান  
তাহাতেও হ'য়েছে কি ত্রুটি ?

মানসিংহ । লজ্জায় না গরে বাক্ মুখে জাঁহাপনা,  
করি ঘৃণা মুসলমান-জ্ঞানে  
সম্মত নহিল রাণা একত্র ভোজনে ।  
নাহি রাখে বাদ্শার ডর,  
বাদ্শার কিঙ্করে না করিল সম্মান ।

আকবর । যেবা হয় উচিত বিধান  
কর মতিমান্ !  
ইচ্ছামত করো রাজা প্রতিশোধ দানু—  
দিল্লা-সেনা সুসজ্জিত,  
অবারিত দিল্লীর ভাণ্ডার—  
আজ্জায় তোমার হবে বাক্-প্রধান !  
কিন্তু এক বিঘ্ন ভাবি মনে—  
শুনি নৃপমণি,

রাজপুত্র-ভূপাল যত সহায় বাদসার,  
রাণা প্রতি মহা ভক্তি সে সবার ;  
হয় যদি রণ-আয়োজন,  
অসন্তোষভাজন সম্ভব হইব তাহে ।  
মিবারের রাজছত্র উচ্চ সবা হ'তে—  
রাজপুত্রগণের শূনি ধারণা অন্তরে ।  
এই যে ভূপালগণ আগত সবায়,  
সেলাপুর জয় হেতু উৎসব-কারণ—  
প্রেরি মন্ত্রীবরে, আবাহন ক'রেছি সবারে ।  
( পৃথ্বীসিংহ ও রাজাগণের প্রবেশ )  
স্বাগত হে মহীপালগণ !

সকলে । জয় 'দিলীশ্বরো বা জগদীশ্বরো বা' !  
আকবর । আসন গ্রহণ করুন সকলে ।  
দানিলেন রাজা মান অস্তুত সংবাদ,  
ছিল জ্ঞান, মিবার-প্রধান—  
স্ববিজ্ঞ, শাস্ত্রজ্ঞ, ধীর, অতি উচ্চাশয় ;  
কিন্তু শুনি যে আচার তাঁর—  
নাহি তাহে এ সকল গুণ-পরিচয় ;  
অতিথির অসম্মান শুনি তাঁ'র পুরে !  
রাজা মান না দিলে সংবাদ—  
প্রত্যয় না হ'ত মম এ হেন বারতা !  
মিবারে অতিথি হ'ল অস্বর ঈশ্বর,  
মুসলমান-জ্ঞানে তাঁরে করি অনাদর,  
কটু-উক্তি করিলেন কত !  
কহ রাজা, বন্ধুগণে মিবার-বারতা ।

মানসিংহ । শুন শুন ভূপতিমণ্ডল,  
কেহ কন্যা, কেহ ভগ্নী করিয়া প্রদান,  
করিয়াছি মোরা সবে বাদসা-সম্মান,  
রাণার বিদেহ তেই আমা সবা প্রতি ।  
অতিথি হ'লেম তার পুরে,  
শুন প্রতিদান—  
দস্তভবে সমাদর না করিল রাণা,  
কহিল কর্কশ ভাষে লক্ষিয়ে আমায়,  
'কুটুম্বিতা বাদসার সনে আছে যার,—  
স্বজাতি সে নহেক আমার ।'

১ম রাজা । এত দস্ত মিবারপতির ?

মানসিংহ । কন তিনি,—'হিন্দু নহি আমরা সকলে !'  
আকবর । মম এ ধারণা—

যোগ্য মন্ত্রী নাহি বুঝি তাঁর,  
স্বজাতির প্রতি তাঁর দ্বেষ সেই হেতু ।  
অতি বিজ্ঞ শাস্ত্রজ্ঞ হে তোমরা সকলে,  
শাস্ত্র-মর্ম্ম বুঝি জান । সম্রাট-সম্মান,—  
শুনিয়াছি গীতার প্রচার ।  
বিষ্ণু যিনি হিন্দুর ঈশ্বর,  
নর-মাঝে নরপতি তিনি,—  
তাঁর ধর্ম্ম-মতে করি সম্রাট-সম্মান  
শাস্ত্র-আজ্ঞা অক্ষুণ্ণ রেখেছ তোমা সবে ।  
কিন্তু একি, মিবার-ঈশ্বর

দৃঢ় তাঁর পণ—  
করিতে বর্জন আত্মীয় স্বজনগণে ।  
অশাস্ত্রীয় মন্ত্রণা-চালিত  
কন তিনি,—

'বাদসার সনে, কুটুম্বিতা করিয়া স্থাপন  
পতিত তোমরা সবে ।'  
নাহি বুঝি কেমন মন্ত্রণা—  
অশাস্ত্রীয় ঘৃণা !

হৃদ-বন্ধু বাদসার তোমরা সকলে,  
হেন ঘৃণা উচিত নহে তো তাঁর কভু !

মানসিংহ । কহ বন্ধুগণ,  
অপমান নীরবে কি সহিব সকলে ?

২য় রাজা । কিবা আজ্ঞা বাদসার ?  
করি ঘৃণা আমা সবাকারে,  
ক'রেছেন অবজ্ঞা রাণা স্বয়ং বাদসারে ।

আকবর । তাহা নাহি গণি,—  
শুন বন্ধুগণ, আছিল মনন,  
আক্রমণ মিবার না করিব কদাপি ।  
আছিল উদয়সিংহ পিতার বিদেহী -  
দুঃসময় যখন পিতার,  
তাঁরে বন্দী করিবার  
ক'রেছিল আয়োজন সেই মালদেব,  
সেই পিতৃ অরাতি আমার—  
পেয়েছিল স্থান সে মিবারে,

ক্রোধে ধ্বংস করিলাম চিতোর নগরী ।

উন্মুখ যৌবন—

মহা রোষে করি বহু ক্ষত্রিয় নিধন

উপজিল অহুতাপ তাহে,

সেই হেতু ভাবিতাম মনে—

রাণা-রাজ্য আক্রমণ নাহি প্রয়োজন ।

কিন্তু এবে হে অমাত্যগণ,

অপমান তোমা সবাকার—

অহুতাপ নাহি মম আর ।

এই মাত্র কহিলাম অশ্বর-অধিপে,—

হবে বাহিনী সজ্জিত অচিরাৎ,

ভাণ্ডার রহিবে মুক্ত দ্বার,

প্রতিবিধিৎসার সাধ—

হয় যদি তোমা সবাকার ।

কিবা ইচ্ছা জানাইও প্রাতে ।

সোলাপুর বিজয়ে আনন্দ করো সবে,

বিশেষ নরোজা আজি আনন্দের দিন,

রাজোচ্চানে হোক আজি উৎসব ধ্বনিত,

সে উৎসবে আপনি মিলিব—

নরোজা বাজার হ'তে ফিরি ।

চিরপ্রথা বাদসার জানতো সকলে,—

ছদ্মবেশে সমাচার গ্রহণ কারণ—

প্রজার অভাব কিবা স্ববর্ণে শুনিতে

হয় মম বাজারে গমন ।

এসো বন্ধুগণ, হব আমি স্মসজ্জিত ।

রাজা মান,

ভয়ী তব দরশন-প্রতীক্ষায়—

যাও অন্তঃপুরে ।

[ আকবর ও মানসিংহের প্রস্থান ]

১ম রাজা । মিথ্যা ইহা নয়—

দাস্তিক প্রতাপ রাণা এ কথা নিশ্চয় ।

শাস্ত্রে কয়—রাজ্যেশ্বর ধর্ম-অবতার,

ঈশ্বরের প্রতিনিধি ধরাধামে,—

কুটুম্বিতা স্থাপনে সে রাজ্যেশ্বর সনে,

পতিত কদাচ নহি মোরা ।

বিধর্মী কহেন যদি মিবর-অধিপ,

সমধর্মী মো সবার কভু তিনি নন,

কিসের সম্মান তাঁর ?

পৃথ্বীসিংহ । সে কথা'র বৃথা আন্দোলন এই স্থানে ।

চল সবে যাই রাজোদ্যানে—

রাজ-আজ্ঞা লঙ্ঘনীয় নয়,

সোলাপুর জয় তাহে নরোজার দিন.

উৎসব করিব সবে বাদসার সনে ।

[ সকলের প্রস্থান ।

( আকবর ও সেলিমের প্রবেশ )

আকবর । সেলিম তোমার মন-সাধ পূর্ণ হবে । তুমি স্বয়ং মিবর জয় করো । মানসিংহ মিবরে স্ব-ইচ্ছায় অতিথি হ'য়েছিলেন, তুমি আগায় সংবাদ দিয়েছিলে । যদি তিনি মিবরে সম্মানিত হ'য়ে আসতেন, আমি তাঁরে বিশেষ দণ্ডবিধান ক'রতেম, কিন্তু তাঁর মিবর গমনে আমার মিবর জয়ের সুযোগ উপস্থিত হ'য়েছে ।

সেলিম । সামান্য মিবর জয়ের সুযোগ-অসুযোগ কি পিতা ?

আকবর । তুমি বালক, জাননা,—সমরে রাজপুতদের দেখ নাই, বিশেষ এই প্রতাপ রাণা মহা কর্মক্ষম, সে আপনার রাজ্যের নিম্নভূমি দক্ষ ক'রে সমস্ত প্রজা-গণকে পর্বত-প্রদেশে নিয়ে গিয়েছে, সহজে কখনো দিল্লীর আধিপত্য স্বীকার করবে না । বিশেষতঃ সকল রাজপুতই মিবর রাণার সম্মান করে, তার বিরুদ্ধে অস্ত্র ধারণ ক'রতে সম্মত হ'তো না । মিবর আক্রমণে নিশ্চয় রাজস্থানে রাজ-বিপ্লব হতো, রাজপুত রাজাগণ প্রতাপ রাণার পতাকা-তলে একত্রিত হ'তো, সমস্ত রাজস্থান একত্র হ'লে, তথায় মুসলমান আধিপত্য থাকে না ।

সেলিম । পিতা, মার্জনা করুন, রাজপুতদিগের সহিত যুদ্ধে মুসলমান তো কখনো পরাজিত হয় নাই ।

আকবর । বালক, তাহার কারণ হিন্দুর ভেদ-বুদ্ধি, হিন্দুর দস্ত ! হিন্দুদের শাস্ত্র-ধর্ম আমি বুঝতে পারলুম না ! মুসলমান বেরূপ কোরাণ অভ্রান্ত বলে গ্রহণ করে, হিন্দুরা সেইরূপ বেদ অভ্রান্ত স্বীকার করে । কিন্তু হিন্দুর

ধর্মযাজকেরা বোধ হয় ঘোরতর স্বার্থ-প্রভাবে হিন্দুদের মধ্যে পরস্পর ধর্ম-বিরোধ এতদূর প্রবল করেছে, যে, তাতে এক মতাবলম্বী হিন্দু অপর মতাবলম্বী হিন্দুকে নারকী বলে ঘৃণা করে। যদি হিন্দুস্থানে কখনো কোন মহাপুরুষ জন্মগ্রহণ করেন, যার দ্বারা এই ভেদ-বুদ্ধি দূর হয়, তাহলে জানবে, যে, হিন্দুর সমস্ত জাতি সমাগরা পৃথিবীতে আর কেউ থাকবে না। হিন্দুর দাড়া, হিন্দুর ধর্মাসুরাগ অতুলনীয়। আমি চিতোর আক্রমণের সময়, রাজপুত-রমণীগণের জ্বর-ব্রতে অগ্নিকুণ্ডে বাষ্পপ্রদান শুনে, প্রথমে বিশ্বাস স্থাপন করতে পারি নাই; রাজপুত-পুরুষেরা বর্ম-চর্ম পরিত্যাগ করে পীতধড়া আচ্ছাদনে যখন মরণ-সঙ্কল্পে আক্রমণ করলে, সে দৃশ্য যে না দেখেছে, তার প্রত্যয় হয় না। সেই রাজপুত মিবার-যুদ্ধে একত্রিত হবার সম্ভাবনা ছিল, এই নিমিত্ত তোমার বার বার উত্তেজনাতেও আমি মিবারের প্রতি লক্ষ্য করি নাই। এখন সময় উপস্থিত, তুমি যুদ্ধযাত্রা করতে প্রস্তুত হও।

সেলিম। পিতা, এখন স্বেযোগ উপস্থিত কেন?

আকবর। রাণার কার্যের যতই সংবাদ পাই, ততই আমার রাণাকে একজন অধিতীয় পুরুষ বলে ধারণা হয়। আমি যদি রাণার অবস্থাগত হ'তেম, রাজ্য রক্ষার জন্য রাণা যে যে উপায় অবলম্বন ক'রে, আমিও ঠিক সেই সকল উপায় অবলম্বন ক'রতেম। কিন্তু একস্থানে রাণার দুর্বলতা দেখছি, সেই দুর্বলতার কারণও রাণার ধর্ম—যে ধর্ম-বলে রাণা আমার আনুগত্য স্বীকারে প্রস্তুত নয়—সেই ধর্মই তাঁর নিধনের কারণ হবে। তাঁর সহধর্মী হ'তেই তাঁর সর্বনাশ হবে।

সেলিম। পিতা, আপনি রাজনীতি-বিশারদ, সম্ভানকে উপদেশ দেন।

আকবর। মানসিংহ মুসলমানের সঙ্গে কুটুম্বিতা স্থাপন করে আপনাকে মর্যাদাহীন বিবেচনা ক'রেছিলেন; সমস্ত রাজপুত রাজা, যারা ভয়ে আমাদের সঙ্গে কুটুম্বিতা ক'রেছেন, তাঁরাও মনে মনে এইরূপ হীনতা স্বীকার ক'রতেন। মানসিংহ মিবারের সহিত সৌহার্দ্য ক'রে সেই হীনতা দূর ক'রবার মানস ক'রেছিলেন। যদি তিনি মিবারে আদর পেতেন, দিল্লীতে প্রত্যাগমন মাত্রই আমি তাঁরে, করাগারে স্থান দিয়ে কঠিন দৃষ্টান্ত স্থাপন

ক'রতেম; কিন্তু কি ফল হ'তো জানি না। হয়তো রাজপুতেরা আমাদের প্রতি আরো বিরক্ত হ'য়ে, রাণার সহিত মিলিত হবার চেষ্টা ক'রতো। কিন্তু রাণা মুখ, একটা প্রধান স্বেযোগ পরিত্যাগ ক'রেছে।

সেলিম। পিতা, মহাস্বেযোগ প্রাপ্তেও রাণা কখনো মুসলমান-সৈন্যের সম্মুখীন হ'তে পারতো না। স্বর্গীয় বাবর সা গয়াভূমি আক্রমণ করে তা প্রমাণ ক'রেছেন। সমস্ত হিন্দুই তাদের পুণ্যভূমি রক্ষা ক'রবার জন্যে আক্রমণ ক'রেছিল, কিন্তু চন্দ্রাঙ্কিত মুসলমান-কেতন সে সময়ে তো ভারতবর্ষে প্রবল দণ্ডে উড্ডীয়মান ছিল।

আকবর। বালক, হিন্দুর দস্তই সে পরাজয়ের কারণ। মুখ হিন্দু, বীরদণ্ডে আগ্রয় অস্ত্র ব্যবহার ক'রতে অসম্মত, বাবর সা কামান ব্যবহার ক'রলেন, হিন্দুরা বাছবলের উপর নির্ভর ক'রলে। চিতোর বিজয়ের সময় বীরবর জয়মল্ল আমার বন্দুকে হত হ'য়েছিল, বাছবুদ্ধে সেই বীরশ্রেষ্ঠ কদাচ পরাজিত হ'তো না, সেই বীরত্বের সম্মানের জন্য আমি তাঁর প্রতিমূর্তি দিল্লীর সিংহদ্বার-পার্শ্বে স্থাপন ক'রেছি।

সেলিম। রাণা প্রতাপের কি কর্তব্য ছিল, আজ্ঞা ক'রেন?

আকবর। যদি রাণার অবস্থায় আমি পতিত হ'তেম, যদি দিল্লীর সিংহাসনে হিন্দু স্থাপিত হ'তো, আর আরাবলী পর্যন্ত প্রদেশ শুধু আমার অধিকারে থাকতো, সে সময়, যদি ভয়ে অল্প অল্প মুসলমানেরা হিন্দুর বশতাপন্ন হ'তো, এমন কি হিন্দুর গায় তাদের আচরণ হ'তো, তাহলেও আমি তাদের হিন্দু বলে ঘৃণা ক'রতেম না, স্বজাতি বলে গ্রহণ ক'রে উচ্চ সম্মান প্রদান ক'রতেম—সকলকে বন্ধু ক'রতেম, তাতে যে পাতক হ'তো, তাদের সাহায্যে সমস্ত হিন্দু-বিজয় ক'রে, রাজ-সিংহাসন পরিত্যাগ পূর্বক মক্কায় গিয়ে ফকীর-বেশ ধারণ ক'রে সেই পাপের প্রায়শ্চিত্ত ক'রতেম। কিন্তু রাণা মুখ, মানসিংহকে অপমান ক'রে কেবল আত্মীয়দের পর ক'রেছে, তা নয়,—মুসলমান অপেক্ষা প্রবল শত্রু ক'রেছে। তাদের বিদ্বেষ, মুসলমান অপেক্ষা রাণার প্রতি শতগুণে তীব্র হ'য়েছে। রাজনীতি-অনভিজ্ঞ রাণা তার এই দারুণ বুদ্ধি-ভ্রমের সম্পূর্ণ প্রতিফল পাবে, অচিরে মিবার তোমার পদানত হবে।

সেলিম। পিতা, আমায় যুদ্ধে প্রেরণ ক'রে, দাসকে অতিশয় সম্মানিত ক'রুচেন। বাদসার চরণে শত শত সেলাম।

আকবর। বালক, দস্ত পরিত্যাগ কর। মিবার-যুদ্ধে মুসলমান-সৈন্য ক্ষয় ক'রো না। রাজপুত-সৈন্যের দ্বারা তোমার কার্যসিদ্ধি হবে। পিতৃ-আদেশ লঙ্ঘন ক'রো না। যুদ্ধক্ষেত্রে সাবধানে অবস্থান ক'রো, রাণার সম্মুখীন হ'য়ো না। যাও, প্রস্তুত হও।

সেলিম। বাদসার আজ্ঞা শিরোধার্য।

[ সেলিমের প্রস্থান।

( দূতের প্রবেশ )

দূত। সাহানসা, মিবার হ'তে শক্তসিংহ—

আকবর। কি, প্রতাপের ভ্রাতা উপস্থিত ?

দূত। বাদসাকে সম্মান প্রদানে উৎসুক।

আকবর। শীঘ্র ল'য়ে এসো।

[ দূতের প্রস্থান।

মুর্খ হিন্দু, মুসলমানকে ঘৃণা করো—আর ভ্রাতৃবিচ্ছেদ তোমাদের কুল-প্রথা! মিবার আমার করে অর্পণ করবার নিমিত্ত নয়ং আল্লা প্রতাপের ভাইকে আমার নিকট প্রেরণ ক'রে ছেন। গৃহভেদী শত্রু ভিন্ন হিন্দুকে পরাজয় করা কঠিন, কিন্তু হিন্দুর গৃহভেদী শত্রুর অভাব নাই।

( শক্তসিংহের প্রবেশ )

শক্ত। দিল্লীশ্বরের জয় হোক !

আকবর। শিশোদীয় বীরবর !

তব আগমনে সম্মানিত দিল্লীশ্বর !

এ সম্মানে প্রতিদান করিব প্রদান—

রাণা-সিংহাসনে যোগ্য জন সংস্থাপনে।

অগ্রজের তব বিদেষ মোগল প্রতি,

তব নির্কাসনে—

যোগ্যজনে বিদেষ প্রমাণ তাঁর !

কিন্তু ফলভোগী বিদেষের হন বা সম্প্রতি !

নাহি বাদসার শিশোদীয় রাজ্যের লালসা,

বাদসার অসুরোধ মাত্র মহামতি,

আপনি করুন নির্কাসন-প্রতিদান—  
মিবারের রাজছত্র ধরি নিজশিরে !

শক্ত।

অতি সম্মানিত দাস বাদসা-কুপায়।

আক।

অত উৎসবের দিন, মম সনে—

মিলিবে অমাত্যগণে নরোজা-উৎসবে,

তৃপ্ত হব তব দরশনে।

শক্ত।

অতি সম্মানিত দাস।

আক।

বহুকার্যে ব্যস্ত এইক্ষণে,

গুরু ভার প্রজার রক্ষণ।

ল'য়ে যাও বীরবরে উৎসব-উদ্যানে।

শক্ত।

দিল্লীশ্বরের জয় !

[ শক্তসিংহের প্রস্থান।

আক।

দেখি, আজ নরোজায় কি নূতন রত্ন লাভ হয়।

[ প্রস্থান।

## দ্বিতীয় দৃশ্য

দিল্লী—পৃথ্বীরাজের মন্ত্রণা-কক্ষ

পৃথ্বীরাজ ও রাজপুতরাজাগণ।

পৃথ্বীরাজ।

রাণা-পদে অভিষিক্ত বীরেন্দ্র প্রতাপ,

কিন্তু বাদসার কুতদাস আগরা সকলে !

প্রকাশ সম্মান দান করিলে রাণায়,

হব সবে বাদসার বিদেষ ভাজন।

জন্মি রাজপুত-কূলে এ হেন দুর্দশা !

২য় রাজা।

ধন, মান, কুলশীল বিক্রীত সকলি,

আত্মভেদ একমাত্র হীনতা; কারণ,

রহিতাম বন্ধ যদি একতা-বন্ধনে,

রাজস্থান পদানত হ'ত কি তুর্কার ?

বিফল শোচনা !

পত্র-লিপি সঙ্কোপনে করিয়া প্রেরণ,

রাণায় সম্মান দান অবশ্য উচিত।

৩য় রাজা । কিন্তু রাণা অতীব দান্তিক ।  
স্বভাতিরে করে ঘৃণা !  
না করে বিচার উপায় বিহনে -  
পরিহার মাগিয়াছি বাদসার স্থানে ।

( পার্শ্বতীর প্রবেশ )

পৃথ্বী । একি—কোন কাষ্যে হেথা আগমন ?  
অনিয়ম কাষ্য আজি কি হেতু সন্দরি ?  
রমণীর আগমন পুরুষ-সমাজে  
রীতি-বিপর্যায়—ন্যায্য কভু নয়,  
অবৈধিক কাষ্য তবে কি হেতু ললনে ?  
রাজপুত্র কুল-নারী—  
অনিয়ম কাষ্য তব নহে সুশোভন ।

পার্শ্বতী । অনিয়ম ! নিয়ম কাহার ?  
কোথায় নিয়ম ?  
হের সুসজ্জিত রাজপুত্র-নারী—  
যেতে হবে ন'রোজা বাজারে !  
নরোজা বাজার—সখের বিপনী বাদসার ।  
রমণীর হাট, রমণীর ঠাট,  
ক্রয় বিক্রয়ের বিলাস সেথায়,  
বাদসার সখ, বাদসা নাগক—  
নব তুর্কী শ্যাম নব হিন্দু অঙ্গনার মাঝে !  
হেথা কোথা রাজপুত্র-নিয়ম ?  
তুর্কী রাজধানী-মাঝে  
নিয়ম-নিয়ম তুর্কী যথা,  
সেথা কেন এ হেন বিভ্রম !  
কি হেতু বিশ্বস্ত প্রভু,  
দিল্লী ইহা—নহে রাজস্থান !  
হেথা বিজাতীয় নিয়ম চলিত—  
রবি, শশী, তারকা না হেরিয়াছে যারে,  
ব্যবসা-বাজারে রাজপুত্র-কুল-নারী !  
আসিয়া স্বভাতি-মাঝে কহ মহাশয়—  
কি নিয়ম ভঙ্গ আজি করিল কিছরী ?

২য় রাজা । সত্য, অপমান-অগ্নি প্রজ্জলিত হৃদিস্থলে !

পার্শ্বতী । নাহি কি উপায় কিছু অনল নির্মাণে ?  
শোণিত-সলিলে অগ্নি ক' কি নির্মাণ ?

স্বাধীনতা-ধ্বজা আজো উজ্জ্বল মিবারে,  
সন্তপ্ত ক্ষত্রিয় তথা পায় না কি স্থান ?

২য় রাজা । বিফল গণনা সুলোচনা—  
কে করিবে প্রতিরোধ সম্রাট-প্রভাব ?  
বার বার পরীক্ষায় জানে রাজস্থান,—  
দুর্দম মোগল চমু,  
তাহে ভেদ-মন্ত্র-সিদ্ধ দিল্লীশ্বর,  
অগোচর কিছুই তব নহে: কুশোদরি !  
ভেদ মন্ত্র বলে ক্ষত্রিয়মণ্ডলে  
বিচ্ছিন্ন একতা-ডুরি ।  
লো সন্দরি, বৃথা কেন কর' উত্তেজনা ?

পার্শ্বতী । কহ মহাশয়, ঘুচাও সংশয়,  
আত্মভেদ কি হেতু এ হিন্দুস্থানে ?  
করি স্বার্থ পরিহার,  
স্বধর্মী ভ্রাতার  
অধীনতা অঙ্গীকারে লজ্জা কি অধিক—  
বিধর্মীর পদানত হ'তে ?  
বিধর্মীরে কণ্ঠা ভগ্নী দান—  
তাহে বাড়ে মান ;  
কুলনারী প্রেরিয়া বাজারে,  
একি ভাষা জ্ঞান ?  
শত্রু যদি গণ্ডেয় এমন—অসম্ভব রণ,—  
অসম্ভব নহে ছার প্রাণ বিসর্জন !  
তুচ্ছ করো বিজাতীয় কপট সম্মান,  
রাজস্থান হ'উক শ্মশান,  
ক্ষত্র-কীর্তি রহুক অটল,  
সূর্য্যবংশে সূর্য্যাসম প্রবল প্রতাপে—  
মিবারের সিংহাসনে আরুঢ় প্রতাপ,  
সাহায্যে তাহার করি অসি উন্মোচন,  
ক্ষত্রিয়-বিক্রম কেন না হয় প্রচার ?  
রাণায় সম্মান দান সাধ যদি হয়,  
হে বীরনিচয়, পত্র দাও দাসী করে—  
আমি হবো বাহক সবার,—  
বীর-ইচ্ছা করিব প্রচার—  
মিবার হইবে উল্লাসিত ।  
যাই এবে নরোজা বাজারে!

যে হ্রদ বিধান, মতিমান, কর সবে মিলে ।  
মহা কার্যে কিঙ্করী প্রস্তুত ।

[ পার্শ্বতীর প্রস্থান ।

১ম রাজা । কি হীনতা—

রাজপুত্র-কুলনারী ন'রোজা-বাজারে !

পৃথী । একি ! বাদসার মন্ত্রী কি হেতু আগমন ?

হিন্দুর মন্ত্রণা স্থান নাহি এ দিল্লীতে !

( মন্ত্রীর প্রবেশ )

স্বাগত হে মন্ত্রীবর !

মন্ত্রী । সোলাপুর হ'য়েছে বিজয়,

এই হেতু ইচ্ছা বাদসার—

হোক মহা আনন্দ তাঁর পুরে ;

বিশেষত নরোজার দিন আজি,

আনন্দের দিন এ নগরে,

তাহে এই বিজয় সংবাদ,

সেই হেতু বাদসার সাধ—

হবেন উৎসব-রত অমাত্য লইয়ে ।

আজ্ঞা মম প্রতি—জনে জনে দিতে নিমন্ত্রণ,

শুভ আগমন হোক, সভায় সবার ।

রাজাগণ । সৌভাগ্য সবার, উৎসব বাদসা সনে,—

এ হ'তে সম্মান কিবা আছে হিন্দুস্থানে !

( আকবরের প্রবেশ )

সকলে । সাহানসা, অভিবাদন গ্রহণ করুন ।

আক । আপনি এসেছি শুভ সংবাদ প্রদানে,

দূত আসি দিল সমাচার—

জয়ী মহারাজা মান সোলাপুর রণে ।

তোমা সবে বল, বার্ষ্য ভরসা আনার,

বাদসাহ-অ'সন স্থাপিত ক্ষত্র বলে !

হিন্দু-মুসলমান সমান আমার প্রিয়,

ভারতের হিত-চিন্তা মম দিবানিশি,

তোমা সবে যোগ্য সহকারী—

ভারতের কল্যাণ সাধন

অবশ্য সাধিত হবে সাহায্যে সবার ।

সোলাপুর বিজয়ে আনন্দ করো সবে ;

বিশেষ নরোজা আজি আনন্দের দিন—

রাজপুরে হোক আজ উৎসব ধনিত ।

সে উৎসবে আপনি গিলিব —

নরোজা বাজার হ'তে ফিরি ।

চিরপ্রথা বাদসার জানতো সকলে,—

ছদ্মবেশে সমাচার গ্রহণ কারণ,

প্রজার অভাব কিবা স্বকর্ণে শুনিতে,

বাজারে গমন মম ।—

হ'য়েছে সময়, যাই বন্ধুগণ ।

সকলে ।

জয় দিল্লীশরের জয় !

[ আকবর ও মন্ত্রীর প্রস্থান ।

১ম রাজা । মিথ্যা ইহা নয়,

দার্শনিক প্রতাপ রাণা এ কথা নিশ্চয় ।

শাস্ত্রে কয় রাজ্যেশ্বর ধর্ম অবতার,

ঈশ্বরের প্রতিনিধি ধরাধামে,—

কুটুস্থিত স্থাপনে সে রাজ্যেশ্বর সনে—

পতিত কদাচ নহি মোরা ।

বিধর্মী কহেন যদি মিবার-অধিপ,

সমধর্মী কভু তিনি'নন ।

পৃথী ।

সে কথার বৃথা আন্দোলন এই স্থলে ।

হও সবে প্রস্তুত হে রাজগণ,

পরিধান কর সবে উৎসবের বেশ—

সম্রাট-আদেশ কভু লঙ্ঘনায় নহে !

সকলের প্রস্থান ।

( অসম্পূর্ণ )




# সাধের বউ

( সামাজিক নাটক )

[ মহাকাবি গিরিশচন্দ্র-রচিত “দেইজীর ভাত হোক, সতীনের পো হোক” নামক একটি ক্ষুদ্র গল্প প্রথমে রঙ্গালয় সাপ্তাহিক পত্রে ( ফাল্গুন, ১৩০৭ সাল ) প্রকাশিত হয়, পরে ‘সাধের বউ’ নামে নাট্যমন্দিরে ( ২য় বর্ষ, ভাদ্র, ১৩১৮ সাল ) ইহা পুনর্মুদ্রিত হইয়াছিল। গল্পটীতে বাঙ্গালার সামাজিক চরিত্র জীবন্তভাবে পরিস্ফুট হওয়ায় গল্পটী সাধারণের বিকট বিশেষরূপ আদৃত হয়। আমরা তাঁহাকে এই গল্পটী অবলম্বনে একখানি সামাজিক নাটক লিখিতে অসু-রোধ করি। গিরিশচন্দ্র যখন কোহিনুর খিয়েটারে, তখন তিনি এই নাটকখানি লিখিতে প্রবৃত্ত হন, নানা কারণে তিনি এই নাটকের কয়েকটি দৃশ্য লিখিয়া নিরস্ত হন।

ইহার পর ‘গৃহলক্ষ্মী’ ( ৪র্থ অঙ্ক পর্য্যন্ত ) ও ‘শান্তি কি শাস্তি’ নামক দুইখানি সামাজিক নাটক ইনি রচনা করিয়া-ছিলেন। পাঠকগণ দেখিবেন, এই নাটকে প্রদত্ত নিতাই উকীল, বৈদ্যনাথ, হরমণি প্রভৃতি কয়েকটি চরিত্রের নাম পরবর্তী নাটকে ব্যবহৃত হইয়াছে। এই নাটক ষতটুকু লিখিত হইয়াছিল, “রূপ ও রঙ্গ” সাপ্তাহিক পত্রিকায় ( ১ম বর্ষ, ২৩ সংখ্যা হইতে ২৬ সংখ্যা ) প্রকাশিত হইয়াছিল। উক্ত পত্রিকা হইতে ইহা পুনর্মুদ্রিত হইল।—শ্রীঅবিনাশ চন্দ্র গঙ্গোপাধ্যায়। ]

## প্রথম অঙ্ক



### প্রথম গর্ভাঙ্ক

মুনীন্দ্রনাথ বসুর বাটা

মুনীন্দ্র ও তাঁহার ভ্রাতৃপুত্র আশুতোষ।

মুনীন্দ্র। আশু, মা কোথায় রে? চুপ করে রইলি যে?—তিনি কি বড় বউয়ের বাপের বাড়ী গিয়েছেন না কি? এই দেখ—খামকা অপমান হয়ে আসবেন। তুই মানা করতে পারলি নে?

আশু। আজ্ঞে, কাকীমা ঢের মানা করেছেন।

মুনীন্দ্র। আমরা দু’জন আন্তে গিয়ে যে অপমান হে’য় এসেছি, তা শোনে নি?

আশু। কাকীমা সব বললেন, ঠাকুমা বলেন—“দু-জায়গায় ঘাট কাগানোয়-বড় অকল্যাণ। তাঁরও ছেলের অকল্যাণ। মকদ্দমা-মামলা যা করবার ইচ্ছে করুক গে, ঘাটটা কাগিয়ে থাক; আমি গেলে কি আর কথা ঠেলতে পারবে?” আপনাকে বলতে মানা করেছিলেন।

মুনীন্দ্র। হঁ।

আশু। কাকাবাবু, আপনি অত ভাবেন কেন? আমি কেঁদেছিলুম—আপনি কত করে বোঝালেন। আপনি অত ভাবেন কেন? আপনি অমন করে থাকেন, তাতে ঠাকুমা, কাকীমা আরও কাঁদেন। আপনি তো বলেন,—‘ভগবানের ইচ্ছা—কারো হাত নাই’।

মুনীন্দ্র। বাবা, আমি তার জন্তে ভাবি না। আমি ভাবি তোমার জন্তে।

আশু। কেন কাকাবাবু, আমার জন্যে ভাবনা কেন? আমি পড়াশুনা করি, ঈশ্বরকে ভয় করি, আমার জন্যে ভাবনা কেন?

মুনীন্দ্র। বাবা শোনো,—শুনে থাকবে, আমাদের অবস্থা খুব ভাল ছিল—বাবা যেমন কর্মক্ষম, তেমন দয়াবানও ছিলেন। অনেক জমীদারের সঙ্গে মকদ্দমা-মামলা হয়, অনেকেই হেরে সর্বস্বান্ত হয়েছিল; কিন্তু বাবার কাছে এসে পড়ায় তাদের কোনো ক্ষতি হয়নি; যে জমীদারি বাজেয়াপ্ত করেছিলেন—সব ফিরিয়ে দিয়েছেন। অনেক কারবার একচেটে করেছিলেন, কিন্তু যেই কেউ এসে বলেছে—“মশায়, আপনি ব্যবসা একচেটে করায় আমার সর্বনাশ হয়!” অমনি সে কারবারে ক্ষান্ত হয়েছেন। কিন্তু হঠাৎ দুটো ব্যাঙ্ক ফেল হওয়ায় তিন সর্বস্বান্ত হন।

আশু। কাকাবাবু, এ আমি কাকীমার কাছে কতক শুনেছি। এর জন্ত আপনি এত ভাবেন কেন?

মুনীন্দ্র। স্থির হয়ে শোনো—তোমার জেঠা মশায় বাবার উপযুক্ত পুত্র ছিলেন, তিনি ওকালতি করতেন। এই সময় ওকালতি ছেড়ে কারবার করেন। আবার সেই পূর্বের বোলবোলা হয়। বিষয়-আসায় জায়গা-জমী যা করেন, তা বাবার নামেই করেছিলেন। বাবা এ কথা জানতে পেরে তোমার জেঠা মশায়কে বলেন,—“বিষয়-আসায় তোর সব স্বোপার্জিত, আমার নামে কেন রাখছি—তোর নামে সব করে নে।” এতে তোমার জেঠা মশায়ের চক্ষে জল পড়ে। তখন বাবা আর কিছু না বলে গোপনে একখানা উইল করেন, যে, সম্পত্তি সব আমার বড় ছেলের স্বোপার্জিত; সুসন্তান—তাই আমার নামে করেছে, এ সম্পত্তির আমি অধিকারী নই। তোমার জেঠা মশায়ও এ কথা জানতে পেরেছিলেন।

আশু। কাকাবাবু, দু'জনেরই কি মাহাত্ম্য! আমি এই বংশের সন্তান, আমি কখনই নীচ হব না।

মুনীন্দ্র। ভগবান তোমাকে বংশের সুসন্তান করুন। এই জন্তই তোমার জেঠা মশায় মরবার সময় উইল করতে এত ব্যস্ত হন। তোমার জেঠা মশায়ের ইচ্ছা—তঁার স্বোপার্জিত সম্পত্তি তিন ভাগ হয়; এক ভাগ তাঁর পুত্রের, এক ভাগ আমার আর এক ভাগ তোমার। তুমি জানো, উইল করবার দু'ঘণ্টা পরে তাঁর মূর্ছা হয়, সেই মূর্ছা আর ভঙ্গ হয় না, তার পর দিন তাঁর মৃত্যু হয়। পুত্র-শোকে কি রূপে বাবার হঠাৎ মৃত্যু হয়েছে জানো?

আশু। কাকাবাবু, সে কথা আমার বুকে বিধে রয়েছে; তিনি বৃন্দাবন থেকে এসে দীর্ঘনিঃশ্বাস ছেড়ে বলেন, “দীনেন, তুই আমায় ফেলে কোথায় যাবি? আমি তোর সঙ্গে যাব!” যা বলেন—তাই হলো।

মুনীন্দ্র। স্থির হও, শুনিছ তোমার জেঠাই মা তোমার জেঠা মশায়ের উইল ভাল বলে মকদ্দমা খাড়া করবেন।

আশু। সত্যকে মিথ্যা করবেন কেমন করে? উইল তো সকলের সামনে হয়েছে।

মুনীন্দ্র। হ্যাঁ, কিন্তু তাড়াতাড়ি উইল হওয়াতে রীতিমত উকীলের বাড়ি থেকে হয় নি, আর সে উইলের সাক্ষী কেবল আমরা। কোন নামজাদা উকাল ডাক্তার সাক্ষী নাই। তার দু'ঘণ্টা পরে দু'জন সিভিল সার্জেন এসে দেখে যায়, তাতে তারা সন্দেহ করে যে, দুই ঘণ্টা পূর্বে তাঁর সম্পূর্ণ জ্ঞান ছিল কি না!

আশু। কেন, বহুনাথ বাবুতো জানেন।

মুনীন্দ্র। জানেন বটে, কিন্তু তিনি বাঙ্গালী। আর তাঁর উদারস্বভাব বশতঃ সকলে তাঁকে খাপটি মনে করে। এদিকে এঁরা ইংরেজ সিভিল সার্জেন, তাঁরা সার্টিফিকেট দিয়েছেন, দু'দিন পূর্বে জ্ঞান থাকা অসম্ভব।

(এটনি নিতাই বাবুর প্রবেশ)

আসতে আজ্ঞা হয়।

নিতাই। ‘আসতে আজ্ঞা হয়’ বলতে নাই হে; এখন বুদ্ধির গোড়ায় জল দিয়ে কি ঠাওরালে বল? (আশুতোষের প্রতি) আশু, যা পড়গে যা।

মুনীন্দ্র। না হে থাকুক।

নিতাই। ওর সঙ্গে সলা-পরামর্শ হ'ছিল না কি? খানে-খারাপ করবে দেখছি।

মুনীন্দ্র। তুমি কি পরামর্শ দাও?

নিতাই। তোমার বাপের নামে সব সম্পত্তি রয়েছে, আর পরামর্শ কি?

মুনীন্দ্র। বউএর তরফ হ'তে তো প্রমাণ করতে পারবে, যে বাবা সর্বস্বান্ত হয়েছিলেন, সম্পত্তি সব দাদার স্বোপার্জিত।

নিতাই। কেন, আমরা কি প্রমাণ করতে পারবো না, তোমার বাবার টাকায় তোমার দাদার কারবার হয়েছিল? এখনকার আদালত, তোমার দাদা যে নিজের টাকার কার-

বার থেকে তোমাদের দেবার জন্যে সম্পত্তি সব বাপের নামে ক'রেছিলেন, এমন সুসন্ধান সাগর-পারের আইন লেখে না।

মুনীন্দ্র। একটা যে প্যাচ আছে ; বাবা উইল ক'রেছেন, যে সম্পত্তি তাঁর নামে আছে, সে সমস্ত সম্পত্তি তাঁর বড় ছেলের স্বোপাঙ্কিত। (আশুতোষের প্রতি) বাবা আশু, শোন—আমার অশান্তির কারণ এই যে, যদি বাবার উইল আমি বা'র করি, আর দাদার উইল প্রমাণ না হয়, দাদার সম্পত্তি থেকে তুমিও বঞ্চিত হবে। এই স্থলে আমি উইল বা'র ক'রব কি না—এই আমার উভয় সঙ্কট হ'য়েছে। যদি আমার একা ক্ষতিগ্রস্ত হবার সম্ভাবনা থাকতো, আমি আমার বাবার উইল বা'র ক'রতে তিলমাত্র সঙ্কচিত হ'তাম না।

আশু। কাকাবাবু, এখনো ভালমন্দ বিচার ক'রবার উপযুক্ত হই নি। আমার ধারণা—আপনার দ্বারা অত্যন্ত কার্য হওয়া অসম্ভব। যা গ্রাহ্য—আপনি তা করুন। এতে আমি ক্ষতিগ্রস্ত হই আর যা হই। আমি পিতৃমাতৃহীন, জ্যেষ্ঠমহাশয় ব'লে গেছেন, আপনি আর কাকীমা আমার পিতা-মাতার স্থান পূরণ ক'রেছেন। আপনি জানবেন, মহাক্ষতিগ্রস্ত হ'লেও আপনার কার্য আমি কদাচ নিন্দা ক'রবো না।

মুনীন্দ্র। বাবা, ঈশ্বর তোমার চিরসহায় হোন !

[ আশুতোষের প্রস্থান। ]

নিতাই। ভাইপোকেওঃবেশ তোয়ের ক'রেছ দেখছি। তা খুড়ো ভাইপো বনে গমন কর, সংসারে আর খেকো না। তুমি কি ষ্টুপিড হে ! যদি আইন-আদালত না থাকতো, actual উইল তোমার দাদার মনোগত কিনা বল ? তুমি কি ব'লতে চাও, তোমার দাদার মনোগত যে, তার সম্পত্তিতে গঙ্গাধর আচ মশায়ের দেনা শোধ হয় ? তিনি আবার জমীদার হ'য়ে বসুন, আর তোমরা পথে পথে বেড়াও ? চূপ ক'রে রইলে যে ?

মুনীন্দ্র। অবশ্য দাদার ইচ্ছা ছিল যে, আমরা অংশ

পাই। কিন্তু যদি দাদার উইল না টেকে, আমরাই বঞ্চিত হব, দাদার পুত্র তো ভোগ ক'রবে।

নিতাই। পণ্ডিত মূর্খ তোমার মত ছুনিয়াম খুঁজে পাওয়া যায় না। আঁচ ম'শায়ের ধড়িবাঙ্গীটা বুঝলে না ? তোমার বাপ মরবার দু'দিন পরেই জ্বর ওলাউঠো হ'য়েছে মিছিমিছি ব'লে মেয়েকে নিয়ে গেলো। বিষয়টা পেয়ে ক'রবে কি জানো ? নিজের দেনা-গুলি শুধবে, আর তোমাদের বউ পেটভাতায় দাসী থাকবে, আর তোমার ভাইপো ছোকরা-চাকর হবে।

( ডাক্তার বৈষ্ণনাথ বাবুর প্রবেশ )

বৈষ্ণনাথ। ব্যোম্ বৈষ্ণনাথ ! কিহে—আমাদের গাওনা তো হ'য়ে গেছে, এখন তোমরাই আসর নেবে দেখছি।

নিতাই। দেখ বদে, এই মুখ্যকে বোঝাতো !

বৈষ্ণ। কি, ঠা'র বাপের উইলের কথা ? সে তো আমার আর হাত নেই, সেই উইল যদি মানুষ হতো, তা'হলে ছোটো প্রেসক্রিপসনে আমি তারে নিমতলাশায়ী ক'রতেম। ব্যোম্ বৈষ্ণনাথ ! আমায় কে বোঝায় তার ঠিক নাই, আমি ওরে বোঝাব।

নিতাই। তুমি সে উইল দেখেছ ?

বৈষ্ণ। দেখিনি,—কিন্তু সে উইল হ'য়েছে আমি জানি।

নিতাই। চোখে না দেখে তোমার অত দৈবজ্ঞের মত জেনে কি দরকার বল ? আমি তো তোমাদের family উকাল, আমায় কাগজ পত্র দাও, যা জানতে শুনতে হয়, সে এখন আমি ক'রবো।

মুনীন্দ্র। একবার মাকে এ সব কথা ব'লতে হবে।

নিতাই। উচ্ছন্ন যাও ; চল বদে, এর মুখ দেখতে নাই। দেখ, যদি তোমার moral conviction থাকে যে, তোমার দাদার তোমাদের অংশ দেবার ইচ্ছা ছিল, তাহ'লে একটা Quixotic scruple নিয়ে আপনার সর্বনাশ ক'রতে চাও কর, ঐ ছেলেটার সর্বনাশ ক'রো না।

বৈষ্ণ। দাঁড়া দাঁড়া, তোর গাড়ীতে আমি যাবো।

নিতাই। তোরে গাড়ীতে নেব কি বল ? তোর সঙ্গে দশদিন গাড়ীতে ফিরলে আমারও দফা রফা, আমায় শুক

লোক পাগল ঠাওরাবে! এতটা রাস্তা শুধু গায়ে চলে এসেছিঁস্?

বৈষ্ণ। আরে নাও, অত খ্যাপ্পা হ'চ্চ কেন? আমি না হয় কোচ বাক্সে যাব এখন।

নিতাই। তা তুমি পারো; নাও কি কাজ আছে—সেরে নাও।

বৈষ্ণ। কাজ কিছু বেশী নাই, ভায়াকে বলতে এসেছিলুম, যে যখন খুক খুক কাস্ছেন, নিউমোনিয়ার ধাত, একটু গঙ্গাঙ্গানটা কামাই দেন আজ ভোরে উঠে স্নানে যাচ্ছিলেন— দেখ লুম।

নিতাই। ওকে সাবধান ক'রতে এসেছিঁস্? ও মরে তো আমি কালীঘাটে পূজো দিই।

বৈষ্ণ। তা তুমি একলা কেন, আমি শুদ্ধ পূজো দিই। যোম বৈষ্ণনাথ! এক মাসের ভেতর আমার হাত দিয়ে তিনটে চালান যায়।

মুনীন্দ্র। না হে, আমি আছি ভাল।

বৈষ্ণ। বটে, তবে হাত-যশটা ফ'ল্লো না দেখছি। (নিতাইয়ের প্রতি) চল।

নিতাই। নে আমার এই চান্দরখানা নে, নইলে গাড়ীর পেছনে চ'ড়ে যেতে হবে।

বৈষ্ণ। আরে আমি কি নিতে নারাজ, ডজন কতক সার্ট পাঠিয়ে দিয়া না?

নিতাই। হ্যা, তার পর দিন হ'তে তুমি বিলোও, আমার তো আর পয়সা রাখবার জায়গা নাই। আয়—

[ বৈষ্ণনাথ ও নিতাইবাবুর প্রস্থান।

মুনীন্দ্র। গুরুতর সাস্তা! ভগবান, আমায় এ দায় হ'তে রক্ষা কর।

## দ্বিতীয় গর্ভাঙ্ক

গঙ্গাধর আইচের ভিতর বাটা

গঙ্গাধরের পত্নী সিদ্ধেশ্বরী ও কন্যা কুমুদিনী।

সিদ্ধেশ্বরী। দেখ মা, কাল কর্তার কাছে তোমার দেওর, দেওরপো তোমায় নিতে এসেছিল, কর্তা অম্নি অম্নি বাইরে থেকে বিদেয় ক'রে দিয়েছিল, তোমার সঙ্গে দেখা ক'রতে দেয় নি। শুন্ডি, আজ তোমার শাশুড়ী আসবেন। ওদের এক ধুয়ো হ'য়েছে কি জানো—একত্রে ঘাট কামাতে হয়, নইলে অমঙ্গল হবে! মনে মনে মতলব এঁটেছেন, তোমায় নিয়ে গিয়ে জোর ক'রে একটা লেখাপড়া ক'রে নেবেন।

কুমু। হ্যা মা, তবে যে শুন্তে পাই, যে আলাদা ষাট কামান হ'লে অকল্যাণ হয়?

সিদ্ধে। তা কেন হ'তে গেল? হাতীবাগানের টোল থেকে কর্তা বিধান এনেছে, ও মেয়েলি কথা।

কুমু। আমি মা খোকোর জন্তু ভাবি, সে হ'য়ে ইস্তক তার রোগ ছাড়ে না।

সিদ্ধে। আমাদের আর কার জন্তে আঁটপাট বল বাছা! তোমার দেওর তোমার ছেলেকে ফাঁকি দিতে চায়, এই না আমাদের আটকানো!

কুমু। না মা,—আমার দেওর মাছুষ মন্দ নয়। তোমার জামাই যার কতদিন ঠাক্কণের সঙ্গে ঝগড়া ক'রেছি বলে আমায় বাড়ী থেকে তাড়িয়ে দিতে চেয়েছে; আমার দেওর তাকে ঠাণ্ডা ক'রতো, সে আমায় গয়নাগাঁটি দিতে চাইতো না, আমার দেওর জোর ক'রে গড়াতো।

সিদ্ধে। বাছা তুমি জানো না,—ওর বুদ্ধির ভেতরে তুমি কি সের্দোবে? ও তোমার স্বগো হ'তো। জান—শাদার বিষয়, তোমায় যদি হাতে রাখতে পারে, দাদা অবর্তমানে বিষয়ের বখ'রা মারবে।

কুমু। না মা—আমার দেওরের অতশত নেই, আমার মেছো দেওর, মেছো জা ম'রে গেল,—আমাকে ছেলের মতন ক'রে মাছুষ ক'রেছে।

সিদ্ধে । আরে সেও তোমার স্বামীর মন রেখে ! ওর সব পেটে পেটে বুদ্ধি, তুমি কি জানো ?

কুমু । তবে তুমি যে বগ, আমার শ্বশুর-শাশুড়ী যখন আমার সঙ্গে বে দিতে অমত ক'রেছিল, আমার দেওর বাপ-মাকে বুঝিয়ে বে দিয়েছে ?

সিদ্ধে । সেও তোমার স্বামীর মন রেখে ; তোমার স্বামীর প্রথম মাগ মরাতে আর বে' ক'রতে চায় নি, তবে তোমার শ্বশুরের জেদাজেদে ব'লেছিল, যদি বে করি, তবে ঐ মেয়ে।—তাই তোমার বে'তে দাদার হ'য়ে লড়াই ক'রেছিল । জানে—নিজে অথচ অবচে, দাদার মন রেখে চলি, হিল্লো লাগবে । ও বিদ্যে ভুড়ভুড়ি, ঘরে ব'সে বিদ্যে ভুড়ভুড়ি ক'রেছেন—এক পয়সা এনেছেন ? ঐ জামাইয়ের টাকায় সব নপর-চপর চ'লেছে । তোমার শ্বশুর মিন্বে কি কম অধর্মে ? ছেলের রোজগারের বিষয় সম্পত্তি সব আপনার নামে ক'রে নিয়েছেন । তা ধর্ম আছে, বুড়ো দেউলে হ'তে ব'সেছিলেন, তা সঝাই জানে । কর্তা ব'লেছেন—মকদ্দমা রুজু ক'রলেই,—তোমার স্বামীর সম্পত্তি মঞ্জুর হ'য়ে যাবে ।

কুমু । তবে মা, আমার শাশুড়ী এলে কি ব'লবো ?

সিদ্ধে । কেন—যেমন যেমন ব'লবে, তেমনি তেমনি উত্তর ক'রবে, তোমায় কবে স্থখী ক'রেছেন যে তার জন্তে তোমার এত চক্ষু-লজ্জা ? তোমার শাশুড়ীই ত লাগিয়ে লাগিয়ে তোমার স্বামীর চিত্ত অন্তর করবার চেষ্টা ক'রেছিল ।

কুমু । না মা, তা হক ব'লবো, মাগী একদিনের তরে বেটার কাছে লাগায় নি । বরং আমি ঝগড়া ক'চ্ছি, সে বাড়ীর ভেতর আসছে জান্তে পারলে আমায় থামাতো ।

সিদ্ধে । আর ভেতর ভেতর লাগতো ।

কুমু । না মা, মাগীর দোষের মধ্যে কাজ ক'রতে ব'লতো ।

সিদ্ধে । হ্যা ঐ ছোট বউএর যেমন কেউ কোথাও নেই, বাদীবৃত্তি করে,—সেই বাদীবৃত্তি তোমায় ক'রতে বলেন । আর আপনি গিন্নী হ'য়ে পায়ের উপর পা দিয়ে ব'সে থাকবেন । আমি কি তোমায় বাদীবৃত্তি ক'রতে ঐ ঘরে দিয়েছিলুম ? তোমার ইস্ত্রের অঙ্গরীর মতন ঘর-আলো-করা রূপ, তুমি কি বাদীবৃত্তি ক'রতে জন্মেছ ? তা আমার পোড়া

কপাল—কি ব'লব ! ওরে দীনেন রে—বাবারে, কোণায় গেলিরে !—

কুমু । মা কেঁদো না—কেঁদো না—

সিদ্ধে । তা তোমার শাশুড়ীর যা ক'রতে হয় করো, তোমার ছেলেটির সর্বনাশ ক'রো না—রাজার বেটা ভিকিরী না হয় । একবার সে বাড়ীতে নে গিয়ে যদি তোমায় পূরতে পারে, তাহ'লে একটা কাণাকড়িও তোমার ছেলে পাবে না । আমি কি সাথে ওলাউঠো হ'য়েছে ব'লে তোমায় বাড়ীতে নিয়ে আসি ? কর্তা ওদের মতলব বুঝেই তোমায় নিয়ে এসেছে । সব কাগজ-পত্র ঠিক ক'রে রেখেছিল ; তোমায় একটা সহ করাতে পারলেই হ'তো ।

কুমু । বটে—বটে ? এমন মতলব ? আমি সে ভিটে আর মাড়াবো না ।

সিদ্ধে । এই বোঝো বাছা, তোমার তো রাগও যেমন—আবার দুটো বিষপত্র পেলে 'বরংত্রক্ষ বরংত্রক্ষ' ক'রবে । মাগী হু' ফোটা চোখের জল ফেলবে, নাকিস্বরে কাঁদবে, আর তুমি সব ভুলে যাবে ।

কুমু । হ্যা, এমনি কচিখুকিটা পেয়েছে কি না ?

( গঙ্গাধর আইচের প্রবেশ )

গঙ্গা । গিন্নি, বাড়ীতে মেছুনী কে ডাকলে ? মেছুনী কি ক'রতে সে'ধোলো ? যখন কুমুদের মাছ খাওয়া উঠেছে, এ বাড়ীতে আস পর্যন্ত আসবে না ।

সিদ্ধে । আমি কি বাড়ীতে মাছ আনি ? এই কপাল পুড়ে যাওয়া অবধি তুমি খাও না, আমি খাই না, তবে মোনার পেটে কিছু সয় না ব'লে মেছুনী হু'একটা মাছ দিয়ে যায় ।

গঙ্গা । পেটে না সয়, হোটলে গিয়ে থাক, তোমার বেটার অত আদর ক'রতে হবে না ।

কুমু । বাবা, কেন রাগ ক'চ্ছ ? মা তো মেছুনীকে তাড়িয়ে দিচ্ছিল, আমিই আসতে ব'লেছি ।

গঙ্গা । ওমা, মা—কি সর্বনাশ হ'লো ! গিন্নি, মাছ রাঁধতে হয়, আলাদা ইটের উত্তনে মাছ রেঁধো ; যেদিন আসের সংস্পর্শ হবে, সেদিন আমি ভাতের থালা ফলে দে বাড়ী থেকে চ'লে যাবো !

[ গঙ্গাধরের প্রস্থান ।

সিন্ধে। ওঃ মিসের বউড লেগেছে! জামাই-অন্ত  
প্রাণ ছিল!

( গঙ্গাধরের পুত্র ধনুর্দরের প্রবেশ )

ধনু। মা, মা, দিদির শাশুড়ী এসেছে—দিদির শাশুড়ী  
এসেছে।

সিন্ধে। যাও মা, তুমি সঙ্গে করে নিয়ে এসো, আমি  
দেখা করবো না, তাহলে মাগী নেউঁপনা করবে; যদি  
খোঁজে, বলো—পুজোয় বসেছি।

[ কুমুদিনীর প্রস্থান।

ধনু। মা, এইবার আনাদের বরাত ফিবুলো, মহেশ  
আচার্য্যি গুণেছে, দিদির বিষয় মারবো!

সিন্ধে। চুপ চুপ, কর্তা তোর উপর ভারি রেগেছে।  
তুই মুদী মাগীকে কি মকদ্দমা করবো বলে ঠকিয়ে নিষে-  
ছিস্?

ধনু। কিসের রাগ? দশ টাকা মাসোথারা দেন,  
এদিক ওদিক না করলে আমার চলে কিসে বল? এই  
দিদির মকদ্দমা আমি না হলে চলবে না তা জেনো।  
খবরাখবর কে সব আনবে—এই ধনুর্দর!

সিন্ধে। ঐ ওরা আসছে, আমরা চলে যাই আয়!

ধনু। চলে কোথায় যাবে? আড়াল থেকে শুনি  
এস না, কি সব বলাবলি করে।

[ সিন্ধেশ্বরী ও ধনুর্দরের অন্তরালে গমন।

( মুনীন্দ্রনাথের মাতা হরমণি ও কুমুদিনীর প্রবেশ )

হর। মা, তুমি আজ যাবে, আর শ্রীকৃষ্ণের পরই চলে  
এসো। তুমি বাপের বাড়ী থাকবে থাকো, তাতে তো আর  
আমার আপত্তি নেই। কিন্তু আলাদা ঘাট কামান হলে  
লোকে বলে—অকল্যাণ হয়, তোমারও কোলে একটা গুড়ো  
হয়েছে; কল্যাণ-অকল্যাণ তো দেখতে হয়। আর তুমি  
বড় বউ, সকলের কল্যাণ-অকল্যাণ তুমিই দেখবে।

কুমু। তোমাদের ও সেকলে শাস্ত্র, আলাদা ঘাট  
কামানো হলে কি হয়!

হর। মা, যদি দোষ না হবে, তিনদিনের ভেতর পতি-  
পুত্র খেয়ে এই বাড়ীতে কালামুখ দেখাতে আসি?

আমি বড় জালায় এসেছি, তুমি আমার সঙ্গে চল মা!  
আলাদা ঘাট কামান হলে বড় দোষ হয়।

কুমু। সে দোষের কথা বাবা আমায় আগে থাকতে  
বলেছেন। ঘাট কামানোর নাম করে আমায় সেখায়  
নিয়ে যাও, যেমন জাল উইল করেছ, তেমনি আমায়  
নিয়ে গিয়ে জোর করে লিখিয়ে নাও, তারপর  
আমিও ভাসি, আগার ছেলেও ভাসুক।

হর। মা, বলো না—বলো না—আমার চোখের জল  
পড়বে, আমি অনেক করে চোখের জল রেখেছি।  
আমার চোখের জলে তোমার মঙ্গল হবে না।

কুমু। আর তোমার মঙ্গল খুঁজে কাজ নেই, তোমরা  
যেমন শশুর-শাশুড়ী—তা বাবার কাছেও শুনেছি আর  
ভাগও দেখেছি। বিয়ের আগে তোমরা আমার  
বাপের নামে দোষ দিয়ে বলতে,—“ঘর ভাল নয়,  
ওখানে বে দেবো না!” তবে সে নাকি আমায় দেখে  
ঝুঁকে পড়েছিল, তাই বে দিয়েছিলে। বের পর  
তো উঠতে বসতে খোঁটা! আমি তোমার মোটুসকি  
মেজো বউএর মতন নাতি কোলে করে সোহাগ  
জানাতে জানতুম না, আমার স্পষ্টা স্পষ্টি কথা ছিল।  
তোমার বাড়ী বাদী-পাঠ করতে যাইনি তো, যে  
বাদী-পাঠ করবো? এই ক'বছর খোঁটা খেয়েছি  
আর চোখের জলের সঙ্গে ভাত খেয়েছি। শেষে  
লাগিয়ে লাগিয়ে স্বামীও ত্যাগ করতে বসেছিলেন।

হর। বউ মা, বলো না—বলো না, হাজার হোক  
গুরুলোক, গুরুলোকের অমন করে অপমান  
করো না।

কুমু। মান-অপমান কি? আমার স্পষ্ট কথা।

( দাসীর প্রবেশ )

দাসী। দিদিমণি, মাঠাকরুণ বলছেন, বেন ঠাকরুণ  
এইখানে সন্ধ্যা-আরু ককরন, যদি পায়ের ধুলো  
দিয়েছেন, একটু মিষ্টিমুখ না করে মাওয়া  
হবে না।

হর। না মা, বেন ঠাকরুণকে বলো, আমি তাঁর মেয়ে আর  
দৌহিত্রের কল্যাণের জন্তে এসেছিলাম—মিষ্টি মুখ  
করতে আসিনি। তা হ'লো না, কি করব!

[ হরমণির প্রস্থান।

কুমু। ওঃ ফড়কে চলে, আমি তো ভয়ে মলুম !

( ধনুর্ধরের প্রবেশ )

ধনু। দিদি, বেশ ব'লেছি—খুব শুনিয়েছি, মা'তে  
আমাতে আড়াল থেকে সব শুনেছি। তুই গেলে ধরে-বেঁধে  
লিখিয়ে নিতো। কাল যখন তোর দেওর আর  
তোর দেওর-পো বাবার কাছে এলো, তখনই আমি  
বাবাকে সাবধান ক'রেছি, আমি পূর্ণাবুর কাছে পাকা খবর  
পেয়েছি, ওরা ভারি জালিয়াত।

কুমু। তুইও যেমন মোনা, আমি ছেলে বিউলুম,  
আমি কি কাঁচা মেয়ে ?

ধনু। দিদি, তোর সব ভাল, ঐ একটা দোষ। আমার  
মন্মথ নাম রেখেছিল, আমার কেরামতিতে সবাই আমায়  
ধনুর্ধর বলে। তুই ধনুর্ধর বলতে না পারিস,—মোনা  
বলিস, মোনা ব'লে তোর সঙ্গে আর কথা কব না।

কুমু। ও কি একটা বিট্কেল নাম ক'রেছিস ?

ধনু। বিট্কেল নাম ?—ধনুর্ধর মানে কি জানিস ? —  
বাহাদুর !

কুমু। আচ্ছা আচ্ছা, এত বেলা হ'য়েছে—এখনও খাস  
নি ? কি ক'রে বেড়াচ্ছিস ?

ধনু। এই তোমার ধাক্কায় ঘুরছি, চারদিক সামলাচ্ছি,  
কোন দিক থেকে কেউ না তে'মায় ছে। মেয়ে নিয়ে যায়।

কুমু। আর সামলে কাজ নেই, খাবি আয়।

ধনু। রসো, তোমার মতন তো নেই, মাথায় ঘটা দুই  
জল ঢাললুম আর হকিষি চড়ালুম ? আমার এখন  
ঢের রকমারি আছে, তবে স্নান ক'রবো।

[ ধনুর্ধরের প্রস্থান।

( ধনুর্ধর পত্নী নৃত্যকালীর প্রবেশ )

নৃত্য। ঠাকুরঝি, তুমি এসোগো এসো। ওর কি, ও  
এখন আঁচার্ঘ্যর আড়ডায় গিয়ে একশো ছিলুম  
গাঁজা টানবে, তারপর তিনটের সময় নাবে-খাবে।  
আর ঠাকুরকেও বলি, এই শোকা-তাপা হ'য়ে  
এসেছ, সকাল সকাল নাইয়ে, একটু জল খাইয়ে ঠাণ্ডা  
রাখবে, তা নয়—আপনিও শোক ক'রে দাঁতে দাঁত  
দিয়ে প'ড়ে থাকবে, আর তোমারও খোঁজ নেবে না। আর

ঠাকুরঝি, তোমায় একটা কথা বলি, ঠাকুরজামাইএর শোকে  
মাছ ছেড়েছেন. ওর আমাশার ধাত, মাছ ছাড়া সহিবে না,  
তুমি বুক বেঁধে বুঝিয়ে-সুজিয়ে মাছ খাইও। আহা জামাই-  
এর শোকে মিলে মাগী জরজর হ'য়েছে।

কুমু। চল বোন, আমি ভয়ে কাছে যেতে পারিনে,  
আমায় দেখলে বাবার চোখ অম্নি ডব'ডবিয়ে আসে !

নৃত্য। আহা, জামাই-ছেলে কি ভিন্ন !

[ উভয়ের প্রস্থান।

## তৃতীয় গর্ভাঙ্ক

পরলোকগত দীনেন্দ্রবাবুর ব্যবসার অংশীদার

পূর্ণচন্দ্রের বহির্কীর্টি

মুনীন্দ্র ও পূর্ণচন্দ্র।

মুনীন্দ্র। ভাই পূর্ণ, হাতে তো এক পয়সা নাই ; বড়বউ  
ঠাকুরণ মকদ্দমা রুজু ক'ছেন করুন, তার জন্তু ভাবি নি ;  
কিন্তু এখন তো আমাদের শুদ্ধ হ'তে হবে ? আর গয়না  
বন্ধক দিয়ে তো 'নমো নমো' ক'রে শ্রাদ্ধ ক'রতে পারি  
নি, তুমি কারবার হিসাবে কিছু টাকা দাও।

পূর্ণ। আরে ভাই, শোননি—আমার যে হাত-পা বেঁধেছে,  
কি ক'রে টাকা বার ক'রবো ? তোমার বড় ভাজের  
তরফ থেকে উকীলের চিঠি এসেছে, কারবারের টাকার এক  
পয়সা যেন না দেওয়া হয়।

মুনীন্দ্র। তা তুমিই কিছু ধার দাও।

পূর্ণ। যা হোক একটা ক'রতে হবে ; কেবলরামের  
নামে খাতা আর ক্যাস জিন্মে ; দেখি, ও যদি রাজী হয়,  
যেন ক্যাস থেকে তোমায় হাওলাত দিয়েছে, কাজ তো চ'লে  
যাক।

মুনীন্দ্র। কেবলরাম কি ক'রে দেবে বল ?

পূর্ণ। কি জানো, উকীলের চিঠিখানা দিয়েছে। তোমা-  
দের টাকা তুমি নেবে, আমার কাছে আর ধার ক'রবে  
কেন ? ই্যা দেখ, ঐ উকীলের চিঠি দেখে কেবলা বড়

রেগেছে, সে বলে,—“দাদা, আমার হাতে তো খাতা, আমি দীনেস্তের নামে দেনা খাড়া করি, তার পর দেখি, গঙ্গাবর আঁচ মকদ্দমায় কি ক’রে কি নেয়।”

মুনীন্দ্র। পাগল!

পূর্ণ। আমি ধম্কালাম, সে খেপে ব’সেছে; বলে,—“আমি মুনীন্দ্রকে রাজী ক’রবো, তুমি কিছু বলো না।” নূতন খাতা-পত্র সব কিনে এনেছে।

মুনীন্দ্র। না না, তুমি তারে বারণ ক’র।

পূর্ণ। তুমি একটু লিখে তো দিয়ে যাও যে, পূর্ণ যা বলে ক’রো, তুমি আপনার বুদ্ধি খাটিও না। আমার মতামতের দরকার নাই। মুখকে থামাই, আদ্যেক খাতা ব’দলে ফেলেছে।

মুনীন্দ্র। আমি তারে বারণ ক’রে দেব। তার সাদা প্রাণ, প্রাণের উচ্ছ্বাসে কি ব’লেছে; আর তার খাতা বদলাবার মত ফেরাবি বুদ্ধি নাই। এখন টাকার কি ক’চ্চ বল?

পূর্ণ। তাই তো, একটা উকীলের সঙ্গে পরামর্শ—

মুনীন্দ্র। আর পরামর্শ কি ক’রবে, তুমি ধার দাও না?

পূর্ণ। আমার হাতে তো টাকা নাই, ব্যাঙ্কে কারবারের টাকা জমা আছে।

মুনীন্দ্র। তা তুমি আমার সঙ্গে কোথাও জয়েন্ট হ্যাণ্ড-নোট দাও। টাকা না হলে তো শুদ্ধ হ’তে পারবো না।

পূর্ণ। ঐটা ভাই, আমার principle এর against; কারো সঙ্গে handnote এ join ক’রবো না।

মুনীন্দ্র। তা না হ’লে তুমিই কোথা থেকে ধার ক’রে দাও?

পূর্ণ। ধারও আমার principle এর against.

মুনীন্দ্র। পূর্ণ, তুমি তামাসা ক’চ্চ না কি, আমি বুঝতে পারি। তুমি দাদায় সঙ্গে অনেকবার joint হুণ্ডিতে সই ক’রেছ আমি স্বস্বক্ষে দেখেছি। তুমি দাদার বাধ্যবন্ধু, তিনি তোমায় শূনা বখরাদার ক’রে ক্রমে তোমায় পাঁচ আনা বখরা দিয়ে গিয়েছেন, তাইতো তোমার এই উন্নতি। তাঁর আশঙ্ক হয় না দেখেছ, আর তুমি ব’লছ তোমার principle এর against?

পূর্ণ। তা ভাই, তুমি রাগ কর তো নাচোর! আমার নিজের থাকতো তো দিতুম।

মুনীন্দ্র। পূর্ণ, এখন বুঝছি, কেবলরাম খাতা বদলাতে

চায়নি, তুমি আমার মত নিয়ে কেবলরামকে দিয়ে খাতা বদলাবে, আঁচ ক’রেছ। তা তোমার দোষ কি? সময়ের দোষ! দাদা তোমায় ভাইয়ের মতনই দেখতেন, আমার সঙ্গে কখনো তোমায় তফাৎ করেন নি। কোন ভাল জিনিষ এলে, তোমার বাড়ী না আগে পাঠিয়ে খান্নি, আজ তুমি আমায় principle দেখালে? ভাল, জীর গহনা বাঁধা দিয়ে তিলকাঞ্চন ক’রে সার্ববো, আর আমা দ্বারা কি হবে?

( গান গাহিতে গাহিতে বিষ্ণুপ্রিয়ার প্রবেশ )

( গীত রচিত হয় নাই )

বিষ্ণু। ওরে তুই এখানে? আমি তোরে চাব্দিক খুঁজছি। ছিরে তো ভাই আমার জ্বালাতন ক’রেছে।

মুনীন্দ্র। তা ঠান্দিদি, আমার কাছে এসেছ কেন? দাদা তো নাই, যে ছিরে তোমায় বেনারসী কাপড় প’রে তার কাছে আসতে বলে,—অমনি তোমায় বেনারসী কাপড় এনে দেবে—চূড়ি গড়িয়ে দেবে।

বিষ্ণু। ওরে না, ছিরে আমায় জ্বালাতন করেছে কি জানিস?—ছিরেকে একজন দু’ হাজার টাকা দিয়েছে আর আমায় একসুট ভাল গয়না আর বেনারসী কাপড় পাঠিয়ে দিয়েছে। আমি মনে ক’বলুম, গয়না-গাটি প’রে ভাল কাপড়-চোপড় প’রে ছিরের কাছে শোবো। আমি সেজে-গুজে ছিরের কাছে গিয়েছি, ব’লবো কি ভাই, সে রাগ ক’রে আমায় ঝড়ার দিয়ে, এই গেরুয়া কাপড়খানা ছুবিয়ে রেখেছিল, তাই প’রতে দিয়ে ব’লে,—“যা. এই দু’ হাজার টাকা আর এই গয়নার বাক্স মুনীন্দ্রকে দিয়ে আয়। এ গয়না বেচলেও হাজার টাকা হবে। এই সব ভারে দিয়ে আয়।”

মুনীন্দ্র। তা ঠান্দিদি, আমি এ সব নেব কেন?

বিষ্ণু। পোড়া দশা! ছিরে বুঝি তোমায় অমনি দিচ্ছে? সে তেজস্বরতি ক’রবে, ব’লে,—“দিয়ে আয়, এ সব সুখে খাটবে। পাঁচ বছর সুখে খাটলে আমার ভোগের কিছু হবে।” সে মুখ ঝাম্টাই কি? তুমি নাও ভাই, আমায় নিস্তার কর, তুমি না নিলে আমি ছিরের কাছে গিয়ে যেতে পারবো না, সে আমায় ঘর চুকতে দেবে না।

মুনীন্দ্র। তুমি এ সব কোথা পেলে?

বিষ্ণু। আমি কোথায় পাব? ছিরের তুলসী নে গিয়ে



ব'ড়োর জমিদারের ছেলে হ'য়েছে, তাই সেই জমিদার ছিরেকে দিয়ে গেছে। তাই ছিরে তোরে ধার দিয়েছে।

মুনীন্দ্র। কি সুন্দর লাগবে ?

বিষ্ণু। সে তোরে দাদার সঙ্গে ছিরে কড়ায়-গণ্ডায় হিসেব ক'রে বন্দাবনে নোব। এই তোরে কাছে দিয়ে গেলুম, আজ ছিরের আদর দেখবি!—ছিরে আজ আমার গোলাম হ'য়ে থাকবে।

মুনীন্দ্র। ঠান্দিদি—ঠান্দিদি, আমার পা'পর কি প্রায়-শিষ্ট আছে? দাদার কাছ থেকে তুমি কাপড় নিতে, গয়না নিতে, কখনো দাদাকে রাত্রে বাড়ী নে যেতে—পাপ মন, কত কি মনে হ'য়েছে—আমার অপরাধের কি মার্জনা আছে?

বিষ্ণু। ছিঃ ছিঃ ছিঃ—অপরাধ কিরে? তুই আর বেশী কি মনে ক'রেছিস? আমি তো কুলের বার হ'য়েছি। ছিরের সঙ্গে প্রেম করা যা, আর জগতের সঙ্গে প্রেম করাও তা। (প্রস্থানোচ্চতা)

( কেবলরামের প্রবেশ )

কেবল। ঠান্দিদি, মদ খেয়েছি, পা-টা ছৌব না। অথচ অবদ্যে আছি, একটু নেকনজর আমার উপর রেখো।

বিষ্ণু। রাগবো না?—তোরে জন্তে প্রাণ আমার সদাই কাঁদে।

[ বিষ্ণুপ্রিয়ার প্রস্থান।

মুনীন্দ্র। পূর্ণ, চল্লুম।

পূর্ণ। রাগ ক'রো না?—রাগ ক'রো না। তোমার দাদারও যেমন দরাজ হাত ছিল, তোমারও তেমনি দরাজ হাত। আমি ভেবেছিলুম, দশ বিংশ হাজার কি খরচ ক'রতে চাইবে, তাই একটু টানাটানি ক'চ্ছিলুম।

মুনীন্দ্র। আমি বিশ্বাস ক'রবার চেষ্টা ক'রবো, নইলে ম চব্বের উপর আমার ঘৃণা জন্মাবে।

[ মুনীন্দ্রের প্রস্থান।

পূর্ণ। কেবল, আমি ভেবেছিলুম, শুধু দীনেন্দ্র ও বেটীর পিরীতে প'ড়েছিল, তা নয়, দেখছি ও বেটাও তার পিরীতে প'ড়েছিল। বেটা দীনেন্দ্রের শ্রাদ্ধে দু'হাজার টাকা নগদ আর এক বাস গয়না দিয়ে গেল! তোরে সঙ্গে তো

ভাবসাব দেখছি—একদিন আমায় ওর বাসায় নিয়ে যেতে পারিস?

কেবল। দাদা, কুবুদ্ধিতে তোমায় জেতে, গঙ্গার এ পারে কেউ নাই। কিন্তু ছটাকখানেক তোমার সুবুদ্ধি যদি থাকতো, তাহ'লে ও বেটীকে কতক চিন্তে।

পূর্ণ। কেবল, ছইস্কি খাবি?

কেবল। না দাদা, আমার আধখানা যে খাঁটা বরাদ্দ আছে, সেই ভাল!

পূর্ণ। দেখ দেখি—কেমন চমৎকার ছইস্কি! দাঁড়া, বোতল খুলে সোডা ওয়াটার বরফ দিয়ে এক গ্লাস তোরে জমিয়ে দিই। এমন ছইস্কি কখনো খাস নি।

কেবল। খাব না কেন?—সেই যে আর একবার অমনি চমৎকার ছইস্কি খাইয়ে দিয়েছিলে?

পূর্ণ। এমন ছইস্কি কখনো খাস নি।

কেবল। আর না কেন?—সেই যে যখন গ'নো ছৌড়াকে হাণ্ডনোট কাটাবার জন্তে আমায় তারে আন্তে পাঠাও?—তেমন ছইস্কিও খাইনি আর তেমন দরোয়ানের রদাও খাইনি। এক গ্লাস খাইয়ে দিয়ে ট্রেণে চড়িয়ে দিলে, তখন কি আমি অমন ছইস্কির ধাত বুঝি! ছইস্কিরও যেমন রস আর সেই ছৌড়ার বাপের দরোয়ানের রদারও তেমনি রস!

পূর্ণ। একবার খেয়ে দেখ—এমনি ছইস্কি এক কেস প্যারী বেটীর বাড়ী এনে তুলেছি।

কেবল। কেন দাদা, বিডন ষ্ট্রীটের মামী বেটীর মতন নয়টার পর ছৌড়া বেটীদের প্যারীকে দে মদ বেচ'বে নাকি? তা লাভের ব্যবসা বটে।

পূর্ণ। দূর! আমি মদ বেচ'বো?

কেবল। আর জালাও কেন দাদা! পয়সা পেলে মহা মাংস বেচো।

পূর্ণ। খেয়ে দেখ—কেমন ছইস্কি।

কেবল। সেবারকার মত খুলে টুলে সব ঠিক ক'রে এনেছ? তা দাদা, হাণ্ডনোট কাটান ছুটলে ব্যবসাগুলো তো দীনেন্দ্রের ভগ্নে সব ছেড়েছিলে, সেই গ'নোর নানে মিছে ডিক্রী ক'রে দীনেন্দ্রের কাছে দিব্যি ক'রে তো ও কাজে ইস্তফা দিয়েছ।

পূর্ণ। চোপ ছুঁচো, মিছে ডিক্রী?—আমার কত ধারতো, তা জানিস?

কেবল। আহা তা আর জানি না! গ'নোর মার বাক্সভরা গহনা বেচা টাকায় দু'বৎসর ইয়ারকি চ'ল্লো, খুদাকে রাখলে। খুদীবেটী আজও সকালে উঠে সেই কথা নিয়ে আমাদের শুদ্ধ চোন্দপুরুষের শ্রদ্ধ করে। তার সেকলে গয়না ভেঙ্গে ভারি ক'রে অনন্ত আর চুড়ি গড়িয়ে দিচ্চ নয় ?

পূর্ণ। নে খা—খা।

কেবল। লোভ সামলাতে তো পারি নি, দাও—খাই।

পূর্ণ। এদিক ওদিক দেখ্ ছিস্ কি ?

কেবল। দেখ্ছি—রদা দেবার জন্ম কারুর দরোয়ান খাড়া আছে কি, কি ?

পূর্ণ। কেমন মাল ?

কেবল। পাঁচ সিকে খরচ ক'রে আধখানা এনেছ দাদা!

পূর্ণ। দেখ্, আমি দীনেস্ত্রের জন্ম বড় ভাব্চি।

কেবল। রসো, আর এক গ্রাস দাও—একটু নেশা হোক, মাথাটা একটু গুলিয়ে যাক্, তারপর ভেবো। আমার মাথা গুলিয়ে গেলে যা ব'লবে, যাহোক একটা ক'রে ফেলবো। এখনো হ'শ আছে, তোমার মতলব বুঝে ফেলবো।

পূর্ণ। আর বোঝাবুঝি কি ?—দীনেস্ত্র কত বড় আমা-দের উপকারী, তা তো জানিস্ ?

কেবল। ব'লে যাও, শুন্চি।

পূর্ণ। ছেলেবেলাকার আলাপ ব'লে, পয়সা কড়ি না নিয়ে তার ব্যবসায় এক আনা থেকে পাঁচ আনা পর্য্যন্ত বখ'রা দিয়েছে—আর শ্লিপারের ব্যবসা চ'ললে দু'আনা পর্য্যন্ত দিতে চেয়েছিল।

কেবল। আমার জেন্মায় তো বরাবর খাতা রেখেছে, আমি তো সব জানি, আমার কাছে, অত খুঁটিয়ে বয়ান কেন ?

পূর্ণ। সে বেচারী এখন মারা গিয়েছে।

কেবল। সে তো:তোমার আগে আমি জানি, আমি তো ক'দিন সেথায় ছিলাম।

পূর্ণ। দেখ্, তাদের বড় বিপদ !

কেবল। শুনেছি, দীনেনের স্ত্রী, তার বাপের ধান্নায় নাগিস রুজু ক'রবে, যে দীনেনের উইল জাল।

পূর্ণ। আমি মনে ক'চ্চি, আমার জীবন থাকতে যতদূর

পারবো, দীনেস্ত্রের ভায়ের আর ভাইপোর উপকার ক'রবো।

কেবল। দাদা, এইবারে মদ দাও। মাথা গোলাক, এতক্ষণ ফাঁকা ব'ক্ছিলে, এইবার মতলব বা'র করলে।

পূর্ণ। নে—খা। ফাজ্জলিমি করিসনে—স্থির হ'য়ে শোন্।

কেবল। শুন্ছি, ভাই-ভাইপোর উপকার ক'রবে।

পূর্ণ। মকদ্দমা বাধলে তো কিছুই থাকবে না। তাই মনে ক'চ্চি, কারবারে দীনেস্ত্রের নামে যদি হাজার পঞ্চাশ দেনা ক'রে রাখতে পারি।

কেবল। হাঁ, লাখ টাকা পাওনা,—যদি পঞ্চাশ হাজার দেনা ক'রে রাখতে পারো,—বাহবা দাদা, বাহবা—আর এক গ্রাস মদ দাও, এখনো মাথাটা তোমার কাজের মতন পাকা রকম গুলোয় নি।

পূর্ণ। মুখ, বুঝ্তে পাচ্চিসনে, যদি দেনাটা ক'রে রাখতে পারি, যখন মকদ্দমায় সর্দস্ব যাবে, কারবারেব দেনার দক্ষণ তার ষ্টেট থেকে পঞ্চাশ হাজার টাকার সম্পত্তি 'ক্রেম' দিয়ে বাঁচাবে, আর লাখ টাকা তো তার পাওনাই আছে। এই তার ছেলেকে পঞ্চাশ হাজার, ভাইপোকে পঞ্চাশ হাজার আর ভাইকে পঞ্চাশ হাজার দেবো—মতলব ক'রেছি।

কেবল। দাদা, তুমি বখ'রা খেয়েছ, তোমার দ্বারা এ উপকার হ'তে পারে; আমি খাতা লিখতুম বই তো নয়, দীনেস্ত্র দিলদরিয়া ছিল, হাত তুলে না হয় কিছু দিত। আমা-দ্বারা যে একবারে লাখ টাকা গাপ ক'রে পঞ্চাশ হাজার চাপান, তা হ'য়ে উঠবে না। আমি যদি জোর বল, হিসেব নিকেশটা ক'রতে দিন পনের দেবী ক'রতে পারি। এর বেশী উপকার আগার দ্বারা হ'য়ে উঠবে না, প্যারীর বাড়ীর কেসকে কেস হুইস্কি খাওয়ালেও না। তোমার খাড়া শানাবার আঁচ আমি রতনখড়োর কাছে কতক পেয়েছিলাম। আমি খাতা-পত্র সামলেছি দাদা! সে সব হাতছাড়া হ'য়ে গেছে। আমি এখন মনে ক'রলেও ওদের উপকার ক'রতে পারবো না তোমার হুইস্কি পেয়ে চ'লে প'ড়লেও না।

( ধনুর্দ্বরের প্রবেশ )

ধনু। পূর্ণবাবু—পূর্ণবাবু, মতলব আঁটতে হবে, মতলব আঁটতে হবে, বাবা তোমায় ডেকেছে। তোমায় সাক্ষী দিতে হবে, বোনাইবাবু সাত দিন অজ্ঞান হ'য়েছিল।

পূর্ণ। সে কি? আমি তা পারবো না—আমি তা পারবোনা। তবে তোমার বাপ ডাকছে, আমি একবার যাব। (কেবলরামের প্রতি) দেখ কেবল—বাবা, যা বললুম, যদি না করিস, তাহলে দূর করে দেবো। এখন তো আর দীনেজ্ঞ নাই যে, তোমার চাকরী বজায় রাখবে—পথে পথে ভিক্ষে করে খেতে হবে।

কেবল। দাদা, ভিক্ষে করে খাই সেও ভাল, জাহাজে করে আশ্রয়ানে যেতে নারাজ আছি।

[পূর্ণের প্রশ্ন।

ধনু। কেবলরাম, মহেশ আচার্য্য গুণেছে, তুইও ধড়ি-ধাক্কা টাকা মেরে দিবি।

কেবল। তোমার বাপের মতন মেয়েও নাই, তোমার মত বোনও নাই।

ধনু। মহেশ আচার্য্য গুণেছে, আমার ঐ এক বোন হ'তেই সব দিক জলজলাট হবে। দেখিস না, কাল মহেশ আচার্য্য চক্র করবে, তোকে নিয়ে যাবো; কেমন তোর বরাত খুলেছে কি না দেখিস।

কেবল। আমার বরাতটা কোন্ দিক দিয়ে খুলেছে, তা তো বড় আঁচ পাচ্ছি নি; বরাত—তোমার বাবা খুলবেন, না মহেশ আচার্য্য খুলবেন?

ধনু। বাবাও খুলবে, মহেশ আচার্য্যও খুলবে।

কেবল। হ'তে পারে। আজ যখন দাদার ছইন্ধি খেয়েছি, তখন নিদেন পাহারাওয়ালার গুঁতোগাঁতাটা খাওয়ার সম্ভব।

ধনু। বাবা তোরেও ডেকেছে।

কেবল। তাই তো, রকমখানা কি রকম বল দেখি?

ধনু। বাবার মতলবের ভেতর কে সেঁধেবে বল? শাস্ত্র খুলবে আর কি বিধেন বাঁর করবে। দিদির দেওরকে উকীলের চিঠি বেড়ে সব পাওনাদারকে খামিয়েছে।

কেবল। সে তোমার বাবা আমার পূর্ণ দাদার জুড়ী,—তা আমায় নিয়ে কি মতলবটা?

ধনু। আমার বোধ হয়, ঐ বোনাইবাবু মরে ইস্তক বাবা মাছ খায় নি, আমার বোধ হয়, রাত্রে তোকে দিয়ে হোটেলের কিছু জোগাড় করবে।

কেবল। না, ভ্রম ফিকে কাজে ডাকেন নি। এখন

পুনো দাদাকে ডেকেছেন, তখন আমায় দিয়ে কিছু হলপ্ টলপ্ করাবেন বোধ হয়।

ধনু। তা করবি, ভয় কি? এখন আয়, কোথাও জমী নিই গে।

কেবল। না, দাদার ছইন্ধি খেয়ে ডোরা আসছে, উঠোনেই গিয়ে জমী নিতে হবে।

[উভয়ের প্রশ্ন।

## চতুর্থ গর্ভাঙ্ক

গঙ্গাধর আইচের বহিষ্কৃতি

মহেশ আচার্য্য ও ধনুর্ধর।

মহেশ। বলি, তোর বাপের কাছে নিয়ে এলি কি করতে? সেখায় তো জল গ'লবে না, ততক্ষণ একটা রাড়ী-ভুঁড়িকে দম দিলে কাজ আসতো। ঐ মণ্ডলের বাড়ী হোম করে ইস্তক নামটা কিছু দেবে গিয়েছে। হোম করার সাত দিন না যেতে যেতে তিনটে ছেলে ওলাউঠোয় স'রলো; বিদায় চাইতে গিয়েছিলুম, কেলে মণ্ডল বেটা কানমুটি দিয়েছিল।

ধনু। তোর যে বোকামো, তিন তিনটে মরে গেল, আর তুই বিদায় নিতে গিয়েছিলি?

মহেশ। আমি বাড়ী গিয়েছিলুম; বাড়ী থেকে এলুম, আর ঐ নিদে আচার্য্য দম লাগালে, বললে,—“মণ্ডলের বড় বেটার চাকরী হ'য়েছে, কিছু ভারি করে বিদেয় নিবি।”

ধনু। আর ঐসেদিন যে রঙ্গীর মার হোম করলি, তাতেও তো বেশী মেরেছিস?

মহেশ। সেই থেকে আরও পশার নেবে গিয়েছে। হোম করোঁছিল—রঙ্গীর ম'মুকে বশ করবার জন্তে; তা হোমটাও করা, আর তার মালুঘটাও ত্যাগ। সেই থেকে মাগী-ফাগী আর বড় ঘেঁসেছে না।

ধনু। বটে! আর যে কাদী আনাগোনা ক'ছে?

মহেশ। সবে তার মালুঘ তিন দিন দেশে গিয়েছে। দিন পনের কাটুক, সেদিকেও সে বেটা হামলাতে থাকুক, আমিও

হোম করি, সে বেটা হাম্লে এসে পড়ুক। দু'দিন একদিন রাগ ক'রে দেশে গেলে কি আমার হোমের ধোঁয়ায় আসে? যে বেটা এসে বলে, তার মানুষ দিন পাঁচ ছয় গিয়েছে, তারে বল,—“আমি এখন ব্যস্ত আছি, আর হস্তার শেষে আসিস্।” এখন তোমার বাড়ীর কাজটা কি?

ধনু। তুই যে গুলি, দিদির বিষয় মারুবো, তা দিদি যে মকদ্দমা ক'রতে চাচ্ছে না? সে বলে, তার শাওড়া সেদিন তারে নিতে এসেছিল, সে যায় নি, সেইদিন থেকে তার ছেলের অস্থখ।

মহেশ। সে দু'দিনে তোমার বাপ-মা বাগাবে। তবে আর তোমার বাপ মাছ ছেড়েছে কি ক'রতে? আর টিপ্‌নি-টাপ্‌নাটা ঝাড়তে হয়, সে আমি মূতন পাঞ্জি শোনাতে এসে ঝেড়ে যাব।

ধনু। ঐ বাবা আসছেন, কি বলেন—শোন্।

(গঙ্গাধর আইচের প্রবেশ)

গঙ্গা। মহেশ, বড় মুন্সিলে পড়েছি।

মহেশ। আর মুন্সিল কিসের? যখন মেয়ে এনে ঘরে পুরেছ, মুন্সিল আসান হ'য়ে গেছে। তোমার কপালে রাজদণ্ড মতন বুধের দণ্ড ঠেলে উঠেছে।

গঙ্গা। আরে সব দিক কাঁচতে ব'দেছে। ঐ নিতে উকীল বেটা এক মতলব ক'রেছে, দীনেন্দ্রের উইল ব'রু ক'রবে না। ওর বাপের নামে সম্পত্তি, মুনীন্দ্র তার অধিকারী। মুনীন্দ্রকে দিয়ে administration নেওয়ালেই বিশ্বর জল বাগ্‌ড়া-বাগ্‌ড়ি। দীনেন্দ্রের স্বোপা-র্জিত বিষয় প্রমাণ করা বড় মুন্সিল।

মহেশ। সে কেন ভাব্‌ছ? আমি আঁচ গেয়েছিলুম, মিলে লিখে রেখে গেছে—বিষয় তার ছেলের স্বোপা-র্জিত।

গঙ্গা। বলি, সে কাগজ এখন কোথায় পাই?

মহেশ। তা আমার কি বল?

গঙ্গা। শুন্‌ছি, বড়ী তোকে বড় মানে।

মহেশ। মানে বলে কি আমার লোহার সিদ্ধুক খুলে দেয়?

গঙ্গা। তুই দম্‌সম্ দিয়ে বা'র ক'রতে পারবি?

মহেশ। ও সব মতলবের কাজ নয়—ও সব মতলবের কাজ নয়। পূর্ণ আমার মতলব দিয়েছিল, কিন্তু আমি সাহস ক'রে এগুতে পাচ্ছিনে। পূর্ণ অমনি খাতাপত্র সরাতে

চায়। কেবলরামকে খাতাপত্র বদলাতে ব'লেছিল, কেবল সে খাতাপত্র ওদের বাড়ী দাখিল ক'রেছে। এ খাতা যাতে পুলিশে যায়, তারই এক মতলব ঠাওরেছে, পুলিশে গে প'ড়লে সে খাতা সেখান থেকে ঘুসঘাস দিয়ে সরাবে, এই মতলব এ'টে আছে। আমার টাকা কব'লাচ্ছে—আমি ছাতি ক'রতে পাচ্ছি না।

ধনু। ভয় কি, কি ক'রতে হবে বল? আমি ক'রবো।

মহেশ। তোমার কর্ম নয়—তোমার কর্ম নয়। আমার কাছে পুলিশের লোক সব গোণাতে আসে। এই পুলিশ আর মাগী-ফাগী নিয়েই আমার কারবার। আমার একজন ঘুসখোর ইন্স্পেক্টরকে একটা টিপ্‌নি দিতে ব'ল্‌চে।

ধনু। কি টিপ্‌নি বল না?

মহেশ। ও ধনুর্ধর-ফনুর্ধরের কাজ নয় যে, ও ধনুর্ধর ফনুর্ধরের কাজ নয়।

গঙ্গা। কি কথাটা কি বল না?

মহেশ। ঐ মুনীন্দ্রের ভাইপোর নাম 'আশু বোস' ক'রে এক ছোঁড়া খবরের কাগজ ছাপ'তো। সে খবরের কাগজে গোরাদের খুব গাল লেখে, তাই সেই ছোঁড়ার নামে ওয়ারেন্ট বেরিয়েছে। সে ছোঁড়া গা-ঢাকা দিয়েছে। পূর্ণ বলে, সে ছোঁড়া আজ দু'দিন ওলাউঠায় মারা গিয়েছে, আমার সলা লাগাচ্ছে—আমি একটা আর্নাড়ি ইন্স্পেক্টরকে বলি, যে এই আশু বোস—তোমার মেয়ের দেওরপোই সেই ছাপাওয়ালার আশু বোস। ওকে ধ'রবে, কাগজপত্র সব টেনে বা'র ক'রবে, পূর্ণ সেই দাঁওয়ে আছে।

ধনু। ব্যস্‌ খুড়ি থাক! আমি কালই দাঁও লাগাচ্ছি।

গঙ্গা। তোর কর্ম নয়—তোর কর্ম নয়।

ধনু। কেন, কিসে? আমি কালই ডিটেক্‌টিভ্‌ আফিসে ব'লে দেবো।

মহেশ। ওগো, অত লাফালে চ'লবে না—অত লাফালে চ'লবে না! একটা আনাড়ি ইন্স্পেক্টর ধ'রতে হবে, বার হাতপাতা রোগ আছে। তেমন একটা লোকও পাক্‌ড়েছি, মফঃস্বল পুলিশ থেকে এসেছে, আমার কাছে গোণাতে আসে। কিন্তু শেষ সাম্‌লাবো কি ক'রে, তাই ভাব্‌চি। পাঁচ বাড়ীতে আনাগোনা করি, যাহোক এটা-ওটা পুলিশকে সন্ধান দিয়ে কিছু পাই, সেটাও বন্ধ হবে, পাঁচ জায়গায় ছুঁগাম হবে, আর নিতে উকীল আমার শ্রীঘর ঠেল-

বার উদ্বোধনে থাকবে। এদিকে চের টাকাটার লোভ  
ঝাড়ছে।

গঙ্গা। মহেশ, এ কাজ যদি পার, আমিও তোমায় পাঁচশো  
টাকা দিই।

মহেশ। হঠাৎ কিছু বলতে পাচ্ছিনে, কারণ টারণ  
আনাও, বুদ্ধির গোড়ায় জল দিই।

গঙ্গা। সে তুমি যা হয় করো— সে তুমি যা হয় করো,—  
এই পাঁচসিকে নাও।

মহেশ। পাঁচসিকের কৰ্ম নয়, ঝাড়াইটা টাকা চাই।

গঙ্গা। আচ্ছা আচ্ছা, কিন্তু তোমায় কাজটা উদ্ধার  
ক'বতেই হবে। আমি চল্লুম, আমার মেয়েটাকে আবার  
বোঝাতে হবে।

[ গঙ্গাধরের প্রস্থান।

মহেশ। নাও ধনুর্ধরগিরী করো, আনাও।

ধনু। সেদিকে মজপুত আছি, মধোকে দিয়ে আনি-  
য়েছি। মধো, নে আয়।

মহেশ। নইলে কি তোমার নাম রাখি ধনুর্ধর!

( মধুর প্রবেশ ও মণ্ড দিয়া প্রস্থান )

ধনু। নে নে, আর শোধন ক'রে কাজ নাই। ই্যারে,  
তুই অত ভয় পাচ্ছিস কেন?

মহেশ। এ সব প্যাচের কাজ!

ধনু। তোর কে আনাড় ইন্স্পেক্টর আছে, আমার সঙ্গে  
আলাপ ক'রে দে, আমি ধরিয়ে দেব। কিন্তু যা বাবার কাছে  
আর পূর্ণর কাছে আদায় ক'রবে, তার আধাআধি বখ'রা।

মহেশ। তোমার বাবা আট'টা রস্তা দেবেন,—তবে পূর্ণ  
নগদ ঝাড়বে ব'লেছে!

ধনু। সে ভাবিস নে, আমি বাবার ঠেঙে আদায়  
ক'রবো। আয়, শ্রামীর ঘরে গিয়ে বুদ্ধি পাকাই।

মহেশ। না—না, তোর শ্রামীর ঘরের বুদ্ধির কৰ্ম নয়—  
আমার বাসায় চল।

ধনু। তুই ভয়েই মলি—চল।

[ উভয়ের প্রস্থান।

( অসম্পূর্ণ )

# ধর্ম

[ 'উদ্বোধন' পাক্ষিক পত্রে ( সন ১৩০৮ সাল, ১৫ই মাঘ, ৪র্থ বর্ষ, ২য় সংখ্যা ) প্রথম প্রকাশিত ]

আমরা সর্বদাই ধর্মের দোহাই দিয়া থাকি। যখন মনে করি, কেহ আমাদের প্রতি অসদ্ব্যবহার করিয়াছে, আর যদি সেই অসদ্ব্যবহারের প্রতিদান দিতে অক্ষম হই, তাহা হইলে আমরা ধর্মের দোহাই দিয়া থাকি। যদি কোন অত্যাচারী স্থখে আছে দেখিতে পাই, আমরা বলি,— “ধর্ম কি নাই”! ধর্ম যে প্রতি হাত আমাদের শত্রুকে দমন করেন না,—এই নিমিত্ত আমরা ক্ষোভ প্রকাশ করি, “ঘোর কাল,” “অধর্মেরই জয়”—এই বলিয়া থাকি। আমাদের মধ্যে আবার যিনি একটু বিজ্ঞ, তিনি ভাবেন ও মনকে শাস্তি দেন যে, একদিন না একদিন ধর্ম, তাহার শত্রুকে শাস্তি দিবেন। যাহার সম্বন্ধে কোন কাণ্ডের সম্বন্ধ আছে, পাছে কাযস্থলে তাহার দ্বারা প্রতারণিত হই, এ নিমিত্ত তাহাকে বিশেষ করিয়া ধর্মের ভয় দেখাই। কিন্তু নিজে যদি কাহাকেও শাস্তি দিতে পারি, তখন আর ধর্মের প্রতি অত্যাচারীর দণ্ডের নিষ্ঠুর না করিয়া আপনিই দণ্ড-বিধান-কর্তা হই এবং দণ্ড দিয়া গৌরব করিয়া থাকি যে, পাপীর প্রতি শাস্তি বিধান করিয়া বড়ই পুণ্য কাণ্ড করিয়াছি। পরের বেলা যে ধর্মের দোহাই দি, সেই ধর্মকে অধিক সময় আপনারা উপেক্ষা করি;—মনন কি ঘৃণা করি বলিলে অত্যুক্তি হয় না।

পুরাণে শুনিতে পাই, রাজা যুধিষ্ঠির জন্ম গ্রহণ করিলে দৈববাণী হয়,—“পাতুরাজ, তোমার এক পরম ধার্মিক পুত্র জন্মিল।” দৈববাণী শুনিয়া পাতুরাজ ক্ষুব্ধ হইলেন, ভাবিলেন,—ধার্মিক সন্তান পৃথিবীর কোন্ কাণ্ডের হইবে? ধার্মিক বা অকর্মণ্য এক কথা—এই তাহার ক্ষোভের

কারণ। ধার্মিক পুত্র রাজকাণ্ডের উপযুক্ত নয়, একরূপ ধারণা সাধারণের। কিন্তু ভারত-যুদ্ধে, তাহার ভীমার্জুন পুত্রদ্বয় দ্বারা ভীষ্ম, দ্রোণ, কর্ণ, ভগদত্ত প্রভৃতি মহাবীর-গণ পরাজিত হইত না, কৃষ্ণ সহায়ে “যতোধর্মন্ততো জয়” হইয়াছিল।

একরূপ ধারণার কারণ এই, অনেক সময় ভীক ব্যক্তিকে আমরা ধার্মিক বলিয়া গ্রহণ করি। কাহারও কথায় থাকেন না, কেহ মন্দ ব্যবহার করিলে সহ করেন, সকলের নিকটে বিনয়ী, নিরীহ, গোবেচারী,—দুর্ভ শঠ-ব্যক্তি বার বার তাহাকে প্রতারণিত করে, তবু কাহাকেও তিনি কিছু বলেন না, একরূপ ব্যক্তি অকর্মণ্যই বটে; একরূপ ব্যক্তির সকল কাণ্ডের প্রতি—ভয়। তিনি ভয়ে শত্রু দমনের চেষ্টা করেন না। অনেক সময়ে যে প্রতারণিত হইয়াছেন, তাহার কারণ লোভ—যে তাহাকে প্রতারণিত করিয়াছে, সে তাহাকে লাভের আশা দিয়াছিল; সেই লাভের আশায়, প্রতারণকে তিনি অর্থদান করিয়াছিলেন। ভালমন্দ কিছুতেই থাকেন না; সদাই ভাবেন,না জানি কি করিতে কি হইবে! একরূপ ব্যক্তি ঘোর তমোগুণাচ্ছন্ন; সত্যই জগতের কোন কাণ্ডই ইহার দ্বারা হয় না।

কিন্তু যিনি প্রকৃত ধার্মিক, তিনি মহাবীর, তিনি অসীম সাহসী, তিনি বিপুল কক্ষক্ষম। ধার্মিকের প্রধান লক্ষণ—দয়া। দয়া কখনও হির থাকিতে দিবে না, নিয়ত কর্মে নিবিষ্ট রাখিবে। দয়াবান ব্যক্তি দুর্বল-পীড়ন দেখিতে পারিবেন না। শত্রু শত্রু উপেক্ষা করিয়া দুর্বলের রক্ষার চেষ্টা পাইবেন। পরের রক্ষার নিমিত্ত অনায়াসে অগ্নিতে

প্রবেশ করিবেন, অনায়াসে সমুদ্রে বাঁপ দিবেন। ইনি অত্যাচারীর প্রতি দুর্ভাবহার করেন না, ইহার কারণ ভয় নহে—মার্জনা। ভয়ে চালিত হইয়া কখনও কখনও আনরা ক্ষমাশীল হই। পুরাণে তাহার একটি অদ্ভুত উদাহরণ—অর্জুন; রণস্থলে যুদ্ধ করিতে চাহেন না। গীতায় দেখা যায় যে, অর্জুন বলিতেছেন,—“এ সমস্ত আত্মীয়গণকে কিরূপে বধ করিব? ইহাদের বধ করিয়া রাজ্যলাভ করা অপেক্ষা শিক্ষাপাত্র অবলম্বন করাই ভাল।” ভগবান শ্রীকৃষ্ণ, অর্জুনের এ কথা শুনিয়া, তাঁহাকে “মূর্খের মত আচরণ করিতেছ”—বধিয়া তিরস্কার করেন। স্বামী বিবেকানন্দ বলেন যে, গীতা পাঠে অনুভব হয়, অর্জুন তনোগুণাচ্ছঃ হইয়া যুদ্ধ করিতে বিমুখ হন। শঙ্কায় তাঁহার মুখমণ্ডল বিবর্ণ হয়, মহা অঙ্গদারী, মহারথীবৃন্দ বিপক্ষ পক্ষে দর্শনে, তিনি যুদ্ধে বিমুখ হইতে চাহেন। ভগবান উপদেশ দ্বারা, সেই ঘোর তমঃ দূর করিয়া, তাঁহাকে গাণ্ডীব ধরান। ভগবান যোগ-দৃষ্টি দানে তাঁহাকে দেখান যে, যে সমস্ত বীরপুরুষ তাঁহার বিপক্ষ, তাঁহারা সকলেই মৃত, কেবল নিমিত্ত হইয়া, তাঁহাকে যুদ্ধ করিতে হইবে। যুদ্ধস্থলে অর্জুন নিমিত্ত মাত্র, ভগবানের কাৰ্য্য ভগবান করিয়াছেন। গীতার মর্ম এই যে, বীর ব্যতীত ধর্মের অধিকারী আর কেহই হইতে পারে না।

ইতিহাসে দেখা যায় যে, জাতীয় উন্নতির মূলে ধর্ম। ধার্মিক, স্বার্থত্যাগী মহাপুরুষ ব্যতীত কেহ কখনও কোন জাতির নেতা হন নাই। স্বার্থ শূন্য ব্যক্তির দ্বারা চালিত না হইয়া, পৃথিবীতে কখনো কোন কাৰ্য্য হয় নাই। ধর্মের ভিত্তি ভিন্ন সামসারিক কোন কাৰ্য্যই হয় না। ধর্মমূলক না হইলে, পৃথিবীতে বিপুল বাণিজ্য স্থাপিত হইত না। কখনও কোন অধার্মিক ব্যক্তি অর্থ সমৃদ্ধ করিয়াছে দেখা যায়, কিন্তু প্রায়ই সে অর্থ তাহার ভোগে আসে না। নানা কষ্টে, নানা ভয়ে, নানা অশুভতাপে দগ্ধ হইয়া অর্থ উার্জন হয়, কিন্তু তাঁহার উপার্জন যকের হায়, তাঁহার কোন কাৰ্য্যই আসে না। অসৎ বৃত্তির দ্বারা কদাচ কেহ ধনাঢ্য হয় বটে, কিন্তু শত শত ব্যক্তিকে অসৎ পথে গিয়া কারাবাসে জীবন অতি-বাহিত করিতে হয়। Policy (কৌশল) যাহার অর্থ আমরা প্রতারণা বুঝি, বস্তুতঃ তাহা প্রতারণা নয়, নপ্তিতেরা বলেন, সততা অপেক্ষা শ্রেষ্ঠ কৌশল নাই।

গুরু ধার্মিক হইতে উপদেশ দেন, সারবান গ্রন্থে ধর্মের

অশেষ ব্যাখ্যা; তবে কি নিমিত্ত আমরা ধর্মপথে চলি না? অধর্মের কতকগুলি আশু প্রলোভন আছে। এক ব্যক্তি তাঁহার বন্ধুকে জিজ্ঞাসা করেন যে, মিথ্যা কথা বলা কি ভাল? বন্ধু কৌতুকচ্ছলে উত্তর করেন, “মিথ্যা কথা ভাল নয় বটে, কিন্তু যদি সত্য গোপন করিতে চাও, তাহা হইলে মিথ্যা কথা অপেক্ষা সত্য গোপন করিবার আর কোন উৎকৃষ্ট উপায় এ পর্য্যন্ত আবিষ্কার হয় নাই।” সমাজ হীনদশাপন্ন হওয়ায় বাল্যকাল হইতে মিথ্যার প্রয়োজন হইয়াছে, মানব জীবনে—বিশেষ বাল্যাবস্থায় পদে পদে অপরাধ। অপরাধ গোপন করিবার নিমিত্ত বালক মিথ্যা কথা কহে। পিতামাতা বা শিক্ষক মিথ্যাবাদী বালককে সূচত্বর বলিয়া আদর করে। ইতিপূর্বে শিশু কোন আবদার করিলে তাহাকে মিথ্যাবলিয়া ভুলান হইত; শিশু তখনই শিখিয়াছে যে, মিথ্যা বড় সহজ উপায়। শিশু যখন কোন বস্তু চাহিয়াছিল, তাহাকে বলা হইয়াছিল, “হুস, কাগা নিয়ে গেছে।” যদি শিশুর নিকট কৌতুক করিয়া কোন দ্রব্য চাওয়া হয়, সেও আধ আধ স্বরে বলে, “হুস্ কাগা।” আমরা, শিশুর কৌশলে হাসিয়া চলিয়া পড়ি। শিশুও মনে ভাবে, আমি কি সূকৌশলী! বালক দেখিতে পায়, মাতা পিতার সহিত, পিতা মাতার সহিত, ভ্রাতা ভ্রাতার সহিত মিথ্যা কথা কয়। পিতা কাহারও সহিত সাক্ষাৎ করিতে অসম্মত হইলে বালককে বলিয়া দেয়, “বলগে, আমি বাড়ী নাই।” বালক মিথ্যার বিশেষ আদর করিতে শিখে এবং সেই কোমল হৃদয়ে যে দাগ পড়ে, তাহা আর ইহাঙ্কে উঠে না। সমাজ জানে, বালককে শিষ্ট করিবার উপায়, ভয় প্রদর্শন। জুজু হইতে সুরু করিয়া, বরাবর ভয়ই প্রদর্শন করা হয়; সুখের বাল্যজীবনে ভয় অধিকার করিলে, উচ্চ বৃত্তি সমস্ত দমিত হয়। সকল উচ্চবৃত্তির আধার সাহস; যাহার পদে পদে আশঙ্কা, তাহার দ্বারা কোন কাৰ্য্য সম্পাদিত হইবে? যাহা মন্দ, তাহা মন্দ বলিয়া ঘৃণা করিতে শেখে না, কেবল ভয়ের দ্বারা মন্দ কাৰ্য্য করিতে বিরত হয়। যৌবনে, যখন আশু ভয়ের কোন কারণ না থাকে, তখনই সেই কুকার্য্যে রত হয়। সে যতদূর শিক্ষা পাইয়াছে, তাহাতে জানে যে, চুরী করিব না কেন?—মার খাইব। কুস্থানে গমন করিব না কেন?—বাবা তাড়াইয়া দিবে। তাড়ার ভয়ে কুকার্য্য করে না, কিন্তু কুকার্য্যের কচি বাধা

পাইয়া আরও প্রবল হইতে থাকে। সচরাচর দেখা যায়, শিষ্টশাস্ত্র ছিল, যেই পিতৃহীন বা অভিভাবকহীন হইল, অমনি মহা কুচরিত্র হইয়া উঠিল। এখন তার ভয় নাই, তবে দুষ্কর্ম করিবে না কেন? বাল্যাবধি যে শিক্ষা পাইয়াছে, তাহার ফল ইহা ভিন্ন হইতে পারে না।

কিন্তু যদি কুকার্যকে কুকার্য বলিয়া ঘৃণা করিতে শিখিত, যদি উপদেশ শ্রবণে ও আদর্শ দর্শনে, বাল্যাবধি ধর্মাত্মরাগী হইতে দীক্ষিত হইত, যদি বুদ্ধিতে পারিত যে, মানবজীবনে ধর্মই একমাত্র মহায়, ধর্মের আশ্রয় গ্রহণ করিলে শত শত বিপদে ধৈর্য্যচ্যুত হইতে হয় না, ধর্ম অবলম্বনে মনুষ্য লাভ হয়, তাহা হইলে অভিভাবকহীন হইলেও তাহাকে কেহ কুপথগামী করিতে পারিত না। বাল্যকালে মিথ্যা প্রবন্ধনা না শিখিলে সত্যশ্রয়ী হইত, আর যিনি সত্যশ্রয়ী, তাঁহার তুল্য জগতে নির্ভীক কে? সত্য জাতির ভিতর ভীক অপেক্ষা গালি নাই এবং ভীক বা মিথ্যাবাদী একই কথা। যিনি বাল্যাবধি গুরুজন-উপদেশে সত্যব্রত, তিনি যে অশেষ গুণের আধার হন, সন্দেহ নাই। পাছে মিথ্যা বলিতে হয়, এই জন্ত তিনি কুংসিত কর্ম হইতে বিরত থাকেন। আমেরিকার বর্তমান প্রেসিডেন্ট রুসভেন্টকে, তাঁহার কোন এক বন্ধু রবিবারে শিকার করিতে যাইতে অহরোধ করেন। তিনি বলেন, “অন্ত রবিবারে শিকার করাতে প্রথা নয়।” বন্ধু তত্ত্ব করিলেন, “এখানে তো পাদরী নাই, তবে যাইতে দোষ কি?” রুসভেন্ট, তাহাতে হাস্য করিয়া প্রতুত্ত্ব করিলেন, “ভাই, অত সাত পাঁচ ভাবিয়া, গোপনে শিকার করিতে যাওয়া অপেক্ষা না যাওয়াই নিরাপদ।” সত্যশ্রয়ী সর্বদাই এরূপ নিরাপদ সত্য।

বাল্যকালে মিথ্যাশিক্ষার সহিত একরূপ ব্যবসায়ী ধর্ম শিক্ষাও বালক পাইয়া থাকে। সকলের মুখেই শোনে, ধর্মপথে থাকিলে ভাল হয়, অর্থাৎ ধন হয়, জন হয়, মান হয়। কিন্তু প্রকৃত ধর্ম, কাহারও নিকট ধন, জন, মান বা সাংসারিক উন্নতি দান করিতে অঙ্গীকৃত নন। এই ব্যবসায়িক ধর্মশিক্ষা অনেক সময় বিড়ম্বনার কারণ হয়। সংসার দৃষ্টে অনেক সময় বোধ হয়, বুদ্ধি অধর্মেরই জয় হইতেছে। দেখা যায়,—শঠ, ছল, মিথ্যাবাদী, কপট মকদ্দমায় জয়ী হইল, পরের সম্পত্তি হরণ করিয়া বিষয় পাইল। ছলনায় রোজগার করিয়া বাবুয়ানা করিতেছে। যে পর-

পীড়ক. তাহাকে সকলে ভয় করে। এ দিকে আবার ধার্মিক, পরোপকারী, দাতা—নানা ক্রেশে ধনোপার্জন করে, দরিদ্রের দুঃখ মোচন রত থাকিয়া অর্থ রাখিতে পারে না, পরের হিত করিতে গিয়া অনেক সময়ে বিপদগ্রস্ত হয়, জলমগ্ন ব্যক্তিকে উদ্ধার করিতে গিয়া জীবন বিসর্জন দিতে হয়, জমীদারের পক্ষে মিথ্যা সাক্ষ্য না দিলে উদ্বাস্ত হয়, রোগীর শুশ্রূষা করিয়া স্বয়ং রোগগ্রস্ত হয়। যিনি ব্যবসায়ী ধর্ম শিখিয়াছেন, এই সমস্ত দেখিয়া তাহার ধর্মে অনাস্থা জন্মে। তিনি মিথ্যা কথা কন না, প্রত্যারণা করেন না; কষ্ট, ঘণে বসিয়া ধর্মতো তাহাকে অর্থ দেন না। অনেক ব্যক্তি, যাদের তিনি উপকার করিয়াছেন, প্রায়ই তাহারা তাঁহার নিন্দা করে। পরোপকার করিয়া কই তিনি জগতে মাগ্ন-গণ্য হইলেন? তাঁহার পল্লীস্থ শত শত ব্যক্তি ধনাঢ্য অদাম্বিকের বশীভূত, তাঁহার বশীভূত কেহই নয়। তাঁহার একমাত্র পুত্র অকালে কালগ্রাসে পতিত হইয়াছে, কিন্তু এক অদাম্বিক ব্যক্তির সাত পুত্রই জীবিত। তবে ধার্মিক হইয়া তাঁহার কি ফল ফলিল? আত্মায় বন্ধুরা তাঁহাকে উপহাস করে, অনেকেই বোকা বলে। ইনি সত্য কথা কহিয়া মকদ্দমায় হারিয়াছেন,—ইহাতে ঘরপরে লাঞ্চার একশেষ! তবে আর কেন তিনি ধার্মিক থাকিবেন? এত দিন মুর্খের ন্যায় আচরণ করিয়াছেন, এইবার সতর্ক হইয়া চলিবেন। আশু কতক ফলও ফলে। তিনি যে মিথ্যা কথা শিখিয়াছেন, লোকে তাহা সহজে জানিতে পারে না। লোকে বিশ্বাসপাত্র হইয়া অনেককে ঠকাইতে সক্ষম হন। কিন্তু সঙ্গে সঙ্গেই বুদ্ধিতে পারেন যে, প্রত্যারণায় অর্থোপার্জন করিয়াছেন বটে, কিন্তু সদাই ভয়ে ভয়ে থাকিতে হইয়াছে। কখন কোন্ জুয়াচুরি ধরা পড়িবে! যে সকল কাজ করিয়াছেন, ইহকালেই তার সাজা আছে। সমস্ত কথা প্রকাশ হইলে, ছেল নিশ্চিত। একটা মিথ্যা ঢাকিবার জন্ত মিথ্যার জাল বিস্তার করিতে হইয়াছে। প্রাতে কেহ ডাকিলে পূর্বের ন্যায় সহজে তাঁর সম্মুখীন হইতে পারেন না। দিবসে হাস্যমুগ্ধ, অহরের চুরি ঢাকিয়া রাখিতে হয়। রজনীবোগে উপাধানে মস্তক রাখিলেই পূর্ববৎ নিদ্রা আসে না। যে সকল গলদ হইয়াছে, তাহা কি গলদ কার্য করিয়া লুকাইতে পারিবেন, এই চিন্তায় অর্ধেক রাত্রি জাগরিত থাকিতে হয়। এখন আর সে শাস্ত মেজাজ মাই, ভাল কথা কহিলে, বেজায় হন। অসং



ব্যক্তির সাহায্য তাঁহার বিশেষ প্রয়োজন। অসং ব্যক্তি না হইলে তাঁহার অসং কার্যে সাহায্য দান কে করিবে? কিন্তু যাহাকে অসং জানেন, তাহার উপর কার্য নির্ভর করিয়া নিশ্চিত থাকিতে পারেন না। সেই অসং ব্যক্তি সত্যই কি তাঁহার সাহায্য করিবে? কিংবা তাঁহার শত্রুপক্ষ অবলম্বন করিয়া, তাঁহার সর্পনাশ সাধনে প্রবৃত্ত হইবে? নানা দুশ্চিন্তা—তথাপি দিবিবার উপায় নাই,—কাহাকেও বিশ্বাস হয় না, চাকর বাকর, আত্মীয় স্বজন—এমন কি, ধার্মিক ব্যক্তিকেও মনের স্তম্ভে অসং বিবেচনা করেন। দিবসে দুশ্চিন্তা, রাত্রে দুঃস্বপ্ন—তাঁহার জীবন হলাহলময় হইয়াছে। যে অর্থের নিমিত্ত ধর্ম-পথে জলাঞ্জলি দিয়া, অধর্ম-পথে বিচরণ করিতেছেন, সেই অর্থে তাঁহার পুত্রকেও পর করিয়াছে।

কত দিনে তাঁহার পিতার মৃত্যু হইবে,—তাঁহার পুত্রের এই চিন্তা। মনে মনে বেশ বুঝিতে পারেন, কেবল প্রত্যাশাপন্ন হইয়া তাঁহাকে যত্ন করিতেছে। চক্ষুর উপর দেখিয়াছেন যে, যে ধনাঢ্য ব্যক্তিকে হিংসা করিয়া, তিনি ধর্মচ্যুত হইয়া পাপ-পথে বিচরণ করিতেছিলেন,—সেই ধনাঢ্য ব্যক্তির মৃত্যুকালে, অজ্ঞান-অবস্থায় যখন মুখে মক্ষিকা প্রবেশ করিতেছিল, তখন তাঁহার সেই অজ্ঞান-অবস্থার প্রতি কেহ লক্ষ্য না রাখিয়া—তালা-চাবি দিতে বাস্ত। যে যেখানে যা পাইতেছে, তাহা সরাইতেছে। আত্মীয়েরা তাঁহাকে শ্মশান-ভূমিতে লইয়া গেল, এদিকে তাঁহার দ্বিতীয় পক্ষের স্ত্রী, যে সকল বস্তু তাহার নিকট জিন্মা ছিল, সেগুলি লইয়া পলায়ন করিল। সংকার করিয়া আসিয়াই ছুই পুত্রে লাঠালাঠি বাধিল। অর্ধেক বিষয় উকীল-কৌশিল খাইল। আবার দেখেন, যে লোক জুয়াচুরি করিয়া বাবুয়ানা করিতেছিল,—এতদিনে তাহার জাল ধরা পড়িয়াছে,—নিশ্চয় যাবজ্জীবন ধীপান্তর যাইতে হইবে। কোনও ধনাঢ্য ব্যক্তির স্ত্রী, সম্পত্তি পাইয়া উপপতির বাদী হইয়াছে। তাঁহার ভাগো যে ঐ একরূপ ঘাইবে, তাহা নিশ্চিত নয় কেন? কিন্তু তথাপি পাপের মমতা ছাড়াই, ছাড়িবার উপায় নাই।—দুষ্কর্ম চাপা দিবার নিমিত্ত দুষ্কর্ম করিতে হইতেছে। অর্থ-লোভে আবার নূতন দুষ্কর্মে প্রবৃত্ত হইতেছেন। জীবন অশান্তিময়, কিন্তু লালনায় সেইরূপ বলবতী! ইংকালের সাজাই যথেষ্ট, ইহার পর পরকাল আছে! একেবারে পরকালের ভয় মহা-

নান্তিকেরও দূর হয় না। ধর্ম-ভ্রষ্ট পাপী যতই দিন দিন হীনবল হইতে থাকে, শরীরের বার্কক্য-অবস্থায় যতই দিন দিন বুঝে যে, চরম কালের আর বেশী বিলম্ব নাই, ততই রাত্রদিন বিভীষিকা দর্শন করে। ব্যবসায়ী ধর্ম লোককে অধঃপাতে প্রেরণ করে।

কিন্তু যে মহাত্মা ধর্মের বিমল মূর্তি দেখিয়া ধর্মের অমুরাগী হইয়াছেন, যিনি ধর্মকে ধর্মের জন্ত উপাসনা করেন, যিনি ধর্মের নিকটে ধর্ম-প্রত্যাশী, আর অপর প্রত্যাশা কিছুই রাখেন না, জগতে একমাত্র তিনিই ধর্ম! রোগ, শোক, দুর্ঘটনা—মৃত্যু-জীবনে অনিবার্য, কিন্তু এরূপ দুঃখ জগতে নাই, যাহাতে সেই ধর্মান্বিত ব্যক্তিকে বিকল করিতে পারে। শান্তিময় ধর্ম তাঁহার হৃদয়ে বসিয়া, তাহার হৃদয় শান্তিময় করিয়াছে, শত্রু-তরবারি দৃষ্টে তাঁহার চক্ষে পলক পড়ে না! দুর্জন পীড়নে তাঁহাকে তাপিত হইতে হয় না—ধর্মবলে রোগ-শোকে অধীর নন—রাজ-ক্রোধেও তিনি ভীত হন না; সকল অবস্থায় সর্ব সময় তাঁহার শান্তি! তিনি যমজয়ী—তাঁহার মৃত্যু-ভয় নাই।

এ ধর্ম লাভ কিরূপে হয়? এ মহারত্ন কিরূপে অর্জন করা যায়? সদগুরুর উপদেশ ও সদসদ্বিচার। দুর্ভাগ্যের বিষয় এই যে, পাপ বড় মোহিনী মূর্তি ধারণ করিয়া নর-সম্মুখে অবস্থান করে। একবার অন্তরে প্রবেশ করিলে কত যন্ত্রণা দিবে, তাহা মে মোহিনী-মূর্তি দর্শনে অল্পভূত হয় না। পাপের যন্ত্রণার কথা শুনিয়া শিক্ষা করা বড়ই কঠিন। অনেক সময়েই মনে হয়, ইন্দ্রিয়ের সুখভোগই পরমার্থ,—একটু মানসিক যন্ত্রাণয় আর কি আসিয়া যাইবে!—যাহার অন্তর্দাহ উপস্থিত না হইয়াছে,—অন্তর্দাহ যে কি কঠোর নরক, তাহা মে বুঝিতে পারে না। অন্তর্দাহের কথা শুনিয়াছে মাত্র, প্রবল ইন্দ্রিয় কখনও অন্তর্দৃষ্টি করিতে দেয় নাই। সুতরাং পাপের তাড়না, কলুষিত মনের গ্লানি, দণ্ডের আশঙ্কা যে কতদূর হুঃসহ, তাহা কিরূপে জানিবে! হিতাহিত জ্ঞান যে কত তাঁর শূল—জাগরণে, শয়নে, স্বপনে বিদ্ধ করে, তাহা ইন্দ্রিয়াসক্ত মূঢ় বোঝে না,—এই নিমিত্ত ধর্মের অনাস্থা।

হে ধর্ম, তোমায় এত দিন ভয় করিয়া আসিয়াছি। বুঝিতে পারি নাই যে, তুমি পরম বন্ধু। তোমাকে আমার স্মৃতির বিরোধী জানিতাম। তুমি মিথ্যাকথা, প্রবঞ্চনা, ব্যভিচার করিতে নিষেধ কর,—এই নিমিত্ত তোমায় শত্রু ভাবিয়াছি; তুমি সদাচার, নিষ্ঠাবান ও কর্তব্যব্রত হইতে

উপদেশ দাও, এই নিমিত্ত তোমায় ঘৃণা করিয়াছি; তুমি  
 অলস হইতে নিষেধ কর, তুমি ইন্দ্রিয়াসক্ত হইতে  
 নিষেধ কর, তুমি পরের অনিষ্ট করিতে নিষেধ কর,—এই  
 নিমিত্ত তোমায় বাতুল ভাবিয়াছি। তুমি ধন, জন, গৌরব,  
 সম্পদ—অনিত্য বলিতে শিখাও, তুমি সুখ-দুঃখে সমভাবে  
 থাকিতে বলাও,—মানব-জীবনে দুঃখ অনিবার্য, ইহাই প্রচার  
 করিয়া থাক। দুঃখে অন্তর মার্জিত হয়, সুখের পর দুঃখ,  
 দুঃখের পর সুখ চক্রবৎ ঘুরিতেছে, সে কারণ সুখ দুঃখ  
 উভয়কে উপেক্ষা করিতে তুমি পরামর্শ দাও।—আমি

নির্বোধ, বিবেকহীন,—সারগর্ভ কথা কিরূপে হৃদয়ঙ্গম  
 করিব,—অতএব ও সকল কথার কথা জানিয়াছিলাম।  
 তুমি যে স্বাস্থ্যদাতা, বলদাতা, সাঃসদাতা, ধৈর্যদাতা,  
 শান্তিদাতা—এতদিন তোমায় চিনি নাই,—হে শান্তিময়, হে  
 নিরঞ্জন, হে মঙ্গলময়, তোমাকে নমস্কার করি। শুনিয়াছি,  
 প্রার্থনা করিলে তুমি হৃদয়ে আসিয়া বসো। হে ধর্ম, যে  
 প্রার্থনা তোমার প্রিয়, সেই প্রার্থনা আমায় শিক্ষা দাও,  
 তোমার মোহন মূর্তি দেখিবার আমায় চক্ষু দাও, তোমায়  
 উপাসনা করিবার বল দাও।—হে ধর্ম, তোমায় একমাত্র  
 বান্ধব জানিয়া যেন আমার জীবন-লীলা সংবরণ হয়।

# বিশ্বাস

[ 'জন্মভূমি' মাসিক পত্রিকায় (১৩১৫ সাল, জ্যৈষ্ঠ, ১৬শ বর্ষ, ২য় সংখ্যা ) প্রথম প্রকাশিত ]

যত প্রকার অকর্মণ্য ব্যক্তি পৃথিবীতে আছে, সাধারণের চক্ষে বিশ্বাসী ব্যক্তির তুল্য অকর্মণ্য আর কেহই নয়। অশিক্ষিত স্ত্রীলোক ও বালকের গ্রাম তাহার তুলনা হয় না, হীনবুদ্ধি বলিয়া সে গণ্য। বিশ্বাসকে লোকে দুর্বলতা বলিয়া জানে। কিন্তু বিশ্বাসী ব্যক্তি যতদূর অসঙ্গত বিষয় বিশ্বাস করুক, তাহার তাহাদের নিন্দকের গ্রাম অসঙ্গত বিষয় বিশ্বাস করে না। মনুষ্যের দুইটা মাত্র চক্ষু আছে, পশ্চাতে সর্প আসিয়া দংশন করিলে জানিতে পারে না; একটু বুদ্ধি আছে, যাহাতে ৫ আর ৪ এ ৯ বুঝিতে পারেন। সেই বুদ্ধি আর চক্ষুর বলে তাঁহার বিশ্বাস যে, জগতের সমস্ত বস্তু তিনি অবগত হইবেন। অন্ধ বিশ্বাস বলিয়া কথা নাই, কথাটার অর্থ নাই; যদি থাকে, তাহা হইলে সে অন্ধ বিশ্বাস আত্মস্তরী বুদ্ধিমান ব্যক্তির,—অতদূর অন্ধবিশ্বাস আর কাহারও নাই। আপনাকে সারবান জানিয়া, তাঁহার সেই অন্ধ বিশ্বাসের অনুমোদন যে না করেন, তাহাকেই তিনি অসার বলিয়া জ্ঞান করেন। মহাপুরুষের বাক্য হৃদয়ের সরল ভাষা, অভিমানশূন্য ধীর বুদ্ধি—তিনি তাচ্ছিল্য করেন। মানব-জীবনে বিশ্বাস অপেক্ষা বলপ্রদ বৃত্তি আর নাই। তাহা তাঁহার বোধগম্য হয় না; জগতে যত মহৎ কার্য হইয়াছে, সমস্তই বিশ্বাস-বলে। অবিশ্বাসী গণনায় জয়লাভের কোনও আশা ছিল না। সমস্ত ইউরোপীয় রাজ্য বিরূপ, কোটি কোটি বিপক্ষ সৈন্যের বিরুদ্ধে নেপোলিয়নের লক্ষ সৈন্য মাত্র। গণনায় জয়লাভের কোনও আশা ছিল না, বিশ্বাস-বলে জয়লাভ হইল। তিনি অদৃষ্টবাদী, অদৃষ্টে বিশ্বাস করিয়া সংগ্রামে প্রবৃত্ত হইয়াছিলেন।

ইতিহাসে ভূয়োভূয়ঃ বিশ্বাসের দৃষ্টান্ত দেখিতে পাওয়া যায়। বিশ্বাস-বল শুধু যুদ্ধক্ষেত্রে নহে, যত প্রকার বৈজ্ঞানিক আবিষ্কার জগতে হইয়াছে, বিশ্বাস তাহার মূল, শক্তির ভাব বর্তন ( Conservation of Energy ) যাহার তুল্য আবিষ্কার আর ইদানিং হয় নাই, ইহা বিশ্বাসমূলক। যিনি আবিষ্কার করিয়াছেন, তাঁহার মনে দৃঢ় বিশ্বাস ছিল যে, শক্তির কখনও ক্ষয় হইতে পারে না। এই বিশ্বাসমূলক আবিষ্কার-বলে মানব কর্তৃক নায়েগ্রার জলপ্রপাত সংসার-কার্যে দামরূপে নিযুক্ত হইয়াছে। যত প্রকার উচ্চকার্য

সংসারে হইয়াছে, হইতেছে ও হইবে—সমস্তই বিশ্বাস-বলে। কিন্তু তর্কের নিমিত্ত ধরিয়া লইতেছি, বিশ্বাস অতি দুর্বলতা, হীনতা। আত্মস্তরী বুদ্ধিমান যত প্রকার বিশ্বাস-বিরুদ্ধ নাম দিতে চাহেন, সে সকলই বিশ্বাস-বিরুদ্ধে আখ্যা ঝুকরিলাম। কিন্তু মানব-জীবনে চাই কি? মহা তিতিক্ষাপ্রিয়, মহাকাব্য-কৌশলী, কান্তারপ্রিয়, বিপদাকাঙ্ক্ষী—যত প্রকার লোক সংসারে থাকুন, এ কথা তাঁহাকে স্বীকার করিতে হইবে যে, তিনি নিজ স্বথ অব্বেষণ করিতেছেন। বিলাসীর বিলাসে স্বথ এবং তাঁহার তিতিক্ষায় স্বথ—এই মাত্র প্রভেদ। কিন্তু তিনি যে স্বথ-আশায় মুগ্ধ আছেন, এ পক্ষে সন্দেহ নাই। যিনি ইহা অস্বীকার করেন, হয় তিনি কপটী নচেৎ তিনি তাঁহার নিজের হৃদয় বুঝেন না। তাঁহার স্বথ এবং বিশ্বাস-স্বথ একবার তুলনা করিয়া দেখুন। বিশ্বাসী মনে করেন,—“তাঁহার অনন্ত জীবন, এই অনন্ত জীবনে সর্বশক্তিমান তাঁহার অনন্ত সহায়। সংসারে ক্ষণিক দুঃখ হয়, কিন্তু সে দুঃখ তাঁহার মঙ্গলের নিমিত্ত।” মানব-শরীরে তিনি দেব-দেহধারা। তাঁহার আনন্দের সহিত হে বিজ্ঞ! তোমার আনন্দ একবার তুলনা কর। হে গণনাবিদ, তোমার গণনায় তুমি জান না, তুমি কি ছিলে? তোমার গণনায় তুমি জান না, তুমি পরে কি হইবে? বর্তমানে, যদি তুমি যথার্থ গণিত শাস্ত্র প্রিয় হও,—বর্তমানে পর-মুহূর্ত্তে কি হইবে,— তাহা তোমার গণিতশাস্ত্র স্থির করিয়া দিতে পারিবে না। জ্যোতির্বিদ হইলেও তাহারও মূলে বিশ্বাস। কিন্তু তর্কের নিমিত্ত ধরিয়া লইলাম, শাস্ত্র বিশ্বাসমূলক নয়—যুক্তিমূলক। জ্যোতির্বিদ হইলেও পর,—গণনায় দেখিয়াছ যে, কল্যা উত্তম যান চড়িবে, কিন্তু ট্রামওয়ে হইতে পড়িয়া পা ভাঙিয়া কোন দয়াত্র ব্যক্তির জুড়ি চড়িয়া ঘরে আসিবে, কি তোমার স্বকৃত উত্তম যান হইবে, তাহার নিশ্চয়তা নাই। সচরাচর লোকে জ্যোতিষ-গণনা সম্বন্ধে বলিয়া থাকে,—“লাভের বেলা ব্যাং, লোকমানের বেলা ঠ্যাং।” যত প্রকার শাস্ত্র আবিষ্কার করিয়া থাক, বর্তমানের পর-মুহূর্ত্তের মঙ্গলামঙ্গল স্থির করিতে পার না। কিন্তু বিশ্বাসী ( অন্ধ বিশ্বাস বলিয়া গালি দেন ) কিন্তু বিশ্বাসী নিশ্চিত করিয়াছে,—আগে কি ছিল, পরে কি

হইবে। বর্তমান অমঙ্গল—সে অমঙ্গল বলিয়াই গণনা করে না। অমঙ্গল-দোষ সংশোধন করিবার নিমিত্ত, প্রথময় পিতা তাহাকে তাড়না করিতেছেন। এই আমাদের সহিত সংসারের কি সম্পত্তি লইয়া, কি মান লইয়া, কোন্ সিংহাসনে বসিয়া আপনার তুলনা করিবে? তুমি জগত দুঃখপূর্ণ জান, এই দুঃখময় জগত বিশ্বাসীর পিতৃরাজ্য।

এ পর্যন্ত বিশ্বাস লইয়া দুইটা হৃদয়ের কথা কহিয়াছি। যুক্তি করিয়া দেখি, প্রথমতঃ তোমাকে অন্ধ বিশ্বাসের কথা বলিয়াছি। আমরা অন্ধ বিশ্বাস বিশ্বাস করি না,—বিশ্বাস অন্ধ হয় না। মহাযুক্তিবান, একবার যুক্তি করিয়া দেখ, যুক্তি বা যে কারণেই হউক,—তুমি যাহা বিশ্বাস কর, তাহার নাম সত্য। যুক্তি করিয়া বিশ্বাস করিয়াছ? যেমন চূণ-হলুদ মিশিলে আর এক প্রকার রং হয়—বিশ্বাস কর। যাহা তোমার পক্ষেদ্বিগ্নে দেখিয়াছে, তাহাই তোমার বিশ্বাস অর্থাৎ তোমার বিশ্বাসই সত্য। অতদূর বিশ্বাস করিও না, তোমার শাস্ত্রেই তাহা নিষেধ করিবে। আপাততঃ প্রধান আবিষ্কার—অগ্ন্যন্তু আবিষ্কারের ওলট পালট কথা এখন রাখিলাম,—আপাততঃ প্রধান আবিষ্কার এই যে, কতক পরিমাণে তাড়িৎ-গমনে মৃত্যু হইতে নিস্তার নাই। কিন্তু শত সহস্র বা কোটি কোটি যে তাড়িৎ-প্রবাহ পৃথিবীতে সম্ভব, সে তাড়িৎ-প্রবাহে মানুষ মরে নাই। বিজ্ঞানবিদ টেসলা তাহার প্রধান আবিষ্কারক। Gravitation যে নিয়মে কথিত আছে—বিশ্ব চলিতেছে, তাহা আপাততঃ তাড়িৎ-ক্রিয়া কিনা—ইহা অনেক বৈজ্ঞানিকের সন্দেহ হয়। মাংসপিণ্ডে কীট জন্মায়। বৈজ্ঞানিক ধারণা করিয়াছিলেন যে, জড় হইতে চৈতন্য উদ্ভব হইয়াছে; এই মতের নাম—‘এসপনটেনিয়স ছেনেরেসন।’ সে মতের বিপ্লব ঘটয়াছে; একনস্টিক টিওল উক্ত মতের বিরোধী, তিনি ইন্দ্রিয়-সম্ভৃত যুক্তি অনুসারে স্থির করিয়াছেন যে, জীব জীব হইতে উৎপন্ন। বর্তমান প্রকার বৈজ্ঞানিক মত-বিপ্লব হইয়াছে, তাহার উল্লেখ করিতে গেলে, আমাদের প্রবন্ধ শেষ হইবে না। কাল এক-মত চলিতেছিল, আজ তাহার সম্পূর্ণ বিরোধী মত স্থাপিত। কে জানে, আগামী কাল আবার কি হইবে। পৌড়িত অবস্থায় চিকিৎসা-বিদ্যার উপর আমরা জীবন অর্পণ করি। চিকিৎসকের বিজ্ঞতা-অভিজ্ঞতার কথা আপাততঃ দূরে থাকুক। বিবিধ প্রকার চিকিৎসা-শাস্ত্রের পরস্পর মত-

বিরোধের কথা দূরে থাকুক, এক শ্রেণীর শাস্ত্র দিন দিন উল্টাইতেছে, যথা পূর্বে অ্যালোপ্যাথেরা জানিতেন, জ্বর রোগে রক্তমোক্ষণ করা উচিত। এক্ষণে রক্তমোক্ষণ করিলে, নিশ্চয় মৃত্যু, সমস্ত অ্যালোপ্যাথিক চিকিৎসকের ধারণা। দুইজন চিকিৎসকের মত প্রায়ই ঠিক হয় না। এইরূপ বিপ্লব স্থলে কোন্ যুক্তি অনুসারে বিশ্বাস দ্বেষী বুদ্ধিমান-চিকিৎসক-হস্তে তাঁহার জীবন অর্পণ করেন!

আইনজের মধ্যেও দুই ব্যক্তি একমত নন। আবার প্রত্যেক আইনজেরই বাদী ও প্রতিবাদী উভয়ের পক্ষেই এক কালে মত দিয়া থাকেন। কোন্ যুক্তি-বলে বিশ্বাস-দ্বেষী ঐ সকল ব্যক্তির উপর তাঁহার সর্বস্ব অর্পণ করেন?—উত্তর করিবেন, আর উপায় কি!

সকলের মতে গণিত-শাস্ত্রের গ্নায় নিশ্চিত শাস্ত্র আর নাহ। সেই গণিত শাস্ত্রে ২ কাঙ্ক্ষাকে বলে? যদি এইটিকে ১ বলিয়া কল্পনা করি, তাহা হইলে ঐটির নাম ২। প্রস্থহীন দৈর্ঘ্যের নাম রেখা। পরিসরহীন স্থানের নাম বিন্দু, এই সকল লইয়া গণিত শাস্ত্র। এই শাস্ত্রে সম্পূর্ণ বিশ্বাস রাখ? এই সকল সত্য বলিয়া জান কেন? বুঝিয়া দেখ, তাহার অপর কোনও কারণ নাই, তুমি বিশ্বাস কর—এই মাত্র কারণ। এ পর্যন্ত তোমারই মত অনুসারে চলিতেছিলাম; এক্ষণে মুক্তকণ্ঠে বলিতেছি, হে বিশ্বাস-দ্বেষী, সত্য জানিবার তোমার কোনও অধিকার নাই। হে বিদ্যাভিমানি, তুমি যদি কিছু জান, জানা উচিত যে তুমি অন্ধ। তোমার কোন কথা জানিবার অধিকার নাই। জানিবার অভিমান রাখিলে, অতি তাব্র ভাষায় তোমারই যুক্তি তোমাকে তিরস্কার করিবে। তোমারই যুক্তি তোমাকে জিজ্ঞাসা করিবে, কিরূপে জানিয়াছ, যে যুক্তি দ্বারা কোনও প্রকার সিদ্ধান্ত করিয়াছ, সে যুক্তি ভ্রান্তি-মূলক নয়? যে সকল সিদ্ধান্তের উপর তোমার যুক্তি স্থাপিত, সেই সিদ্ধান্ত ভ্রমশূন্য কি প্রকারে জানিলে? সমস্ত সিদ্ধান্ত, যাহার উপর তোমার যুক্তি স্থাপিত, তুমি কি পরীক্ষা করিয়াছ? যদি করিয়া থাক, অসম্ভব কথা; যদি করিয়া থাক, পরীক্ষা কালীন তোমার ভ্রম হয় নাই—কিরূপে নিশ্চিত করিলে? যতই পরীক্ষা কর, যতই যুক্তি কর, বিশ্বাসের উপর নির্ভর করিয়া তোমায় চলিতে হইবে। বিশ্বাস করিয়া লইতে হইবে—এইটা সত্য, তাহার পরে যুক্তি চলিবে। যত যুক্তি—মূলে বিশ্বাস, সেই বিশ্বাসের নিম্না কর। তুমিই বথার্থ অন্ধরূপে পতিত।

# গুরু শ্রীশ্রীরামকৃষ্ণ পরমহংস

( ১ ) গুরুর প্রয়োজন

[ 'উদ্বোধন' পাক্ষিকপত্রে ( ১৫ই ভাদ্র, ১৩০৯ সাল, ৪র্থ বর্ষ, ১৪ সংখ্যা ) প্রথম প্রকাশিত ]

পরকাল চিন্তা করে না, এমন মনুষ্য নাই। মৃত্যুর পর কি হয়, এ চিন্তা সকলকেই ব্যাকুল করে। পরকাল নাই, একথা দৃঢ়রূপে বলিতে কেহ পারে না এবং পরকাল আছে, ইহা ঠিক ধারণা করা অতি অল্প লোকের ভাগ্যে ঘটে। প্রায়ই সন্দেহ একেবারে দূর হয় না। পরকাল চিন্তা করিতে ঈশ্বর চিন্তা আসে; ঈশ্বর আছেন কি না—এ সম্বন্ধে নানা বাদানুবাদ মনে উঠিতে থাকে। একেবারে নাস্তিক প্রায় কেহ হয় না এবং ঠিক আনুস্তিকও অতি বিরল। এখানেও সন্দেহ। নাস্তিকেরা বলেন,—'ঈশ্বর আছেন, তাহার প্রমাণ পাই না।' বিষয় দুজের, কালে কেহ প্রমাণ পাইলেও পাইতে পারে, কিন্তু উপস্থিত প্রমাণ নাই। কিন্তু প্রমাণ নাই বলিয়া, নিশ্চিন্ত হওয়াও কঠিন। যিনি প্রমাণাভাব বলেন, তাঁহাকে যদি জিজ্ঞাসা করা যায় যে, একবার কল্পনা করুন, কিরূপ প্রমাণ পাইলে ঈশ্বরের অস্তিত্ব স্বীকার করিবেন, তিনি সহজে এ প্রশ্নের উত্তর দিতে পারিবেন না। অনেকেই চিন্তা না করিয়া বলিয়া দেন, যেমন চুণে হলুদে মিশাইলে লাল হয়, তাহা মিশাইয়া প্রমাণ করা যায়; আঙুনে পোড়ে; এরূপ যদি প্রমাণ পাই, তাহা হইলে বিশ্বাস করি। কিন্তু তিনি স্থিরচিত্ত হইলেই বুঝিতে পারিবেন যে, ঈশ্বর সম্বন্ধে এরূপ প্রমাণ হইতে পারে না। ঈশ্বর বলিলেই জড় হইতে স্বতন্ত্র বস্তু বুঝায়, জড় পরীক্ষায়, জড় সম্বন্ধে সত্য প্রকাশ পায়, সে প্রমাণে যাহা চৈতন্য রূপ বলিয়া কল্পনা করি, তাহা প্রামাণ্য হইতে পারে না। জড় সম্বন্ধে কোন সত্যের প্রমাণ ইন্দ্রিয়ের অগোচর নয়। দেখিলাম, বৈদ্যুতিক শক্তি-বলে সূচিকা নড়িল। বুঝিলাম, বৈদ্যুতিক শক্তিঘারা সূচিকা নড়ে; সূচিকা কি, জানি,—বৈদ্যুতিক শক্তি কি, তাহাও কতক বুঝিয়াছি, কিন্তু ঈশ্বর সম্বন্ধে এমন কিছু জানা নাই। যদি বলেন, ঈশ্বরকে দেখিলে বিশ্বাস

করি, তাঁহাকে যদি জিজ্ঞাসা করা যায়, দেখা কাহাকে বলে? চোখে দেখিয়া?—স্পর্শে?—বা কিরূপ দেখিলে তিনি বিশ্বাস করেন? এক ব্যক্তি তাঁহার সম্মুখে উপস্থিত আছে, চক্ষে দেখিয়া বিশ্বাস করিলেন, সে ব্যক্তি উপস্থিত। কিন্তু ঈশ্বর যদি তাঁহার সম্মুখে উপস্থিত হন, তিনি কিরূপে বুঝিবেন,—তিনি ঈশ্বর? কিরূপে ঈশ্বর বলিয়া তাঁহার ঠিক ধারণা হইবে? আমরা অসীম অনন্ত বলিয়া ঈশ্বরের উপাধি দিয়া থাকি। যাহা অনন্ত, তাহা চক্ষু বা স্পর্শ দ্বারা উপলব্ধি হইবে, একথা যুক্তিতে পরিহাসের বিষয়। তবে কিরূপ প্রমাণ আবশ্যিক? যদি কল্পনা করেন যে, কল্যা টেলিগ্রাফ আনুগ যে, তাঁহার পুত্রকে রুশেরা 'জার' (Czar) পদে অভিষিক্ত করিয়াছে, তাহা হইলে তিনি ঈশ্বর মানিবেন। এরূপ অসম্ভব ঘটনা সংঘটন হইলেও ঈশ্বরের অস্তিত্ব সিদ্ধান্ত হইল না। কার্য-কারণ-শৃঙ্খলে এরূপ ঘটনা সংবদ্ধ ছিল, তাহা অনায়াসে যুক্তিঘারা সপ্রমাণ হইবে। যেহেতু অকারণে রুশেরা তাঁহার পুত্রকে সিংহাসনে বসাইবে না; কার্য হইলেই তাহার কারণ থাকিবে। মৃত-ব্যক্তি জীবিত হইয়া আসিলেও, প্রথমতঃ সে সত্য মরিয়াছিল কি না, তাহার প্রতি সন্দেহ, বাহারা তাহাকে মরিতে দেখিয়াছিল, তাহাদের প্রতি অবিশ্বাস; স্বয়ং যদি কেহ দেখিয়া থাকেন, যে, এক ব্যক্তি মরিয়াছিল, সে আবার ফিরিয়া আসিয়াছে, তখনও তাহার মনে দ্বন্দ্ব উপস্থিত হইবে যে, হয়তো মরে নাই। ইতিহাসে প্রমাণ পাওয়া যায় যে, যাহাকে মৃত বলিয়া সকলে জানিয়াছিল, যাহাকে গোপ দিতে অনেকে দেখিয়াছিল, শেষ প্রমাণ হইল যে, সে মরে নাই। চটুকে নভেলে পিতামাতা, আত্মীয় সম্বন্ধে এরূপ কল্পনা অনেক আছে। পুরাবৃত্তে হঠাৎ একজনকে রাজা নির্বাচন করার দৃষ্টান্তের অভাব নাই। ঈশ্বর-সাহায্য ব্যতীত রাজা

হওয়াও অনেক স্থলে কল্পিত হইয়াছে। যেমন আরব্যোপ-  
ন্যাসে “আবুহোসেন” একদিন বাদসাহ হইয়াছিল।

এইরূপ শত শত অসম্ভব কল্পনা ফলবতী হইলেও ঈশ্ব-  
রের অস্তিত্বের প্রমাণ হইল না। যাদু, ভেলুকী, প্রাকৃতিক  
নিয়ম প্রভৃতি যুক্তি আসিয়া, যাহা পূর্বে অসম্ভব অল্পমিত  
হইয়াছিল, তাহা সম্ভব করিয়া দিবে। শুনা যায়, একবার  
না কি জাহ্নবী জল শুষ্ক হইয়াছিল। এ ঘটনা ইতিহাস-  
মূলক,—এ ঘটনার সম্বন্ধেও প্রাকৃতিক নিয়ম অনুসন্ধান  
করা হইয়াছিল। যদিও কোন নিয়মে ইহা হইয়াছিল,  
তাহা কেহ সিদ্ধান্ত করিতে পারেন নাই, তথাপি যে, এই  
ঘটনায় “ঈশ্বর ইচ্ছাই কারণ” এ কথা কেহ বলেন নাই।  
অজানিত প্রাকৃতিক ঘটনায় ইহা ঘটিয়াছে—ইহাই সকলের  
সিদ্ধান্ত। যত প্রকার অলৌকিক কার্য্য আমাদের সম্মুখে  
উপস্থিত হউক না, সকলেরই কারণ অনুসন্ধান করি।  
অদ্ভুত কোন স্বপ্ন সত্যে পরিণত হইলে আমরা বলি, কোটি  
কোটি স্বপ্ন দেখি, তাহার মধ্যে একটা মিলিয়াছে, এই মাত্র।  
অসাম্য রোগের আরোগ্য হেতু বিশ্বাস, কোন অলৌকিক  
দর্শনের হেতু মস্তিষ্কের বিকার। এই বৈজ্ঞানিক সময়ে  
বৈজ্ঞানিক কারণে এই সকল কার্য্য হইয়াছে, ইহাই স্থির  
করা যায়, ঈশ্বরের অস্তিত্ব সম্বন্ধে যেরূপ সন্দেহ ছিল, সেইরূপ  
সন্দেহই থাকে।

তারপর এরূপ প্রমাণ চাওয়া অসম্ভব। ঈশ্বর তাঁহার  
অস্তিত্বের প্রমাণ দিবার নিমিত্ত ব্যাকুল নন। যদি এরূপ  
প্রমাণ দিতে তিনি সর্বদা ব্যাকুল থাকেন, তাহা হইলে  
তিনি ঈশ্বর নন। বরং যাহাদের কাছে তিনি এরূপ প্রমাণ  
দেন, তাঁহারা তাঁর ঈশ্বর। মোট কথা এই, বুদ্ধি দ্বারা  
এরূপ প্রমাণ কল্পিত হইতে পারে না, যাহাতে ঈশ্বরের  
অস্তিত্ব সিদ্ধ হয়। প্রশ্ন হইতে পারে যে, যাহা অসিদ্ধ,  
তাহা মানিব কেন? শাস্ত্র বলেন যে, মনোবুদ্ধির অগোচর  
ঈশ্বর, ভক্তের গোচর হন। শাস্ত্র-বাক্য বিশ্বাস করিয়া যে  
মহাপুরুষ শাস্ত্রসঙ্গত অনুষ্ঠান করিয়াছেন,—তিনি বলেন,  
আমি ঈশ্বর পাইয়াছি। কেবল তিনি পাইয়াছেন, তাহা  
নয়, তিনি মুক্তকণ্ঠে প্রকাশ করেন যে, ঈশ্বরলুক্ক ব্যক্তি  
মাত্রেই, নিঃসন্দেহ ঈশ্বর লাভ করিবে। দেখা যায়, সে  
মহাপুরুষ নিজাম, অথচ সাধারণ সকাম ব্যক্তির শ্রায় দ্বারে  
দ্বারে এ কথা প্রচার করিয়া থাকেন। তর্কের নিমিত্ত,

ঈশ্বর আছেন স্বীকার করিলে, যিনি লাভ করিয়াছেন,  
তিনি অতি নির্মল হইবেন, কল্পনা করা যায়। বস্তুতঃ  
দেখা গিয়াছে যে, যিনি ঈশ্বর আছেন, প্রচার করেন, তাঁহার  
চরিত্র অতি নির্মল। যাহার ঈশ্বর লাভ হইয়াছে, তাঁহার  
সত্যবাদী, জিতেন্দ্রিয় হওয়া উচিত। বাস্তবিক প্রচারক  
ও সত্যবাদী এবং জিতেন্দ্রিয়, ইহা শত পরীক্ষায় দেখা যায়।  
প্রাকৃতিক নিয়মে যাহা জানিবার সম্ভাবনা নাই, এই মহা-  
পুরুষ সমাধিস্থ হইয়া, সেই ভূত-ভবিষ্যৎ-বৃত্তান্ত অনায়াসে  
জনিতে পারেন। ইহারও শত পরীক্ষায় শত শত প্রমাণ  
পাওয়া গিয়াছে। শাস্ত্রে ঈশ্বরলুক্ক ব্যক্তির যে সকল লক্ষণ  
আছে, সেই সকল লক্ষণ এই মহাপুরুষে প্রকাশ। অবশ্য  
এ কথা বলিতেছি না যে, ইহা দ্বারা ঈশ্বরের প্রমাণ পাইলাম,  
কিন্তু ঈশ্বর অসিদ্ধ, তাহা সাব্যস্ত করিবার বিশেষ বাধা জন্মিল।

এক্ষণে সন্দিহানচিত্র মনুষ্যের কি উপায় অবলম্বন করা  
উচিত? ঈশ্বর আছেন কি না, যাহার জানিবার সাধ,  
তাঁহার কর্তব্য কি? সদযুক্তি অবশ্য বলিবে, এই মহাপুরুষের  
আশ্রিত হও। যদি ঈশ্বর চাও, এই গুরুর আনুগত্য ভিন্ন  
আর উপায় নাই। তিনি যাহা বলেন, তাহাই করো।  
তাঁহার আশ্রয় গ্রহণ করিলে, তিনি কোন নীতি-বিকল্প  
কথা বলেন না। যে সকল আচার অবলম্বন করিতে তিনি  
আদেশ দেন, তাহাতে মানব-হৃদয় অতি উচ্চ হয়। তিনি  
সত্যবাদী হ’তে বলেন, জিতেন্দ্রিয় হ’তে বলেন, হিংসাঘেযাদি  
পরিহার করিতে বলেন, নির্মল চরিত্র ঈশ্বরের ধ্যান করিতে  
বলেন, এবং দূঢ় করিয়া বলেন, — এই সকল অনুষ্ঠানে, নিশ্চয়  
ঈশ্বরলাভ হইবে। সত্য যিনি ঈশ্বর লাভ করিতে চান,  
তিনি এই গুরুকে শত প্রণাম করিয়া তাঁহার উপদেশ-মত  
ব্রতী হইবেন নিশ্চয়। গুরু বলেন, “এইরূপ অনুষ্ঠানে তোমার  
সন্দেহ দূর হইবে, স্বয়ং ঈশ্বর তোমার সন্দেহ দূর করিয়া  
দিবেন।” গুরু বলেন,—“আমার সন্দেহ তিনি দূর  
করিয়াছেন।”

সন্দিহান চিত্র আপত্তি করিতে পারে, এ মহাপুরুষ অতি  
উচ্চ ব্যক্তি সত্য, কিন্তু ঈশ্বর সম্বন্ধে ইনি তো ভ্রমে পড়েন  
নি? যেমন কি-না-কি একটা দেখিয়া লোকে বলে, ভূত  
দেখিয়াছে,—ইহার তো সে অবস্থা নয়? এ আপত্তির উত্তর  
একটা আছে,—মনোবুদ্ধির অগোচর পরমাত্মাকে আত্মার  
দ্বারা উপলব্ধি করাই সম্ভব। এই মহাত্মা আত্মাতে পরমাত্মা

অনুভব করিয়াছেন। আমাদের অন্তরে যাহা হইতেছে, তাহা আমরা অনুভব করি এবং তাহা ভুল নয়। ক্রোধ হইয়াছে, আমরা জানিতে পারি—ভুল নয়। দয়ার উদ্রেক হইয়াছে, তাহা জানিতে পারি—ভুল নয়। তবে যে, গুরু বলিতেছেন, অসীম অনন্ত ঈশ্বর তাঁহার হৃদয়ে আবির্ভূত, তিনি অনুভব করিয়াছেন, সত্যসেবী মহাপুরুষের কি সেইটা ভুল? সন্দেহ নির্মূল না হইতে পারে, কিন্তু একরূপ চিন্তায় সন্দেহের বেশী

জোর থাকে না, ইচ্ছা আপনি উদয় হয়—এই মহাপুরুষের অনুসরণ করি। শাস্ত্রে বলে, ঈশ্বর লাভ হয়। ইনি বলেন, লাভ করিয়াছি। শাস্ত্র কত পূর্বে লিখিত হইয়াছে, সেই শাস্ত্র-বাক্য ইহার জীবনে পরীক্ষিত। অতএব নির্মূল-চিত্ত ব্যক্তি বুঝিবে যে, গুরুপাদপদ্ম ব্যতীত, আমার আর উপায় নাই।

## (২) “তাও বটে—তাও বটে”

[ ‘তত্ত্বমঞ্জরী’ (৫ম বর্ষ, ১ম সংখ্যা, ১৩১৮ সাল) মাসিক পত্রিকায় প্রথম প্রকাশিত ]

পরমহংসদেব বলিতেন,—“তাও বটে—তাও বটে!” এই সামান্য কথায় কত জটিল তর্কের মীমাংসা হইয়াছে। এক দিন একজন শিষ্য সাকার নিরাকার সম্বন্ধে প্রশ্ন করিল। সাকার নিরাকার সম্বন্ধে ভগবান রামকৃষ্ণ বলিলেন,—“তাও বটে—তাও বটে, আর যদি কিছু থাকে,—তাও বটে।” এই কথা শ্রবণে, উপস্থিত শ্রোতার মনে যে কি বিপুল ভাবের বিকাশ পাইল, তাহা আমি অকপটে বলিতেছি—আমি বর্ণনা করিতে অক্ষম। তাঁহার মুখে কথাটা শুনিয়া মনে উদয় হইল যে, ঈশ্বর ইন্দ্রিয়ের গোচর, মনের গোচর ও মনোবুদ্ধির অগোচর,— একেবারে তিনটা ভাব ফুটিয়া উঠিল। যেন বিশাল ভবাগর্বে ডুবিয়া গেলেন! এই ক্ষুদ্র কথায় বৃহৎ বস্তুর বৃহৎ আভাস আসিয়া উদয় হইল। গুরু তार्কিক বুদ্ধি, যে সাকার-নিরাকার এই দুই বিশেষণে সেই বৃহৎ বস্তু বিশেষিত হয় না। তিনি বলিলেন, “তাও বটে—তাও বটে,—আর যদি কিছু থাকে—তাও বটে।” “আর যদি কিছু থাকে—তাও বটে,”—এ কথার অর্থ জিজ্ঞাসা করিব ভাবিলাম, কিন্তু আর জিজ্ঞাসা করিতে পারিলাম না। সেই পরম গুরু রামকৃষ্ণের প্রভাবে উত্তর আপনি হৃদয়ে

উঠিল। বুঝিলাম, আমি অতি ক্ষুদ্র, মনোবুদ্ধিতে যাহা উঠে, তাহাই বুঝিতে পারি, ঈশ্বরের স্বরূপ বুঝিবার আমার শক্তি নাই। সেই স্বরূপ বুদ্ধি উদয় হইলে, মনোবুদ্ধি লয় পাইবে। এই লয়ের নাম নির্ঝাণ। নির্ঝাণ যে পরমানন্দের কথা, তাহার আভাস পাইলাম। পূর্বে শুনা ছিল, যে, গুরু জ্ঞানপন্থীরা নির্ঝাণের অধিকারী হন, কিন্তু এ নির্ঝাণ আর একটা স্বতন্ত্র কথা। এ অতি সরস নির্ঝাণ,—রসের সাগরে ডুবিয়া নির্ঝাণ—মধুর নির্ঝাণ—প্রার্থনীয় নির্ঝাণ। ভক্তি-শ্রোত যে মাহসাগরে ধাইতেছে,—সেই মহাসাগর মাঝে নির্ঝাণ। আশ্চর্য্য গুরু—আশ্চর্য্য উপদেশ! জ্ঞান-ভক্তির পার্থক্য লইয়া বিচার একেবারে দূরীভূত। ইহাতে “চিনি হওয়া—চিনি খাওয়ায়” তর্ক নাই। আনন্দ-সাগরে আনন্দময় হওয়া, আনন্দ-সাগরে আনন্দ আশ্বাদ করা—ভয়েই এক কালে।

প্রভুর আর একটা কথার সহিত ইহার স্তম্ভর সামঞ্জস্য অনুভূত হইল। গুরু বলিতেন,—“তিনি রস,—আমরা রসিক।” কথাটা কি আনন্দময়! কথাটা শুনিয়া আমি প্রথমে বুঝিতে পারি নাই। কিন্তু যে দিন—“তাও বটে—তাও বটে, আর যদি কিছু থাকে, তাও বটে।” এই

কথাটা শুনিয়া রস কি তাহা বুঝিলাম, তখন সে রসে রসিক হওয়া কি, তাহারও আভাস পাইলাম। মনে উঠিতে লাগিল যে, সে রসের রসিকের কণ্ঠে সাংসারিক কলরব উঠিবার সম্ভাবনা নাই। সংসার মায়া কি নয়—এ কথা লইয়া কে মাথা ঘামায়? কেন সৃষ্টি হইল,—কেন সংসার এমন? এ পুত্র—এ কলত্র,—এ কথা কে কাণে তোলে? কে ইহার প্রতি লক্ষ্য রাখে? গুরু বলিতেন,—“কে জানে তোর গাঁই গুঁই। বীরভূমের বামুন মুই।” দেখিলাম—গাঁই গুঁই জানিবার প্রয়োজন নাই। উপদেষ্টারা আসিয়া উপদেশ দিয়া থাকেন,—“এ ত্যাগ কর, ও ত্যাগ কর। একরূপ হও—নে রূপ হও!” এ সব গাঁই-গুঁই আর কিছু প্রয়োজন নাই। যে রসোন্মত্ত—সে আর ত্যাগ করিবে কি? রস-সাগরে রস পান করিতেছে; কি তার আছে বা না আছে,—কি ছিল বা না ছিল,—জরা-মৃত্যু প্রভৃতি যাহার ভয়ে সংসার অভি-

ভূত—এ সকলের ধার সে রসোন্মত্ত ধারে না। সে উন্মাদ—মাতাল!—সে ও সকল কথাই বুঝিতে পারে না। “ঈশ্বর-দীপ্তর” এ নামের সহিত এ রস। এ নামের সহিত এ ভাব-সাগর। নামে যে মহাভাবে আচ্ছন্ন হইতে হয়,—সে আচ্ছন্ন অবস্থায় হৃদয়-ক্ষেত্রে বাসনা উঠা অসম্ভব।

“তাও বটে—তাও বটে, আর কিছু যদি থাকে—তাও বটে।” ‘আর কিছু যদি থাকে,’ এ কথা মনে আনিতে গেলেই মন গলিয়া যায়! চিন্তাতেই চিত্ত স্থির হয়। আর যদি কিছু থাকে—সেও কি? সাকার নয়—নিরাকার নয়—সে কি? যেন কোন বিশাল রাজ্যে গিয়া উপস্থিত হই, সে দেশে রজনী নাই, চেতন অচেতন অবস্থার ভেদাভেদ নাই,—বিপুল রাজ্য—অনন্ত রাজ্য—নির্ঝাক রাজ্য! ঈদৃশ ভাবাপন্ন হইয়া আমি মৃত বুদ্ধিতেও বুঝিতে পারিয়াছিলাম যে, “মন্ত্র মূলং গুরুবাক্যম্” এবং গুরুর বাক্য গুরু-কৃপা ধারণা হয়। সেই নিমিত্তই—“মোক্ষ মূলং গুরোঃ কৃপা।”

## (৩) নিশ্চেষ্ট অবস্থা

[ ‘উদ্বোধন’ পাক্ষিক পত্রে (৬ষ্ঠ বর্ষ, ১ম সংখ্যা, ১লা মাঘ, ১৩১০ সাল ) প্রথম প্রকাশিত ]

সন্ন্যাসী ও গৃহীর সাধন সম্বন্ধে কথা উত্থাপন হইলে, পরমহংস দেব বলিতেন, যিনি গৃহে থাকিয়া সাধনা করিতে পারেন, তিনি বীরভক্ত। আমরা তখন বুঝিয়া ছিলাম যে, ইহা একটা উত্তেজনা বাক্য, গৃহীদিগের উৎসাহ দিবার নিমিত্ত। কিন্তু এখন অল্পভব হয়—তাহা নয়, তিনি সত্যি বীরভক্ত। সন্ন্যাস গ্রহণে সাধক নিরাশ্রয় হইয়া পড়ে, আপনাকে নিরাশ্রয় জ্ঞান করে, বার বার দুর্গম কাষ্ঠার হইতে উদ্ধার পাইয়া ভাবে—আমার রক্ষাকর্তা পশ্চাৎ পশ্চাৎ আছে। সন্ন্যাস গ্রহণে এই উচ্চ শিক্ষা লাভ হয়।

এই উচ্চ শিক্ষাই ঈশ্বর-লাভের প্রথম সোপান। এই অবস্থায় সাধনা আরম্ভ হয়, এত দিনে তীর্থ ভ্রমণের ফল সম্পূর্ণ হয়, দিবারাত্র বলে—“ভগবান, আমি নিরাশ্রয়, তুমি আমার রক্ষাকর্তা, তুমি এখন কোথায়?” এই উচ্চ শিক্ষা গৃহে অতি কঠিন। কখনো জনশূন্য ভ্রমণে উচ্চ শূদ্রে, নিরাশ্রয় অবস্থায় কেহ আহার দেয় নাই; তাহার অর্জিত অর্থে প্রত্যহ পোলাও কালিয়া মেলে, কখনো পথহীন কাষ্ঠারে প্রবেশ করেন নাই; সে কাষ্ঠারে রক্ষাকর্তা আছেন কিনা, তাহা তিনি জানেন না; রাজশাসিত রাজপথে সুখগয় বানে বসিয়া



যাতায়াত করেন ; পীড়ার সময় ডাক্তার আছে, নারায়ণ বৈদ্য ও গন্ধোদক ঔষধ, এ অবস্থা তিনি উপলব্ধি করেন নাই ; বৈষয়িক কার্যে কৌশলি আছে, সর্কহাস্ত হইবার সম্ভাবনা— ভাল কৌশলি দিয়াছেন,—তিনি যে নিরাশ্রয়, এ কথা তাঁহার উপলব্ধি হওয়া অতি কঠিন।

কিন্তু যদি আমরা স্থির চিত্তে ভাবিয়া দেখি যে, ঘোর তরঙ্গে সাগর-নিমগ্ন ব্যক্তির ছায় আমরা প্রত্যেকেই নিরাশ্রয় ; তুপ শৃঙ্গে যিনি সন্ন্যাসীকে আহার দিয়াছেন, তিনিই আমাদের নিত্য আহার দিতেছেন। অর্থ সম্পদ সকলই তাঁহারই দান, জলবুদ্বুদের ছায় এখনই লয় হইবার সম্ভাবনা ; প্রতি মুহূর্ত্তে জীবন নাশের সম্ভাবনা ; চতুর্দিকে বিপদ-জাল, বিপদ কালে আশ্রয় নাই, তিনিই একমাত্র আশ্রয় ;—তাহা হইলে সন্ন্যাসীর সহিত আমাদের কিঞ্চিন্মাত্র প্রভেদ থাকে না। কিন্তু বিষয়-বিজড়িত মগ্নি বুদ্ধি কিছুতেই বুদ্ধিতে দেয় না যে সাগর নিমজ্জিত ব্যক্তির ছায় আমরা নিরাশ্রয়। চক্ষুর উপর বজ্রাঘাত, সর্পাঘাত, পক্ষাঘাত প্রভৃতি নিতাই দেখিতেছি। এই আছে এই নাই—যেন ভাসিতে ভাসিতে সাগরের জলে ডুবিয়া গেল। এই ঐশ্বর্য্য রহিয়াছে, পদ্মা ভাঙ্গিয়ে নিলে, রাজা ছিল—ভিখারী। এই স্বজন দাস-দাসী-পরিবেষ্টিত—মৃত্যু সময় তালা দিতে সকলে ব্যস্ত, শয্যা-পার্শ্বে শুশ্রূষার নিমিত্ত কেহই নাই। দারুণ রোগের যন্ত্রণা, বিচক্ষণ ডাক্তার বসিয়া আছে, উপশম হইতেছে না। তথাপি নিরাশ্রয় জ্ঞান হয় না। ঘোর বিপদে বিদ্যুৎ-চমকের ন্যায় জ্ঞান উদয় হয় বটে, কিন্তু তৎক্ষণাৎ ঘোর অন্ধকারে আবৃত। আবার ভুলিয়া যায়, আমি নিরাশ্রয়, এই মহাজ্ঞান লাভ হয় না। কিন্তু যদি কেহ ভাগ্যবান, এই সংসারে থাকিয়া দেই দিব্য জ্ঞান লাভ করেন, তিনি পরমহংস, তাঁহার পক্ষে সংসার-গৃহ নাই।

কেহ বলিতে পারেন, এই অবস্থা কি হয় ? পরমহংস-দেব বলিতেন—‘হয়’। আমরা দেখিয়াছি,—হয়। পরমহংসদেবের ভক্তের মধ্যেই দেখিয়াছি। এ মহাপুরুষ-চরিত্র বর্ণনা করান আমার কতদূর সাধ্য জানি না, কিন্তু সত্যই সেই মহাপুরুষ দেখিয়াছি। তাঁহার নাম ছিল দুর্গাচরণ নাগ,—ইনি পূর্ববঙ্গের অন্তর্গত নারায়ণগঞ্জের নিকটবর্তী দেওভোগ গ্রাম নিবাসী,—ইনি যখন পরমহংসদেবের নিকট ধ্যান, শূনিয়াছিলেন যে, ডাক্তার, উকীল, দালাল, এদের

ঈশ্বর লাভ হওয়া কঠিন। নাগ মহাশয় (আমরা সকলে তাঁহাকে ‘নাগ মহাশয়’ বলিয়া ডাকিতাম) হোমিওপ্যাথিক ডাক্তার ছিলেন। বাটীতে ফিরিয়া আসিয়া ঔষধের বাস্কেট গঙ্গাজলে নিক্ষেপ করিলেন। ইতিপূর্বে ডাক্তারি করিতে গিয়া, দর্শনার পরিবর্তে রোগীর পথ্য অনেক সময়ে নিজে দিয়া আসিতেন, কোন দ্রব্য ক্রয়ের প্রয়োজন হইলে, দোকানদারকে করজোড়ে বলিতেন, “কুপা করিয়া এক টাকার সন্দেশ দেন।” দোকানদার যাহা দিল—তাই। ঘরের বাঁশ-বাঁকারি ভাঙ্গিয়া অতিথিকে কাট দেওন,—গৃহ আছে, স্ত্রী আছে—ইনি গৃহী। কিন্তু ইহার সন্ন্যাসী হইতে কিছু প্রভেদ নাই। সন্ন্যাসীর ছায় আত্মচেষ্টি রহিত। একদিন তাঁহার গৃহের পার্শ্বে অপর গৃহে আগুন লাগিয়াছে, তাঁহার পরিবার যাহা জিনিষ-পত্র ছিল, বাহিরে আনিতেছেন। তিনি নিবারণ করিয়া বলিলেন, —“কি করিতেছ ? গৃহে লইয়া যাও। যদি অগ্নিদেব দক্ষ করেন, কে রক্ষা করিবে ? আইস—আমরা অগ্নিদেবের স্তব করি, যাহাতে রক্ষা হয়।” সত্যই রক্ষা হইল। ইহা বায়ুর গতি পরিবর্তনে হউক বা যাহাতেই হউক, কিন্তু সত্যই রক্ষা হইল। এইরূপ পরম নিশ্চেষ্ট মহাপুরুষ দর্শন করিয়াছি।

এস্থলে তর্ক উঠিতে পারে, আমাদের কি নিশ্চেষ্ট হওয়া উচিত ? না, কখনই নয়। সাধারণের পক্ষে কখনই নয়। আলস্য বশতঃ যদি কখনও নিশ্চেষ্ট হইবার চেষ্টা পাও, দেখিবে, সম্পূর্ণ নিশ্চেষ্ট হইতে পারিতেছ না। নিশ্চেষ্ট হওয়া একটা অবস্থা। অলস হইয়া চুপ করিয়া ঘরে বসিয়া থাকা নয়। তোমার বাসনা—তোমায় চেষ্টা করাইবে। নিরন্তর সং চেষ্টায় নিযুক্ত থাকিয়া যদি নিশ্চেষ্ট হইতে পার। কায়-মনোবাক্যে ভগবানের কৃপা প্রার্থনা করিয়া তবে নিশ্চেষ্ট হইতে পারিবে। পুনঃ পুনঃ বিচার করিয়া বুঝিবে যে, আমি সম্পূর্ণ নিরাশ্রয়—তবে নিশ্চেষ্ট হওয়া সম্ভব। নতুবা আমি নিশ্চেষ্ট হইয়াছি—এই ভাগ জীবনে বিড়ম্বনা। যাহারা অপদার্থ, কার্যে উচ্ছন্নশূন্য, তাহারাই অদৃষ্টে যাহা আছে বলিয়া (প্রকৃত নিশ্চেষ্ট হয় না) কাঁধে বিরত থাকে। নিয়ত দৈবজ্ঞের নিকট কখন স্তম্ভ আসিবে, তাহা জানিতে ব্যগ্র হয়; বিপদে অধীর ও সম্পদে উল্লসিত, নিশ্চেষ্ট ভাগে তাহাদের জীবনযাত্রা একটা বিড়ম্বনা, তাহারা তমোগুণের আদর্শ। সংসারে এই সকল ব্যক্তি লক্ষ্মীছাড়া; কিন্তু যিনি

পঞ্চম পুরুষার্থ সম্পন্ন, ভগবানের উপর আত্ম নির্ভর করিয়া দিয়াছে। আমরা সেয়ানা হইয়া সকলের কাছে ফাঁকে নিশ্চেষ্টে,—তিনি মহা ক্ষমতামালী। মা লক্ষ্মী তাঁহার পড়িতেছি। গুরু নিকট প্রার্থনা যে, সেয়ানা বুদ্ধি পশ্চাতে বনে অন্ন লইয়া যান, লক্ষ্মীর বরপুত্র ভূপতি তাঁহার দূর হইয়া যেন আপনাকে “সম্পূর্ণ নিরাশ্রয়” জ্ঞান দর্শনে অবনতশির হন। তিনি সুখ-দুঃখে অটল, সঞ্চয়-লাভ করিতে পারি। যেন ‘তুমি একমাত্র রক্ষাকর্তা’ এই বুদ্ধি-রহিত, সমস্ত সংসার তাঁহার পিতৃ-সংসার জ্ঞানে নির্ভয়ে বোধ সকল অবস্থায় অচল থাকে, নিদ্রা জাগরণে সমান বিচরণ করেন। এই নিশ্চেষ্ট অবস্থা লাভ করা সম্ভবপী থাকে, যেন অক্ষয় হৃদয়ে একবার তোমায় ডাকিতে অপেক্ষা গৃহীর শতগুণে কঠিন। সম্ভবসীরা তো ফকড়, ফাঁকি পারি।

# বৈষ্ণবী

( ঐতিহাসিক নাটক )

## চরিত্র

( পুরুষ )

আওরঙ্গজেব	...	ভারত সম্রাট ।	
হামিদ খাঁ	}	...	আওরঙ্গজেবের সেনাপতিদ্বয় ।
বিষণ সিংহ			
কারতরফ খাঁ	...	মোগল-দুর্গাধিপ ।	
মীরসাহেব	...	কারতরফ খাঁর সেনানায়ক ।	
করিম	...	কারতরফ খাঁর বিশ্বস্ত ভৃত্য ।	
মহাস্ত	...	সংনামী পণ্ডিত ।	
ফকিররাম	...	সংনামী পরিব্রাজক ।	
রণেশ্বর	...	মহাস্তর শিষ্য ।	
চরণদাস	...	ফকিররামের শিষ্য ।	
পরশুরাম	...	সংনামী ধনাঢ্য যুবক ।	
রঘুরাম	...	রাজপুত্র ।	

আওরঙ্গজেবের মন্ত্রী, সুবেদার, রহিম, আবদুল, কৃষক,  
নাগরিকগণ, সংনামী-যুবাগণ, সংনামী সৈন্যগণ,  
রক্ষীগণ, দূতগণ, মুসলমান-সৈন্যগণ, পার্শ্বদগণ,  
পাইকগণ ইত্যাদি ইত্যাদি ।

( স্ত্রী )

বৈষ্ণবী	...	মহাস্তর কন্যা ।
সোহিনী	...	ঐশ্ব্যশালিনী বৃদ্ধা বারাননা ।
শুলসানা	...	কারতরফ খাঁর কন্যা ।

পান্না, যুব স্ত্রীগণ, সখীগণ, সংনামী নারীগণ ইত্যাদি ।

## প্রথম অঙ্ক ।

—\*—

### প্রথম গর্ভাঙ্ক

মহাস্তের আশ্রম-সম্মুখ

মহাস্ত ও বৈষ্ণবী ।

মহাস্ত । মা, ছুটি খাওগে না—বেলা হ'লো ।  
বৈষ্ণবী । না না—এখন আমি ভাববো ।  
মহাস্ত । কি ভাব ?  
বৈষ্ণবী । তা কি আমি জানি, তা জানি না ।  
কি ভাবি—অনেক দূর, অনেক দূর, কত কি, কত কি !  
মহাস্ত । দেখ মা, বোঝো, আমি বৃদ্ধ হ'য়েছি, আর  
তোমার ত্রিভুবনে কেউ নাই, আমি ম'রে গেলে কি হবে ?  
বৈষ্ণবী । না না, মরো না বাবা, মরো না, আমি এখন  
ভাবি ।

মহাস্ত । তোমার গর্ভধারিণীকে মনে পড়ে ?  
বৈষ্ণবী । কে জানে । বাবা, তুমি আকাশ দেখ না ?  
দেখ না, দেখ না, কত কি আছে ! কত কে আসে !

মহাস্ত । কি দেখ ?

বৈষ্ণবী । জানি না ।

মহাস্ত । আমার কথা তুমি বোঝ না কেন ? দেখা  
কন্যাপুত্রের লোক প্রার্থনা করে, বৃদ্ধকালে সেবা ক'রবে ব'লে ।  
তুমি কি বুঝতে পার না, তুমি অমন ক'রে বেড়াও, তাতে  
আমার মনে কত দুঃখ হয় । এখন আর বাহিকা নও, যুবত

হ'য়েছ ; দিন নাই, দুকুর নাই, সাঁজ নাই, দম্ভা নাই—  
একলা নদীর ধারে, গাছতলায় গিয়ে ব'সে থাক, লোকে  
আমায় তাতে নিন্দা করে, তা জান ?

বৈষ্ণবী । আমি ঘরে থাকতে পারি না বাবা,—আমার  
মন ছুঁ করে বাবা !

মহাস্ত । ছা'খ—একটী রাঙ্গা বর আন্বো, বিয়ে  
করবি ?

বৈষ্ণবী । না না, ও কথা শুনতে নাই, ও কথা শুনতে  
নাই !—এই দেখ, আমার বৃকের ভিতর মানা ক'চ্ছে— শুনতে  
নাই ; ব'লো না, ব'লো না, তা হ'লে আবার চ'লে যাবো,  
আবার চ'লে গেলে আর আস্বো না ।

মহাস্ত । আচ্ছা, গেগে যা ; তুই না খেলে আমি তো  
খাই না জানিস ?

বৈষ্ণবী । কি ক'রবো বাবা !

মহাস্ত । হা আমার অদৃষ্ট ! গৃহিণী কৌনারীত্রত ক'রে  
কি কণ্ঠা রত্নই আমায় দিয়ে গেছেন ! মৃত্যুকালে প্রতিশ্রুত  
ক'রে নিয়েছে, কণ্ঠাকে কিছু ব'লবো না । আচ্ছা, তোমার  
অনুরোধই রক্ষা ক'রবো, কণ্ঠাকে কিছু ব'লবো না ; কণ্ঠার  
অদৃষ্টে যা আছে, হবে । রণেন্দ্র আমার পুত্র অপেক্ষা অধিক,  
আমার অবর্তমানে সে বোধ হয়, আমার কণ্ঠাকে ফেলতে  
পারবে না ।

( ফকিররামের প্রবেশ )

কি ফকির, হাসছ কেন ?

ফকির । আমোদে প্রাণ ভ'রে গেছে,—'দিল্লীখরো বা  
জগদীশ্বরো বা' কাবুল হ'তে ফিরে আসছেন—তাই আনন্দে  
আর বাঁচছি না ! এবার শুনছি, কাবুল হ'তে বিশেষ শিক্ষা  
পেয়ে আমাদের প্রতি স্নেহ প্রকাশ আরও কিছু অধিক  
পরিমাণে হবে ।

মহাস্ত । হিন্দুর প্রতি আওরাজ্জিব বাদসার আর স্নেহ  
কি ?

ফকির । কেন মহাস্তজী, তোমরা তো টোল ক'রে  
ক'রে ছাত্রদের শিক্ষা দিচ্ছ যে, নিক্সাগ লাভ করো । কেহ  
ষদি মারে, সে কিছু নয়—স্বপ্ন মাত্র ! বাড়ী কেড়ে নেয়,  
স্ত্রী কেড়ে নেয়, সেও স্বপ্ন মাত্র ! স্ত্রীও নাই—বাড়ীও নাই ।  
একমাত্র পুত্রকে না খেতে দিয়ে হত্যা করে, সেও স্বপ্ন—কিছুই  
নয়, মায়া ! খালি নিক্সাগ হবার চেষ্টা করো ! তা

আওরাজ্জিব বাদসা স্নেহে ক'তে ক'মে ক'মে পর্যন্ত হিন্দুর  
আবালবৃদ্ধবনিতাকে নিক্সাগমুক্তি দান করবেন ; তিনি  
দিল্লীখর—জগদীশ্বর, সব পারেন কি না !

বৈষ্ণবী । হিঃ হিঃ হিঃ !

মহাস্ত । কিরে বৈষ্ণবী, এখনো ব'সে রইলি, খেতে  
গেলি নি ?

ফকির । খাওয়া কি মহাস্তজী, নিক্সাগ—নিক্সাগ !

মহাস্ত । ব্যঙ্গ রাগ, তোমার কথাটা কি ? আওরাজ্জিব  
বাদসা কি হিন্দুদের উপর ক্রুদ্ধ হ'য়েছেন ?

ফকির । আরে ক্রুদ্ধ কেন ? দেখছেন, হিন্দুরা বহুকাল  
হ'তে সাধন ক'রে ক'রে মনুষ্যাকার বৃক্ষ-প্রস্তর হ'য়ে সব সঙ্ক  
ক'ছে, কেন না, শেষে মুক্তিলাভ ক'রবেন । এতদিনে বোধ  
হয়, সাধন-ক্রিয়া সমাপ্ত হ'য়েছে ; সেই নিমিত্ত পরমদয়াল  
বাদসা—মোগলরূপী জগদীশ্বর কৃপা ক'রে মুক্তিদান ক'রবেন ।

মহাস্ত । আচ্ছা ফকির, তুমি সর্কশাস্ত্রবিশারদ, কিন্তু  
শাস্ত্রের কথা নিয়ে দিবারাত্রি ব্যঙ্গ কর কেন ?

ফকির । কে ব'লে ব্যঙ্গ করি ? আমরি মরি, এমন  
চমৎকার শাস্ত্রব্যাখ্যা ! মনে হয়, শাস্ত্রকারেরা যদি জানতেন  
যে, অর্জুনের প্রতি শ্রীকৃষ্ণের গীতার উপদেশ পাঠ ক'রে  
ভারতবর্ষে হিন্দুরা মনুষ্যাকার গাছ-পাথর হবে, সকল  
অত্যাচার সহ ক'রবে, জড়ের ন্যায় বিচলিত হবে না, তা হ'লে  
বোধ হয়, শাস্ত্রগুলি পোড়াতেন এবং নিজে তুষানল ক'রে  
প্রায়শ্চিত্ত ক'রতেন ।

বৈষ্ণবী । হিঃ হিঃ হিঃ !

মহাস্ত । তোমার বিবেচনায় কি শাস্ত্রকারেরা ভ্রান্ত ?

ফকির । ভ্রান্ত নয় ?—ঘোর ভ্রান্ত ! তাঁদের বোঝা  
উচিত ছিল, কালে দিগ্গজ দিগ্গজ পণ্ডিত হবে, শাস্ত্রের  
উপর টীকা চালাবে ; যে অর্থে শাস্ত্র লিখেছেন, সে অর্থ আর  
থাকবে না ।

মহাস্ত । ফকির, বৃদ্ধ হ'লে, আজও বুঝলে না যে,  
রজোগুণে মুক্তি হয় না ; রজোগুণে কার্যে প্রবৃত্তি জন্মায়,  
জীবকে বাসনায় জড়িত করে ।

ফকির । আর তমোগুণে জড় হ'য়ে বাসনার হাত  
এড়ায় !

মহাস্ত । মূর্খ ! আমি কি সে কথা ব'লছি, তমোগুণে  
অলস জড় হয় । কৃষ্ণকর্ণ তমোগুণের আদর্শ । সৎগুণ

উদয় হ'লে তবে পরমার্থ লাভ হয়—যেমন বিভীষণ। রজোগুণী  
রাবণ,—দেবকন্ঠা, নাগকন্ঠা হরণ, এই তো তার ফল ?

ফকির। আপনার কি ধারণা যে, হিন্দুস্থানে সকলে  
সত্ত্বগুণী, তাই বিজাতীয়ের পদাঘাত সহ্য করে ? তা নয় !—  
একবার চক্ষু খুলে দেখ যে, ঘোর তমোতে দেশ আচ্ছন্ন,  
অলসে কুম্ভকর্ণের মত জড় হ'য়ে পড়ে আছে ! অনলস হ'য়ে  
কার্যে প্রবৃত্ত হ'লে, তবে সে জড়তা দূর হবে। রজোগুণের  
প্রভাবে তমোগুণ নাশ হবে। ভগবান্ ব'লেছেন, কার্য  
ব্যতীত প্রকৃত জ্ঞান লাভ হয় না। জড় তমোগুণী কি চৈতন্য  
লাভ ক'রতে পারে ? সংকার্য-ফলে হৃদয়ে সত্ত্বগুণের  
উদয় হয়, তবে সে নির্বাণে অধিকারী। জড় হ'য়ে থাকলে যে  
সত্ত্বগুণী হয়, তা মনে ক'রো না। আমাদের অপেক্ষা মুসল-  
মান শ্রেষ্ঠ—তারা তমসাচ্ছন্ন নয়—রজোগুণী বীরপুরুষ।  
বীর ব্যতীত কেউ সত্ত্বগুণ লাভ করে না।

বৈষ্ণবী। হিঃ হিঃ হিঃ !

মহাস্ত। যাক, তোমার সঙ্গে তর্কের প্রয়োজন নাই।  
এখন তোমার কথাটা কি, বুঝিয়ে বল না ?

ফকির। এই যে তোমায় ব'লেম ;—কাবুলের যুদ্ধে  
গিয়ে বাদশা তলোয়ার খেয়েই এসেছেন, তারা কাবুলে,  
তাদের নির্বাণ-অভিলাষ নাই, তলোয়ার চালাতে পান নাই  
—তলোয়ার ভেঁতা হ'য়ে আছে—তাই বোধ হয় দয়াল  
পুরুষ ভাবছেন, তলোয়ারও সানানো হবে, আর হিন্দুদের  
নির্বাণ মুক্তি দানও হবে, সেই জন্তু তাঁর সৈন্তেরা কাটতে  
কাটতে, লুট ক'রতে ক'রতে ধেয়ে আসছেন।

বৈষ্ণবী। হিঃ হিঃ হিঃ !

মহাস্ত। বৈষ্ণবী, যা, এক ঘটি জল এনেও তো উপকার  
ক'রবি না ; এই বৃদ্ধ বয়সে স্বয়ং রন্ধন ক'রে দিচ্ছি, সময়ে  
ছুটি আহাৰ ক'রবি, তাও পারিস্ না।

ফকির। মহাস্তজী, আজও কন্যার বিবাহ দাও নাই ?

মহাস্ত। হঁ ! এ কিছুতকিমাকার কন্যাকে কে বিবাহ  
ক'রবে বল ? বিধাতার কি বিড়ম্বনা, এমন সুন্দর দেহে  
চৈতন্য দেন নাই ! একি অদ্ভুত সৃষ্টি, কিছুই বুঝ্লেম না।  
একবার বিবাহের সম্বন্ধ ক'রেছিলেম, তাতে তিনদিন বাড়ী  
ছেড়ে পালিয়েছিল।

বৈষ্ণবী। বাবা বাবা, আর ও কথা ব'লো না—আর  
কথাও ব'লো না ! ও কথা আমি শুন্তে পারবো না, আমি

চ'লে যাবো—চ'লে যাবো। দেখো দেখো, আমি কি করি  
দেখো ! হিঃ হিঃ হিঃ ! আমি বটতলায় ব'সে আকাশ  
দেখি গে, আর ভাবি গে।

। বৈষ্ণবীর প্রশ্নান।

মহাস্ত। দেখ ফকির, আমার অদৃষ্ট ! দিবারাত্র বনে-  
জঙ্গলে ঘুরে বেড়ায়,—ভয় নাই, লজ্জা নাই, একলা নদীর  
ধারে ব'সে থাকে। গৃহকাজ ত করেই না, সময়ে আহাৰও  
নাই। তোমার কি বোধ হয়, কোন উপদেবতা আশ্রয়  
ক'রেছে ?

ফকির। আমি তো কিছু বুঝি না। মহাস্তজী, আমি  
সত্য বলছি, আমি অনেক স্থান ভ্রমণ ক'রেছি, এমন তেজ-  
স্বিনী, সুলক্ষণা কুমারী আমি কোথাও দেখি নাই।

মহাস্ত। সুলক্ষণা—হঁ ! গৃহিণী কৌমারী ব্রত ক'রে  
এই কন্যারত্ন লাভ ক'রেছিলেন। মৃত্যুকালে প্রতিশ্রুত  
ক'রে ল'য়েছেন, কন্যাকে যেন কিছু না বলি। যাক,  
আমার আর ক'দিন ? সৎনাম ! যে যার কর্মফল ভোগ  
ক'রবে, আমি কি ক'রবো ?

ফকির। মহাস্তজী, শাস্ত্রের মর্ম কি, কন্যা নিজ কর্ম-  
ফলে জন্মেছে বা মহাস্তজী ও তাঁর গৃহিণীর সে কার্যফলের  
কিছু অংশ আছে ?

মহাস্ত। আমাদেরও কর্মফল, নইলে এ ভোগ হবে  
কেন ?

ফকির। ও আক্ষেপ রাখ। এখন প্রস্তুত হও, কিছু  
অর্থ নাও, মেয়েটাকে নিয়ে পালাই চलो।

মহাস্ত। আর ফকির ! সৎনামের গনে যা আছে তা  
হবে, এ বৃদ্ধ বয়সে আর কোথায় যাবো। যেখানে পালাবো,  
সেইখানেই তো দিল্লীশ্বরের রাজ্য !

ফকির। মহাস্তজী, ভিরকুটী রাখো, সাত্ত্বিক ভাব ছাড়ো,  
কেন মুসলমানের হাতে প্রাণ দেবে ? তাঁর সৈন্তেরা নাড়োল  
নগর দিয়েই দিল্লী যাবে।

মহাস্ত। তুমি যাও ভাই—আমি আর কোথায় যাবো ?

ফকির। নিতাস্তই বৃদ্ধবয়সে মুসলমান-হস্তে নির্বাণ  
লাভ ক'রবে ? বোঝো—আমি আর বিলম্ব ক'রতে পাচ্ছি  
না, অপর বন্ধুবান্ধবকে সংবাদ দেব—তুমি অবুঝ হয়ো না,  
আত্মরক্ষার উপায় করো ; বিধর্মী-হস্তে কেন অপঘাতে  
প্রাণত্যাগ ক'রবে ?

মহাস্ত। ভাই, অদৃষ্ট ছাড়া পথ নাই।

ফকির। তুমি পণ্ডিত না নিশ্চেষ্ট কাপুরুষ ! আপনার জীবন, কণ্ঠার ধর্মরক্ষায় বিমুখ হ'চ্ছে? ভাল, যা বোঝ, তাই করো, আমি চ'ল্লেম। আবার ব'ল্চি, এখনও আমার কথা রাখো।

মহাস্ত। সৎনামের যা ইচ্ছা, তাই হবে।

ফকির। সৎনামের কি ইচ্ছা, তা বুঝেছি। হা নিকোঁধ শাস্ত্রাভিমানি !

[ ফকিররামের প্রস্থান।

মহাস্ত। সৎনাম ! সৎনাম ! ফকির ভেবেছেন, অদৃষ্ট-ফল লঙ্ঘন ক'রবেন—পলায়নে অদৃষ্ট খণ্ডন হবে। আরে মুখ, তাও কি হয় ? সৎনাম ! সৎনাম !

( একদল মোগল-সৈন্তের প্রবেশ )

সকলে। আল্লা আল্লা হো !

১ম সৈন্ত। সুবেদার, এ বুড়ার পাশ বহুৎ মাল আছে ; এ কাফেরদের মোল্লা, ভূতের পূজা ক'রে বহুৎ রূপেয়া জমা ক'রেছে।

সুবেদার। আরে, কি তোমর কাছে মাল আছে। নিকলে দে।

২য় সৈন্ত। সুবেদার, ওর একটা বড় জোয়ান বেটা আছে।

সুবেদার। পিছের বাৎ পিছে। বুড়া, রূপেয়া দাও।

মহাস্ত। আমি গরীব, আমি রূপেয়া কোথা পাবো, আমার যা আছে নাও।

সুবেদার। কোথায় জমীনের নীচে গেড়ে রেখেছিস, বাইরে আন। যাও, ওর ঘর লুট করো।

১ম সৈন্ত। ও টাকা গেড়ে রেখেছে, ঘটা-বাটা নিয়ে কি ক'রবো ?

সুবেদার। দে, রূপেয়া দে।

মহাস্ত। দোহাই দিল্লীখরের ! আমার কিছুই নাই।

সুবেদার। নেই ? হ'হাতের বুড়ো আঙ্গুল বেঁধে গাছে লটকে দে।

মহাস্ত। আমি মিথ্যাবাদী নই। আপনারা রাজা, কেন মিথ্যা দণ্ড দেবেন ! আমার অর্থ নাই।

সুবেদার। বুড়া, তোমর রূপেয়া নাই ? তবে মুসলমান হ।

মহাস্ত। জীবন থাকতে নয়।

সুবেদার। তবে মর কাফের। ( অস্ত্রঘাত ও মহাস্তের মৃত্যু ) কুচ করো।

[সকলের প্রস্থান।

( রণেশ্বরের প্রবেশ )

রণেশ্বর। এ কি সর্কনাশ ! এ কি হ'লো ! গুরুহত্যা দেখ্লেম, এই কি অদৃষ্টে ছিল ! কে এ কাজ ক'রলে ! কে রে নরাদম, কে রে নির্দয়, এ সর্কনাশ কে ক'রলে।

( একজন লোকের প্রবেশ )

লোক। ও রে বাপ রে, ও রে বাপ রে, হিন্দুর আর বাঁচওয়া নাই রে, কারও বাঁচওয়া নাই রে,—মুসলমানের হাতে কারও বাঁচওয়া নাই !

রণেশ্বর। কি—কি—কি হ'য়েছে ?

লোক। সুবেদার সব কাটতে কাটতে চ'লেছে। মহাস্তজীকে কাট'ছে দেখে দৌড়ে গিয়ে কোঁপের ভিতর লুকিয়েছিলেম, সেখানে গিয়ে তাড়া ক'রেছে। ও রে বাপ রে, কি হবে রে—কি হবে রে !

[ লোকের প্রস্থান।

রণেশ্বর। গুরুদেব, তোমার অপঘাত-মৃত্যু দেখ্লেম। এর কি প্রতিশোধ আছে ? গুরুদেব, মার্জনা করুন, আপনার শিক্ষা আমি ত্যাগ ক'রলেম,—আজ হ'তে জিঘাংসা আমার জীবনের ব্রত, মোগলহত্যা আমার ধর্ম্মাচুচান। যত পাপ হয়, হোক। গুরুদেব, তোমার পাদস্পর্শ ক'রে ব'ল্চি, আমি নির্কারণ চাই না। মোগলকুল নিশ্চূল ক'রতে পারি, তবে আবার শাস্ত্রাধ্যয়ন ক'রবো, তবে আবার যোগক্রিয়া ক'রবো। মুসলমান ধ্বংস না ক'রে, যদি আমি পরকাল কামনা করি, যেন মুসলমান-হস্তে আমার মৃত্যু হয়।

( বৈষ্ণবীর প্রবেশ )

বৈষ্ণবী। এ কি, এ কি, রক্ত কেন ! বাবা এমন ক'রে রক্তের উপর শুয়ে কেন ? এ কি, বাবা ওঠ। রণেশ্বর—রণেশ্বর, বাবা এমন ক'রে শুয়ে কেন ?

রণেন্দ্র। আরে অভাগিনি, আরে উন্মাদিনি, আমরা পিতৃহীন,—গুরুদেবকে মোগলে বধ ক'রেছে!

বৈষ্ণবী। কি কি রণেন্দ্র, মোগলে মেরেছে, মোগলে মেরেছে! (কম্পন) আমায় ধরো না, ধরো না, আমি মুর্ছা যাবো না, আমি এই রক্তে স্নান ক'রলেম। রণেন্দ্র - রণেন্দ্র, আমি চ'ল্লেম। বাবা ম'রে গিয়েছেন, আমি কাঁদবো না,—আমার কাজ আছে, আমার কাজ আছে, আমি চ'ল্লেম। রণেন্দ্র, তোমারও পিতা, তুমি সংকার ক'রো! আমি পাগলী, আমি চিরদিন পিতাকে যজ্ঞা দিয়েছি, আমি সংকার ক'রলে পিতা রাগ ক'রবেন। রণেন্দ্র, রণেন্দ্র, তুমি সংকার ক'রো, তুমি সংকার ক'রো, আমার সংকারে অধিকার নাই। আমায় পাগল মনে ক'রো না। রণেন্দ্র, আমার মাথার চুল দেখ'ছো?—কত চুল দেখ'ছো? হাজার মোগল বধ হবে, আমি একগাছি চুল ছিঁড়বো!—এমনি ক'রে আমি কেশহীনা হবো! তার পর একদিন বুকের রক্ত দিয়ে বাবার তর্পণ ক'রবো! আমি চ'ল্লেম, আমি চ'ল্লেম!

রণেন্দ্র। কোথায় যাস, কোথায় যাস, এ সময় পাগ-লামো করিস নে।

বৈষ্ণবী। না ভাই—না রণেন্দ্র—আমি পাগল নই। দেখ, আমার মাথায় বাজ প'ড়েছে, আমার পাগলামোর উপর বাজ প'ড়েছে। আমার কিছু মনে থাকতো না, স্নান তো। আজ শোনো, তিন বছরের বেলায় মা মরেছেন, সে দিন একবার এমনি হ'য়েছিল, বাবার আদরে আবার কেমন হ'য়ে গিয়েছিলেম। আজ সে আদরের উপর বাজ প'ড়েছে,—আমার সব কথা মনে প'ড়েছে, দিন-দিন, প্রহর—প্রহর, দণ্ড—দণ্ড,পলে—পলে যা হ'য়েছে, সমস্ত মনে প'ড়েছে, বাবা যা তোমায় পড়াতে, তা মনে প'ড়েছে;—শুনে? শোনো—

“কুতস্তা কশ্মলমিদং বিষমে সমুপস্থিতম্।

অনাথাজ্জুষ্টমশ্বগামকীর্তিকরমর্জ্জুন ॥

মা ক্রৈব্যং গচ্ছ কোন্তেয় নৈতৎ ত্বেয়াপপদ্যতে।

ক্ষুদ্রং হৃদয়-দৌর্বল্যং ত্যক্তোত্তিষ্ঠ পরস্তপ ॥’

এর অর্থ বুঝেছি! দুর্বল-হৃদয়ে কাঁদবো কেন? নগবালা মহিষাসুর বধ ক'রেছেন, গুহু-নিগুহু বধ ক'রেছেন—আমি মোগল বধ ক'রবো।

রণেন্দ্র। যেও না—যেও না, স্থির হও।

বৈষ্ণবী। কি ক'রে স্থির হবো! ঐ দেখ, শিখিবাহিনী; শক্তিধারিণী, বিমানবিহারিণী আগে আগে পথ দেখিয়ে চ'লেছেন; ঐ দেখ রণরঞ্জিণী যোগিনীরা মার চতুর্দিকে অট্টহাসে নৃত্য ক'চ্ছে, ঐ দেখ—ঐ আকাশ-পটে দেখ! আমার চক্ষের উপর যে ছায়া ছিল, সে ছায়া দূর হ'য়েছে;—ভৈরবীর উজ্জল মূর্তি আমার নয়ন-পথে পতিতা হ'য়েছে;—দেবী আমার উদ্দেশ্য আমার অন্তরে ব'লছেন,—সম্মুখে আমার প্রশস্ত পথ।

[ বৈষ্ণবীর প্রশ্নান।

রণেন্দ্র। হাঁ—ভগ্নি, হাঁ গুরু-কন্যা! ক্ষুদ্রহৃদয় দৌর্বল্য আমিও ত্যাগ ক'রলেম।

(প্রতিবাসিগণের প্রবেশ)

মহাশয়, আপনারা দেখুন, কি সর্বনাশ!

১ম প্রতি। পাপরাজ্যে দিন দিন এইরূপই হবে। চল, যথাস্থানে মৃতদেহ ল'য়ে যাই। মহাস্ত্রীকে যখন হত্যা ক'রেছে, আমরাও নগর পরিত্যাগ করি।

[ সকলের প্রশ্নান।

## দ্বিতীয় দর্ভাঙ্ক

বেশাপল্লীস্থ পথ

পরশুরাম ও বৈষ্ণবী।

বৈষ্ণবী। দাও দাও, তলোয়ারখানা আমায় দাও; তুমি হিন্দু, তলোয়ার নিয়ে কি ক'রবে? আমায় দাও। পরশু। কে তুমি?

বৈষ্ণবী। আমি যে হই, তলোয়ার নিয়ে তুমি কি ক'রবে? কেন তলোয়ার নিয়ে সং সেজে র'য়েছ? মুসলমান যদি বাপকে বধ করে, তলোয়ার নিয়ে পালাবে; যদি ঘর জালিয়ে দেয়, তলোয়ার নিয়ে ছুটবে; যদি শস্ত কেটে নেয়, তলোয়ার ফেলে জোড়হস্ত ক'রে দাঁড়াবে; যদি ছেলে কেড়ে নেয়, বন্ধু মারে, স্ত্রীর প্রতি অত্যাচার

করে, কেঁদে তলোয়ার আপনার বুকে মারবে ;—তোমার শাস্ত্রের নিষেধ, তোমায় তলোয়ার খুলতে নাই! দাও—দাও তলোয়ার আমায় দাও।

পরশু। তুমি কে?

বৈষ্ণবী। আমি মহিষমর্দিনী, রণরঞ্জিনী, মোগলকুল-বিনাশিনী!—আমি হিন্দু বটে, কিন্তু তোমাদের মত হিন্দু নই, মোগলকে ভয় করি না। তলোয়ার তুমি রেখো না, আমায় দাও, কেন মার হাতের তলোয়ারকে অপমান করো; অসুরনাশিনী এই অস্ত্র ধরে অসুরকুল নিঃশূল করেছিলেন। অস্ত্রের পূজা করো, কিন্তু অস্ত্রের অপমান করো। বোঝ না, অসির বড় তৃষা,—মোগল-শোণিত-পানে বড় তৃষা।

পরশু। তুমি কিসে জানলে, আমি অস্ত্রের অপমান করি?

বৈষ্ণবী। এই তো সমস্ত নগর বেড়িয়ে দেখলেম,— একজন মুসলমান দেখে, ঘর-বাড়া, স্ত্রীপুত্র ছেড়ে দশজন হিন্দু পালাচ্ছে;—তাদের হাত আছে, অস্ত্র আছে, মাহুষের আকার, কিন্তু গো, মেষ, ছাগ অপেক্ষা হীন। পালাচ্ছে—পালাচ্ছে, আর মোগলেরা পাছে পাছে গিয়ে হামতে হামতে অস্ত্রাঘাত করছে, কেউ ফিরে চাচ্ছে না।

পরশু। আমি সে হিন্দু নই।

বৈষ্ণবী। কিসে জানবো? এই তো এ বাড়ীতে মুসলমানেরা আমোদ করছে; ঐ শোনো, যন্ত্রের ধ্বনি শোনো, আকাশ-ব্যাপী সুরলহরী শোনো, উচ্চহাস্তরব শোনো, তলোয়ার হাতে আছে,—ধাও, গিয়ে বধ করো।

(পান্না, রহিম ও আবদুলের প্রবেশ)

পান্না। রহিম, রহিম—তোমার মাথার দিবি, আমি ব'লুচি—আমি পরশুরামকে চাইনে, আমি সাত দিন তারে বাড়ী আসতে দিই নাই। আবদুল—ভাই, রহিমকে বুঝিয়ে বলো।

বৈষ্ণবী। এগোও—এগোও—লুকোচ্ছ যে? তলোয়ার খোলো।

পরশু। চুপ, স্থির হও।

রহিম। পা ছাড়, নইলে লাথি মারবো।

পান্না। ঠাখ্, রহিম, তোর জন্তে মরি, আর তুই আমায় পারে ঠেলে ঝাচ্ছিস, তোর ভাল হবে না!

রহিম। আচ্ছা, তুই পরশুরামকে চাসনে?

পান্না। না, সতি ব'লুচি—চাইনে।

রহিম। আচ্ছা, তুই পরশুরামকে তার বাড়ী বাদী পাঠিয়ে তারে ডেকে আন; আমার সামনে যদি তার মুখে, দাঁড়িয়ে লাথি মারতে পারিস, তা হ'লে তোর মুখে আলাপ রাখবো।

পান্না। আচ্ছা, তুই ধরে আয়, আমি এখনই বাদী পাঠাচ্ছি।

পরশু। বাদী পাঠাতে হবে না। রহিম, আমার মুখে পদাঘাত করবে? পদাঘাত কিরূপ, ঠাখ্।

(রহিমকে পদাঘাত)

রহিম। কাফের!

(আবদুল ও রহিম উভয়ের পরশুরামকে আক্রমণ)

(যুদ্ধে রহিমের পতন)

পান্না। রহিমকে খুন করলে—রহিমকে খুন করলে!

(অন্য দুই জন মুসলমানের প্রবেশ)

(বৈষ্ণবী কর্তৃক নবাগত মুসলমানদ্বয়ের চক্ষে দুই মুষ্টি ধূলি ক্ষেপণ)

(আবদুল ও পরশুরাম পরস্পর পরস্পরকে আঘাত)

পান্না। খুন করলে, খুন করলে!

[পান্নার প্রস্থান।

(বৈষ্ণবী ভূপতিত রহিমের তরবারি লইয়া

নবাগত মুসলমানদ্বয়কে প্রহার)

বৈষ্ণবী। চলো—চলো, আজকের মত কাজ হ'য়েছে, আরও অনেক কাজ আছে। ও কুলটার পানে চেয়ো না—চল—চল—তুমি আঘাত পেয়েছ, এখনি মারা যাবে, তোমার জীবন অমূল্য, এসো—এসো, এসো ভাই, এসো। আবার মোগল মারবো, এসো—এসো।

[পরশুরামকে সবলে টানিয়া লইয়া বৈষ্ণবীর প্রস্থান।



## তৃতীয় পর্ভাঙ্ক

পাশ্চনিবাস

ফকিররাম ও চরণদাস।

ফকির। বাবা, চরণদাস!

চরণ। আজ্ঞে।

ফকির। উঠেছ বাবা?

চরণ। আজ্ঞে না—শুয়ে আছি।

ফকির। উঠতে যে হচ্ছে বাবা।

চরণ। আমিও তাই মনে ক'চ্ছিলেম, উঠতে হচ্ছে বটে।

ফকির। একবার সহরে যেতে হচ্ছে।

চরণ। আজ্ঞে। (উত্থান ও গমনোচ্ছ্বাস)

ফকির। কোথা যাচ্ছ?

চরণ। আজ্ঞে, সহরে।

ফকির। সহরে কি ক'রবে বাপ?

চরণ। আজ্ঞে, তাও তো বটে, সহরে কি ক'রবো? তাও তো বটে।

ফকির। একবার মহাস্তর খবরটা আনতে হবে।

চরণ। আজ্ঞে, সে খবর পাবার আর যো নাই।

ফকির। কেন রে বাপ?

চরণ। আজ্ঞে, তাঁর শুভবিবাহ হয়েছে।

ফকির। কার সঙ্গে বাপ?

চরণ। আজ্ঞে, সেটি বলতে পারলেম না, তবে রোস্-নাই হচ্ছে দেখে এলেম।

ফকির। বিবাহের রোস্-নাই?

চরণ। আজ্ঞে, শুভবিবাহ নয়—শুভবিবাহ নয়,—শুভ সংকার হচ্ছে, সংকার হচ্ছে।

ফকির। এ শুভসংবাদ কখন পেলো বাপ?

চরণ। আজ্ঞে, আপনি রাতে অহুমতি ক'চ্ছিলেন—

সংবাদ পান নাই,—তাই আমি একবার ঘুরে এলেম, দেখলেম খুব রোস্-নাই।

ফকির। এ কথা আমায় বল নাই কেন বাপ?

চরণ। আজ্ঞে, তাই তো—বলি নাই কেন?

ফকির। তার মেয়েটির কি খবর জান?

চরণ। আজ্ঞে, কে কি বললে যেন।

ফকির। কি বললে, মনে ক'রে দেখবে কি?

চরণ। দেখতে হচ্ছে বই কি ম'শায়—দেখতে হচ্ছে বই কি!

ফকির। তারে কি মুসলমান ধ'রে নিয়ে গেছে?

চরণ। আজ্ঞে, ওটা বড় ঠাওর ক'রতে পাচ্ছি নে।

ফকির। তারও কি রোস্-নাই দেখলে?

চরণ। আজ্ঞে, সেটা বড় দেখলেম না।

ফকির। কোথাও কি চলে গিয়েছে?

চরণ। আজ্ঞে না, চলে যায় নাই, ছুট মেরেছে।

ফকির। তার কি তত্ত্ব পাওয়া যায় নাই?

চরণ। তবেই তো—

ফকির। তবেই তো কি বাপ?

চরণ। আজ্ঞে তাই তো—

ফকির। স্মরণ হচ্ছে না বাপ?

চরণ। আজ্ঞে, ঠিক বলেছেন—ঠিক বলেছেন।

ফকির। তবে আমায়ও সে দিকে যেতে হচ্ছে, চল।

চরণ। তাই তো বলি, যেতে হচ্ছেই তো—যেতে হচ্ছেই তো।

(রণেশ্বরের প্রবেশ)

ফকির। রণেশ্বর, তোমার মুখের ভাবে বোধ হচ্ছে, সংবাদ সত্য।

রণেশ্বর। আজ্ঞে, দুঃস্থ মোগল গুরুদেবের প্রাণসংহার ক'রেছে।

ফকির। (স্বগত) সত্যই মহাস্ত্রী নিকরান লাভ ক'রেছেন। (প্রকাশ্যে) মেয়েটা কোথায়, কিছু সংবাদ জান?

রণেশ্বর। আজ্ঞে অদ্ভুত ঘটনা শুনুন,—গুরুদেবের মৃত-দেহ-দর্শনে সহসা যেন কোন সংহারকপিণী দেবী এসে তার হৃদয়ে আবির্ভূতা হলেন;—গুরুদেবের চরণ স্পর্শ ক'রে প্রতিজ্ঞা ক'রলে যে, মোগল-নিধন তার জীবনে ব্রত।

ফকির। কি—কি, মোগলবধ ব্রত! ( স্বগত ) আশ্চর্য্য নয়, তেজস্বিনী বালিকা—লক্ষণে আমার অমুমান হ'য়েছে।

রণেন্দ্র। কিছু বুঝতে পারলেম না;—গীতার শ্লোক বলে। বলে, তার মাতৃবিয়োগ হ'তে যে সব ঘটনা হ'য়েছে, সকল তার মনে প'ড়েছে; এমন কি, গুরুদেব আমায় যে সকল পাঠ দিতেন, সে সমস্ত সে ব'লতে পারে। উন্মাদিনী সহসা তেজস্বিনী, শাস্ত্র-দীক্ষিতা বালিকা। প্রভু, এরূপ প্রকৃতি-পরিবর্তনের কারণ কি? শোকে অভিভূত হ'য়ে আরও জড়ত্বের সম্ভব, কিন্তু দেখলেম যে, চৈতন্যের দীপ্তিতে তার মুখমণ্ডল উজ্জ্বল। প্রভু, আমি স্বরূপ বর্ণনা করেছি।

ফকির। বাপু, মহাবলশালিনী শক্তির কার্য্যকালে বিকাশ হয়; প্রকৃত উত্তেজনা ব্যতীত সে মহাশক্তি সঞ্চারিত হয় না। আমরা যা দেখি, যা শুনি—সমস্ত ছবি মনে প্রতিফলিত থাকে; জীবনের কোন ঘটনাই বিফল নয়। কি বীজ কোন সময় অঙ্কুরিত হবে, তা মানব-বুদ্ধির অতীত। তীক্ষ্ণ শোকে জড়তার আবরণ ছেদ হ'য়েছে, হৃদয়ের সংস্কার প্রকাশ পেয়েছে। শাস্ত্রে ঋষিরা এর সম্পূর্ণ আভাস দিয়েছেন। স্থির ভেনো, যারে আমরা উন্মাদিনী ব'লছি, সে সামান্য নয়।

রণেন্দ্র। প্রভু, আর একটা নিবেদন,—শক্রসংহারে কি নরহত্যা হয়? গুরু-হত্যাকারী কি দণ্ডের উপযুক্ত নয়?

ফকির। বাপু, সত্য-ব্রতা-দ্বাপরে তো শক্র বধ শাস্ত্রে বিধি ছিল, কিন্তু কলিতে শুনছি, সে মহাপাপ!

রণেন্দ্র। আপনার কি আজ্ঞা?

ফকির। বাপু, আমার আজ্ঞায় তো পণ্ডিতমণ্ডলীর শাস্ত্রব্যাখ্যা খণ্ডন হবে না। তা তোমার এ জিজ্ঞাসার কারণ কি?

রণেন্দ্র। গুরুহত্যার প্রতিশোধ দেব।

ফকির। পারলে ভাল, কিন্তু তুমি একা তো এক সেপাই দেখছি।

রণেন্দ্র। প্রভু, আমি একা সত্য, কিন্তু শাস্ত্রপাঠে অবগত আছি, দৃঢ়প্রতিজ্ঞ ব্যক্তির অসাধ্য কিছুই নাই।

ফকির। তুমি কি দৃঢ়প্রতিজ্ঞ? দৃঢ়প্রতিজ্ঞের অর্থ কি তুমি অবগত আছ? এক মন. এক ধ্যান হ'য়ে কার্য্যে ব্রতী হওয়া, পাপ-পুণ্য উভয়কে তুচ্ছ করা, শত শত প্রলোভন

উপেক্ষা করা, কামিনী-কটাক না হৃদয়ে বিদ্ধ হয়, কাঞ্চন না আকর্ষণ করে, সম্মানে না নরত্ব দূর করে। তুমি যদি এরূপ কুলতিলক পাশমুক্ত পুরুষ জন্ম গ্রহণ ক'রে থাকো, সত্যই তোমার অসাধ্য কিছুই নাই।

রণেন্দ্র। প্রভু, আশীর্বাদ করুন, প্রলোভনে সকল ভঙ্গ হবে না। দেব, আমি অল্পবয়সে পিতৃ-মাতৃহীন, কিন্তু গুরুদেবের লালন-পালনে আমি বুঝতে পারি নাই যে, আমার পিতামাতা পরলোকে। বিষয়ত্যাগী মহাপুরুষ আমার সম্পত্তি-রক্ষার নিমিত্ত প্রকৃত বিষয়ীর গ্রাম কার্য্য ক'রেছেন, কখনো কোন কুবচন বলেন নাই, আমি তাঁর একমাত্র কন্যা অপেক্ষা প্রিয় ছিলাম। আমার সেই গুরুদেবকে বিনা অপরাধে মোগলে বধ ক'রেছে। প্রভু! প্রলোভন কি এই প্রবল স্মৃতি অপেক্ষা বলবান?

ফকির। দেখ বাপু, মহামায়ার সংসার, নারীরূপে তিনি পৃথিবীতে বিরাজ করেন; যদি নারী হ'তে তুমি দূরে থাকো, বোধ হয়, অপর প্রলোভনে তোমায় বিচলিত ক'রতে পারবে না; কিন্তু রমণীর বড় মুগ্ধকারিণী শক্তি!

রণেন্দ্র। প্রভু, রমণীর কি সাধ্য, আমার প্রতিজ্ঞা ভঙ্গ করে? কৌমার-ব্রত আমার জীবনের পণ, কুমারের গ্রাম বীর্ষ্যশালী হবো, এই আমার উচ্চ আশা, রমণীর দাসত্ব ক'রবো না—আমার স্থিরসঙ্কল্প; রমণী হ'তে আমার ভয় নাই।

ফকির। বাপু, তোমার ভয় নাই, কিন্তু ঐটুকুতেই আমার ভয় হ'চ্ছে। শোন রণেন্দ্র, যদি মহাকাৰ্য্যে ব্রতী হ'য়ে থাকো, নির্ভয়-হৃদয়ে অগ্রসর হও। যে কার্য্যে ব্রতী হ'য়েছ, তার প্রতি বিশেষ লক্ষ্য রেখো, কখনই লক্ষ্যভ্রষ্ট হয়ো না। কামনা—এমন কি, মুক্তিকামনাশূন্য হও। প্রকৃত পাশ-মুক্ত পুরুষের মুক্তিরও কামনা নাই;—দৃঢ়প্রতিজ্ঞের কোন বন্ধন নাই, ভয়ও নাই। এই লক্ষণযুক্ত মহাপুরুষই প্রকৃত মুক্ত।

রণেন্দ্র। প্রভু, গুরুদেবকে স্মরণ ক'রে কখনই লক্ষ্যভ্রষ্ট হবো না।

ফকির। এক ভয় রেখো,—কালসর্পের গ্রাম রমণী সৰ্ব ত্যাগ ক'রো। দয়া, মায়া, ঘৃণা, তাচ্ছিল্য—নারী-প্রলোভন নানা রূপ ধারণ করে। মহামায়াকে মাতৃজ্ঞানে দূরে অবস্থান ক'রো, নিশ্চয়ই কৃতকার্য্য হবে।

রণেন্দ্র । প্রভু, আশীর্বাদ করুন ।

ফকির । আমার আশীর্বাদ নয়, আপনাকে আপনি আশীর্বাদ করো, আপনার মনুষ্যত্ব উত্তেজনা করো, আপনার দেবত্বের প্রতি লক্ষ্য রেখো । বাপু, আমার একটি কথা । দেখ, হিন্দুধানে মহাসাহসী পুরুষ আছে । কিন্তু ধর্মপ্রিয় ভারতবাসী পরকাল কামনা করে, সেইজন্য মুসলমানের পীড়নে বিচলিত হয় না, ভাবে—এখানে ক'দিন ! ক্রমে সেই সংস্কারে দারুণ কুফল উৎপন্ন হ'য়েছে । অনভ্যাসে কার্যকারী রজোগুণ দূর হ'য়েছে, সকলে তমোগুণে অভিভূত, এই নিমিত্ত সকলে কাণ্ডাভীক । সাংসারিক কার্যে সাহসহীন বটে, অপঘাতের ভয়ে অঙ্গচালনা করে না, কিন্তু অস্তিনসময়ে দেখা যায় যে, হিন্দুর তিলমাত্র মৃত্যুভয় নাই । অপর অপর জাতি যে সকল কথায় উত্তেজিত হয়, পরমার্থপ্রার্থী হিন্দু হৃদয় তাতে উত্তেজিত হয় না । আত্মীয়রক্ষা, স্বদেশরক্ষা, এ সকল কথায় কর্ণপাতও করে না ; চায় মুক্তি, যে কার্যে দ্বারা মুক্তিলাভ বোঝে, নির্ভীকহৃদয়ে সে কার্যের অমুষ্ঠানে প্রবৃত্ত হবে । এমন হিন্দু অতি বিরল, যে ধর্মরক্ষার জন্ত কিছু মাত্র উত্তেজিত হয় না । দেখ, মুসলমানেরা দেব-দেবার মন্দির ভঙ্গ ক'রছে, হিন্দুরা জীবন উপেক্ষা ক'রে দেব-দেবা ল'য়ে পলায়ন করে । দেখা যায়, সে সময় তাদের মুসলমানের ভয় দূর হয় । তুমি যদি তোমার উপদেশ ও আদর্শে বোঝাতে পার যে, মাতৃভূমির নিমিত্ত, ধর্মের নিমিত্ত, মোগল-যুদ্ধে প্রাণত্যাগ করা অপঘাত নয়—কাশী-মৃত্যু অপেক্ষা শ্রেয়, —বোধ করি, অনেকে তোমার কার্যে অঙ্গাধারণ ক'রতে প্রস্তুত হয় ।

রণেন্দ্র । মহাশয়, আপনার আজ্ঞা শিরোধার্য্য, —  
প্রণাম ।

ফকির । চিরঞ্জয়ী হও ।

[ রণেন্দ্রের প্রশ্নান ।

( স্বগত ) একি ! সুদিন কি উদয় হলো ! কুমার-কুমারী মোগল-স্বংশে, ব্রতী ?—শুভলক্ষণ বটে ! বৃদ্ধবয়সে কি সৎনাম মনোবাঞ্ছা পূর্ণ ক'রবেন ! (প্রকাশ্যে) বাপু চরণ, মেয়েটাকে খুজলে ভাল হয় না ?

চরণ । আজ্ঞে হাঁ,—আপনি ঝোঁপে-ঝোঁপে যাবেন, আমি ডালে ডালে খুঁজবো ।

ফকির । তবে এসো, সব বেঁধে-টেঁধে নাও ! আমরা পরিত্রাজক, একস্থানে থাকার আবশ্যক কি ?

চরণ । আজ্ঞে, বেঁধে-টেঁধে নেবো, না আগেই যাবো ? ফিরে এসে আবার বেঁধে নিয়ে যাবো ।

ফকির । বাপু, আর ফিরবো কেন ? এ স্থান তো ত্যাগ ক'চ্ছি । বেঁধে নাও ।

চরণ । তাও তো বটে, তাও তো বটে, আগেই তো বেঁধে-টেঁধে নিতে হবে ।

ফকির । তাই তো বলি, আমার চরণদাম !

[ উভয়ের প্রশ্নান ।

## চতুর্থ পর্ভাঙ্ক

মহান্তের আশ্রম ।

পরশুরাম ও বৈষ্ণবী ।

পরশু । কে তুমি বিধুবদনি জীবনদায়িনি !—  
কেন ছিন্নবেশা বিবশা তোমারে হেরি ?  
কেন উন্মাদিনী সম ভ্রম তেজস্বিনা বালা ?  
কোন্ কুল উজ্জল জনমে তব ?  
কার সুখবাস ক'রেছ আঁধার ?  
কহ, কোন প্রয়োজন—  
এ অধম পারিবে কি করিতে সাধন ?  
যদি সাধ্যাতীত হয়,  
তবু সহাসিনি, জেনো এ নিশ্চয়—  
চেষ্টার হবে না ক্রটি,  
প্রাণদাত্রী ইষ্টদেবী তুমি ।  
বৈষ্ণবী । প্রয়োজন করিবে সাধন ?  
আছে এ জীবনে উচ্চ প্রয়োজন—  
মোগল-নিধন !  
জান কি সুধীর, কার এই কুটার-আবাস ?

ছিল এক প্রাচীন পণ্ডিত,—  
 বিদ্যাচর্চা, বিদ্যাদানে ছিল চিররত ।  
 জীবনে গরল তাঁর—  
 সাপিনোরূপিনী নেহার নন্দিনী ।  
 পিতৃহত্যা ক'রেছে মোগল ;  
 করি নাই পিতার তর্পণ ।  
 সাধ আছে মনে, পিতৃদেব-তৃপ্তি হেতু,  
 প্রবাহিনী স্রাবণী-মলিল সম,  
 বিধর্মী-শোণিতধারে ভাসায়ে মেদিনী,  
 পিতৃদেবে করিব তর্পণ ।  
 শুন শুন—নহে মম নিফল জীবন ;  
 কৌমারী-কিঙ্করী এই হের উন্মাদিনী,  
 হৃদে মম আগেন ঈশ্বরী,  
 শক্তিদান করিবেন শক্তিসঞ্চারিণী,  
 মোগলকুলনাশিনী নেহার ভীষণা ।  
 মম প্রয়োজন করিবে সাধন ?—  
 ধর অসি, ভীমবীর্যে ধ'রেছিলে যথা,  
 ভীমবীর্যে আক্রমণ ক'রেছ যেমন—  
 ভীমবীর্যে পুনঃ হও মোগল-নিধনে ব্রতী ;  
 আছে কি শক্তি ?  
 সাধ্য হয়—সাধ প্রয়োজন ।

পরশু । অস্তুত সঙ্কল্প তব !

একাকিনী অনাধিনী বালা—  
 নাহিক যোগসর—  
 বাদ তব দিল্লীর ঈশ্বর-সনে !

বৈষ্ণবী । এইমাত্র ক'রেছিলে পণ,—  
 সাধ্যাতীত হয় যদি মম প্রয়োজন,  
 করি প্রাণপণ, কার্যোদ্ধারে করিবে উত্তম ।  
 বুঝিলাম, নাক্য মাত্র তব ।  
 কিন্তু শোন, —দৃঢ়-ব্রত জন—  
 মরণ সঙ্কল্প যার মনে—  
 অসাধ্য সুসাধ্য হয় তাহার উত্তমে ।  
 পাইয়াছ প্রত্যক্ষ প্রমাণ ।  
 ভাব নাই অসাধ্য সাধন—  
 যেই কালে মোগলে করিলে আক্রমণ ;—  
 ছিল দুইজন, ক'রেছ একাকী আক্রমণ ;

একা তুমি, হয় নাই উদয় তোমার মনে ।  
 ভ্রেনো স্থির—

সিন্ধু শোষে, মেরু টলে প্রতিজ্ঞার বলে ।  
 ভাব আমি একাকিনী নারী ?  
 বাক্য মম উন্মাদ প্রলাপ ?  
 নহি একাকিনী, নহে এ প্রলাপ !  
 বুঝেছি এখন—

অলক্ষিতে শত কোটি যোগিনী সঙ্গিনী ফেরে,  
 জন্ম মম মাতৃভূমি উদ্ধারের তরে,  
 ইঞ্জিতে আমার সৈন্য হইবে সৃজন ।

পরশু । বীরবাল্লা, দাস আমি,  
 আগি তব সেনা একজন ।  
 বুঝেছি বুঝেছি—  
 কে ক'রেছে বঞ্চনা আমায়,  
 কে নিয়েছে প্রাণের প্রতিমা হ'রে,  
 কে ক'রেছে জীবন আধার ?  
 মোগল—মোগল !

বৈষ্ণবী । কোটি বক্ষে এইরূপ আছে শেলাঘাত—  
 কারো ধন ক'রেছে হরণ,  
 কারো হৃদয়ের হার—রমণীরতন,  
 পুত্রহত্যা কার, কারো আশ্রম আধার,  
 বিধর্মীর নিত্যক্রীড়া মাতৃভূমি ।

পরশু । বুঝিয়াছি, বুঝেছি ভৈরবি,  
 কহ দেবি, করিব কি কার্য অকুষ্ঠান ?  
 ধনাঢ্য কিঙ্কর তব,  
 আজায় সর্বস্ব পদে করিব অর্পণ ।

বৈষ্ণবী । ভ্রাতা তুমি—নাহি সহোদর মম—  
 প্রথম উত্তমে কর সাধাষ্য প্রদান ।  
 জান তুমি বহু বেশা চাতুরী-নিপুণা ?

পরশু । লজ্জা কেন দিতেছ ভগিনি !  
 বেশ্যালয়ে অতীত শৈশবকাল,  
 বেশ্যালয়ে পোহায়েছে বিস্তর রজনী ।

বৈষ্ণবী । যে অজনা অতিশয় চাতুরী-নিপুণা,  
 স্থান যেন দেয় মোরে তাহার আবাসে ;  
 অকপটে শিখার চাতুরী ;—

আছে যত বেষ্ঠার মোহিনী,  
শিক্ষাদান করে যাহে মোরে ।

পরশু । ভগ্নি— ভগ্নি, কি কথা পবিত্র মুখে তব,  
একি তব অভিলাষ ?  
বুঝিতে দাসের মন কর কি ছলনা ?  
একি রক্ত ভীষণা রঙ্গিনী ?

বৈষ্ণবী । নহে এ ছলনা ।  
বুঝ কিবা অস্তুত কোতুক,—  
ভ্রমি দ্বারে দ্বারে কর অন্বেষণ,  
করে নাই মোগল পীড়ন—  
হেন জন আছে কি ভারতে ?  
কিস্তি কে ক'রেছে প্রতিদান ?  
ধার নারী হরিয়াছে, কাঁদিয়া স'য়েছে,  
পুত্র, ভ্রাতা হত—করে নাই বচন নিঃসৃত,  
সহিয়াছে চাহিয়া আকাশ-পানে !  
লইয়াছে ধন-জন,  
ভগবানে করিয়া স্মরণ—  
তাজিয়াছে দীর্ঘশ্বাস,  
করে নাই হস্ত উত্তোলন কেহ ।  
কিস্তি হের, সামান্য নারীর হেতু—  
বীর সম মোগলে বধিলে ।  
বেষ্ঠা বলি ঘৃণা কর যারে,  
তাচ্ছিল্য তাহার—  
বলহীনে করিয়াছে বলীয়ান ;  
একাকী অভীত চারি মোগল-বিগ্রহে ।  
করো কার্য মম অভিপ্রায় মত ;  
কার্যফলে বুঝিবে কি আয়োজন ।  
ভেবো না— ভেবো না,  
কোমারী হৃদয়-বিহারিণী,  
কার সাধ্য পরশে আমার কায়া !  
নেহার কুমারী—  
কারো নাহি অধিকার পতিত্রে আমার ;  
রতি-রতীশ্বর কিঙ্কর-কিঙ্করী মোর ।  
বল, কোথা কে আছে রমণী—  
চতুরতা-সুনিপুণা,  
দাসী আমি হব পিন্ধা তাঁর ।

পরশু । একান্ত বাসনা যদি তব,  
প্রাচীনা জনৈক বেষ্ঠা আছে এ নগরে—  
ছিল মম পিতৃ'-প্রণয়িনী—  
ক'রেছিল পালন আশায়,  
মাতৃহীন শিশুকালে আমি—  
পুলসম করে মোরে জ্ঞান ।  
বিনা সে প্রাচীনা,  
অন্ত কেহ নাহি এ সংসারে,  
বিন্দুমাত্র অশ্রু দান করে মোর হেতু ।  
পত্র ল'য়ে যাও তার গৃহে,  
মম অনুরোধে—কত্না সম রাখিবে যতনে ।  
পরশুরাম অধমের নাম,  
দেহ কোন কার্যে অধিকার ।

বৈষ্ণবী । তব সম ব্যথিত যে জন, কর অন্বেষণ ।  
বুঝায়ো তাহায়,  
মোগল অবধ্য নয় হিন্দু-অজ্ঞাঘাতে ।  
প্রতিশোধ শিক্ষা দেহ তারে ।  
হ'য়ে অগ্রসর, দেখায়ো তাহায়—  
বীর-করে মোগল বিজয়—  
অনায়াসে হয় সমাধান ।  
এসো, আছে লিখিবার আয়োজন,  
পত্র দেহ, যাব তব ধাত্রীর আবাসে ।

[ উভয়ের প্রস্থান ।

## পঞ্চম গর্ভাঙ্ক

সোহিনীর বাটা

সোহিনী ও যুবতীগণ ।

সোহিনী । তুই সেই গানটি গা, গানের ভাব তো বুঝে-  
ছিলি ? তুই গাবি, সত্যি যেন তোর শ্রাণ হ'তে গান উঠ'ছে ;  
দেখি, কেমন শিখলি ।

১মা যুবতী।— (গীত)

নারীর মনে সরম নাই তো সই !  
সকলি ফুরিয়ে গেছে,  
তবু সই, মন ভুলেছে কই ?  
পুড়ে মরম হ'য়েছে ছাই,  
মরমে আর বাধা তো নাই,  
সেই ভাল সে আছে ভাল, কইলো তারে চাই ?  
একলা ব'সে মনের ছলে, ভুলে তারি কথা কই।  
বুঝি লো মন যাহু জানে,  
নিরাশ হ'তে আশা আনে,  
ভাঙ্গা ভাঙ্গা সোনার স্বপন ভেসে যায় প্রাণে ;  
ঝুঝালে মন কেঁদে বলে, সে বিনা কেমনে রই।

সোহিনী। ছাখ্, স্মর-লয় ঠিক হ'য়েছে, কিন্তু গানে  
একটু বিষাদের ভাব র'য়েছে, দেখ'ছিস্ ?

২য়া যুবতী। হ্যাঁগা, তোমার এ বয়সে এত বিরহ এলো  
কোথেকে ?

সোহিনী। ছাখ্, আমাদের বেষ্টার প্রেম এই বয়সে ;  
যৌবনে আমাদের প্রেমের অবকাশ নাই। এতদিন পরে  
কে মনের মানুষ ছিল, তা বোঝ'বার সাবকাশ হ'য়েছে।

২য়া যুবতী। যৌবনে প্রেম চাপা দিয়ে বড়ো বয়সে বুঝি  
মরা আগুন জ্বালাতে হয় !

সোহিনী। জ্বালাতে হয় না লো, আপনি জ্বলে ওঠে।

যুবতীগণ।— (গীত)

হয় না লো জ্বালাতে পিরীত, আপনি জ্বলে ওঠে।  
মরা আগুন শুকনো বৃকে জ্বলে ফিন্কে ছোটে।  
গরবের সেদিন ব'য়েছে,  
মনে মনে সব র'য়েছে,  
চ'লে গেছে কত স'য়েছে ;—  
আঁতে আঁতে আঁক প'ড়েছে,  
বোঝে নি তো মন মোটে।  
ভাবি সে তো আপন হ'ত,  
স'য়েছে আর সইতো কত,  
রাখলে তারে যেতো না সে তো ;  
সব গিয়েছে তবু বালাই,  
তাড়ালে এসে মোটে।

সোহিনী। এই তো বুঝেছিস।

৩য়া যুবতী। ওঃ—তোমার এত পিরীত ছিল গা ?  
কি দিয়ে চাপা দিয়েছিলে ?

সোহিনী। প্রাণের স্মসার, জীবনের সার, নারীর এক-  
মাত্র রতন—আত্মসমর্পণ সব ছেড়ে, প্রেম টাকার চক্-  
চকানিতে চাপা দিয়ে রেখেছিলেম।

১মা যুবতী। এখন তো খুঁজে পেয়েছ ?

সোহিনী। এখন খুঁজে পেয়ে আর কি ক'রবো,—তবে  
আগের কথা মনে ক'রে এক একবার নিখাস ফেলি।

যুবতীগণ।— (গীত)

অঘতনে দিয়াছি বিদায়, ---

জানিনে যৌবন-সদে মন বাঁধা তারি পায় !

ভাবিনু গরব-ঘোরে, বৈধেছি রূপের ডোরে,

রবে শত অনাদয়ে মম পেম-পিপাসায়।

অভিমনে যায় সে যখন,

বুঝে তবু বোঝে নি মন,

ভালবাসা জনমের মতন,

পায়ের ঠেলে চ'লে যায়।

সোহিনী। ওলো, এইবার তোরা বড়ো-প্রেমের  
দরদ বুঝেছিস্। এখন যা, বেলা হ'য়েছে, বৈকালে আবার  
আসিস্।

[ যুবতীগণের প্রস্থান।

( বৈষ্ণবীর প্রবেশ ও সোহিনীকে পত্র দান )

সোহিনী। ( পত্রপাঠ করিয়া ) মা, কে তুমি ?

বৈষ্ণবী। তোমার দাসী, তোমার পরিচারিকা, তোমার  
কন্যা।

সোহিনী। মা, পরশুরাম পত্র লিখেছে যে, তুমি  
তার ভগ্নীস্বরূপা। পরশুরাম আমার পুত্রের অধিক। আজ  
হ'তে তুমি আমার কন্যা, পরম যত্নে পরম আদরে রাখ'বো।  
যদিচ তুমি মলিনবসনা, তুমি কদাচ সামান্য নও। পরশুরাম  
'ভগ্নী' বলে লিখেছে, কিন্তু আমাদের এই কুৎসিত বৃত্তির  
উপদেশ দিতে লিখেছে। পরশুরামের প্রাণরক্ষা ক'রেছ,  
সে তোমায় রাজরাণীর মত রাখতে পারতো। তুমি কি,  
ধনলোভে আমাদের এই বৃত্তি শিথিতে এসেছ ? মা

তোমার মুখ দেখে তো তা বোধ হয় না ! যদি ধন-লোভে এসে থাকে, আমার কেউ নাই, বিস্তর সম্পত্তি আছে, তুমি হেথায় আমার কণ্ঠাস্বরূপ থাকো, এ সম্পত্তি তোমারই।

বৈষ্ণবী। না মা, তোমাদের মোহিনী বিছা আমায় দাও।

মোহিনী। ( স্বগত ) এ কি ! পাগল নাকি ! পরশুরাম কি কোন কৌতুক ক'রেছে। ( প্রকাশে ) তুমি মোহিনী-বিছা ল'য়ে কি ক'রবে ?

বৈষ্ণবী। মা, মার্জনা করো। শুনেছি, যৌবনে তোমার মোহিনী শক্তিতে শত শত যুবক আকৃষ্ট হ'য়েছিল। মা, সে শক্তিবলে অতুল ঐশ্বর্য লাভ ক'রেছ, কিন্তু সে শক্তির প্রকৃত মূল্য ল'গে নাই। যে শক্তি-প্রভাবে শত শত যুবক—পিতা, মাতা, স্ত্রী, পুত্র, সমস্ত সম্পত্তি ত্যাগ ক'রে তোমার শরণাগত হ'য়েছিল, যদি সেই শক্তি দ্বারা সেই যুবককে উচ্চপদে চালিত ক'রতে, তা হ'লে ভারতবর্ষে ভগবতী বলে তোমার ঘরে ঘরে পূজা ক'রতো। মা, তুমি অবশ্যই শাস্ত্র জানো ; অম্বর-নিধন নারীর মোহিনী শক্তিতে হ'য়েছিল। মা, সেই মোহিনী-শক্তি আমায় দাও, অম্বর-নিধন ক'রব, আবার ভারতবর্ষে দেবতার আধিপত্য প্রচার ক'রবো।

মোহিনী। তুমি মানবী—না মায়াবী ?

বৈষ্ণবী। তোমার ছায় মানবী কিন্তু দেবী হ'বো—আমার সাধ ; পিতার তর্পণ ক'রবো—আমার সাধ। জড় ছিলাম, পিতার ভার ছিলাম, জড়ের কিছুই অধিকার নাই, এখনও আমি জড়, তাই পিতার তর্পণ করি নাই। যে দিন জড়ত্ব দূর হ'বে, সেই দিন মা, দেবতুল্য পিতৃদেবের তর্পণে অধিকারিণী হ'বো।

মোহিনী। মা, তুমি যে হও, তুমি যে কার্যে এসে থাকো, হেতায় থাকো, আমি তোমায় শিক্ষা দেবো। এসো—এ মলিন বেশ পরিবর্তন ক'রবে।

[ উভয়ের প্রস্থান।

## দ্বিতীয় অঙ্ক

—:):(:—

### প্রথম গর্ভাঙ্ক

পথ

ফকিররাম, চরণদাস ও নাগরিকগণ।

১ম-নাগ। কোথায় যাব ? এ অত্যাচার আর কত সহ্য ক'রবো ?

২য়-নাগ। থাকবার যদি স্থান থাকতো, তা হ'লে যে দিন বাড়ী পুড়িয়েছিল, সেই দিনই দেশত্যাগ ক'রতাম।

১ম-নাগ। উঃ ! যুবতী স্বর্ণপ্রতিমা পরিবারকে ধ'রে নে গিয়ে মুসলমান ক'রেছে, খাজনার জ্বগে দশ বছরের ছেলেকে গাছে টাঙ্গিয়ে নে রেছে।

২য় নাগ। আমার ইচ্ছা হয়, আগাদের সংনাম-সাম্প্রদায়িক যত হিন্দু আছে, আবাল-বৃদ্ধ-বনিতা একত্র হ'য়ে, অগ্নিকুণ্ডে প্রবেশ করি। দিন দিন এ নিদারুণ জালা সহ্য অপেক্ষা একেবারে অগ্নিকুণ্ডে ঝাঁপ দেওয়া শ্রেয়ঃ।

ফকির। আহা, বাধু—সাধু !

চরণ। আহা, বাধু—বাধু !

২য় নাগ। বলুন,—আর কি উপায় আছে ?

ফকির। যুক্তি—সদ্যুক্তি বটে, কিন্তু ভাবছি, একটা অগ্নিকুণ্ডে তো সব সংনামী সম্প্রদায় পুড়তে পা'রবে না।

২য় নাগ। নিজ নিজ গৃহে অগ্নিকুণ্ড ক'রে সপরিবারে পুড়ে মরুগ।

ফকির। মুসলমানেরা টের পাবে। সন্ধান পেয়ে, কৌজদারের পাইক এসে যদি বলে যে,—‘খবরদার কাফের, বাদশার চকুস, ম'রতে পারবি নে,—তখন কার আর সাহস হবে বলা যে, আগুনে ঝাঁপ দেয় ? তখন কুয়ো হ'তে জল তুলে সব অগ্নিকুণ্ড নিভাতে হবে।

চরণ। তাই তো, বাদসার হুকুম ঠেলে কে ম'বুবে বল? কার এমন বুকের পাটা?

২য় নাগ। মহাশয়, যে মরণে কৃতসঙ্কল্প, তার আর বাদসায় ভয় কি?

ফকির। বটে, মরণে কৃতসঙ্কল্প হ'লে, বাদসার ভয় থাকে না? তা তো আমি জানি নে, —হায় হায়, এতদিন তা জানি নে—তা জানি নে।

চরণ। তা জানি নে—তা জানি নে।

৩য় নাগ। জানলে কি ক'রতেন?

ফকির। অন্ততঃ একটা মোগল বধ ক'রে ম'রতেন। না—না—তা বুঝি বড় ভাল দেখায় না—তা বুঝি বড় ভাল দেখায় না! নরহত্যা, বাপ রে! শত্রুহত্যা—অত্যাচারী হত্যা—পুত্রহত্যা হত্যা—নারী-বলাৎকারী হত্যা—জাতি-কুল-ধন-জন-সর্বস্ব-অপহরণকারী হত্যা,—মহাপাপ! মহাপাপ!! সন্তপ্ত নাশ হবে! সন্তপ্ত নাশ হবে!!

চরণ। বাঁশ হবে—বাঁশ হবে!

৩য় নাগ। সে কি সম্ভব! মুসলমান বলবান্। মোগল বধ ক'রবেন?

ফকির। বাপু, না বুঝে ব'লে ফেলেছি। মুসলমানের গায়ে তো তলোয়ার বসে না!

চরণ। মাছিটি বসে না,—পিছলে পড়ে!

১ম নাগ। আমরা মরণে কৃতসঙ্কল্প,—এসো, প্রতিশোধ দিয়ে মরি এসো।

ফকির। অমন কাজ ক'রবেন না—অমন কাজ ক'রবেন না! ছি ছি, অমন কথা মুখে আনবেন না। হিন্দুদের মধ্যে প্রতিশোধ দেওয়া একালে ছিল, একালে ও কথা ব'লতে নাই—মুখে আনতে নাই! যে প্রগাঢ় 'তম'তে আমরা আচ্ছন্ন আছি, যেরূপ প্রস্তরবৎ অত্যাচার সহ ক'রছি, প্রতিশোধ-কথা মুখে আনলে সে 'তম'র কিঞ্চিৎ হ্রাস হবে! বৃক্ষ-প্রস্তরকে আদর্শ ক'রতে হবে;—এই যত হুড়ি আর গাছ আছে,—সহাগুণে সব নির্ঝাণ হবে! আহা বৃক্ষ-প্রস্তর, তোমরাই ষপার্থ হিন্দু—তোমরা ষপার্থই সৎনামী! কি বলেন?

১ম নাগ। মহাশয়, আপনি কি বলেন?

ফকির। কিছুই নয়, আপনার অন্তরকে জিজ্ঞাসা করো,—ঠিক ব'লে দেবে। নিতাই অন্তর সে উপদেশ দেয়,

কিন্তু আমরা বিশ্বাস করি না। ধর্মের ভাণ ক'রে হিন্দুর হৃদয়ে ভীকতা অধিকার ক'রেছে। যদি বলবান হ'তে, যদি মোগলকে মার্জনা ক'রতে পারতে, অত্যাচারে যদি বিচলিত না হ'তে, যদি অন্তরে অন্তরে ভগবানকে ডেকে মোগলকে না অভিশাপ দিতে, তা হ'লে জানতেন, যে, ধর্মরক্ষার্থ প্রতিশোধ দাও নাই। কিন্তু তা নয়,—তোমার মার্জনা—ভয়ে,—মুসলমানের নিকট পরাস্ত হবে, এই ভয়ে মার্জনা। দেখ কি ভীকতা! সকলে ঐক্য হ'য়ে অগ্নিকুণ্ডে প'ড়তে চাচ্ছে। কিন্তু মুসলমান-সম্মুখীন হ'তে সাহসী হ'চ্ছে না। অধীনতায় অবনত প্রাণের আর কি পরিচয় দেবে? মাতৃভূমির দুঃখে, অন্ততঃ একজনও শোণিত দান করে, হায়! এমন সাহসী কেউ নাই!

২য় নাগ। বলবান মুসলমান, এ কথা নিশ্চয়।

যে কায়ে নিশ্চয় পরাজয়,

যুক্তি ক'ভু নয়—

হেন কার্যে হস্তার্পণ।

কি ফল লাভিবে—

পরাজয় হবে,

অত্যাচার বাড়িবে তাহায়।

( রণেন্দ্রের প্রবেশ )

রণেন্দ্র। অত্যাচার অধিক কি হবে?

ভ্রমি মাতৃভূমি,—

হের কত মন্দির পতিত,

ক্ষেত্র কত শিশুহীন, মরে প্রজা অনাহারে,

মোগলের অপঘাতে শব রাশি রাশি,

শত গ্রাম অরণ্য সমান,

অট্টালিকা পশুর আবাস,

কত শত সুন্দরী কামিনী

জাতিভ্রষ্টা—বিধর্মীর বলাৎকারে।

অত্যাচার বাড়িবে কি আর?

১ম নাগ। এখনো র'য়েছি সবে বগ্না-পুত্র ল'য়ে,

বিচার আলেয়ে দণ্ড পায় অত্যাচারী।

কিন্তু হ'লে বিগ্রহে সজ্জিত,

গ্রাম পোড়াইবে, স্ত্রী-পুত্র বধিনে,

ধ্বংস হবে সৎনামীর দল।



সমরে সজ্জিত মোরা হব কত জন ?

অসংখ্য মোগল,

জেনে শুনে ধ্বংস কেন করি আকিঞ্চন ?

২য়-নাগ । নাহি সেনা, নাহি অস্ত্র,

নাহি লোকবল,

সম্প্রদায় কিরূপে বা একৈক্য হইবে ?

হইতে মোগলপ্রিয়, অর্থ-লালসায় —

কেহ বা করিবে গুহ্য মন্ত্রণা প্রকাশ,

ধ্বংস হব প্রথম উদ্যমে ।

ফকির । এরই নাম বিজ্ঞতা । ডাঙ্গায় সাঁতার শিখে  
জলে নামতে হবে । খালি সভা ক'রে বাদসার কাছে আবে-  
দন পাঠান যাক ।

চরণ । ঠাঁ, ঠাঁ, সভা ক'রতে হবে !

রণেশ্বর । কি হেতু মোগলগণ অজেয় ভারতে ?

বীর্ষহীন হিন্দুগণ এ নহে কারণ—

মেরুশির, উপত্যকা, বিশাল প্রান্তরে

হিন্দু বীরত্ব গাথা র'য়েছে অঙ্কিত ।

হিন্দুর পতন, অনৈক্য কারণ ;—

দ্বेष হিংসা পরস্পরে,

উচ্চনীচ জাতি অভিমান—

দৃঢ়ভূত কুমন্ত্রীর উপদেশে—

ধর্ম অভিমানে

স্বজাতি-বান্ধব পরিত্যাগ ।

অথবা শাস্ত্রের ব্যাখ্যা স্বাথপর ব্রাহ্মণের মুখে ;

হীনমতি অশাস্ত্রীয় শাস্ত্রব্যাখ্যা শুনি,

অশাস্ত্রীয় হীন বিধি করিয়া আশ্রয়,

ভেদবুদ্ধি জ'ন্মেছে ভারতে ।

সেই হেতু স্বরূপ-শাস্ত্রের মর্ম করিয়ে লজ্জন,

স্বতন্ত্রতা ভাব যত, হিন্দুর হৃদয়ে,

ভারতের পতনের কারণ এ সব ।

অংশে অংশে পরাধীন হ'য়েছে ভারত ।

২য় নাগ । মহাশয়, রাজপুতনায় রাজপুত্রগণ

প্রকাশিল অসীম বিক্রম ।

কিন্তু কি ফল ফলিল ?

হিন্দুরক্ত বহিল কেবল,

এই মাত্র পরিণাম ।

বীরেন্দ্র প্রতাপসিংহ করিল উদ্যম,

চিতোর না হইল উদ্ধার ।

প্রতিদুর্গে জ্বর ব্রতের অমুষ্ঠান,—

অগ্নিকুণ্ডে বাঁপ দিল রাজপুত-বালা,

বীরগণে শোণিত দানিল ;

পুত্রকণ্ঠা সনে মহারাণা ভ্রমিল কাননে,

নিষ্ফল সকলি কাল মোগল-বিগ্রহে ।

রণেশ্বর । ভেদবুদ্ধি পরাজয় হেতু ।

যবে বীরবর মানসিংহ অম্বর-ঈশ্বর,

অতিথি হইল আসি রাণার আলয়ে,

একত্রে ভোজন অস্বীকার করিলেন রাণা ।

বাদসাহে ভগিনী অর্পণ

ঘৃণার কারণ তাঁর ।

অভিমানে হ'ল বন্ধুভেদ,

হৃদযাটে বহিল শোণিত,

রাজপুত—রাজপুত-প্রতিবাদী !

২য় নাগ । মহাশয়,

মোগলে ভগিনী দান করিল যে জন,

নিষিদ্ধ তাহার সনে একত্রে ভোজন ।

রণেশ্বর । এই শাস্ত্রব্যাখ্যা, ধীর, ভেদবুদ্ধি হেতু ।

সেই হিন্দু, বেদ যেই করে সত্য জ্ঞান ।

হ'লে অনাচার, আছে প্রায়শ্চিত্ত তার,

তথাপিও হিন্দু সেই, বেদ যদি মানে ।

কিন্তু মুসলমানে কতাদান করে যেই কুলে,

ভোজনে তাহার সনে হয় যদি পাপের সঞ্চারণ,

স্বদেশবৎসল নাহি গণে সেই পাপ ।

যে সকল রাজপুতগণে

মুসলমান-সনে কুটুম্বিতা করিলা স্থাপন,—

মহারাণা ত্যজি অভিমান,

সে সকলে দানিলে সম্মান,

আত্মহীন জ্ঞানে যবে, অবনতশিরে

শ্রেষ্ঠ মানি নেতৃপদে বসিত রাণায় ।

পরে একত্র হইয়ে—মোগলে করিলে দূর

হিন্দু রাজা বসিত ভারত-সিংহাসনে ।

মুসলমান-সংস্পর্শে—হয় যদি পাপের সঞ্চারণ,

তুহানলে প্রায়শ্চিত্ত করিয়ে সাধন,

হইতেন মহারাণা মোক্ষ-অধিকারী ।

দেখ, হিন্দুর কি ভ্রম !—

করি বৃথা অভিমান,

বান্ধব-স্বজন করিয়াছে পরিত্যাগ ;

মিত্র ছিল — শত্রু এবে সবে ।

উচ্চ-পদস্থিত আছে বহু হিন্দুগণ,

ঘৃণা মোরা করি সে সবারে ।

না করি বিচার, বিধর্মীর অধিকারে—

বিধর্মীর বিদ্যা উপার্জনে,

বিধর্মীর বৃত্তিভোগ মাত্র দোষে

ধর্মচ্যুত হয় নি তাহারা ;

কিন্তু সে সবারে বিধর্মী সমান করি জ্ঞান ।

এই ঘৃণা হেতু, সুশিক্ষিত হিন্দুযুবাকণে—

স্বতন্ত্র জাতির সম করে অবস্থান ।

৩য় নাগ । আর্য্যবংশ নির্মূলতা কিরূপে রহিবে ?

মোগলের সংস্পর্শে ধর্ম নাশ হবে !

তব উপদেশমত কার্য্য যদি হয়,

সনাতন ধর্ম নাহি রহিবে ভারতে ।

রণেন্দ্র । করি মোরা নির্মাণ-কামনা,

কিন্তু স্বজাতিরে ঘৃণা প্রথম প্রক্রিয়া তার ।

অথবা শাস্ত্রের ব্যাখ্যা করিয়ে শ্রবণ

জন্মিয়াছে হেন সংস্কার ।

জনকের অবতার মহাত্মা নানক —

এই ভেদ বুদ্ধি নাশ হেতু,

শিখ ধর্ম করেন প্রচার ;—

হিন্দু হয় মুসলমানগণে ।

দুর্লভ বশতঃ কেহ হ'লে মুসলমান,

শিখ-সম্প্রদায় তারে করিবে গ্রহণ,—

বিধর্মী যেমন—

হিন্দু হ'লে কোন মুসলমান,

পুনঃ করে সমাজে গ্রহণ,

হয় সে নির্মূল ল'য়ে ঈশ্বরের নাম ।

হিন্দু করে স্বজাতিরে পরিত্যাগ ।

কিন্তু শতমুখে ঘোষে—

মহাপাপ নাশ হয় দেব-দেবী নামে !

হায় হায় ! কিবা বিড়ম্বনা,

ঈদৃশ উদার ধর্ম যার—

কুক্ষিত কুটিলভাব ব্যবহারে তার ।

৩য় নাগ । হেন তব হয় কি ধারণা—

পরাজয় হইবে মোগল ?

রণেন্দ্র । দমিত মোগল হের মহারাষ্ট্র-বলে ।

ধনহীন জনহীন পার্শ্বীয় যুবা,

শিবাজী ভারত-পূজ্য,

দিল্লীখরে করিলা দমন,

স্থাপিলা স্বাধীন-রাজ্য অসি-সঞ্চালনে ।

কর সাহস আশ্রয়—

উপেক্ষিয়া জয়-পরাজয়,

ধর্ম লক্ষ্য করি সবে হই অগ্রসর ।

২য় নাগ । সভয় ভারতবর্ষ মোগল বিক্রমে ।

হয় যদি বিরোধী সংনামী—

কে করিবে আশ্রয় প্রদান ?

হব মাত্র সমূলে নির্মূল ।

রণেন্দ্র । মহাশয়, করি মোরা নির্মাণ-কামনা ;—

স্বখ-দুঃখ সমজ্ঞান প্রধান সাধন ।

মৃত্যুরে যে ডরে, বিপদে আশঙ্কা যার,

উচ্চকার্য্যে একাকী না হয় অগ্রসর—

কার্য্য করে অণ্ডের আশ্রয়ে—

মোক্ষের কি সেই জন হয় অধিকারী ?

মোক্ষলুক মহাত্মা না দেখে ফলাফল ;—

চাহে সংকার্য্যের ভার,

কার্য্য অহুষ্ঠান জীবনের সার,

একা, বহু, না করি বিচার—

আত্মত্যাগে অভিপ্রেত কার্য্যে হয় ত্রুতী ;—

হেন মহাজন ধরে অমোঘ শক্তি ।

মুক্ত যেই পুরুষ প্রধান,

সংসারে অসাধ্য কিবা তার ?

হে ধীমান ! মোরা সবে সংনাম-আশ্রিত ;—

উচ্চরবে সংনামের জয় করি গান—

মহা কার্য্য করি অহুষ্ঠান,

রাধি মাতৃভূমি মান,

ধর্মের গৌরব ব্যক্ত করি পুণ্যধামে ।

এস ভাই, মোক্ষলুক-চিত্ত কেবা,

এস এস—মহাকার্যে কর যোগদান ।

২য় নাগ । মহাশয়, আমি আপনার দাস, আমায় গ্রহণ করুন । আমার ধন, মান, জীবন—এ সমস্ত আপনার চরণে অর্পণ ক'রুলেম । পারি যদি মাতৃভূমির জন্ত শোণিত দান ক'রবো ।

সকলে । আমি—আমি—জয় সৎনাম !

ফকির । দেখো, সৎনামের নাম গ্রহণ ক'রুলে, সে নাম না কলঙ্কিত হয় ।

সকলে । কদাচ নয় !—জয় সৎনাম !

২য় নাগ । আমাদের কার্য বলুন ?

রণেন্দ্র । যেখানে মোগল-চর পীড়ন ক'রুচে দেখুবেন, সেইখানে পীড়িতের সাহায্য করুন ; ঘরে ঘরে মহামন্ত্র দেন, নিজ আদর্শে অন্তরে উৎসাহ প্রদান করুন । এই স্থানে আমরা আবার কল্যাণ একত্রিত হবো ।

[ নাগরিকগণের প্রশ্নান ।

ফকির । বৎস, কতদূর কৃতকার্য হ'লে ?

রণেন্দ্র । মহাশয়, আপনার চরণ-প্রসাদে অনেকেই মোগল-বিক্রমে অস্ত্রধারণে প্রস্তুত । প্রতি অট্টালিকায়, প্রতি কুটারে আমি যথাসাধ্য উৎসাহ দান ক'রেছি । যে সকল হিন্দু মোগলের ভৃত্য হ'য়েছে, তারাও কার্যকালে মোগল-পক্ষ ত্যাগ ক'রে আমাদের সাহায্য ক'রবে ;—এ প্রদেশে সকল মোগল-গৃহে মোগল-বিরোধী হিন্দু স্বেযোগ কামনায় অবস্থান ক'রুচে ।

ফকির । আমি এক সংবাদ শুনলেম, পরশুরাম নামে কে একজন তোমার ছায় গৃহে গৃহে উত্তেজনা দান ক'চ্ছে । সত্য-মিথ্যা চরণ আজ সন্ধান নিতে যাবে—সে মোগলের চর না সত্য কোন মহাত্মা সৎনামী ।

[ সকলের প্রশ্নান ।

## দ্বিতীয় গর্ভাঙ্ক

উত্তান

বৈষ্ণবী ও যুবতীগণ ।

১মা যুবতী । সখি, আমরা হীন নারী, আমাদের হ'তে কি হবে ?

বৈষ্ণবী । আমরা হীন ! লোকে আমাদের হীন বলে,—তাইতে আমরা হীন ! বীরশ্রেষ্ঠ অর্জুন নারী-গর্ভে জন্মে ছন, নারীর জন্ত লক্ষ্যভেদ ক'রে শত রাজাকে পরাজয় ক'রেছেন । আমরাই বীর প্রসব করি । সহধর্মিণীরূপে আমরাই বীরকে উৎসাহ দিই । সকলই নারীর—সংসার নারী-চালিত । আমরা হীন ! অকারণ আমরা আমাদের হীন বিবেচনা করি ।

১মা যুবতী । সখি, আমরা খেলার জিনিষ, আমাদের নিয়ে খেলা করে ।

বৈষ্ণবী । আমরা খেলার জিনিষ হই, তাই আমাদের নিয়ে খেলা করে । আমাদের রূপলাবণ্য, হাব-ভাব, মুনি-মুগ্ধকারিণী সঙ্গীত-ধ্বনি, কাব্যলাপ,—এ সব কি খেলার জিনিষ ? যাতে দেবতা মুগ্ধ হয়, তা কি খেলার জিনিষ ? লোকে যার জন্ত সর্বস্বান্ত হয়, তা কি খেলার জিনিষ ?

২য়া যুবতী । সই, চিরকালই তো খেলার জিনিষ হ'য়ে আসছি । যতদিন যৌবন, ততদিনই আদর, তারপর বাসিফুলের মত পায়ে মাড়িয়ে চ'লে যায় ।

বৈষ্ণবী । সে আমাদের দোষ । আমরা মনে করি, তোষামোদ ক'রে, পদানত হ'য়ে, পরপুরুষকে বশে রাখবো । যদি তোষামোদে পুরুষ বশ হ'তো, তা হ'লে কেউ আপনার নারী ছেড়ে আমাদের কাছে আসতো না । আমরা বিছা-বলে আকর্ষণ করি ;—সে বিছা পুরুষের পায়ে ফেলে দিলে, থেঁৎলে যাবেই তো । যদি প্রাণ পেয়ে প্রাণ দিতেম, যদি আমার জেনে তার হ'তেম, তা হ'লে কি ছেড়ে যেতো ? আমরাও ভোলাতে চাই, তারাও সখ ফুরালে চ'লে যায় । কিন্তু দেখ ভাই, যদি ইচ্ছা করি, আমরা জনে জনে বীররাগনা হ'তে পারি ।

৩য়া যুবতী। দিদি, তোমায় তো ব'লেছি, তুমি যা ব'লবে, তাই শুনবো, তুমি যে রকমে লওয়াবে, সেই রকমে চ'লবো।

বৈষ্ণবী। ভাই দেখো, হোক না হোক, মনের সাধ মিটাই এসো। যদি এমন একটা প্রণয়ী পাই, যে - বীর, ধীর, মাগ, গণ্য, শতযুদ্ধজয়ী, পরমসুন্দর, আমার জন্তু প্রাণ দিতে পারে,—এমনি প্রণয়ী হ'লে কেন হয় ?

৩য়া যুবতী। দিদি, তোর সব কথাই খেপীর মত।

বৈষ্ণবী। তা খেপীই হই আর যা হই, আমার প্রতিজ্ঞা যে, ভীকু পুরুষকে কখনই অঙ্গ স্পর্শ ক'রতে দেব না। যে নারীপ্রকৃতি, সে আবার নারী স্পর্শ ক'রবে কেন ? আমি বীর-বেষ্টিতা বীরনারী হ'য়ে বেড়াবো।

৩য়া যুবতী। তা ভাই, তোমার মুখের ভাব দেখে বোধ হয়, তুমি পারো।

বৈষ্ণবী। তুমিও পারো, আমরা সকলে পারি। কি পারি জান,—মুসলমানের ভয় হ'তে হিন্দুস্থানকে পরিভ্রাণ ক'রতে পারি, মুষ্কারিণী শক্তিবলে গুরুষকে উত্তেজিত ক'রে একাকী শত মোগলের সম্মুখীন ক'রতে পারি, হীন বেশা ব'লে জগতে যে ঘৃণা আছে, সে ঘৃণা দূর ক'রে ভারতে পরমারাধ্যা হই! দেখো, আমাদের সকলকে কোন না কোন ধনাঢ্য যুবা উপাসনা ক'চ্ছে, জনে জনে সহস্র সহস্র জনের উপর অধিকার। আমরা যদি তাদের বলি, ভাল-বাসার পরীক্ষা দাও, তা হ'লে কি তারা দেয় না ? যে পেছোবে, তার সঙ্গে প্রণয় কিসের ? কেন তারে যৌবন দেব ? যে ধনও দেবে, প্রাণও দেবে, তারই হবো,—নইলে কার !

২য়া যুবতী। আচ্ছা ভাই, দেখি, তুমি কি খেলাটা খেলো।

বৈষ্ণবী। আমার খেলা নয়,—আর ভারত-ললনার খেলার সময় নাই। ভারত-ললনা অনেক দিন ঘুমিয়েছে, আর ঘুমের সময় নাই, কুলাঙ্গনারা চির-পরাধীনা, স্বামী অধীন হ'য়ে উৎসাহবিহীন হ'য়েছে। ভারতকে উৎসাহ প্রদান আমাদের কাজ, কুলাঙ্গনাকে উৎসাহপ্রদানে শিক্ষাদান আমাদের কাজ, ধর্মের জন্তু হিন্দু-অসি কোষমুক্ত দেখা আমাদের কাজ, ধর্মের জন্তু, দেশের জন্তু বন্ধের শোণিত প্রদান ক'রতে উত্তেজনা করা আমাদের কাজ। এসো, সেই কার্যে নিযুক্ত হই ;

হীনের হীন হ'য়ে উচ্চ অপেক্ষা উচ্চ হবো। এই ভারতবর্ষে আমাদেরই গৃহে বৈজ্ঞানিক, কবি, চিত্রকর, আমাদেরই উৎসাহে স্বকার্য সাধনে যত্নশীল হ'য়েছে। গুণী, ধনী, মানী—সকলেই এই বারান্দা-গৃহে এসে আমোদ ক'রেছে ; তখন ভারতের সুদিন ! ধরাপতি আমাদের নিয়ে আমোদ-আহ্লাদ ক'রতেন। কিন্তু সে দিন আর নাই, গুণবতী নারীর প্রশংসা-লালসায় পরস্পর প্রতিযোগী হ'য়ে, কবি কবিতা রচনা ক'রেছে, চিত্রকর চিত্র অঙ্কণ ক'রেছে, গায়ক গান ক'রেছে ; যুদ্ধকালে বারান্দা জয়ধ্বনি দিয়ে বীরের কল্যাণ কামনা ক'রেছে। সে দিন ফুরায় নাই। আমরা ইচ্ছা ক'রলে আবার আমাদের সে দিন ফিরে আসে।

২য়া যুবতী। দিদি, সত্যই তোমার কথায় মন সতেজ হয়। দেখি কি হয়, সকলে তোমার মতেই চ'লবো। ওই সব আসছে, তোমার সেই গানটি গাও।

( যুবাগণের প্রবেশ )

বৈষ্ণবী।— ( গীত )

শেখিস্ লো, কে জানে নারীর মান !  
যেচে প্রাণ বেচলে ধারে পদে পদে অপমান।  
সামলে ষাকিস্ হ'স্ লো হ'সিয়ার,  
প্রাণ স'পে দিস্ আপন প্রাণের কদর আছে যার ;  
মানী বিনা ধারে কে আর নারীর মানের ধার !  
যার মান গেছে, তার প্রাণ কি আছে,—  
আছে শুধু কথার কাণ ॥  
জীবন-যৌবন দেব লো যারে,  
দেখবো সে কি ভার নিতে পারে,  
যার কৌচকানো প্রাণ মচকে যাবে, প্রাণ দিলে তারে ;  
যে সাগরে ঝাঁপ দিতে পারে—ক'রবে দরদ নারীর প্রাণ।

কবি-যুবা। আমি একটা কবিতা লিখেছি, শোনো।

বৈষ্ণবী। কবিতার ভাব তো এই—একটা মায়ক একটা নাগিকার মুখচুষন ক'চ্ছে ! নয় তো কোন নাগর, নাগরীর বিরহে হা-হতাশ ক'চ্ছে ! ও কবিতা শুনবো কি, আমরা নিত্য দেখি।

কবি-যুবা। বাবা, প্রেম ছাড়া আর কবিতা কি হয় বল ?

বৈষ্ণবী। তোমার মত কবির আর কি কবিতা হবে !  
“প্রাণ রে, তোর জন্তে মরি”, ও শুনে শুনে অরুচি হ’য়ে  
গেছে !

কবি যুবা। আচ্ছা চাঁদ, কাল ‘মারকাট’ লিখে  
আনছি।

বৈষ্ণবী। দেখ, লিখো,—দশজন হিন্দু পালাচ্ছে, আর  
একজন মুসলমান পয়জার পেটা ক’চ্ছে।

চিত্রকর-যুবা। আচ্ছা, আমার এই চিত্রখানি দেখ ;— এ  
যদি তোমার পছন্দ না হয়, তা হ’লে আর আমি তুলি ধ’রবো  
না। দেখো, চিতোর-কামিনীরা অগ্নিতে ঝাঁপ দিচ্ছে, আর  
বীরেরা অস্ত্র-শস্ত্রে সজ্জিত হ’য়ে শত্রু-শিবির দিকে ছুটছে।

বৈষ্ণবী। কি—কি, দেখি—দেখি ! এরা কি আমাদের  
মত নরনারী, না—কল্পনা করে চিত্র ক’রেছো ? এত পুরুষ,  
এত মেয়েমানুষ—প্রেম না ক’রে ওরা আগুনে প’ড়ছে—  
আর এরা মুসলমান মারতে ছুটেছে ? মিছে কথা, তুমি  
ছবি পুড়িয়ে ফেলে দাও।

চিত্রকর-যুবা। ওঃ, ঝাঝা হ’চ্ছেন ; চিতোরের ঘটনা  
জানেন না !

বৈষ্ণবী। আমাদের মন দিয়ে কেমন ক’রে বুঝবো বল,  
যে, মুসলমানে স্পর্শ ক’রবে ব’লে আগুনে ঝাঁপ দেয়। আর  
তোমাদের দেখে কিসে বিশ্বাস ক’রবো যে, পুরুষমানুষ মুসল-  
মানের সম্মুখে অস্ত্র তুলে যেতে পারে !

চিত্রকর-যুবা। কেমন হ’য়েছে, একবার চাঁদ মুখে বলো  
না ?

বৈষ্ণবী। ষা বুঝিনে, তা আর বলবো কি ! দেখ, তো  
ভাই তোরা, ব্যাটা ছেলে না কি আবার মুসলমান মারতে  
যায়, না তলোয়ার কোমরে বেঁধে আমাদের বাড়ীতে এসে  
বলে,—“প্রাণপ্রিয়ে, একবার চাঁদমুখ তুলে চাও !”

১ মা যুবতী। ই্যা হে, দিদি রোজ রোজ লজ্জা দেয়,  
তোমরা কেউ ছ’জন মোগলকে ঠেঙ্গিয়ে দিতে পার না ?

৩য় যুবা। মারতে পারবো না কেন ? তারপর বাদসার  
ইয়াপা সামলায় কে,— তুমি ?

৪র্থী যুবতী। তবে তোমরা এই বাড়ী নাও, আমাদের  
মত সজ্জাগজ্জা ক’রে ব’সো ; আর তোমাদের তলোয়ার  
আমাদের এক একখানা দাও, দেখ, আমরা বাদসাকে ভয়  
করি কি না।

৩য় যুবা। আর তলোয়ার কেন চাঁদ, তোমাদের নয়ন-  
বাণে একশো বাদসার মুণ্ড ঘুরে যায়।

বৈষ্ণবী। আগাদের আর নয়নে বাণ কি বলো ! যদি  
নয়নে বাণ থাকতো, তা হ’লে তোমাদের বুকের গণ্ডারের  
চামড়া ভেদ ক’রতো, তোমাদের মনে ঘৃণা হ’তো, স্ত্রী-পুত্র  
মোগলে টেনে নিয়ে যাচ্ছে, তা সহ্য ক’রতে পারতে না।  
যাক, আমোদ ক’রতে এসেছো, ব’সো, গান শোনো, আমোদ  
করো, কিন্তু প্রেমের কথা বলো না ;—প্রেম বীরের,  
কাপুরুষের নয়,—জেনো, বীর ব্যতীত কেউ নারীর প্রাণ  
পায় না।

রঘুরাম। তুমি আমার একটা কথা শোনো, তোমার  
ঘরে চলো।

বৈষ্ণবী। কথা তো সেই—তুমি ভালবাসো ; তা আমার  
কি ? তুমি রাজকুমার, তোমার ধন আছে, আমায় দেবে—  
এই না ?

রঘুরাম। আমি যথাসর্বস্ব দেব।

( ইত্যবসরে যুবাগণের বাঞ্ছিত যুবতীগণের সহিত  
পরস্পর কথোপকথন )

বৈষ্ণবী। তা আমি জানি। তুমি তো দেবে, তারপর  
মুসলমানের রাজ্য, যদি কেড়ে নেয়, আমি কি ক’রবো ?

রঘুরাম। তুমি না ব’লেছ, তোমায় যে ভালবাসে, তারে  
তুমি ভালবাসবে ?

বৈষ্ণবী। ই্যা, ব’লেছি।

রঘুরাম। তবে এখন যদি মিথ্যা কথা ক’ও, ধর্ম সবে  
না।

বৈষ্ণবী। ধর্ম—ধর্ম কি ! কোন্ ধর্ম ? হিন্দুধর্ম, মুসল-  
মান-ধর্ম, না স্নেহধর্ম ? আমরা হিন্দু, আমরা কি ধর্ম মানি ?

রঘুরাম। তা বটে, তুমি পাষণী, তোমার ধর্ম নাই, কর্ম  
নাই, প্রাণ নাই—তুমি পাষণী !

বৈষ্ণবী। তোমার কি ধর্ম-কর্ম আছে ? তোমার কি  
প্রাণ আছে ?

রঘুরাম। যদি দেখাবার হ’তো, বুক চিরে দেখাতেম।

বৈষ্ণবী। প্রাণ বুক চিরে দেখাতে হয় না, কার্যো  
দেখাতে হয়। বিধর্মী মোগল, শত শত স্বধর্মীকে দিন দিন  
হত্যা ক’রছে দেখছো, তোমার প্রাণ আছে, তোমার

বাথা লাগে না ! শত শত বালকহত্যা, বৃদ্ধহত্যা, বলাৎকার—  
তোমার চক্ষুর উপর হ'চ্ছে, তোমার প্রাণ আছে, বাথা লাগে  
না ! মোগলেরা মন্দির ভঙ্গ ক'রে মসজিদ নির্মাণ ক'রছে,  
তোমার ধর্ম আছে, তোমার ধর্মে এ সকল সহ হয় ! পুণ্যস্থান,  
তীর্থস্থান কলুষিত হ'চ্ছে, তোমার কর্ম আছে, অঙ্গুলী সঞ্চালন  
ক'রে নিবারণ করো না ! ব'ল্ছো, আমায় ভালবাসো, তুমি  
কারেও ভালবাসো না, তোমার হৃদয়ে ভালবাসা নাই । তুমি  
জন্মভূমিকে ভালবাসো না, স্বজাতিকে ভালবাসো না, আপ-  
নার পরিবারবর্গকে ভালবাসো না ; তুমি আপনার ধর্ম  
ভালবাসো না, মনুষ্যত্ব ভালবাসো না, ভালবাসো—  
ইন্দ্রিয়তৃপ্তি, তাই আমার উপাসনা ক'ছো । যদি  
পৃথিবীতে কোন বস্তু তোমায় ভালবাসতে দেখতেম, তা হ'লে  
বুঝতেম, একদিন ভালবাসতে পারো । কিন্তু বুঝলেম,  
তোমার হৃদয় ভালবাসাহীন,—হিন্দুর হৃদয় ভালবাসাহীন ।  
ধর্ম, কর্ম, ভালবাসা—মুখের কথা, অন্তর অসার ।

( যুবা ও যুবতীগণ পরস্পর পৃথক হইয়া একদিকে যুবাগণের  
ও অন্যদিকে যুবতীগণের কথোপকথন )

রঘুরাম । তুমি কে ? তুমি এ স্থানে কেন ?

বৈষ্ণবী । তোমারই জন্ম ।

রঘুরাম । ব্যঙ্গ রাখো, বল ? যদি তোমার ভালবাসার  
যোগ্য হ'তে পারি, তা হ'লে কি তুমি ভালবাসবে ?

বৈষ্ণবী । যখন ভালবাসার যোগ্য হবে, আমি কোন্  
ছার, জগতের তুমি আরাধ্য বস্তু হবে ।

রঘুরাম । আচ্ছা, পরের কথা পরে । বুঝছি, প্রাণ-  
বিসর্জনে তোমার ভালবাসা কিন্তে হবে । ভালবাসো  
আর না বাসো, যদি আমার মৃত্যুসংবাদ পাও, ছেনো, তোমার  
ধ্যান ক'রে ম'রেছি ।

[ রঘুরামের প্রস্থান ।

( যুবতীগণের বৈষ্ণবীর নিকট অ'গমন )

১মা যুবতী । দিদি, তুমি মাহুষ নও । বুঝতে পেরেছি  
মে, আমরা যুবাদের নরকগামীও ক'রতে পারি, আর মনে  
ক'রলে সংকাজেও লওয়াতে পারি । আমরা এই পরস্পরে  
বলাবলি ক'চ্ছিলুম,—আমরা যার যার সঙ্গে কথা ক'য়েছি, সক-  
লেই আমাদের কথা শুনে প্রথমে আশ্চর্য হ'য়ে গেল,—বিলাস-  
চক্ষে না দেখে উপাসনার চক্ষে আমাদের দেখলে । আমা-

দের প্রতি অমুরাগ শতগুণে বৃদ্ধি হ'য়েছে ব'লে বোধ হ'ল ।  
তুমি ওদের সঙ্গে কথা কইলে ঠিকটি বুঝতে পারবে ।

বৈষ্ণবী । ( দূরস্থিত যুবাগণের প্রতি ) ওহে, এসোই  
না, এত পরামর্শটা কিসের ? এসো না, বাসো, একটু আমোদ  
করি ।

২য় যুবা । দেবি ! যদি দিন পাই, আমোদ ক'রবো,  
তোমরা প্রকৃত আমোদের বস্তু ! আমরা বুঝতে পেরেছি,  
আমরা কাপুরুষ । তোমরা বেশ্যা নও—দেবাদনা, আমাদের  
মনুষ্যত্ব দান ক'রতে পৃথিবীতে অবতীর্ণ হ'য়েছ । পারি যদি,  
মনুষ্য ব'লে পরিচয় দেব,—নচেৎ অস্থিমাংসের ভার আর  
বহন ক'রবো না । জয় সংনামের জয় !

সকলে ।—জয় সংনামের জয় !

( সকলের গাত )

ঢালিব রুধির জননী পিপাসিতা,  
দানিতে শোণিত সজ্জিতা দুহিতা,—

কীর্তিদাত্রী প্রসীদ ।

কঠোর-নিনাদিনী নারী রণাঙ্গনে,

সনাতন কেতন উড়িবে গগনে ;

সন্তান পূজিবে পুন হরবারি,

কুম্ভ-চন্দন অর্পিবে নারী ;

প্রস্রলিত ছদি আরতি কারণ.

ধূপ দীর্ঘশ্বাস অনল বরিষণ ;

অর্ধ্য-সলিল মোগল-রক্ত-হৃদ,

রঞ্জিত নর্দন সৌম্য আমোদ,—

কীর্তিদাত্রী প্রসীদ ।

## তৃতীয় গর্ভাঙ্ক

পরশুরামের গুপ্তমন্ত্রণা-গৃহ

মুসলমান-বেশে পরশুরাম ও

অন্নাচ্ছ সংনামীগণ ।

পরশু । ভাই, তোমরা আগায় মার্জনা কর । তোমরা  
জনে জনে বীরপুরুষ, যথার্থ সংনামের উপাসক, কঠোর  
পরীক্ষায় উত্তীর্ণ হ'য়েছ । তোমাদের পরীক্ষা ক'রে বুঝ-

লেন যে, নিষ্ঠুর মোগল কোন প্রকার যত্ন দিবে তোমাদের নিকট আমাদের গুহ মন্ত্রণা জানতে পারবে না। এ বিষয় সময়ে পরীক্ষা আবশ্যিক বলেই উৎকট পরীক্ষা করেছি। তোমরা সাজ্জনা কর।

১ম সং। পরশুরাম, কেন কুণ্ঠিত হ'চ্ছ? পরস্পরের প্রতি অটল বিশ্বাস ব্যতীত এ কার্য কখনই উদ্ধার হবে না। তোমার পরীক্ষা দ্বারা আমরা বুঝেছি, মৃত্যুভয়ে, যত্নাভয়ে—সৎনামী যুবা মুসলমানের অধীন হবে না।

( দুই জন মোগল-পাইকবেশী সৎনামীসহ বন্দী-অবস্থায় মোগল-বেশে চরণদাসের প্রবেশ )

১ম পাইক। সর্দার, এ ব্যক্তি সৎনামী—রাজদ্রোহী; সৎনামী পরশুরামের অঙ্গসন্ধান ক'চ্ছে।

পরশু। কে তুমি?

চরণ। মোল্লার ছাওয়াল।

পরশু। তুমি হিন্দু—সৎনামী,—প্রাণভয়ে মিথ্যাকথা ক'চ্ছ; কিন্তু মিথ্যায় কোন ফল হবে না। যদি জীবনে শ্রয়্যাস থাকে, সত্য বল; নচেৎ অগ্নিদ্বারা তোমায় দগ্ধ ক'রে বধ ক'রবো।

চরণ। দৈ আলা, মুই গিছে জানি নে।

পরশু। তুমি হিন্দু।

চরণ। আরে হিন্দুর বাপের ভিটে চাষ।

পরশু। তুমি সৎনাম-উপাসক।

চরণ। ( কর্ণে অঙ্গুলি দিয়া ) তোবা—তোবা!

পরশু। আমাদের নিকট তোমার প্রতারণা চ'লবে না; সত্যকথা বলো যদি, নিস্তার পেলেও পেতে পারো। তুমি কোন সৎনামীর চর বলো? নচেৎ তোমার মুখে গোমাংস দিয়ে ধর্ম নষ্ট ক'রবো, তারপর জীবন্ত কবর দেবো। ধর্ম যাবে—প্রাণ যাবে।

চরণ। আরে কবর দিতে চাচ্ছ, এ তো বড় ব্যাটার কাজ ক'চ্ছে।

পরশু। তুমি মুসলমান।

চরণ। কারো সাধ নিকে দিয়ে প'রকে নাও।

পরশু। এখনো ব্যঙ্গ ক'চ্ছ?

চরণ। না—নিকে কবরার মোর বড় সখ। মোদের সাতপুরুষে নিকে হয় নি, সাদির কোভটা নিটিয়ে নি।

পরশু। পাইক, এর দশ অঙ্গুলীতে তৈলাক্ত বস্ত্রখণ্ড বেঁটন ক'রে অগ্নি দাও।

চরণ। আর কানি খোঁজবে কেন? আমার এই কাপড় ছিঁড়ে দশ অঙ্গুলে জড়াও, আর বাতিটে এগিয়ে দাও, আমি দশ অঙ্গুলে রোসনাই ক'রে নিকে করুতি যাই।

১ম সং। মশায়, এ কাফের, অগ্নিতে পোড়ালে এর ধর্ম নষ্ট হবে না; এর মুখে গোমাংস দিয়ে কবরে দেওয়া যাক।

চরণ। এক কটরা সরবত এনো, মাংস খেয়ে পিয়াস মেটাব কি না।

পরশু। তুমি সৎনামী নও?

চরণ। আমি চাচার পোলা—সৎনামী হলাম কবে?

পরশু। আচ্ছা, এই কাগজে 'সৎনাম' লেখা আছে, এতে পা দাও।

চরণ। এই তো দেলাম।

পরশু। তুমি বড় সয়তান, আচ্ছা, তোমার ব্যঙ্গ এখনি দূর হবে,—এই গোমাংস খাও।

চরণ। পেটটা বড় ভার আছে,—এই জিবে ঠেকাই, তাতেই তোমার কাজ হবে।

২য় সং। সত্যই তুমি মুসলমান?

চরণ। আরে, চিন্তি পাচ্ছ না?

পরশু। এখনো বিদ্রূপ, দাও, এরে কবর দাও। দেখো, এই কবরে তোমার মত পাঁচজন সৎনামী আছে, কবরের ভিতর রাজ-বিক্রমে মন্ত্রণা করগে।

চরণ। ধরছো ক্যান? মাটি চাপা দেবা? এই আমি উল্ছি। ( কবরে প্রবেশোত্ত )

পরশু। এখনো বল?

চরণ। আহা মামু, ব্যাশ আছি, দাও না হ'মুটো মাটি ফেলে। ব'কে কেন মুখ শুকুচ্ছো, কবর দিয়ে ব্যাটার কাজ ক'রে চলে যাও।

পরশু। দাও—কবর চাপা দাও। ( কবর বন্ধ করন ) পরীক্ষা হ'য়েছে, শীগ্গির খোলো, শীগ্গির খোলো—বিলম্ব হ'লে মারা যাবে।

( চরণদাসকে বাহির করন )

চরণ। কি চাচা—তোল্লে যে?

পরশু। কবরে তোমার উপযুক্ত শাস্তি হবে না। অধের চর্ম খুলে নিয়ে বধ করো।

চরণ। আর এক কাজ করবা? খুব আমোদ হবে। গজাল ফুটিয়ে ফুটিয়ে মারবা? তা তোমার যেমন সখ, তেমনি করো, আমার মানা নাই, চাম খুলি নিতি চাও—থোলো।

পরশু। কে তুমি?

চরণ। তোমার ফুপু।

পরশু। মহাশয়, স্বরূপ পরিচয় দেন, দেখুন—আমরা মুসলমান নই। এ অধমের নাম পরশুরাম, আমার তব্ব কেন ক'ছেন? আপনাকে যজ্ঞা দিয়েছি, মার্জনা ক'রবেন।

চরণ। পরশুরাম ঠাকুর, ওতে কিছু মনে ক'রো না, কিছু মনে ক'রো না, মরাটা কতক অভ্যাস হলো। রণেন্দ্র ঠাকুর তোমার সঙ্গে সাক্ষাৎ ক'রতে চান। তুমি সংনামী না গোগলের চর—আগি সন্ধান ক'রতে এসেছিলেম।

১ম সৎ। কে, রণেন্দ্র? সেই মহাপুরুষই আমায় এই কার্যে ব্রতী করেন।

পরশু। সে মহাত্মার নাম আগি শুনেছি। দাসের প্রতি কি তাঁর আজ্ঞা, বলুন?

চরণ। ঠাকুর, সে পরামর্শ তোমরা ছ'জনে ক'রো।

পরশু। কোথায় তাঁর দর্শন পাবো?

চরণ। তুমি যেথায় বলো, তিনি তোমার নিকট আসবেন।

পরশু। নগর প্রান্তে বিকট স্থান, সে স্থানে মনুষ্যের সমাগম নাই;—আজ রাত্রি দ্বিপ্রহরে আমরা তথায় উপস্থিত থাকবো, অনুগ্রহ ক'রে তথায় উপস্থিত হ'লে আমার দেখা পাবেন।

১ম পাইক। মহাশয়, আপনি প্রকৃত সংনাম-উপাসক, আমি বুঝতে পেরেছি; কিন্তু আপনি 'সংনাম'এর উপর পদার্পণ ক'রলেন? সত্য বটে, তাতে 'সংনাম' লেখা ছিল না, কিন্তু তা তো আপনি অবগত ছিলেন না?

চরণ। মহাশয়, আমার গুরুদেব বলেন যে, বিধর্মীর কাছে ইষ্টদেবতা গোপন ক'রবার নিমিত্ত, ইষ্টনামের উপরও পা দেওয়া কর্তব্য। যে পাতক হয়, অগ্নিতে পা দগ্ধ ক'রলেই প্রায়শ্চিত্ত হয়।

২য় পাইক। হ্যাঁ—এরূপ নিয়ম আমাদের হিন্দুর মধ্যে বটে; শুনেছি, এরূপ কঠোর প্রায়শ্চিত্তেরও প্রয়োজন নাই।

চরণ। হ্যাঁ, নাই বটে, কিন্তু মনটাও খুঁত খুঁত করে।

১ম পাইক। কিন্তু যদিচ আমরা গোমাংস দিই নাই, আপনি তো গোমাংস জানে জিহ্বায় স্পর্শ ক'রলেন?

চরণ। গোমাংস মুখে দিয়ে যদি গুরুতর পাপ হয়, সে পাপে আমারই নরক হবে, কিন্তু গুহ মজ্জনা ব্যক্ত হবে না। কিন্তু আপনি নরকে যাবো, এই ভয়ে বিশ্বাসঘাতকতা ক'রবো, এরূপ উপদেশ আমার নয়। নরকে কি যজ্ঞা আছে, জানি নে। কিন্তু ধরুন, গোমাংস না স্পর্শ ক'রলে ঘোরতর নরক-যজ্ঞা এড়াতেম। তারপর আত্মগানি!—সে নরকের হাতে কি ক'রে বাঁচতেম? আত্মগানির অপেক্ষা নরক শতগুণে শ্রেষ্ঠ।

১ম সৎ। দেখ্লেম,—আপনার মৃত্যুভয় নাই, যজ্ঞা-গার ভয় নাই। গোমাংস না স্পর্শ ক'রলে, ধরুন, আমরা না হয় আপনার প্রাণবধ ক'রতেম। মরতেন বটে, কিন্তু আপনার তো মহাপাপ হ'তো না।

চরণ। যদি আপনারা সত্য মুসলমান হ'তেন, আমি গোমাংস না স্পর্শ ক'রলে তার প্রথম ফল কি হতো জানেন?—আপনারা জানতেন, আমি হিন্দু;—আরও জানতেন, হিন্দুরা চর পাঠায়। আমায় গোমাংস দিয়ে বধ ক'রলে, আপনারা মনে মনে ধোঁকা খেতেন,—মনে সন্দেহ হ'তো, আমি বা সত্যই মুসলমান। আর একজন হিন্দু-চরকে বধ ক'রতে মনে ধোঁকা হ'তো। তারপর আমি তোঃধরা দিয়ে মরতে আসি নাই, যে, আপনারা গেরে ফেললে নিশ্চিত হ'তেম। আমি এসেছি, সংনামের কাজে—তোমাদের সন্ধান নিতে—মরে তো ভূত হ'য়ে সংবাদ দিতে পারতেন না। কাজ ক'রতে এসেছি, যাতে না মারা পড়ি, সেই চেষ্টা ক'রেছি।

পরশু। মহাশয়, আপনি প্রকৃত মুক্তাত্মা, কর্মযোগসিদ্ধ মহাপুরুষ। কার্যই আপনার উদ্দেশ্য, কার্যই আপনার জীবন, আপনি ফলাফল-জ্ঞানশূন্য—নরকেরও আপনি ভয় রাখেন না।

চরণ। যখন সংনামের আশ্রয় অবলম্বন ক'রেছ, তখন তোমরাও জীবন্ত মহাপুরুষ, তোমাদেরও নরকের ভয় নাই। আমাদের হিন্দুর মধ্যে বিড়ম্বনা কি জানো? মুসলমানকে আক্রমণ করে না কেন জানো?

১ম পাইক। মুসলমান বলবান—এই ভয়ে।

চরণ। না। মৃত্যুভয় হিন্দুর নাই। বাঙ্গালী ব'লে



এক জাতি হিন্দু আছে, অগৎ জুড়ে যাদের ভীক ব'লে জানে,  
তাদেরও দেখেছি, মৃত্যুকাল উপস্থিত হ'লে জাহ্নবী-তীরে নিয়ে  
যেতে উৎসাহের সহিত স্বজনকে অমুরোধ করে। হিন্দুর ভয়  
কি জানো?—মুসলমানের হাতে ম'রে পাছে অপঘাত মৃত্যু  
হয়! হায় হায় যদি এই সংস্কার দূর হয়, যদি গীতার প্রকৃত  
মর্ম হিন্দুরা হৃদয়ে স্থান দেয়, তা হ'লে বুঝতে পারে যে,  
আত্মরক্ষার জন্ত, স্বগণ-রক্ষার জন্ত, দেশের জন্ত,  
ধর্মস্থাপনের জন্ত, বিধর্মী-বিরোধী হ'য়ে প্রাণ দিলে—কোটি  
জীবন গঙ্গায় সজ্ঞান মৃত্যুর ফল হয়। হায় হায়,  
এ ধারণা হিন্দুর হৃদয়ে স্থান পেলে ভারত অজয় হতো।  
অথবা শাস্ত্রবাণ্যায় দেশ উৎসন্ন গেল!

পরশু। মহাশয়, আপনিই যথার্থ হিন্দু, যথার্থই শাস্ত্রজ্ঞ।  
জয় সৎনামের জয়!

সকলে। জয় সৎনামের জয়!

[ সকলের গ্রন্থান।

## চতুর্থ গর্ভাঙ্ক

নগরপ্রাস্তর বনসংলগ্ন-শ্মশান

( ময়ুরামনে কোমারী-মূর্তি প্রতিষ্ঠিত )

সোহিনী ও বৈষ্ণবী।

সোহিনী। সঙ্গে ল'য়ে রঞ্জিনী সঙ্গিনী  
করিলে অদ্ভুত রঙ্গ তুমি মা রঞ্জিনী।  
ঘরে ঘরে করিয়ে ভ্রমণ,  
তব উপদেশ মত কহিয়ে বচন—  
মঙ্গলম শক্তি সে কথার—  
উদ্ভেজিত করিয়াছি হিন্দু-কুলাঙ্গনা ; -  
ঘরে ঘরে পতি-পুত্র করে উদ্ভেজনা  
হইতে মোগল-বাদী।  
নাহি মৃত্যু ভয়, গায় মুখে সৎনামের জয়—  
ভয়শূন্য ভীক হৃদি নারীর উৎসাহে।

মনে ছিল কাশীধামে ত্যজিব জীবন ;—  
কিন্তু শুনি তোমার বচন,  
সে বাসনা নাহি আর,  
যথাসাধ্য হব তব কার্যে অমুকুল।  
ক্ষুদ্র কার্য আনা হ'তে হ'লে সমাধান,  
ভাবিব মা সার্থক জনম।  
মরি যদি বিধর্মীর করে,  
কৈবল্য করিব লাভ জেনেছি নিশ্চয়।  
বুঝিয়াছি কথায় তোমার,  
ধাগ-যজ্ঞ, তপ-জপ নাহি কিছু হেন  
মাতৃভূমি পূজা সম।  
আছে বহু রত্ন ধন—কর মা গ্রহণ,  
অর্জন সফল হবে তব কার্য-ব্যয়ে।

বৈষ্ণবী। একা তুমি ক'রেছ মা আসাধ্য সাধন ;—

তব সঙ্গী বচনে—

কুলাঙ্গনা বীরাঙ্গনা পুনঃ হিন্দুস্থানে।

প্রতি গৃহে গৃহে,

প্রত্যেক কুটীরে দানিয়াছ উপদেশ,

হিন্দুকুলনারী যেই উপদেশ-বলে

করিয়াছে উদ্ভেজনা

পিতা-পুত্র-স্বামী-ভ্রাতাগণে।

অদ্ভুত প্রভাব তব ;—

আবাল-বনিতা বৃদ্ধ স্বদেশবৎসল

তব মহামন্ত্র-দীক্ষা-লাভে মাতঃ!

হ'লে প্রয়োজন, অর্থ তব করিব গ্রহণ।

( পরশুরাম ও যুবক যুবতীগণের প্রবেশ )

বৈষ্ণবী। আসিতেছে বীর্ষ্যবান সৎনামী সন্তান,  
পরশুরাম সনে মঙ্গলা কারণে।  
দিতে হবে মহাত্মায় কার্য-পরিচয়,  
প্রস্তুত কি আমরা সকলে?

ময়ুরাম। দিব কিবা পরিচয় নাহি জানি।

কিন্তু সৎনামের পূজাহেতু জীবন অর্পণে  
স্বদৃঢ়-প্রতিজ্ঞ সব তব উপদেশে ;—

দেবী তুমি, সেবক আমরা সব।

সাধ্যমত তব উপদেশ-বাণী

প্রচার ক'রেছি ঘরে ঘরে।

আবাল-বনিতা-বৃদ্ধ—

উত্তেজিত সে মস্ত-প্রভাবে।

( চরণদাসের প্রবেশ )

চরণ। (স্বগত) কে আর এমন ছুঁড়ী আছে যে, ছোঁড়া মাতাবে? মহাস্তর দিখিজয়ী কতা আছেই আছে।

১ম যুবা। এ কি!—ইনি কি রণেন্দ্র?

পরশু। না, ইনি একজন সংনামী মহাপুরুষ, পরিচয় হ'লেই বুঝতে পারবেন। বড় সুরসিক লোক, কথা ক'য়েই দেখুন না।

১ম যুবা। কি হে নাগর, বড় খর যে, কে বটে?

চরণ। নাগর বটে।

২য় যুবা। নাগর, কোন্ নাগরীর উপর বোঁক ক'রে?

চরণ। দাঁড়াও, দোকানে এসেছি, মাল বুঝে বুঝে নি।

৩য় যুবা। (যুবতীগণকে লক্ষ্য করিয়া) ওহে, তোমাদের ভারি খেঁচের জুটেছে।

চরণ। (জনৈক যুবতীকে দেখিয়া) এ শ্রাওড়া গাছে চ'ড়বার মত বটে, কিন্তু কই, এ না।

২য় যুবা। কি নাগর, পছন্দ হলো না?

চরণ। না, এর ছোট জান, শ্রাওড়া গাছে থাকে। (২য় যুবতীকে দেখিয়া) তোমার ভালগেছে জান বটে, কিন্তু তোমার কর্ম নয়, সে দস্তি ছুঁড়ীর পাল্লা দিতে পারবে না।

২য় যুবতী। আনায় দেখনা?

চরণ। আমি তো গুয়েপেড়া খুঁজতে আসি নি।

৩য় যুবা। কি হে, এরও পছন্দ হলো না?

চরণ। আরে র'সো র'সো—কুৎ ক'বুচি। (বৈষ্ণবীর প্রতি) হ্যা, এই বটে, গয়নাগাঁটা প'রে মোখথেকো চেহারা ক'রেছিস বটে!—খুব চটক ফিরিয়েছিস!

বৈষ্ণবী। কি চটক ফিরিয়েছ?

চরণ। গাছকোমর বেঁধে অশথগাছে থাকতিসু তো?

বৈষ্ণবী। তোর কি চোখ নাই? আমি কি অশথগাছে থাকবার মত?

চরণ। বটে বটে, এখন বাঁশবনে—শ্মশানে থাকিসু?

বৈষ্ণবী। আমি অট্টালিকায় থাকি, বাঁশবনে থাকবো কেন?

চরণ। তোর স্বভাব, এই বে দিবি অট্টালিকায় ব'সেছ।

বৈষ্ণবী। তা তুই আমার কাছে কেন এসেছিস?

চরণ। এখনো গাছে চড়িসু কি না, দেখতে।

বৈষ্ণবী। তোর এত গরজ কেন?

চরণ। আছে গরজ, নৈলে গেছো মেথের খোঁজ করি। তোরে কোঁপে-ঝাঁপে, খুঁজে খুঁজে ছুঁশো শাল তাড়িয়েছি, আর বটগাছ, অশথগাছের ডালে বাঁদর ব'সতে দিই নাই,—তড়াক তড়াক ক'রে, রূপি হ'য়ে ডালে-ডালে লাফ মেয়েছি—কি ভোলই ফিরিয়েছিস!

বৈষ্ণবী। এঃ—এ ক্ষ্যাপা!

চরণ। ক্ষ্যাপা বই কি! আমি কি অর দেখি নে, তুই যখন আনাচে-কানাচে কোঁপে-ঝাঁপে ডালে-ডোলে বেড়াতিস, তখন তোর এক চটক ছিলো,—তোর হাস্যবদন ছিলো, ছুঁড়ী—ছুঁড়ীর মত ছিলি; একটু বেতলা ছিলি বটে, কিন্তু এখন যেন কিস্তিত কিনাকার হ'য়েছিস। আমি বুঝতে পাচ্ছি নে, তুই তখন পাগলি ছিলি, না এখন পাগলি হ'য়েছিস?

বৈষ্ণবী। তবে তোমার পছন্দ হ'য়েছে?

চরণ। আমি তো আর বলদচাপা. শিব নই, যে, বুক পেতে দেবো, আর রণ-রঙ্গিণী টিপ্ টিপ্ ক'রে নাচবে! তোরা দেখেছিস কি, ও পালে পালে নরবলি ধাবে, তবে রণরঙ্গিণী ঠাণ্ডা হবে।

পরশু। (চরণদাসের প্রতি) কই মহাশয়, সংনামশ্রেষ্ঠ রণেন্দ্র কোথায়?

চরণ। এইবার আপনাকে একটু মাপ ক'বুতে হ'চ্ছে। আমার একটু ধোঁকা হ'য়েছিল যে, তখন মুসলমান সেজে-ছিলেন, কি হিন্দু সেজেছিলেন? তাই রণু ঠাকুরকে একটু তফাতে রেখে তব্ব নিতে এসেছি। এখন দে সন্দেহ দূর হ'য়েছে।

পরশু। কিসে?

চরণ। এই মহিষমর্দিনীকে দেখে। (উচ্চকণ্ঠে) জয় সংনাম!

( রণেন্দ্রের প্রবেশ )

পরশু। এই কি সে মহামতি রণেন্দ্র সুধীর?

রণেন্দ্র। রণেন্দ্র এ দাস।

পরশু। স্বাগত হে সংনাম-প্রধান!

পরশুরাম অধমের নাম,

আছি সবে তব প্রতীকায়,  
তব স্মরণে মত কার্যে হব রত ।

রণেন্দ্র । মহাশয়, ঘুচাও সংশয়—  
কেবা এ রগণীবৃন্দ হেরি ?  
স্মরণায় নারী কি কারণ ?  
কুলাঙ্গনা এঁরা কি সকলে ?  
বেশে নাহি পাই পরিচয়,  
বেশভূষা বেশা গম সবা কার !

বৈষ্ণবী । বারাদনা, নহে কুলাঙ্গনা ;  
কিন্তু সৎনাম-আশ্রিত—ব্রত সৎনামের সেবা ।  
উষ্ণ রক্ত-স্রোত বহে ধমনীতে,  
বহে যথা পুরুষ-শরীরে ।  
ধন, মান, প্রাণদানে প্রস্তুত সকলে,  
প্রস্তুত যেমতি—যত  
সৎনাম-আশ্রিত কার্যব্রত যুবকনগণা ।

রণেন্দ্র । এ কি আখির বিভ্রম,  
কিন্মা সত্য তুই বৈষ্ণবী সন্মুখে !  
কালামুখি, বেশা বলি দিলি পরিচয়,  
নাহি হ'লো লজ্জার উদয় ?  
শত ধিক্ জনমে রে তোর !  
ধরি পিতার চরণ,  
পিতৃ-রক্ত স্থাপিয়া মাথায়  
প্রতিজ্ঞা করিলি কপকিনি—  
পরিণাম এই কি রে তার ?  
প্রত্যয় না হয়—সত্য কি বৈষ্ণবী !—  
কিন্মা কোন' পিশাচী আসিয়ে,  
সে আকার করিয়ে ধারণ—  
শেলাঘাত করে বৃকে !  
বল ভয়ি, বল রাখো প্রাণ—  
কর বেশাভাণ বৃকিতে আমার মন !  
কহ তব গুরুর ঔরসে,  
মহাদেবী গুরুপত্নী তেঁমার জননী,  
নহ বেশা তুমি ;—  
কহ, এসেছ কি উদ্দেশ্য-সাধনে ?  
প্রতারণা কেন ভ্রাতা মনে !

বৈষ্ণবী । সত্য তব স্মরণ,

নহি নহি উদ্দেশ্য-বিহীনা !

কিন্তু জেনো, বেশ মম নহে প্রতারণা ।  
এতদিন বেশাগৃহে হ'য়েছি পালিতা,  
শিখেছি মোহিনী বিদ্যা বেশার যেমন,  
দীক্ষাদাত্রী বৃদ্ধা ঘোষা হের ।

রণেন্দ্র । কুলকলঙ্কিনি, দূর হ পাপিনি !  
এই হেতু পরিণয় অস্বীকার তোর ?  
নিত্য নব যুবা-প্রেম-আশে ?  
এই হেতু,

উদ্ধাহের নামে হ'য়েছিলি গৃহত্যাগী ?  
বৃক্ষমূলে নদীকূলে যসিয়া বিরলে,  
বুঝি তোর ছিল এই ধ্যান ?  
চাহিয়ে আকাশ পানে,  
হ'ত বুঝি সখ তোর মনে,  
পক্ষী সম উড়ি দেশে দেশে—  
মজাইবি যুবজনে ?

গুরুদেব—গুরুদেব !  
প্রতিশোধ হ'ল না তোমার—  
অক্ষম সন্তান তব ।

কখনো করনি কোন দক্ষিণা গ্রহণ,  
নন্দিনীর রক্ষাভার দিয়েছ কেবল ।  
কিন্তু বিফল জীবন—

নারিলাম গুরু আজ্ঞা করিতে পালন,  
কুলটা ছুহিতা তব ।  
কি হেতু উত্তম—দিব প্রাণ বিসর্জন !

বৈষ্ণবী । ত্যজ খেদ, শুন ভ্রাতা স্বরূপা বচন ।  
বেশাগৃহে হ'য়েছি পালন,  
বেশার মোহিনী-বিদ্যা ক'রেছি অর্জন,  
জেনো তব উচ্চকর্ষ্য করিতে সাধন,  
নহে দেহ দানে ইঞ্জিয়-তুষয় ।

কার সাধ্য স্পর্শে গম কায়,  
কৌমারীনন্দিনী আগি !

নেহার সঙ্গিনী—

কৌমারীর অনুচরী ভীষণা ষোগিনী !  
সত্য বটে কলুষিত কায় ;—

কিন্তু উচ্চ কামনায়,

মাতৃভূমি পূজা হেতু উৎসাহ-অনলে,—  
মহাপাপ দগ্ধ এ সবার ।

কার্যফলে বুঝাবে এগনি ।

কিন্তু ভ্রাতঃ, সত্য যদি হই কলঙ্কিনী,  
হ'য়ে থাকো প্রভু-আজ্ঞা শালনে অক্ষম,

প্রায়শ্চিত্ত হবে কিবা জীবন অর্পণে ?

যেই মহাকাণ্ডে ব্রতী তুগি,

কায় তরে করিব'রে চাও পরিহার ?

গুরুকন্যা হেতু ?

সামান্য এ বিঘ্ন তব উচ্চ কার্যে বাদী !

শুন ভ্রাতা, মমতা না করিলে বর্জন

অন্য লক্ষ্য রাখিলে জীবনে,

স্বকার্য না হইবে উদ্ধার ।

মজে যদি মজুক সকলি,

হয় হোক বারাননাপূর্ণ মাতৃভূমি,

হয় হোক কাপুরুষ হিন্দুস্থানবাসী,

অসহায়, একা কর কার্যের উত্তম,

অপেক্ষা রেখো না তুমি কার ।

পর্যাপেক্ষা সম,

কার্যক্ষেত্রে হেন বিঘ্ন নাহিক দ্বিতীয় ।

রণেন্দ্র । কথা তোর নির্মলাত্মা প্রবীণা সমান !

শিখেছিস্ বেষ্টার আচার—

বহু বাক্-নিপুণতা ।

কিন্তু তোর কুৎসিতা প্রকৃতি—

কুলটার রীতি—

সমাগত যুবাবুন্দ দিতেছে প্রমাণ ।

ধিক্ তোরে—বধ্য নহ গুরুর দুহিতা !

বৈষ্ণবী । স্থির হও, কর অবধান ।

সমাগত যুবাবুন্দ করিবে প্রমাণ,

কিবা কার্যে বারাননারূপা ভয়ী তব ।

জান কি, কি শিক্ষা মম বেষ্টা-উপদেশে ?

প্রেম-আশা মমতায় দিতে বলিদান !

ধনার্জনে বেষ্টা করে প্রেম পরিহার—

মমতা না স্পর্শে বেষ্টা-হৃদে—

ধন লক্ষ্য—লক্ষ্যভ্রষ্ট না হয় কদাপি ।

বেষ্টার দীক্ষায় লক্ষ্য প্রতি পূর্ণদৃষ্টি মম ।

লবণাক্ত সাগরে ডুবিয়ে,

দৃঢ় পণ—অমূল্য রতন—ক'রেছি অঙ্কন ।

ভার তব গুরুহত্যা-প্রতিবিধিৎসার ।

হের তোমা সম দৃঢ়ব্রত যুবকমণ্ডলী ।

রাজপুত্র নেহার সম্মুখে,

প্রেম-আশে এসেছিল মহাজন,

আত্মতত্ত্ব জানে না তখন,

হের সে কামুক যুবা স্বদেশ-বৎসল !

অধীনস্থ দ্বিসহস্র সংনামী লইয়ে

মোগল-গিরুদ্ধে রণে দিবে যোগদান ।

রঘুগ্রাম । মহাশয়, 'ই বোবীর দীক্ষায়, সংনাম-সেনায়  
এ অধম জীবন উৎসর্গ ক'রেছে' পরীক্ষা করুন ।

বৈষ্ণবী । হের জনে জনে উচ্চবংশজাত,

কায়মনোবাক্যে সবে মহাকাণ্ডে রত ।

বিংশতি সহস্র সেনা মোগল-বিরোধী,

হবে এ যুবকবৃন্দ-ইচ্ছিতে চালিত ।

নদীকূলে, বৃক্ষমূলে বসিয়ে বিরলে,

দেখিতাম যেই ছবি অঙ্কিত আকাশে,

বুঝি নাই মর্ম্ম তার কৈশোর যখন ।

এবে খুলিয়াছে মম তৃতীয় নয়ন,

পাইয়াছি কোমারী মাতার দরশন ।

রতি-কাম ভৃত্য মম কোমারী কুপায় ।

নহি কলঙ্কিনী আমি, নেহার বদনে ;—

দেখ স্থিরদৃষ্টে—

বেশে কি ক'রেছে 'আবরণ

দারুণ শোণিত-তৃষা ?

দেখ না কি অগ্নি মম জ্বলে চারিপাশে ?

ভস্ম হবে প্রেম-আশে আসিলে নিকাটে !

আজি হবে কোমারীর পূজা অবসান,

তৈরবী-পূজায় ভাই কর যোগদান ।

দেখ দেখ, শক্তিকরা শিখী-বিহারিণী—

প্রতিষ্ঠিতা অহিবেদী 'পরে ;

নেহার পতাকা শিখী-পদতলে স্থিত ;

ওই জাতীয় কেতন—

নারী করে করিবে ধারণ,

মজে রঙ্গে ভীষণা সজিনী

ভেদিতে মোগল-ব্যুহ—পথ-প্রদর্শিনী ।  
 ছিল বেষ্ঠা—দেবী এবে হের যত নারী,  
 মাতার কিঙ্করী—  
 জনে জনে মোহিনী-প্রভাবে  
 হিন্দ্রিয়-আসক্ত করে দেছে তরবারি ।

পরশু । মহাশয়, সন্দেহ দূর করুন । এই দেবীর প্রভাবে  
 মোগল-অঙ্গে অক্ষুণ্ণনে সাহসী হ'য়েছিলাম । এ তেজস্বিনী  
 দেবী-অঙ্গ অপেক্ষা অনল শীতল, একে কলঙ্কিনী জ্ঞান ক'রবেন  
 না । দেবীলীলা দেবতারাই অবগত,—আমরা কি বুঝবো ?  
 কি রঙ্গে বারাজনা-বেশ ধারণ করেছেন, তা আমাদের জান্-  
 বার প্রয়োজন নাই । এই সমাগত যুবকমণ্ডলী আপনার  
 অধীন ; আপনি আজ্ঞা করুন,—আজ্ঞানুসারে আমরা কার্য  
 সাধনের চেষ্টা পাই ।

রণেন্দ্র । কর মার্জনা ভগিনি,  
 স্নেহবশে কহিয়াছি কুবচন ।

বৈষ্ণবী । মহাত্মন গুরুভক্ত, স্বদেশবৎসল,  
 শতঋণী আশৈশব তোমার নিকটে,  
 কনিষ্ঠা তোমার ।  
 আগত ত্রিযাম—  
 পূজার সময় উপস্থিত,  
 মহাশক্তি পূজার সময় ।  
 কৌমারী মাতার আজ্ঞা ধরি শিরোপরে,  
 কলা করি মোগল নিধন ।  
 জয় সৎনামের জয় !

রণেন্দ্র । বুঝেছি ভগিনি—  
 নারীদেহে অবতীর্ণা কৌমারী জননী !

বৈষ্ণবী । মাতা শিখী-বিহারিণি !  
 সমাগত নন্দন-নন্দিনী ;  
 অধিষ্ঠাত্রী উর গো হৃদয়ে,  
 প্রসীদ প্রসন্নময়ি,  
 নাশিতে মোগলে আদেশ সন্তানে—  
 বর দেহ বরাননি, হই রণজয়ী ।

সকলে ।— ( গীত )

জয় কৌমারী কৌমুদীবরণে,  
 বিকসিত চিত্ত-কোকমল পদ পরণে !

শক্তি-সজ্জিণী শক্তিস্বরূপা,  
 সমর-সজ্জিণী রুধির-লোলুপা ;  
 জয়দে-ভীষণা, ময়ূর-আসনা,  
 জয়কারিণী, ভয়হারিণী,  
 শক্তিধারিণী অক্ষর-বাহিনী হরণে ।

বৈষ্ণবী । ( ধ্যানস্থ অবস্থায় )

শুন শুন সৎনাম-সন্তান,  
 মাতার আদেশ শুন ;—  
 নেতৃত্বে অধিষ্ঠিত কহ কে হইবে ?  
 কর এই মুকুট গ্রহণ ।

কিন্তু সাবধান !—

শিরে যেই ধরিবে কিরীট,  
 মমতা কদাপি নাহি স্থান পায় হৃদে,  
 বৃদ্ধ, নারী, বালক-নিধনে—  
 নাহি হয় বিচঞ্চল ।

কৌমারী মাতার এই কিরীট প্রসাদ  
 ধর শিরে কামজয়ী বীর ;—

সাবধান !—

রমণী-কটাক্ষ বক্ষে না করে প্রবেশ !  
 সৎনামের প্রিয় পুত্র, পর' শিরোপরে ।

রণেন্দ্র । মহাত্মা পরশুরাম, আপনি গ্রহণ করুন ।

পরশু । মহাশয়, আমার মস্তকে মুকুট কলুষিত হবে,—  
 আমি বেষ্ঠার দাস ছিলাম ।

রণেন্দ্র । মহাশয়, আপনারা জনে জনে বীর অবতার ;  
 আপনাদের মধ্যে যিনি বিবাহ করেন নাই, তিনি এই মুকুট  
 গ্রহণ করে আমাদের নেতা হোন । দেবী-সম্মুখে আমি  
 শপথ ক'চ্ছি, দাসভাবে আমি তাঁর অহুগামী হব ।

রঘুরাম । হে বীরশ্রেষ্ঠ, আমাদের মধ্যে অনেকেই কুমার  
 আছেন । কিন্তু বেষ্ঠার প্রেম-লালসায় এসে আমরা দেবী-দর্শন  
 পেয়েছি, মনের অবস্থা এখনও আমরা সম্পূর্ণ বুঝতে পারি  
 নাই । কি জানি, যদি পতন হয়, মুকুট কলুষিত হবে, দেবীর  
 অভিশাপগ্রস্ত হবো, সৎনাম-সম্প্রদায় উৎসন্ন যাবে । আপনি  
 এই মুকুট গ্রহণ করুন ।

রণেন্দ্র । ভাল, যদি সকলের অভিমত হয়, আমি গ্রহণ  
 ক'রলেম । দেবীর সম্মুখে আমার শপথ,—যদি আমার  
 কৌমারত্ব ভঙ্গ হয়, যেন সম্মুখ-যুদ্ধ পরিত্যাগ ক'রে, মুসল-

মানের দাস হ'য়ে কাপুরুষের ছায় মোগল-হস্তে নিধন হই।  
আমি এই মুকুট গ্রহণ ক'রলেম। ( মুকুট ধারণ )

বৈষ্ণবী। কি ক'রলে—কি ক'রলে! দেবীর নিকট শক্তি  
প্রার্থনা ক'রলে না! দেবীকে প্রণাম ক'রে মুকুট ধারণ ক'রলে  
না! ঐ দেখ, দেবীর মুখ তমসাচ্ছন্ন হ'লো! প্রণাম করো,  
প্রণাম করো!

রণেন্দ্র। সত্য ভগ্নি, অপরাধ হ'য়েছে। ( প্রতিমার  
প্রতি যুক্তকরে ) মা, অপরাধ হ'য়েছে; অপরাধ মার্জনা  
করো, প্রণাম গ্রহণ করো।

বৈষ্ণবী। ভগ্নি, রণরঙ্গিণি—তোমরা সকলে প্রসন্না হ'য়ে  
অনুমতি দাও, আমি পতাকা গ্রহণ করি। তোমরা কৌমারী-  
কিঙ্করী, তোমরা প্রসন্না হ'লে মা প্রসন্নময়ী প্রসন্না হবেন,  
আমার নারী-হৃদয়ে শক্তি দেবেন।

১মা যুবতী। দেবি, দেবি, ভগবতী তোমার প্রতি  
প্রসন্না, তুমি নির্মলা কুমারী, তুমি পতাকা গ্রহণ করো।

বৈষ্ণবী। (সোহিনীর প্রতি) মা দীক্ষাদাত্রি, ধাত্রী-জননি,  
তুমি আমার হস্তে পতাকা দিলে জানুবো, দেবী আমায় নিজ  
হস্তে দান ক'রলেন।

সোহিনী। মা, পতাকা গ্রহণ করো। তোমার উপ-  
দেশে আমার অপবিত্র করে পতাকা স্পর্শ ক'রতে ভয় নাই।  
তোমার উপদেশে আমি বুঝেছি যে, মার নিকট কণ্ঠার অপ-  
রাধ হয় না; তোমার দীক্ষায় আমার ধারণা হ'য়েছে যে, মার  
পূজা ক'রলে মা অন্তরে আবিভূতা হন; তোমার প্রভাবে মা  
আমার অন্তরে আবিভূতা; মার নামে তোমায় পতাকা  
প্রদান ক'চ্ছি। ( পতাকা প্রদান )

সকলে। জয় কৌমারীর জয়!

( সকলের গীত )

ভৈরব-উৎসব-মগনা নারী,

চকল বীর-করে গুরবারি;

ভীমা শুভঙ্করী, জয় কৌমারী!

বদেশবৎসলা-প্রদর্শনী-পথ,

অরি-রক্তস্রোত-পান বীর-ব্রত;

ধূমকেতু সম উডডীন কেতন,

অসি উন্মোচন, মোগল-নিপীড়ন;

হকারে গভীরনাথিনী সারি,

উখিত ভারত রোমনহারী;

ভীমা রথালকা জয় কৌমারী!

## তৃতীয় অঙ্ক

—•••—

### প্রথম গর্ভাঙ্ক

শশুক্রেত্র

( দুইজন মুসলমান পাইকের প্রবেশ )

১ম পাইক। হ্যা দেখ্ চাচা, কারতরফ খাঁ ফৌজদারটা  
সেকলে আকবরি আমলের মুসলমানের মত। এটাকে যে  
কেন ফৌজদার ক'রেছে, কাফের আর মুসলমান সমান  
এনসাফ্ ক'রবে।

২য় পাইক। সিকদারটা জ্বর আছে।

১ম পাইক। গরদ বাচ্ছা মরদ! সেদিন আমি সাথে,  
একটা কাফেরের বাড়ী গিয়ে উঠ'লেম,—টাকা নিলে, মেয়ে  
ছেলে বেইজ্জত ক'রলে, একটা ব্যাটারে লাথ্ ঝাড'লে, মুখ দে  
লোউ উঠ'তে লাগ'লো।

২য় পাইক। ওর সাথ মনের সাধে দুটো কাফের কেটে-  
ছিলুম। সিকদার যাচ্ছে, তারা সেলাম দিলে না। অম্নি  
আমায় ঠেকিয়ে দিলে, গপ্ গপ্ ক'রে তলোয়ার খানা ব'সে  
গেল;—কাছ'তে লাগ'লো, পানি পানি ক'রতে লাগ'লো!

১ম পাইক। এ আনাঞ্জেব ফেতে এসে কেন ঘুসলি?

২য় পাইক। আরে বুঝিস্ নে, যারা চষে, তাদের মেরে  
কি হাতের মুখ? ঠ্যাতে রা সরে না। একটা কেজিয়ে  
ক'রে যদি পাকা ফসলের ফেতে আঙন ধরান যায়,—মেয়ে

মদ, ছেলেগুলো পর্য্যন্ত গালে-মুণ্ডে চাপড়ায় আর নাচতে থাকে।

১ম পাইক। দেখ্‌ছিন্‌ সয়তানের ঝাড়, তবু মুসলমান হবে না।

( একজন কৃষকের প্রবেশ )

কৃষক। পাইক সাহেব—পাইক সাহেব—সেলাম !

১ম পাইক। ভাই, বড় মক্কা জ্বর হ'য়ে র'য়েছে !  
( কৃষকের প্রতি ) আরে বেলকুল তুড়ে দে তো।

কৃষক। তুলো না—তুলো না, সবে ফুল ধ'রচে, সবে ফুল ধ'রচে ! ঐ গুলিতে সহছরের গুজরান।

২য় পাইক। চোপরাও; কাফের ! ( চপটাঘাত )

কৃষক। বাপ রে, মা রে, ক্ষেত লুটলে রে ! বালবাচ্ছা না খেতে পেয়ে মারা যাবে রে ! ( পলায়ন )

( চরণদাসের প্রবেশ )

চরণ। পাজি কাফের ! পায়দা সাহেবকে মক্কা দিতে চাও না ! পায়দা সাহেব, এ ক্ষেতকে ক্ষেত পুড়িয়ে দাও, রোসনাই করো।

১ম পাইক। না না—আচ্ছা মক্কা,—বাড়ী নিয়ে যাবো।

চরণ। তবে দাঁড়াও, কুলে মোট বেঁধে রাখায় ক'রে তোমার বাড়ী দিয়ে আসি।

১ম পাইক। নে তোল, তুই আচ্ছা কাফের।

চরণ। আমি কাল মোল্লা ডেকে কলুনা পড়বো।

১ম পাইক। হ্যাঁ—হ্যাঁ, তুই আক্কেলমন্দ।

চরণ। এই নাও এই মক্কা তুলি :

১ম পাইক। বাঃ বাঃ—মজপুত কাফের।

চরণ। হাতে ক'রে কটা তুলবো, তোমার ওই তলোয়ারখানা দাও, চুটিয়ে ক্ষেত সাবাড় ক'রে দি। যে ব্যাটার ক্ষেত, সে বড় দুশমন কাফের।

২য় পাইক। আচ্ছা লে- কাট্। ( চরণদাসকে তরবারি প্রদান )

চরণ। এই যে কাটি ঐ সাহেব ! ( প্রথম পাইককে অস্ত্রাঘাত )

২য় পাইক। খুন খুন ! ( পলায়নোচ্ছত )

চরণ। যাবে কোথায় ? ক্ষেতে ছুটো মক্কা খেতে

এসেছ, অক্কা হ'য়ে যাও। ( দ্বিতীয় পাইককে অস্ত্রাঘাত ) সাহেব, তোমার তলোয়ারখানা নি, কিছু মনে করো না।

[ চরণদাসের প্রস্থান।

২য় পাইক। ( উঠিয়া ) রও কাফের ! হুলা নিয়ে আসি, জানবাচ্ছা গাড়বো। আজ সব ক্ষেত জ্বালাবো।

[ প্রস্থান।

## দ্বিতীয় গর্ভাঙ্ক

গৃহপ্রাঙ্গন

গৃহিণী, কন্যা এবং জ্যেষ্ঠ ( ভীমদাস ),

মধ্যম ও কনিষ্ঠ পুত্র।

গৃহিণী। ( জ্যেষ্ঠপুত্রের প্রতি ) আজ তোমার জন্মদিন, ষোল বৎসর পূর্ণ হ'য়েছে, তোমার কার্যকাল উপস্থিত, আজ হ'তে কার্য-ভার গ্রহণ করো। তোমার ভগ্নী বীর-পরিচ্ছদ স্বহস্তে প্রস্তুত ক'রেছে, আমি স্বহস্তে তোমায় বীর-সাজে সাজিয়েছি। এই তলোয়ার লও, মুসলমান বধ করো। মুসলমান-পীড়নে তোমার পিতামহ, প্রপিতামহের মৃত্যু হ'য়েছে। তোমার পিতা প্রতিশোধের নিমিত্ত অস্ত্রধারণ ক'রেছেন, তুমি তাঁর সহ য হও।

জ্যেষ্ঠ। মা, আশীর্বাদ করো।

কন্যা। দাদা, তুমি য'টা মুসলমান বধ ক'রবে, ত'গাছা মালা গেঁথে তোমার তলোয়ারে পরাবো।

জ্যেষ্ঠ। বোন, সৎনাম তোর কল্যাণ করুগ ! বীর-মাতা হও !

গৃহিণী। আমি স্বহস্তে তোমার কটিতে তলোয়ার বেঁধে দি।

কন্যা। ( মধ্যম ভ্রাতার প্রতি ) ছাখ্, দাদা যুদ্ধে মোগল মারতে যাবে। তুই মারতে পারুলি নি, ভয়ে পালিয়ে এলি ? মধ্যম। দিদি, তারা চার পাঁচজন মুসলমান ছিল, একলা পাব্বো কেন ?

কন্যা। রাস্তায় পাথর ছিল না, ছুঁড়ে মারতে পারিস

নি ? তুই কি দেখিস্ নি, একজন মুসলমান দশজন হিন্দুকে মারে ? তারা তো ভয় করে না ?

কনিষ্ঠ । আমার লাঠি আছে দিদি, আমি খুঁটাঝাবো ।

কণ্ঠা । এই দ্যাখ্, এই বালকের যা মাহস আছে, তোর তা নাই । আমি পাড়ার সব ছেলেদের ব'লে দেব, তুই মুসলমানের ভয়ে পালিয়ে এসেছিস্ । কেউ তোর সঙ্গে খেলবে না, ছুঁড়ীরা তোর গায়ে ধুলো দেবে, বলবে,—“ভাক্, মুসলমানের ভয়ে পালায় !”

মধ্যম । না দিদি, ব'লো না, আমি এখন তাদের মারবো ।

গৃহিণী । ( জ্যেষ্ঠপুত্রের কটিতে তরবারি বাধিয়া দিয়া মধ্যম পুত্রের প্রতি ) শোন,—এই তোর দাদা ত'লায়ার নিয়ে চ'ল্লো । তুইও যুদ্ধ শেখ্ তোরও ষোল বছর বয়স হ'লে, আমি ত'লায়ার দেবো ।

কনিষ্ঠ । আমায় দেবে ?

গৃহিণী । দেবো ।

জ্যেষ্ঠ । মা, বিদায় হই !

গৃহিণী । বৎস, গৌরব অর্জন করো ।

[ ভীমদাসের প্রস্থান ।

( কণ্ঠার প্রতি ) দ্যাখ্, সন্তানকে যুদ্ধে পাঠানো বড় কঠিন !

কণ্ঠা । মা, সৎনামকে ডাকো, তাঁর কার্য যেন উদ্ধার হয় ।

( গৃহ-স্বামীর প্রবেশ )

গৃহ-স্বামী । গৃহিণী—গৃহিণী, আজ শুভ দিন ! আজ আমরা কারতরফ খাঁর দুর্গ আক্রমণে যাবো । দুরাগ্নী আবালবৃদ্ধবনিতা এক সহস্র চাষীকে দুর্গে বন্দী ক'রেছে, কাল তাদের প্রাণ বধ ক'রবে ।

গৃহিণী । এত রূপা কেন ?

গৃহ-স্বামী । আজ শশুক্ষেত্রে কলহ হ'য়েছিলো, আগে দুইজন পাইক আহত হয় । তারপর চৌকীর জমাদার পঁচিশজন অস্ত্রধারী ল'য়ে শশু পোড়াতে আসে, তাদের মধ্যে তার পাঁচ জন হত আর সকলে পলায়ন ক'রেছে । সেই রাগে ফৌজদার সহস্র নির্ঝিরোধী প্রজা ধ'রে নিয়ে গেছে ।

গৃহিণী । কেবল বন্দী ক'রে যুদ্ধ শান্তি হবে না, তাই প্রাণবধ ক'রবেন ।

গৃহ-স্বামী । ইহা -যার মুসলমান বধ ক'রেছে, যদি তাদের সন্ধান না দিতে পারে, তা হ'লে এই সহস্র ব্যক্তিকে যন্ত্রণা দিয়ে মারবে ।

গৃহিণী । উদ্ধারের জন্ত ক'জন প্রস্তুত ?

গৃহ-স্বামী । একশত দৃঢ়প্রতিজ্ঞ সৎনামী ।

গৃহিণী । আর সৈন্য কোথায় ? শুনেছিলেম, প্রায় বিংশ সহস্র সৎনামী সজ্জিত ?

গৃহ-স্বামী । নানাস্থান হ'তে তারা আসছে, তাদের আসতে বিলম্ব হবে । নিকটস্থ অল্প সৈন্য যদি তুনো কুচে আসে, কাল সন্ধ্যার আগে উপস্থিত হ'তে পারবে না । কিন্তু প্রাতেই বন্দী চাষীদের প্রাণবধ হবে । আজ রাত্রে তাদের উদ্ধার না হ'লে আর উপায় নাই ।

গৃহিণী । দুর্গে কত সৈন্য আছে ?

গৃহ-স্বামী । সেই কথাই ব'লে এসেছি, প্রায় দুই সহস্র । দুর্গের মধ্যে একশত লোক থাকলে দুই সহস্র আক্রমণকারীকে রোধ ক'রতে পারে । কি জানি যুদ্ধে কি হয় ! ভীমদাস আমার সঙ্গে যুদ্ধ যেতে চাচ্ছে । আমার ইচ্ছা—সে ষোড়শবর্ষীয় বালক—সে তোমাদের রক্ষার জন্ত থাকুক ।

গৃহিণী । তোমরা যাও, আমরা আত্মরক্ষা ক'রতে পারবো । বালক উত্তম ক'রেছে, সে উত্তমে বাধা দিও না ।

গৃহ-স্বামী । তোমার যুবতী কণ্ঠার উপায় ?

কণ্ঠা । পিতা, মুসলমান স্পর্শ ক'রবার আগে বিষপান ক'রতে পারবো ।

মধ্যম । পিতা, মোগল এলে আমি যুদ্ধ ক'রবো ।

কনিষ্ঠ । আমি খুব ঠেঙ্গিয়ে দেব ।

গৃহ-স্বামী । তোমাদের উচ্চ কামনা সৎনাম পূর্ণ করুন ! বিদায় হ'লেম ।

সকলে । জয় সৎনামের জয় !

[ গৃহ-স্বামীর প্রস্থান ।

গৃহিণী । ( দগত ) পতি-পুত্র যুদ্ধে পার্থালয় ! ( কণ্ঠার প্রতি ) কাঁদিস নে, চল্, আমরা সৎনামের পূজা করিগে ।



কথা। না মা, আমার কাঁদবে না, পিতা-ভ্রাতার  
অকল্যাণ হবে, সৎনামের কাছে অপরাধী হবো !

[ সকলের প্রশ্নান ।

## তৃতীয় গর্ভাঙ্ক

দুর্গমধ্যস্থিত উদ্যান

গুলশানা ও সখিগণ ।

সখিগণ ।— (গীত )

ফুলের কলি আপ্নি ফোটে, ফুল তা জানে না,—

আপ্নি বুকে যোগায় মধু কিনে আনে না !

গোপনে ফোটে হৃৎ-কমল,

গোপনে ষোগায় মধু কমল চল চল ;

সরস কমল উথলে মধু ধায়, মধু বিলাতে সে চায়,

আপন ভাবে ব্যাকুল কমল, বিকিয়ে যেতে বাসনা,—

আবেগে মানা মানে না !

১মা সখী । বিবি, আজ তুমি আমোদ ক'চ্ছ না কেন ?  
বাদসাজাদার সঙ্গে তোমার সাদী হবে—তুমি বিমর্ষ কেন ?

গুল । ভাই, কাল প্রাতে সহস্র হিন্দুর প্রাণবধ হবে,  
তারা নির্দোষী ।

১মা সখী । কেন ?

গুল । দুষ্টলোক শত্রুক্ষেত্রে রাজদূতকে বধ ক'রেছে ।  
পিতা ফোজ পাঠিয়ে সেই দুষ্টলোকের সন্ধান করেন ।  
কিন্তু নিরীহ কৃষীরা সেই দুষ্ট লোক যে কে, তা জানে না ।  
এই জন্তু পিতার আদেশে এক সহস্র প্রজা দুর্গে আবদ্ধ  
হ'য়েছে, কাল প্রাতে তাদের প্রাণবধ হবে ।

২য়া সখী । হ্যা,—কাফের মারবে, তাতে কি ? মুসল-  
মানের হাতে ম'রে বেহেস্তে যাবে ।

গুল । ছিঃ ছিঃ, আমরা নারী, আমাদের এ নির্দয়তা  
ভাল নয়, কোমলতা নারীর পরিচয় ।

১মা সখী । সে আজ নয় তো, এখন চাঁদবদনে একটু  
হাস দেখি ।

সখিগণ ।— ( গীত )

দেখতে গলে লালী আভা গোলাপ-কলি চায়,—

চ'লে ভাই তোরে বলে—'তুলে দে খোঁপার !'

গরব আর করে না লো গুল,

তোর মৌরভে আকুল,

সাধ ক'রে গুল মালা হ'তে চায়,

দুলবে তোর গলায়,

তোর সুবাস যদি পায় !

মিঠি মিঠি চিড়িয়া ফুকারে,

'কথা কও' কম্ব বায়ে বায়ে,

সাধ করে, স্বর শিখতে যদি পায়,—

হৃদয় খুলে গায়—গানে তোয় মাতার !

( কারতরফ খাঁর প্রবেশ )

কারতরফ । মা, তুমি আমার সঙ্গে সাক্ষাৎ ক'রতে  
চেয়েছ ? কি বলো,—আমায় এখনি দরবারে যেতে হবে ।  
বাছা, তোমরা যাও তো ।

[ সখিগণের প্রশ্নান ।

গুল । পিতা, দেহ ভিক্ষা তনয়ায়,  
গোলাপ সমান তব প্রস্ফুটিত হৃদি,  
স্নেহমধু পরিপূর্ণ তায় ।  
কেন তবে নিদারুণ পণ ?  
বালক-বনিতা-বৃদ্ধ করিবে নিধন ?  
বিরোধী নহে তো সে সকলে,  
বিনা অপরাধে কেন করিবে সংহার ?

কারতরফ । বৎসে,  
রাজকার্যে নিষ্ঠুরতা প্রয়োজন ।  
নহে রাজ্য হবে অশাসিত,  
প্রবল হইবে হিন্দু সৎনামীর দল ।  
যথা তথা করে বাদ মুসলমান সনে,  
হইয়াছে তাহে বহু স্বজাতি সংহার ।  
ঐক্য হ'য়ে অপরাধী রেখেছে গোপনে,  
না হয় সন্ধান,  
দোষিগণে পায় পরিভ্রাণ ।  
বধি যদি এ সবার প্রাণ,  
ভয়ে গ্রামবাসিগণে দিবে সমাচার,

অঙ্কুরে বিনাশ হবে বিদ্রোহ-মঙ্গলা ।

উপস্থিত নিষ্ঠুরতা ভাব' যাহা মনে,

নহে নিষ্ঠুরতা—দয়া তাহা ;

নিষ্ঠুরতা—বহু প্রাণ রক্ষার কারণ ।

গুণ । নারীর ক্রন্দন, বালকের আর্তনাদ,

বৃদ্ধের বিলাপ তীব্র মৃত্যু-যন্ত্রণায়,

সহিতে নারিব ;

বন্দী ক'রে রাখ সবে—বধ' না জীবন ।

কর যদি প্রাণবধ ফিরিবে না আর ।

ওনেছি শ্রীমুখে তব পিতা,

মানবের হিত,

মুসলমান-ধর্মের প্রধান উপদেশ ।

বিপরীত অনুষ্ঠান তবে কি কারণ ?

কারতরফ । দিল্লীশ্বর সনে বাদ করে হিন্দুগণ ।

জেনো স্থির, হিন্দুকুল হইবে নির্মল ।

সহস্রাট-আজ্ঞায়,

কোটি কোটি হিন্দু বধ হইবে ভারতে ।

বিদ্রোহের এইমাত্র ফল ।

নির্বোধ সংনামিগণে হ'য়েছে বিদ্রোহী,

পরিণাম করেনি গণনা ।

বধি যদি বন্দিগণে, ভয় পাবে মনে,

পরিণাম ভাবি সবে নিরস্ত হইবে ।

( করিমের প্রবেশ )

করিম । বিশেষ প্রয়োজনে মীরসাহেব আপনার দর্শন  
যাজ্ঞা ক'রুন ।

কারতরফ । মীরসাহেবকে সেলাম দাও ! মা, তুমি  
একটু অন্তরালে যাও ।

[ গুলসানার প্রস্থান ।

( স্বগত ) বিশেষ প্রয়োজন না হ'লে মীরসাহেব অন্তঃপুরে  
থবর দিত না ।

( মীরসাহেবের প্রবেশ )

মীরসাহেব, আজ রাতে খুব সতর্ক হ'য়ে দুর্গ-দ্বার রক্ষা  
ক'রবেন । সম্ভবতঃ নবোৎসাহে সংনামিগণ বন্দীদের  
উদ্ধারের চেষ্টা পাবে । প্রহরীদের আজ্ঞা দেবেন  
যে, আজকের সঙ্কট-কথা—“আকবর” । এ কথা তিনবার

জিজ্ঞাসার পর যে না ব'লতে পারবে, তারে তৎক্ষণাত্ বধ  
ক'রবে । যদি কোন হিন্দু—গুলী বা তীরের আয়ত্ন-মধ্যে  
আসে, তা হ'লে তখনই যেন তার প্রতি আয়ুধ নিষ্কিপ্ত হয় ।  
এই নেন, ফৌজদারী মোহর-অঙ্কিত ছকুম নেন । দরবারে  
সকলকে উপস্থিত হ'তে বলুন ।

মীর । ফৌজদারের যেরূপ ছকুম ।

কারতরফ । আপনার কি প্রয়োজন ?

মীর । সাহেব, একজন হিন্দু এইমাত্র সংবাদ দিলে যে,  
এক সহস্র সংনামী আজ একত্রিত হবে । যে স্থানে সকলে  
মিলিত হবে, সে স্থান সে জানে । গোপনে সৈন্য ল'য়ে  
তাদের কি আক্রমণ আবশ্যিক বিবেচনা করেন ?

কারতরফ । কে সে ? সে তো সংনামীর চর নয় ?

মীর । তাঁবেদার স্থির ব'লতে পারে না ; কিন্তু সে  
ব্যক্তি ব'লে যে, তার প্রতি আর তার পরিবারবর্গের প্রতি  
সংনামীর বিশেষ অত্যাচার ক'রেছে । তার কারণ, সে  
বিদ্রোহে যোগদান ক'রতে অসম্মত ছিল ।

কারতরফ । সে কোথায় ?

মীর । এইখানেই আছে । আজ্ঞা হ'লে সম্মুখ উপ-  
স্থিত করি ।

কারতরফ । আশুন, পরীক্ষা ক'রে দেখা যাক ।

[ মীরসাহেবের প্রস্থান ।

( স্বগত ) যদি দুর্ভাগিনী থাকে, যন্ত্রণায় অবশ্য প্রকাশ  
ক'রবে । হিন্দুদের মধ্যে বিশ্বাসঘাতকতা অসম্ভব নয় ।  
অনেক হিন্দুই রাজ-প্রসাদ-লোভে স্বজাতির মঙ্গলা ব্যক্ত  
ক'রেছে, নতুবা ভারত-জয় এত স্থলভে হ'তো না ।

( চরণদাসকে লইয়া মীরসাহেবের পুনঃ প্রবেশ )

আরে কাকের, তুই মিথ্যা বলিস নে, তুই সংনামীর চর ।

চরণ । হ্যাঁ জনাব ।

কারতরফ । ( স্বগত ) এ বাতুল না কি ! ( প্রকাশ্যে )

তুই সন্ধান জানতে এসেছিস ?

চরণ । হ্যাঁ জনাব ।

কারতরফ । তুই নিজ মুখে স্বীকার পাচ্ছিস, তুই  
সংনামীর চর ?

চরণ । হজুর, তাঁবেদার কি হজুরের সাক্ষাতে মিথ্যা  
ব'লতে পারে ?

মীর। তুমি কি বল্ছো? তুমি সৎনামীর চর হ'য়ে এসেছ?

চরণ। নইলে কি হজুর, আপনার সামনে আসতে পারতেন,—যমরাজের সামনে হাজির হ'তেন। কিসে তাদের হাত ছাড়াতেম?

কারতরফ। তোমায় কে পাঠিয়েছে?

চরণ। ঐ আবাগের ব্যাটা রণো।

মীর। তুমি বল্লে যে, তুমি রাজদ্রোহী হ'তে চাও নাই, এজন্য তোমায় পীড়ন ক'রেছে। তবে আবার সৎনামীর চর হ'য়ে এসেছ কেন?

চরণ। হজুর, বাঘের মুখে আর কারে পাঠাবে? যদি ধরা পড়ি, আমি ম'রবো, তাতে তাদের কি?

মীর। আর যদি ফিরে সংবাদ দিতে পারো, তা হ'লে কি পুরস্কার পাবে?

চরণ। এমনি আর কোথাও গদান্না দিতে পাঠাবেন।

কারতরফ। তুমি বিদ্রোহে যোগদান দিতে অস্বীকার ক'রেছিলে কেন?

চরণ। জনাব, প্রাণের দায়ে। বাপ-পিতাম'র যে সব টাকাবড়ি ছিল, সে সব তো লুট্লে, মাগ-ছেলেকে তো পথে বসালে,—তারপর বাদসাহি-ফৌজের সামনে দাঁড়িয়ে গদান্না দিতে বলে। আমি গরীব মানুষ, অতটা সখ কি আমার ছোটে!

কারতরফ। আচ্ছা, তোমায় যদি তারা বিরোধী জানে, তা হ'লে তোমার কাছে মজনা বাস্ত ক'রলে কেন?

চরণ। ওঃ, বল্লে তাদের গরজ কেঁদেচে!

কারতরফ। তবে তুমি কি ক'রে জান্লে?

চরণ। আমি রণোকে জিজ্ঞাসা ক'রলেম,—‘যদি কেজার খবর আনতে পারি, কোণায় তোমার দেখা পাবো?’ সে বল্লে,—‘দক্ষিণের ময়দানে।’ ভাব্লেম, রণো ব্যাটাকে ধরিয়ে দেবো। এই ধান্দায় আস্ছি, দু'জন সৎনামীর সঙ্গে দেখা হ'লো। তাদের বোল্লেম,—‘আমি কেজায় যাচ্ছি, খবর আনতে।’—তারা বল্লে, ‘বেশ—বেশ! আমরাও আজ রাতে কেজায় যাব। মাঠে জমায়েৎ হ'তে যাচ্ছি। হাজার জোয়ান জুটে, আজ কেজা নেব।’ আমি বোল্লেম,—‘ভালা মোর বাপ, তবে আমি ফিরে আসি, যাতে কেজার মধ্যে যেতে পারো, তার যোগাড় ক'রছি।’

কারতরফ। তোমার কথা যদি মিথ্যা হয়?

চরণ। কাল যে জল্লাদ হাজার লোক কাট্বে, তার আমায় একটা চোট দিতে হাতে বেশী ব্যথা লাগ্বে না।

কারতরফ। যদি তোমার সংবাদ সত্য হয়, তুমি জায়গীর পাবে।

চরণ। হজুর, জায়গীর চাই নে, মাগ-ছেলে ফিরে পেলে বাঁচি। তাদের সব মুসলমানের সঙ্গে কয়েদ রেখেছে।

কারতরফ। মীরসাহেব, দশজন সতর্ক আসোয়ার সেনা এর সঙ্গে পাঠাও। একজন সূক্ষ্ম সেনানায়ক তাদের চালনা ক'রে নিয়ে যাক। যে মুহূর্তে এর মন্দ অভিপ্রায় বুঝ্বে, তৎক্ষণাত্ এরে বধ ক'রবে। স্বরূপ অবস্থা জেনে আমায় সংবাদ দিও।

চরণ। হজুর, জয় জয়কার হোক! জয় জয়কার হোক!

মীর। হুকুম পেলে তাঁবেদার যেতে প্রস্তুত।

কারতরফ। যেরূপ আপনার অভিক্রটি।

[ চরণদাসকে লইয়া সেনানায়কের প্রস্থান।

( গুলসানার প্রবেশ )

মা, তুমি বুঝতে পেরেছ কি—এ দয়ার সময় নয়?

গুল। দয়ার সময়-অসময় কি পিতা?

কারতরফ। বালিকা! রাজকার্য বড় কঠিন।

[ উভয়ের প্রস্থান।

—\*—

## চতুর্থ গর্ভাঙ্ক

বনমধ্যস্থ কুটীর

( চরণদাস ও দশজন সৈন্তের সহিত

মীরসাহেবের প্রবেশ )

চরণ। হজুর, ঘোড়ার খুরের আওয়াজ পেলে সব চম্পট দেবে।

মীর। ঠিক! কোন্ সময়ে জমায়েৎ হবে?

চরণ। ছজুর, রাত্রি দশ ঘড়ির সময় জমায়েতের বাৎ।  
আমরা এই কুটারের ভিতর থাকি, এখনো জমায়েৎ হ'তে  
দেরী আছে। ঐ বুঝি কে আসছে, এর মধ্যে সের্ হুন।

( কুটারমধ্যে অগ্রে চরণদাস, পশ্চাতে মীর-  
সাহেব ও দশজন সৈনিকের প্রবেশ )

( দুইজন সংনামীর কুটারের অপর পার্শ্বে প্রবেশ )

১ম সং। যেমন ব্যাটা পাজী, আমাদের সঙ্গে যোগদান  
ক'রতে চায় নি, তেমনি রণুঠাকুর কেজায় পাঠিয়েছেন।  
খবর আন্তে পারে ভালো, ধরা পড়ে, কারতরফ খাঁ খুন  
ক'রবে।

চরণ। ( কুটারমধ্যে মীরসাহেবের প্রতি ) শুন্ছেন—  
শুন্ছেন।

২য় সং। আমরা ময়দানে যাই না কেন ?

১ম সং। না, রণু ঠাকুর আর পরশুরাম ঠাকুর এইখানে  
পরামর্শ ক'রতে আসছেন। এখানে ভূতের ভয়ে কেউ  
আসে না, পরামর্শ ক'রবার উপযুক্ত জায়গা।

চরণ। ( কুটারমধ্যে মীরসাহেবের প্রতি ) এলো ব'লে,  
ব্যাটাকে পিছমোড়া ক'রে বৈধো।

মীর। ঠাণ্ডা হও—ঠাণ্ডা হও! কাফেরের কি হাল  
দেখবে।

চরণ। খুব রক্ষা দিও, আমার প্রাণটা জুড়ুবে।

মীর। সবুর—সবুর!

১ম সং। দেখ, সময় অতীত হ'য়ে গেছে। তাঁরা  
বোধ হয় এদিক দিয়ে আসবেন না, একেবারেই ময়দানে  
যাবেন।

( তৃতীয় সংনামীর প্রবেশ )

৩য় সং। ওহে, এখানে দাঁড়িয়ে কেন?—চলো—  
চলো, ময়দানে চলো—জমায়েৎ হইগে। রণুঠাকুর হুকুম  
দিলেন—তাঁরা আসছেন।

১ম সং। তবে চলো।

চরণ। হাম হাম, সব ক'সকে গেল, এদিকে আসবে  
না।

( নেপথ্যে পদশব্দ )

ঐ বুঝি আসছে। মিরগা সাহেব, কারেও হুকুম দাও না,  
এদিকে দেখুক। ওঃ, গাটা নিস্পিস ক'চ্ছে। যদি কেউ

ধ'রতে পারে, যেমন কিল মেরেছিল, তেমনি কিল  
ঝাড়ি।

মীর। আমার লোক তো তাদের চেনে না।

চরণ। তা আমায় তো একা ছাড়বে না, আমার সঙ্গে  
একজন লোক দাও।

মীর। না না, তুমি মুসলমানের খয়ের খা, তুমি একাই  
এগিয়ে দেখে এসো।

চরণ। যদি দু'একজন থাকে, ভুলি য এদিকে নিয়ে  
আসবো ?

মীর। হ্যাঁ।

চরণ। ঐ এক ব্যাটা মশাল নিয়ে আসছে, দোরটা  
চেপে দেন, কেউ যেন দেখতে না পায়।

( মীরসাহেবের দোর বন্ধ করণ ও চরণদাসের  
বাহিরে আসিয়া শিকলি দেওন )

মীর। এ কি, তুমি দোর দিচ্ছ কেন ?

চরণ। রোসনাই ক'রবো ব'লে।

মীর। কি—কি ?

চরণ। এই তোমার সাদি হবে, তাই রোসনাই  
ক'রবো।

মীর। নিমকহারামী—নিমকহারামী—দরজা ভাঙো।

চরণ। না মিরগাসাহেব, তা তো পারবে না, কাবাব  
হবে। দোর দিয়ে তো দু'জন্যর বেশী বেরুতে পারবে না।  
আমরা অনেকেই আছি।

( মশাল-হস্তে সংনামিগণের প্রবেশ )

সকলে। জয় সংনাম!

চরণ। শুন্লে মিরগাসাহেব! এই দেখ, সব মশাল  
জ্বলেছি! তা কাবাব হবে, না একটা কথা শুন্বে ?

মীর। নেমকহারাম, তুই সংনামীর চর!

চরণ। হ্যাঁ মিরগাসাহেব, সে তো কারতরফ থাকে  
ব'লেছি।

মীর। বেইমানী!

চরণ। না, ইমানের মতনই কাজ ক'চ্ছি। এস ভাই,  
রোসনাই করো,—এই শুকনো জনার ডালে আগুন দাও।

( কুটারস্থ মীরসাহেবের প্রতি ) আর দেয়াল ঠালাঠেলি ক'চ্ছ  
কেন মিরগাসাহেব। বেশ শক্ত দেয়াল, শীর্গ'গির ভাঙ্গবে

না। অত ক'চ্ছ কেন? একটা কথা শোন না। অস্ত্র-  
গুলি দাও, উদ্দিগুলি দাও, তা হ'লে অবিশি এখনই ছেড়ে  
দেবো না,—এইখানেই পাহারাবন্দী রাখবো, তবে কাবাবটা  
ক'র্বো না। কেলা দখল হ'লে ছেড়ে দেবো।

মীর। আচ্ছা, এই অস্ত্র লও, ছেড়ে দাও।

( জানালা গলাইয়া অস্ত্র দেওন )

চরণ। মিঞাসাহেব, অস্ত্র তো দিলে,—উদ্দিগুলিও  
দিতে হবে। ঐ ঘরের কোণে কতকগুলো গ্নাকড়া গাদি করা  
আছে—তোমাদের দৌরাখিয়াতে প্রজাগুলো যা পরে,—সেই-  
গুলি পর', উদ্দিগুলি দাও।

মীর। উদ্দি কি ক'র্বে? অস্ত্র তো দিয়েছি।

চরণ। কাজ আছে বই কি,—নৈলে খামকা কি  
তোমাদের উদ্দি চাই? এই সব উদ্দি পরে কেলায় ভেতর  
সেঁচুবো, কেউ কিছু ব'লবে না।

কুটীরস্থ ১ম সৈনিক। ( জনান্তিকে ) মিঞাসাহেব,  
যা ব'লছে, তা করুন, কেলায় দৌরে গিয়ে সঙ্কেত-কথা তো  
ব'লতে পারবে না, তা হ'লেই সেপাইরা গুলী ক'র্বে।

মীর। আচ্ছা ভাই, কায়দায় পেয়েছো, কি ক'র্বো।

চরণ। তলোয়ার ক'খানি গুণে পেলুম। আর দেখ  
মিঞাসাহেব, পিস্তলগুলি আর ছোরাগুলি যা তোমাদের  
কোমরে বাধা আছে, তা দিতে হবে। কি কি অস্ত্র নিয়েছ,  
তা তো আমি দেখেছি।

মীর। নাও ভাই নাও, তোমার ধর্ম তোমার ঠেঁকে।

চরণ। আমার ধর্ম তো আমার কাছেই বটে।

মীর। ( অগত ) শালা কাফের!

চরণ। এইবার ঐ কোণে গ্নাকড়াগুলি পরে উদ্দিগুলি  
দাও।

মীর। ভাই, বেইজ্জত ক'রো না—বেইজ্জত ক'রো না!

চরণ। মিঞাসাহেব, আমি যে মুসলমান হবো। বেই-  
জ্জত ক'রে মুসলমানী শিখবো। দাও—পিস্তল, ছোরা  
আর উদ্দিগুলি বার ক'রে দাও; এই কাটা দৌর খুলে  
দিয়েছি। ( পিস্তল, ছোরা ও উদ্দি লইয়া চরণদাসের কাটা

দৌর পুনরায় বন্ধ করণ )

মীর। আবার দরজা বন্ধ ক'চ্ছ কেন ভাই? আবার  
দরজা বন্ধ ক'চ্ছ কেন?

চরণ। একটা সলা আছে যে চাচা! আজ একটা  
কথার সঙ্কেত আছে, তা নৈলে কেলায় দৌর খুলবে না,—  
আমি দৌরের পাশ হ'তে গুনেছিলেম—খাঁ সাহেব ব'লে-  
ছিল,—‘আকবর’। তা সে কি ঠিক কথা?

মীর। না—না—‘সাতায়র’।

চরণ। না মিঞাসাহেব,—‘আকবর’ই—আমার বোধ  
হ'চ্ছে। তা একজন সৎনামী যাচ্ছে,—‘আকবর’ ব'লে  
যদি দুর্গের দৌর খোলা না পায়, তা হ'লে তোমাদের কাবাব  
হ'তে হ'চ্ছে। মিঞাসাহেব, বোঝ, খামকা কি আর এতটা  
কচ্ছি! কারতরফ খাঁ—মেয়ে, ছেলে, বুড়ো, জোয়ান—এক  
হাজার লোককে কাল কাট'বেন—তাদের তো কাল বাঁচাতে  
হবে!

মীর। ‘আকবর’ই বটে।

চরণ। কিসে বিশ্বাস ক'র্বো মিঞাসাহেব?

মীর। এই নাও, খাঁ সাহেবের সহ-মোহর করা লুকুম  
নাও।

চরণ। বাঃ বাঃ, তুমি বেশ লোক।

১ম সৈনিক। আমাদের তো জান খোলোসা দেবে।

চরণ। ভেবো না, আমরা হিন্দু, বিশ্বাসঘাতকতা করি  
না। যদি হিন্দুরাজাগণ বিশ্বাসঘাতক হ'তো, তা হ'লে কি  
তোমাদের রাজ্য হ'তো?

( রণেঙ্গ ও পরশুরামের প্রবেশ )

পরশু। চরণ, তুমি সাধু! এই সকল পরিচ্ছদ ধারণ  
ক'রে, আমি দশজন সৎনামীকে নিয়ে কেলায় প্রবেশ করি।

চরণ। যেতে চাও যাও, কিন্তু দু'একটা সত্যি মিছে  
চরণের মত তোমাদের আসবে না।

রণেঙ্গ। চরণ, তুমিই আমাদের নেতা। তোমার বেরূপ  
পরামর্শ, আমরা সেইরূপ কার্য্য ক'র্বো।

চরণ। ঐ বনে এদেরই ঘোড়া বাঁধা আছে। এই  
পোষাক পরে এগার জন কেলায় দিকে অ'সুক, এরাই  
ফিরেছে মনে ক'রে, কেলায় দৌর ছেড়ে দেবে। আমি  
আনসবাজী ছেড়ে দেবো,—জানবেন, কেলায় দৌর  
খোলা;—তারপর যা বোঝেন, ক'র্বেন। এদের সকলকে  
জোড়া জোড়া পায়ে বেড়ী দিয়ে বন্দী ক'রে রাখুন, কেউ না  
সংবাদ নিয়ে যান।

মীর। পোড়াবে না তো বাপু ?

চরণ। না আমার জোয়ান পুত,—পোড়ালে তো এখনই পোড়াতে পারতেম, মল পায়ে দিয়ে জেনানা হ'য়ে ইজ্জত বাঁচিয়ে থাক।

( দুইজন সংনামী কর্তৃক সকলকে শৃঙ্খলাবদ্ধ করণ )

চরণ। ( কয়েকজন সংনামীর প্রতি ) এসো ভাই কে যাবে, উদ্দি প'রতে প'রতে এসো। বটতলায় ঘোড়া বাঁধা আছে, আমি এগোই।

সকলে। জয় সংনাম !

চরণ। ভাই, চেষ্টাও না। ফটকে চার পাঁচজন প্রহরী আছে, নিঃশব্দে তাদের মারতে হবে। তারপর অস্ত্র-ঘরের প্রহরীদের অম্নি চুপি চুপি কববে সরাতে হবে। সেই অস্ত্র-গুলি নিয়ে, কয়েদখানার সেপাইকেও তাদের পেছতে পাঠাতে হবে। যুবা বন্দীদের হাতে সেই সব অস্ত্র দিয়ে, এই আতস-বাজী ছাড়লে, যখন দেখবো, “জয় সংনাম” বলে, সংনামী কেলায় সঁধুলো, তখন আমাদের কাজের আসান। চিল্লো না—চুপি চুপি চলো।

[ চরণদাস ও কতিপয় সংনামীর প্রস্থান।

( ফকিররামের প্রবেশ )

পরশু। ফকিররাম প্রভু কোথায় ?

ফকির। এই যে বাবা, এইখানেই আছি।

পরশু। মহাশয়, লুক্কায়িত হ'য়েছিলেন কেন ?

ফকির। বাপু, আমি এলে কি চরণের মুখে কথা স'রতো! আমি যে কথা কইতেম, তাতেই ব'লতো—‘হ্যাঁ তো বটে—তাই তো বটে!’

রণেন্দ্র। প্রভু, এর কারণ কি ? এমন কাণ্ডকুশল ব্যক্তি তো আর দ্বিতীয় নাই। কিন্তু আপনার সহিত এঁর প্রথম দর্শনে, আমার একে নিরোধ ব'লে বোধ হ'য়েছিল। মহাশয় যা বলেন, বুঝুন আর না বুঝুন, যা তা একটা সায় দেয়।

ফকির। চরণদাস একজন মহাপুরুষ। কি জানি, কেন আমায় গুরু জ্ঞান করে, আমি ওর শিষ্যাত্মশিষ্যের উপযুক্ত নই। আমায় গুরুজ্ঞানে দাসভাবসিদ্ধ মহাপুরুষ, আমি যা বলি, বেদবাক্য জ্ঞান করে। বহু জন্ম সাধনে একরূপ দাস্যপ্রেম উদয় হয়। কিন্তু চরণদাস ষথার্থ ভগবানের

চরণদাস,—ভ্রাতৃশূণ্য মুক্ত পুরুষ! বাবা, আমিও এগোই, রামচন্দ্রের সাগর-বন্ধনের সময় কাটবিড়ালী বালি মেখে গা ঝাড়া দিয়েছিল, আমিও সেতুতে ছুঁটি বালি ফেলি।

পরশু। মহাশয়, আপনি আমাদের রুদ্র অবতার হনু-মান্।

ফকির। হাঁ বাবা, বলে না গোক, বাঁহুরে আক্কেলটা আছে বটে।

[ ফকিররামের প্রস্থান।

রণেন্দ্র। অস্ত্রধারী শত জন আছি উপস্থিত।

দুর্গ রক্ষা করে দুই সহস্র মোগল,

বিংশতি বিধর্মী এক বীরের বিরোধী।

হই অগ্রসর—

অন্য সৈন্য প্রতীক্ষায় নাহি প্রয়োজন—

কি জানি বিলম্বে যদি কার্য্য নষ্ট হয়।

পঞ্চজন আইস মোর সনে ;

রজনীর আবরণে—

প্রাচীর করিব উল্লঙ্ঘন।

রহ দুইজন বন্দীগণ রক্ষার কারণ।

অবশিষ্ট সৈন্য ল'য়ে ভ্রাতঃ পরশুরাম,

দেহ হানা দুর্গের দুয়ারে।

পরশু। সুরক্ষিত উন্নত প্রাচীর,

পঞ্চজনে কেমনে করিবে আক্রমণ ?

অমূল্য জীবন তব,

পতনে তোমার,

সম্প্রদায় যাবে ছারখার।

প্রাচীর লঙ্ঘন যদি প্রয়োজন রণে,

দেহ আজ্ঞা দাসেরে তোমার ;

যতপি নিধন হই মোগল সমরে,

কতিমাত্র না হইবে এ অধম বিনা।

রণেন্দ্র। চিন্তা দূর কর ধীর আমার কারণ।

আক্রমণে—দৈব-বিড়ম্বনে—এ দেহ-পতনে,

সেনাসৃষ্টি হইবে শোণিতে,

মম পক্ষ সঙ্গী হবে পক্ষশত জন ;

জানিহ নিশ্চয়—

প্রাকার হইবে অধিকার।

( যুবতীগণসহ পতাকা হস্তে বৈষ্ণবীর প্রবেশ )

যুবতীগণ।—

( গীত )

নীরবে বহিছে যামিনী,—  
 দূর দুর্গে অরি, চল লো ত্বরান্বিত,  
 দামিনী-গামিনী কামিনী।  
 গর্ভভরে উড়ে মোগল-ধ্বজা,  
 প্রাণভয়ে কাঁদে বন্দী প্রজা ;  
 চলো মুক্ত করি, অরি শক্তিভূজা,  
 রক্তধারে হবে মাতৃপূজা ;  
 বিধর্মী কেতন চূর্ণিত চরণে,  
 উদ্বিগ্নে জাতীয় পতাকা গগনে ;  
 আসন্ন আহব, গৌরব-উৎসব,  
 রণ-উদ্গাদিনী, মস্ত আমোদিনী,  
 ভৈরবী-সহচরী ভারত-ভাবিনী !

বৈষ্ণবী। শুভকার্যে বিলম্ব কি হেতু ?  
 চলো, দুর্গ অধিকার এখনি হইবে।  
 কার সাধ্য নিবারণিবে সৎনামী প্রভাব।  
 এসো এসো !—

[ যুবতীগণসহ বৈষ্ণবীর প্রস্থান।

রণেশ্বর। নিঃশব্দে এ বনপথে হও অগ্রসর,  
 আগে আগে যায় ভীমা সংহাররূপিণী ;  
 হও অন্নগামী,  
 কর' সৈন্ত চালিত হে ভ্রাতঃ !  
 আইস কেবা যাবে মোর সাথে।

[ দুইজন সৎনামী ব্যতীত সকলের প্রস্থান।

১ম সৎ। আমরা যুদ্ধে যেতে পেলেন না।

২য় সৎ। চল না, ঐ ক'ব্যাটাকে কেটে ফেলে চ'লে  
 যাই।১ম সৎ। না না, রণেশ্বরাকুর তা হ'লে প্রাণবধ  
 ক'রবেন।২য় সৎ। আরে বুঝিস্ নে, বৈষ্ণবী দেবী খুব খুসী  
 হবেন।১ম সৎ। জ্ঞাথ্, হিন্দু হ'য়ে কথা দিয়েছে, হিন্দুর কথা  
 মিথ্যা হবে। হাতে হাতকড়ি, পায়ে বেড়ী তো আছেই।

আমার বউ আর আমার মেয়ের হাতে ছ'খানা তলোয়ার  
 দিয়ে আমরা যুদ্ধে যাই চল। তুই থাক্, আমি ডেকে  
 আনি গে।

[ প্রথম সৎনামীর প্রস্থান।

২য় সৎ। একটু লুকিয়ে থাকি ;—আমরা চ'লে গেছি  
 মনে ক'রে যদি পালাবার চেষ্টা করে, তখনই কোপাবো, কিছু  
 দোষ হবে না।

[ ২য় সৎনামীর প্রস্থান।

## পঞ্চম গর্ভাঙ্ক

দুর্গমধ্যস্থিত কারতরফখার গৃহ-সম্মুখ

গুলসানা ও কারতরফ খা।

গুল। পিতা, দেখো—দেখো,  
 দুর্গের মাঝারে উঠেছে আতসবাজী,  
 অগ্নিবর্ণে 'সৎনাম' লিখিত।

কারতরফ। দুর্গমাঝে  
 শত্রু আসি পশেছে নিশ্চিত।

গুল। পিতা পিতা,  
 দুর্গদ্বারে নেহার অনলশিখা।

কারতরফ। দেহ তরবারি,  
 বিপক্ষ ক'রেছে আক্রমণ।

গুল। ( তরবারি প্রদান করিয়া ) এসো পিতা,  
 করি পলায়ন,

নহে সুলক্ষণ—চৌদিকে অনল !

হত যত প্রহরী নিশ্চয়,

কৌশলে ক'রেছে রিপু দুর্গ করগত।

সৈন্তগণ নিদ্রিত সকলে,

নিশ্চয় এ দুর্গ তাত, শত্রু-করগত।

রাখ মিনতি কণ্ঠ্যর,

এসো, গুপ্তপথে দুর্গ হ'তে করি পলায়ন !

কারতরফ। দুর্গে অরি পশেছে নিশ্চয়।

গুপ্তপথে করহ প্রস্থান।

শুল। পিতা পিতা, তুমি এসো সাথে।

কারতরফ। মুসলমান ধর্ম-পরিহার

করিবে কি জনক তোমার ?

পলাইবে হিন্দু-ভয়ে ?

যাও; পিতৃবাক্য ক'রো না হেলন।

( রণেন্দ্র, ফকিররাম ও একজন সংনামীর প্রবেশ )

রণেন্দ্র। ত্যজ অস্ত্র, নহে যাবে প্রাণ।

কারতরফ। তিন জন কাফেরে, না ডরে মুসলমান।

দেখ,

ইসলাম-আশ্রিত প্রাণ ত্যজে কি প্রকারে ?

রণেন্দ্র। কেহ অস্ত্র ক'রো না আঘাত।

শুন মুসলমান,

হয় যদি মম পরাজয়,

রহিবে তোমার এই দুর্গ অধিকার।

শুন হে সংনামিগণে,

পরাস্ত যতপি করে মুসলমান বীর,

জানাইও পরশুরামে মিনতি আমার—

উদ্ধার করিয়ে বন্দিগণে,

যান সবে দুর্গ ত্যজি।

পণ মম—

সংনামী ত্যজিবে দুর্গ মম পরাজয়।

কারতরফ। আপনি আম'র অস্ত্র যোগ্য বটেন।

কিন্তু জিজ্ঞাসা করি, আপনার ঞ্চায় সংনামী কয়জন আছে ?

রণেন্দ্র। অনেক! আমি সর্বাঙ্গাধম।

কারতরফ। বীরবর, যদি সত্য হয়, মুসলমানের বিপদ বটে। আসুন, আমি প্রস্তুত।

( উভয়ের যুদ্ধ, কারতরফ খাঁর নিরস্ত্র হওন ও

রিক্তহস্তে আক্রমণোচ্চোগ )

রণেন্দ্র। বীর, তব যৌবন অতীত,

বলহীন বাহু তব বার্ক্যবশতঃ;

মুষ্টিঘাতে অস্ত্র নাহি হবে নিবারণ,

বন্দী হও, ক্ষমা দেহ রণে।

কারতরফ। বন্দী হবে মুসলমান

কাফেরের করে ?

ফকির। সত্য, মরো তবে।

( ফকিরের অজ্ঞাঘাত ও কারতরফ খাঁর পতন )

রণেন্দ্র। কে তুই পামর ?

ফকির। বাবা, আমি ফকিররাম।

শুল। হা পিতঃ! ( মৃত পিতৃদেহ কোলে করিয়া উপবেশন )

রণেন্দ্র। প্রভু, একপ অন্য় কার্য আপনার দ্বারা সম্ভব, তা আমি জানতেম না।

ফকির। বাবা, তুমি নেতা, অন্য় কার্য ক'রে থাকি, আমার প্রাণবধ করো। আমাদের ঞ্চায়-অন্য় আর এক রকম। যদি তোমার এক্কার চেষ্টায় দুর্গ অধিকার হ'তো— তা হ'লে বীরত্ব জানিয়ে যদি প্রতিজ্ঞা ক'রতে যে, তোমার পতনে মুসলমানের দুর্গ-অধিকার থাকবে, তথাপি সংনামের কার্য হ'তো না। চরণদান দোর খুল রাখলে, অস্ত্রাগার অধিকার ক'রলে, বন্দী যুবাগণকে মুক্ত ক'রে যুদ্ধে যোগ দিতে অস্ত্র দিলে, পরশুরাম স্বদলে প্রাণপণে যুদ্ধ ক'রলে,— তুমি এসে বীরত্ব জানালে যে, তোমায় পরাস্ত ক'রলেই দুর্গ ছেড়ে যেতে হবে! দেখ বাবা, এই অহঙ্কারই ভারতের পতন হ'য়েছে। বীরত্ব ক'রে রাজপুত্রেরা বরুদ ব্যবহার ক'রতে চান নাই;—দূর হ'তে শত্রু বধ ক'রলে বীরত্বের পরিচয় দেওয়া হবে না। আর মুসলমানেরা ঘুমন্ত লোকের বুকে ছুরিও চালালে, আর বীরত্বের গর্বি না ক'রে কামানও চালালে। হিন্দুরা বীরত্ব ধুয়ে খেলেন! রাজ্য দিলেন, ভগ্নী দিলেন, কন্য়া দিলেন। কিন্তু মুসলমানেরা আর এক রকম বোঝে। এই যে দুর্গ-অধিকারী, একে কি ভীক দেখলে ? যদি পিস্তল সঙ্গে থাকতো, তোমায় গুলী চালাতো। মুসলমানের গুণ কি জানো ? তারা কার্য চায়, আশ্য়গৌরব খেঁজে না। ছলে-বলে-কৌশলে বদসার কার্য হ'লেই হ'লো। তোমার মত বীরত্বের পরিচয় দেয় না। তোমার যদি নিজের বাহুবল পরীক্ষা করতে সাধ থাকে, তা অতি সহজ;—রাজ্য জয় ক'রে, দশ বিশ জন মুসলমানকে একা আক্রমণ ক'রলেই হ'ল।

রণেন্দ্র। মহাশয়, আপনার কি আশ্রা, মুসলমানের আদর্শ গ্রহণ ক'রতে হবে ?



ফকির। না,—হিন্দুর কর্তব্য সাধন ক'রতে হবে।  
বাল্যায় একবার কৃষ্ণিবাস পণ্ডিতের রামায়ণ শুনেছিলেম।  
তাতে রামভক্ত হনুমন্ত কৌশলে রাবণের মৃত্যু-বাণ হরণ  
ক'রেছিলেন। কৃষ্ণিবাস কবির সার্থক কল্পনা। রামভক্ত  
কপীশ্বর হিন্দুর আদর্শ হওয়া উচিত, রামকার্যে, ধর্মের কার্যে—  
এইরূপ আত্মাভিমান ত্যাগ করাই কর্তব্য। বাপু, আমরা  
বুড়ো-ছাবড়া, এই রকমই বুঝি। আর একটা মনের পাপ  
তোমায় বলি, আমি তলোয়ার খুলে প্রস্তুত ছিলাম। যে  
মুহুর্তে বুঝতেম যে, দুর্গাধিকারী মোগল তোমা অপেক্ষা  
প্রবল হ'য়েছে, তৎক্ষণাৎ তার শিরশ্ছেদ ক'রতেম। তোমার  
পণে সৎনামীর কার্যের ব্যাঘাত ক'রতে দিতেম না।

( বৈষ্ণবীর প্রবেশ )

বৈষ্ণবী। এসো এসো,—

সহস্র মোগল বন্দী সৎনামী-সমরে।  
আছি সবে আজ্ঞা প্রতীক্ষায়  
বিধর্মীর বধিতে জীবন।  
আজ্ঞা দেহ দহিতে অনলে,  
হিন্দু-মনস্তাপ হবে কিঞ্চিৎ শীতল।  
এ কি! কেবা এ বিধর্মী নারী!

( ফকিররামের প্রতি )

প্রভু, অস্ত্র করে তুমি উপস্থিত,  
মুক্ত অসি রণেন্দ্রের করে,  
বধি এই বিধর্মী দুহিতা  
পিতৃশোকে পরিভ্রাণ করহ ইহারে।

রণেন্দ্র। বৈষ্ণবি, ভগিনি,

প্রফুল্ল কমল সম তুমি।  
বন্দী মুসলমানগণে করিলে নিধন,  
হিন্দু সনে বিধর্মীর প্রভেদ কি রবে?  
শুন পুনঃ—যুক্তিসিদ্ধ নহে এই নিষ্ঠুরতা।  
হয় যদি মোগলের এরূপ ধারণা,  
অস্ত্রত্যাগে নাহি পরিভ্রাণ,  
এক প্রাণী জীবিত থাকিতে  
রণ না করিবে পরিহার।

বৈষ্ণবী। শুন শুন, ইতিহাস করহ স্মরণ;—

অসুখ প্রদানি পুনঃ মুসলমানগণ,

বন্দী করি বধিয়াছে হিন্দুর জীবন।

যেই অস্ত্রধারী করে অস্ত্র পরিহার,

ধিক জীবনে তাহার!

ভীকু জন রাখিতে জীবন,

অস্ত্র ত্যাগ করিবে নিশ্চয়।

শতবার বিধর্মীর শঠতা আশ্বাসে,

প্রাণভয়ে অস্ত্র ত্যাগি লইয়ে শরণ,

কাপুরুষ সম হত বন্দী হিন্দুগণ।

ভীকু তাজে অস্ত্র তার প্রকৃতি-প্রভাবে।

কৌমারী মাতার আজ্ঞা ক'র না লজ্বন,

শোণিত-পিয়াসী ভীমা!

কর ভাই মমতা বর্জন,

দেহ আজ্ঞা মোগল নিধনে;

কহ কারে বধিতে এ শত্রুর দুহিতা।

রণেন্দ্র। দেখ, দেখ—বিমলিনী বালা—

উন্নত জনক শোকে।

হের বিবশা কামিনী,

মুকুতার শ্রেণী বারিতেছে হ'নমনে!

ক্ষান্ত হও, চল ভাগ্নি,—

বন্দীর মনস্কে আজ্ঞা দিব যুক্তিমত।

বৈষ্ণবী। ভ্রাতা, মমতা নিষেধ জননার।

করিলে যখন তুমি মুকুট গ্রহণ,

মেঘাবৃত হ'য়েছিল জননী-বদন;

আজি দূর দৃষ্টে নেহারি সে মেঘচ্ছায়া।

কে জানে কি অঙ্কুরিত হয় কোন্ বীজে।

সৎনামের কাজে,

নারী-হত্যা-ঘৃণা ত্যাগ কর বীরবর!

রণেন্দ্র। ভগিনি, ভগিনি—

অবলা নিধন নাহি প্রয়োজন।

বন্দী রবে,

অনিষ্ট কি হবে এ মুসলমানী হ'তে?

চলো।

[ বৈষ্ণবী ও গুলসানা ব্যতীত সকলের প্রস্থান। ]

বৈষ্ণবী। (স্বগত) নারী হ'তে অনিষ্ট কি হবে?

রণ তবে কাহার সৃজন?

বীর হয় ভীক নর — কার প্রেম-আশে ?  
শত যোধে একা রোধে কার রক্ষা হেতু ?  
কার প্রেমে সন্তানের মায়া,  
পুলে করে জীবনের সম্পত্তি অর্পণ ?  
ফেরে নর কাহার ইঞ্জিতে ?  
ভাই, রমণীরে কর ঘৃণা !

[ গুলমানার প্রস্থান ।

গুল ।

নেতা-বাক্য করি অতিক্রম—  
বধিব এ নারীর জীবন ।  
( চমকিত হইয়া ) চতুরা কুমারী,  
পলায়েছে শোক পরিহরি ।  
অতি সূচতুরা, বুঝিয়াছে মনোভাব ।  
প্রাণ ভয়ে রমণী করেনি পলায়ন ।  
তা' হইলে যুদ্ধকাণ্ডে,  
পিতার পশ্চাতে রহিত না কদাচিত্ ;  
বসিত না মৃত পিতা ল'য়ে কোলে ।  
প্রতিবিশ্বাস্য হেতু ক'রেছে প্রস্থান !  
প্রতিবিশ্বাস্য অগ্নি রমণী-হৃদয়ে !  
শত্রু নাহি করিয়া নিধন,  
কৌমারী মাতার আজ্ঞা হ'য়েছে লঙ্ঘন ;—  
বীজ হ'তে শত্রুনাশ আদেশ ভীমার ।  
হে রণেন্দ্র, সংশয় জন্মায় হৃদে মমতায় তব ;  
মমতায় প্রেমের সঞ্চার ।  
প্রেমের সঞ্চার হ'লে সংনামী-হৃদয়ে,  
সংনামী আশ্রয়দাত্রী কৌমারী জননী,  
নিজ বল করিবেন হরণ অভয়া ।  
অল্প সৈন্য কি করিবে মোগল-বিগ্রহে,  
সংনামীর হইবে সংহার ।  
হে রণেন্দ্র, বীর তুমি,  
কিন্তু হেরি হৃদয় গমতাপূর্ণ তব ।  
কোমলতা—প্রেমে পাছে হয় পরিণত,  
আশঙ্কায় হয় মম চিত বিচলিত ।

[ বৈষ্ণবীর প্রস্থান ।

## ষষ্ঠ গর্ভাঙ্ক

নিভৃত স্থান

গুলমানা ও করিম ।

করিম,

বাদসার ধনাগারে নাহি সে রতন,  
সমতুল হয় যাহে প্রভুভক্তি তব !  
যবে  
দুর্গের চৌদিকে অগ্নি জ্বালিল কাফের,  
প্রভুকণ্ঠা রক্ষার কারণ—  
উপেক্ষি জীবন—  
অনলের মুখে মোরে করিয়াছ ত্রাণ,  
নহে গুপ্ত পথে ভস্ম হ'ত কায়া ।  
বহু রত্ন আনিয়াছি অ সিবার কালে,  
লক্ষ মুদ্রা মুদ্রা হবে তার—  
করহ গ্রহণ ।

করিম ।

বিবি,

নফর ক'রেছে নিজ কর্তব্য সাধন,  
পুরস্কার কিবা তার আর ?  
তোমারে লইয়ে যবে দিল্লীতে পৌছিব,  
তবে হব নিশ্চিন্ত হৃদয় ;  
সে সময় দিও পুরস্কার ।  
হেথায় অপেক্ষা নহে কদাচ উচিত ।  
মুসলমান বলি কেহ পারিলে জানিতে,  
তখনি বধিবে প্রাণ ।  
হিন্দু সম পরিচ্ছদ ক'রেছ ধারণ,  
কিন্তু অতি তীক্ষ্ণ দৃষ্টি কাফের দুঃমন ।  
করিম,  
আমি তব প্রভুর কুমারী ;  
কর্তব্য তোনার—মম আদেশ পালন ।  
যাও, লও এ রতন,  
চিন্তা ত্যজ আমার কারণ ।  
মহম্মদীয় ধর্ম-অনুভাবী এ পখীনী,

গুল ।

দেখে যাব পিতৃহত্যা কাফেরের করে—  
বিনা প্রতিশোধ দানে ?

করিম । সাহেবজাদি,  
গোলাম কদাপি নাহি যাবে তোমা ছাড়ি ।  
ছিল মনে, নিরাপদে রাখিয়ে তোমারে,  
ষত্বান হব ছুটে কাফের নিধনে ।  
অর্থ তব প্রয়োজন,  
বহু কার্য সিদ্ধ হয় অর্থের প্রভাবে ।  
রহিল এ রত্ন মম পাশে,  
হবে ব্যয় প্রতিবিধিৎসার প্রয়োজনে ।

শুল । সত্য তব বাণী ।  
দুর্গ হ'তে করি পলায়ন,  
জনশূন্য যে কুটীরে লইছ আশ্রয়—  
রহ তথা ।  
আজি হ'তে পরিচয় তব,—  
বিদেশী জনৈক হিন্দু তুমি ।  
আমি করিব কি ভাণ—  
পরে জানাবো তেমায়া ।

করিম । বিবি, সেলাম ।

[ করিমের গ্রন্থান ।

শুল । হরিলাম পতাকাধারিণী—  
রমণী সে বীরবালা !  
শুনিলাম দুর্গ মাঝে অগ্রে পশিয়াছে,  
রমণী হিন্দুর নেতা !  
কাফের কামিনী যদি হেন শক্তি ধরে,  
আমিও রমণী,  
লভিয়াছি মুসলমান-ওরসে জনম,  
তবে কেন না করিব বৈরি-নিঘাতন ?  
কে যুবা কে জানে,  
দেখিলাম কোমলতা আছে প্রাণে ।  
পারি যদি—  
কটাক্ষ সঙ্কানে বিদ্ধ করি তার হৃদি ।  
বন্দী করি প্রেমের বন্ধনে,  
ল'য়ে যাব সম্রাট-সদনে,  
পিতৃহত্যা প্রতিশোধ করিব প্রদান ।  
মুসলমান-নারী—

পরিচ্ছদে কেহ না বুঝিবে ।  
আসে কা'রা এ নির্জন স্থানে ?  
রহি গুল্ম-অস্তরালে । ( লুক্কায়িত হওন )

( রণেন্দ্র ও ফকিররামের প্রবেশ )

রণেন্দ্র । প্রভু, নেতাপদ অগ্ৰজনে করুন প্রদান,  
আমি হই অধীন তাহার ।  
আবালবনিতাবুদ্ধ করিতে নিপাত,  
অদম অক্ষম হেন আদেশ প্রদানে ।  
বন্দীগণে আশ্বাস বচনে—  
অস্ত্র ত্যাগিয়াছে করি হিন্দুরে প্রত্যয় ;  
হিন্দু হ'য়ে নিজবাক্য কিরূপে ফিরাব ?

ফকির । বাপু, তোমার মনে কি ধারণা যে, ধর্মবিপ্লবের  
নিমিত্ত শ্রীকৃষ্ণ অবতার হ'য়েছিলেন ? অশ্বখামা পাণ্ডবের  
গুরুপুত্র, অমর, তার প্রাণবধ হবে না, তাই বধ করেন নাই,  
কিন্তু নিষ্ঠুর আজ্ঞাপ্রদানে তার শিরোগণি ছেদ ক'রে-  
ছেন । এ দারুণ যজ্ঞনা অপেক্ষা মৃত্যু সর্ব্বাপেক্ষা শ্রেয়ঃ ।  
ধর্মান্ধিত পাণ্ডব এ কঠিন কার্য্য ক'রে কি ধর্মভ্রষ্ট হ'য়েছিল ?  
তুমি কি ভাব যে, মোগলেরা যদি কোন হিন্দুকে বন্দা ক'রতে  
পারে, তা হ'লে কি নিষ্কৃতি দান ক'রবে ? কখনও ক'রেছে ?

রণেন্দ্র । হিন্দুর আদর্শ নহে মোগল কখনো ।

মহাপাপ শরণাগতের প্রাণনাশে !

দয়া প্রদর্শন—কার্য্যে প্রয়োজন ।

জানে যদি নিশ্চয় মরণ—

অস্ত্র-ত্যাগে নাহি অব্যাহতি,

মরণ সংকল্প করি করিবে সংগ্রাম ।

দুর্দ্ধম হইবে সবে ।

ফকির । বন্দী মোগলেরা কি শরণাগত ? অস্ত্র দিলে  
কি মোগল-বিরুদ্ধে যুদ্ধ ক'রবে ? কৃপা ক'রলে কি তারা  
বন্ধু হবে ? কায়মনোপ্রাণ অর্পণ ক'রে যে শরণাগত হয়,  
হিন্দুর সে অবধ্য বটে । আর একটা যুক্তি বড় বার  
ক'রেছো—মরণ সংকল্প ক'রে যুদ্ধ ক'রবে, এ এক রকম  
নোয়ান বটে । কিন্তু আর এক রকম বুঝে দেখ দেখি । যদি—  
বোঝে যে—পরাসয় হ'লে অস্ত্রত্যাগেও প্রাণরক্ষা হবে না,  
একটু ছোর আক্রমণ দেখলে তো বিনাযুদ্ধে পলাতে পারে ।  
যখন মোগল-ভয়ে হিন্দুরা তলোয়ার ভেঙ্গে ফেলে ছুট দেয় ।

আরও বোঝ,—মুসলমান অসংখ্য! কৌমারীর প্রসাদে যার  
যার যদি তোমার জয়লাভ হয়, সহস্র সহস্র মোগল যদি বন্দী  
ক'রতে পারো, তাদের কোণায় স্থান দেবে? যে অর্থ সঞ্চয়  
হ'য়েছে, তার দ্বারা সংনামী সৈন্যের কষ্টে আহার দিতে পারবে,  
বন্দীদের কি দেবে? রণবায়ের অর্থে কি বিধর্মীর ভোজ  
হবে? বন্দীর রক্ষার জন্য কত সংনামী রেখে যাবে?  
মোগল-সমরে এক ব্যক্তিকেও গৃহে রাখলে চলবে না।  
কৌমারীর প্রসাদ-মুকুট গ্রহণ ক'রেছো, মুসলমানের মমতায়  
সংনামীর সর্বনাশ ক'রে সে মুকুট পরিত্যাগ ক'রো না।

রণেন্দ্র। প্রভু, আপনার বাক্য শিরোধার্য। আমি  
আদেশ দিলেম। রূপা ক'রে এই আজ্ঞা দিন, আমি এই  
স্থানেই থাকি। মার্জনা করুন, সে দৃশ্য আমি দেখতে পারবো  
না।

ফকির। দয়া অতি উচ্চ গুণ। কিন্তু জেনো, নিখম  
মুক্তপুরুষ ব্যতীত দয়ার প্রকৃত অধিকারী কেহ হয় না।  
সামান্য হৃদয়ে কামবৃত্তিও কখনো দয়ার আকার ধারণ করে।  
তোমার মনস্তৃপ্তির জন্য, তোমার কথা রক্ষা ক'রে, একাদশ জন  
—যারা প্রথমে অস্ত্রত্যাগ ক'রেছিলো, তাদের প্রাণদণ্ড হ'তে  
নিষ্কৃতি দেবো।

[ ফকিররামের প্রস্থান। ]

রণেন্দ্র। ঘোরতর নিষ্ঠুর আচার,  
হৃৎকম্প হয় মম।  
পিশাচের সম আচরণ—  
মহুষ্যে বিসর্জন—  
অপহীন অরাতিব নাটক নিষ্কৃতি!  
অশ্রুজন এ মুকুট করিলে ধারণ,  
না করিতে হ'ত—হত্যা-কার্যে আজ্ঞা দান।

( গুলসানার প্রবেশ )

গুল। প্রভু, প্রভু, বোধ হয় আপনি কোন সংনামী  
বীরপুরুষ। দাসীকে বলুন—আত্মহত্যায় কি সংনামীর পাপ  
আছে?

রণেন্দ্র। কে তুমি?

গুল। দাসী অতি অভাগিনী!  
বিমলা অমলা নামে ষমজ ভগিনী,

প্রসবি জননী মৃত স্মৃতিকা-আগারে।  
কত যত্নে পিতা দে'ছে করিলা পালন।  
আমি অগ্রে ভূমিষ্ঠা—অমলা জন্মে পরে,  
সে কারণ 'দিদি' ব'লে করে সম্ভাষণ।  
একক্ষণে যদিও জনম,  
তথাপি বালিকা বলি জ্ঞান হয় তারে।  
যদবধি জ্ঞানোদয় মম,  
জ্যোষ্ঠা সম করিয়াছি ভগ্নীরে যতন।  
পিতৃদেব লোকান্তর গমন সময়,  
সংপিলেন হাতে হাতে ভগ্নীরে আমার;  
নন্দিনী-সমান সেই ভগিনী আমার,  
সনাতন হিন্দুধর্ম করিয়ে বর্জন,  
মহম্মদীয় ধর্মে চাহে হইতে দীক্ষিতা।  
কহে, 'হিন্দুধর্ম শ্রেষ্ঠ উপাসনা,  
মহম্মদীয় ধর্ম মাত্র সার।'  
বুঝি মতিগতি, কহিলাম করিয়া মিনতি,—  
'নহে তো বিধান, নিরুধর্ম সহসা বর্জন!  
তর্ক কর পণ্ডিতের সনে।  
মহম্মদীয় ধর্ম শ্রেষ্ঠ করিতে স্থাপন,  
পার যদি পণ্ডিতগণেরে পরাজয়ি,  
মুসলমান ধর্মে দীক্ষা করিও গ্রহণ।  
নিবারণ করিব না আর।'  
বাক্য মম অমলা মানিল,  
সগর্বে কহিল,—  
'ভাল, ছয় মাস অপেক্ষা করিব,  
আন কেবা শাস্ত্রে সুপণ্ডিত;  
ঈশ্বরের বাণী বেদ অথবা কোরাণ,  
সিদ্ধান্ত যা হবে, তাহা করিব গ্রহণ।'  
রণেন্দ্র। অস্তুত রমণী! কোথা ভগ্নী তব?  
গুল। নানা দেশ করি পর্যটন,  
না পাইলু শাস্ত্রজ্ঞ এমন—  
পরাজিবে অমলারে,  
আসিয়াছি শেষে এ প্রদেশে।  
সপ্তাহে হইবে সেই সময় অতীত।  
ইতিমধ্যে না হইলে তার পরাজয়,

প্রাণসমা সচোদরা ধর্মভ্রষ্টা হবে ।  
হায় হায়, কলঙ্কিত হইবেন পিতৃদেবগণে !  
বৃথা স্নেহময় পিতা করিলা পালন,  
নারিলাম অমুরোধ রাখিতে তাঁহার ।  
শ্রেয়ঃ এ জীবন বিসর্জন !

অত্র কিবা প্রাশ্চিত্ত কহ মহামতি ?  
রণেশ্বর । অবলারে বুঝাইতে কেহ না পারিল ?  
সোদরা তোমার হেন তর্ক-সুনিগূণা ?  
বিচার কি করিয়াছে সৎনামীর সনে ?

শূল । না, পোড়া অদৃষ্টের দোষে—  
পাই নাই সৎনামী পণ্ডিত দরশন ।

রণেশ্বর । ত্যজহ বিষাদ,  
শাস্ত্রজ্ঞ সৎনামী তারে বুঝাবে নিশ্চিত ।

শূল । দেব, তব আশ্বাস বচনে  
মৃতদেহে হয় মম জীবন সঞ্চার ।  
বহুগুণসম্পন্ন ভগিনী—  
রূপবতী গুণবতী—সোসর তাহার—  
নাহি কোন সম্রাট-ভবনে ।

ক দেব, রহে যেন দয়া এ দাসীর প্রতি ;  
কার্য্যে ব্যাপ্ত রহি যেন না হও বিন্মত ।

গু রণেশ্বর । গৃহে যাও, ভেবো না সুন্দরি !

শূল । প্রণাম চরণে ।

[ রণেশ্বরের প্রস্থান ।

শূল । বিস্তার ক'রেছি মায়াজাল ।  
চূর্ণেণ্ড নারীর মায়া জ্ঞান না সৈনিক !  
শাস্ত্রজ্ঞ কাহারে পাঠাইবে ?  
আপনি আসিবে !  
মুখে হাসি, চোখে জল বিবশা ব্যথায়,  
কন্দকেশা দয়া-আকাজ্জিনী,  
জাহ্নু পাতি করযোড়ে করিয়ে মিনতি,  
মুখ তুলি চাহিব বদন-পানে !  
সে মোহিনী ছবি যদি না স্পর্শে হৃদয়,  
মুক্তকণ্ঠে কব আমি সৎনামীর জয়—  
দাসী হব প্রতিহিংসা-তৃষা ত্যজি ।  
বিকসিত কানন-কুমুদ,  
সৌরভ প্রদান' আছে মম ;

চক্রমা, জ্যোৎস্না কর' দান ;  
পাপিয়া বুলবুল, রবে যার হয় প্রাণাকুল,  
ঋণ দেহ সে স্বরলহরী ;  
নবীন নীরদ, ধারা দেহ ছ' নয়নে ;  
হাস' বাসি গোলাপ, অধরে ;  
এসো স্বর্গ হ'তে হাউরিমগুল,  
দেহ, দেবদূতে ভুলাবার ছল ;—  
ধর্ম্মাত্মা পিতার মৃত্যু --দিব প্রতিশোধ !

| শূলসানার প্রস্থান ।

## চতুর্থ অঙ্ক

—:)\*(:—

### প্রথম গর্ভাঙ্ক

রণেশ্বর

রণেশ্বর, পরশুরাম ও সৎনামীগণ ।

রণেশ্বর । শত শত্রু-দুর্গ করগত সৎনামীর ।  
এ প্রজ্ঞাশে উঠিয়াছে বিধর্ম্মী-আবাস ।  
এতদিন করিলাম যত শ্রম সবে,  
বালাখেলা সে সকলি জেনো বন্ধুগণ,  
উপস্থিত কার্য্য-তুলনায় ।  
হের দূরে সম্রাটের সেনা—  
সাগর-লহরী সম অগ্রসর রণে !  
অমীদারপণ সবে নিজ দলবলে,

সম্মিলিত সম্রাটবাহিনী সনে ।  
 বিষণ সিং কুলাঙ্গার রাজপুত্র-বেষ্টিত—  
 চালিছে মোগল-স্বাধীনিকিনী ।  
 দক্ষতায় নিশ্চিন্তায়ে বাহ ।  
 মধ্যস্থল দৃঢ়ীকৃত গোলন্দাজগণে,  
 দক্ষিণে পদাতি চমু, বামে আসোয়ার ।  
 পঞ্চাশৎ সহস্র অধিক এ অরাতি,  
 হিন্দু দশ সহস্র আমরা,  
 এস, বীরদস্তে করি আক্রমণ ।  
 শত জন সহ রণ করি জনে জনে  
 বার বার জিনেছি সমর ।  
 এবে পঞ্চগুণ মাত্র শক্রসেনা,  
 কিম্ব স্থশিক্ষিত—  
 বহু রণে পরীক্ষিত সবে—  
 বহু আশ্রমের প্রয়োজন ।  
 হের ঐ উড্ডীন পতাকা ;  
 ধূমকেতু সম ভাতে গগনমণ্ডলে,  
 আসিতেছে বৈষ্ণবীর সেনা ।  
 রাজপুত্রগণ, সংহতি স্বগণ,  
 আশ্রয়ান বৈষ্ণবী পশ্চাতে,  
 আক্রমিবে অরি মধ্যশ্রেণী ।  
 ভ্রাতঃ পরশুরাম,  
 যাও তুমি রোধ' আসোয়ারে,  
 বৈষ্ণবীর পার্শ্ব নাহি করে আক্রমণ ।  
 রোপি আমি পদাতিকগণে ।

পরশু । ভাই,  
 সহস্র আসোয়ার আছে অধীনে আমার,  
 রোধিব বিপক্ষগণে পঞ্চশত জনে ।  
 পদাতিক আক্রমণে  
 বহু সৈন্য হবে প্রয়োজন ;—  
 মম অর্ধ সেনা তব রহক সংহতি ।

রণেশ্বর । অরি সমাবেশ, ভাই, কর নিরীক্ষণ ।  
 বৈষ্ণবীর সেনা—  
 মধ্যভাগ ভেদিবারে করিছে উত্তম ।  
 পার্শ্ব যদি আসোয়ার করে আক্রমণ,  
 হিন্দুসেনা পরাস্ত হইবে ।

প্রাপণে রোধ' আসোয়ারে ।  
 পার যদি বিমুখিতে বিপক্ষ সোয়ার,  
 পার্শ্ব হাতে মধ্যভাগে দিও হানা ।  
 তখনি হইবে রণজয়,  
 অর্পিত তোমার করে জয় পরাজয় ।  
 পরশু । যাই বীর,  
 সম্মানিত তোমার আদেশে ।

[ পরশুরামের প্রস্থান ।

রণেশ্বর । হের বীরগণ, হুরাত্মা বিষণ—  
 অশ্বপৃষ্ঠে পদাতিক করে উত্তেজিত,  
 বৈষ্ণবীর পার্শ্বদেশ আক্রমণ হেতু ।  
 উপস্থিত হেথা মোরা পঞ্চশত জন,  
 পঞ্চ সহস্রেক মাত্র চালিছে বিষণ,—  
 উড়াইব বাতে তুলা সম ।

সকলে । জয় জয় সংনামের জয় !

[ সকলের প্রস্থান ।

( যুবতীগণসহ বৈষ্ণবীর প্রবেশ )

বৈষ্ণবী । দেখ দেখ রণ-উন্মাদিনী কোমারীসজিনী !  
 ভেদি মধ্যদেশ—  
 দুর্দম সংনামীশ্রেণী করিছে প্রবেশ ।  
 পথ-প্রদর্শিনী সমর-অঙ্গনা তোরা সবে,  
 ছারখার এখনি হইবে মধ্যদেশ ।  
 হের দূরে প্রায় পরাজিত হিন্দু অশ্বারোহী ;  
 চল' করি আদর্শ প্রদান,  
 দিতে হয় মোগলে কিরূপে বলিদান ।

যুবতীগণ । জয় কোমারীর জয় !

[ সকলের প্রস্থান ।

( রণেশ্বরের প্রবেশ )

রণেশ্বর । বৈষ্ণবীর ধরি অশ্রয়,  
 সাক্ষাৎ কি সমরে কোমারী !  
 যথা রণ-সন্ধি তথা ভীনার উদয় ;  
 সূর্যোদয়ে তমো নাশ প্রায়—  
 বিধর্মী নিহত তথা ।

ধাইছে ভীষণা,  
নদী অতিক্রমি আক্রমিতে বিসণের দল।  
চল শীঘ্র ভীমার পশ্চাতে।

[ সকলের প্রস্থান।

( একজন সৈন্যের সহায়ে আহত-অবস্থায়  
পরশুরামের প্রবেশ )

সৈন্য। বীরবর, হও স্থির, হ'য়েছে সমর জয় !  
পরশু। ত্যজ মোরে—বন্ধু যদি তুমি,  
দেহ প্রাণ ত্যজিতে আহবে।  
ল'য়ে মহা ভার, আগি কুলাঙ্গার,  
পড়িলাম অস্ত্রাঘাতে মূমূষু হইয়ে।  
পশিয়াছে বৈষ্ণবী সমরে,  
একাকিনী যুঝে বামা মোগল-মাঝারে !  
দেহ মোরে যাইতে সাহায্যে তার।

( গমনোচ্ছত ও পতন )

( রণেন্দ্রের প্রবেশ )

রণেন্দ্র। শত শত জনে বধিহু বিষণ জ্ঞানে,  
কিন্তু সে দুর্জন, মগ অস্ত্রে পাইয়াছে ভ্রাণ।  
ওই পুনঃ বাহিনী করিছে সমাবেশ।

[ রণেন্দ্রের প্রস্থান।

পরশু। ( উখিত হইয়া ) কোথা আমি—  
বৈষ্ণবী কোথায় ?  
ওই শুনি সৎনামীর সিংহনাদ !  
ওই দূরে, বৈষ্ণবীর করে উড়িছে পতাকা।

[ পরশুরাম ও পশ্চাতে সৈন্যের প্রস্থান।

( ফকিররাম ও চরণদাসের প্রবেশ )

ফকির। বাবা চরণ, বুড়ো হাবড়া আমি,—ম'লে কি  
এলো গেল বল ? যাও বাবা, তুমি যুদ্ধে যাও। রণেন্দ্রের  
পাশে পাশে থেকে। ও প্রাণের মমতা বিসর্জন দিয়ে  
বিষণকে আক্রমণ ক'রছে। বাবা, ওর শক্রর অস্ত্রের মাঝে  
বুক দাও গে। বাবা, কুণ্ঠিত হ'লো না, তোমার গুরুর  
আজ্ঞা।

চরণ। বে আজ্ঞে।

[ চরণদাসের প্রস্থান।

( একজন আহত সৈন্যের প্রবেশ )

সৈন্য। জয় সৎনামীর জয় !

ফকির। বাবা, তোমার এত স্ফুর্তি কেন ? তোমার  
তো সাংঘাতিক অস্ত্রের আঘাত দেখছি।

সৈন্য। তেমন সাংঘাতিক আঘাত নয়, যুদ্ধে জয়  
হ'য়েছে, সৎনামী বিজয়ী হ'য়েছে। সে যুদ্ধে যদি বিধর্মীর  
অস্ত্রাঘাতে মৃত্যু হয়, এ অপেক্ষা আর বাঞ্ছনীয় মুহূর্ত্ত কি  
হবে।

[ সৈন্যের প্রস্থান।

( রণেন্দ্র, চরণদাস ও পরশুরামের প্রবেশ )

পরশু। ভাই, আমার মত অকর্মণ্যকে আর কার্যভার  
দিও না।

রণেন্দ্র। বীরবর, বোধ হয় সুরাসুর তোমার অমোঘ  
বীর্যে ঈষিত। একা তুমি অসাধ্য সাধন ক'রেছ, শত অস্ত্রা-  
ঘাতে যুদ্ধে নিরস্ত হও নি।

ফকির। পরশুরাম, তোমার বীর-কার্য আমি স্বচক্ষে  
দেখেছি, তুমি কেন ক্ষুব্ধ হও ?

পরশু। বৈষ্ণবী কোথায় ?

চরণ। কোথায় কে আহত মুসলমান জীবিত আছে,  
ছুঁড়ী বুঝি তাই মড়া উটকে দেখছে, একটা খোঁচা দেবে।

( বৈষ্ণবীর প্রবেশ )

এই যে।

বৈষ্ণবী। ভাই রণেন্দ্র, এখনও আমাদের কার্যসিদ্ধি  
হয় নাই, আজ রাত্রেই আমরা অগ্রসর হই। যখন এই  
সম্রাট-সৈন্য পরাজিত হ'য়েছে, তখন আগ্রার পথ মুক্ত।  
সম্রাট-শিবিরে ভগ্নপাইক উপস্থিত হ'বার আগেই আমরা  
আগ্রা আক্রমণ করি।

রণেন্দ্র। যথার্থ ব'লেছ। চলো—সৈন্যদের আদেশ  
দিই, কিঞ্চিৎ বিশ্রাম ক'রেই অগ্রসর হোক।

সকলে। জয় সৎনামের জয় !

[ রণেন্দ্র ব্যতীত সকলের প্রস্থান।

( রণেশ্বরের গমনোত্তোগ, এমন সময়  
পশ্চাতে করিমের প্রবেশ )

করিম। মহাশয়, বিমলা দেবী আপনার অপেক্ষায়  
রয়েছেন। আপনি আজ যদি তাঁর ভগ্নীর সহিত দেখা না  
করেন, তা হ'লে সর্বনাশ, কাল তাঁর ভগ্নী মহম্মদীয় ধর্ম  
গ্রহণ ক'রবেন।

রণেশ্বর। ( স্বগত ) কি করি, প্রতিশ্রুত আছি, যাবো।  
সৈন্তদের অগ্রসর হ'তে আজ্ঞা দিয়ে, একবার দেখা ক'রবো।  
তারপর দ্রুতগমনে সৈন্তের সহিত মিলিত হবো। কি ক'রবো,  
বিশ্রাম করা হ'লো না। ( প্রকাশে ) আচ্ছা, তুমি যাও,  
দেবী যে বনমধ্যস্থ শিবির দেখিয়েছিলেন, সেইখানেই তো  
আছেন ?

করিম। আজ্ঞে হাঁ।

[ করিমের একদিকে ও রণেশ্বরের অন্যদিকে প্রস্থান।

( ফকিররাম ও চরণদাসের পুনঃ প্রবেশ )

ফকির। বাবা চরণ, আমার কিছু মনটা উচাটন  
হ'য়েছে।

চরণ। আজ্ঞে তা হ'য়েছে।

ফকির। ও লোকটা কে ? রণেশ্বরের সঙ্গে কথা কইলে,  
চেনো ?

চরণ। আজ্ঞে যেন চেনো চেনো ক'রছি।

ফকির। সন্ধান নিতে পারো ? চুপি চুপি পত্র দেয়,  
একটা ছুঁড়ি ফুঁড়ি কোথায় পেছতে ঘাপটি মেরে আছে,  
নইলে ফুসফুসনি খালি মরদে মরদে হয় না।

চরণ। আজ্ঞে হ্যাঁ, বড় চুপিপাড়ে কথা।

ফকির। তোমার বোধ হয় এ কি জাত ?

চরণ। আজ্ঞে তাইতো, কি জাত ?

ফকির। দেখ, হিন্দু তো নয়ই। একটু বাক্য ধরণের  
চালচুল দেখেই ? ছেলাম ক'রতে গিয়ে যেন নমস্কার  
ক'রলে।

চরণ। আজ্ঞে হ্যাঁ, ছেলাম ক'রতে ককে ছিল।

ফকির। যাও বাবা, তুমি সন্ধান নাও।

চরণ। যে আজ্ঞে।

[ উভয়ের প্রস্থান।

## দ্বিতীয় গর্ভাঙ্ক

সোহিনীর বাটার সম্মুখ

দ্বারদেশে গুলসানা দণ্ডায়মান।

( সৎনামী বালকগণের প্রবেশ )

( গীত )

ডন ফেলে খুব জোর করি আর ভাই।

না হ'লে জোর, বেঁধে কোমর,

কি ক'রে ক'রবো লড়াই।

জোর না হ'লে গায়,

লড়াই দেখে ছুটে সে পালায়,

সে ছুয়ো খেয়ে যায় ;

খেলে না কেউ তারে নিয়ে,—

তারে নিয়ে খেলতে নাই !

সে খালি করে ভয়, মিছি মিছি মিছে কথা কয়,

সে ভাল ছেলে নয় ;

'ছি ছি এ মিথ্যাবাদী' তালি দে বলে সবাই।

[ বালকগণের প্রস্থান।

( সোহিনীর বাটার ভিতর হইতে আগমন )

সোহিনী। নিষেধ মা, অন্তের পশিতে এই পুরে ;

সেই হেতু ভূতাপণে ক'রেছে নিষেধ।

দেবস্থান—

অজ্ঞাত পুরুষ-নারী প্রবেশে মা মানা।

কে তুমি ?

কি কার্য মা মোর সনে ?

গুল।

মাগো, বৈশ্যজাতি,

আগ্ৰায় আবাস আমার।

বাদসার অত্যাচার শুনেছ জননি !

রাজদূত আসি,

বন্দী করি পতিরে আমার -

ল'য়ে গেল বিনা অপরাধে।

জাতি রক্ষা হেতু,



আসিয়াছি সংনামা-আশ্রয়ে ।  
 পতির বন্ধুর বাস আছিল নাড়োলে,  
 রহিলাম কয়দিন আশ্রয়ে তাঁহার ।  
 অধিনীরে দয়া করি বাঙ্কব সৃজন,  
 স্বামীর আনিতে তত্ব করেন গমন ।  
 মা গো,  
 নিদারুণ পত্র তাঁর পাইলাম কালি ;—  
 ছুট জনে রাজদ্রোহী করিল প্রমাণ,  
 প্রাণবধ হ'য়েছে তাঁহার ।  
 শুনি গো জননি,  
 মোগল নিধন হেতু সংনামা সজ্জিত ।  
 আছে গো কিঞ্চিৎ অর্থ পতির অর্জিত,  
 সংনামীর সংকার্ষ্যে করিব সমর্পণ—  
 বড় আকিঞ্চন মনে ।  
 কৃতার্থ কর গো ছুহিতায়,  
 যৎকিঞ্চিৎ অর্থ এই করিয়ে গ্রহণ ।

সোহিনী । অর্থ দান

যদি বংশে, বাসনা তোমার,  
 আছে নেতাগণ,  
 বাসনা জানাও তব তাঁদের নিকটে ।

শুল । কেবা নেতা জানিনে জননি !  
 করিয়াছি পণ, গৃহে নাহি করিব প্রবেশ—  
 পতির বিয়োগে—সন্ন্যাসিনী,  
 বিধবার আচরণ করিতে কামনা ।  
 বহুমূল্য রত্ন এ সকল কোথায় রাখিব !  
 কৃপা করি রাখ মাতা তোমার নিকটে ।

সোহিনী । সত্য হেরি মহার্ঘ রত্ন এ সকল ।  
 ভাল, রাখি আমি তব তৃষ্টি হেতু ।  
 কিন্তু যুবতী মা তুমি,  
 নিরাশ্রয়ে কোথায় রহিবে ?

শুল । মা গো,  
 এ সংসারে স্থান আর নাহি বহুদিন ।  
 পতির পাদুকা হেতু অপেক্ষা আমার ।  
 পাইলে পাদুকা,  
 বুকে ধরি অগ্নি-মাঝে করিব প্রবেশ ।  
 ছিল সাধ, মোগল বিনাশ দরশন ।

কিন্তু নারী, নহি অস্ত্রধারী,  
 প্রতিবিধিৎসার সাধে দিয়ে জলাঞ্জলি,  
 অনলে তাপিত দেহ ঢালি,  
 জুড়াব গো দারুণ সম্ভাপ ।  
 হায় হায়, মনে সাধ হয়,  
 পারিতাম যদি অস্ত্র করিতে ধারণ,  
 বিধর্মী-শোণিতে করিতাম পতির তর্পণ ।

সোহিনী । তবে কেন অস্ত্র নাহি ধর ?  
 কি হইবে অনলে শরীর বিসর্জনে ?  
 তোমা সম সংনামী যুবতীগণে,  
 পতাকা ধরিয়ে করে,  
 অস্ত্র সংহারে যথা দেবী রণাঙ্গনা,  
 বিপক্ষ শ্রেণীর মুখে হয় অগ্রসর ।  
 জন্মভূমি-জননী কারণ,  
 বীরব্রতে কেন ব্রতী না হও যুবতী ?  
 শুল । মাতা, জানি না নিয়ম ।  
 কেবা দেবে দীক্ষা মহাব্রতে,  
 কেমনে মিলিব যত বীরাঙ্গনা সনে ?

সোহিনী । দেখি, বংশে, পতিব্রতা তুমি ।  
 নাহি অপর নিয়ম,—  
 যতদিন মহাকার্য্য না হয় উদ্ধার,  
 প্রণয় না পরশে অস্তুরে ।  
 যে রমণী ভুক্তা হবে সংনামী মণ্ডলে,  
 প্রেম কথা নাহি আনে মুখে ।

শুল । কহ মাতা, অদ্ভুত কাহিনী !  
 একত্র মিলিত রহে যুবক-যুবতী,  
 প্রণয় সঞ্চার মনে অসম্ভব নয় ।  
 কিন্তু দৃঢ়পণ যার,  
 প্রেমালোকে বিরত হইতে—  
 নহে বটে অসম্ভব তার ।  
 কিন্তু মনে মনে জন্মিলে প্রণয়,  
 মন নয় বশীভূত,  
 অমঙ্গল ঘটিবে কি ? কহ গুণবতি !

সোহিনী । কৌমারী-আশ্রিত এই  
 সংনামীবাহিনী ;  
 কৌমারীর প্রণয় নিষেধ ।

কাহার' ষড়পি দেখে প্রণয়-লক্ষণ,  
তখনি বর্জন করে তারে ।  
দৈব বিড়ম্বনে, সাধারণ জনে  
প্রেমে মুগ্ধ হ'লে ক্ষতি নাহি অধিক ।  
কিন্তু যেই নেতা সংনামীর,  
হয় যদি মন্থ-পীড়িত,  
ভঙ্গ হবে সংনামীর ব্রত,—  
সর্বনাশ হইবে নিশ্চয় !  
করি কৌমারীর পূজা,  
নেতা করিয়াছে শিরে মুকুট ধারণ ।  
কলঙ্কিত যদি নাহি হয় সে হৃদয়,  
ত্রিভুবনে নাহি পরাজয় ।  
শক্তিকরে আগে আগে ময়ূরবা হিনা,  
ছারখার করিবেন বিপক্ষের শ্রেণী ।

গুণ । গাতা,

কোন্ মহাজন এই কার্যে নেতা ?

সোহিনী । রণেশ—কুমার সম নির্মল-হৃদয় ।

গুণ । দাসীরে কি করিবে গ্রহণ ?

সোহিনী । কালি বৎসে, এসো এই স্থানে ।

বুঝ নিজ মন.

দৃঢ় যদি হয় তব পণ,

দীক্ষা তবে করিও গ্রহণ ।

দীক্ষিতা বিহনে মানা প্রবেশিতে পুরে ;

যাও তুমি অদ্য নিজ স্থানে ।

[ সোহিনীর প্রস্থান ।

গুণ । বুঝেছি বুঝেছি—কৃতকার্য্য হব,

অরিকুল নিশ্চয় নাশিব ।

প্রেতিনী কৌমারী, মুকুট তাহার—

চূর্ণ হবে নারী-পদাঘাতে ।

আরে মূঢ়, আরে হীন পুরুষ দাস্তিক,

ফিরিতেছ নারীর ইঙ্গিতে,

নারী নেতা তোর পতাকাধারিণী,

তবু অহঙ্কার মনে,

রমণীর প্রেম না স্পর্শিবে !

আরে বুঝেও বোঝ না,

প্রতিহিংসা নারীর কেমন !

অঘটন ঘটায়ছে নারী,

করিয়াছে অস্ত্রধারী ভীকৃ হিন্দুগণে,

তবু পণ—রমণীর প্রেম বিসর্জন !

নহ স্বদেশবৎসল,

উত্তেজিত নহ সবে মাতৃভূমি হেতু ।

ধিক্ ধিক্ ঘৃণীত কাফের,

ধাও রমণীর পাছু পাছু,

ঘৃণা লজ্জা না হয় উদয় ।

আরে হীন-প্রাণ হিন্দুগণ,

দলিবারে চাহ মুসলমান—

কোরণ জীবন যার !

যেই মুসলমান, ধর্ম বিপ্তারের তরে,

চন্দ্রকলা-অঙ্কিত-পতাকা ধরি করে,

পৃথিবীর কাফের ক'রেছে পদানত,

দ্বন্দ্ব তার সনে রমণীর অকল ধরিয়ে ?

ধিক্ তোর আস্পদীয় সংনামী বর্ষর ।

[ গুণসানার প্রস্থান ।

( হিন্দুবেশে করিমের প্রবেশ )

করিম । এই বাড়ীতে ভূতের পূজা হয়, গোউ কেটে  
লোউ দিতে পারতেম্ !

( মুসলমানবেশে চরণদাসের প্রবেশ )

চরণ । আরে বাপদন, মুই কনে যাবো—মুই কনে  
যাবো ?

করিম । কে মুই ?

চরণ । হাদে, মুই চাটগাঁ হ'তে আইচি, মনিবের সাথে  
এইএ এলাম । ইচ্ছতে মনিবডারে খুন ক'ব্ছে, মুই পেলেইচি,  
দই বাবা !

করিম । তুই মুসলমান ?

চরণ । হাদে তুই কেডা ? তুমি মুসলমান নও ?

করিম । না, আমি হিন্দু ।

চরণ । দোই আন্না, পরাণটা বধিস্ নে চাচা,—পরাণটা  
বধিস্ নে । মুইও ইচ্ছ—মুইও ইচ্ছ ! ঝুট বল্চি, মুই মুসল-  
মান নয়,—মুই মুসলমান নয় ।

করিম। তুই কে—ঠিক বল, যদি বাঁচতে চাস্ ; নইলে আমি হিন্দু, তোরে এখনই কেটে ফেলবো।

চরণ। বাপধন, তোর চরণ ধরি, পরাণ বধিস্ নে—  
পরাণ বধিস্ নে ! মুই ইঁহু, মুই রাবায়ণ শুন্চি। দই আল্লা  
—না না, দই দুগ্গি, দই দুগ্গি—মুই ইঁহু।

করিম। তুই হিন্দু, মুসলমান মেজেছিস্।

চরণ। হাঁ চাচা, মুই ইঁহু—মুই ইঁহু, মুই গাঙ্গের জলে  
নমাজ করি।

করিম। আমি হিন্দু, আমার কাছে কেন মিছে কথা  
ক'চ্ছিস্ ?

চরণ। না চাচা—না চাচা, মুই ইঁহু, নোর গলায় সূতি  
ছাল চাচা, মুই মোল্লা ছ্যালুম চাচা, ঐ হাণার পুত  
ছিড়ে দিয়েছে চাচা !

করিম। তুই মুসলমান।

চরণ। এই নাল্লাক দিচ্ছি চাচা, মুই ইঁহু চাচা ! মুই  
মেটীর দেবতা করে পূজো করি চাচা !

করিম। তুই হিন্দু, আমি বুঝতে পেরেছি। আমার  
কাছে ভাঁড়াচ্ছিস্।

চরণ। হয় চাচা—ভার্য্যি বটে চাচা, তোমায়  
বুঝে নিয়েছি চাচা, ইঁহু সাজ্চো চাচা। যাবা কনে চাচা,  
নোর সাথে আস্তি হবে চাচা, মুই কাবাব আঁদুচি চাচা,  
তু' গরাস খাতি হবে চাচা !

করিম। তুই মুসলমান আমি বুঝেছি, তোর কাছে  
আমি থাকবো না।

চরণ। না চাচা, মুই ইঁহু চাচা, তোমায় ধরতি আইছি  
চাচা !

( পদধ্বয় বন্ধন )

করিম। ছাড়।

চরণ। যাবা কনে চাচা, চরণ ধরছি চাচা !

করিম। কেন বাপু, আমি বিদেশী হিন্দু, আমায় কেন  
ভাড়া ক'চ্ছ ?

চরণ। হাদে, কুটুমিতা ক'ব্বো চাচা, হাতে দরি দেবো  
চাচা, সাথে সাথে আস্তি হ'চ্ছে চাচা ! ( হস্তধ্বয় বন্ধন )

করিম। আচ্ছা চলো—কোথা নিয়ে যাবে চলো।

চরণ। হাদে, এখন ঠাওর হলো চাচা ! তোমায় দেখছি  
চাচা, তুমি কারতরফ খাঁর নোকর চাচা !

করিম। তুমি কি ব'লছো আমি জানি নি। চল না,  
কোথায় নিয়ে যাবো।

চরণ। তোমায় মুনিবের কাছে পাঠাবো চাচা। পা  
হুটো বাঁদুচি, ধীরি ধীরি আসো চাচা !

করিম। চলো—বিনা দোষে হিন্দুর উপর অত্যাচার  
ক'ব্বছো। ( স্বগত ) এ সেই সৎনামীর চরণ, আমি বুঝেছি।

চরণ। ভাবতিছ কি চাচা, আমি সেই বটে চাচা।

[ উভয়ের প্রস্থান। ]

## তৃতীয় গর্ভাঙ্ক

গুলমানার শিবিরাত্যন্তর

পালকোপরি অর্ধশয়নাবস্থায়

অসতর্কভাবে গুলমানা।

গুল।— ( গীত )

কে জানে হার ভেসেছি কোথায়,  
আঁধারে নাই প্রবতারা, ভাসি ধরে বাসনার !  
আতঙ্ক-উল্লাস সনে, বিপরীত ভাব মনে,  
মগন আপন ধ্যানে, কূলে ফিরে নাহি চায়।  
নিরাশায় আশা ধরি, বিষাদে বহন করি,  
পারি হারি নাহি ডরি,  
জানিনে যাই কি আশায়।

( রণক্ষেত্র প্রবেশ )

রণক্ষেত্র। ( স্বগত ) কি আশ্চর্য্য, একরূপ অবয়বের সাদৃশ্য  
তো দেখি নাই ! কেবল বেশভূষার প্রভেদ। বিমলা  
মৃত্তিকাজড়িত হারকথণ্ড, অমলা যেন সেই হীরকখণ্ড শিল্পীর  
কৌশলে মাজ্জিত। মলিনবেশা বিমলা বা সুসজ্জিতা অমলা,  
কে অধিক লাভণ্যবতী, তা স্থির করা যায় না। গানটির  
মর্মে অহুভব হয়, যেন বালা—হৃদয়ের আবেগ ঢেলে দিচ্ছে ;  
—ভয়জড়িত আকাক্ষা স্বর-লহরীতে প্রকাশ পাচ্ছে। মুখ-

কারিণী কে এ! আহা, এ নিখুলা বালা মুসলমানী হবে? সৈন্তশ্রেণী পরিত্যাগ ক'রে রমণীর কাছে আসতে কুষ্ঠিত হচ্ছিলেম, কিন্তু আমার দ্বিধা দূর হ'য়েছে। এমন সুন্দরী আমি কখনও দেখি নাই। চম্পের কলঙ্ক কার প্রাণে সয়! কে জানে—সুন্দরীর মুসলমান-ধর্মে কেন অহুরাগ!

শুল। (যেন চমকিতভাবে উঠিয়া) আপনি এসেছেন? রণকার্য ত্যাগ ক'রে, আপনি যে পদাশ্রয় দেবেন, এতদূর সাহস দাসীর হয় নাই।

রণেন্দ্র। কেন, আমি তো তোমার ভগ্নীকে ব'লে পাঠিয়েছিলেম।

শুল। সত্য, তথাপি আমার মনের আশঙ্কা দূর হয় নাই। বসুন।

রণেন্দ্র। আমি অধিক বিলম্ব ক'রতে পারবো না। তুমি হিন্দু-কুমারী;—কি নিমিত্ত মহম্মদীয় ধর্ম গ্রহণ ক'রতে চাও?

শুল। মহাশয়, আমার একটা কথার উত্তর দিন।

রণেন্দ্র। কি, বল?

শুল। হিন্দুশাস্ত্রে কি এমন বিধি আছে, যে, মুসলমানীকে হিন্দু করা যায়?

রণেন্দ্র। অবশ্য আছে।

শুল। লিপিবদ্ধ থাকলে থাকতে পারে। কিন্তু কার্যে তো দেখি, রক্ষন-গৃহে কুকুর, বিড়াল প্রবেশ ক'রলে ভোজ্য বস্তু নষ্ট হয় না, কিন্তু মুসলমান প্রবেশে সে সকল আহাৰ্য্য দ্রব্য পরিত্যাগ ক'রতে হয়। দেখতে পাই, সামান্য পশুকে হিন্দু আদর করে, কিন্তু মুসলমান-স্পর্শে হিন্দু আপনাকে অপবিত্র জ্ঞান করে। যদি শাস্ত্রে বিধি থাকে, তবে কার্যে সে পরিচয় কই? কিন্তু মুসলমানকে নির্দয় বলেন, বিধম্মী বলেন। মুসলমানের নির্দয়তার কারণ কি? ধর্মপ্রচার-মানবের হিত। মুসলমান কায়মনোবাক্যে জানে যে, মহম্মদীয় ধর্ম গ্রহণে মহুষ্যের পরমার্থ লাভ হয়। সেই নিমিত্ত অসি মোচন ক'রে বলে যে, কোরাণ গ্রহণ করো, নয় মরো। উদ্দেশ্য এই, যদি শত ব্যক্তির মধ্যে ভয়ে হোক, ঘাতে হোক—একজনকেও মুসলমান ধর্মে দীক্ষিত করা যায়, তা হ'লে সে স্বর্গে যাবে। মানবের স্বর্গ কামনায় মুসলমানের নিষ্ঠুরতা। এই মহাকাৰ্য্যে মুসলমান নদীর স্রোতের স্রায় শোণিতপ্রবাহ দানে মানবের হিত সাধন চেষ্টা ক'রেছে। কিন্তু হিন্দুরা

কি বলে? অপর জাতি দূরে থাক, নিজ সমাজ পরিত্যাগ ক'রে পর্বত-গুহায় বাস করো,—আপন মুক্তিসাধন করো। স্বার্থপরতা!—এর অধিক স্বার্থপরতা আমার কল্পনায় আসে না।

রণেন্দ্র। তুমি দেবী, তুমি অসাধারণ রমণী, তুমি স্বার্থই ব'লেছ। কিন্তু জেনো, হিন্দুধর্মের মর্ম তা নয়। কপট ও স্বার্থপর ব্যক্তির হিন্দুধর্মের এইরূপ মর্ম প্রচার ক'রেছে। কিন্তু দেখ, চৈতন্য, নানক প্রভৃতি মহাপুরুষ অবির্ভাব হ'লে মুসলমানকেও সনাতন ধর্ম প্রদান ক'রেছেন। মুসলমান দরাকথা-রচিত গদ্যশ্লোক—স্নানান্তে বেদজ্ঞ ব্রাহ্মণে পাঠ করে। ধর্মবিপ্রবেই ভারতের দুর্গতি হ'য়েছে। সৎনামীর সেই কুসংস্কার দূর ক'রবার জন্ত অস্ত্রধারণ।

শুল। আপনি ত সৎনামী?

রণেন্দ্র। হাঁ, অধম সৎনামীর দাস।

শুল। আপনি কি মুসলমানীকে হিন্দুধর্মে দীক্ষা দিতে পারেন? আপনি কি মুসলমানীকে হিন্দু ক'রতে পারেন?

রণেন্দ্র। অবশ্য পারি। প্রকৃত যে ধর্মপিপাসু, সে হিন্দুর আদরণীয়।

শুল। প্রকৃত অপ্রকৃত ধর্মপিপাসু মুসলমানের সে কথা নাই। প্রকৃত হোক, অপ্রকৃত হোক, ভয়ে হোক, মৈত্রতার হোক, প্রলোভনে হোক, ধর্মতৃষ্ণায় হোক,—ধর্মদীক্ষা দানে মুসলমান সক্ষম প্রস্তুত।

রণেন্দ্র। সুন্দরি, তুমি জান না, দয়ালু নিতাই দ্বারে দ্বারে হরিনাম দিয়েছেন। দেশে দেশে সংকীর্্তন ক'রে ব'লেছেন,—'জানুতে অজানুতে, ভ্রাস্ত্রে অভ্রাস্ত্রে যে হরি বলে, সেই ধন্য!' তুমি সংশয় দূর কর।

শুল। মহাশয়, চৈতন্য নিত্যানন্দ এখন নাই, নানকও অন্তর্হিত, এখন কে মুসলমানীকে হিন্দু ক'রতে পারে বলুন;—আপনি পারেন?

রণেন্দ্র। সৎনামের দোহাই দিয়ে পারি।

শুল। কার্যে পরিচয় দিতে পারেন?

রণেন্দ্র। অবশ্য।

শুল। দেখো দেখো—হাক্য নাহি নড়ে,

বুঝি তব সৎনাম প্রভাব!

শুন গুণমণি, মুসলমানী এ অধিনা—

যত দুর্গাধিপ কারতরফ খাঁর হুঁহা।

রাখ বাক্য তব,  
হিন্দুধর্মে দীক্ষা দেহ পদাশ্রিতে ;—  
হিন্দু বলি সমাজে হে করহ গ্রহণ,  
তা হইলে মানিব বচন,  
নহে বাক্য-আড়ম্বর বুঝিব কেবল ।

রণেশ্বর । এসো, করিব তোমারে  
সনাতনধর্ম-দীক্ষা দান ।

শুল । যাবো—কোথা যাব ?  
কহ কি নাম করিব উচ্চারণ ?  
যে নামে পবিত্র হয় বিধর্মী জনম,  
সেই নাম উচ্চারণ করি শতবার ।  
সনাতন ধর্ম যদি হিন্দুধর্ম হয়,  
শুন মহাশয়,  
দেহ তবে আশ্রিতারে স্থান ;  
এই দণ্ডে—এই ক্ষণে—  
নহে অঙ্গধারী, বধ' মুসলমানীর প্রাণ ।  
ক'রেছি শ্রবণ,  
রমণীর উপদেশে সৎনামীর পণ --  
আবাল-বনিতা-বৃদ্ধ বধিতে মোগলে ।  
বধ' - বধ' তবে মোরে ।

রণেশ্বর । শুন লো সুন্দরি,  
দীক্ষাদান করিব এখনি ।  
কিন্তু কহ সুবদনি,  
হিন্দুধর্মে কি হেতু তোমার অনুরাগ ?  
সুশিক্ষিতা শাস্ত্রে তুমি বঝেছি নিশ্চয় ।  
শাস্ত্র-মর্ম বুঝি মনে মনে,  
শাস্ত্র সত্য জানে--  
কর কি সুন্দরি, তুমি দীক্ষা আকিঞ্চন ?

শুল । জিজ্ঞাসায় কিবা প্রয়োজন ?  
সনাতন হিন্দুধর্ম কহিলে এখনি ;  
কহিলে এখনি—  
ভ্রাস্ত্রে বা অভ্রাস্ত্রে ধর্ম করিলে গ্রহণ,  
উচ্চগতি হইবে তাহার ;  
কহিলে এখনি—  
তব দেবতার নাম করি উচ্চারণ,  
হিন্দু হবে বিধর্মী সকল ।

তবে কেন চাহ শুনিলারে,  
হিন্দুধর্ম কি কারণ করিব গ্রহণ ?  
বুঝিবে কি, করি যদি স্বরূপ বর্ণন ?  
অস্তর আশার তুমি কিরূপে দেখিবে ?  
দেহ দীক্ষা—এই ভিক্ষাচাহি ।

রণেশ্বর । শুন সুকেশিনি,  
আছে হিন্দুধর্মের নিয়ম,  
যাহার জিকটে দীক্ষা করিবে গ্রহণ,  
মনোভাব গোপন নিষেধ তার ঠাই ।

শুল । কহি শুন স্বরূপ বচন,—  
পিতৃশোকে বিহ্বলা কামিনী,  
কাঁদিল বিবশা পিতৃশির ল'য়ে কোলে ।  
জনৈক রমণী চাহিল বধিতে তারে ।  
তুমি মতিমান, হ'য়ে রূপাবান্  
প্রাণরক্ষা ক'রেছিলে অবলার ।  
পুরুষ হৃদয় তব, যোদ্ধা অঙ্গধারী,  
রমণীর মনোভাব বুঝিবে কেমনে ?  
সেইক্ষণে মুসলমান-সুতা,  
ক'রেছে তোমায় বীর পতিত্বে বরণ ।  
তুমি ধ্যান জ্ঞান—তুমি মনঃপ্রাণ,  
রমণী মাগিছে পদ সেবা অধিকার ।  
সেই হেতু করিয়ে ছলনা  
আনিয়াছি তোমারে এ স্থানে ।  
অমলা বিমলা নহে যমজ ভগিনী ।  
ছিন্নবেশা রুম্মকেশা বিবশা বিমলা--  
সুবেশা অমলা এই শিবিরবাসিনী,  
নহে ভিন্ন দুইজন ।

হের রুম্মকেশ—এই ছদ্মবেশ--  
দেখ' দেখ' অমলা—বিমলা !

রণেশ্বর । প্রেমবাক্য শুনিতো নিষেধ ।

শুল । সনাতন হিন্দুধর্ম করহ প্রমাণ ।  
নহে রাখ' সৎনামীর পণ,  
বধ' এই মুসলমানী-প্রাণ ।  
চাহি নাই প্রেম-কথা কহিতে তোমায় ;  
কিন্তু করিয়াছি পতিত্বে বরণ,  
শুনি হিন্দু-রমণীর আছে এ নিয়ম,

কদাচিত্ না করিবে অন্তর গোপন  
প্রাণপতি করিলে জিজ্ঞাসা ।  
তাই ব্যক্ত করিয়াছি প্রেম-কথা  
জিজ্ঞাসিলে তুমি ।  
দিই নাই পরিচয় জানাতে সোহাগ ।  
দাসী মাত্র, চাহি তব সেবিত্তে চরণ ;  
নাহি চাই আলিঙ্গন বদন-চুম্বন ।

প্রেম-কথা—প্রেম-ভাষে কে সম্বাধে তোমা ?  
গুরু তুমি, দীক্ষা দাও, শিষ্যা আমি তব ।  
শুন, ধনরত্ন যা ছিল দাসীর,  
সৎনামীর কার্যে তাহা ক'রেছে অর্পণ,  
কালি কোমারীভ্রতের দীক্ষা করিগা গ্রহণ,  
পতিকার্যে মিলিব সৎনামী-নারী সনে ।  
দেহ হিন্দু, কিঙ্করীরে দেহ তব ধর্ম সনাতন ।

রণেন্দ্র । লহ সৎনামের নাম—পবিত্র হইবে ।  
শূল । জয় সৎনাম ! হ'য়েছে কি নাম উচ্চারণ ?  
হিন্দু আমি আজি হ'তে ?

রণেন্দ্র । হ্যাঁ ।

শূল । দেখ' অঙ্গধারী,  
হিন্দু বলি দিও পরিচয়,  
কথা তব মিথ্যা নাহি হয় ।  
তব সহধর্মিণী অধিনী,  
বিন্মাসে তাহার যেন করো না আঘাত ।

রণেন্দ্র । না—না ।

শূল । সম্মুখে বলো তবে সৎনামের জয় !  
জয় সৎনাম !

উভয়ে । জয় সৎনাম !

। রণেন্দ্রের প্রশ্নান ।

শূল । সত্য স্বামী তুমি মম,  
মিথ্যা নাহি বলিয়াছে মুসলমান-স্বতা ।  
কিন্তু কি করিব,  
পিতৃহত্যা-প্রতিশোধ করিয়াছি পণ !  
স্পর্শিয়াছি তোমার অন্তর ।  
যাও যাও—বোঝনি আঘাত,  
তীক্ষ্ণ তীর পশেছে হৃদয়ে,  
বুঝিবে দারুণ ব্যথা নির্জনে বসিয়ে ।

ব্রত ভঙ্গ ক'রেছি সৎনামী !  
মহাব্রতে ব্রতী জেনো তব প্রেমধিনী ;  
জী বনের ব্রত সাঙ্গ হবে তব পায় !  
নাহিক উপায়,  
চলেছি যে পথে আর ফিরিবারে নারি ।

[ প্রশ্নান ।

—\*—

### চতুর্থ গর্ভাঙ্ক

সৎনামী-শিবির-সম্মুখ  
সোহিনী ও চরণদাস ।

সোহিনী । চরণ—চরণ, তোমার প্রভুকে ব'লো,  
এখন আর পুরুষ মাহুষকে গায়ে হাতটি দিতে দিই না ।

চরণ । হাতে হাড় ফোট'বার ভয়ে কেউ গায়ে হাত  
দেয় না । তা বেশ করো । এখন আমায় ডেকেছ কেন  
বল ?

সোহিনী । তোমার প্রভুরও তো আর নব-যৌবন  
নাই ।

চরণ । তবু হোক বাছা, অত নয় । আঘাতাঘাতনা তো  
চের আছে, মুখখানি পোড়া দোকো বেগুন হ'য়েছে, তা কি  
বোঝ' না ?

সোহিনী । নাও নাও, গুমোর ক'রো না, তোমার  
প্রভুর রূপের ছটায় তো বিহ্বল চম্কাচ্ছে ।

চরণ । বিহ্বল না চম্কাক্—মাথায় শকুনি ওড়ে না ।

সোহিনী । চরণ, তুমি আমার একটা কথা শুন্বে  
ব'লেছিলে ।

চরণ । সেই ইস্তক তো লাখ্ কথার উপর শুনেছি ।

সোহিনী । তার জগুই তো ব'ল'ছিলেম, লাখ্ কথা  
হ'য়ে গেছে, আমাদের বে দিয়ে দাও ।

চরণ । প্রভুর ঘরে একটা মিট'মিটে প্রদাপ জলে । তুমি  
গিন্নী হ'য়ে ঘরে ন'ড়'লে চ'ড়'লে—পেঙ্গীর ভয়ে সে পথে আর  
মাহুষ চ'ল'বে না ।

সোহিনী। শোনো চরণ, আমার একটি মিনতি রাখ, এই রত্নগুলি লও, এ কোন সাধবীর সম্পত্তি, আমার রোজ-গারের নয়। তোমার প্রভুর কাছে যেতে আমার সাহস হয় না। তুমি এই রত্নগুলি রাখো, তাঁরে দিও। এই লও, আমি চ'ল্লেম, ত্রি কে আসচে।

চরণ। আমি প্রভুকে সব গুছিয়ে ব'লতে পারবো না। তুমি নিজে ব'লবে এসো। ভয় নাই, প্রভু বলেন যে, সোহিনী তার বাল্য-চপলতার সম্পূর্ণ প্রায়শ্চিত্ত ক'রেছে।

সোহিনী। চরণ, সংনাম তোমার মনোবাঞ্ছা পূর্ণ করুন।

[ উভয়ের প্রস্থান। ]

( রণেন্দ্র, বৈষ্ণবী ও পরশুরামের প্রবেশ )

রণেন্দ্র। বাদসা অতি সতর্ক। ভেবেছিলাম, যুদ্ধের সংবাদ তার নিকট না যেতে যেতে আমরা আগ্রা আক্রমণ ক'রতে পারবো, কিন্তু তাহির খাঁ দুই ক্রোশ অন্তরে লক্ষ সৈন্য ল'য়ে আমাদের গতিরোধ ক'রেছে। আমার ইচ্ছা, অণ্ড রাত্রে বিশ্রাম ক'রে কল্যা প্রাতে তারে আক্রমণ ক'রবো।

( ফকিররামের প্রবেশ )

বৈষ্ণবী। আমার ইচ্ছা ছিল, অণ্ড রাত্রেই যুদ্ধ দান করি।

পরশু। সমস্ত দিন ঘোরতর যুদ্ধে সকলে ক্লান্ত, ক্লিষ্ট বিশ্রাম আবশ্যিক। কাল সূর্যোদয় না হ'তে হ'তে আক্রমণ করা যাবে। (রণেন্দ্রের প্রতি) শত্রু-শিবির কিরূপে সংস্থাপিত, সে সংবাদ কি পাওয়া গেছে ?

বৈষ্ণবী। হ্যাঁ, আমি এইমাত্র তথ্য হ'তে আসছি। আমাদের অল্পসংখ্যা জানে নদী পার হ'য়ে বাদসা-সৈন্য এসেছে। বোধ হয়, তাহির খাঁর কল্পনা যে, কল্যা প্রাতে সেই-ই আক্রমণ ক'রবে। সৈন্যসমাবেশ আমি চিত্রিত ক'রেছি; এই মানচিত্র দেখ।

ফকির। অবশ্য সকলেই পরিশ্রান্ত, কিন্তু এক প্রহর বিশ্রাম ক'রে কি সংনামীর ক্লাস্তি দূর হবে না ?

রণেন্দ্র। ভয়ি, তুমি প্রকৃত সংনামীর নেতা, আমায় সেনাপতি সাজিয়েছ মাত্র। (ফকিররামের প্রতি) মহাশয়, আপনি বামে আর আমি মধ্যদেশ আক্রমণ করি; ডানত:

পরশুরাম, তুমি দক্ষিণে। শত্রু অসতর্কভাবে অবস্থান ক'রেছে, এ সুযোগ উপেক্ষা করা কর্তব্য নয়। এসো, নেতাদের আদেশ দিই।

বৈষ্ণবী। আমি একবার মহামায়ীর পূজা ক'রে আসি। ডানত পরশুরাম, সেনাপতি তোমার উপর গুরুতর ভার অর্পণ ক'রলেন। যুদ্ধকালে তোমার নিজ সৈন্য সঞ্চালন দিকে দৃষ্টি রেখো। আমার ছায় শত শত রমণীর মৃত্যুতে সংনামীর কার্যের বিঘ্ন হবে না। আমার মিনতি, তুমি আমার উপর লক্ষ্য রেখো না।

[ বৈষ্ণবীর প্রস্থান। ]

পরশু। (স্বগত) তোমার শত্রুর অস্ত্র যদি তোমার রক্ষার্থে বুকে ধারণ ক'রতে পারি, এ হ'তে উচ্চ আশা আমার আর নাই; জান না, তুমি আমার হৃদয়স্বরী !

[ পরশুরামের প্রস্থান। ]

ফকির। রণেন্দ্র, যেও না, তোমার সঙ্গে আমার একটা কথা আছে।

রণেন্দ্র। আজ্ঞা করুন।

ফকির। তুমি জান কি, তোমার নিকট পত্র ল'য়ে যে বাহক এসেছিল, সে হিন্দু নয়—সে মুসলমান। তোমায় বিপন্ন ব'রবে, এই তার অভিপ্রায়। নিশ্চয় জেন,' সে শত্রুর চর।

রণেন্দ্র। প্রভু, মুসলমান হ'ওয়াই সম্ভব, কিন্তু শত্রুর চর না।

ফকির। সে কি কোন রমণীর দূত ? সেই রমণীর সহিত তুমি কি সাক্ষাৎ ক'রতে গিয়েছিলে ?

রণেন্দ্র। প্রভু, মুসলমান-কন্যা যদি হিন্দুধর্ম গ্রহণ ক'রতে ইচ্ছা ক'রে, তার সহিত সাক্ষাৎ করায় কি দোষ আছে ?

ফকির। কিন্তু যদি সে মুসলমান-কন্যা ভাগ ক'রে তোমায় ডেকে থাকে, তা হ'লে সে শত্রু নিশ্চয়। শোন, সে নারী অতি চতুর। সে হিন্দু ব'লে পরিচয় দিয়ে, রত্নদানে সোহিনীকে প্রতারণা ক'রেছে। সে সোহিনীর নিকট কৌশলে অবগত হ'য়েছে যে, সংনামীর নেতাকে প্রণয়ে আবদ্ধ ক'রতে পারলে, সংনামী-সম্প্রদায় ধ্বংসপ্রাপ্ত হবে। এখন তুমি আমার নিকট তোমার মহৎ উদ্দেশ্য জানাও, আমি তোমায় নারী-সংসর্গ কালসর্পের ছায় ত্যাগ ক'রতে ব'লেছিলাম। যদি তুমি

সে বাক্য হেলন কর, তোমার গুরুহত্যার প্রতিশোধ হবে না।

রণেন্দ্র। কিন্তু সকলকেই তো দয়া করা কর্তব্য। নারী দয়ার পাত্রী নয় কেন ?

ফকির। আমার চিরধারণা যে, প্রত্যেক নারী মহামায়ার রূপান্তর। দয়া অপেক্ষা উৎকৃষ্ট বৃত্তি মানবজীবনে আর নাই। নারী এমনই মায়াবী, সেই বৃত্তি অবলম্বনে পুরুষ-হৃদয় মুগ্ধ করে। বৎস, শত শত দৃষ্টান্ত পাবে যে, মৃতবন্ধুর পত্নীকে আশ্রয়দান করিতে গিয়ে আশ্রয়দাতার যুবতী-সংসর্গে মন বিচলিত হ'য়েছে। ক্রমে বন্ধুত্ব, মনুষ্যত্ব, কর্তব্য—সকলই বিস্মৃত হ'য়ে সেই বন্ধু-পত্নীর সহিত নিরয়গামী হ'য়েছে। নির্মল দয়ার লক্ষণ শুন,—কদাকার, বহু পুত্রভারে পীড়িতা রমণী সম্পূর্ণ দয়ার পাত্রী ;—কিন্তু দেখ, তদপেক্ষা উন্নত অবস্থার সুন্দরা রমণী অনেকের দয়ার ভাজন। তুমি আমায় প্রভু বল, প্রকৃত দয়ার লক্ষণ শুন,—যদি সর্বাপেক্ষত, মলাবৃত, কুষ্ঠরোগগ্রস্ত জীবকে পরমাসুন্দরা রমণীর গ্রায় বিমলচক্ষে দর্শন করে, সমভাবে উভয়ের শুশ্রূষা সাধনে নিযুক্ত থাকে,—সেই মহাপুরুষই প্রকৃত দয়ার্দ্রচিত্ত। দয়ার এই লক্ষণ যার হৃদয়ে অঙ্কিত নাই, যার কুষ্ঠরোগগ্রস্ত আর সুন্দরীতে সমদৃষ্টি নাই, আমার সামান্য অনুমানে—সে ব্যক্তি যথার্থ দয়ার অধিকারী নয়। দেখ, তুমি উচ্চাশয়। মহামায়ার নিকট প্রার্থনা করো যে, তিনি দয়ার বেশ-ভূষায় কামকে না সজ্জিত ক'রে তোমায় প্রতারণিত করেন। তোমায় বার বার ব'লেছি, মহামায়া নারীরূপা। নারী বল', আর দয়ঃ মহামায়া বল'—একই। মহামায়ার নিকট প্রার্থনা ক'রে নারী হ'তে দূরে অবস্থান ক'রো, এই আমার মিনতি। বৎস, উপস্থিত যে প্রস্তাব তোমার নিকট ক'রুহিলেম, তার প্রত্যক্ষ প্রমাণ দিচ্ছি। অপেক্ষা ক'রো, আমি আসছি।

[ ফকিররামের প্রস্থান। ]

রণেন্দ্র। ছল সত্য ; মুসলমান-দুহিতা অকপটে তা ব্যক্ত ক'রেছে, কিন্তু সে শত্রু কখনই নয়। আনার প্রতি তার প্রগাঢ় অনুরাগ নিশ্চিত। নচেৎ কেন সংনানী-কার্যে অর্থ-দান ক'রবে ? কেন হিন্দু হ'বার আকাঙ্ক্ষা ক'রবে ? আমি পরশুরাম ঠাকুরকে সমস্ত বৃত্তান্ত কি ক'রে বল'বো। নারী—লজ্জা পরিত্যাগ ক'রে, অস্তরের কথা আমায় স্বরূপ বর্ণনা ক'রেছে। সে কথা অপরের কাছে ব্যক্ত করা কাপুরুষত্ব।

ভাল, উনি নিষেধ করেন, আর তার সহিত সাক্ষাৎ ক'রবো না।

( চরণদাস ও করিমের সহিত ফকিররামের প্রবেশ )

ফকির। তুমি জিজ্ঞাসা করো—এ কে ?

রণেন্দ্র। তুমি হিন্দু, না মুসলমান ?

করিম। আপনার নিকট আমার আত্মগোপনের প্রয়োজন নাই, আমি মুসলমান।

রণেন্দ্র। তুমি হিন্দু ব'লে পরিচয় দিয়েছিলে কেন ?

করিম। তা না হ'লে হিন্দুরা আমায় বধ ক'রতো, আমার কত্রীর কাঁথা হ'তো না।

ফকির। তোমার কত্রীর কি কাজ ?

করিম। কি কাজ তিনিই জানেন, আমি ভৃত্য।

ফকির। তোমরা শত্রু।

করিম। আমি শত্রু বটে, কিন্তু তিনি কি, আমি জানি না।

রণেন্দ্র। তিনি হিন্দু-ধর্ম দীক্ষা গ্রহণ ক'রেছেন, এখন তিনি হিন্দুর পক্ষ। আমার কথা যদি সত্য হয়, তা হ'লে তুমি কি ক'রবে ?

করিম। আমি মুসলমান, হিন্দুর সেবা ক'রবো না। আর তাঁর মরণ-রুটীর প্রত্যাশা রাখ'বো না।

ফকির। তোমার যে বেইমানী হবে ?

করিম। ইমান ধর্ম নিয়ে ; বিধন্মীর দাসত্ব স্বীকার না ক'রলে আমি বেইমান হ'বো না।

ফকির। এর প্রতি কি কর্তব্য ?

রণেন্দ্র। আপনি যেরূপ বিবেচনা করেন ; আমি সৈন্ত সজ্জিত করিগে।

[ রণেন্দ্রের প্রস্থান। ]

ফকির। তুমি মুক্ত, তোমার যথা ইচ্ছা গমন করো।

( চরণ কর্তৃক বন্ধন মোচন ) যাও, অপেক্ষা ক'রু কেন ?

করিম। আমার ইচ্ছা।

ফকির। তোমার ভয় নাই। তোমার যথা ইচ্ছা, আমার লোক তোমায় রেখে আসবে। যাও। চরণ, এর সঙ্গে যাও, বুঝেছ ?

[ ফকিররামের প্রস্থান। ]

করিম। তোমার প্রভু অ'ড়া কি বুঝেছ ? না বুঝে থাকো, আমি বুঝিয়ে দিই। আমার কত্রী কোথায় থাকেন,



সেই সন্ধান তোমায় নিতে ব'লেছেন। কিন্তু বৃথা পরিশ্রম  
ক'রবে, সে অভিপ্রায় সিদ্ধ হবে না। আগায় বন্দী  
করে বিশেষ কাজ ক'রেছ। বন্দী না ক'রে যদি পশ্চাৎ  
পশ্চাৎ যেতে, হয় তো সন্ধান পেতে—আমার কল্লী কোথায়।  
কিন্তু তুমি আমার পরম বন্ধু, আমি যথেষ্ট সতর্ক হ'য়েছি।  
ইচ্ছা হয়—সঙ্গে এসো।

চরণ। মিঞা সাহেব, কাণ ম'লে দিয়ে যাও, এমন  
ঝকমারী আর কখনো ক'রবো না! যাও দাদা যাও,  
ছেলাম।

করিম। ছেলাম দাদা, এবার তুমি পেছন পেছন এলে,  
যদি তোমার পায়ের শব্দ শুন্তে না পাই, তা হ'লে তুমি  
আমার কাণ ম'লো।

[ উভয়ের উভয় দিকে প্রস্থান।

## পঞ্চম গর্ভাঙ্ক

আগ্রা-দুর্গাভ্যন্তর

আওরঙ্গজেব, হামিদ খাঁ, বিষণসিংহ ও

পারিষদগণ।

আওরঙ্গ। সৎনামী--সৎনামী,  
আছে মাধি) সম্প্রদায়,  
অমুমানি সৎনামী তাহারা।  
কৃষিকার্যে রত,  
তাজি হল, অস্বধারী বিক্রমে আমার,—  
মশক হইল বলবান।  
সৎনামী—সৎনামী—  
সত্য এ সংবাদ,  
অগ্রসর রণে দিল্লী সিংহাসন আকিকন।  
সুকৌশলী সবে ;  
ভুলা'য়েছে দুর্গাদিপগণে  
মুসলমান ফকিরের বেশে।  
প্রতি দুর্গ-মানচিত্র করিয়ে গ্রহণ,

অনায়াসে অসতর্ক সেনা পরাজয়ি,  
মুসলমান-সুরক্ষিত দৃঢ় দুর্গ শত  
হস্তগত হীন প্রাণী কৃষকের।  
হে হামিদ, পৃষ্ঠ দেছ কাফের-সমরে !  
রাজন্ বিষণ সিংহ,  
শুনোছ রাজপুত্র বংশে জনম তোমার,  
ভিতারীর যুদ্ধে ভঙ্গীয়ান !

অদ্ভুত সকলি—অদ্ভুত সকলি !!  
হামিদ। জাঁহাপনা,

সবিনয় করি নিবেদন,

শত্রু অতি সমরকুশল।

অদ্ভুত কাহিনী,

অশ্বপৃষ্ঠে নারীদল পতাকাধারিণী !

সহস্র কাগানে নাহি ভাঙ্গে অরিশ্রেণী

গুলি করে কারিধারা জ্ঞান ;

বর্শ; অসি অঙ্গে নাহি পশে !

অসীম সাহসে—

শতজনে একজন করে আক্রমণ।

অরি-করে খেলে অসি দামিনীর প্রায়,

শত শত আঘাতে লুটায়।

ভীমকায় সলিল যেমন

মহাবেগে করে আক্রমণ—

প্রবল প্রবাহে তার স্থির কেহ নহে।

সেনানী বিষণ সিং অসীম বিক্রমে,

পুনঃ পুনঃ ভয়শ্রেণী করি উত্তেজিত,

দিল রণ ঘরাতারে ;

সকলি বিফল হ'লো বিপক্ষ-বিগ্রহে।

বিষণ। জাঁহাপনা,

বীরবর হামিদ, লইয়ে আসোয়ার

করিলেন অসাধ্য সাধন ;

মহুষ্যের সাধ্য যাহা ক'রেছিল শূর।

কিন্তু, সৎনামীর অশ্বারাহী—

ঝটিকা সমান দিল হানা হুঙ্কারে।

বাদসার আসোয়ার—

জীবিত থাকিতে একজন না তাজিল রণ।

সমরান্তে দেখিলাম,—

শব-গাঝে মুমূর্ষুর প্রায়  
পতিত হামিদ মহাবীর ।  
যাহু এ নিশ্চয় !  
মুসলমান রাজপুত্র অসংখ্য বাহিনী,  
মাত্র দশ সহস্র সংনামী—  
বিমুখিল মুহূর্ত্তেকে ।

আওরঙ্গ । হ্যা—হামিদ খাঁ বল্লেন,—‘আপনি মহাবীর ;  
আপনার মুখে শুনলেন,—‘হামিদ খাঁ মহাবীর ।’ উভয়েই  
স্থির ক’রেছেন, যাহু । কিন্তু যাহুতে আমার সৈন্ত নষ্ট  
হ’য়েছে । আপনারাও বোধ হয় যাহুবিন্ধ্যা জানেন, নচেৎ  
কিভাবে পরিত্রাণ পেলেন ?

( একজন প্রহরীর প্রবেশ )

প্রহরী । জাঁহাপনা, রণস্থল হ’তে দূত এসেছে ।

আওরঙ্গ । আনো ।

[ প্রহরীর প্রস্থান ।

( পারিষদগণের প্রতি ) জ্ঞান হয়, দূত মহাশয় আপনাদের  
মত কোন স্থন্দর গল্প শোনাবেন ।

( দূতের প্রবেশ )

বুঝেছি, পরাজয় হ’য়েছে ।

দূত । সরমে না জুয়ায় বচন,  
দুর্জয় অরাতি, হত সমস্ত বাহিনী,  
জীবিত নফর মাত্র ভীষণ সমরে ।  
রাজ্যময় বিদ্রোহ উদয় ।  
একা নাহি যুঝে আর সংনামী বর্কর,—  
জমাদার, তালুকদার, বহু রাজাগণ,  
মিলিত বিপক্ষ মনে রণে ।  
কেবা নাহি জানি,  
শুনি এক কাফের-কামিনী,  
বৈষ্ণবী তাহার নাম,  
কুহকিনী সেই নারী ;  
কুহকে তাহার,  
ভুলেছে নিরোধ হিন্দুগণে ।  
জাঁহাপনা, করুন মার্জনা,  
দেখেছি সে ভাষণে ।  
পতাকা লইয়া করে,  
অশ্ব পরে অরি-সেনা-অগ্রগামী ;

জ্ঞান হয় সমতানের নারী ।  
অসি হস্তে শত শত কাফের-কামিনী,  
সহচরী সম সঙ্গে তার,  
হুকারে প্রবেশে রণে ।  
উজ্জল মুকুট শিরে বীর একজন,  
ঝলসে নয়ন সেই মুকুট-প্রভাবে,  
উপস্থিত হয় সে যথায়,  
অসুধারী নিস্তার না পায় ।  
সেনাগণে উৎসাহ প্রদানে  
নায়ক ফিরাতে নারে ।  
অগ্রসর শত্রু আশুগতি ;  
হেন লয় মন,  
অগ্নি রাতে নগর করিবে আক্রমণ ।

আওরঙ্গ । যাহু—যাহু—সমতানি ! শত সমরজয়ী ক্ষত্রপুত্র  
ও মুসলমান বীর উপস্থিত আছ, কে যুদ্ধে যাবে ? এখানে  
লক্ষ সৈন্ত আছে, দিল্লী হ’তে লক্ষ সৈন্ত আগত প্রায়, এই  
সমস্ত সৈন্ত ল’য়ে কোন্ বীর কাফের-যুদ্ধে যাবে ? মফসেই  
নীরব ; ভাল, স্বয়ং বাদসাই যাবে । বাদসাই-দর্শনে স্বয়ং  
সমতানও অসি কোষমুক্ত ক’রতে অক্ষম হবে । বাদসার  
পশ্চাতে যেতে কেহ কি সাহস করেন ?  
১ম পারিষদ । জাঁহাপনা, যাহু এ নিশ্চয় ।

অমূল্য জীবন বাদসার ।  
প্রাণপণ করিব আমরা ;  
জাহ্নু পাতি মিনতি চরণে,  
আজ্ঞা দেহ নফর সকলে ।

আওরঙ্গ । হ্যা—আর আমি দিল্লী প্রত্যাগমন ক’রে অস্ত্র-  
পুরে লুক্কাইত হইগে ; এহ তো আপনাদের মন্ত্রণা ? উপদেশের  
অপেক্ষা ক’রতেম না । হামিদ খাঁ বাহাদুর ও রাজা বিষণ  
সিংহের পবাক্ষয়-সংবাদ অগ্রেই এসে পৌঁছেছিল । আমি  
তাহির খাঁকে শত্রুর গতিরোধ ক’রবার আজ্ঞা প্রদান ক’রে  
নিশ্চিত ছিলেম না ; কেবলমাত্র রাজ্যে ঘোষণা দিয়ে অপেক্ষা  
ক’রছি, যে কয়জন যথার্থ ইসলাম-ধর্মে দীক্ষিত বাদসার কায-  
ভার গ্রহণ ক’রেছে ; কয়জন কোরাণ বলে—সমতান উপাসক,  
ভূতের উপাসক কাফেরকে ভয় করে না, তাই পরোক্ষা  
ক’ছি । কিন্তু দেখছি, কোরাণে বিশ্বাস আছে, পাঁচবার  
নমাজ করে, বোধ হয়, একরূপ মহম্মদীয় বীর পুরুষ রাজ.

কার্যে নিযুক্ত নাই। তিন দিবস বাদসার আজ্ঞা প্রচার হ'য়েছে, যে কেহ শত্রুদমনে প্রস্তুত, তাকে বাদসা আলিঙ্গন-দানে বাদসাই তরবারি অর্পণ ক'রবেন; সমর-জয় হ'লে বাদসার দক্ষিণ পার্শ্বে তার আসন হবে। কিন্তু উপযুক্তি পরি দূত এসে সংবাদ দিচ্ছে যে, ভূতের আশঙ্কায়, সমরতানের আশঙ্কায় কোন মুসলমান—বাদসার প্রসাদলাভে প্রস্তুত নয়। অতএব ইসলাম ধর্মের সম্মান স্বয়ং বাদসা-ই রক্ষা ক'রবে। যদি কেহ বাদসার পশ্চাতে যেতে সাহসী থাকেন, তিনি শীঘ্র প্রস্তুত হউন। তাহির খাঁকে আমি ধন্যবাদ দিই। যদিচ তিনি বাদসার আজ্ঞা লঙ্ঘন ক'রে শত্রুকে সম্মুখ-যুদ্ধ দিয়েছেন,— তাঁর প্রতি আদেশ ছিল, কেবল মাত্র পথ রোধ ক'রবেন, যুদ্ধ দেবেন না, শত্রু যাতে না আহার পায়, তার চেষ্টা পাবেন,—তথাপি যে তিনি পরাজিত হ'য়ে আমার নিকট সংবাদ আনেন নাই, জীবন সম্বন্ধে ঋণশূল ত্যাগ করেন নাই, এই জন্ত তাঁকে ধন্যবাদ দিই।

দূত। জাঁহাপনা তাহির খাঁ বিপক্ষ-সৈন্য অল্প দেখে, নিশ্চয় যুদ্ধে জয় হবে অনুমানে আক্রমণ ক'রেছিলেন।

আওরঙ্গ। বাদসা অপেক্ষা স্বয়ং অধিক জ্ঞানী বিবেচনা করা তাঁর সম্পূর্ণ ভ্রান্তি, বোধ হয়, মৃত্যুকালে তার হৃদয়ঙ্গম হ'য়ে থাকবে। সকলে যান। বাদসা কিরূপ যুদ্ধ করে, যদি দেখবার সাধ থাকে, প্রস্তুত হউন।

সকলে। জাঁহাপনা, আমরা প্রাণদানে প্রস্তুত।

আওরঙ্গ। কার্যে পরিচয় পাবো।

[ আওরঙ্গজেব ব্যতীত সকলের প্রস্থান।

( অগ্নি দূতের প্রবেশ )

আওরঙ্গ। কি সংবাদ? কোন কি মুসলমান-কুলতিলক বাদসাহের প্রসাদলাভে প্রস্তুত?

দূত। জাঁহাপনা, নিবেদন ক'রতে শক্তি হয়, সমস্ত রাজ্য ঘোর আশঙ্কায় পরিপূর্ণ। সকলের ধারণা যে, সমরতান-চালিত সন্তানামী অগ্রসর হ'লে নিশ্চয় পরাজয়। কেবল একটি মুসলমান রমণী শিবির দ্বারে উপস্থিত আছে।

আওরঙ্গ। তারে সত্বর ল'য়ে এসো।

[ দূতের প্রস্থান।

পুনঃ পুনঃ পরাজয়ে সৈন্যগণ ভীত। এ ভয় না দূর ক'রলে জয়লাভের আশা নাই। যেমন হিন্দুরা শশিকলা-অঙ্কিত

মোগল-পতাকা দৃষ্টে হীনবল হয়, সন্তানামী-যুদ্ধে আমার সেনাদেরও সেইরূপ অবস্থা। কোরাণ হ'তে বয়েং উদ্ধৃত ক'রে পতাকায় দেবো; প্রচার ক'রবো, আমার প্রতি স্বপ্নে মহম্মদের আজ্ঞা হ'য়েছে,—‘কোরাণের বয়েং কেতনে থাকলে যাহু দূর হবো।’ যাহুই স্বীকার পাবো। সকলেরই কুহক ব'লে বিশ্বাস হ'য়েছে, সে বিশ্বাস কথায় দূর হবে না। সকলের ধারণা, আমি প্যাগম্বরের প্রিয়; তাঁর আদেশে আমি স্বয়ং অগ্রসর হ'চ্ছি, এ কথা জানলে যাহুর ভয় দূর হবে।

( গুলসানার প্রবেশ )

কে তুমি?

গুল। মৃত দুর্গাধিপ কারতরফ খাঁর কন্যা।

আওরঙ্গ। যে কার্যে শত-রণজয়া মহা মহা বীরগণ প্রবৃত্ত হ'তে সাহস করে না, সে কার্যে তুমি বালিকা, কিরূপে অগ্রসর হ'চ্ছ?

গুল। স্বচক্ষে দেখেছে বাদী পিতার নিধন।

নিরস্ত যখন, কাফের করিল অস্ত্রাঘাত,  
বজ্রপাত হইল হৃদয়ে,

শত্রুর শোণিত-তুষা দহে নিরস্তর;—

তুষা বলবতী—তৃপ্ত না হইবে

শত্রুর শোণিত স্রোত বিনা।

আওরঙ্গ। গুল লো যুবতি, তুমি কুলবতী,

দেখ নাই সমর কেমন।

জান না কেমনে করে সৈন্য-সঞ্চালন।

তব 'পরে গুরুভার করিব অর্পণ,

যুক্তিযুক্ত কথা নহে বালা!

বিশেষতঃ যে শত্রু-প্রভাবে,

বার বার পরাজয় পাইয়া আহবে,

যাহু জ্ঞানে সৈন্যগণে নাহি হয় স্থির,

কেমনে করিবে তুমি উৎসাহ প্রদান?

গুল। জাঁহাপনা, দেখি নাই সংগ্রাম কেমন?

যত যত হইল সমর,

উপেক্ষি গুলির শ্রেণী, কাগান গর্জন,

প্রতি রণে উপস্থিত ছিল এ অধিনা।

বুঝিয়াছি, কি কৌশলে করে আক্রমণ,

কি উপায় আক্রমণ নিবারণ-হেতু ;  
কোন স্থানে কেমনে দৈন্তের সমাবেশ,  
সবিশেষ অবগত বাদসা-কিঙ্করী ।  
কোন দীক্ষাবলে রণস্থলে দুর্দম সংনামী,  
সবিশেষ বাদী অবগত ।  
কি কুহকে চালিত সংনামী-অনীকিনী,  
জানিয়াছে ইসলাম-কামিনী ;  
নারীজ্ঞানে কর ঘৃণা জাঁহাপনা !  
সংবাদ কি দানে নাই আসি দূতগণে,  
বিপক্ষ-কেতন করে অগ্রগামী নারী ?  
নারী-মস্ত্রে সংনামী দীক্ষিত ?

আওরঙ্গ । কহ বালা, নারী-মস্ত্রে সংনামী দীক্ষিত ?

শুল । সংনামী-শ্রেণীর নেত্রী জনৈক রমণী ।  
পিতৃ-বৈরি প্রতিবিধিৎসার হেতু বালা,  
রমণীর মোহিনী প্রভাবে,  
উৎসাহিত করিয়াছে হলজীবীগণে ।  
শুভ শুভ জাঁহাপনা, কিবা মন্ত্রবলে—  
হীন কৃষিগণ এবে মোগলবিজয়ী ।  
হিন্দু-মাক্কে হয় এক দানবীর পূজা ;  
শক্তিধরা, ময়ূরবাহিনী সে আকার ।  
পূজা করি তার,  
করিয়াছে অঙ্গীকার সংনামী সকলে,  
যতদিন নাহি হয় মোগল-পতন,  
করিবে অরাতিগণ প্রণয় বর্জন ।  
কিন্তু যবে প্রণয় স্পর্শিবে  
সংনামী-নেতার হৃদে,  
সংনামী-উপাস্ত, নাম কোমারী রাক্ষসী,  
নিজ বল করিবে হরণ ;  
সমূলে নিশ্চুল হবে সংনামীর দল ।  
বিস্তারিয়া নারীর চাতুরী,  
সংনামী-নেতারে মুগ্ধ ক'রেছে কিঙ্করী ।  
হইয়াছে প্রেমের সঞ্চারণ ;  
কিন্তু সে প্রণয় পায় নাই সম্পূর্ণ বিকাশ ।  
মজাইতে তারে পুনঃ করিব কৌশল,  
চাতুরী না হইবে বিফল,  
অসংশয় অরিদল হবে ছারখার ।

জাঁহাপনা,  
যদি ধর্মের স্থাপনে, মাতৃভূমি উদ্ধার কারণে,  
হিন্দুগণে হ'ত উত্তেজিত,  
দেশ-হিতে রত,  
ধর্ম-মর্ম বুঝে হ'ত ভারত জাগ্রত,  
মোগলের সিংহাসন নিশ্চয় টলিত ।  
রাজপুত প্রতাপ রাণা প্রমাণ তাহার ;  
অটল স্বদেশভক্ত আকবর প্রভাবে ।  
শিবজী মারহাট্টা দহ্য, দ্বিতীয় প্রমাণ ;  
শিক সেনা তৃতীয় দৃষ্টান্ত নরনাথ !  
মহুম্যত্ব হেতু নহে হিন্দু অস্ত্রধারী ;  
মহুম্যত্ব হেতু কেহ অস্ত্র নাহি ধরে ;  
নিজ মহুম্যত্ব পরে নাহিক নির্ভর  
হবে জয় কোমারীর বরে,  
এ বিশ্বাস রাখিয়া অন্তরে,  
শত অরি জনে জনে করে আক্রমণ ।  
বিশ্বাস-প্রভাবে জয় লভে অনায়াসে,  
হইলে বিশ্বাসভঙ্গ নিধন নিশ্চয় ।

আওরঙ্গ । বয়সে নবীনা, কিন্তু প্রবীণা সমান  
ভারতের অবস্থা সম্পূর্ণ অবগত ।  
কিন্তু আমি বুঝিতে না পারি,  
কিরূপে প্রবল অরি বিশ্বাস-প্রভাবে ?  
জয়ী শত্রু বিশ্বাসের বলে,  
এই কি তোমার অনুমান ?  
শুনি অস্ত্র নাহি পশে শত্রুকায়,  
কামান-গর্জন, গুলির বর্ষণ—  
বিফল অরাতি-রণে ।

এ সংবাদ সত্য যদি হয়,  
বিনা সয়তান-আশ্রয়,  
কহ বালা, কিরূপে সম্ভব ?

শুল । জাঁহাপনা, করহ মাজ্জনা,  
অবোধ কিঙ্করী,  
বুঝাও ভারত-স্বামী,  
কি কুহক করিয়ে আশ্রয়,  
কোন সয়তানের দীক্ষা বলে,  
বন্দী ক'রে জনকে ব'সেছ সিংহাসনে ?

অগ্রজ তব ভুবনবিখ্যাত দারা ;  
কোন্ মস্তবলে তুমি তার রণে ?  
সহায়-সম্পত্তিহীন একলা যুবক,  
কার মস্ত্রে করিলে মস্ত্রণা,  
ভারতের রাজছত্র ধরাইবে শিরে ?  
হৃদয়ের বিশ্বাস তোমার !  
ঘোর রণসন্ধি মাঝে করিয়ে প্রবেশ,  
অরি-অস্ত্র স্পর্শে নি শরীরে ;  
বিপক্ষের গুলিবর্ষিণ কামান-গর্জ্জন,  
বিশ্বাস-প্রভাবে তব সকলি বিফল ।  
বুঝিয়াছ আপন জীবন পরীক্ষায়,  
অসম্ভব সম্ভব বিশ্বাসে !  
তবে কেন নাহি মান বিশ্বাস-প্রভাব ?  
আওরঙ্গ । বৎসে, আজি হ'তে কত্যা তুমি বাদসার ।  
মনে মনে অবশ্য মা ক'রেছ বিচার,  
বাদসার প্রকৃতি কেনন !  
নহে তুমি হেথায় না হ'তে উপস্থিত ।  
জানো তুমি বিধিমতে,  
আওরঙ্গজেব প্রত্যয় না করে কোন জনে ।  
স্বত, স্ত্রী, জায়া—  
অবিশ্বাস সকলের পরে ।  
কিন্তু কহি স্বরূপ তোমারে,  
চাহ যদি ল'য়ে যেতে সমতান-সম্মুখে,  
না হ'ব পশ্চাৎপদ জানাই নিশ্চয় ।  
এস মাতা, নহে ইহা মস্ত্রণার স্থান,  
প্রতি ইষ্টকের আছে কাণ ।  
মস্ত্রণা করিব বৎসে, মৃত্তিকা-গহ্বরে,  
যথা করি দেব উপাসনা  
ময়ূর-আসন ত্যজি ।

গুল । আছে কার্ধ্য বহুতর, যাইব সম্বর,  
রেখেছি ঘোটকশ্রেণী পথে ।  
না হইতে চন্দ্রমা উদয়,  
অরাতি-সৈন্যের পার্শ্বে যাইতে হইবে ।  
শিবিরে আসিয়ে পুনঃ জানাব সেলাম !

আওরঙ্গ । বৎসে, তব যথা অভিরুচি ।

## মঠ গাভীক্ষ

গুলসানার শিবির

( রণেন্দ্রের প্রবেশ )

রণেন্দ্র । এই তো শিবির, কিন্তু কাহারে না হেরি !  
পত্রে বামা করিয়াছে অঙ্গীকার,  
বারেক যতপি মম পায় দরশন,  
দেখা দিতে অনুরোধ না করিবে আর ।  
লিখিয়াছে,—‘এই শেষ দেখা,’  
অর্থ কিবা ?  
মনঃ-খেদে যাইবে কি বিদায় লইয়ে ?  
কিছা আত্ম-বিসর্জন পণ,  
প্রেমের সম্ভাপে কিছু নহে অসম্ভব ।  
ক্রত অশ্ব চালনে কে আসে ?  
আসিয়াছি বহুক্ষণ,  
আসে কি সৎনামী কেহ কোন বার্তা ল'য়ে ?  
অধীর হৃদয়, ফলাফল বুঝিতে না পারি ।  
চিত্ত বিচলিত,  
নিজ চিত্তে স্থাপিতে প্রত্যয় সাহস না হয় ।  
মনে জাগে মুসলমানী ।  
জাগে মনে রুক্ষকেশা মলিনবসনা,  
জাগে মনে নয়নে নীরদধারা,  
জাগে মনে জাহ্নু পাতি তুলিয়ে বদন,  
যোড়করে মিনতি আমায় ।  
পশিয়াছে প্রেম কি হৃদয়ে ?  
অস্তুর কি করে প্রতারণা ?  
ধরি দয়ার আকার,  
প্রেম কি ক'রেছে ছার হৃদি অধিকার ?  
এই শেষ, আর না আসিব ;—  
ষতদিন শত্রু নাহি নাশি,  
আর দেখা নাহি দিব ।

[ উত্তরের প্রস্থান ।

( গুলসানার প্রবেশ )

- এ কি !  
 শ্রমবারি বহে তব কায়,  
 দৃষ্টি তব উন্মাদিনী প্রায়,  
 কোথা ছিলে ?—বহুক্ষণ আছি প্রতীক্ষায় ।
- গুল । দেখি বিলম্ব তোমার,  
 মনে মনে করিছ বিচার,  
 তুমি না আসিবে, মম শেষ আশা না পূরিবে,  
 দরশন আর না পাইব ।  
 সে কারণ ক'রেছি যে পণ,  
 কতদূর সে সঙ্কল্প শাস্ত্রের সঙ্গত,  
 চিন্তা করিলাম যদি বিজন প্রদেশে ।  
 পুনঃ হ'লো মনে, নিদয় নহ তো তুমি—  
 অধিনীরে করিয়ে স্মরণ,  
 বুঝি বা দানিবে দরশন ।  
 দেখি মিথ্যা বলে নি হৃদয় ।
- রণেশ্বর । শীঘ্র কহ তব প্রয়োজন ।  
 সুসজ্জিত সত্রাট স্বয়ং,  
 আসিয়াছি বহু কার্য্য ত্যজি ।
- গুল । ওহে মহাজন, কিছু আর নাহি প্রয়োজন,  
 পেয়েছি দর্শন, সফল জীবন মম ।  
 বড় সাধ ছিল মনে বারেক হেরিব,  
 পূর্ণ আশা বীরবর রূপায় তোমার ।  
 যাও ফিরে, হ'লে রণজয়,  
 কভু মনে ক'রো অভাগীরে ।  
 নিষেধ তোমার—প্রেম নাহি চাই ।  
 যদি দয়াগুণে, তিলমাত্র স্থান পাই তব মনে,  
 প্রেত-আত্মা তৃপ্ত হবে এ দাসীর ।  
 যাও বীর, পূর্ণ সাধ তোমার প্রসাদে ।
- রণেশ্বর । বাক্য তব বুঝিতে না পারি,  
 কহ লো সুন্দরি,  
 শেষ সাধ—প্রেত-আত্মা—এ কি কথা শুনি ?
- গুল । মহাত্মতে ত্রতী মহাশয়,  
 ছার রমণীর পণ কে শুনিবে আর ।  
 সিদ্ধ মনস্কাম,  
 গুণধাম, নিজ কার্য্যে করহ গমন ।

- রণেশ্বর । কহ কি কারণ,  
 করিয়াছ কি কঠিন পণ ?  
 কহ কেন শেষ সাধ পূর্ণ তব ?
- গুল । শুন বীরমণি, হৃদি দহে প্রবল অনলে ;  
 কে জানে মরণে বহি হবে কি শীতল !  
 প্রাণ বিসর্জন বিনা নাহিক উপায় ।  
 তুমি হে কুমার, আশ্রয় কোমার-ত্রত,  
 দৃঢ়পণ তুমি গুণধাম,  
 তব মনে না পাইব স্থান,  
 তবে কেন সহি দারুণ যন্ত্রণা !  
 নরকে নাহিক অগ্নি হেন,—  
 তাপ যার প্রেমায়ি হইতে ।  
 শাস্ত্রে কয়,—  
 'নিশ্চয় নিরয়গামী আত্মঘাতী প্রাণী !'  
 খেদ নাহি তায়,  
 শীতল নরক-বহি এ বহি হইতে !  
 স্বামি, পতি, প্রাণেশ্বর ! প্রণাম চয়ণে ।

[ গুলসানার প্রস্থান ।

- রণেশ্বর । শুন, শুন, কোথা যাও ?

[ পশ্চাৎ পশ্চাৎ প্রস্থান ।

( পট পরিবর্তন )

বনপথ

( রণেশ্বরের প্রবেশ )

- রণেশ্বর । কোথা গেল ? মিশাল অনিলে !  
 হইলাম রমণীর নিধন-কারণ ।  
 ওহো বুঝেছি হৃদয়,  
 সর্বনাশ, ভালবাসি মুদলমান-দুহিতারে !  
 হায় কেন করিলাম মুকুট গ্রহণ !  
 স্বভাতির ধ্বংসের কারণ—  
 জনম কি অভাগার ?  
 গুরুদেব, গুরুদেব ! দেখা দাও,  
 অস্তরের কলুষ করহ দূর ।  
 মজিল মজিল, ত্রত ভঙ্গ হ'লো,  
 ছিঃ ছিঃ, কোন দহে মন নাহি বুঝে ।

ধন, প্রাণ, মন—করি সমর্পণ,  
নিজ ধর্ম করিয়ে বর্জন,  
হিন্দু ধর্মে হইল দীক্ষিতা—  
আমার প্রণয়-আশে ।  
রাখিবারে সৎনামীর পণ,  
সবতনে মনোভাব ক'রেছে গোপন,  
দিল শেষে আত্ম-বিসর্জন  
দারুণ প্রেমের দায় ।  
ফুলশর ! তব শর তীক্ষ্ণ অতিশয়,  
অস্থির পুরুষ-হৃদি !—  
কোমল নারীর প্রাণ সহিবে কেমনে !

( বৈষ্ণবীর প্রবেশ )

বৈষ্ণবী । কহ ভাই, বিজনে বসিয়ে কি কারণ ?

সজ্জিত সত্রাট্ রণে ।  
উৎসাহিত সৎনামী-বাহিনী,  
উল্লসিত আসন্ন বিগ্রহে,  
আছে তব আজ্ঞা-প্রতীক্ষায় ।  
নেত্রাবন্দ অধীর সকলে,  
দিতে হানা করিছে মঙ্গলা ।  
এসো এসো, নিশ্চেষ্ট কি হেতু ভ্রাতঃ ?

রণেন্দ্র । ভগ্নি, হেরি তরবারি আছে তব করে,  
বিদরি হৃদয়, যন্ত্রণা করহ অবমান ।  
যোগ্য নহি সৎনামীর নামে অ'র ;  
কোমারী মাতার অভিশাপগ্রস্ত এ অভাগা,  
স্পর্শিয়াছে প্রণয় অন্তরে ।  
অক্ষম অধম ।

বিমল সৎনামী-অনিকিনী—  
চালিবার নাহি শক্তি আর ।  
হৃদয়ে হতাশ, নাহি প্রতিহিংসা-আশ,  
ধর্ম, কর্ম, উচ্চ ব্রত দিছি বিসর্জন ;  
রমণী-প্রণয়-মুগ্ধ—বধ' পাপিষ্ঠেরে ।

বৈষ্ণবী । মিথ্যা কথা !

দয়া-মধু-পূর্ণ তব হৃদি,  
তাই ভাব প্রণয়-আসক্ত তুমি ।  
অন বাণী, কটিলে সে মুসলমানী,—

তোমাতে মজাতে,  
উচ্চ-ব্রত ভঙ্গের কারণ,  
পাপীয়সী করিয়াছে ভাণ ।  
অন্তরের দুর্বলতা করি পরিহার,  
যাও ভ্রাতা, যাও ।  
মার্জনা মাগিয়া দেবী কোমারীর পায়,  
বীরমণি, সাজায়ে বাহিনী, বিনাশ সত্রাট্-চমু ।  
ময়ূর-আসনে—

তব শিরোমুকুট করহ সংস্থাপন ।  
পাপিষ্ঠ মোগল-নাশ এখনি হইবে ।  
মুগ্ধপ্রায় নাহি রহ আর,—  
রণনাদে হৃদি-দুর্বলতা যাবে দূরে ।  
যাও শীঘ্র বাহিনী মাঝারে,  
নহে সবে হবে ভগ্নোত্তম ।  
যাও যাও, বিঃস্ব করহ কি কারণ ?

রণেন্দ্র । শুন ভগ্নি,  
তব বাক্যে যাইৎ সমরে ।  
কিন্তু শুন, অণ্ডে করো মুকুট অর্পণ ।  
আমি অভাজন ;  
ভার লাগে বীর-পরিচ্ছদ,  
অসি ভার বহিতে অক্ষম ভুঙ্গ ।  
কহিছে অন্তর, আমি মহা অপরাধী ।  
তুমি কোমারীর প্রধানা কিঙ্করী,  
তব বাক্যে হয় যদি কলুষ মোচন,  
তবে শ্রেয়, নহে হায় সকলি মজিবে ।

বৈষ্ণবী । যাও যাও, বিলম্ব না কর,  
নির্মল কুমার সম তুমি,  
বিধর্মী বিপক্ষ নাশ এখনি হইবে ।  
কহি সত্য, প্রেমে মুগ্ধ নহে তব চিত ।

রণেন্দ্র । দেবী তুমি, যাই তব বাক্য-অনুসারে ।

[ রণেন্দ্রের প্রস্থান ]

বৈষ্ণবী । মাতা কোমারী জননি,  
বিচঞ্চল দাসীর অন্তর ।  
বুঝেছি গো বুঝেছি মা শক্তি-সঞ্চারিণি !  
কলুষিত রণেন্দ্র-হৃদয় ।

প্রায়শ্চিত্ত হেতু তার উর শুভকরি !  
কোটি জন্ম তব পায় করি মা অর্পণ ।  
যেই শাস্তি নাহিক নরকে,  
কোটি জন্ম সেই শাস্তি দেহ ছুহিতায় ।  
হও মা সদয়া,  
রণজয় দেহ মাতা সমর অঙ্গনা !

( গুলসানার প্রবেশ )

গুল । শুন শুন শুন বীরাজনা !  
কোটি জন্ম করিয়ে অর্পণ,  
প্রেম-স্বতি হবে না মোচন ।  
নাহি শক্তি আর দেবীর তোমার,  
রোধিবারে মোগলের বল ।  
চিন্তা কিবা কর মনে ?  
কর' তব অসি উন্মোচন,  
নিধন করহ মোরে ।  
কার্য্যসিদ্ধি হ'য়েছে : আমার,  
জীবনের নাহি সাধ আর,  
হয় যদি তব করে আমার সংহার,  
আছে দূত মম, জানাইতে সেই সমাচার ।  
শুনি মম মরণ-সংবাদ,  
সৎনামী-নেতার—  
শতশ্রুণে বৃদ্ধি হবে মনের বিকার ;  
নহে অসি নাই তব অঙ্গমুখে ।  
শুন, কিবা হেতু মম আগমন,—  
জালাইতে তব অমুতাপ ।  
চিনেছ কি কেবা এ রমণী ?  
দুর্গমাঝে—বিবশা পিতার শোকে  
দেখেছিলে যারে ।  
জয়-আশা করহ বর্জন,  
ফিরাও সৎনামীশ্রেণী,  
বহু হত্যা দেখিবে কি হেতু ?  
যা চাহিব—বাদসা দানিবে,  
মার্জনা চাহিব আমি সৎনামীর তরে ।  
ফিরাও সৎনামীগণে ঘরে ।  
দারু-পুত্র অনাথ কাঁদিবে,

কোপে মোগল সম্রাট—  
বিভ্রাট ঘটাবে হিন্দুস্থানে ।  
হিন্দু হবে অধিক পীড়িত ।  
রণেন্দ্রে ক'রেছি বরণ,  
হিন্দু আমি, নহি মুসলমানী,  
তাই কহি হিন্দুগণ-কল্যাণ-কারণ ।  
যাও ফিরে, সমরে না হবে কতু জয় ।  
বুঝে দেখ, তব মনে জন্মেছে সংশয় ।  
প্রেমাসক্ত নেতা,  
সন্দিগ্ধ-চিত্ত পতাকা-ধারিণী—  
বীজহীন-মস্ত্রে আর কি ফলিবে ফল—  
বুঝ' মনে সুবদনি !

বৈষ্ণবী । ভগ্নি—ভগ্নি,—  
যদি হিন্দু-ধর্ম তুমি ক'রেছ গ্রহণ,  
কহ রণেন্দ্রে প্রতারণা ক'রেছ তাহারে ।  
হিন্দু হ'য়ে হিন্দুর ক'রো না সর্কনাশ !  
আমি দাসী হবো, তোমায়ে সেবিব,  
দেবীজ্ঞানে পূজা তব হইবে ভারতে ।  
ধরি তব পায়—  
রক্ষা করো হিন্দুরে কৃপায়,  
যাও দেবি, রণেন্দ্র-সঙ্গীপে,  
কহ তারে, করিয়াছ প্রতারণা,—  
রণে তারে দেহ উত্তেজনা ।  
শুণবতি, রাখ' রাখ' দাসীর মিনতি !

গুল । ভগ্নী বলি সম্ভাব আমায়, —  
বিচারিয়া আপন হৃদয়,  
বুঝ তুমি অণ্ডের অন্তর ।  
আমি তব রণেন্দ্রের প্রেমের অধিনী,  
প্রেমের শক্তি ভাল জানি ।  
তব কথামত গেলে রণেন্দ্র-সঙ্গীপে,  
কহি যদি কহিলে যেমত,  
বিপরীত হবে তায় হিতে ।  
জান, কি বুঝিবে নেতা তব ?  
পূর্বে চল করিয়াছি যাহা—  
তাহা না বুঝিবে,  
এবে করি চল তার কল্যাণ কারণ,



মধুর-বচনে বুঝাবে অন্তর তার,—  
 শতশ্রুণে প্রেম বৃদ্ধি পাবে ।  
 জান না—জান না ভয়ি, প্রেমের চরিত,  
 নহে তুমি বুঝিতে নিশ্চিত,  
 কি হেতু পরশুরাম আসিয়াছে রণে ?  
 তোমার কারণে !  
 ভয়ী বলি করে সম্ভাষণ,—  
 প্রত্যয় না কর সে বচন ।  
 কেশ ছিন্ন হইলে তোমার,  
 দারুণ আঘাত বাজে অন্তরে তাহার ।  
 দেখনি সমরে,—  
 যথা তুমি তথায় পরশুরাম ?  
 তব প্রেমশূণ্য হৃদি,—  
 বুঝ নাই সে কারণ ।

বৈষ্ণবী । কহ ভয়ি, আছে কি উপায় ?  
 এ সঙ্কটে করহ উদ্ধার ।  
 হিন্দুস্থান হিন্দুর বসতি,  
 হিন্দু তুমি গুণবতী,  
 তবে কেন সাধ ভয়ি, হিন্দুর অহিত ?  
 শুন ভয়ি, ছিলে উন্মাদিনী,  
 সমরে কি হেতু আজ পতাকাধারিণী ?  
 প্রতিবিধিৎসার হেতু !  
 বুঝ' আপন হৃদয়ে পরের অন্তর-দাহ ।  
 নাহি কি অন্তর-তাপ মম ?  
 অস্ত্রহীন স্নেহময় জনক নিহত,  
 স্বচক্ষে দেখেছি আমি বিধগ্নীর করে ;  
 দেখিছাছি মরণ-যন্ত্রণা ।  
 মৃতদেহ মাত্র তুমি দেখেছ পিতার,—  
 পিতৃ-মৃত্যু দেখেছি সম্মুখে ।  
 প্রতিবিধিৎসার হেতু করি পলায়ন,  
 নহে প্রাণভয়ে,—  
 ক'রেছিলে যবে মম বধের কামনা ।  
 কর নাই পিতার সংকার ;  
 মৃত-পিতা করি পরিহার,  
 আমিও ক'রেছি পলায়ন ।  
 বরিয়াছি পণ !—

জান ভাল রমণীর মন,  
 সাগর শুধিবে, স্মেরু টলিবে,  
 নারী-প্রতিহিংসানল না হবে নির্বাণ ।

[ প্রস্থান ।

বৈষ্ণবী । মা কোমারি—মা কোমারি ! কি হ'লো !

## পঞ্চম অঙ্ক

—••—

### প্রথম গর্ভাঙ্ক

রণস্থল ।

রণেন্দ্র ও বৈষ্ণবী ।

রণেন্দ্র । শুন ভয়ি, সফল প্রার্থনা,  
 ক'রেছেন মহাদেবী মার্জনা আমায়,  
 পুনঃ হৃদে সাহস সঞ্চার ।  
 কিন্তু সত্য কহি,  
 এখনো হৃদয়ে আছে মুসলমানী-ছবি ;  
 স্মৃতি-মাঝে বিরাজে মূর্তি,—  
 রাখি প্রাণ স্মৃঢ় বন্ধনে ।  
 কিন্তু হ'লে অশ্রুমন—  
 সেই চিন্তা উঠে চিতে ।  
 সেই হেতু মিনতি তোমায়,  
 পুনঃ যদি হই আকর্ষিত,  
 যাই যদি মুসলমানী পাশে,

উপেক্ষিয়া ভ্রাতৃ স্নেহ ব'ধো এ অধমে ।  
মাতার নিকটে চেয়েছি মার্জনা ।  
স্মরি মায়ের চরণ করিয়াছি পণ,  
যত্বপি স্বক্ষে দেখি বধে কেহ তারে,  
প্রাণ ভয়ে যত্বপি সে ডাকে সকাতরে,  
ফিরে নাহি চা'ব,—অন্ত পথে যা'ব ।  
আনন্দের সমরে তুমি রহ মোর সাথে,—  
তিল মাত্র বিচলিত দেখিবে যখন,  
তীক্ষ্ণ অস্ত্রে করিও নিধন ।

বৈষ্ণবী । ভাব কেন হে বীরকেশরি !

স্পর্শে নারী সবার হৃদয়,  
বীর তার নাহি হয় বিচলিত ।  
ফুলশরে কম্পিত শঙ্কর,  
যোগভঙ্গ হ'য়েছিল তাঁর,  
কিন্তু যোগীশ্বর—  
মদন-দাহন করিলেন নয়ন-অনলে—  
স্মরহর নাম সে কারণ !  
মন্মথের শরাঘাতে না হয় কাতর,  
অধিক মাহাত্ম্য জেনো তাঁর ।  
স্বসিদ্ধ সঙ্কল্প যেই, বীর—দৃঢ়পণ,—  
হৃদয়দৌর্বল্য পারে করিতে বর্জন,  
তা হ'তে মহৎ কেবা এ তিন ভুবনে ?  
অস্ত্রাঘাত বিনা কেহ না হয় কাতর ;  
কিন্তু প্রবল আঘাতে যেই বীর রহে স্থির,  
ধন্য বলি মাহাত্ম্য তাঁহার ।  
কৌমারীর প্রিয়পুত্র তুমি মগনতা,  
এস আশুগতি, ভেদ করি বিপক্ষের শ্রেণী ।

[ উভয়ের প্রশ্নান ।

পরশু । চারিদিকে অরি !—

কোথায় বৈষ্ণবী, পতাকা না হেরি তার ?  
অসংখ্য বিপক্ষদল সাগরের প্রায় ।  
অধীর অন্তর মম বৈষ্ণবী কারণ ;  
একাকী কামিনী, ভেদিয়াছে বিপক্ষের শ্রেণী ।  
ওই দূরে নেহারি পতাকা,  
চারিদিকে অরাতিবেষ্টিত ।

এস—এস সবে দ্রুতগতি,  
পতাকা অরাতি যেন না করে গ্রহণ ।

[ পরশুরামের প্রশ্নান ।

( হৃদলে বৈষ্ণবীর প্রবেশ )

বৈষ্ণবী । হে সঞ্জিনি, সমররঞ্জিনি,  
ছারখার বিপক্ষবাহিনী ।  
বামপক্ষ নেহারি দুর্কিল,  
অরিদল প্রবল নেহার' ।  
বিদ্যাংগমনে—অসি সঞ্চালনে—  
এস বামপার্শ্ব ভেদি অরাতির ।

( পরশুরামের প্রবেশ )

ভীক, ত্যজি সেনাদল,  
আসিয়াছ ধরিবারে নারীর অঞ্চল !  
তাই বামপক্ষ হীনবল ।  
শক্তি যদি নাহি তব ভেটিতে মোগল,  
কোষে অসি করিয়া স্থাপন,  
কর দরশন,  
বীরাক্ষনাগণে কেমনে চরণে,  
দলে যত বিধর্মী মোগল ।

[ হৃদলে বৈষ্ণবীর প্রশ্নান ।

পরশু । পার্শ্বে তব জীবন ত্যজিব,  
এই মাত্র কামনা আমার ।

[ পরশুরামের প্রশ্নান ।

( চরণদাস ও ফকিররামের প্রবেশ )

ফকির । বাপু চরণ, বৃদ্ধ হ'য়েছি, দৃষ্টি ভাল চলে না,  
ঠাউরে দেখো দেখি, বাদ্‌সার ছত্র কোথায় ? এ না ঝকমক  
ক'চ্ছে হে ?

চরণ । আজ্ঞে ঠাওর ক'চ্ছি বটে, ঝ'ক্ছে বটে ।

ফকির । অনেকগুলো মুসলমান চারদিকে ঘেরে  
র'য়েছে না ?

চরণ । আজ্ঞে তাই তো বটে—র'য়েছে বটে ।

ফকির । তা দেখ, আমাদের সেনাবা যেমন দক্ষিণপার্শ্বে  
ল'ড়ছে—লডুক । ও মুসলমানগুলো তুলোর মত উড়ুগো  
বলে । জন পকাশ এ দিক ও দিক হ'তে টেনে নিয়ে  
বাদ্‌সার দেখা পাবো না ?

চরণ। আজ্ঞে আমি দেখা ক'রে আসছি, আপনি  
দাঁড়ান।

ফকির। তা বাপধন, দোষ কি? বুড়া হ'য়েছি, একলা  
থাকতে পারি না,—যাই না তোমার পাছু পাছু।

| উভয়ের প্রস্থান।

( পট পরিবর্তন )

যুদ্ধক্ষেত্রের অপর পার্শ্ব

আওরঙ্গজেব।

আওরঙ্গ। অভয়-হৃদয় মোগল নিচয়,  
কোরাণ-বয়েত হের অঙ্কিত কেতনে,  
কতক্ষণ দেওগণ সহিবে সমর?  
সয়তানি-কুহকে কি পতাকা গুড়াইবে?  
হের ধূমকেতু সম চন্দ্রকলা-অঙ্কিত পতাকা,  
করিবে অনল বরিষণ,  
হবে শত্রু এখনি নিধন।  
প্রাণসম পাতঙ্গার তোমরা সকলে,  
অসংখ্য সমরে সাথী,  
তুচ্ছ এ অরাতি,  
দল' বীরবৃন্দ, বাহুবলে।  
হিন্দুস্থানে হিন্দু নাম আর না থাকিবে,  
ইসলামের মহিমা রহিবে,  
কিবা ভয়, হও অগ্রসর;—  
কিন্তু যদি সমর কাতর  
অটল মোগল-অনিকিনী,  
দেখ' একা পাতঙ্গা তোমার,—  
হস্তা-সঞ্চালনে নাশিবে বিপক্ষগণে।  
হে হামিদ, রক্ষা কর বাহিনী তোমার;  
পাতি জাহ্নু দৃঢ়করে বন্দুক ধরিঘে,  
সঙ্গীন কণ্টকে—  
ছিন্ন কর' বিপক্ষের আসোয়ার;  
শেনীয়াবে ঘেন নাহি পশে।

হে বিষণ সিং, সমরে প্রবীণ,  
বজ্রের সম'ন সহস্র কামান—  
আছে তব আজ্ঞা-অপক্ষায়  
ভস্মিবারে অরিগণে অনল জ্বলনে।  
( স্বগত ) মজিল মজিল রণে নাহি পরিভ্রাণ,  
অতি বলবানু এই ভিক্ষুকগণলী।  
দেখিয়াছি অনেক সংগ্রাম—  
সমরে রাজপুত করে প্রাণ তৃণজ্ঞান,  
মহারাষ্ট্র—মুহূ নাহি গণে,  
কিন্তু কেহ নহে সৎনামী-সোদর;  
চূর্ণ সেনা ঘোর আক্রমণে।  
অস্তুত টনা! সমরে অঙ্গনা  
কেতনধারিণী, আয়ুধচালিনী,  
মত্ত-মাতঙ্গিনী সম দলে দলবল।  
হেতায় সেথায়,  
কোটি কোটি দামিনীর প্রায়,  
নলকি দলকি খেলে বীরবামাশ্রেণী।  
কঠোরনাদিনী!—  
গর্জনে চমকে মম চমু।  
যাই আমি বিপক্ষ সম্মুখে,  
নহে—  
শ্রেণীভঙ্গ ভগ্নোৎসাহ সেনা না ফিরিবে।  
জনকে করিয়ে বন্দী, বধি ভ্রাতৃগণে,  
ক'রেছি কি দিল্লী-সিংহাসন উপার্জন,  
মোগলের ময়ূর-আসন—  
অপিতে সৎনামী করে?

( মুলসানার প্রবেশ )

দেখ সর্কনাশ! বিফল কৌশল তব;  
মুহূর্ত্তে মজিব, হবে সৎনামীর জয়।  
জাঁহাপনা,  
ক্ষণমাত্র স্থির হ'য়ে কর দরশন।  
দেহ পক্ষজন মোগল আমায়।  
হিন্দুবেশ করিয়া ধারণ—  
যথা আমি করিব গমন,  
যায় ঘেন পাছু পাছু মোর;  
যেন বন্দী করিবারে, অথবা লইতে প্রাণ।

হিন্দুগণে ভাবে মোরে সৎনামী রমণী ।

হের গুপ্ত সৎনামীর বেশ,

প্রতারিত মোগল না হয় অরিজ্ঞানে ।

( মরতরজ খাঁর প্রবেশ )

আওরঙ্গ । মরতরজ খাঁ, হও মোর কন্ঠার অধীন ।

[মরতরজ খাঁ সহ গুলসানার প্রস্থান ।

নিশ্চিত হইতে নারি নারীর বচনে,

যায় যাবে প্রাণ, হই অগ্রসর রণে ।

[আওরঙ্গজেবের প্রস্থান ।

\*( সৈন্যগণ সহ রণেন্দ্রের প্রবেশ )

রণেন্দ্র । দেখ দেখ, মোগল রাজপুত—

শিবা সম করে পলায়ন ।

ধাও পশ্চাতে সবার,

জর্নৈক না ত্যজে রণস্থল ।

[ দুই জন ব্যতীত সৈন্যগণের প্রস্থান ।

সম্রাটের যোগ্য আওরঙ্গজেব,

এ বৃদ্ধ বয়সে ধরে অসীম সাহস ।

নিজ হস্তী করিল নিধন,

না যাইবে সন্নর ত্যজিয়ে ।

বাদসার রক্ষা হেতু

শ্রেণীবদ্ধ মোগল আবার ।

দৃঢ় অস্ত্রে করি আক্রমণ

বন্দী করি মোগল-ঈশ্বরে ।

( হামিদ খাঁ ও বিষণ সিংহের প্রবেশ )

উভয়ে । রণসাধ দেহ বিসর্জন ।

রণেন্দ্র । বাতুল মোগল,

বাতুল রাজপুত কুলঙ্গার !

( স্বপক্ষীয় সৈন্যদ্বয়ের প্রতি )

দেখ' কেহ না হও সহায়,

বুকু মোগল—

কত বল সৎনামীর করে ।

( যুদ্ধ করিতে করিতে বিষণ সিংহ ও হামিদ

খাঁর পতন ও রণেন্দ্রের বিষণ সিংহের

বন্ধের উপর উপবেশন )

( সৎনামী সৈনিকবেশে করিমের প্রবেশ )

করিম । প্রভু, হেরিলাম দূর হ'তে—

যুঝে একা কনী নারী—

পঞ্চজন মোগলের সনে ।

রণেন্দ্র । নিশ্চয় শমন ক'রেছে অরণ—

সেই পঞ্চ জনে ।

( রক্ষিষয়ের প্রতি ) এস বীর দ্বয়,

রক্ষা করি অবলায় ।

[ পতিত বিষণ সিংহ ও হামিদ খাঁ ব্যতীত

সকলের প্রস্থান ।

বিষণ । ( উখিত হইয়া )

মৃত্যু কি ভুলেছে অভাগায়,

হই নাই হত, এখনো জীবিত ?

লেপিনু কলঙ্ক-কালি রাজপুত নামে !

[ বিষণসিংহের প্রস্থান ।

হামিদ । ( উখিত হইয়া )

দৃঢ়করে ধরে অদি অরি ।

ঘৃণিত বদন পাতসায় আর না দেখাব ।

ওই সেই বীর, কোথা গেল ! করি অন্বেষণ ।

[ হামিদ খাঁর প্রস্থান ।

( পট পরিবর্তন )

যুদ্ধক্ষেত্র ।

( পঞ্চজন মোগলসহ কপট-যুদ্ধ করিতে করিতে

গুলসানার প্রবেশ ও পতন )

( রণেন্দ্রের প্রবেশ ও মোগল সৈন্যগণকে

পরাস্ত করণ )

রণেন্দ্র । উঠ উঠ স্ববদনি,

পতিত মোগল হের তব পদতলে ।

গুল । কে রণেন্দ্র, তব ধর্ম ভঙ্গ হবে,—

যাও যাও—থেকে না হেথায়,

শত্রু আমি কহে তব বন্ধুগণে ।  
শত্রু- শত্রু, নাহি রহ শত্রুর নিকটে ।  
যাও—যাও,  
তাজি প্রাণ 'জয় জয় সৎনাম' বলিয়ে ।

রণেন্দ্র । নহ শত্রু !  
একাকিনী রণস্থলে রাখিয়া তোমাতে  
কেমনে যাইব ?  
এস এস হৃদয়নি,  
শত্রু জ্ঞান আর না করিবে,  
মহা সমাদরে,  
বৈষ্ণবী তোমাতে দিবে স্থান ।

গুল । জয় জয় অঙ্গ মম অস্ত্রের আঘাতে,  
উঠিবার নাহিক শক্তি ।  
রণেন্দ্র । এস চন্দ্রাননি, করি তোমাতে বহন ।  
( গুলসানাকে উত্তোলন, দুর্বলতা ভাণে  
গুলসানার রণেন্দ্রকে আলিঙ্গন )  
এ কি, বিদ্যুৎ ঝলক সম উখিত প্রবাহ শিরে ;  
কণ্টকিত সর্ক অঙ্গ বামার পরশে,  
যায় যাক প্রাণ,—করি বদন চুষন !  
( চুষন ও মস্তক হইতে মুকুট স্থলিত হওন )  
( হামিদ খাঁ, বিষণ সিংহ ও করিমের প্রবেশ )

করিম । আর তব নাহিক নিস্তার :  
রণেন্দ্র । এ কি, জীবিত কি মৃত !  
সকলি সম্ভব, থমেছে মুকুট শিরে !  
বলহীন বাছ পুনঃ আয়ুধ ধারণে !  
গুল । ত্যজ অস্ত্র, নাহি আর কৌমারী সহায় ।  
নহে প্রতারণা,  
সত্য কহি, পতি তুমি মম,  
সত্য মুসলমান-ধর্ম করিয়ে বজ্জন,  
তব ধর্ম ক'রেছি গ্রহণ ।  
বধ মোরে নিজ করে ।  
জানি তব শাস্ত্রের বচন,  
মরিলে পতির করে হয় উর্দ্ধগতি ।

রণেন্দ্র । শুন শুন, যে হও সে হও,  
তব মুখচন্দ্র হেরি আঘাতিতে নারি,  
তব ছবি পূর্ণ মম আপাদ-মস্তক !

ধর্ম, কর্ম, গৌরব সকলি পরিহরি  
হৃদিমাঝে স্থান দান ক'রেছি তোমায় ;  
নাহিক উপায়,  
তুমি মে র হৃদয়-ঈশ্বরী !

গুল । ( স্বর্গের প্রতি )  
কর বাদসার কার্য,  
নিরস্ত কি হেতু ?  
করিম । ( রণেন্দ্রের অস্ত্র কাড়িয়া লইয়া ) ম'শায়, আসুন ।  
[ রণেন্দ্রকে লইয়া গুলসানা, বিষণসিংহ, হামিদ খাঁ  
ও করিমের প্রস্থান ।

( বৈষ্ণবীর প্রবেশ )

বৈষ্ণবী । গেল গেল, সকলি মজিল,  
ছিন্ন ভিন্ন সৎনামার শ্রেণী !  
আরে ভীকু সেনাগণ,  
পলায়ন কর কি কারণ ?

নেপথ্যে । পলাও, পলাও,  
নহে ত মোগল—কালান্তক ধম ।

বৈষ্ণবী । হায় বুঝিলাম এতক্ষণে,  
কৌমারীর প্রসাদ-মুকুট লুপ্তিত ধরণীতলে !

( মুচ্ছা )

( ফকিররামকে ধরিয়া চরণদাসের প্রবেশ )

ফকির । ছাড় পামর, গুরু-আজ্ঞা লঙ্ঘন করিস্ নে,  
তোমর নরক হবে । ছাড় বর্কর ! চরণ—চরণ, তোরে  
মিনতি ক'রছি, আমায় বোঝা, এ ছার প্রাণের প্রয়োজন  
কি ? চরণ, তোমর হাতে অস্ত্র আছে, আমায় বধ কর !  
আর যন্ত্রণা নয় না - আর যন্ত্রণা নয় না !

( মুচ্ছা )

বৈষ্ণবী । ( উখিত হইয়া ) পিতা—পিতা,  
আছে এখনও উপায়,—  
ধরি মুকুট মাথায়,  
আমি যাব রণে ।

( পরশুরামের প্রবেশ )

পরশু । ( স্বর্গত ) নহে একা,  
আমি যাব পার্শ্বে তব ।

[ বৈষ্ণবীর পশ্চাতে পরশুরামের প্রস্থান ।

ফকির। ( উঠিয়া ) চরণ—চরণ, কি আনন্দের দিন !  
জয়লাভ হয়েছে, স্বহস্তে বিধর্মী বাদসার মুণ্ড ছেদন ক'রবো।

[ ফকিররামের বেগে প্রস্থান।

চরণ। ( স্বগত ) ভয় কি চরণ, আপনার মাথা আপনি  
কাট'বি।

[ চরণদাসের বেগে প্রস্থান।

( কয়েকজন মোগল-সৈনিকের প্রবেশ )

১ম সৈনিক। পশ্চাৎ পশ্চাৎ ধাবমান হও, যার পাও—  
বধ কর, আহতকে বধ ক'রতে ঘৃণা ক'রো না।

( ফকিররাম ও পশ্চাতে চরণদাসের প্রবেশ )

ফকির। তবে আপনি মরো।

( ১ম সৈনিককে অস্ত্রাঘাত, সৈনিকের মৃত্যু,  
ফকিররামের মূর্ছা। )

২য় সৈনিক। তবে রে কাফের !

চরণ। ওঃ, তোমাদের বাপ দাদা ডেকেছে।

[ চরণদাসের সহিত যুদ্ধে সৈন্যগণের পলায়ন।

চরণদিকে মুসলমান, কোথায় নিরাপদ স্থান, প্রভুকে কোথায়  
ল'য়ে যাই ? সংনাম ! তোমার চরণে ভিক্ষা, গুরুহত্যা না  
দেখতে হয় ! দোহাই সংনাম !—দোহাই সংনাম !—ভিক্ষা  
দাও—ভিক্ষা দাও ! ( ফকিররামকে উত্তোলন )

ফকির। চরণ—চরণ, আমি বন্দী হ'য়েছি ?

চরণ। আজ্ঞে, আজ্ঞে—

ফকির। দেখ চরণ, তুমি ম'রে যাও, আমায় নরকে  
ল'য়ে যাবে, দেখে তোমার প্রাণে আঘাত লাগবে।

চরণ। প্রভু—প্রভু, দাসের বৃকে বজ্রাঘাত ক'রবেন  
না। ইন্দের আসন আপনার জন্ত প্রস্তুত, ব্রহ্মলোকে ব্রহ্মার  
আসন আপনার জন্ত শূণ্য, প্রভু, একরূপ দুর্গীত-বাক্য কেন  
আপনি ব'লছেন ?

ফকির। চরণ—চরণ, তুমি তো একদিনের জন্তও  
আমায় বাধা দাও নাই ! তবে কেন বাধা দিচ্ছ, নরকে  
যেতে কেন আমায় বাধা দিচ্ছ ? ব'লো—ব'লো, কোথা  
গেলে আমি শাস্তি পাবো বল ? নরকে যেতে কেন নিষেধ  
ক'রছো ? দেখ,—বিষে বিষক্ষয় হয়, তাপে তাপ হরণ হয় ;  
নরকের অগ্নিকুণ্ডে বোধ হয় কিছু শীতল হবো। চরণ, তুমি

তো সঙ্গে ছিলে ; দেখেছ,—সংনামীশ্রেণী ভঙ্গ, মুসলমান  
সংনামীর পৃষ্ঠে আঘাত ক'রছে, হাহাকার রবে ভূতলে  
পতিত হ'চ্ছে ! তুমি দেখেছ, আমার হাতে অস্ত্র ছিল, সং-  
নামীর নেতা মুসলমানীর প্রণয়ের অচুরাগী দেখেও তাকে  
বধ করি নাই—নারকীয় স্নেহে আমায় বন্ধ ক'রেছিল।  
চরণ, কোমারী দেবীর প্রসাদ-মুকুট কেন তোমার শিরে  
স্থাপন করি নাই। দেখো, বিবেচনা করো, রণেন্দ্রকে বধ  
করি নাই, নারী-বধে ঘৃণা ক'রে সেই মুসলমানাকে বধ করি  
নাই, তোমার শিরে মুকুট দিই নাই ;—এ মহাপাতকীর স্থান  
নরক বই আর কোথায় ? ভেবো না, নরকে আমার  
যজ্ঞনা হবে না, কথঞ্চিৎ শাস্তি হবে। গেল—গেল—স্বপ্নের  
শ্রায় ফুরুলো ! চরণ, চরণ—আমি কি জাগ্রত ? তুমি সত্য-  
বাদী, তোমার কথায় আমার প্রত্যয় হবে। আমি স্বপ্ন  
দেখছি নয় ?

চরণ। প্রভু, সম্মান অপেক্ষা দাসকে স্নেহ করেন,  
দাসের মুখ চেয়ে স্থির হোন।

ফকির। চরণ, তোমার কাছে অস্ত্র আছে ? আছে—  
আছে, তুমি হীন নও, আমার মত ভীক নও, বিধর্মীর  
অস্ত্রাঘাতে তোমার অস্ত্র ভঙ্গ হয় না, বিধর্মীর অস্ত্রাঘাতে  
তুমি মূর্খ হও না। আছে—আছে—তোমার নিকট অস্ত্র  
আছে।

চরণ। প্রভু, চরণের আর অস্ত্রের প্রয়োজন নাই।  
প্রভু ! তুমি ধ্যান-জ্ঞান, তুমি অস্ত্র ধ'রেছিলে ব'লে অস্ত্র  
ধ'রেছিলেম। প্রভু ; যতক্ষণ না তোমায় নিরাপদ স্থানে  
ল'য়ে যাই, ততক্ষণ অস্ত্রের প্রয়োজন।

ফকির। তবে মূঢ় ! তবে পানর ! কেন তুই আমায়  
মুসলমান-হাত হ'তে উদ্ধার ক'রুনি ? কেন তুই বিংশতি  
নরহত্যা ক'রে আমায় নরক-যজ্ঞনা দিলি ? তুই দূর হ।  
চরণ, তোর মনে কি এই ছিল,—এই নিদারুণ যজ্ঞনা দিবি ?  
চরণ, তোর বাহুতে শত হস্তীর বল, আমায় অস্ত্রাঘাত না  
করিস, গলা টিপে বধ কর। আমার হাতে অস্ত্র নাই, আমি  
আত্মহত্যা ক'রতে পারছি না। চরণ—চরণ, সময় জয়  
হ'য়েছে—সময় জয় হ'য়েছে ! এসো—এসো, মহা ইন্দের  
দিন !

[ বেগে ফকিররামের প্রস্থান, পশ্চাতে চরণদাসের  
ক্ষণগমন।

( বৈষ্ণবীর প্রবেশ )

বৈষ্ণবী । এসো পুনঃ বিস্মৃতি হৃদয়ে,  
 অমৃতের ধারা-বরিষণে  
 স্মৃতি-অগ্নি করহ নিকীর্ণ !  
 দারুণ অনল,  
 তুণনায় চিতানল সূশীতল !  
 বৃথা নারী করে ধরিলাম অসি,  
 স্রোতস্বতী সম বৃথা বহিল শোণিত,  
 বৃথা উচ্চকুলোদ্ভব নিরীহ যুবক—  
 উত্তেজিত পাপ-মস্তে মম,  
 প্রাণ দিল এ কাল সমরে ।  
 পিতা, মাতা, স্বদেশী, স্বধর্মী, বন্ধু—  
 আত্মীয় স্বজন, ভাসিল এ রণশ্রোতে !  
 বৃথা এ বিদ্রোহ ।  
 রাজ রোষানল উদ্দীপনা হেতু,  
 ছারখার করিতে ভারত,  
 নারীক্লান্ত ভারতের কণ্টক পাপিনী !  
 করিলাম মাতৃ-অপমান,  
 প্রসাদ-মুকুট তাঁর দানি হীনজনে ।  
 ধিক ধিক—শত ধিক জীবনে আগার,  
 না হইল পিতার তর্পণ !  
 এসো মমতা হৃদয়ে,  
 যাহে অরি-অস্ত্রাঘাতে হয় প্রাণনাশ ।  
 কোথা মা কৌমারী,  
 এ কি দণ্ড দাও নন্দিনীরে ?  
 শত্রু অস্ত্র ভঙ্গ হয় কায়,  
 মৃত্যুরূপী কামান অনল  
 বিফল নাশিতে অভাগীরে !  
 নাহি হেন যন্ত্রণা নরকে—  
 যাহে সমুচিত শাস্তি হয় মম ।  
 যাই যাই— ধরি গিয়ে বাদসার পায় ;  
 ভিক্ষা মাগি করিয়া মিনতি,  
 নিদারুণ দণ্ডে যাহে তহু হয় নাশ ।  
 এসো এসো—এসো মুসলমান,  
 শত্রু আমি—শত্রু আমি—  
 বধ' বধ' শীঘ্র—কেন কর পলায়ন ?

এস ত্বর নাহি ভয়,  
 নির্ভয়ে করহ অস্ত্রাঘাত ;  
 না করিব অসি সঞ্চালন ।  
 এসো, এসো, এসো রে বিধম্মি,  
 ধৃত কন—বধহ আনায় ।

[ বৈষ্ণবীর প্রস্থান ।

## দ্বিতীয় পর্ভাঙ্ক

সত্রাট-সভা

আওরঙ্গজেব ও মন্ত্রী ।

আওরঙ্গ । কি কি আঞ্জা দিয়েছ ? হিন্দু-মন্দির নির্মা-  
 ণের আঞ্জা দিয়েছ ? শুনেছি, লক্ষ লক্ষ শির-ব্যতাত  
 কাফেরের দেবীর বেদি প্রস্তুত হয় না । লক্ষ লক্ষ কাফেরের  
 শিরশ্ছেদ ক'রে যত পার—মন্দির রচনা করো, আবাল-বৃদ্ধ-  
 বনিতা বধ করো, মুসলমানের নিষ্ঠিবন ত্যাগের স্থান তো  
 চাই । বধ করো—বধ করো, কত হত্যা হ'লো—তার  
 তালিকা দাও ।

মন্ত্রী । নফরে অভয় অঞ্জা দেহ, জাঁহাপনা ।  
 তব কঠিন শাসনে,  
 উখিত বিদ্রোহী-শির এ ভারত ভূমে ।  
 রাজনীতি-বিশারদ স্বর্গাঃ আকবর  
 করিলেন সুনীতি-সঙ্গত যে নিয়ম,  
 কেন প্রভু কর ব্যতিক্রম ?  
 রাজকার্য্য-সুদক্ষ আকবর মহামতি,  
 হিন্দুসনে করিয়ে সম্প্রীতি  
 ক'রেছেন সাম্রাজ্য বিস্তার ।  
 করি তার বিরুদ্ধ-আচার,  
 কুফল ফলেছে, জাঁহাপনা !

আওরঙ্গ । কি—কি মস্তি, তুমি কি মনে স্থান দিয়েছ,  
 আকবরসার হিন্দু মুসলমানের প্রতি পক্ষপাতহীন দৃষ্টি ছিল ?  
 আশ্চর্য্য ! তাঁর রাজনীতি কোনও মুসলমানের হৃদয়ঙ্গম  
 হয় নাই । শুন মস্তি, স্থিরচিত্তে বিবেচনা করো,—মহামতি

আকবর সা দেখেছিলেন যে, তখনও হিন্দুজাতি মহাবল-শালী। সেই জ্ঞান সস্তাব করে তাদের বশতাপন্ন করে-ছিলেন। তুমি যা বলেছ, তা সত্য। হিন্দুদের ভুতের ধর্মের প্রতি বড় অহুরাগ; হিন্দুরা সকলই সহ্য করতে পারে, কিন্তু ধর্মের প্রতি আঘাত করতে অস্বীকার করে। দেখ, আকবর সার কি সুকৌশল! রাজপুতকামিনীগণকে বেগম করে, রাজপুত মানসিংহ দ্বারা বাঙ্গলা হাতে কাবুল পরাজয় করেছেন। সেই জাতিভ্রষ্টা রাজপুত-কামিনীগণ, মুসলমানকে আলিঙ্গন দান করেও বেগমমহলে তুলসী বৃক্ষ স্থাপন করে ভেবেছে, তথাপি তারা হিন্দু। যদি তিনি কাফের-কামিনী না গ্রহণ করতেন, তা হলে রাজপুতনায় জাতীয় বিদ্বেষ জন্মাত না, তা হলে হয় তো কাফের রাণা প্রতাপ, রাজদণ্ড সোগল-কর হাতে বলপূর্বক গ্রহণ করতো। কিন্তু দেখ, রাজপুতনায় গৃহবিচ্ছেদ হলো, হ'লদীঘাটের যুদ্ধে রাণা একা, আর সকল রাজপুতই আকবরের পক্ষ হয়ে অঙ্গধারণ করলে। মন্ত্রী, তোমার ধারণা, হিন্দুর প্রতি আকবরের স্নেহ ছিল। হিন্দুরা পত্র লেখে দেখেছ কি? পত্র মোড়ক করে ৭৪১০ লেখে, তার অর্থ কি, জানো? জান না। চিতোর-যুদ্ধে হিন্দুর উপবীত তোল করে ৭৪১০ মণ হয়। সেই জ্ঞান হিন্দুরা ইচ্ছিতে তাল্লাক দেয়, মালিক ভিন্ন যে পত্র খুলবে, চিতোর-যুদ্ধে যত হিন্দু নিহত হয়েছে, সেই সমস্ত হিন্দুহত্যার পাতকী হবে। ঐ সমস্ত হিন্দুই আকবরের অজ্ঞায় নিহত হয়েছিল। আকবর মিছরির ছুরি, তিনি শঠ। আমার সে শঠতা অবলম্বনে প্রয়োজন নাই,—আমি কাফের-ধর্মের প্রকাশ্য শত্রু। রাজকার্যে তাঁকে শঠতা অবলম্বন করতে হয়েছিল। এখন অবস্থা সম্পূর্ণ ভিন্ন, সমস্ত কাফেরই পদানত, আমার সে শঠতা অবলম্বনের প্রয়োজন নাই। তিনি যে হিন্দুদের উচ্চপদ প্রদান করতে, তার অর্থ—হিন্দুরা বশীভূত হোক, তাঁর সে কার্য সিদ্ধ হয়েছে। তাঁর সে রাজনियম যদি পিতা বুঝতেন, তা হলে আমি তাঁরে সিংহাসনচ্যুত করতেম না, ভ্রাতৃবর্গ হত্যা করে রাজদণ্ড গ্রহণ করতেম না। সাজিহান সা আকবরের রাজনীতি বোঝেন নাই, তাই হিন্দু মুসল-মানকে সমান করেছিলেন। যাও, কুণ্ঠিত হ'য়ো না, প্রকৃত মুসলমানের যা কর্তব্য, তোমার বাদসা তাই ক'রে। নতুবা মহম্মদ তাঁর দাসকে সিংহাসনচ্যুত করতেম।

মন্ত্রী। বাদসার আজ্ঞা অখণ্ডনীয়।

[ মন্ত্রীর প্রস্থান।

( বন্দী-অবস্থায় রণেশ্বরকে লইয়া বিষণসিংহ, হামিদ খাঁ,

করিম ও গুলসানার প্রবেশ )

আওরঙ্গ। ইনি সৎনামীর সেনাপতি? বসবার স্থান দাও। ( গুলসানার প্রতি ) বেটি, তুমি সিংহাসনের পাশে এসো। আপনারাও আসন গ্রহণ করুন। বন্দী ক'রে-ছেন—এঁর নাম রণেশ্বর?

হামিদ খাঁ। হাঁ জাঁহাপনা, এঁরই নাম রণেশ্বর।

আওরঙ্গ। হামিদ খাঁ, বিষণসিং, বুঝলেন,—তোমরা কার্যদক্ষ। ( করিমের প্রতি ) তুমি কে?

করিম। জাঁহাপনা, আমি গুলসানার ভৃত্য।

আওরঙ্গ। ভৃত্য নও, তুমি ওমরাও, তোমার বাদসার আজ্ঞা।

করিম। ( মৃত্তিকা চুষন করিয়া ) জাঁহাপনা, বাদসার প্রসাদে দাস কৃতার্থ। ভৃত্য বাদসার প্রসাদে মহা গৌর-বাঞ্ছিত। কিন্তু মিনতি, জাঁহাপনা প্যাগঘরের প্রিয়পাত্র। আমার এই প্রভুকণ্ঠা হিন্দুধর্ম গ্রহণ করেছেন, পুনর্বার এঁরে ইমলামধর্ম প্রদান করুন, তা হলেই দাস কৃতার্থ হবে, নচেৎ প্রভু আমায় স্বর্গ হাতে তিরস্কার ক'রবেন।

আওরঙ্গ। স্থির হও, আর তোমার প্রভুকণ্ঠা নয়, বাদসার দুহিতা;—তার বাদসা-পিতার স্নায় বোশল-নিপুণা, তুমি চিন্তা দূর কর,—ওমরাও, তুমি চিন্তা দূর কর। ( গুল-সানার প্রতি ) ব'সো মা।

গুল। ময়ূর-সিংহাসন দাসীর যোগ্যা নয়।

আওরঙ্গ। হাঁ! তোমার মনোবাঞ্ছা পূর্ণ হয় নাই, তোমার পিতৃ-হত্যার প্রতিশোধ হয় নাই, কেমন—না?

গুল। হাঁ জাঁহাপনা! ( স্বগত ) হৃদয়, স্থির হও! উপায় নাই, আমি প্রতিজ্ঞায় বদ্ধ। প্রাণ-বিসর্জনে তোমায় শাস্তিদান ক'রবো!

আওরঙ্গ। হাঁ, ম'রবে—ম'রবে, কে ম'রবে? রণেশ্বর। হাঁ! এসো হামিদ, এসো বিষণ! ম'রবে, ম'রবে—সৎনামীর সেনাপতি ম'রবে, কেমন? যোদ্ধা—আমি যোদ্ধা ভালবাসি। তোমাদের নিকট পিস্তুল আছে। দেখ, নিরস্ত্র বীরপুরুষকে বধ করা ভাল নয়, কি বল? এসো,



আমরা তিনজনেই এক সময়ে গুলী নিক্ষেপ করি, তা হ'লে কার গুলীতে প্রাণত্যাগ ক'রেছে, তা নির্ণয় হবে না, স্মৃতরাং নিরস্ত্র যোদ্ধৃত্য। আমাদের কারো দ্বারা হবে না। কি আজ্ঞা করেন সৎনামীর সেনাপতি? নীরব কেন? আপনি তো ভী ক নন!

রণেন্দ্র। ( গুলসানার প্রতি ) শোন, তুমি যে হও, আমার মৃত্যু দেখো, এই আমার প্রার্থনা। যদিচ বার বার ফকিররাম প্রভু আমায় সতর্ক ক'রেছেন, যদিচ বার বার তিনি তোমায় শত্রু ব'লে, আমায় তোমা হ'তে দূরে অবস্থান ক'রতে আদেশ ক'রেছেন, তথাপিও মৃত্যুকালে আমার ধারণা হ'চ্ছে না, তুমি আমার প্রণয়কাজিফী নও। দেখ, এখনও তোমার বদনে, নয়নে, হাবভাবে—আমার প্রতি তোমার সম্পূর্ণ আসক্তি বোধ হ'চ্ছে। কি জানি কেন?—এখনও আমার মনে হয় যে, তুমি সত্য সত্যই হিন্দু-ধর্মে দীক্ষা গ্রহণ ক'রেছ, এখনও মনে হয়, তুমি আমার সহধর্মিণী—তুমি আমার পত্নী। কি জানি কেন?—ছিঃ ছিঃ, মনের এ কি বিষম ভ্রম!

গুল। ভ্রম নয়—সত্য, স্বর্গে তোমার চরণে নিবেদন ক'রবো।

রণেন্দ্র। ( বাদসার প্রতি ) যবন, আমি প্রস্তুত।

আওরঙ্গ। যবন—যবন! ( সেনাপতিদ্বয়ের প্রতি ) আমার পিছলে গুলী ভরা আছে, আপনারা প্রস্তুত?

বিষণ। জাঁহাপনা, এরে বন্দী ক'রে রাখুন, বধ ক'রবেন না।

আওরঙ্গ। রাজপুত্রবীর, পার্শ্বীয় মুষিক শিবজীর ত্রায় তা হ'লে কাণের পলায়ন ক'রবে। ইনি পুনর্বার হিন্দু-সৈন্তের নেতা হ'লে বোধ হয় নিরস্ত্র আর এরে বন্দী ক'রতে পারবেন না। শত্রু-সংহারই প্রয়োজন, কি বলেন? হিন্দু-সেনাপতির কি আজ্ঞা?

রণেন্দ্র। যবন, তোমার নারকীয় হৃদয়ে পরিহাস আসে, এ আমার ধারণা ছিল না।

আওরঙ্গ। আজ্ঞে না, পরিহাস নয়। ভারতবর্ষের সম্রাট বীরত্বের গৌরব জানে, নচেৎ স্বহস্তে তোমার প্রতি গুলী নিক্ষেপ ক'রতে সঙ্কল্প করতো না। বিষণসিং, হামিদ খাঁ, আমি প্রস্তুত—তোমরা প্রস্তুত হও। তিনবার বাদসা পদশব্দ ক'রলে, শত্রুর প্রতি গুলী নিক্ষেপ হবে। এক—দুই—তিন—

( আওরঙ্গজেব, বিষণসিং ও হামিদ খাঁ তিনজনের একপক্ষে গুলী নিক্ষেপ ও রণেন্দ্রের পতন ও মৃত্যু )

গুল। প্রাণনাথ, মার্জনা করো, আমি সত্যে আবদ্ধ। সত্যভঙ্গ তোমারই শাস্ত্রে নিষেধ। সত্য পালন ক'রেছি, স্বর্গে তোমার পদ-সেবায় অধিকার দিও। (আওরঙ্গজেবের প্রতি)

প্রতিশ্রুত জাঁহাপনা, দামীর নিকটে,

যা চাহিব—করিবে প্রদান।

দেহ মোরে স্বামী সংকারের অধিকার।

হে বিষণ সিং, হিন্দু তুমি,

আছে তব হিন্দু-ভৃত্যগণ,—

লইতে শ্মশানভূমে স্বামীরে আমার—

আজ্ঞা দেহ তব ভৃত্যগণে।

জাঁহাপনা, বিদায় মাগিছে তব দুহিতা চরণে;

হিন্দুর নিয়মে হব স্বামী-সহগামী।

জাঁহাপনা, দুহিতা বিদায় মাগে পায়।

আওরঙ্গ। সত্যই প্রতিশ্রুত—সত্যই প্রতিশ্রুত, কপটতা ছিল না, কপটতা ছিল না। ভাল, যাহা অভিরুচি! নারী-চরিত্র—নারী চরিত্র! সকলই বিপরীত ভাবপূর্ণ! বোধ হয়, সমস্ত হিন্দুললনা কৃতসঙ্কল্প হ'লে ভারত-সিংহাসনে হিন্দু উপবেশন করে। রমণীর সকলই বিচিত্র, আওরঙ্গজেবের জ্ঞান-বুদ্ধির অতীত! ম'রবে—কাফেরের সঙ্গে ম'রবে। (করিমের প্রতি) দেখ ওমরাও, তোমার প্রভুকণ্ঠাকে বধ ক'রবার ইচ্ছা হ'চ্ছে? বাদসার হুকুমে নিরস্ত্র হও। দেখ—দেখ, নারী-চরিত্র শেষ পর্য্যন্ত দেখ, একটা জ্ঞান লাভ হবে। নারী-চরিত্র দুজ্জের্ন, কোরাণের বাক্য, সে বাক্য সকল হবে।

গুল। জাঁহাপনা, বিদায়! প্রাণেশ্বর, স্থান দাও পায়।

( রণেন্দ্রের চরণতলে গুলসানার পতন ও মৃত্যু )

আওরঙ্গ। ( করিমের প্রতি ) ওমরাও, তোমার অস্বা-ঘাতের অপেক্ষা করে নাই, প্রাণত্যাগ ক'রেছে।

করিম। হায় কারতরফ খাঁ, তোমার কণ্ঠার ভার কেন এ অধমকে দিয়েছিলে? স্বর্গ হ'তে দেখ, আমি তার প্রাশ্চিত্ত করি।

( বক্ষে অগ্নাঘাত করিয়া করিমের মৃত্যু )

( বৈষ্ণবীর প্রবেশ )

বৈষ্ণবী। যবন, আমিই প্রধান বিদ্রোহী। কারে

ইঙ্গিত ক'চ্ছ ? আমার প্রেমশূণ্য হৃদয়, কেউ আমার নিকটে আসতে সাহসী হবে না। আমার হৃদয়-তাপ—কালানল সম আমার লোমকূপ হ'তে বহির্গত হ'চ্ছে। আমার চতুর্দিকে অনল, আমায় কেউ আবদ্ধ ক'রবে না। ভয় ক'রো না, আমি দণ্ড গ্রহণ ক'রতে তোমার নিকট এসেছি।

আওরঙ্গ। আমি ইঙ্গিত করি নাই। তোমার মনো-ভাব আমি সকলই বুঝেছি। তোমার সম্প্রদায় ছিন্ন, তুমি আশাশূণ্য, হৃদয়ের শান্তির জগ্ন মুসলমানের শান্তি গ্রহণ ক'রতে এসেছ। আমি বুঝেছি, নইলে ভারতবর্ষের সিংহাসন কিরপে বা জগ্নমার অধিকৃত ! অবশ্যই তোমাকে গুরুতর দণ্ড দেবো। আমার বৃত্তিভোজী অনেক বৈজ্ঞানিক, মহা কষ্টকর মৃত্যু বিক্রমে হয়, তা আবিষ্কারে প্রবৃত্ত। কিয়ৎপরিমাণে তারা রুতকার্যও হ'য়েছে। অনাহারে মৃত্যু, দেহ হ'তে চর্ম ছিন্ন ঘারা মৃত্যু, চীন প্রথামত পাকস্থলী ছিন্ন ক'রে যজ্ঞা প্রদান, অনিদ্রায় জীবন নাশ করণ, এ অপেক্ষা দ্বিগুণ কষ্টকর-মৃত্যু তারা আবিষ্কার ক'রেছে। কিন্তু তোমার প্রতি কষ্টকর মৃত্যু-আজ্ঞা দেব না। তুমি সত্যবাদিনী, আমি তোমার প্রাণদণ্ড আজ্ঞা দিলে, বল—সত্য বল, যারে যবন বল—সে ভারতবর্ষ শাসনের উপযুক্ত কি না ? আমার আজ্ঞায় তুমি যথা-তথা ভ্রমণ কর। তোমার নিমিত্ত অট্টালিকা প্রস্তুত, তোমার ব্যয়ের নিমিত্ত রাজকোষ মুক্ত, যত বিলাস ইচ্ছা, তুমি ভোগ কর, কেবল হিন্দুদের উত্তেজনাকারিণী শক্তি তোমার হরণ ক'রুলেম। দেখ, তোমার বাহুতে বল নাই। তুমি যথায় যাবে, বাদসার দূত তোমার সঙ্গে থাকবে, কোন হিন্দুকে আর তুমি জাতীয় স্বাধীনতার জগ্ন উত্তেজিত ক'রতে পারবে না।

বৈষ্ণবী। তোমায় সেলাম ক'চ্ছি, জানু পেতে তোমায় জাঁহাপনা স্বীকার ক'চ্ছি, আমার প্রাণদণ্ড করো। স্বহস্তে আত্মহত্যা ক'রবার চেষ্টা ক'রেছি, আমি হস্তচ্যুত হয়। বাদসা, জাঁহাপনা, আমার মৃত্যু-আজ্ঞা দাও।

আওরঙ্গ। না সুন্দরি ! যদি সম্ভব হ'তো, যদি তুমি মহম্মদীয় ধর্ম গ্রহণ করতে, তুমি আমার প্রধানা বেগম হ'তে ; কিন্তু তা সম্ভব নয়। তোমার কি দণ্ড, তা আমি আপনার প্রাণ দিয়ে বুঝেছি। শুনবে ?—যখন পিতাকে বন্দী ক'রবার কল্পনা করি, যখন জ্যেষ্ঠ দারাকে পরাজয় ক'রবার মানস করি, তখন একবার মনে হ'লো, যদি কৃত-

কার্য না হই ! ভাবলেম, তাতে ক্ষতি কি ? যদি বন্দী হই, আমার মৃত্যু-আজ্ঞা হবে, নর কল্পনায় যাতে কঠোর মৃত্যু হয়, সেই আজ্ঞা হবে ; তাতে ভয় কি ? তুমি হিন্দু, জানো—আত্মা দেহ নয়, দেহ মৃত্তিকা মাত্র। কোরাণের উক্তিও তক্রপ। জেনেছিলেম, আমি দেহ হ'তে স্বতন্ত্র। যখন দেহ পীড়িত হবে, আমি স্বতন্ত্র হ'য়ে অবহান ক'র্বো, আমার আঘাত লাগবে না। সুন্দরি, দেহ-আত্মার প্রভেদ তোমা-রও অনুভূত। যতদিন দেহ-পিঞ্জরে আবদ্ধ থাকো, ততদিনই তোমার যজ্ঞা ; দেহনাশে তুমি যজ্ঞা হ'তে মুক্ত হবে। অতুল ঐশ্বর্যশালিনী হ'য়ে, স্বচক্ষে—স্বদেশী, স্বধর্মীর পীড়ন দেখ, তোমার এই শাস্তি। “জিজিয়া” কর পুনর্কার সংস্থাপিত দেখ।

বৈষ্ণবী। ওই ওই বিমানচারিণী,  
ময়ূরশাশিনী, শক্তি সঞ্চারিণী  
আনাহন করেন কন্যায় ;  
ওই অট্টালিকা, দিক্ সুপ্রকাশ,  
ওই ভীমা রণাঙ্গনা, ওই পরাংপরা,  
ওই হাস্যধরা, ওই ওই মধুরভাষিণী  
আবির্ভাব নন্দিনীর তরে।  
লহ মাতা, তাপিতা হুহিতা।  
শুন শুন জননীর ভবিষ্যৎ-বাণী,—  
আরে হিন্দু-পীড়ক যবন,  
এবে তব রাজ্যমারো বণিক্ যে জন,  
বংশনাশ হবে তব সেই শ্বেতকরে।  
ওই মাতার সঙ্গিনী, ওই মহা প্রভাবশালিনী,  
ভুবনমোহিনী সিতাধরা,  
মাগরতরঙ্গ মাঝে বিরাজিতা বামা,  
শ্বেতপুল্লগণে সুবেষ্টিতা !  
নেহার যবন, ওই তব বংশহত্তা শ্বেত বীরগণ,  
মাতার সঙ্গিনী শ্বেতানুঙ্গা সরোজ অঙ্গিনী,  
বীর্যবলে ভারত করিবে অধিকার।  
যতদিন কাগিনী-কাঞ্চন,  
হিন্দুগণ করিয়ে বর্জ্জন,  
না বন্দিবে দীন ভাতৃসেবা,—  
ততদিন কাগিনী-কাঞ্চন সঞ্চালিত  
স্বার্থপর বর্করনিকর

রবে সবে পরাধীন—বিধর্মী-কিঙ্কর !

যাই, যাই, যাই গো জননি !

( পতন ও মৃত্যু )

আওরঙ্গ। বিষণ সিংহ, তুমি হিন্দু-প্রথাগত এদের সংকার করো। যে হিন্দু এ কার্যে যোগদান ক'রবে, সে বিদ্রোহী হ'লেও কেউ না তারে ধৃত করে। এই আমার মোহরাক্ষিত হুকুমনামা গ্রহণ করো। আমি স্বয়ং মসজিদে রাফ্যে ঘোষণা দিতে আজ্ঞা দিচ্ছি। ( হামিদ খাঁর প্রতি ) হামিদ, এই ওমরাওর অস্তিত্ব কার্য তোমার উপর ভার। ( স্বগত ) শ্বেতনারী ভারতের ভবিষ্যৎ অধিকারিণী ! সত্য—সত্য,—আমার প্রাণ ব'লছে সত্য ; কাফের-নন্দিনী সত্য-বাদিনী ।

[ আওরঙ্গজেবের প্রস্থান ।

হামিদ । নারী-চরিত্র অতি অদ্ভুত !

বিষণ । ঈ্যা খাঁ সাহেব, নারী-চরিত্র দেবতারাও অবগত নন ।

[ সকলের প্রস্থান ।

## তৃতীয় গর্ভাঙ্ক

শ্মশান-পথ

সোহিনী ও যুবতীগণ ।

যুবতীগণ ।—

( গীত )

রবি শশী তারকা উঠ'না গগনে,

আঁধার আবর' পুণ্য-নিকেতনে,

মগনা অধীনা রোদনে !

কৌমারী চিরসঙ্গিনী, ধরাভলে হেমঙ্গিনী,

রণশ্রাস্ত রণ-রঙ্গিনী;

পতিত বিজয়-ধ্বজা পতা-সাধারিণী সনে ।

বিফল এ বীররত, বিফল শোণিতশ্রোত,

বোরা নিশা, গৌরব বিগত,

শ্মশান এ পুণ্যধাম, বিলুপ্ত বীরগণে ॥

১মা যুবতী । ( সোহিনীর প্রতি ) কোথায় যাও—  
কোথায় যাও ?

সোহিনী । আমার যাবার জায়গা আছে, আমার মনের মানুষ আছে ;—কোথায় যাই, দেখ'বি আয় । এ

দারুণ জ্বালা, এ দারুণ জ্বালা ! তার কাছে না গেলে এ জ্বালা নিব'বে না !

[ সোহিনীর প্রস্থান ।

২মা যুবতী । ভাই, আমরা এখন কি ক'রবো ?

১মা যুবতী । কেন ? যে কাজ ক'চ্ছি ! যতদিন দেহে প্রাণ থাকবে, ততদিন মোগলের অনিষ্ট ক'রতে নিরস্ত হবো না ।

২মা যুবতী । চলো, দেখি বৈষ্ণবী কোথায় ? বীরবাহী আবার সৈন্য সৃজন ক'রবে ।

[ সকলের প্রস্থান ।

## চতুর্থ গর্ভাঙ্ক

শ্মশান

( রণেন্দ্র ও গুলামানা এক চিতায় শায়িত

ও অপর চিতায় বৈষ্ণবী )

বিষণ সিংহ ও হিন্দু সৈন্যগণ ।

বিষণ । হায় হায় ! স্বজাতির বিরুদ্ধে অস্ত্রধারণ ক'রুলেম ! হায় মাতৃভূমি, আমার কি পরিত্রাণ আছে ?

জনৈক সৈন্য । মা ভারতভূমি, সামান্য বেতনের জন্ত বিধর্মীর পক্ষ হ'য়ে অস্ত্রধারণ করি। স্বজাতি, স্বধর্মী, পিতা, ভ্রাতার প্রতি গুলী নিক্ষেপ ক'রে মুসলমানকে জয়-সংবাদ প্রদান করি। সে সময়ে জয়োল্লাসে মত্ত বিধর্মীরা হয় তো হিন্দু মাতা, হিন্দু পত্নী, হিন্দু দুহিতার বলাৎকারে প্রবৃত্ত । সে সময় 'জয় হ'য়েছে' বলে উল্লাস করি, আপনাকে বীর বলে গণ্য করি। মা গো, এরূপ দুর্ভিক্ষি ব্যতীত সূজলা সূফলা ভারতভূমি দীনহীনা কেন হবে !

( পরশুরামের প্রবেশ )

পরশু । ওন ওন,

মমতাবিহীন এই শ্মশান-প্রাস্তরে

হিন্দুপুত্র যেই জন আছ উপস্থিত,

ওন মম কলুষিত চিত্তের আখ্যান !—

যেই বিমলা বৈষ্ণবী,

হের চিতায় শায়িত,

ভগ্নী বলি সন্তাষণ করিতাম তারে ;  
কিন্তু কলুষ-অন্তরে কাম-ভূষা আছিল প্রবল,  
সে চারু বদন, বারেক চূষন,—  
শরনে স্বপনে মম ধ্যান ।  
শায়িত চিতায়, তবু প্রাণ চায়—  
দৃঢ় পাশে করি আলিঙ্গন ।  
প্রায়শ্চিত্ত জান কেহ এ হিন্দুসমাজে ?  
প্রায়শ্চিত্ত নাহি মম !  
কিন্তু তবু নরকের ডরে,  
বন্দনা না হয় দূর পিপাসী অন্তরে ।  
কর' বৈষ্ণবীর চিতা প্রজ্জলিত,  
প্রায়শ্চিত্ত করিবে অধম ।  
অগ্নিদেব, প্রজ্জলিত তুমি,  
পার যদি কর তুমি বাসনা হরণ !  
মৃতদেহে দানি আলিঙ্গন,  
করি বদন চূষন,  
হয় যদি হয় হোক তৃপ্ত এ বাসনা !

( বৈষ্ণবীর চিতায় ঝস্প প্রদান )

( ফকিররাম, চরণদাস, রধুরান, সোহিনী ও সংনামী-যুবা  
ও যুবতীগণের প্রবেশ )

ফকির । চরণ চরণ, দেখ দেখ, সংনামী পুড়ছে নয় ?  
দেখ, যদি ম'বুতে হয় ম'রে', গুরুর সংকার ক'রে ম'রো ।  
এই ছ'টো চিতা জ্বলছে, যেখানে হোক, একটায় ভাণ্ডায়  
টেনে ফেলে দিও,—সকলেই আমার সন্তান । শ্মশান বড়  
মায়াশূণ্য স্থান, এখানে লজ্জা-ঘৃণা নাই, আমায় একান্ত  
স্থান দেবে । চরণ, কুণ্ঠিত হ'য়ে না, তোমার গুরু আত্ম-  
হত্যা করে নাই । সংনাম আমায় নরক-যজ্ঞণা হ'তে পরি-  
ত্রাণ দিচ্ছেন । চরণ, বিদায় দাও । ( পতন ও মৃত্যু )

সোহিনী । তোমায় আমি চিরদিন ভালবাস্তেম ;  
কিন্তু ধনের লোভে তোমার কথা না শুনে কুপণগামিনী  
হ'য়েছিলাম, সেই হ'তে তুমি আমার পানে ফিরে চাও নাই ।  
তুমি ব'লেছ, আমার প্রায়শ্চিত্ত হ'য়েছে, তবে আর পায়ে  
ঠেলো না, সঙ্গে লও । ( পতন ও মৃত্যু )

চরণ । প্রভু, আমি রোদন ক'রবো না, তোমার সংকার  
ক'রে আমি শিখ-সম্প্রদায়ে মিলিত হবো । যদি একজনও  
বিধম্মী বধ ক'রতে পারি, আমার বিশ্বাস, তুমি আমায় স্বর্গ  
হ'তে আশীর্বাদ ক'রবে । মোগল-অনুগত হিন্দু ! কেউ  
আমার গুরুদেবের পবিত্র অঙ্গ স্পর্শ ক'রো না, আমি স্বহস্তে  
আমার গুরুদেবের সংকার ক'রবো ।

২য় যুবতী । সেই, আমরা কেন আর বিলম্ব করি,  
রাজপুত্র-বালারা চিতাভোজন করে ;—এসো, বৈষ্ণবীর সাথী  
হই ।

১ম যুবতী । না, তাহে বৈষ্ণবী ত্রুকা হবে । প্রভু-  
ভক্ত বীরবর চরণ আজ হ'তে আমাদের নেতা । মোগল-  
হত্যা সঙ্কল্প ক'রে অস্ত্র ধ'রেছি, প্রাণত্যাগে সে অস্ত্র ত্যাগ  
ক'রবো । আমরাও শিখ সম্প্রদায়ে মিলিত হবো ।

রধুরাম । বৈষ্ণবী, তোমার উপদেশে আমি প্রেম বর্জন  
ক'রেছি ; যুদ্ধক্ষেত্রে দেখেছ, আমার মৃত্যু-ভয় নাই । আমি  
চরণের অনুগামী হ'লে, অন্তকালে তুমি আমার সঙ্গে হেসে  
কথা কইবে ।

১ম যুবতী । হে যুবকবৃন্দ, মাতৃভূমির নিমিত্ত সকলে  
সর্বস্ব অর্পণ ক'রেছ । শোন, এখনও ভারতের আশা  
আছে ;—পাঞ্জাবে শিখ সৈন্য মাতৃভূমির উদ্ধারে ত্রতী, আমরা  
তাদের সহিত মিলিত হই, সংনামের কথঞ্চিৎ কার্য হবে ।  
হায় মহারাষ্ট্র, যদি 'বঙ্গী' নামে না বিখ্যাত হ'তে, যদি হিন্দু  
সন্তানসভতি তোমার আগমনে দহ্য ব'লে না পলায়ন ক'রতো,  
যদি রাজপুত্র বিরোধী না হ'তে, শিখসৈন্যে সম্মিলিত হ'য়ে  
মোগল-বিরুদ্ধে অস্ত্রধারণ ক'রতে, যদি এই সংনামী বিগ্রহে  
সহায় হ'তে,—হিন্দুস্থান হিন্দুর হ'ত !!

( সমবেত সঙ্গীত )

অলে সোনার কামা বিমল হকোমল,  
সোনার বরণ তাইতে চিতানল,  
বিমল শিখায় দিশা সমুচ্ছল ।  
জন্মদা মাতার নাইতো কিছু আর,  
মরমের স্বপার, চিতানলে দিছি উপহার ;  
নিবেছে স'ল, নিব্বে চিতানল,  
অনলে খোদা গাথা হৃদয়ে রবে কেবল ।

স্ববনিকা

দশম ভাগ সমাপ্ত ।

# গিরিশচন্দ্র

নাট্যনন্দিত গিরিশচন্দ্রের সুবিস্তৃত জীবন-চরিত। নটগুরু গিরিশচন্দ্রের শেষ জীবনের নিত্যসহচর

শ্রীঅবিনাশচন্দ্র গঙ্গোপাধ্যায় প্রণীত।

মহাকবির ধারাবাহিক জীবন-চরিত, তাঁহার কর্মজীবন—নাট্যজীবন—বঙ্গজীবন—কি উপাদানে তাঁহার প্রকৃতি গঠিত হইয়াছিল—তৎসম্বন্ধে বহুসংখ্যক গল্প ও প্রসঙ্গ, বঙ্গ নাট্যশালার ইতিহাস, অভিনেতা-অভিনেত্রীগণের অভিনয়-কথা, কবির নাটক প্রভৃতি বাবতায় রচনার আলোচনা এবং সে কালের সনাজ ও সাহিত্য ইত্যাদি নানা বিষয় সংযোগে গ্রন্থখানি পরম উপাদেয় হইয়াছে। রচনা এবং ঘটনা-বৈচিত্র্যে ইহা উপন্যাসের ত্যায় সরস ও সুখপাঠ্য।

সাত শত পৃষ্ঠা এবং ৭২ খানি ফটো-চিত্রে সুশোভিত। কাগজ, ছাপা এবং বাধাই অতি সুন্দর। মূল্য ৩/- তিন টাকা মাত্র।

## সংবাদপত্রের মন্তব্যঃ—

১। “গিরিশচন্দ্র একাধারে নাট্যকার, নট, কবি ও সাধক ছিলেন। তাঁহার জীবন-কথা জানিবার জন্ত সকলেই উৎসুক। সে উৎসুক্য গিরিশচন্দ্রের ছায়ার ত্যায় সহচর অবিনাশবাবু মিটাইয়াছেন; তাঁহার চেষ্টা, যত্ন ও অধ্যবসায়ের গুণে আমরা গিরিশচন্দ্রের একখানি সর্বাঙ্গ সম্পূর্ণ জীবন-চরিত পাইয়াছি; অবিনাশবাবু এই উপলক্ষে গিরিশবাবুর সমস্ত নাটকগুলির সংক্ষিপ্ত পরিচয় দিয়াছেন; সে পরিচয় সুক্ষিপ্ত হইলেও সুন্দর। গিরিশবাবুর জীবন-কথা লিখিতে গেলেই বাঙ্গালা নাট্যশালার ইতিহাস লিখিতে হয়, অবিনাশবাবু সে ইতিহাসও লিখিয়াছেন। জীবন-চরিত লিখিতে গেলে যে সত্যনিষ্ঠা ও সংযমের আবশ্যিক, এ পুস্তকে তাহা সর্বতোভাবে প্রদর্শিত হইয়াছে।”

ভারতবর্ষ, পৌষ, ১৩৩৪ সাল।

২। “\*\*\* আমাদের মনে হয়, অবিনাশবাবু ভবিষ্যতে আর কিছু না লিখিলেও শুধু এই জীবনখানি লিখিয়াই বঙ্গসাহিত্যে প্রসিদ্ধিলাভ করিবেন।”

উদ্বোধন, মাঘ, ১৩৩৪ সাল। (৩০ বর্ষ, ১ম সংখ্যা)।

৩। “\*\*\* গিরিশের কবি-জীবন ও কর্মজীবন বিশ্লেষণ করিয়া তাঁহার শক্তি ও সাধনার কথা বিস্তারিত ভাবে বর্ণন করিতে ইতঃপূর্বে কাহারও অগ্রসর হইতে দেখি নাই। তাই অবিনাশচন্দ্রের এই “গিরিশচন্দ্র” পাইয়া আজ আমাদের এত আনন্দ। তিনি এই জীবন-কথা প্রণয়ন করিয়া গিরিশ-আলোচনার সকল পথ সুগম করিয়া দিয়াছেন। গিরিশচন্দ্রকে জানিবার ও বুঝিবার পক্ষে এই গ্রন্থ অতি উপাদেয় হইয়াছে।”

হিতবাদী, ১৮ই ফাল্গুন, ১৩৩৪ সাল।

৪। “গিরিশবাবুর শেষ পনের বৎসরের ঘটনা অবিনাশবাবুর চক্ষের উপর ঘটিয়াছে, আর তাঁহার পূর্বের ঘটনাগুলি নানা সময়ে নানা প্রসঙ্গে তিনি গিরিশবাবুর নিজের মুখেই শুনিয়াছেন। সুতরাং অবিনাশবাবুর লিখিত গিরিশবাবুর এই জীবনী যে সত্য তথাপূর্ণ, তাহাতেও সন্দেহ করিবার কিছু নাই। \*\*\* গিরিশচন্দ্রের এই জীবনী গ্রন্থে গ্রন্থকার গিরিশচন্দ্রের চরিত্রের যাহা দোষ তাহাও যেমন না ঢাকিয়া প্রকাশ করিয়াছেন, তেমনই গিরিশচন্দ্রের গুণাবলীও নিখুঁত তুলিকায় ফুটাইয়া তুলিয়াছেন। \*\*\* অবিনাশবাবুর সরস ও সরল গুছান লেখার ফলে ইহা যেন আরও উপভাস হইয়াছে। \*\*\*

বঙ্গবাদী, ১১ই চৈত্র, ১৩৩৪ সাল।

৫। “\*\*\* গিরিশচন্দ্রের বহুমুখী প্রতিভা এবং অনন্যসাধারণ চরিত্রখানি আলোচ্যগ্রন্থে আলোচ্যের ত্যায় ফুটিয়া উঠিয়াছে—গ্রন্থকারের বহুবর্ষের সাধনা সার্থক। আজ অবিনাশবাবু তাঁহার সিদ্ধির সম্পদ দিয়া বাঙ্গালা-সাহিত্যের জীবন চরিত-বিভাগের গৌরব বৃদ্ধি করিলেন, সন্দেহ নাই। \*\*\* গ্রন্থকারের ভাষার স্বচ্ছতা ও অনাবিল গতিভঙ্গার সরসতায় এই সুবৃহৎ গ্রন্থখানি কোথাও আড়ষ্ট হয় নাই।”

আনন্দবাজার পত্রিকা, ৭ই মাঘ, ১৩৩৪ সাল।

৬। “\*\*\* কতকগুলি ঘটনা যেমন তেমন করিয়া লিপিবদ্ধ করিলেই যে মানুষের পরিচয় দেওয়া যায় না, ইহা জীবনী-রচয়িতারা ভুলিয়া যায়। অবিনাশবাবু যে তাহা ভুলিয়া যান নাই, ইহার জন্ত তিনি ধন্যবাদ। গিরিশচন্দ্রের গাহ স্ত্রী ও ধর্মজীবনের কথা সত্যসত্যই অদ্ভুত, এবং উহার অভ্যন্তরেই এই মহাকবির ও মহাসাধকের সকল শক্তি যে নিহিত, লেখক উহা ধরিয়া ফেলিয়াছেন। গিরিশের মৃত্যুর পর যে সকল সাংবাদিক বলিয়াছিলেন যে, গিরিশের পরিচয় তাঁহারই জানেন না, আমাদের অনুরোধ, অবিনাশবাবুর গ্রন্থ তাঁহার অন্ততঃ ধার করিয়া লইয়া একবার পাঠ করেন। প্রত্যেক বঙ্গ গৃহে এই পুস্তক আদৃত হোক, ইহাই আমাদের ইচ্ছা।”

আত্মশক্তি, ২৮শে পৌষ, ১৩৩৪ সাল।

৭। “\*\*\* অবিনাশবাবুর গ্রন্থখানি পড়িয়া কিন্তু যথার্থই তৃপ্তি পাইলাম। গিরিশচন্দ্রের মত মনীষীর চরিত্রকে বুঝিতে ও বুঝাইতে হইলে যে একান্ত অধ্যবসায় ও একনিষ্ঠ শ্রমের প্রয়োজন, অবিনাশবাবুর তাহা ত আছেই, তাহা ছাড়া তাঁহার লিপিনৈপুণ্যের গুণে গিরিশচন্দ্রের জীবন-কথা পরম সুখপাঠ্য হইয়া উঠিয়াছে। \*\*\*

বাঙ্গালার কথা, ১৬ই মাঘ, ১৩৩৪ সাল।

৮। “\*\*\* গিরিশচন্দ্রের জীবনী রচনায় অবিনাশবাবুর যোগ্যতা সম্বন্ধে সন্দেহ প্রকাশ করিবার উপায় নাই। কারণ তিনি ছিলেন স্বর্গীয় নাট্যকারের পাশ্চাত্যসহচর। \*\*\* অবিনাশবাবু যে দায়কালব্যাপী অশ্রান্ত পরিশ্রমে কাতর হন নি, এই বিরাট গ্রন্থখানি সে প্রমাণ দিচ্ছে। \*\*\* ও উপাদান সংগ্রহে তাঁর বাহাদুরী আছে বটে—কোন পাথর উন্টাতেই তিনি বাঁকি রাখেন নি।”

নাচঘর, ৪ঠা ফাল্গুন, ১৩৩৪ সাল।

“\*\*\* However, what it is, at present, in one word, Abinash Babu's “Girish Chandra” is an encyclopedia of informations about the Bengali Stages and its father. Every Bengalee should have a copy of this in his private Library.”

The Amrita Bazar Patrika, 8th January, 1928.

১০। “\*\*\* The author was one of the close followers of the great master and has thus been able to write it with an almost Boswellian thoroughness and accuracy. \*\*\* It is a very great book and will more than repay perusal.” Forward, 27th May, 1928.

প্রাপ্তিস্থান—গুরুদাস চট্টোপাধ্যায় এণ্ড সন্স,

২০৩/১১ কর্ণওয়ালিস স্ট্রীট,—কলিকাতা।

